

বঙ্গীয়
লোক-সঙ্গীত রত্নাকর

বাংলার লোক-সঙ্গীতের কোষ-গ্রন্থ

(An Encyclopaedia of Bengali Folk-song)

চতুর্থ খণ্ড

ভ—হ

Donated by
Ideal Society of Youth
Uttarpara

ডক্টর শ্রী আশুতোষ ভট্টাচার্য, এম. এ. ; পি.-এইচ., ডি.

কলিকাতা বিশ্ববিদ্যালয়ের বাংলা সাহিত্যের প্রাক্তন রবীন্দ্রনাথ ঠাকুর
অধ্যাপক ও আধুনিক ভারতীয় ভাষা সাহিত্য বিভাগের অধ্যক্ষ
ঢাকা বিশ্ববিদ্যালয়ের বাংলা বিভাগের, ভূতপূর্ব অধ্যাপক,
নয়াদিল্লী কেন্দ্রীয় সঙ্গীত নাটক আকাদেমির রত্নসদস্য
কর্তৃক সংকলিত



এ মুখার্জী অ্যান্ড কোম্পানী প্রাঃ লিমিটেড

২ বঙ্কিম চ্যাটার্জী স্ট্রীট, কলিকাতা-৭০০০৭৩

প্রকাশক :

নিভা মুখোপাধ্যায়

ম্যানেজিং ডিরেক্টর

এ. মুখার্জী অ্যান্ড কোং প্রাঃ লিঃ

২ বঙ্কিম চ্যাটার্জী স্ট্রীট, কলিকাতা-৭৩

প্রথম সংস্করণ, ১৩৬৭ (ইং ১৯৬০)

পুনর্মুদ্রণ ১৩৮৩ (ইং ১৯৭৭)

মুদ্রাকর :

শ্রীমন্নথ নাথ পান

নবীন সরস্বতী প্রেস

১৭, ভীম ঘোষ লেন, কলিকাতা-৬

প্রথম সংস্করণের

নিবেদন

‘বঙ্গীয় লোক-সঙ্গীত’ রচয়িতা বা বাংলা লোক-সঙ্গীতের কোষগ্রন্থ চতুর্থ খণ্ড প্রকাশিত হইল। ইহাই এই গ্রন্থের সর্বশেষ খণ্ড। ইহাতে ‘ভ’ হইতে ‘হ’ আন্তর অক্ষরযুক্ত বাংলার লোক-সঙ্গীত স্থান পাইল। তদুপরি ইহার পরিশিষ্টে (পরিশিষ্ট—ক) একটি ‘মংযোজন’ যুক্ত করা হইল; তাহাতে বিভিন্ন খণ্ডে যে বাংলা লোক-সঙ্গীত পূর্বে যথাস্থানে উদ্ধৃত হইতে পারে নাই, বর্ণানুক্রমিক তাৎপাদ্যকে যোগ করা হইল। ‘বাংলার লোক-সঙ্গীতের সুর-বিচার’ শীর্ষক একটি আলোচনাও পরিশিষ্টে (পরিশিষ্ট—খ) যুক্ত হইল। কারণ, সঙ্গীতগুলির পরিচয় দিতে গিয়া ইহাদের সুরের বিষয় এই পর্যন্ত কিছুই বলা হয় নাই, অথচ সুরের মধ্যেই সঙ্গীতের প্রাণ-প্রতিষ্ঠা হয়। কয়েকটি পল্লী-সঙ্গীতের স্বরলিপিও ইহার পরিশিষ্টে (পরিশিষ্ট—গ) যুক্ত হইল। স্থানাভাববশত বিস্তৃততর স্বরলিপি দেওয়া সম্ভব হইল না। একথা স্বীকার করিতেই হইবে যে, পল্লী-সঙ্গীতের স্বরলিপি রচনা করিবার কার্য অত্যন্ত দুর্লভ, ইহাদের সুর পল্লীবাসীর এমনই নিজস্ব যে তাহা শহুরে সুরকারদিগের কণ্ঠে কখনও সম্পূর্ণ ধরা দেয় না, সুতরাং তাহারা যে স্বরলিপি রচনা করেন, তাহা দ্বারা ইহাদের সুর সম্পর্কে একটি সাধারণ ধারণা সৃষ্টি হইলেও তাহাতে ইহাদের যথার্থ চরিত্রটি সম্যক প্রকাশ পায় না। সর্বশেষে ইহার পরিশিষ্টে (পরিশিষ্ট—ঘ) ‘বাংলার লোক-নৃত্যের বর্ণানুক্রমিক একটি সংক্ষিপ্ত পরিচয় প্রকাশিত হইল। কারণ, সঙ্গীতগুলির পরিচয় দিতে গিয়া অনেক ক্ষেত্রেই ইহাদের সঙ্গে, সংশ্লিষ্ট কোন কোন নৃত্যেরও উল্লেখ করা হইয়াছে; সুতরাং এই লোক-নৃত্যগুলির পটভূমিকাতেই লোক-সঙ্গীতগুলি জানা আবশ্যক। গ্রন্থের কলেবর বৃদ্ধির ভয়ে লোক-নৃত্যের আলোচনা স্বভাবতই সংক্ষিপ্ত হইল।

এই খণ্ডের প্রারম্ভেই কয়েকটি প্রচলিত লোক-সঙ্গীতের বাণ্যযন্ত্রের চিত্র দেওয়া হইল। পল্লীবাংলার প্রাচীন বাণ্যযন্ত্রগুলির অধিকাংশই লুপ্ত হইয়া গিয়াছে; যাহা এখনও আছে, তাহাদেরও আকৃতি এবং ব্যবহার দ্রুত পরিবর্তিত হইতেছে। বাংলার প্রাচীন সাহিত্য বিশেষত মঙ্গলকাব্যে বহুসংখ্যক বাণ্য-যন্ত্রের উল্লেখ পাওয়া যায়; তাহাদের অধিকাংশেরই আজ আর কোন সন্ধান

পাওয়া যায় না। যাহাদের সন্ধান পাওয়া যায়, তাহাদেরও প্রয়োগ পদ্ধতি পরিবর্তিত হইয়াছে। তথাপি যে কয়টি মাত্র বাগ্মন্ত্রের চিত্র প্রকাশিত হইল, তাহাদের মধ্য দিয়াই বাংলার নিজস্ব বাগ্মন্ত্রগুলি সম্পর্কে এখনও কিছু ধারণা করা যাইতে পারিবে।

এই খণ্ডটি পরিকল্পিত গ্রন্থের সর্বশেষ খণ্ড বলিয়াই ইহার উদ্ধৃতি প্রায় সর্বত্রই সংক্ষিপ্ত করিতে হইয়াছে, স্থানাভাবে বহু উদ্ধৃতি পরিত্যক্ত হইয়াছে, তথাপি কোন প্রয়োজনীয় বিষয় যাহাতে ইহার মধ্যে একেবারেই বাদ পড়িয়া না যায়, সেদিকেও লক্ষ্য রাখিয়াছি।

ইহার মধ্যে যে সকল গানের পরিচয় দেওয়া হইয়াছে, তাহাদের মধ্যে ভাওয়াইয়া, ভাটিয়ালী, ভাছু, মুণিঝা, যাত্রাগানই প্রধান। ভাওয়াইয়া উত্তর বাংলার সর্বাধিক জনপ্রিয় লোকসঙ্গীত। কোন আঞ্চলিক বিষয়-বস্তু কিংবা সমসাময়িক কোন ঘটনা ইহার উপজীব্য না হইয়া নর-নারীরশাখত-প্রেমালুভূতি ইহার নির্ভর বলিয়া ইহা আঞ্চলিক হওয়া সত্ত্বেও সর্বত্র সমান সমাদর লাভ করিয়াছে। উত্তর বাংলার অধিবাসী পল্লীগীতির সুপ্রসিদ্ধ গায়ক মৌলভি আব্বাসউদ্দীন এই গান বাংলার সঙ্গীত-রসিকদিগের সমাজে সুপরিচিত করিয়াছেন। ভাওয়াইয়া গানের আর একটি প্রধান বিশেষত্ব এই যে, প্রেম-সঙ্গীত হওয়া সত্ত্বেও ইহার মধ্যে রাধাকৃষ্ণের নাম প্রবেশ করিতে পারে নাই। রাধাকৃষ্ণের প্রণয়-কাহিনীর মধ্যে যে মানবিক-প্রেরণাই থাকুক না কেন, একটি সুনির্দিষ্ট কাহিনীর ধারা অনুসরণ করিয়া ইহা রচিত হয়, ইহার পটভূমিকায় যমুনা, বৃন্দাবন, জটিল কুটীলা ইত্যাদির কতকগুলি চিত্র অবিচল হইয়া আছে। সেইজন্য ভাব-গভীরতা সত্ত্বেও ইহার বৈচিত্রাহীন হইয়া উঠে। কিন্তু উত্তর বাংলার ভাওয়াইয়া গান রাধাকৃষ্ণের কাহিনী নিঃসম্পর্কিত রচনা বলিয়া তেমন সুনির্দিষ্ট কোন অবিচল পটভূমিকা তাহাতে রচিত হয় নাই। সেইজন্য ইহাদের মধ্যে চিত্রগত বৈচিত্র্য সৃষ্টির কোন বাধা হইতে পারে নাই। কখনও প্রবাসী সাধু বা সদাগর, কখনও মৈয়াল, কখনও রাখাল, কখনও মাহুত, কখনও তিস্তা নদীর মাঝি ইহাদের নায়ক হইয়া থাকে, বিভিন্ন পরিবেশের মধ্যে ইহাতে নানা বৈচিত্র্য-সৃষ্টির অবকাশ হয়।

ভাটিয়ালী বাংলার পল্লী-সঙ্গীতের এক অতি প্রাচীন সুর। পূর্ববঙ্গের বিশেষ প্রকৃতি অনুযায়ীই সেখানেই ইহার উৎপত্তি এবং বিকাশ হইয়াছে, পশ্চিম কিংবা উত্তর বাংলায় ইহা নানাভাবে প্রচার লাভ করিলেও ইহা সেখানের জল-

বায়ুতে স্বাক্ষরিত হইতে পারে নাই। ভাটিয়ালীর মধ্যে রাধাকৃষ্ণের নাম এবং নানা তত্ত্বকথা প্রবেশ করিয়াছে, পূর্ববাংলার বাউল, বৈরাগ্য এবং দেহতত্ত্বের গান ভাটিয়ালী সুরেই গীত হয়—ভাওয়াইয়ার মত ইহা কেবলমাত্র প্রেমসঙ্গীত প্রচারক নহে। বিষয়ের দিক দিয়া বাংলার সকল লোক-সঙ্গীতের মধ্যে ইহা বৈচিত্র্যপূর্ণ। ইহা বাংলা দেশের একটি মৌলিক সুর, ইহা আশ্রয় করিয়া পরবর্তী কালে লোক-সঙ্গীতের বিভিন্ন সুরের সৃষ্টি হইয়াছে।

বর্তমান খণ্ডে কিছু বেশি সংখ্যক মুর্শিদাবাদ প্রকাশিত হইল। এই গান-গুলি পূর্বে প্রায় কোথাও প্রকাশিত হয় নাই, প্রায় চল্লিশ বৎসর পূর্বে ইহারা সংগৃহীত হইয়াছিল। যে সূফীধর্ম অবলম্বন করিয়া ইহারা উৎপত্তি এবং বিকাশ লাভ করিয়াছিল, তাহা আজ বহুল পরিমাণে জনপ্রিয়তা হইতে বঞ্চিত বলিয়া ইহাদের প্রচারও ক্রমে লুপ্ত হইয়া যাইতেছে; অথচ কি ভাবে একদিন নিরক্ষর জনসাধারণের মধ্যে যে ইসলাম ধর্ম প্রচার লাভ করিয়াছিল, ইহাদের মধ্য দিয়া তাহা অল্পভব করা যায়। সূফীধর্মের মধ্যে একটি সময়ের ভাব আছে; বাংলার মৌলিক ধর্মচেতনার সঙ্গে ইহার অন্তরগত কোন বিরোধ ছিল না বলিয়াই ইহা সেদিন হিন্দু-মুসলমান নির্বিশেষে সাধারণ বাঙ্গালীর নিকট সার্থক আবেদন সৃষ্টি করিয়াছিল, এই গানগুলির মধ্যে অনেক ক্ষেত্রেই যে সর্বজনীন আবেদন প্রকাশ পাইয়াছে, তাহাতেই ইহারা সাম্প্রদায়িকতার উর্ধ্বে উঠিয়া গিয়াছে, রাধাকৃষ্ণের নাম ইহাদের মধ্যে গৃহীত হইতেও কোন বাধা হয় নাই।

যাত্রাগান সম্পর্কেও বর্তমান খণ্ডে বিস্তৃত আলোচনা করা হইয়াছে; কারণ, যাত্রা বাংলার লোক-নাট্য ও লোক-সঙ্গীতের এক মিশ্র অঙ্কন, ইহা বাঙ্গালীর লোক-সংস্কৃতির একটি বিশিষ্ট রূপ।

‘বঙ্গীয় লোক-সঙ্গীত রত্নাকরে’র চারিখণ্ডে প্রকাশিত উপকরণগুলি সামগ্রিকভাবে বিচার করিয়া দেখিলে বাংলার জন-জীবনের কতকগুলি অনাবিস্কৃত তথ্যের সন্ধান পাওয়া যাইবে। ইহাতে দেখা যাইবে, দেশে সর্বব্যাপী নিরক্ষরতা সত্ত্বেও কি ভাবে রামায়ণ-মহাভারত-পুরাণের কাহিনী সর্বত্র বিস্তার লাভ করিয়াছে। বাংলার চতুঃপার্শ্ববর্তী অঞ্চলের অধিবাসী ভিন্ন ভাষাভাষী আদিবাসী সমাজেও কি ভাবে বাংলা ভাষার মাধ্যমে পুরাণ-কাহিনী প্রচারিত হইয়াছে; -রামলীলা, হরগৌরী এবং রাধাকৃষ্ণের কাহিনী বাঙ্গালীর সমাজ-জীবনের বিভিন্ন স্তরে কি ভাবে নিজেদের স্বাক্ষর রাখিয়াছে। ইহা হইতেই বুঝিতে পারা যাইবে, বাংলার জনসাধারণকে আমরা নিরক্ষর মনে করিলেও মূখ্য মনে

করিতে পারি না ; কারণ, যাহারা বাউল, মুর্শীদা, দেহতত্ত্ব, গুরুবাদী ইত্যাদি গভীর দার্শনিক তত্ত্বমূলক সঙ্গীত রচনা করিয়া শিষ্যপরম্পরায় তাহা প্রচার করিয়া আসিয়াছে, তাহারা আর যাহা হউক, মূর্খ বলিয়া অবজ্ঞার পাত্র নহে। বাদ্গালীর ধর্মচিন্তার যে এক সূক্ষ্ম ধারা জন-মানসের মধ্য দিয়া অগ্রসর হইয়া গিয়া বাদ্গালীর আধ্যাত্মিক সাধনার বিশেষত্ব প্রমাণিত করিয়াছে, তাহাও সংগৃহীত লোক-সঙ্গীতগুলির ভিতর দিয়া উপলব্ধি করা যায়। বাংলার সাধারণ জনগণের সামাজিক এবং আধ্যাত্মিক-সাধনার ইতিহাসে এই সকল অলিখিত উপকরণ কিছুতেই অবজ্ঞাত হইতে পারে না। অথচ সংগ্রহ এবং শৃঙ্খলার সঙ্গে তাহা প্রকাশ করিবার অভাবে এই পর্যন্ত কেহই ইহাদিগকে এই কার্যে ব্যবহার করিতে পারেন নাই। ‘বঙ্গীয় লোক-সঙ্গীত রত্নাকর’ সেই অভাব অনেকখানি পূর্ণ করিতে পারিবে বলিয়া আশা করা যাইতে পারে।

বর্তমান খণ্ডে প্রকাশিত স্বরলিপিশুলি খ্যাতনামা লোক-সঙ্গীত গায়ক শ্রীমন্মথলাল দাস রচনা করিয়াছেন। অধিকাংশ সঙ্গীতের সংগ্রহ কালেক্টর কলিকাতা বিশ্ববিদ্যালয়ের আমার ছাত্রাছাত্রীগণ সাহায্য করিয়াছেন। সারগাছি রামকৃষ্ণ মিশন বুনিয়াদি শিক্ষক-শিক্ষণ বিদ্যালয়ের ছাত্রগণের নিকট হইতেও এই কার্যে সাহায্য লাভ করিয়াছি। ডক্টর শ্রীঅজয়কুমার চক্রবর্তী, যোগেশচন্দ্র চৌধুরী এবং সিরাজুদ্দিন কাশীমপুরীর সংগ্রহ হইতেও সাহায্য পাইয়াছি। পশ্চিমবাংলা সরকারের বনবিভাগের সংরক্ষক (Conservator) আমার প্রাক্তন ছাত্র শ্রীকৃষ্ণচন্দ্র রায়চৌধুরী সংগ্রহকার্যে সাহায্য করিয়াছেন। মূদ্রণ ব্যাপারে আমার স্নেহাস্পদ ছাত্র অধুনা অধ্যাপক শ্রীসনৎ কুমার মিত্রও নানাভাবে আমাকে সাহায্য করিয়াছেন। জাতীয় সঙ্গীত নাটক আকাদেমির অর্থসাহায্যে ইহা মুদ্রিত হইয়াছে বলিয়া ইহার মূল্য এত স্থলভ করা সম্ভব হইয়াছে।

কলিকাতা বিশ্ববিদ্যালয়

বাংলা বিভাগ

দীপাঙ্কিতা, ১৩৬৭ সাল

শ্রীআশুতোষ ভট্টাচার্য.

বিষয়-সূচী





বিষয়	পৃষ্ঠা	বিষয়	পৃষ্ঠা
ভক্তিগীতি, ভক্তিমূলকগান	১৫৩৭	মকর কীর্তন	১৬৪২
ভক্ত্যানাচের গান	১৫৪৮	মঙ্গল গান	১৬৪২
ভজন গান	১৫৪৮	মনঃশিক্ষার গান	১৬৫৫
ভবানীবিষয়ক গান	১৫১৩	মনসার গান	১৬৫৬
ভবানী মঙ্গল	১৫৫৪	মনসা মঙ্গল	১৬৬০
ভাইফোঁটার গান	১৫৫৪	মনসার জাত, জাতমঙ্গল	১৬৬১
ভাণ্ডাইয়া গান	১৫৫৫	মনোহরসাহী	১৬৬১
ঐ ভাষা	১৫৭১	মন্দারিণী	১৬৬২
ভাঁজের গান	১৫৭১	ময়নামতীর গান	১৬৬২
ভাঁজের গান	১৫৭৮	মর্শিয়া গান	১৬৬২
ভাটিয়ালি	১৫৭২	মহরমের গান	১৬৬৪
ভাঁড়ষাত্রা	১৫৭২	মহ্মের গান	১৬৬৪
ভাবগান	১৫৮০	মহীপালের গান	১৬৬৫
ভাটিয়ারি	১৫৮৩	মহুয়া	১৬৬৭
ভাটির গান	১৬০৫	মলুয়া	১৬৬৮
ভাতকাপড়ের গান	১৬০৫	মাগনের গান	১৬৬৯
ভাঙ্গুগান	১৬ ৬	মাঘমণ্ডল ব্রতের গান	১৬৬৯
রাধাকৃষ্ণ বিষয়ক	১৬০৮	মাঝির গান	১৬৭০
রামায়ণ বিষয়ক	১৬১৫	মাঠের গান	১৬৭০
বিবিধ পৌরাণিক	১৬২১	মাণিক চাকলদার কমলার পালা	১৬৭২
সমসাময়িকী	১৬৩০	মাণিকপীরের গান	১৬৭৩
বিজয়া	১৬৩৮	মাঝি গান	১৬৭৪
ভাটুই গান	১৬৪০	মাণিক্যমিত্রের গান	১৬৭৫
ভাটুরিয়া ঝুমুর	১৬৪০	মাদার নামা সারিগান	১৬৭৫
ভাটুলী ব্রতের গান	১৬৪১	মাদলনাচের গান	১৬৭৭
ভাসান গান	১৬৪২	মালসী গান	১৬৭৮
ভাসান ষাত্রী	১৬৪১	মারফতী গান	১৬৭৮
ভূতের গান	১৬৪৮	মাহুত বন্ধুর গান	১৬৭৯

বিষয়	পৃষ্ঠা	বিষয়	পৃষ্ঠা
মিলন গান	১৬৮০	রাণীহাটি, রেণেটি	১৭৮৬
মুকুটরায়ের গান	৬৮০	রামপ্রসাদী গান	১৭৮৭
মুশীছা পালাগান	১৬৮১	রামায়ণ গান	১৭৮৮
মেঘমতী কল্লার পালাগান	১৭১৭	রামযাত্রা	১৭৯১
মেচিনি খেলার গান	১৭১৭	রূপবতীর পালাগান	১৭৯২
মেলার গান	১৭১৮	রামলীলা ঝুমুর	১৭৯৩
মেয়েলী গীত	১৭২০		
‘মৈমনসিং গীতিকার’	১৭২১	লগ্নপত্রের গান	১৭৯৪
মেয়েলী রামায়ণ	১৭২১	লাগাড় গান	১৭৯৪
মৈষাল বন্ধুর গান	১৭২২	লাঙল চষার গান	১৭৯৮
		লাচাড়ী	১৭৯৯
		লালন ফকিরের গান	১৮০০
যাওয়া গান, যাওয়া নাচের গান	১৭২৩	লীলাকীর্তন	১৮০০
যাত্রা গান	১৭২৪	লীলার বারমাসী	১৮০০
নিমাই সন্ন্যাস যাত্রা	১৭৩৯	লেটোগান	১৮০২
যাত্রামঙ্গলের গান	১৭৬৪		
যুগীযাত্রা	১৭৬৪	শব্দগান	১৮১৩
যোগের গান, যোগশাস্ত্রের গান	১৭৬৬	শারদোৎসবের গান	১৮৪৫
		শিবের গান	১৮৪৬
রঙ	১৭৭০	শিলারির গান	১৮৪৭
রঙ পাঁচালী	১৭৭২	শীতলা পূজার গান	১৮৪৮
রতন ঠাকুরের পালা	১৭৮১	শীতলা শাহের গান	১৮৪৮
রম্যসঙ্গীত	১৭৮১	শীতলা-মঙ্গল গান	১৮৪৯
রয়ানী গান	১৭৮৩	শীলাদেবীর পালাগান	১৮৫০
রাখালী সঙ্গীত	১৭৮৪	শোক-সঙ্গীত	১৮৫১
রাজকথা ও আশ্চর্যকর পালা	১৭৮৫	শোলোক গান	১৮৫২
রাজা তিলক বসন্তের পালা	১৭৮৫	শ্রীকৃষ্ণকীর্তন	১৮৫৭
রাজা রঘুর পালাগান	১৭৮৬	শ্রামাসঙ্গীত	১৮৬৬

বিষয়	পৃষ্ঠা	বিষয়	পৃষ্ঠা
ষষ্ঠীর পাঁচালী	১৮৭০	হাপু গান	১২২২
ষষ্ঠীত্রয়ের গান	১৮৭০	হাক্ আখ্ ডাই	১২৩০
ষষ্ঠীমঙ্গল গান	১৮৭০	হাবু গান	১২৩২
		হাসির গান	১২৩৩
		হিজড়ের গান	১২৩৪
সঙের গান	১৮৭৩	হীরালাল পদ্মমণি কন্ঠার পালা	১২৩৪
সংকীৰ্তন	১৮৭৪	হৃদয় গান	১২৩৫
সত্যপীরের পাঁচালী	১৮৭৫	হোলবোল	১২৩৬
সরমালার পালা	১৮৮২	হোলীগান	১২৩৮
সমসাময়িক গান	১৮৮৩	হোসনের পাঁচালী	১২৩৯
সহজিয়া গান	১৮৮৫	পরিশিষ্ট ক—সংযোজন	
সহেলার গান	১৮৮৫		
সাখী গান	১৮৮৭	অনাদিমঙ্গল	১২৪১
সাপুড়ের গান	১৮৯৩	অষ্টমঙ্গল	১২৪১
সাঁওতালি গান	১৮৯৪	ইউসুখ জোলেখার পালা	১২৪১
সারিগান	১৮৯৬	উদাসীর গান	১২৪৩
সুন্দরী ছইফার পালাগান	১২২২	কলহাস্তুরিতা	১২৪৩
সুফীগান	১২২২	কালিকা-মঙ্গলের গান	১২৪৪
সোনাবিবির পালা	১২২৩	কেল্লী	১২৪৪
সোনারায়ের পালাগান	১২২৪	খড়নী, খুঞ্জরী	১২৪৪
স্বদেশী গান	১২২৪	খমক	১২৪৫
শোত্র গান	১২২৫	গুলেবকা ওলীর পালাগান	১২৪৫
		ভাবের গান	১২৪৭
		চণ্ডীমঙ্গলের গান	১২৪৭
হরিভক্তির গান	১২২৭	চৌতিশা	১২৪৮
হাতিখেদার গান	১২২৮	ছয়মাসী	১২৪৯
হালকার গান	১২২৮	টনসা যাত্রা	১২৪৯
হাল্দা ফাটা গান	১২২৮	ডমরু	১২৪৯

বিষয়	পৃষ্ঠা	বিষয়	পৃষ্ঠা
পালটিয়া ষাট্রা	১২৪২	জাওয়া নাচ	২০০০
ভাঙুরার দ্বিরাগমন	১২৫০	জারি নাচ	২০০১
বৈরাগ্যের গান	১২৫০	ঝুমুর	২০০১
মর্দল, মুরজ, মৃদঙ্গ	১২৫৬	টুঙ্গ নাচ	২০০২
মহুচেহের মাসুমা পরীর গান	১২৫৬	ঢাকী নাচ	২০০২
মধুমালতীর পালাগান	১২৫৭	ঢালী নাচ	২০০২
লায়লা মজমুর পালাগান	১২৫৭	দশাবতার নাচ	২০০৩
খ-স্বর-বিচার	১২৫৯	দাড়শালী নাচ	২০০৩
গ-স্বরলিপি	১২৮০	ধামালী	২০০৩
ঘ-বঙ্গীস্বলোক-নৃত্যকোষ	১২৯১	নাটুয়া নাচ	২০০৪
আচার নৃত্য	১২৯১	পাইক নৃত্য	২০০৪
আদিবাসীর নৃত্য	১২৯২	পাতা নাচ	২০০৪
ইদপরবের নাচ	১২৯২	পুতুল নাচ	২০০৫
ওঝার নাচ	১২৯৩	প্রাচীন পদ্ধতি নৃত্য	২০০৫
একক নৃত্য	১২৯৩	বাউল নাচ	২০১১
করম নাচ	১২৯৪	বাঘ নাচ	২০১২
কাঠি নৃত্য	১২৯৫	বৌ নাচ	২০১২
কাচ নৃত্য	১২৯৫	ব্রতনৃত্য	২০১৩
কার্তিক পূজার নাচ	১২৯৬	ভাঙ্ক নাচ	২০২১
কালীকাচ	১২৯৬	ভাঁজো নৃত্য	২০২১
কালীনচ	১২৯৭	ভুয়াঙ্ক নাচ	২০২২
খেমটা নাচ	১২৯৭	মাছধরা নাচ	২০২২
গব নাচ	১২৯৭	মাদার নৃত্য	২০২২
গম্ভীর নাচ	১২৯৮	মুখোস নৃত্য	২০২৩
গাজন নৃত্য	১২৯৮	মেচেনী নাচ	২০২৭
গিদালীর নাচ	১২৯৯	মেয়েলী নৃত্য	২০২৮
গোপিনী নৃত্য, গোপিনী খেলা	১২৯৯	যুদ্ধ নৃত্য	২০৩৪
ঘাটু নাচ	২০০০	রাবণ-কাটা নৃত্য	২০৪২
ঘোড়া নাচ	২০০০	রায় বেঁশে	২০৪২
ছো নাচ, ছো নাচ	২০০০	শবখেলা নৃত্য	২০৪২
		সঙের নৃত্য	২০৪২
		লেটো নৃত্য	২০৪২
		সারি নৃত্য	২০৪৩
		ছদ্ম দেও নৃত্য	২০৪৭

বঙ্গীয় লোক-সঙ্গীত রত্নাকর, ৪র্থ খণ্ড





লোক-সঙ্গীতের বাজযন্ত্র

ধামসা
মৃদঙ্গ

ঘড়ুর
মাদল

বঙ্গীয় লোক-সঙ্গীত রত্নাকর, ৪র্থ খণ্ড




লোক-সঙ্গীতেব বাগযন্ত্র

শিঙা

ঢোল

বঙ্গীয় লোক-সঙ্গীত রত্নাকর, ৪র্থ খণ্ড



লোক-সঙ্গীতের বাজ্যযন্ত্র


গাবণ্ডবাণ্ড

বাঁশী

একতারা

দোতারা

বঙ্গীয় লোক-সঙ্গীত রত্নাকর, ৪র্থ খণ্ড




লোক-সঙ্গীতের বাজ্যযন্ত্র

করতাল
কাঁসর

সারিন্দা

মন্দিরা
কাঁদী

বঙ্গীয় লোক-সঙ্গীত রত্নাকর, ৪র্থ খণ্ড



লোক-সঙ্গীতের বাস্তবযন্ত্র

টিকারা লাউ ঢোলক

বাক-সঙ্গীত সংগ্রহের আশয়





ভক্তীগীতি, ভক্তিমূলক গান

ভক্তীগীতি বা ভক্তিমূলক গান বলিতে প্রধানত তিন শ্রেণীর গান বুঝাইতে পারে, প্রথমত কৃষ্ণভক্তি, দ্বিতীয়ত কালীভক্তি, তৃতীয়ত গুরুভক্তি। কৃষ্ণভক্তির মধ্যে হরিভক্তি এবং অত্যাশ্রয় ভগবদ্ভক্তি মূলক সাধারণ গান বুঝায়। চৈতন্য ধর্মের প্রবর্তনের পূর্ব হইতেই এই শ্রেণীর গান প্রচলিত থাকিলেও চৈতন্যের আবির্ভাবের পর ইহাদের মধ্যে নতন প্রাণশক্তি সঞ্চারিত হয়। খৃষ্টীয় অষ্টাদশ শতকে যে এক শ্রেণীর ভক্তিমূলক গানের উদ্ভব হয়, তাহাদিগকে কালীভক্তিমূলক গান, বা শ্রামাসঙ্গীত বলিয়া উল্লেখ করা হয়। তাত্ত্বিক সাধনার পথ ধরিয়া এই ভক্তির প্রথম বিকাশ দেখা গেলেও বৈষ্ণব ধর্মের ভক্তিবাদের প্রভাবে ইহারা এক নূতন রূপ লাভ করে। কবিরঞ্জন রামপ্রসাদ ইহাদের প্রথম রচয়িতা। এই দুই শ্রেণীর ভক্তীগীতির অতিরিক্তও আরও এক শ্রেণীর অল্পরূপ গীতি ব্যাপক প্রচলিত আছে, তাহা গুরুভক্তিমূলক গান। এই শ্রেণীর সঙ্গীতের ভিতর দিয়া দেখা যায়, ভক্তিমূলক গানে কৃষ্ণ কিংবা শ্রামা যে স্থান অধিকার করিয়াছেন, ইহাতে ধর্মীয় গুরু বা মন্ত্রদাতা সেই স্থান অধিকার করিয়াছেন। ইহাদিগকে সাধারণত গুরুবাদী সঙ্গীত বলা হয়, কিন্তু তাহা সত্বেও সাধারণ গুরুভক্তিমূলক গানের সঙ্গে গুরুবাদী সঙ্গীতের সামান্য একটু পার্থক্য আছে। ভক্তির গানে কেবলমাত্র নিবিচার আত্মনিবেদনের কথাই পাশ পায়, সেই দিক দিয়া রবীন্দ্রনাথের ‘গীতাঞ্জলি’ও আধুনিক ভক্তীগীতির যে উল্লেখযোগ্য নিদর্শন। গুরুভক্তিমূলক গানে গুরুর প্রতি একান্ত আনিবেদনের ভাবটি প্রকাশ পায়। গুরু অনেক সময় দৈবের সঙ্গে অভিন্নও গণ্য হইলেন; সেইজন্য গুরুভক্তি মূলক গান সাধারণত বৈষ্ণবী ভক্তি দ্বারা প্রভাবিত। বিষয়টি একটু বিস্তৃত ভাবে আলোচনার যোগ্য।

ভারতীয় আধ্যাত্মিক বিশ্বাসের নানা বিচিত্র পথ ধরিয়া ক্রমে এই দেশের ধর্মচিন্তায় গুরুবাদ প্রবেশ লাভ করিয়াছে। বৈদিক যুগে গুরু বলিতে একমাত্র আচার্য গুরুকেই বুঝাইত। আচার্যগুরু শিক্ষাগুরু, কিন্তু তিনি আধ্যাত্মিক

সাধনার ক্ষেত্রে গুরু নহেন। বৈদিক যুগের পূর্ববর্তী কাল হইতে যে যোগধর্ম ভারতবর্ষে প্রচারিত ছিল, তাহাও মূলত গুরুবাদী ছিল না; কিন্তু কালক্রমে ইহা পরবর্তী নানা ধর্মমতের সম্মুখীন হইয়া প্রবল গুরুবাদী ধর্মরূপে পরিণত হইয়াছিল। মনে হয়, বৌদ্ধধর্মের প্রবর্তনের সময় হইতেই ভারতীয় আধ্যাত্মিক সাধনায় গুরুবাদ সর্বপ্রথম বিকাশ লাভ করিতে আরম্ভ করে। কারণ, বৌদ্ধধর্ম ব্যক্তি বিশেষ কর্তৃক প্রতিষ্ঠিত ধর্ম, হিন্দুধর্মের মত অপৌরুষেব ধর্ম নহে। বুদ্ধদেব তাঁহার জীবিতকালেই যে কয়জন তাঁহার বিশিষ্ট শিষ্যকে দীক্ষা দান করিয়া নিজের সম্প্রদায়ভুক্ত করিয়াছিলেন, তাঁহাদের সময় হইতেই এদেশে গুরুবাদের প্রথম আবির্ভাব হইল। বুদ্ধদেব শিষ্যগণের নিকট প্রথমত গুরু এবং পরে স্বয়ং ভগবানের স্থান অধিকার করিয়াছিলেন; তাহার পর হইতেই বুদ্ধ শিষ্যগণই গুরুর স্থান অধিকার করিয়াছিলেন, তাহার পর হইতে বুদ্ধ শিষ্যগণই গুরুর স্থান অধিকার করিয়া তাঁহাদের শিষ্যমণ্ডলী গড়িয়া তুলিতে লাগিলেন। এইভাবে গুরুপরম্পরার সৃষ্টি হইল।

কিন্তু ব্যক্তিবিশেষ কর্তৃক প্রতিষ্ঠিত ধর্ম হইলেই যে তাহাতে গুরুবাদের প্রতিষ্ঠা হইবে, এমন কোন কথা নাই। ইসলাম ধর্মও ব্যক্তিবিশেষ প্রবর্তিত ধর্মমত, কিন্তু তাহাতে গুরুবাদ জন্ম লাভ করিতে পারে নাই। খ্রীষ্টান ধর্মের মধ্যেও প্রাচীন রোমান ক্যাথলিক ধর্মে গুরুবাদের সূচনা দেখা দিলেও মধ্যযুগে ইউরোপ ব্যাপী যে ধর্মসংস্কারমূলক আন্দোলন গড়িয়া উঠিয়াছিল, তাহার ফলে খৃষ্টান সমাজ হইতে গুরুবাদের প্রায় উচ্ছেদ হইয়া গিয়াছিল। কিন্তু ভারতবর্ষে বৌদ্ধধর্মের পর হইতেই ধর্মীয় সাধনায় গুরুবাদের ধারা ক্রমেই বিকাশ লাভ করিয়া চলিয়াছে। এমন কি, ক্রমে ইসলাম ধর্মের মধ্য হইতেও উদ্ভূত সূফী সাধনায় গুরুবাদ একটি মুখ্য স্থান অধিকার করিয়া লইয়াছিল। অবশ্য সূফী মতবাদ ভারতবর্ষের বাহিরেই উদ্ভূত হইয়াছিল, কিন্তু মধ্যযুগে ভারতবর্ষে প্রচার লাভ করিবার পর দেখিতে পাওয়া গেল, ভারতের জলবায়ু ইহার বিকাশের পক্ষে অত্যন্ত অসুকূল। সেইজন্ত অতি অল্পদিনের মধ্যেই ইহা সহজেই পাঞ্জাব হইতে বাংলা, এমন কি, আসাম পর্যন্ত বিস্তার লাভ করিল। ভারতবর্ষে বৌদ্ধধর্মের সঙ্গে যে সকল ধর্মমতের গোণ সম্পর্কও ছিল, তাহাদের মধ্যে গুরুবাদ প্রবল আকারে আত্মপ্রকাশ করিল। ইহার একটি প্রধান কারণ এই যে, বৌদ্ধধর্ম নিরীশ্বরবাদী ধর্ম। যেখানে ধর্মীয়

সাধনার লক্ষ্য ঈশ্বর কিংবা কোন পৌরাণিক দেব-দেবী, সেখানে সাধকের একাগ্র লক্ষ্য ঈশ্বর কিংবা দেব-দেবীর উপরই স্থির হইয়া থাকে ; কিন্তু যেখানে ঈশ্বর কিংবা দেব-দেবী কোন লক্ষ্য নাই, সেখানে যদি কোন গুরু থাকে, তবে স্বভাবতই তাহার উপর সকল লক্ষ্য গিয়া স্থির হইয়া পড়ে। কারণ, সাধন-ভজন স্বভাবতই লক্ষ্যহীন হইতে পারে না। এমন কি, যে সকল ধর্ম-বিশ্বাসে ঈশ্বরের অস্তিত্বকেও স্বীকার করা হয়, তাহাদের মধ্যে যে গুরুবাদ প্রবেশ করিয়া পুষ্টি লাভ করে, তাহারও কারণ এই যে ঈশ্বর অদৃশ্য, কিন্তু গুরু দৃশ্য এবং তিনি তাঁহার দেবোপম চরিত্র দিয়া সাধকের প্রত্যক্ষ দৃষ্টির সম্মুখেই প্রতিষ্ঠিত থাকেন। তিনি তাঁহার কার্য দ্বারা, জীবনের আচরণ দ্বারা সহজেই শিষ্যকে আকর্ষণ করিতে পারেন। তিনি নিজের জীবনের প্রত্যক্ষ পরিচয় দিয়াই একটি আধ্যাত্মিক আদর্শ প্রতিষ্ঠিত করিয়া থাকেন।

বাংলাদেশে অধঃপতিত বৌদ্ধধর্মের যে সকল শাখা-প্রশাখা একদিন হিন্দু এবং গোড়ীয় বৈষ্ণব ধর্মের মধ্যে আত্মগোপন করিতেছিল, তাহাদের মধ্যে গুরুবাদ প্রবল ভাবে আত্মপ্রকাশ করিয়াছিল। পূর্বেই বলিয়াছি, যোগধর্ম যাহা পরবর্তীকালে নাথধর্ম বলিয়া পরিচিত হইয়াছে, তাহা মূলত গুরুবাদী ছিল না, কিন্তু বৌদ্ধধর্মের সান্নিধ্যে আসিবার ফলে কালক্রমে তাহাতে প্রবল গুরুবাদ আত্মপ্রকাশ করে। ভারতীয় যোগসাধনা যখন বাংলাদেশে আসিয়া প্রবেশ করিয়াছিল, তাহার পূর্বেই ইহার মধ্যে গুরুবাদ প্রবেশ করিয়াছিল, বাংলাদেশে আসিয়া তান্ত্রিক ধর্মের প্রভাবের বশবর্তী হইবার ফলে তাহার মধ্যে গুরুবাদ প্রবলতর হইয়া উঠিল। বাংলা ভাষার আদি নিদর্শন স্বরূপ 'অমরা' 'বৌদ্ধগান ও দোঁহা' নামে যে কয়েকটি চর্যাপদের সন্ধান পাইয়াছি, তাহা যোগতান্ত্রিক নাথসমাজের রচনা, ইহাদের মধ্যে প্রবল গুরুবাদের উল্লেখ আছে। সেই ধারাই অহুসরণ করিয়া ক্রমে এ দেশে যে সহজিয়া সম্প্রদায় এবং বাউল সম্প্রদায়ের উদ্ভব হইয়াছিল, তাহারাও গুরুবাদের এই ধারা অহুসরণ করিয়া অগ্রসর হইয়াছিল। ক্রমে বাংলার লৌকিক আর আধ্যাত্মিক চিন্তায় তাহার ভাব নানাভাবে বিস্তার লাভ করিয়াছে।

বাংলাদেশের নিরক্ষর সমাজের ধর্মচিন্তা প্রধানত এ দেশের মৌখিক লোক-সঙ্গীতের মধ্য দিয়াই প্রকাশ পাইয়াছে, ইহাদের জন্ত কোন লিখিত

শাস্ত্র গড়িয়া উঠিতে পারে নাই। সেইজন্য সাধারণ বাকালী সমাজের প্রচলিত গুরুবাদের আধ্যাত্মিক দর্শনের ইহার মধ্যেই সন্ধান পাওয়া যায়। বাংলার বিভিন্ন অঞ্চল হইতে সংগৃহীত কয়েকটি সঙ্গীতের মধ্য হইতে তাহা বিশ্লেষণ করিয়া বুঝিতে পারা যাইবে।

প্রথমত দেখিতে পাওয়া যায়, গুরুর সঙ্গে ঈশ্বরের কোন পার্থক্য থাকে না। ঈশ্বর যেমন অদৃশ্য অমুভূতি সাপেক্ষ মাত্র, গুরুও তেমনই,

বিশ্বমাঝে নাইরে গুরু, গুরুবস্ত্র আছে ঘরে।

জ্ঞানের অভাব হয়রে কেবল পড়ে মায়া অন্ধকারে ॥

এখানে ঘর বলিতে ভক্তের দেহকে মনে করা হইয়াছে। বিশ্বের মধ্যে গুরু নাই, দেহরূপ মন্দিরের মধ্যে গুরু অমুভূতি-সর্বস্ব হইয়া অধিষ্ঠিত আছেন। ইহা অদ্বৈতবাদেরই আর একটি রূপ। জগতে গুরুই একমাত্র সত্য এবং গুরুর অধিষ্ঠান অত্র কোথাও নহে, কেবলমাত্র ভক্ত শিষ্যের হৃদয়েই তাঁহার অধিষ্ঠান। এখানে গুরু রূপাতীত, ব্যক্তিসত্তাহীন ভাবসর্বস্ব মাত্র। ইহাই তাঁহার অদ্বৈত ভাব। সুতরাং গুরুবাদ বলিলেই ব্যক্তিপূজা বুঝায় না। অদ্বৈত ব্রহ্মবাদও এই গুরুবাদের মধ্য দিয়া ব্যক্ত হইয়া থাকে। অদ্বৈত ব্রহ্মবাদের মধ্যে যেমন মায়াবাদ স্বীকার করা হয়, ইহাতেও সেই মায়াবাদের কথা আছে। মায়ার অন্ধকারে আচ্ছন্ন হইয়াই আমরা প্রকৃত গুরুর সন্ধান করিয়া লইতে পারি না। মায়ার প্রভাবে যেমন বিশ্ব মিথ্যা প্রতিপন্ন হয়, ইহাও তাহাই।

ভ্রমে জীবগণ বেড়ায় ঘুরে,

চিন্তে নারে আপন ঘরে,

ভাগ্যগুণে যার লক্ষ্য পড়ে,

সেই ত চেতন এ সংসারে।

কেবলমাত্র চৈতন্য দ্বারা গুরুর উপলব্ধি হইতে পারে, অচেতন কিংবা মায়ার দ্বারা তাহা সম্ভব নহে।

আমাদের দেশের নিরক্ষর সমাজেও যে বেদান্ত-চিন্তা কি ভাবে প্রচার লাভ করিয়াছে, এই শ্রেণীর লোক-সঙ্গীত তাহার প্রমাণ। কোন আধ্যাত্মিক দর্শন বা শাস্ত্র পাঠ করিয়া এই চিন্তার উদয় হয় নাই, কেবলমাত্র আধ্যাত্মিক সাধনার একটি ধারা অনুসরণ করিয়াই এদেশের সাধারণ সম্প্রদায় এই চেতনা লাভ

করিয়েছে। বেদান্ত দর্শন আমাদের দেশের সাধারণ নিরক্ষর সমাজে কেহ কোন দিন প্রচার করে নাই, কিন্তু তাহা সত্ত্বেও মানব মনের স্বাভাবিক আধ্যাত্মিক চেতনার মধ্যে তাহার উপলব্ধি সার্থক হইয়াছে। গুরুভক্তিকে ষাঁহারা আত্মবিকাশের অন্তরায় বলিয়া মনে করেন, তাঁহার কদাচ বাংলার সাধারণ সমাজে ইহা কি ভাবে যে প্রচারিত হইয়াছিল, তাহার সন্ধান জানেন না। গুরুবাদ এবং অদ্বৈত ব্রহ্মবাদ যে কি ভাবে একাকার হইয়া যাঁহাতে পারে, তাহা তাঁহাদের কল্পনার অতীত।

কিন্তু গুরু সর্বদাই যে বেদান্তের ব্রহ্মের মত নিগুণ, তাহা নহে। তাঁহার একটি প্রধান গুণ, তিনি দয়াল। ঈশ্বরের করুণাময় সত্তা গুরুর পরিকল্পনার মধ্য দিয়া প্রকাশ পাইয়াছে। কিন্তু পার্থিব কোন বস্তুর জন্ত যে তাঁহার দয়া প্রকাশ পায়, তাহা নহে। কারণ, পার্থিব বস্তু অনিত্য, পারত্রিক কল্যাণের পথেই গুরুর দয়া প্রকাশ পায়; কারণ, তাহাই নিত্য। ষাঁহারা গুরুবাদী, তাঁহার প্রধানত সংসার-বিরাগী। বৈরাগ্যের ভিতর দিয়া আধ্যাত্মিক মুক্তিই তাঁহাদের লক্ষ্য, পার্থিব জীবনে ঐহিক কল্যাণ তাঁহাদের জীবনের লক্ষ্য নহে। সেইজন্য তাঁহার ঈশ্বরের দয়া গুণ বুঝিতে তাহার পারমাণ্বিক কল্যাণের কথাই বুঝিয়া থাকেন। বাংলার লৌকিক গুরুভক্তির মধ্যে দুইটি ধারা—একটি বৈরাগ্যমূলক, আর একটি আসক্তিমূলক। যে গুরুবাদ বৈষ্ণব ধর্মকে আশ্রয় করিয়াছিল, তাহা প্রধানত বৈরাগ্যের ধারা অনুসরণ করিয়াছে এবং যে গুরুবাদ তান্ত্রিক সাধনার ধারা অনুসরণ করিয়া শাক্ত ধর্মের পথ ধরিয়া চলিয়াছে, তাহা আসক্তিমূলক। প্রথম শ্রেণীর সাধকেরা গুরুর নিকট বৈরাগ্য কামনা করিয়া শেষোক্ত শ্রেণীর সাধকেরা গুরুর নিকট সাংসারিক ভোগ-বিলাসের কামনা জানাইয়াছে। বাংলার লোক-সঙ্গীতে যে গুরুভক্তির চেতনা অনুভব করা যায়, তাহা প্রধানত বৈষ্ণব ধর্ম প্রভাবিত বৈরাগ্যমূলক; সেই জন্য গুরুকে যখন তাহার দয়াল বলিয়া অনুভব করিয়াছে, তখন তাঁহাকে পারমাণ্বিক কল্যাণের কারণ বলিয়াই মনে করিয়াছে, ঐহিক সুখভোগের কারণ বলিয়া মনে করে নাই।

নিগুণ ব্রহ্মচেতনা এবং সগুণ দয়াশীলতার পরও বাংলার লোক-সঙ্গীতে গুরুর আর একটি বিশেষত্ব প্রকাশ পাইয়াছে, তিনি পারমাণ্বিক পথের সহায়ক বন্ধু—

গুরু, বন্ধু গো, তুমি বিনে

ভবপারে আমার কেহ নাই।

সংসার সাগর মাঝে

কত বিপদ পদে পদে গো,

গুরু বন্ধু গো, তুমি বিনে ভবপারে

পারের সম্বল নাই ।

আশা পথ চেয়ে থাকি, আমি চাতক তুমি বারি গো,

গুরু, বন্ধু গো, আমার হৃদয়-মাঝে বিরাজ সদাই ।

সঁপিয়ে তোমায় হিয়ে গো, কলঙ্কিনী জগৎ ভইরে,

গুরু বন্ধু গো, সেও ভাল তোমায় যদি পাই ।

গৌড়ীয় বৈষ্ণব ধর্মের সখ্যভাবের আদর্শ দ্বারা যে গুরুবাদ এখানে প্রভাবিত হইয়াছে, তাহা বুঝিতে পারা যায় । কিন্তু বৈষ্ণব ধর্মের সখ্য ভাবের মধ্যে অদ্বৈত ভাব নাই, বরং দ্বৈত ভাব আছে । কারণ, দ্বৈত সত্তা ব্যতীত পরম্পরের মধ্যে বন্ধুত্ব হইতে পারে না । কিন্তু গুরুবাদের মধ্যে যে সখ্যভাব দেখা যায়, তাহার মধ্যে দ্বৈত সত্তা নাই । উদ্ধৃত সঙ্গীতটির মধ্যে দেখা যাইবে, পল্লীর সাধক উল্লেখ করিয়াছেন, “গুরু বন্ধু গো, আমার হৃদয় মাঝে বিরাজ সদাই ।” অর্থাৎ গুরু-বন্ধুর অধিষ্ঠান হৃদয়ের মধ্যে, গোচারণের মাঠের প্রত্যক্ষ ক্ষেত্রে নহে । ইহাও অদ্বৈত ব্রহ্ম চেতনার মত সূক্ষ্ম ভাববাদ মাত্র, গৌড়ীয় বৈষ্ণবের দ্বৈতবাদ নহে । গুরুত্ব কোন বস্তুত্ব নহে, কিংবা কোন ব্যক্তি-বাদও নহে ।

গুরুত্ব বস্তুত্ব কিংবা ব্যক্তিবাদ নহে বলিয়াই গুরুর উপলব্ধি সহজসাধ্য নহে ।

তুমি কোথায় কি ভাবে থাক, গুরু, দেহ পরিচয় ।

আমি ভাব না জেনে ভজি কেমনে, ওহে গুরু দয়াময় ॥

কোন ধামে কি ভাবে প্রাপ্তি, না জানলে কি হবে গতি গো,

গুরুমতি কিসে শুদ্ধ হয় ॥

গুরু প্রত্যক্ষ গোচর নহেন, মানস-গোচর । মন দিয়া তাঁহাকে চিনিয়া লইতে হয়, চক্ষু দিয়া তাঁহাকে দেখিতে পারা যায় না । এখানেও গুরুর ঐশী শক্তির কথা আসিয়া যায় । ইহা ঈশ্বরেরই গুণ । সুতরাং গুরুত্ব এবং ঈশ্বরত্ব এখানে একাকার হইয়া গিয়াছে ।

গুরু, তোমার অপার লীলা, নানা ধামে নানা খেলা গো,

এ তব্ব শুনলে গলে শিলা, ভবজালা আদি দূরে যায় ॥

সুতরাং গুরুত্বই পরমতত্ত্ব, ঈশ্বরতত্ত্বের সঙ্গে তাহার কোন পার্থক্য নাই।
এই তত্ত্ব জানিতে পারিলে সকল তত্ত্ব জানা হয়। পার্থিব নানা ভোগ্য বস্তু
এই তত্ত্বজ্ঞানের অন্তরায় হইয়া দাঁড়ায়—

ভবে কি ধন পাইয়া ভুইলাছ, রে মন,

গুরুর চরণ অমূল্য ধন, তাই কেনে কল্লে না স্মরণ।

কি ধন পাইয়া ভুইলাছ, রে মন ॥

ধনী হবার ইচ্ছা কর, মনকে মহাজন কর,

প্রেমধন লইয়া ব্যাপার কর ঠিক রাখ্যা ওজন।

অণু দিকে মন দিয়ো না রে, তোমার হৃদে রাখ গুরুর চরণ ॥

প্রেমই একমাত্র ধন, প্রেম-ধনে যে ধনী ; সেই প্রকৃত ধনী, প্রেম-ধনের লক্ষ্য
একমাত্র গুরু। গোড়ীয় বৈষ্ণব ধর্মের সাধনার আদর্শের কথা ইহাতে থাকিলেও
ইহাতে কৃষ্ণ বা ঈশ্বরই যে সকল সাধনার লক্ষ্য, তাহা উল্লেখ করা হয় নাই ;
এখানে সকল লক্ষ্যের লক্ষ্য গুরু, সুতরাং গোড়ীয় বৈষ্ণব ধর্মের আদর্শে
ঈশ্বর কিংবা শ্রীকৃষ্ণ যাহা, এখানে গুরুও তাহাই।

পূর্বেই বলিয়াছি, অনেকের বিশ্বাস ধর্মচিন্তায় গুরুবাদ আত্মবিকাশের
অন্তরায় হইয়া দাঁড়ায়। কিন্তু বাংলার নিরক্ষর সমাজেও যে গুরুবাদের আদর্শ
প্রচলিত আছে, তাহাতেও দেখা যায় যে, গুরুবাদ এখানে আত্মবিকাশের সহায়ক
হইয়াছে, কিন্তু আত্মবোধের অন্তরায় হয় নাই। কারণ, গুরুর চিন্তা এখানে
ঈশ্বর চিন্তার তুল্য হইয়াছে, ঈশ্বরের মত গুরুর রূপ এখানে অদৃশ্য হইয়া
কেবলমাত্র তাঁহার শক্তি ও জীবনে তাহার প্রেরণা অনুভূত হইয়াছে। ঈশ্বর
নামের মত গুরুর নাম এবং গুরুর গুণই এখানে কার্তনীয় হইয়াছে, তাঁহার রূপ
ধোয় হয় নাই, সেইজন্য গুরু ব্যক্তিত্ব ভক্তের আত্মবোধের অন্তরায় হইয়া উঠিতে
পারে নাই। সুতরাং গুরুভক্তি এবং ঈশ্বরভক্তিতে কোন পার্থক্য সৃষ্টি হইতে
পারে নাই !

বাংলার নিরক্ষর সমাজেরও অধ্যাত্ম-চেতনা যে কত স্বল্প ছিল, তাহার
গুরুভক্তির উপলব্ধি হইতে তাহা বুঝিতে পারা যায়।

১

অধমের দয়া করে দয়াল তুমি দেও শ্রীচরণ,

আমি মত্ত হয়ে রিপূর বশে ঘুরি ফিরি পাগলের মতন।

আমার ক্রমে হল ভবব্যাদি, ওগো সেই ভাবনা নিরবধি,
নয়ন-জল হল বাদী, দূরে গেল সাধন-ভজন ।
মহামায়া কাম-সাগরে, চেউ দেখে প্রাণ শিহরে,
ভয় পাইয়ে ডাকি তোমায়ে, তরাও আমায় পতিত পাবন ।

—মৈমনসিং

২

খুঁজিয়া বেড়াই, পাই কি না পাই, দেখিগো তাহারে তল্লাসি ।
জীবনে মরণে শয়নে স্বপনে তার জন্ত মন আমার উদাসী ।
সে বাসে না ভাল তাতে বা কি হল, আমি ত তাহারে ভালবাসি
না জেনে সন্ধান, দিয়েছি মন প্রাণ, জাতি কুলমান যায়গো ভাসি ।
তবু যদি হয় খুসী, আরো খুঁজে দেখি, কত দিন আর বাকি মিশামিশি ।
থাকি কোন দেশে না জানি কার বেশে, বিজনে বসিয়ে বাজাও বাঁশী ।
কেঁদে পীতাম্বর বলে, দয়া নাই তোর অন্তরে, আমারে করুলে দোষী ।

—এ

৩

মনমোহনে ধরবি যদি মনে জেগে থাক্,
মানসে মনের মাছুষে অভাকাতে ডাক্ ।
নিশ্চয় বাঁকা দিবেন দেখা,
গোরা পাগলী, গুরু চরণ ধর ।
নারীপ্রেম রতন ধন চিনল্যম নায়ে, মন ।
মহেশের মন মোহিতে নারীরূপে নারায়ণ ।
সেই নারীর জন্তে রামচন্দ্র রাজ্য ত্যজি বনবাসী গমন মাধুরী,
শেষে জানকী হারিয়ে হরি করিয়া বেড়ান ক্রন্দন ।
সেই নারী গৌরহরি নদে এসে অবতীর্ণ
তবু রইলেন চির ঋণী নৃত্যে শ্রীমুখ দর্শন
সে নারীর গৌরব বাড়াতে
দেছি পদপল্লব বলি পড়েন পায়েতে ।
জয়দেব নারায়ণ নারেন লেখিতে
বঙ্কুর শ্রীহস্তে লিখন ।

সেই নারী মোর আশ্রয় বিষয়
নারী কুঞ্জে প্রবেশিলে আগে নারী হত্যে হয় ।
নারীরূপেতে কভু নারী কিরে হয় মোহন ?
সেখানে স্ত্রী পুরুষ গোরব কিছুই নাই ।
সেই প্রকৃতি, কাল কানাই, গোরা পাগলিনীর হৃদরঞ্জন ॥ —বাঁকুড়া

৪

তেল লাগা তুই আপন চরকাতে
তোর কাজ নাই পরের রটাতে
কে কোথায় পেয়েছে দেখ হিংসা নিন্দা ভেদেতে ।
ছাড় মন চল কপট চাতুরী
সকল হৃদে একই তিনি নিন্দা কার করি ।
সর্বজীবে সম হেরি, হের হরি সাক্ষাতে সর্বজীবে ক্লম্ব অধিষ্ঠান ।
তার নিকটে ছোট বড় সকলি সমান ।
চাঁদা মামা, সবার মামা
(বাবার মামা, মামার মামা, আমার মামা) কে না জানে জগতে ?
তার ধাতুরূপে সর্বদেহে বাস,
বস্তু জ্ঞান না জানিলে হয় কিসে প্রকাশ ।
গোরা পাগলারে, তোর বুথা প্রয়াস বামনে চাঁদ ধরতে । —ঐ

৫

লেখা পড়ায় কাজ নাই, মন, গৌর পদে পড়গা গিয়ে,
সে হাটে নাই বিছায় গৌরব বিছাও দাসী রাজা পায় ।
অলেখা কি লেখায় মিলে, অপড়া কি পড়ায় নিলে,
যার যত পাশ তার তত পাশ পরমহংস গেছেন কয়ে ।
বেদ শাস্ত্র সকল অভ্যাস্ত, নভেদ পরম তত্ত্ব
শাস্ত্র পড়া তার অনর্থ বৃথা কাল তার গেল বয়ে ।
লেখা পড়ায় কাজ নাই মন,
রাজ বিছা রাজ গুহ্য বিছা পবিত্র সতত
গোরা পাগলারে, তোর হ'লো মতিভ্রম
গুরু পদে পড়গা গিয়ে । —ঐ

৬

গুরু দয়াল হইলে হবে কি, আমি ত ভক্তিহীন, ভক্তিহীন ।

গুরুনামের বলে পাষণ গলে, আমি তা হতে কঠিন ।

গুরু দয়াল বটে সত্য, নিজে আমি কুপদার্থ,

হলেম গো পদার্থবিহীন ;

আমি মন খুলে, নয়নজলে চরণ ভজলাম না একদিন ।

এক দিন না করলেম চিন্তে, গুরুর ঐ চরণ চিন্তে ।

কুচিন্তায় গেল রাত্রিদিন, ওগো জন্মাবধি গেল না গো,

আমার মনের মলিন ।

মজতাম যদি গুরুর পদে তবে যেতেম নিরাপদে,

বিপদে হইত শুভ দিন, আমি বিষয় জালায় জলে মলেম,

সোনার তন্তু হ'ল ক্ষীণ ।

—ঢাকা (১৩২২)

৭

মাধা ভাই, একবার জেনে আয়,—স্বরধনীর তীরে ধনি

ধনি কি মধুর শুনা যায় ।

মাধা ভাইরে, কাল শুনেছি এই হরিনাম নামেতে কর্ণ ফেটে যায় ;

আজ কেন রে এ ভাব হইল, নামে কি ধনি শুনা যায় ।

স্বরধনীর তীরে ধনি ধনি কি মধুর শুনা যায় ।

কত যোগী ঋষি ব্রহ্মচারী পুরুষ নারী মেরেছি সবায়,

কইরাছি ভাই দম্ভাবৃত্তি, কারো প্রতি মায়া রাখি নাই ;

ভক্তিবসন গলে দিয়া রে, মাধা ভাই, ধরগা নিতাইর পায় ।

স্বরধনীর তীরে ধনি ধনি ধনি কি মধুর শুনা যায় ॥ —ঐ (১৩২২)

৮

হরিনাম যে দিন শুইনাছি,

সেই দিন হইতে ভাই রে, মাধা, আমি কি আমাতে আছি ।

কুলমান লজ্জা সরম স্বরধনীতে ভাসায়ে দিয়াছি ।

স্বমধুর হরিনামে, মনপ্রাণ সহিতে টানে,

বলতে চায় বলে না প্রাণে তা' নইলে কেমনে বাঁচি ;

কবে তার দেখা পাব, প্রাণ জুড়াব, আশায় রইয়াছি ॥

যে দিকে ঘুরাই আঁখি, হরিময় সকলি দেখি,
হরি বৈলে জুড়াই আঁখি, প্রাণপাখী বেঞ্জে রাইখাছি ;
মন আমার হয় না ধৈর্য—গৃহকার্বে সকলি তুইলাছি ॥

—ঐ (১৩২২)

৯

ও নাগরী, হেরবি গো সদায়,
তোরা দেখবি যদি আয় এমন গৌরাজ রূপ ।
সে যে হরি বলে নৃত্য করে শ্রীবাস আঙ্গিনায় ॥
তোরা দেখবি যদি আয়, এমন গৌরাজ রূপ ।
সে যে নগর দিয়ে হেটে বেড়ায়,
সোনার নুপুর বাজে রাজা পায় ।
তোরা দেখবি যদি আয়, এমন গৌরাজ রূপ ।
সে যে রথের শোভা মদনমোহন, মদনমোহন বাঁশরী বাজায় ।
তোরা দেখবি যদি আয়, এমন গৌরাজ রূপ । —ঐ (১৩২১)

১০

দিবা নিশি হরি বলে কে—বান্ধবীর মায়ায়া,
অহনিশি হরি বলে কে, হরি বলে কে গৌরাজ বলে কে,
ওরে মনের সাধে হরি বলে কে—বান্ধবীর মায়ায়া ।
কে শুনাইলা এই হরির নাম, গুণের বান্ধব বলি তারে,
ওরে ভক্তবৃন্দ সঙ্গে কইরা
দয়াল নিতাই এইসেছে রে—বান্ধবীর মায়ায়া ।
হরি হরি হরি রবে মায়া ঘুমের খনে উঠ্লাম জেইগে ;—
হরির নামে পাষণ গলে—বান্ধবীর মায়ায়া ।
হরি হরি বহিলে আমার নিতাই নাচে বাহু তুইলে,
হরির নামে মনপ্রাণ হরে—বান্ধবীর মায়ায়া । —ঐ (১৩২০)

১১

আমি দোষী হইয়াছি,—
দোষী হইয়াছি—আমি শ্রীগুরু গৌরানন্দে প্রাণ সঁইপাছি গো ।

দোষী হইলাম ভাল হইল গো,—তাতে ক্ষতি নাই ;—
 ওগো যার জন্তে হইলাম গো দোষী—তারে যদি পাই গো ।
 পরের মন্দ পুষ্প চন্দন গো,—ওগো অলঙ্কার গায়,—
 নেইচে গেয়ে ব্রজে গো যাব—নিতাই মাঝির নাগ গো ।—ঐ (১৩২০)

ভক্ত্যানাচের গান

শিব কিংবা ধর্মঠাকুরের গাজনে ষাঁহারা সন্ন্যাসী হয়, তাহাদিগকে কোন কোন অঞ্চলে ভক্ত্যা বলে । গাজনের বিভিন্ন অস্থানে ভক্ত্যাগণ সমবেতভাবে কিংবা কোন কোন সময় এককভাবেও নৃত্য সহযোগে যে গান গাহে, তাহাকেই ভক্ত্যানাচের গান কহে । ইহারা আচার সঙ্গীতের (ritual song) অন্তর্গত ; সেইজন্ত ইহাদের বিশেষ কোন কাব্যমূল্য কিংবা গীতিমূল্য নাই ।

১

শুন শুন, মহাদেব, কি করিছ বসি ।
 সমুদ্র মস্থন কৈল দেবগণে আসি ॥
 ইন্দ্র নিল উচ্চৈঃশ্রবা লক্ষ্মী নিল নারায়ণ ।
 আর যত ছিল তাহা নিল দেবগণ ॥
 শেষে, মহাদেব, তুমি পোলে ফাঁকি ।
 ক্রোধে মহাদেব বলে, আমি এখন করি কি ॥ —মালদহ

ভজন গান

ভগবানের মহিমা কীর্তন মূলক ভক্তিগীতির নাম ভজন গান । যাহা দ্বারা ভজনা করা হয়, তাহাই ভজন গান । এই গান বাংলা দেশের নিজস্ব গান নহে, উত্তর ভারত হইতে বাংলাদেশে আসিয়াছে । রাজস্থানী ভাষায় মীরার ভজন ভজন গানের আদর্শ । প্রধানত তাহারই অনুকরণে বৈষ্ণব প্রভাবিত যুগ হইতেই বাংলার নিজস্ব গীতরীতি অবলম্বন করিয়া বাংলার লোক-সঙ্গীতেও ভজন গান রচিত হইতেছে ।

১

গুরু, বর্তমানে হ'ল অহুমান, আমি না জানি ভজনের সন্ধান ।
 গুরু গোসাই ক্ষেত নিড়াইতে, দিল দুইখান কাস্তে হাতে,
 পারলাম না তার ভাব রাখিতে—ঘাস নিড়াইতে নিড়াইলাম ধান ॥

ইলিশ কি বিলে থাকে, কলাইলে কি কাঁঠাল পাকে,
 বোলতার চাকে মধু থাকে বিশ্বাস করে কে ।
 সাধুর কাছে জেনে শুনে হলেম রে, ভাই, কালী চূণে—
 আমন ক্ষেতে গেলাম ভাইরে বোরো ধান বুনে—
 তিথি নক্ষত্রের ফলে—সমুদ্রে কি রত্ন ফলে
 বাচ পড়িলে ভাত কাপড় হয় পাত্র বিশেষ গড়ল সমান ॥ —নদীয়া,

২

জয় গোরাক্ষ, শ্রীগোরাক্ষ, জয় জয় জয় শচীর নন্দন ।
 নদীয়া বিহারী, এস দয়া করি, চরণ তোমার করিহে সাধন ॥
 এস এস, প্রভু, এস দয়া করে কাতরে ডাকিহে তোমাতে,
 নিত্যানন্দে সঙ্গ করি এসে কর হে নাম সংকীর্তন ॥
 তুমি দয়াময় সকলে জানে, তরাইলে কত পতিত অধমে,
 আমায় তরাও নিজগুণে শ্রীচরণে নিলাম স্মরণ ॥
 —বাড়ীলা, মুর্শিদাবাদ

৩

আগে করগে উপাসনা,
 উপাসনা ঠিক না হলে সহজ মাহুঘ কেহ পাবে না ।
 শ্রীরূপের ধর্ম যাজন জীবে না সম্ভবে মন,
 না হলে রিপু দমন, হয় কি সাধন ।
 আগের কাজে বাজ পড়িলে হবিরে দিন কানা—
 শেষে কাজের বেলায় বাজে কাজে করতে হবে আনাগোনা ॥
 আদি মূল মূল্যধারে মূলে ভুল স্থল বিচারে,
 তারে চিনতে না পারে বৈধি অঙ্গ জনা ।
 রাগাঙ্গিকা গুরু ধারে করতে হয় যাজনা ।
 তারে করলে যাজন, ও আমার মন, বরণ হবে কাঁচা সোনা ।
 ভেবে মাতাল চাঁদে ভণে সহজের অঙ্গ বিনে,
 সহজ প্রেম নিয়ে পদে এল উপাসনার সোনা ।
 তাইতে কতই রঙ্গ প্রেমতরঙ্গ এমনি সহজ প্রেমের ধারা ।
 —মুর্শিদাবাদ

যদি ধরবি সে মাগুবে, গুরুবাক্য ঐক্য করে
 থাক রে নদীর পারে বসে ।
 সে নদীর তিনটি ধারা, যাইবিরে তুই মারা ।
 এক কালে মানব দেহে দক্ষা হবে সারা ।
 আত্ম স্থখে মত্ত হইলে ডাকাতি হবে দিবসে,
 মাসে তিন দিন জোয়ার আগে মণিমুক্তা আসে ভেসে,
 তিন দিন তিন রকম জল, পান করলে বুঝবি সকল,
 অমৃত স্বেদা গরল, যে যাহা ভালবাসে,
 কেহ মহাজনের মাল হারায়, মরে হায় হতাশে,
 কেহ গুরুরূপে নয়ন দিয়ে স্বেদা উঠায় অনায়াসে
 পাহারা দিচ্ছে তিনজন—ব্রহ্মা, বিষ্ণু, ত্রিলোচন,
 শক্তি করে মহাজন, আনন্দেতে ভাসে,
 সেই শক্তির রূপায় যখন জল মোহনাতে আসে,
 গোঁসাই হীরালাল কয় শুন রে কেশব,
 পান করবি অনায়াসে ।

—মুর্শিদাবাদ

রাগের ঘরে না ঢুকিলেই মুখের কথায় ভজন হয় না,
 ও তোর গুরু রতি ঠিক না হলে রে সাধু সঙ্গ কেউ হোঁবে না,
 হবে বৈষ্ণবেতে ঘৃণা দেহ ভাব যজ্ঞ হলো না ॥
 মন্ত্র অর্থ তত্ত্বযোগে সাক্ষাৎ চৈতন্য জেনে শুনে
 হলো না তোর জ্ঞান চৈতন্য ।
 দেহ ত্রিতাপেতে হইতেছে জীর্ণরে, তবু আত্মস্থ গেল না,
 তত্ত্ব কি বস্তু চিনলি না, পূর্বের স্বভাব গেল না ।
 আত্মজ্ঞানের উদয় হলে তত্ত্ব পদার্থ সাধন রতি
 পূর্ণ হতো ভজন ঘরেতে,
 ও দেহ লাগতো শ্রীগুরুর সেবাতে ।
 হতো ভজনের লেনা দেনা, রতি ভঙ্গ যে হতো না,
 পূর্ণ থাকতো ষোল আনা ।

সাধন ভজন অতি গোপন, জ্ঞান না কেমন,
 যেমন সাপের মাথায় মণি ধরা জানে রসিক জন ।
 গুরু যারে দেয় আশ্রয় আলিঙ্গন রে,
 সেত ভাবের গুরু কিনা একদিন তার সঙ্গ নিলি না,
 সেই ভাব শিক্ষা তো হল না ।

—মুর্শিদাবাদ

৬

গুরু ভজ আমার মন, অসাধনে সাধের জনম গেলরে এবার,
 আসা যাওয়া সার হল এ ভব সংসার ।
 থেকে জননী জঠরে, ভজবি বলে দামোদরে,
 মন তোর মনে নাই, জননী জঠরের কথা মনে নাই ।
 এসে মর্তধামে ভুলে রইলি পূর্ব অঙ্গীকারে ।
 শ্রীগুরু পরমারাধ্য, তারে কেন করলি না বাধ্য ।
 মন তোর সাধ্য কি আছে, আছে জীর্ণ তরী ঘাটে বাঁধা,
 কিসে হবি পার ।

যেতে হবে ভব পারে, কি ধন নিবি সঙ্গ করে,
 মন তোর কি ধন বা আছে রে ।
 সঙ্গ করে নিয়ে যেতে কি ধন বা আছে রে ।
 ও তোর ভয়ে পলাইয়া যাবে পুত্র পরিবার,
 গৌসাই কৃষ্ণকমল বলে, তরী চলে ভক্তির বলে ;
 মন তোর ভক্তি নাই, ভক্তি নাই ।
 শ্রীগুরুর শ্রীপাদ পদ্মে ভক্তি নাই ভক্তি নাই ।
 মন রে, সেই ভক্তি না উপজিলে, কিসে হবি পার ।

—মুর্শিদাবাদ

৭

অকুল দরিয়ার পানির বুক,
 চলে আমার ভাঙ্গা নাও কতই সে যে দুঃখে ॥
 একে আমার ভাঙ্গা তরী তাতে ঢেগুয়েরই উড়া,
 চলতে উজান ভেটিয়ে আসি হালে লাগে মুড়া ।
 আমি মাঝ দরিয়ায় ঘুরে বেড়াইরে এপথ সেপথ বেকে ॥

আমি রে আনাড়ি নেয়ে করি কি উপায়,
কার নামে ভরসা করি কে আছে কোথায় ।
আমি গুরুর নামে সঁপে দিলাম রে তরিটি আজ থেকে ॥

—ভাবতা, মুর্শিদাবাদ

৮

গুরু বলে মন কাঁদে না, উপায় কি করি,
যার জন্তু কাঁদে আমার মন, সে দেয় আমার গলে দড়ি,
আমি কত মনেরে বুঝাই, ভোলা মন আমার বুঝে না ।
সে ত অগ্ন পথে যায়,
আমি কি দিয়ে মন বাধ্য করি,
দারুণ মদন আছে তার প্রহরী ।
ছয় রিপু হল আমার কাল, মন ভুলাইয়ে রাখে তারা ঘটাইল জঞ্জাল ।
মন, তুই পাবিনি রে অস্তিম কালে শ্রীগোবিন্দের চরণ তরী ।

—পাঁচবেড়িয়া, নদীয়া

৯

শ্রীগুরু ভজিতে এলেম আমি তব জানি না রে,
দয়াল, গুরু, আমায় দাও না শিখাইয়ে ।
ও গুরু গো, প্রথমেতে ছিলেম আমি পিতার মস্তকে,
কোন সঙ্কানে এলেম জননী জঠরে ।
ও গুরু গো—ক্ষিধার সময় খেতাম আমি কোন বৃক্ষের ফল,
তৃষ্ণার সময় খেতাম আমি কোন নদীর জল ।
ও গুরু গো, মাসে মাসে চন্দ্র ঋতু সর্ব শাস্ত্রে কয়,
গুরু পুরুষের ঋতু কোন দিবসে হয় রে দয়াল ॥
ও গুরু গো, যখনেতে ছিলাম আমি জননী জঠরে ।
কোন কোন বস্তু আহাৰ কর্তেম, থাকতেম কোন শিয়রে,
দয়াল গুরু, আমায় দাওনা শিখাইয়ে ॥

—ঐ

১০

গুরু যে ধন দিয়াছে তোরে, চিনলি না তারে,
আছে মাল ধরা ধন সিন্দুকেতে, তারে পরে কেমনে চিনে নেয়রে ।

চাবি তার পরেরই হাতে ।
 তারে খুঁজলে পরে মিলবে চাবি ।
 যদি ডুবতে পার সেই রূপসাগরে ॥
 আছে সহজ মাছুষ, আছে ঢাকা ।
 তারে সাধন করলে পাবি দেখা, সেই মাছুষ ত্রিভঙ্গ কানাই ।
 মাছুষ উণ্টা কলে সদায় চরে, সে যে ত্রিবেণীতে উজান ধরে,
 অমূল্য ধন রত্ন পেয়ে, দেখলি না চেতন হইয়ে,
 চিরকাল নগর বন হইয়ে,
 মন তুই ঘরে যেয়ে দেখলি নারে কত রত্ন আছে হেথায় । —নদীয়া

১১

পাগল মন আমার, হরি বিনে কে দুঃখ হরিবে আর ।
 হরি ভজন না করিলে ভব পারে যাওয়া ভার ॥
 দেখ সত্য যুগ হতে পড়লাম সত্য যুগেতে ।
 আবার বিধে প্রাণে জীবন পেলে হরিনামের গুণেতে ;
 আবার সেই পেলহাদের লাগি হল নরসিংহ অবতার ॥
 দেখ জ্ঞেতা যুগেতে ও রাম জানকীর সাথে,
 পিতৃসত্য পালনার্থ গেলেন বনেতে,
 আবার অহল্যা মানব হল চরণ পরশে তার ॥
 দেখ দ্বাপর যুগেতে হরি পাণ্ডবের রথে,
 অর্জুনের সারথি হলেন কুরুক্ষেত্রেতে ।
 আবার নানান বিপদে তাদের করেছিল হে উদ্ধার ॥
 ধন্য কলি যুগ যে প্রেমে ভাসে গৌর নিতাই,
 যেচে হরিনাম বিলায় জাতির বিচার নাই,
 আবার গৌসায় বনমালী বলে নামে মতি হওয়া ভার ॥ —মুশিদাবাদ

ভবানীবিষয়ক গান

গ্রামা কিংবা দুর্গা পূজা উপলক্ষে গীত দুর্গার মাহাত্ম্য স্মৃচক গানকেই ভবানী
 বিষয়ক গান বলিয়া উল্লেখ করা হয় । প্রকৃত গ্রামাঙ্গীত বলিতে যাহা বুঝায়,

ইহা তাহা নহে, তবে কোন কোন সময় ইহাদের মধ্যে রামপ্রসাদী স্বর ব্যবহৃত হইতে পারে ।

শঙ্করী সংকটে সদয় হ',

করাল-বদনা কালী হৃদ কমলে র' ।

প্রাপ্ত হ'য়ে রূপা সোনা, হ'ল না তোর উপাসনা,
 ঘুচবে কিসে কুবাসনা, তার উপায় কি ক' ॥
 তাপে তনু আছে জ্বালা, ভাবনাতে আছি ম'রে,
 কেমন ক'রে যাব ত'রে, ভব নদীর দ' ॥
 সদাই করি কড়ি কড়ি, কে করায় তা কেন করি,
 ভেবে ভেবে, শুভঙ্করী, পেলাম না তার থ' ॥
 ঐহিক স্মৃতি যারা মাতায়, আনন্দ নাই তাদের কথায়,
 পূর্ণানন্দ পাব যেথায়, সেথায় লয়ে চ' ॥
 চন্দ্র সূর্য গ্রহ-তারা, রূপাবলে চলে তারা,
 ব্রহ্মাণ্ডের ভার বয় তারা, এ ভণ্ডের ভার ব' ॥
 একবার উঠায় একবার নামায়, কেমন করে করে আমায়,
 সতেরো জনাতে আমায় বানাইলে থ' ॥
 অপকীৰ্ত্তি বৃত্তি চৌধ, ত্যজলাম ধর্ম ত্যজলাম ধৈর্য
 অনেক দোষ করেছ সহ, আরও একবার স' ॥
 দিন ফুরালো দিনে দিনে, কে তরাবে সে দুদিনে,
 হরি নারায়ণ দীনে সঙ্গ করে ল' ॥ —মুর্শিদাবাদ,

ভবানীমঙ্গল

দুর্গা বা ভবানীর মাহাত্ম্যকীর্ত্তনমূলক এক শ্রেণীর আখ্যানিক-গীতির নাম ভবানীমঙ্গল । সাধারণত পৌরাণিক কাহিনীর ভিত্তিতেই ইহারা মধ্যযুগে রচিত হইয়াছে । শারদীয় দুর্গোৎসব উপলক্ষে পাঁচালীর আকারে ইহার গীত হইত । (মঙ্গল গান দেখ)

ভাইকোটার গান

কার্ত্তিক মাসে ভাতৃষিভীয়া উপলক্ষে কোন কোন অঞ্চলে যে মেয়েলী গীত শুনিতে পাওয়া যায়, তাহাই ভাইকোটার গান । সাধারণত মৈমনসিং জিলার

পূর্বভাগ, ত্রিপুরা জিলার উত্তর ভাগ এবং শ্রীহট্ট জিলার পশ্চিম ভাগে এই গান
শুনিতে পাওয়া যায়—

১

আশ্বিন যায়, কার্তিক আইয়ে গো,
দ্বিতীয়ার চান্দে দিল দেখা ।
ভাই দ্বিতীয়ারে দিলাম ফোঁটা ।
ওরে ওরে করুয়াল, তুই স'রে যাইতে,
ভাইফোঁটার কথা শুনতাম, গোরব আগ্রা দিতে ।
ওরে ওরে করুয়াল, তুই স'রে যাইতে,
ভাইফোঁটার কথা শুনতাম, মেথী আগ্রা দিতে ।
ওরে ওরে করুয়াল, তুই স'রে যাইতে,
ভাইফোঁটার কথা শুনতাম আগ্রী আগ্রা দিতে । —মৈমনসিং

ভাওয়াইয়া গান

বাংলা ভাষাভাষী অঞ্চলের উত্তর অংশ অর্থাৎ জলপাইগুড়ি, কোচবিহার ও
রংপুর জেলার উত্তরাংশ ভৌগোলিক এবং প্রাকৃতিক দিক দিয়া বাংলাদেশের
অন্ত্রাণ অঞ্চল হইতে অনেকটা স্বতন্ত্র । সাংস্কৃতিক দিক দিয়াও একদিকে ইহার
সঙ্গে কামরূপ, একদিকে উত্তর বিহার বা মগধ এবং অন্ত আর একদিক দিয়া
ভূটানের সঙ্গে ইহার যতখানি যোগ আছে, নিম্ন বঙ্গের সঙ্গে তত যোগ নাই ।
এই অঞ্চলের প্রায় সকল আদিম অধিবাসীই বোরো নামক এক আদিম ইন্দো-
মোঙ্গলীয় বা কিরাত জাতির বংশধর । এই বিষয়ে বিশেষজ্ঞের অভিমত এই যে,

‘The masses of North Bengal areas are very largely of
Bodo-origin, or mixed Austric-Dravidian-Mongoloid, where
groups of peoples from Lower Bengal and Bihar have
penetrated among them. They can now mainly be described
as Koch, i. e. Hinduised or semi-Hinduised Bodo’.

এই অঞ্চলের অধিবাসী বোরো জাতির বংশধরগণ সাধারণভাবে কোচ নামে
পরিচিত । ইহারা ব্রহ্মপুত্র নদের পূর্ব তীর অর্থাৎ বর্তমান আসাম প্রদেশের

অন্তর্ভুক্ত কামরূপ অঞ্চল হইতেই এখানে আসিয়া বসতি স্থাপন করিয়াছিল বলিয়া মনে হয়। সেইজন্ত তাহাদের কথ্যভাষায় কামরূপ উপভাষার বৈশিষ্ট্য লক্ষ্য করা যায়। আনুমানিক ষোড়শ শতাব্দীর মধ্যভাগে হাজু নামক এই জাতির একজন অধিনায়ক এই অঞ্চলে এক কোচ রাজ্য স্থাপন করেন। এই রাজ্য দুইশত বৎসর স্থায়িত্ব লাভ করে। হাজুর পৌত্র বিত্ত সিং হিন্দুধর্মে দীক্ষা গ্রহণ করেন এবং ক্রমে ক্রমে কোচ জাতির উপর হিন্দুধর্মের প্রভাব বিস্তার লাভ করিতে আরম্ভ করে। তখন হইতেই এই জাতির অগ্রসর একটি অংশ রাজবংশী বলিয়া দাবী করিতে আরম্ভ করে এবং নিজদিগকে ক্ষত্রিয় বলিয়া ঘোষণা করে। ইহাদের মধ্যে একটি কিংবদন্তী প্রচলিত হয় যে, পরশুরাম যখন পৃথিবী নিঃক্ষত্রিয় করিতেছিলেন, তখন তাঁহারা ভয়ে এই অঞ্চলে পলাইয়া আসিয়াছিলেন। এই সম্পর্কে একজন রাজবংশী কবি লিখিয়াছিলেন,

হায় রে রাজার বংশে লভিয়া জনম।

পরশুরামের ভয় এঁ'বড় সরম ॥

রণে ভঙ্গ দিয়া মোরা এদেশে আইসাছি।

ভঙ্গ ক্ষত্রি রাজবংশী এই নামে আছি ॥

রাজবংশী জাতির মধ্যে বাংলা ভাষার যে উপভাষা প্রচলিত আছে, তাহা রাজবংশী উপভাষা বলিয়া পরিচিত। মূল বোরো জাতির একটি বৃহৎ অংশ বর্তমানে মুসলমান ধর্ম গ্রহণ করিয়াছে, কিন্তু তাহারা এই অঞ্চলেরই উপভাষা ব্যবহার করিয়া থাকে এবং তাহাদের কথ্যভাষাও রাজবংশী উপভাষারই অন্তর্ভুক্ত। এই অঞ্চলে হিন্দু এবং মুসলমান ধর্ম যে প্রভাবই বাহির হইতে বিস্তার করুক না কেন, ইহার মধ্যে যে একটি লোকায়ত ধর্ম গড়িয়া উঠিয়াছে, তাহা নানা দিক দিয়াই সংস্কৃতিগত এক অথুও ঐক্য সৃষ্টি হইয়াছে।

উত্তর বাংলায় যখন বৌদ্ধ ও নাথধর্ম প্রবল শক্তিশালী হইয়া উঠিয়াছিল, তখন তাহারও প্রভাব এই অঞ্চলে বিস্তার লাভ করিয়াছিল। নাথধর্মের মধ্যেই বৌদ্ধধর্ম বিলুপ্ত হইয়া গিয়াছিল, কিন্তু নাথধর্মের সক্রিয় প্রভাব এখনও এই অঞ্চলের হিন্দু-মুসলমানের সাংস্কৃতিক জীবনে অমুভব করা যায়। ‘মাণিকচন্দ্র রাজার গান’ ও গোপীচন্দ্রের সন্ন্যাসের কাহিনীমূলক গান এই অঞ্চলের হিন্দু-মুসলমান কৃষক সমাজের মধ্য হইতেও সন্ধান পাওয়া গিয়াছে। এই অঞ্চলে একদিন তাত্ত্বিক সাধনার পীঠস্থানও গড়িয়া উঠিয়াছিল, পূর্ব ভারতীয় অঞ্চলের

তান্ত্রিক সাধনার কেন্দ্রভূমি কামাখ্যা তীর্থ এই অঞ্চলেরই সংলগ্ন, সেই সূত্রে একদিন এখানে ইহারও প্রভাব দেখা দিয়াছিল। ঊনবিংশ শতাব্দীতে এই অঞ্চলেই সন্ন্যাসী ও ফকিরদের যে একটি বিরাট দল সর্বত্র লুণ্ঠন ও অত্যাচার করিয়া ইংরেজ সরকারেরও ত্রাসের সঞ্চার করিয়াছিল, তাহারা তান্ত্রিক কালীমত্রে দীক্ষা গ্রহণ করিয়াছিল। দুর্গম তরাই ও ডুয়ার্স অঞ্চলের কোন কোন স্থানে এখনও ইহার চিহ্ন পাওয়া যায়। বাগডোগরার নিকটবর্তী এক অরণ্যাকীর্ণ অঞ্চলে ‘সন্ন্যাসীস্থান’ নামক একটি ‘সাধন-পীঠর’ সন্ধান পাওয়া গিয়াছে, তাহা বিজোহী সন্ন্যাসীদিগের সাধনার স্থান ছিল বলিয়া জনশ্রুতি শুনিতে পাওয়া যায়। কেহ কেহ ইহাকে বক্ষিমচন্দ্রের ‘দেবী চৌধুরাণী’তে বর্ণিত ভবানী পাঠকের সাধনার স্থান বলিয়া নির্দেশ করিয়া থাকেন। তাঁহারই রচিত ‘আনন্দমঠে’র সন্ধান সম্প্রদায়েরও সাধনার স্থান ইহাই ছিল বলিয়া কেহ কেহ মনে করেন। এই অঞ্চলের প্রায় সর্বত্রই মহাকালীর মন্দির বলিয়া পরিচিত বহু তান্ত্রিক উপাসনার স্থানের সন্ধান পাওয়া যায়। ইহার ‘ভাকাতে কালীবাড়ী’ নামে এখন পরিচিত। ঐতিহাসিকদিগের মতে যে লুণ্ঠনকারী দস্যুদল ঊনবিংশ শতাব্দীতে সমগ্র উত্তরবঙ্গ ব্যাপিয়া সন্ত্রাসের সৃষ্টি করিয়াছিল, তাহারা ডুয়ার্সের দুর্গম অঞ্চলকে কেন্দ্র করিয়া একদিকে বিহারের পূর্ব আর একদিকে আসামের পশ্চিম-সীমান্ত এবং দক্ষিণে রংপুর জেলা পর্যন্ত তাহাদের কর্মক্ষেত্র বিস্তার করিয়াছিল। তবে অনেকেই মনে করিয়াছেন, ইহার স্থানীয় অধিবাসী ছিল না, ইহার পশ্চিমা একশ্রেণীর লুণ্ঠনকারী দস্যু; সন্ন্যাসী এবং ফকির সম্প্রদায় গঠন করিয়া স্থানীয় অধিবাসীর উপর দস্যুবৃত্তি করাই তাহাদের উদ্দেশ্য ছিল।

রাজবংশী কিংবা কোচ সমাজের একটি প্রধান বৈশিষ্ট্য ছিল যে, ইহা মাতৃতান্ত্রিক সমাজ-ভুক্ত ছিল। আধুনিক কালে ক্রমাগত হিন্দু সমাজের পিতৃতান্ত্রিক ব্যবহার প্রভাব বশত ইহার মাতৃতান্ত্রিক গঠন অনেকখানি শিথিল হইয়া পড়িলেও এখনও ইহাদের মধ্যে মাতৃতান্ত্রিক ব্যবহার প্রত্যক্ষ প্রভাব অনুভব করা যায়। কৃষিজীবী সমাজ মাত্রই মূলত মাতৃতান্ত্রিক ছিল, এই অঞ্চলের পূর্ব সংলগ্ন অঞ্চলের অধিবাসী গারো এবং খাসি জাতি এখনও ভারতের প্রবলতম মাতৃতান্ত্রিক জাতি। এই সংস্কার বোরো জাতির মৌলিক সংস্কার। হিন্দু এবং মুসলমান ধর্ম গ্রহণ করিবার পর ইহার মধ্য হইতে এই সংস্কার

ক্রমে শিথিল হইতে আরম্ভ করিয়াছে সত্য, তথাপি ইহার জাতীয় জীবনের বহু আচার আচরণের মধ্য দিয়া তাহার প্রভাব এখনও অত্যন্ত সক্রিয় রহিয়াছে বলিয়া অনুভব করা যায়।

মাতৃতান্ত্রিক সমাজে সমাজের কিংবা পরিবারের ধর্মীয় আচারে নারী একটি মুখ্য ভূমিকা গ্রহণ করিয়া থাকে, পিতৃতান্ত্রিক সমাজে নারীর সেই অধিকার স্বীকৃত হয় না। বোড়ো জাতির বংশধর এই অঞ্চলের হিন্দু এবং মুসলমানগণ এখনও লৌকিক ধর্মগ্রন্থানে মুখ্য অংশ গ্রহণ করিয়া থাকে। কৃষিকর্ম সম্পাদিত সকল ধর্মীয় বা ঐজ্জ্বালিক (magical) আচার অনুষ্ঠানে নারীই পৌরোহিত্য এবং অগ্নি ক্রিয়ায় অংশ গ্রহণ করে, পুরুষের ইহাদের মধ্যে কোন অধিকার নাই। কৃষিকর্মের সঙ্গে আদিম সমাজ নরনারীর প্রজনন ক্রিয়ার সাদৃশ্য কল্পনা করিয়া থাকে। সেইজন্তই এই অঞ্চলের যোনি-পূজার এক সংস্কার গড়িয়া উঠিয়াছিল। ইহার অদূরবর্তী অঞ্চল কামরূপের কামাখ্যাতীর্থ যোনিপীঠ বলিয়া প্রসিদ্ধিলাভ করিয়াছে। উত্তরবঙ্গ অঞ্চলের বেক্রবাড়ী, ধূপগুড়ি, ধাপগঞ্জ প্রভৃতি অঞ্চলে এখনও যোনিপূজার এক আদিম রীতির প্রচলন আছে। এই অঞ্চলে ‘হুতুমা’ উৎসব নামে ভূমির উর্বরাশক্তি বৃদ্ধির উদ্দেশ্যে যে এক উৎসব পালন করা হয়, তাহা গ্রী-সমাজের মধ্যেই সীমাবদ্ধ। ইহাতে যে সঙ্গীত ও নৃত্যের অনুষ্ঠান হইয়া থাকে, তাহাতে কেবলমাত্র নারীই অংশ গ্রহণ করিতে পারে; এমন কি, ইহার কোন কোন আচার পুরুষের দৃষ্টির অন্তরালে গোপনে অনুষ্ঠিত হয়।

রাজবংশী সমাজের ধর্ম-বিশ্বাস সম্পর্কে একটি প্রধান কথা এই যে, ইহাতে বাংলা দেশের অগ্নি অঞ্চলের তুলনায় বৈষ্ণব ধর্মের প্রভাব তেমন উল্লেখযোগ্য কিছুই হয় নাই। সেইজন্ত ইহার ধর্মীয় জীবনের মৌলিক রূপটি অনেকখানি অবিকৃতই রহিয়া গিয়াছে। গ্রাম-দেবতা (village-god)-কে কেন্দ্র করিয়া প্রাচীন গ্রাম্য জীবন গড়িয়া উঠিত। এখানেও গ্রাম-দেবতার উপাসনা অত্যন্ত ব্যাপক। তাহাকে ‘গারাম ঠাকুর’ বলা হয়। গ্রাম-দেবতা গোষ্ঠীজীবনের দেবতা, এক একটি গ্রামে যে এক একটি গোষ্ঠীভুক্ত সমাজ গড়িয়া উঠিত, তাহার সকল সুখ-দুঃখ-কারক গ্রামের বিশেষ, এক একজন দেবতা। পশ্চিম বাংলার রাঢ় অঞ্চলের প্রাচীন গ্রামগুলির মধ্যেও ইহাদের উপাসনা অত্যন্ত ব্যাপক। যে স্থানে ‘গারাম ঠাকুর’ অধিষ্ঠিত থাকেন, তাহা ‘ঠাকুরের খান’ বলিয়া পরিচিত। ঠাকুর খান লোকালয় হইতে একটু দূরে গ্রামের কোন

নির্জন স্থানে উন্মুক্ত মাঠের মধ্যে কিংবা কোন বৃক্ষমূলে অবস্থিত থাকে। কোন কোন সময় উন্মুক্ত স্থানে খড়ের ছাউনি দেওয়া একটি ছোট ঘরের আকৃতি একটু আশ্রয় গড়িয়া দেওয়া হয়, তাহার মধ্যে একটি ছোট বেদী থাকে, তাহাতেই ‘গারাম ঠাকুর’ অধিষ্ঠান করিয়া থাকেন বলিয়া কল্পনা করা হয়, তাহার কোন প্রতীক (symbol) কিংবা বিগ্রহ প্রায়ই কল্পনা করা হয় না। তবে কোন কোন ক্ষেত্রে একটি শিলাখণ্ড প্রতীক রূপে গৃহীত হয়। প্রধানত বাৎসরিক পুজার যে একটি দিন ধার্য থাকে, সেই দিন এখানে হাঁস, পাখরা, ছাগল ইত্যাদি তাহার উদ্দেশ্যে বলি দেওয়া হয়। মডক কিংবা অনাবৃষ্টি হইলেও তাহার নিকট বিশেষ পুজার ব্যবস্থা হয়। এই অঞ্চলে একটি লৌকিক দেবীর প্রভাব অত্যন্ত ব্যাপক, তাহাকে বুড়ীমা বলা হয়। ইহার উপাসনা কেবলমাত্র একটি গ্রামের মধ্যেই সীমাবদ্ধ থাকে না, একাধিক গ্রামে ইহার প্রতিষ্ঠা দেখা যায়। পশ্চিম বাংলার রাঢ় দেশেও ‘বুড়ী’ নামক গ্রামদেবীর সন্ধান পাওয়া যায়, যেমন আসানসোলের নিকটবর্তী কালীপাহাড়ীর ঘাগড় বুড়ী ইত্যাদি। কিন্তু উত্তরবঙ্গে এই বুড়ী উপাসনা আরও ব্যাপক। সেখানে তিস্তা বুড়ী নামে তিস্তা নদীর অধিষ্ঠাত্রী দেবী, ময়নাবুড়ী ইত্যাদির উপাসনা অত্যন্ত জনপ্রিয়। সেই ক্ষেত্রে সেই অঞ্চলের কোন কোন গারাম ঠাকুর ‘বুড়ীমা’ বলিয়া পরিচিত। বুড়ীমার নিকট নবজাতকের মস্তক মুণ্ডন করিয়া কেশ উৎসর্গ করা হয় এবং আরও অনেক মানসিক পালন করা হয়। কিন্তু লৌকিক দেবদেবীর মধ্যে ইহার প্রভাব এই অঞ্চলে আরও ব্যাপক, তিনি বিষহরী বা বিষরী। জীবন সংক্রান্তি ব্যতীতও যখনই কোন পরিবারের মধ্যে অসুখপ্রাশন, বিবাহ, এমন কি, আত্মক্লেশও অনুষ্ঠান হয়, তখনও এখানে বিষহরীর গান শুনিতে পাওয়া যায়। কোন কোন উৎসব উপলক্ষে রামায়ণ গানও শুনিতে পাওয়া যায়, তাহাকে কুমাণে বলে। অষ্টাঙ্গ লৌকিক অনুষ্ঠানের মধ্যে ‘মেচেনী ব্রত’ উল্লেখযোগ্য। মেচ নামক এক আদিম জাতির মেয়েদের এক অনুষ্ঠানই ‘মেচেনী ব্রত’ নামে পরিচিত, ইহাতে মেচ নারীদের নৃত্য এবং গীত প্রধান অংশ অধিকার করিয়া থাকে। যে সকল মেচ নারী নৃত্যে অংশ গ্রহণ করিয়া থাকে, তাহাদিগকে সাধারণ বলিয়া মনে করা হয় না, তাহাদিগকে অলৌকিক কিংবা দেবী শক্তির অধিকারিণী বলিয়া কল্পনা করা হয়। দর্শকেরা তাহা দিগকে দেবীজ্ঞানে ভক্তি প্রদর্শন করিয়া থাকে।

উত্তরবঙ্গের যে অঞ্চলের বিষয় উপরে বর্ণনা করা হইল, তাহা প্রধানত হিমালয়ের পাদভূমিতে অবস্থিত হিংস্র স্বাপদ-সঙ্কুল বিস্তীর্ণ অরণ্যাকীর্ণ অঞ্চল। ইহার নিম্নভূমি ক্রমে সমতল কৃষিক্ষেত্রে পরিণত হইয়াছে। এই অঞ্চলের নদনদী পার্বত্য অঞ্চলের জলধারা বহন করিয়া আনিয়া ইহাদের প্রবাহে তীব্রগতি সৃষ্টি করে, তাহাতে নদীপথও বিপদসঙ্কুল হইয়া উঠে। কুলপ্রাণী বজ্রায় তীরবর্তী লোকালয়ের অশেষ দুর্গতি সৃষ্টি করে। সর্বত্রই দেখা যায় যে, মানুষের জীবনযাত্রা যতই সংগ্রামশীল হয়, তাহার মধ্যে সঙ্গীতের উৎসও ততই অফুরন্ত হইয়া উঠে। ইহাই মনে হওয়া স্বাভাবিক যে, যেখানে জীবন অনায়াস-সাধ্য সেখানেই সাংস্কৃতিক জীবনের পরিপুষ্টি। কিন্তু এই কথা প্রায় কোন ক্ষেত্রেই সত্য নহে; বরং যেখানে জীবনের বিক্ষোভজাত বৈচিত্র্য সৃষ্টি হয়, সেখানেই সংস্কৃতিরও বৈচিত্র্য দেখা যায়। উত্তর বাংলার দুর্গম অরণ্য, অসমতল চারগভূমি, হিংস্র বজ্রজন্তু পূর্ণ অরণ্যানী, নদনদীর ক্ষিপ্তধারা—প্রকৃতির এই সকল প্রতিকূল অবস্থার মধ্যেও সাংস্কৃতিক জীবনের একটি বিশিষ্ট রূপ এখানে গড়িয়া উঠিয়াছে। একদিকে বিশাল অরণ্যানীর শুষ্কতা এবং আর একদিকে নদনদীর ক্ষিপ্ত গতিবেগ, প্রকৃতির দুই বিপরীতমুখী রূপের মধ্যে সামঞ্জস্য সৃষ্টি করিয়া যেমন এখানকার লোক-জীবন গড়িয়া উঠিয়াছে, তাহার সাংস্কৃতিক জীবনও ইহার এই বৈশিষ্ট্যের মধ্যেই বিকাশ লাভ করিয়াছে। ইহার লোক-সঙ্গীতের মধ্যেও এই বৈশিষ্ট্য অল্পভব করা যায়।

এই অঞ্চলের লোক-সঙ্গীতকে প্রধানত দুইটি ভাগে ভাগ করা যায়, প্রথমত প্রেমসঙ্গীত, দ্বিতীয়ত আত্মস্থানিক সঙ্গীত, অর্থাৎ বিবিধ সামাজিক অত্মস্থানে যে সকল সঙ্গীত গীত হয়, যেমন বিবাহসঙ্গীত কিংবা ব্রত পার্বণের সঙ্গীত। এতদ্ব্যতীত আরও এক শ্রেণীর সঙ্গীতের সঙ্গেও এখানে সাক্ষাৎকার লাভ করা যায়, তাহা বনে পশুশিকার উপলক্ষে গীত হয়, তাহা সারি শ্রেণীর সমবেত সঙ্গীত। বিবাহ-সঙ্গীত হিন্দু-মুসলমান এবং আদিবাসী সকল শ্রেণীর সমাজের মধ্যেই প্রচলিত আছে।

এই অঞ্চলে আরও এক শ্রেণীর সঙ্গীত প্রচলিত আছে, তাহা প্রকৃত উপরোক্ত শ্রেণীর সঙ্গীতের মত কেবলমাত্র ভাবমূলক সঙ্গীত নহে—তাহা কাহিনীমূলক সঙ্গীত। তাহা বাংলার লোক-সাহিত্যে গীতের পরিবর্তে গীতিকা বলিয়া পরিচিত। গোপীচন্দ্রের গান, মাণিকচন্দ্রের গান, সোনা

রায়ের গান ইত্যাদি ইহার অন্তর্ভুক্ত। গোপীচন্দ্র-মাণিকচন্দ্রের গান ইত্যাদি যুগীষাত্রা জাগগান বলিয়াও পরিচিত।

এই অঞ্চলের প্রেম-সঙ্গীতই সাধারণভাবে ভাওয়াইয়া গান বলিয়া পরিচিত, ভাবমূলক গান অর্থেই ভাওয়াইয়া গান কথাটি ব্যবহৃত হইলেও প্রেম ব্যতীত অন্য কোন ভাব ইহাতে সাধারণত প্রকাশ পায় না। পূর্বেই বলিয়াছি, এই অঞ্চলে বৈষ্ণবধর্মের প্রভাব অত্যন্ত ব্যাপক হইয়া উঠিতে পারে নাই; সেইজন্য বাংলার অন্যান্য অঞ্চলে যেমন প্রেম-সঙ্গীতের নায়করূপে একমাত্র শ্রীকৃষ্ণেরই নাম শুনিতে পাওয়া যায়, এখানে তাহা পাওয়া যায় না, অর্থাৎ এখানে ‘কানুছাড়া গীত নাই’ একথা প্রযোজ্য নহে।

এখানে প্রেমসঙ্গীতের নায়ক প্রধানত মৈষাল বা মহিষ-রক্ষক। মৈষাল মহিষের দল লইয়া এক অঞ্চল হইতে আর এক অঞ্চলে চরাইয়া বেড়ায়, গ্রাম্য যুবতীর মন তাহার দিকে আকর্ষণ অনুভব করে।

প্রাণ কান্দে মোর, মৈষাল বন্ধুরে—

মইষ চড়ান, মইষাল বন্ধু, ঘাটের উজানে,

তোমার মইষের ঘণ্টার বাইজে

মন উড়াং বাইরাং করে রে।

মইষ বান্ধ, মইষাল বন্ধু, বাড়ীর বগলেতে,

মুই নারীটা দেখা দিম

সকালে বৈকালে রে।

ভার বান্ধেন ভারটি বান্ধেন (মইষাল)

ছাড়িয়া আপন মায়া,

ওরে আজি কেনে দেখং, মইষাল,

মোক ছাড়িয়া যাবার কায়া রে।

তোমরা যাইবেন দূর জাশে

আমার হইবে কি—

দিন রাইতে, ওরে মইষাল, কান্দি কান্দি মরি রে।

যাহারা মহিষ চরায়, তাহারা গ্রামান্তর হইতে মহিষের পাল লইয়া আসে, কিছুদিন এক অঞ্চলে থাকিয়া সেখানকার চারণভূমি তৃণ-সম্পদহীন হইলে পর অন্য অঞ্চলে চলিয়া যায়। তাহারা এক এক অঞ্চলে ক্ষণিকের অতিথি মাত্র,

বা ‘বিদেশী পথিক’ ; সেইজন্য গ্রাম্য যুবতীদের তাহাদের সম্পর্কে এক বিশেষ কোতুহল সৃষ্টি হয় ; কিন্তু এই সকল ক্ষেত্রে পরিণামে বিচ্ছেদ অনিবার্য হইয়া উঠে, বিচ্ছেদের বেদনাতেই ভাওয়াইয়া গান মধুর হইয়া উঠিয়াছে—

ধিক্ ধিক্ ধিক্, মৈষাল রে,

মৈষাল ধিক্ গাভুরালি—

এহেন স্থলর নারী ক্যামনে যাব ছাড়ি,

মৈষাল রে !

তোমরা যাইবেন মৈষ বাথানে

আমরা বাদে কি, মৈষাল রে ॥

তোমার পেন্দোনে শ্যামলাই ধুতি

আমরা দাঁতের মিশি ॥

ভার বান্দো ভারটি বান্দো রে

মৈষাল, ভৈষের পৃষ্ঠে জিন ।

আজি কেন দেখাও, মৈষাল,

ছাড়ি যাবার চিন ॥

তখন না কইচোও, মাইষাল রে,

মৈষাল, না যাইস্ গোয়ালপাড়া,

কাড়িয়া লবে হস্তের বাঁশী

ছিঁড়িবে গলার হারা ॥

মুঞ্চ গ্রাম্য যুবতী একদিন আসিয়া দেখিতে পাইল, তাহার প্রেমিক ভিন-গাঁয়ের অতিথি মৈষাল গ্রামান্তরে যাত্রা করিবার উত্তোগ করিতেছে। যে যাযাবর—পথের পথিক মাত্র, তাহাকে প্রেম নিবেদন করিয়া গৃহস্থ যুবতী একদিন তাহার ভুল বুঝিতে পারিল,—‘আজি কেন দেখাও, মৈষাল, ছাড়ি যাবার চিন্ ।’ তাহার প্রেম একথা বিশ্বাস করিয়াছিল যে যাহাকে আত্মসমর্পণ করিয়াছে, সে তাহার আপনার হইতে আর বাকি নাই ; কিন্তু কঠিন সত্য একদিন রুঢ় বাস্তব হইয়া যখন আত্মপ্রকাশ করিল, তখন হইতে তাহার অশ্রুজল ব্যতীত আর কিছুই সম্বল রহিল না। বিচ্ছেদের এই বেদনার অমুভূতিতে গান যাত্রাই করণ হইয়া থাকে।

ভাওয়াইয়ার প্রেম-সঙ্গীতে পূর্বরাগ, অমুরাগ, মিলন, রসোক্তাস, মান কিছুই

নাই—একমাত্র বাহা আছে, তাহা বিরহ ; বিরহেই ইহার আরম্ভ, বিরহেই ইহার শেষ । ইহার পল্লীকবিগণ একথাই বিশ্বাস করিয়াছেন যে, ; প্রেমে বিরহই একমাত্র সত্য । বৈষ্ণব কবি মিলনের মধ্যেও বিরহের ছায়া দেখিয়া বলিয়াছেন, ‘হুঁ কোরে হুঁ কাদে বিচ্ছেদ ভাবিয়া’ । ভাওয়াইয়ার পল্লীকবিগণ তেমনই প্রেমে বিরহই একমাত্র সত্য বলিয়া মনে করিয়া নরনারীর পার্থিব প্রেমের মধ্যে স্বর্গীয় মহিমা অল্পভব করিয়াছেন । বৈষ্ণব কবিতায় সন্তোগের পর বিরহ, কিন্তু ভাওয়াইয়া গানে সন্তোগ ব্যতীতই বিরহ ; সেইজন্য ইহার বেদনার অল্পভূতি পার্থিব কলুষতা হইতে প্রথম হইতেই মুক্তিলাভ করিয়াছে ।

ও কি নাগর কানাই, তুই মোরে
উজান ছাড়ি ভাটির ঝাশং কল্লেন মায়া বাড়ী—
ওরে ঘোবন কালে দোনো জনায় হলং ছাড়াছাড়ি রে ।
তোমার বাড়ী আমার বাড়ী
(নাগর) অনেক দূরের ঘাটা,
ওরে কেমন করি হইবে দেখা
ঝোরে চোখের পানি রে ।
ভোমরা খালি উড়িয়া পড়ে ফুলের মধু বাদে,
ওরে তুই ভোমরার বাদে আজি
মোর না পরাণ কান্দেরে,
নাগর কানাই তুই…… ॥

ত্রিক্ষের হাতে যেমন বাঁশী ছিল, বাঁশীর সুরে তিনি গোপবালাকে ঘর ছাড়া করিতেন, মইষালের হাতেও তেমনই আছে দোতারা বা দোতরা, এই দোতরার সুরে সে পল্লীবালাকে নিয়তই আকর্ষণ করিয়াছে—

রায়ডাকে নদীর ঘাটং বসি
দোতরা বাজাও আপন খুশী
দোতরায় মোক করিছে বাড়ী ছাড়া ।
মোর দোতরায় মৈষালী ডাঙ্গে
পাড়ার চেংড়ীয় মনটা ডাঙ্গে
বগলং ডাকায় চক্ষুতে ইশিড়া
দোতরায় মোক করিছে বাড়ী ছাড়া ॥

ও মোর মৈষাল বন্ধু রে,
না বাজান তমান খুটারে দোতরা ।
নারীর মন মোর করিল রে ঘর ছাড়া ॥
ওর এ্যাখেতে স্ততারো বাইজন রে,
কি না সুরে বাজে ।

তোর দোতরার বাইজন শুনি

মন না অয় মোর ঘরে ।

রাধাকৃষ্ণের-কাহিনী যে সমগ্র ভারতব্যাপী কেন জনপ্রিয়তা লাভ করিয়া-
ছিল, তাহা এই প্রকার ভারতের বিভিন্ন অঞ্চলের লৌকিক প্রেম-গীতি একটু
গভীর ভাবে অনুসরণ করিলেই বুঝিতে পারা যায় । ইহার একটি প্রধান কারণ
এই যে, একটি সর্বভারতীয় কাঠামোর উপরই ইহার কাহিনীটি স্থাপিত
হইয়াছিল । প্রেম এবং তাহার অভিব্যক্তির প্রণালীর সর্বজনীনতার গুণের
উপরই ইহার কাহিনী সমগ্র ভারতব্যাপী জনপ্রিয় হইয়াছিল । উপরি উদ্ধৃত
ভাওয়াইয়া গানটি হইতে তাহাই বুঝিতে পারা যাইবে । গ্রাম্য যুবতীর ভাষায়
'দোতরায় মোক করিছে বাড়ী ছাড়া'ই বৈষ্ণব পদাবলীর ভাষায় 'বাশীর
শব্দে, বড়ায়ি, হারাইলোঁ পরাগী' হইয়াছে । ইহা নরনারীর এক শাস্ত্রী বেদনা,
রাধাকৃষ্ণের মাধ্যমে চিরকালের যুবক-যুবতী ইহাতে কথা বলিয়াছে ; সেইজন্য
ইহার আবেদন যেমন নিত্য, তেমনই ব্যাপক ।

তিস্তা নদীর তীরে বিস্তীর্ণ অরণ্য ভূমিতে কোন দূর গ্রাম হইতে মৈষালেরা
মহিষ চরাইবার জন্ত আসে, নিভৃত অরণ্যের স্তন্ধ নির্জনতার মধ্যে তাহাদের
পরস্পর সাক্ষাৎ হয়, মৈষাল যুবতীকে কাঠ কাটিয়া দিতে সাহায্য করে,
কাঠের বোঝা মাথায় তুলিয়া দেয়, কঠিন জীবনের মধ্যেও প্রেমের আলো
বিদ্যুতের মত চকিতে দেখা দিয়া যায়—

তিস্তা নদীর পারে পারে

ও মোর বাই গে,
না জানি মৈষাল বন্ধু মোর,
ভইষ চরেবার আসে ॥

আজি খড় কাটিয়ে দে রে মৈষাল,
বোঝা বান্ধিবার দে ।

হাত ধরোঁ, মিনতি করোঁ রে, মৈষাল,
 মাথাতে তুলিয়া দে ॥
 হাতে ধরোঁ মিনতি করোঁ রে, মৈষাল,
 আজি আগ্ বাড়েয়া দে ।
 আগ্ বাড়েয়া দে রে মৈষাল,
 বাড়ীতে পছঁছেয়া দে ॥

গ্রাম্য কুমারী ভিন গাঁয়ের মৈষালকে হাত ধরিয়া মিনতি করিতেছে, গভীর অরণ্যের মধ্যে সে তাকে তাহার ঘরের পথে আগাইয়া দিয়া আশ্বক, বাড়ীতে পৌছাইয়া দিয়া আশ্বক, বোঝাটি মাথায় তুলিয়া দিক। নির্জন অরণ্যপথে মৈষালকে সঙ্গী করিয়া লইয়া তাহার পথ চলিবার এবং বোঝা বহিবার শ্রম লঘু হইয়া উঠুক।

জীবন যত কঠিনই হোক, তাহার মধ্যেও প্রেম তাহার আপনার পথ করিয়া লইতে জানে, প্রেমের অমূল্যত্ব জীবনের কঠিনতা অনেকখানি লাঘব হইয়া আসে। মৈষাল ও গ্রাম্য বালিকার স্বকঠিন জীবনাচরণের মধ্য দিয়া তাহাই প্রকাশ পাইয়াছে।

দুর্গম অরণ্যপথচারী মৈষাল যেমন ভাওয়াইয়া গানের নায়ক, তেমনি উত্তর বাংলার দুষ্টর পার্বত্য নদীর নৌকার মাঝিও ইহার নায়ক হইয়া থাকে। গ্রামান্তরের মাঝি যখন নদীর তীব্র স্রোতের মধ্যে নিজের নৌকা ভাসাইয়া দিয়া সতর্ক হইয়া হাল ধরিয়া থাকে, তখন তীরাগত সঙ্গীতের মধ্য দিয়া কোন রিক্তা নারীর বেদনার্ত দীর্ঘশ্বাস ভাসিয়া আসে—

নাইয়া রে—

চাপাও নৌকা কমলাসুন্দরীর ঘাটে রে ।

নাও বাইয়া যাও নাইয়া রে,

তোর সে মনের স্থখ ।

ওরে, নায়ের বাদাম তুলিয়া, নাইয়ারে,

দেখাও চান্দ মুখ রে ॥

মনে বড় দুখ নাইয়া রে, চিন্তে বড় দুখ ।

ওরে নদীর পাথরের মত

ভাঙ্গে নারীর বুকও রে ॥

নদীর মাঝে থাক, নাইয়া রে, নায়েরও কাণ্ডারী ।

ওরে অভাগিনী নারীর নাইয়া রে, নাইয়া,

যৈবনের ব্যাপারী রে ॥

উত্তর বাংলার নদনদীর প্রকৃতির সঙ্গে পূর্ববঙ্গের নদনদীর প্রকৃতিগত পার্থক্য আছে। সেইজন্য এই দুই স্বতন্ত্র অঞ্চলের মাঝিকে লক্ষ্য করিয়া যে গান রচিত হইয়াছে, তাহাদের প্রকৃতিও স্বতন্ত্র। উত্তর বাংলার মাঝি খরশ্রোতা নদীর মাঝি, পূর্ববাংলার মাঝি ধীরশ্রোতা নদীর মাঝি। পূর্ববঙ্গের মাঝির কণ্ঠে যে ভাটিয়ালী গান শুনিতে পাওয়া যায়, তাহার স্বরে ধীরমধুর গতির স্পর্শ অনুভব করা যায়, উত্তর বঙ্গের মাঝির কণ্ঠে তাহার অভাব আছে। সেখানে স্বভাবতই তাহাতে একটু দ্রুততা আসিয়া যায়। উত্তর বাংলার নদীর রূপের যে তাল ও ছন্দ ফুটিয়া উঠে, তাহাই সেখানের সঙ্গীতের স্বরে প্রকাশ পাইয়াছে। পূর্ববঙ্গে নিম্নভূমির অস্তুহীন বিস্তারের মধ্যে নদী গতিবেগ হারাইয়া ফেলে, সেই ভাবেই সেই অঞ্চলে মাঝির কণ্ঠে যে ভাটিয়ালী স্বর শুনিতে পাওয়া যায়, তাহাতে গতিবেগ অনুভব করা যায় না। যেখানে গতি নাই, সেখানে তাল (rhythm)ও নাই; সেইজন্য ভাটিয়ালী স্বরে তাল নাই; কিন্তু ভাওয়াইয়া গানের স্বরে তাল আছে; ভাটিয়ালী ঢংয়ের গান হওয়া সত্ত্বেও ইহার দীর্ঘ টানগুলি ভাঁজে ভাঁজে খণ্ডিত হইয়া প্রবাহিত, ভাটিয়ালীর মত সরল রেখায় লঙ্ঘিত নহে। প্রকৃতির মধ্য হইতেই মানুষ তাহার গানের স্বর খুঁজিয়া পায়, পূর্ববঙ্গ ও উত্তর বঙ্গের নদনদীর প্রকৃতিগত পার্থক্যের মধ্যেই এই দুই অঞ্চলের মাঝির গানে এই পার্থক্যটুকুর সৃষ্টি হইয়াছে।

ভাওয়াইয়া গান সম্পর্কে আর একটি প্রধান কথা এই যে, ইহা বিচ্ছেদের গান; প্রোষিতভর্তৃকা কিংবা বার্থ প্রণয়িনী নারীর বেদনা ও হৃদয়ানুভূতিরই অভিব্যক্তি ইহার মধ্য দিয়া প্রকাশ পাইয়া থাকে। প্রেমে অপূর্ণতার বেদনাই ইহার অনুভূতির বিষয়। ভাটিয়ালী স্বরে দেহতত্ত্ব, বাউল ও বৈরাগ্যমূলক গান গাওয়া হয়, কিন্তু ভাওয়াইয়া গানে কেবলমাত্র নারীজন্মের বেদনার অভিব্যক্তি দেখা যায়।

ও পতিধন, প্রাণ বাঁচে না যৈবন জালায় মরি—

সখিরে, মনোকে বুঝাব বা কত,

সখিরে, চিত্তোকে বুঝাব বা কত।

(আজি) আকাশেতে নাইরে চন্দ্র কি করে তার তারা,
 যে নারীর সোয়ামী নাইরে দিনে আঁধিহারা ।
 খোপেতে যে নাইরে কইতর কি করে তার খোপে,
 যে নারীর সোয়ামী নাইরে কি করে তার রূপে,
 সখি রে ।
 তোলা মাটির কলা যেমন রে হল্‌হল্‌ যল্‌যল্‌ করে,
 ঐ মতন নারীর যৈবন দিনে দিনে বাড়ে রে,
 সখি রে.....

নারীমনে একটি মাত্র বিষয় অবলম্বন করিয়া ইহা রচিত হইয়া থাকে বলিয়া ইহার মধ্যে যে বৈচিত্র্যহীনতা দেখা যাইবার কথা ছিল, প্রকৃতপক্ষে ইহাতে তাহা প্রকাশ পায় না ; কারণ, ইহার অল্পভূতি অত্যন্ত গভীর বেদনার সঙ্গে যুক্ত বলিয়া ইহা সর্বদাই একটি বিশেষ আবেদন সৃষ্টি করিতে সক্ষম হয় । কারণ, বেদনার মধ্য দিয়াই জীবনের মধুরতম সঙ্গীতের স্বর বাজিয়া উঠে—
 “Our sweetest songs are those that telleth of saddest thought. বৈষ্ণব পদাবলীর মাথুর যেমন করুণতম হইয়াও মধুরতম বিষয়, ভাওয়াইয়া গানও বাংলার লোক-সঙ্গীতের মধ্যে করুণতম বলিয়াই মধুরতম বলিয়া বোধ হয় ।

ভাওয়াইয়া গানে সর্বত্রই কেবলমাত্র নারী মনেরই অভিব্যক্তি প্রকাশ পায় । ইহার কারণ সম্পর্কে প্রথমেই বলিয়াছি যে, ইহা স্ত্রী-প্রধান বা মাতৃতান্ত্রিক সমাজ-জীবন হইতে উৎসারিত হইয়াছে । সেইজন্য এই অঞ্চলের লোকসাহিত্য মাঝেই নারীর অন্তর্বেদনাই সঙ্গীতে অভিব্যক্তি লাভ করিয়াছে । তবে সামাজিক জীবনে নারীই যে বিচ্ছেদমূলক ভাওয়াইয়া গানের গায়িকা, তাহা নহে ; পুরুষই নারীর অন্তর্বেদনাকে ভাষা দেয় ; পুরুষ যেমন এই গানের রচয়িতা, তেমনই পুরুষই ইহার গায়ক, তথাপি গানের বিষয়বস্তু সর্বত্রই নারী ।

ভাওয়াইয়া গানের সঙ্গে যে বাস্তবজ্ঞাটি অপরিহার্যরূপে ব্যবহৃত হয়, তাহা দোতার, স্থানীয় উচ্চারণে দোতরা । ইহা তারযন্ত্র, কাঠে তৈরি, চারিটি তার সংযুক্ত ; তবে দুইটি তারই অঙ্গুলির স্পর্শ পায় বলিয়া দোতার নামে পরিচিত । দোতার বাজের সঙ্গে ভাওয়াইয়া গানের স্বর ওতপ্রোতভাবে জড়িত হইয়া থাকে । দোতারার স্বরও পল্লীবালাকে গৃহছাড়া করে—

ও মোর মৈষাল বন্ধুরে,
না বাজান তমান খুটা রে দতারা।
নারীর মন মোর করিল রে ঘরছাড়া।
ওর এ্যাথেতে স্ততারো বাইজন রে ;
কি না সুরে বাজে।
তোর দোতারার বাইজন শুনি
মন না রয় মোর ঘরে রে ॥

দোতারার সঙ্গে ভাওয়াইয়া গান অনিবার্যরূপে গীত হয় বলিয়া ভাওয়াইয়া গানকে দোতারার গানও বলা হয়।

উত্তর বাংলায় ভাওয়াইয়া গান ব্যতীতও অগ্ৰাগ্র কোন কোন লোক-সঙ্গীতেও দোতারার ব্যবহার দেখা যায়। তথাপি মনে হয়, ভাওয়াইয়া গানের জন্মই যেন দোতারার জন্ম হইয়াছে। উত্তর বাংলার লোক-সঙ্গীতের গায়কদের নিকট দোতারার যন্ত্রটি অত্যন্ত প্রিয়। দোতারাকে উপলক্ষ করিয়াও সেখানে অনেক গান শুনিতে পাওয়া যায়। একটি গানে দোতারাকে গায়কের পুত্র বলিয়া কল্পনা করিয়া তাহার সম্পর্কে নানা স্নেহ উক্তি প্রকাশ করা হইয়াছে। তবে উত্তর বাংলার পুরুষ সমাজই দোতারার বাজাইয়া কিংবা অগ্ৰাগ্র গান গাহিয়া থাকে; স্ত্রী-সমাজে যে গানের প্রচলন আছে, তাহাদের প্রায় অধিকাংশের মধ্যেই নৃত্য সংযুক্ত থাকিলেও কোন বাস্তবস্ত্রের ব্যবহার দেখা যায় না, কোন কোন সময় হাতে তালি দিয়া নৃত্যের তাল রাখা হয় মাত্র।

ভাওয়াইয়া গান বাংলার প্রেম-সঙ্গীতের অন্তর্ভুক্ত। আমি অগ্ৰাগ্র বলিয়াছি, প্রকৃত প্রেম-সঙ্গীতে কোন মালিঙ্গ নাই, ভাওয়াইয়া গান আরও একটি বিষয়ে সম্পূর্ণ মালিঙ্গ বর্জিত হইতে পারিয়াছে, তাহা এই যে, ইহাতে মিলনের কথা নাই, স্ততরাং রসোন্মাদও ইহাতে স্থিতি হইবার কোন অবকাশ হয় নাই। ইহা নিরবচ্ছিন্ন বিচ্ছেদের গান, গভীরতম বেদনার গান। অন্তরের গভীরতম তলদেশে কোন মালিঙ্গ স্পর্শ করিতে পারে না বলিয়া ইহা বাংলার পবিত্রতম প্রেম-সঙ্গীত। লৌকিক প্রেম-সঙ্গীত যে দেবতার নামে নিবেদিত প্রেম-সঙ্গীতের তুলনায়ও নির্মল হইতে পারে, ভাওয়াইয়া গান তাহারই নিদর্শন।

পূর্ব বাংলার কোন কোন অঞ্চলে বিচ্ছেদী গান নামে এক জেগীর লৌকিক

বিরহ সঙ্গীত শুনিতে পাওয়া যায়। তাহা প্রধানত পূর্ববঙ্গের প্রচলিত লোক-সঙ্গীতের সুরে অর্থাৎ ভাটিয়ালী সুরেই গীত হয়। পূর্ববঙ্গের লোক-সঙ্গীতে ব্যবহৃত বাণ্যশব্দই তাহাতে ব্যবহার করা হয়। ভাব-গভীরতার দিক হইতে ইহাও ভাওয়াইয়ার সমকক্ষ। তবে পূর্ববঙ্গের বহু বিচ্ছেদী গানে যেমন রাধা-কৃষ্ণের বিরহ চিত্র গিয়া প্রবেশ করিয়াছে, ভাওয়াইয়া গানে তাহা হয় নাই। ভাওয়াইয়া গান প্রেম-সঙ্গীত হওয়া সত্ত্বেও ইহার সম্পর্কে একটি প্রধান কথা এই যে, ইহাতে রাধাকৃষ্ণের চিত্র কোন দিক দিয়াই প্রবেশ করে নাই। সেই জন্তই ইহার চিত্রগত নির্মলতা রক্ষা পাইয়াছে। দেবতার নামে মাহুষ একদিন যে হুনীতির আদর্শকে তাহার লোক-সঙ্গীতে গ্রহণ করিয়াছিল, দেবতার অভাবে ভাওয়াইয়া গানে কোন দিক দিয়াই তাহা প্রবেশ লাভ করিতে পারে নাই। সেইজন্ত ভাওয়াইয়া গানে মানবিক প্রেমানুভূতির পবিত্রতম বিকাশ দেখা গিয়াছে। দেবতার নামে মাহুষ এখানে মনুষ্যত্ব বিলর্জন দিবার অবকাশ পায় নাই।

ভাওয়াইয়া গানের নায়ক কৃষ্ণ বা কামুর পরিবর্তে গ্রাম্য ‘চ্যাংরা’ বা যুবক—

এমন মন মোর করেছে, বিধি, এমন মন মোর করে,
মনের মত চ্যাংরা দেখি ধরিয়া পালাওঁ দূরে,
রে বিধি নিদয়া।

চ্যাংরা বন্ধুর গান শুনিবার জন্ত পল্লীবালার মন উৎসুক হইয়া থাকে, গৃহ-কর্ম তাহার নিকট অর্থহীন বলিয়া মনে হয়—

টেকি কো কাটিম্ রে,
ছাইলাকো পুতিম্ রে,

কেমনি শুনিম্ মুঞো চ্যাংরা বন্ধুর গান রে।

এই চ্যাংরা বন্ধুর জন্তই নারীর মন ব্যাকুল হইয়া থাকে। নায়িকার নামও ভাওয়াইয়া গানে রাধিকা নহে, নায়িকার জবানীতে গানগুলি রচিত হয় বলিয়া নায়িকার কোন নামই ইহাতে শুনিতে পাওয়া যায় না, সাধারণ ভাবে নায়িকা বিমুক্তা স্মরণসাহিত্য পল্লীবালিকা।

প্রেম-ভাবের সমুচ্চ আদর্শ এইভাবে রক্ষা করিয়া ভাওয়াইয়া গান রচিত হইয়া চলিলেও ইহার একটি ধারার মধ্যে একটু লৌকিক বিকৃতি দেখা গিয়া-

ছিল, তাহাই অনুসরণ করিয়া ইহার মধ্যে এক নূতন প্রকৃতির লোক-সঙ্গীত রচিত হইয়াছে, তাহা চট্কা গান (পূর্বে দেখ) নামে পরিচিত। ইহা লঘু এবং হালকা কথায় দ্রুত তালের ছন্দে রচিত কোতুক সঙ্গীত মাত্র, যে ভাব-গভীরতা ভাওয়াইয়া গানকে বাংলার লোক-সঙ্গীতের মধ্যে একটি বিশেষ মর্যাদা দিয়াছে, তাহা হইতে ইহা সম্পূর্ণ বঞ্চিত। ভাওয়াইয়া গানে তাল থাকিলেও দীর্ঘ সুরের টানের মধ্যে সেই টান যেমন প্রাধান্য লাভ করিতে পারে না, ইহাতে তাহার পরিবর্তে দ্রুত তালের ছন্দ ব্যবহৃত হইয়া তালই প্রাধান্য লাভ করিয়া বিষয়-বস্তুকে নিতান্তই তরলায়িত করিয়া তুলে। একটি দৃষ্টান্ত দেওয়া বাইতে পারে—

ও দিদি, শোনেন একটা কথা কঙ,
তোকে ছাড়া আর কাকে সাইকাং
তুই ছাড়া আর কবার জাগায় নাই।
(দিদি) বাপ মায়ের কপাল পোড়া

মোরও নারীর অল্ল পড়া

সেইজন্ত ভাল পান্তর আইসেং না।

দ্ব্যভাবমূলক বৈষ্ণব পদাবলীর প্রেম-সঙ্গীত যেমন লৌকিক স্তরে অবনমিত হইয়া একদিন কবিওয়ালার গানের অধঃপতিত পরিচয় প্রকাশ করিয়াছিল, তেমনই উচ্চ ভাবমূলক প্রেম-সঙ্গীত ভাওয়াইয়া গানও লৌকিক স্তরে অবনমিত হইয়া চট্কা গানে পরিণত হইয়াছে। তবে কবিওয়ালার গানের মধ্যে যেমন বৈষ্ণব পদাবলী শেষ পরিণতি লাভ করিয়াছিল, চট্কা গানের মধ্যে ভাওয়াইয়া গানের সেই পরিণাম ঘটে নাই—ইহার একটি ধারা এইভাবে অধঃপতিত হইয়া পড়িলেও ইহার মূল ধারাটি অবিকৃত থাকিয়া আজও উচ্চ ভাবমূলক ভাওয়াইয়া গান রচনার শক্তি অক্ষুণ্ণ রাখিতে সক্ষম হইয়াছে। সেইজন্ত ভাওয়াইয়া এবং চট্কা উভয়েই সমান্তরাল ভাবেই আজও নিজেদের অস্তিত্ব রক্ষা করিয়া চলিয়াছে। ভাওয়াইয়ার ক্ষেত্রে ভাওয়াইয়া এবং চট্কার ক্ষেত্রে চট্কা ব্যবহৃত হইতেছে।

চট্কা গানের সঙ্গে পূর্ববন্ধের সারি গানের ভাব ও রূপগত অনেকখানি লান্দ্র্য আছে। সারি গানের মধ্যেও প্রেমের বিষয় থাকিলেও যেমন তাহা নিতান্ত লঘু এবং চটুল তাল-প্রধান সুরে রচিত হইবার কলে তরলায়িত হইয়া

উঠে, চট্কা গানেও তাহাই হয় ; তবে সারি গানে যেমন রাধাকৃষ্ণের দিব্য প্রেমের কাহিনীকে নিতান্ত লৌকিক স্তরে অবনমিত করিয়া কৌতুক উপভোগ করা হয়, চট্কা গানে তাহা করা হয় না ; চট্কাই হোক কিংবা ভাওয়াইয়াই হোক, কাহারও মধ্যে রাধাকৃষ্ণের কাহিনী প্রবেশ লাভ করিতে পারে নাই, সে কথা পূর্বেও বলিয়াছি।

এইবার ভাওয়াইয়া গানের ভাষা সম্পর্কে কিছু না বলিলে এই আলোচনা অসম্পূর্ণ থাকিয়া যাইবে। উত্তর বাংলার উপভাষার সমগ্র বৈশিষ্ট্য আশ্রয় করিয়াই ভাওয়াইয়া গান রচিত হইয়া থাকে, তাহা সাধু ভাষায় রূপান্তরিত করা যায় না, করিলে গানের মৌলিক বৈশিষ্ট্য প্রকাশ পাইতে পারে না। বাংলার সকল আঞ্চলিক লোক-সঙ্গীত সম্পর্কেই একথা সত্য। তথাপি ভাওয়াইয়া গানের সম্পর্কে একথা আরও সত্য বলিয়া মনে হইবে ; কারণ, এই অঞ্চলের উপভাষার একটি বিশেষত্ব আছে, ভাওয়াইয়া গানের গঠনে তাহা অঙ্গাদী ভাবে জড়িত হইয়াছে।

ভাষা

এই অঞ্চলের অধিবাসী রাজবংশীদের ভাষা রাজবংশী বা পশ্চিম কামরূপী ভাষা বলিয়া ভাষাতত্ত্ববিদগণ নির্দেশ করিয়া থাকেন। যে মাগধী অপভ্রংশ বাংলা-আসমী-ওড়িয়া ভাষার মূল এই উপভাষারও মূল তাহাই। ইহার কতকগুলি বিশেষত্ব এই প্রকার—

ধ্বনিতত্ত্ব—(১) পদের আদিস্থিত ‘অ’ অনেক সময় ‘আ’ হয় : যেমন—

কথা	স্থলে	কাথা
সকাল	”	সাকাল
সন্ধ্যা	”	সান্ধ্যা
পয়সা	”	পাইসা
লাষা	”	লাষা
অঞ্চল	”	আঞ্চল

(২) পদের আদিস্থিত ‘অ’ অনেক সময় ‘উ’-তেও পরিণত হয়, যেমন, অঝোর স্থলে উঝোর

(৩) শব্দের আদি বর্ণে সংযুক্ত 'এ' একার সর্বত্র 'য়া'র স্থায় উচ্চারিত হইবে—

শেষ — 'শ্রায'

বেশ — 'ব্যাশ'

কেশ — 'ক্যাশ'

দেশ — 'দ্যাশ'

ইহার বিভক্তি প্রকরণ এই প্রকার। প্রথমা বিভক্তিতে প্রাকৃতে 'এ' সংযুক্ত হইয়া থাকে। রাজবংশী ভাষা এই নিয়ম লঙ্ঘন করে নাই। যথা—

রাজাএ ডাকে — রাজা ডাকে

চোরে তামাম্ নিচে — চোরে সমস্ত লইয়াছে।

প্রাকৃতে স্থায় দ্বিতীয়াতে রাজবংশী ভাষায় সর্বত্র 'ক' বিভক্তি চিহ্ন সংযুক্ত হয়। যথা—'পতিক', 'ভীষ্ম', 'তোক', 'মোক', 'রাজক', ইত্যাদি দ্বিতীয়াস্ত।

করণ কারকে 'ত', 'দি' সংযুক্ত হয়। যথা—

দাওদি হাত কাটছে, — দাওত হাত কাটছে,

অধিকরণে 'ত' সংযুক্ত হয়! যথা—

হাতত পাঞসা নাই, — হাতে পয়সা নাই।

ঘরত ভাত নাই — ঘরে ভাত নাই।

নিশ্চয়ার্থে 'ই' এর পরিবর্তে 'এ' সংযুক্ত হইয়া থাকে। যথা—

'হামরাএ যাবেন' — আমরাই যাইব।

ইহার কারক প্রকরণ এবার উল্লেখ করিতে হয়। কর্তৃকারকে সপ্তমী বিভক্তির প্রয়োগ হয়। যথা—

ধান খায়া যায় বানে,

মাগী ক্যাদলে বারা বানে।

— অর্থাৎ বস্ত্রায় ধান নাশ করিতেছে, আর বেটী তখনও উত্থলে মুখল পেষণ করিতেছে। (রঙ্গপুর সাহিত্য পরিষৎ পত্রিকা। ১ম—১৩২৫)

এই উপভাষার সর্বনামের পদগুলিও উল্লেখযোগ্য—

সম্মমার্থে

তুচ্ছার্থে

হামি

মু'ইঞ

(আমি)

হামরা

—

(আমরা)

সঙ্গমার্থে	তুচ্ছার্থে	
হামাক্	মোক	(আমাক্)
হামারগুলাক,	—	(আমাদিগকে)
হামার ঘরক্	—	"
হামাকদি	—	(আমাদ্বারা)
হামার গুলাকদি	—	(আমাদিগ দ্বারা)
হামার	—	(আমার)

১

পরসি আপনার নয় বান্ধব রে ।
 নলবাড়ী খান্ দলোরে মলো আরো বাগের ভয় ।
 তোমরা ক্যানে আসিলেন, বন্ধু, আমরা গ্যাইলোঙ্ হয় ।
 পরসি আপনার নয় বান্ধব রে ।
 নলের আশুন তলরে তলে খাগ্‌ডার আশুন জলে,
 মোর অভাগীর মনের আশুন সদায় জলিয়া ওঠেরে ।
 পরসি আপনার নয় বান্ধব রে ।
 কোড়া কান্দে কুড়িরে কান্দে কান্দে বালি হাঁস ।
 বনের হরিণী কান্দে ছাড়িয়া মুখের ঘাস ।
 পরসি আপনার নয় বান্ধব রে ।

—কুচবিহার

২

আজি নাও চাপাও, নাও চাপাও, নাইয়া রে,
 আর নাও চাপাও, নাও চাপাও নাইয়া
 নাও চাপাও তুই ঘাটে ।
 ওকি আমি নারী আচি বসিয়া রে
 ওকি পান বিড়ি লইয়া রে ।
 ওরে খাটো খুঁটো নাইয়া রে তোঁর দীঘল মাথার কেশ ।
 ওকি যেদিকে চাপাইবেন নাও নাইয়া স্যাটি আমার দেশ ।
 ওকি নাও বাইয়া যাও, ওরে নাইয়া, মধ্য নদী দিয়া,
 ওকি আমি নারী বসিয়া আচিরে পান বিড়ি লইয়া রে ।
 ওকি নাও চাপাও নাও চাপাও নাইয়া রে ।

—ঐ

৩

আরে, ও মন মোর ঝোরে ঝোরে মন মোর চান বন্ধুর বাদে ।
 চান বন্ধুয়া মোক গেইচে রে ছাড়ি,
 মুঞং নারী দিম গলায় দড়ি রে !
 আরে, ও মন মোর ঝোরে ঝোরে মন মোর চান বন্ধুর বাদে ।
 চান বন্ধুয়ার এমনি মায়া, বুঝাইতে না মানে দেহারে,
 আরে, ও মন মোর ঝোরে ঝোরে, মন মোর, চান বন্ধুর বাদে । —ঐ

৪

তোরষা নদীর পারে পারে, ও দিদিও, মানসাই নদীর পারে—
 দিদিও, মানসাই নদীর পারে—আজি সোনার বঁধু গান করি যায় ও,
 দিদি তোরে কি মোরে কি শোনেক, দিদিও !
 বড় বইনে তুকাই ঢেকি, ও দিদি, ও মাইজান বোনে ঝাড়ে,
 আর ছোট বইনের চোখের পানি ও দিদি হিড়িস্ বাঁধি পড়ে—
 কি শোনেক দিদি ও !!
 কেমন করি ডাকাড দিদি ও দিদিও ঐদি ঐদি' যায়—
 বুকের আগুন জলে দিয়া যায়—দিদি, তোরে কি মোরে
 কি শোনেক দিদিও !! —ঐ

নিম্নোক্ত ভাওয়াইয়া গানটি একটি দ্বৈত সঙ্গীত, ইহার মধ্যে একক
 ভাওয়াইয়ার ভাব-নিবিড়তা নাই—

৫

পুরুষ— আগা নাওয়ে ডুবু ডুবু পাছা নাওয়ে বৈস
 ঢোড়ায় ঢোড়ায় ছেকোং জলে রে ।
 ও কত্কা, পাছা নাওয়ে বৈসো, ঢোড়ায় ঢোড়ায় ছেকোং জলে রে !!
 জল ছেকিতে জল ছেকিতে সঁউতির ছিঁড়িল দড়ি,
 গলার হার খসেয়া, কত্কারে—
 ও কত্কা, সঁউতিত নাগাও দড়ি, গলার হার খসেয়া কত্কা রে !!
 স্ত্রী— তোক সে বলাং, ছওয়াল কানাই, তোর সে ভাঙা নাও—
 ভাঙা নাওয়ের খেওয়া দিয়া রে—ও তুমি কেমন মজা পাও ।
 ভাঙা নাওয়ের খেওয়া দিয়া রে !!

পুরুষ : ভাঙাও নোয়ায় ফুটাও নোয়ায় সোনা রূপার গড়া,
 রাজরে হস্তী পাব করিচোং রে !
 এক সুন্দরীক পার করিতে নিচোং আনা আনা—
 তোক সুন্দরীক পার করিয়া রে—
 কল্যা, খসাইম কানের সোনা, তোক সুন্দরীক পার করিয়া রে ! —ঐ
 নিম্নোক্ত গানটি আধুনিকতার লক্ষণাক্রান্ত—

৬

তোরবা নদীর ধারে, দিদি, মানসাই নদীর পারে,
 সোনার বঁধু গান গেয়ে যায় যায় সে অভিসারে ।
 তোর পানে ও চায় কি দিদি, মোর পানে ও চায় ?—
 কান পেতে শোন, সোনার বঁধু গান গেয়ে ঐ যায় ।
 বড় বহিন টেকি পাড়ায়, ছোট বহিন ঝাড়ে,
 গাও গড়িছে মেজো বহিন দুই নয়নের ধারে ।
 চোখের জলের ধারা দিয়ে গাও যে গড়ি, হায়,
 তোর পানে ও চায় কি, দিদি, মোর পানে ও চায় ।
 যায় চলে আর পিছন পানে তাকায় থাকি থাকি,
 ও দিদি, ও যায় যে চলে, কেমন করে ডাকি ?
 যায় ছড়িয়ে তুষের আগুন মনের আঙিনায় ।
 তোর পানে ও চায় কি, দিদি, মোর পানে ও চায় । —ঐ

ভাঁজের গান

মুর্শিদাবাদ, বীরভূম এবং বর্ধমান জিলার পশ্চিম ভাগে ভাঙ্গমাসে কুমারী
 মেয়েদিগের মধ্যে ভাঁজ নামে এক লৌকিক দেবীর পূজা হয়। বাঁকুড়া-
 পুরুলিয়ায় ভাদ্র সঙ্গে ইহার সম্পর্ক থাকা সম্ভব নহে। গানগুলিও প্রায়
 একই প্রকার। পূর্বে এই গান নৃত্য সম্বলিত ছিল; সেইজন্য ইহাদের রচনা
 এখনও তালগ্রন্থান।

১

তিন দিনকের ভাঁজ আমারে চারে দিলে পা,
 তবুতো সোনার ভাঁজ গা তোলে না ।

গা তোলরে, ভাঁজ, গা তোল, বসতে দেবো শীতল পাটি,
থেতে দেব ননী ;

জল আনা সফল হোক, মা বল তুমি ।

যাহুর হাতে কীরের নাড়ু, বর্ধমানের কলা, ভাঁজ,

গা তোল, আতপ খাও, এ নন্দের বালা ভাঁজ,

ঘরকে আলো কর ।

—কোদলা, মুর্শিদাবাদ

২

ধূপের ধোঁয়া খাওরে, ভাঁজ, ধোঁয়া খাও ;

ধূপ ধূপ ধূপের গন্ধ খাওরে ।

কাঁহাতে বসিয়া, ভাঁজ, করল চোকিদারী,

পাটরৈল, ভাঁজ, চুড়ামণি ।

কীর ছাউনি নাওরে, ভাঁজ, কীর ছাউনি নাও ।

এ'কূলে কদমের ফুল সদাই ফেলে মারি ।

কি আরে, ভাঁজ ঘরকে আলো কর ।

—ঐ

৩

বাড়ীর কাছে সিদ্ধির বন, শূকর ডাকে গ্যা-গোঁয়া ।

ডাকুক শূয়র পোহাক রাত, আমার ভাঁজের নিশি রাত ।

বাজ বাজ শব্দ বাজ আমরা দিব কড়ি,

আইবুড়ো ভাঁজ এর সাথে কর কি চাতুরি ।

ওকি আরে ভাঁজের ঘরকে আলো কর ।

ওকি আরে ভাঁজ, ঘরকে আলো কর ।

—ঐ

৪

ও পাড়াদের ভাঁজগুলি গরুতে খেয়েছে,

আমাদের ভাঁজগুলি লাফিয়ে উঠেছে ।

ও পাড়াদের ভাঁজগুলি তুষের ধূনা খায় ।

আমাদের ভাঁজগুলি ধূপের ধূনা খায় ।

ও পাড়াদের ভাঁজগুলি গড়ের গুলি,

আমাদের ভাঁজগুলি সোনার মাহুলী ।

নদীর ধারে রে, ভাই, পুষ্প সারি সারি—
 ডাল ভাঙো ফুল তোল বেছে তোল কড়ি ।
 আর যাব না, মা, পরল পাটের বাড়ী
 পড়ল পাট রইল ভাঁজ চুড়ামণি ।
 কীর ছাউনি খাওরে, ভাঁজ, কীর ছাউনি খাও ।
 এবড় একড়া সদাই ফুলে সদাই কোল মরে কি,
 কি ওরে ভাঁজ, চোরে আলির মা ।

—এ

৬

বারো হাত কাপড়খানি তের হাত দসি,
 লুটাতে লুটাতে যাবে সৈঁকরা ভায়ের বাড়ী ।
 সৈঁকরা ভাই, সৈঁকরা ভাই, বসো নাগর চাঁদে ।
 এমন করে বাক গড়াব যেন ভাঁজকে সাজে,
 সাজাতে গোছাতে ঘামলা গা,
 কোথায় গেলে হে, মোর বিজনী বাতাস করে যা ।
 বাতাস করতে জানি না, মা, এলা বেলা করে,
 হাতের বেনা কেড়ে নিয়ে তিন ঠোকনা দিয়ে ।
 ঠোকনা নয়, ঠুকনি নয়, ইন্দির রাজার ঘর,
 ইন্দির রাজার ঘরে রে, ভাই, আজরে পাজরে ধান, নগলি খেলে হাসে,
 কি ওরে ভাঁজ—মা টগর ফুলের বাসে ।

—এ

৭

খাও মা খাও মা সুসার বলি,
 কি করে পাঠাব মা, দূরে খশুর বাড়ী ।
 চাঁদ পাড়ার ডাঙ্গাতে, বুঝবুঝে বালি,
 চাঁদ মুখতে রোদ লেগেছে, তুলে ধরো ডালি ।
 ভাঁজ, মা, তুলে ধর ডালি ।

—এ

৮

সাধ খাও মা, সাধ খাও, নূতন ঘরখানি দানে নাও,
 জবা ফুলে রে, ভাই, মেলাম পাগেড়া,
 যত ফুল পাড় রে, থকোড়া থকোড়া ।

—এ

৯

কাল কুচুরে, খলো কুচুরে, কুচুর মাথায় ফুল ।
আমার ভাঁজ লাইতে যাবে পুতুর কত দূর ।
তোমার ভাঁজ আমার ভাঁজ শাক তুলতে গেল,
এক না মাছের ফেকনা দিয়ে চোখ জড়িয়ে গেল ॥ —ঐ

১০

কাটা বন কাটিয়ে তুললাম মাটি তাতে উঠল ইহুর বেটা,
উঠ কেন গো, ইহুর বেটা দেখ কেন গো বিয়ে,
আমার ভাঁজের বিয়ে শনি মঙ্গল বারে,
তোরা মাটি যোগান লো, বারে বারে । —ঐ

নিম্নোক্ত গানটি ভাঁজের বিজয়ার গান—

১১

এবার যেছো, মা, কাঁদিয়ে কাটিয়ে
আবার আসিচও মা, নৌকা সাজিয়ে ।
ভাঁজ ভাসিয়ে করব কি, শিল পাটা বুক দিয়ে মরব যি,
ভাঁজ যাবে শোতে শোতে আমরা যাব লয়ে,
হাতের কঙ্কণ বাঁধা দিয়ে তুলিয়ে নিব লয়ে,
আজ এতক্ষণ ভাঁজ আমার বড় ঘরের থারে,
কাল এতক্ষণ ভাঁজ আমার মধ্য পাথারে ।
এ আলকার ভলগুলি ওথালে যায়,
করবীর ডাল ধরে পাই ঝুলি খেলাই কি, ওরে ভাঁজ । —ঐ

ভাঁজোর গান

মুর্শিদাবাদ, বীরভূম অঞ্চলে প্রচলিত এক কৃষি-উৎসবের নাম ভাঁজো । ইহার সঙ্গে ভাঁজের কোন সম্পর্ক থাকা অসম্ভব নহে । ভাঁজো পূজার একটি অল্পষ্ঠানের নামে ভাঁজোর বালি আনা । এই উপলক্ষে কুমারী মেয়েরা এক সারিতে দাঁড়াইয়া এবং পুরুষেরা অগ্র এক সারিতে দাঁড়াইয়া পরস্পর মুখোমুখী হইয়া নৃত্য ও গীত করিয়া থাকে । গীত অনেক সময় ছড়ার লক্ষণাক্রান্ত দেখা যায় । সেইজন্য ইহাদিগকে ভাঁজোর ছড়া বা শোলোকও বলে ।

১

ভাঁজোর শোলোক বলব কি ভাই, জুয়ায় নাক কথা ।

কাল গিয়েছে জরের পালা আজ ধরেছে মাথা ॥

এই পথে যেও ভাঁজো এই পথে যেও ।

বেনা বনে কড়ি আছে ভাগ করে নিও ॥

—মুর্শিদাবাদ

২

ভাঁজুই লো সুন্দরী, মাটি লো সরা,

কাল ভাঁজুর বিয়ে দেবো গেঁথে দেবো বেলফুলের মালা ।

তোমার বাড়ী আমার বাড়ী আট পাঁচিলে ঘেরা,

হাত বাড়িয়ে পান দিলে দেখলে দেওর ছোঁড়া ।

গিয়েছিলাম জেমো কান্দী দেখে এলাম রথ,

যেমন তোমার নাকের শোভা হে, তেমন গড়িয়ে দেব নথ । —ঐ

ভাটিআরি

ভারতীয় প্রাচীন শাস্ত্রীয় সঙ্গীতের একটি রাগিণীর নাম ভাটিআরি । মধ্যযুগের বৈষ্ণব পদাবলীতে এই রাগিণীর ব্যাপক ব্যবহার দেখা যায় । বাংলার লোক-সঙ্গীতের স্বর ভাটিয়ালির সঙ্গে ইহার কোন দিক দিয়াই কোন সম্পর্ক নাই । ইহা মাত্রা ও তালভিত্তিক উচ্চাঙ্গ সঙ্গীতের স্বর অবলম্বন করিয়া গীত হয় ।

ভাঁড় ষাত্রা

ভাঁড়ষাত্রা সম্পর্কে এই সংক্ষিপ্ত বৃত্তান্তটি পাওয়া যায় । ‘অধুনা অবলুপ্তির পথে ভাঁড়ষাত্রা মেদিনীপুরের লেটো গানের অঙ্গরূপ । নিম্নস্তরের চাষী মজুরের মধ্যে খুব জনপ্রিয় ছিল । যুবক যুবতী সেজে আদি রসাত্মক গান গাইত । নন্দীগ্রাম কাঁথী অঞ্চলে রাসের সময় হতো গদাভারত পালাগান । রামায়ণ মহাভারতের ঘটনা অবলম্বনে আখ্যান স্বরে আবৃত্তি করে গাওয়া ছিল গদাভারতের বৈশিষ্ট্য । (মণি বর্ধন, ‘বাংলার লোক-নৃত্য ও গীতি বৈচিত্র্য’ পৃ. ১৬৩) ইহার সম্পর্কে আর কিছু জানা যায় না । গানের কোন নিদর্শনেরও কোথাও সন্ধান পাওয়া যায় নাই ।

ভাব গান

বিভিন্ন বিষয় লইয়া রচিত এক শ্রেণীর গান মুর্শিদাবাদ, চব্বিশ পরগণা, মেদিনীপুর প্রভৃতি বিভিন্ন অঞ্চল হইতে ভাব গান বলিয়া সংগৃহীত হইয়াছে। সম্ভবত কোন একটি বিশেষ সুরে গীত হইত বলিয়া ইহাদিগকে ভাব গান বলা হইত। আধুনিক বাংলা সঙ্গীতে যে ভাব-সঙ্গীত কথাটি আছে, তাহার সঙ্গে ইহার কোন সম্পর্ক নাই। ভাবমূলক গান (অবশ্য প্রায় সকল গানই ভাবমূলক) বলিয়াই ইহাদিগকে ভাব গান বলা হইতে পারে।

১

এত রাত্রে আমায় কে ঠেকা মারে জানালায়,
শুভ্র ঘর পড়ে আছে বন্ধু নাই ঘরে ॥
গোপনে একা একা, তবে থাকবে ভালবাসা নইলে থাকবে না,
হাতে ছড়ি মাথায় তেড়ী ভুলতে পারি না ॥
বন্ধু গেছে কলকাতায় ভুলেতে পাষাণে ভাসিয়ে মাথা
রক্তেতে সরোবর নদী ভেসে যায় ॥
রস খাওয়া পরিপাটি, রসগোল্লা পাউরুটি,
গামছায় মোড়া পানের খিলি বাঁধা রহিয়াছে,
এত রাত্রে আমায় কে ঠেকা মারে জানালায় ॥

—তুড়িয়া, মেদিনীপুর

২

আমি গুরু বই আর বলব কারে,
আমার আর কেহ নাই এ সংসারে।
আমি যারে বলি আপন আপন, সে মাছুষ রয়েছে গোপন,
আমি ঘুমের ঘোরে দেখি তারে, চেতন হলে পাই না তারে ॥
ওগো রাজার পাপে রাজ্য নষ্ট সাধুর মুখে শুনি স্পষ্ট,
দীহু বলে আমার কষ্ট উদয়চাঁদের চরণ বিনে ॥ — ২৪ পরগণা

৩

বলি হায় গো তবে কোথায় যাব ?
আমি কোথা গেলে বন্ধু পাব, হায় গো তবে কোথায় যাব।

করিয়া প্রণয় বিপদ বাড়ে, কি ভাবে তুষ্ট জানিব কি করে,
কি করে জানিব—কি ভাবে সন্তুষ্ট, বন্ধু, কি করে জানিব।
মনের ভিতরে হৃদয় মাঝারে, বন্ধু, আছে বুঝি হায় গো,
আমি বন্ধুর লাগিয়া হইলাম আকুল, বন্ধু মেলা বড় দায় গো। —ঐ

৪

এমন ভালবাসা সর্বনাশা কে আনিল দেশে।

করিয়ে ভালবাসা ভাঙলো স্থখের বাসা

বড় দুর্দশায় পড়িলাম শেষে।

সইবে কি জানি, কি ভাবে জলে পুড়ে মরি অহনিশি,
যদি মনের কথা কইতে যাই—বাসা খুঁজে নাহি পাই,
তাই কাঁদি গো নির্জনে বসে, আমার মন না নেয় গৃহকাজে।

যেমন কাঁচা বাঁশে লাগলো ঘুন, ফুটিল যৌবন কুসুম,

সই রে, যা বলিস রে বল, তোদের মনে যা লয়,

যদি মনের মত মাগুষ পাই, কুলের মুখে দিয়ে ছাই,

যাব গদা কুমুদকান্তের কাছে।

এমন ভালবাসা সর্বনাশা কে এনেছে দেশে ॥

গত নিশি শয়নে শুইয়া স্বপনে,

কালো আমার হিয়ার পরে।

গোঁসাই কুমুদকান্তের বাণী শুন বিনোদিনী।

এ সকল হয় প্রেম বিকারে আঁখি যায় ঝরে ॥

—মুশিদাবাদ

৫

আমার আশা নৈরাশ করো না, ওগো বৃন্দে সই,

আশা নৈরাশ করলে কেমন জালা সই।

বিধির কি এমনি লীলা, প্রকাশ করে যায় না বলা,

তোমার যদি হত প্রেম-জালা, কেমন জালা সই ॥

বেহাল বনে ছমির চাঁদে, প্রেমহারা হয়ে বেড়ায় কৈদে,

পড়েছি পিরীতের ফাঁদে ছাড়লে ছাড়ে কই।

আমার আশা নৈরাশ করো না, ওগো বৃন্দে সই ॥

—যশোহর

৬

মরি রে, প্রাণের স্তবল, মরি রাই অদর্শনে,
 ব্রজের রাখাল সনে ধেহু চরাই বনে ।
 (আমার) মনে লয় কোটাল সাজিতে সখার নিধুবনে রে,
 স্তবল, মরি রাই অদর্শনে ॥
 বানালাম কত পিরীত আয়ানের সনে,
 আমার রাই-বিচ্ছেদে জলছে অনল দহে রাজ্যদিনে ।
 রে স্তবল, মরি রে, রাই অদর্শনে ॥
 ভেবে রাধারমণ বলে, ওগো রাধার ভাবটি নিয়ে,
 এবার ঘরে ঘরে মেগে খাব যোগিনী সেজে,
 রে স্তবল, মরি রাই অদর্শনে ॥ —যশোহর

৭

এসেছ বসেছ, রে মন, তাস খেলিতে,
 এক ব্রহ্ম টেকার মর্ম বুঝে দেখ না আগতে ॥
 দুই রঙেতে হচ্ছে লীলা, বুঝে দেখ মন দুয়ের খেলাতে ।
 ত্রিগুণেরও ত্রিখানা চৌকো চারি ধামেতে ॥
 পঞ্চভূতে পাঞ্জা, থানা ছয়ে ঋতু ছক্কাখানা ।
 সপ্ত পাতা সাতাখানা খুঁজলে পাবা দেহেতে ॥
 আট কুটরী বুঝবি যবে আটার মর্ম পাবি তবে ।
 নবদ্বারের নওলীখানা চৌদ্দ হবে রঙেতে ॥
 যদি গোলাম রঙের হয়, সে করে না আর কার ভয় ।
 রঙের গোলাম বিবির সাথে জ্ঞান-সাহেবটা পেয়ে হাতে,
 তাতে হবে ইস্তক বিস্তি ভুলো না মন কাবার দিতে ॥
 দশ গোলাম বিবি সাহেবে তাতে হবে পঞ্চাশ মোরে ।
 তারি সঙ্গে টেকা নিলে শখের খেলা হবে না রে ॥
 হৃদানন্দ কি খেলিলি, খেলতে গিয়ে হেরে গেলি ।
 চিরদিনের মত বাঁধা রইলি ছক্কা পাঞ্জাতে ॥
 এসেছ বসেছ রে মন তাস খেলিতে ॥ —বাহাদুরপুর (যশোহর)

শোলা ডোবে পাথর ভাসে হরিনামের নিশানা ।
 নাগের সঙ্গে নেউলের পিরীত সুহৃদ হলে যায় জানা ॥
 অষ্টমীতে একাদশী বিধবা রহিল বসি
 পূর্ণশশী উদয় আসি নিত্য করে ছলনা ।
 খাওয়ালে সে গর্ভ হয়, না খাওয়ালে পাপের উদয় হয়
 কৃপা করে, হে দয়াময়, আমায় তাই বল না ॥
 জননীর উদরে পতি, সতী হল গর্ভবতী,
 সে সতীর আর নাইকো পতি উপপতি করে না ।
 পতি যায় সদা বিদেশে নিত্য রমণ করে এসে
 সেই সতী নিত্য প্রসবে, সতীর হ'ল ঘোষণা ॥
 ছয় আঙুল ছেলের, নয় আঙুল মাথা
 সে মলে গোর হবে কোথা ॥
 ওগো মহাজন, তোমরা সব চিন্তা করে
 বল দেখি এসব কথা ॥
 সেই ছেলের তো নয়তো মরণ
 মলে হবে করণ কারণ ।
 অভিনলের এই নিবেদন যুগল চরণ বাসনা ॥ —মুর্শিদাবাদ

ভাটিয়ালি

বাংলার লোক-সঙ্গীতকে প্রধানত দুইটি প্রধান ভাগে ভাগ করা যায় ;
 প্রথমত উৎসব অনুষ্ঠান কিংবা কোন বিশিষ্ট ক্রিয়ার (action) সঙ্গে সম্পর্কযুক্ত
 সমবেত সঙ্গীত এবং দ্বিতীয়ত নিঃসঙ্গ অবসরের মুহূর্তে গেয়ে একক সঙ্গীত ।
 কর্মের সঙ্গে সম্পর্কযুক্ত সমবেত সঙ্গীতটিকে প্রধানত সারি শ্রেণীর গান বলিয়া
 নির্দেশ করা যায়, নিঃসঙ্গ অবসরের একক সঙ্গীতই ভাটিয়ালি নামে পরিচিত ।
 প্রত্যেক দেশেরই লোক-সঙ্গীত প্রধানত ইহার প্রাকৃতিক পরিবেশে এবং
 সমাজ-মানসের পটভূমিকার উপর জন্মলাভ করে । এক হিসাবে বহিঃপ্রকৃতিই
 সমাজের মানস-প্রকৃতি গঠন করিতে সহায়তা করে । সেই জন্যই প্রকৃতির
 সঙ্গে যোগ রক্ষা করিয়া সমাজের রস-সংস্কার বিকাশ লাভ করিয়া থাকে ।

সুতরাং বাংলা দেশের বিশেষ একটি অঞ্চলেই ভাটিয়ালি জন্ম এবং বিকাশ লাভ করিয়াছে ; নদীমাতৃক পূর্ববাংলাই ভাটিয়ালির জন্মস্থান। দেশের যে বিশেষ প্রাকৃতিক পরিবেশের মধ্য দিয়া ভাটিয়ালি জন্ম লাভ করিয়াছে, তাহা আজয় করিয়াই তাহা বিকাশ লাভ করিয়া আসিয়াছে। প্রাকৃতিক এই বিশেষ পটভূমিকা হইতে বিচ্ছিন্ন হইয়া পড়িয়া ইহা কোথাও প্রচার লাভ করিলেও তাহাতে ইহার মৌলিক প্রাণশক্তি রক্ষা পাইতে পারে না।

কেবল মাত্র নদীর সঙ্গেই যে ভাটিয়ালির সম্পর্ক, তাহাই নহে—বিশাল প্রান্তরের দিগন্ত প্রসারিত বিস্তার, তাহার উপর দিয়া অলস মন্থর গতির পথযাত্রা, প্রকৃতির মধ্যে উদাসী বিষন্ন বৈরাগ্যের রূপ—ইহার ভাটিয়ালির প্রেরণা দান করিয়া থাকে। পূর্ববাংলার দিগন্ত প্রসারিত প্রান্তর বলিতে বিস্তৃত জলাভূমি বা হাওর বুঝায়। হাওর শব্দটি সাগর কথারই অপভ্রংশ। দিগন্ত বিস্তৃত হাওরের বুকের উপর দিয়া অলস মন্থর গতিতে ভাসমান নৌকার হাল ধরিয়া থাকিয়া যখন মাঝি দেহে এবং মনে একটু অবসরের সুযোগ পায়, তখনই ভাটিয়ালির সুর তাহার কণ্ঠে আপনা হইতে জাগিয়া উঠে। কিংবা হেমন্ত-শীতের বিষন্ন মধ্যাহ্নে হাওরের জলরাশি যখন শুষ্ক হইয়া গিয়া ইহার মধ্যে কেবল শূণ্যতা হাহাকার করিতে থাকে, তখন কোন মহিষ কিংবা গোরক্ষক বালক কোন বৃক্ষচ্ছায়ায় যখন অবসর যাপন করিবার জন্ত তাহার নিঃসঙ্গ তৃণশয্যায় আশ্রয় লয়, তখনই তাহার কণ্ঠে ভাটিয়ালির সুর জাগিয়া উঠে। সুতরাং দেখা যায়, ভাটিয়ালির প্রকৃত অবকাশ একদিকে যেমন প্রকৃতির অন্তহীন বিস্তার, আর একদিক দিয়া তেমনই বিষন্ন নিঃসঙ্গতা। ইহা একক সঙ্গীত ; ইহা বিশেষ অর্থে একক—এখানে গায়কের যেমন কোন সঙ্গী থাকে না, তেমনই গায়কের সম্মুখে কোন শ্রোতাও থাকে না, কাহারও মুখের দিকে তাকাইয়া, কাহারও রস ও রুচির উপর লক্ষ্য রাখিয়া এখানে গায়কের রসোৎসারকে নিয়ন্ত্রিত করিবার প্রয়োজন হয় না। এখানে গায়ক সম্পূর্ণ স্বাধীন, নিজের নিত্যন্ত অন্তরের সঙ্গে তাহার একাত্মতার অমুভূতিতে তাহার কোন অন্তরায় নাই। কোন সংস্কার তাহার সহজাত অমুভূতির অভিব্যক্তিতে বাধা সৃষ্টি করিতে পারে না। সুতরাং ইহার মধ্য দিয়া গায়কের অন্তরটি স্বতঃস্ফূর্তভাবে প্রকাশ পায়, অথবা কোন লোক-সঙ্গীতের মধ্য দিয়া তাহা তত স্বচ্ছ ভাবে প্রকাশ পায় না।

ভাটিয়ালির প্রধান বিষয় প্রেম। তরুণ গায়কের কণ্ঠে তাহার ব্যক্তিগত প্রণয়-জীবনের আশা নৈরাশ্যের স্বর ইহার মধ্যে যেমন ধ্বনিত হইয়া থাকে, পরিণত-বয়স্ক গায়কের কণ্ঠে তেমনই আধ্যাত্মিক আশা নৈরাশ্যের স্বর ধ্বনিত হয়। উভয় ক্ষেত্রেই গায়কের অন্তর মথিত করিয়া ইহার স্বর উৎসারিত হয়। সেইজন্য লোক-সঙ্গীতের মধ্যে ইহাই সর্বাধিক আন্তরিকতায় পরিপূর্ণ। নিঃসঙ্গ নির্জনতার মধ্য দিয়া বিষাদের ভাবই মনে জাগ্রত হয়, সেই জন্য ভাটিয়ালি গানের প্রেমাত্মকতাই এই প্রকার বেদনার্ত, যেমন—

পাখী, তোমার পায়ে ধরি মিনতি গো করি

আর আমায় জ্বালাইও না।

‘বউ কথা কও’—বলে গো ডাইকো না ॥

পাখী ডাকে সন্ধ্যাকালে,

আমি সন্ধ্যা দিতে যাই গো ভুলে ;

যদি ডাক নিশিকালে

আমি কাইন্দ্যা ভিজাই বিহানা ॥

পরিণত বয়স্কের কণ্ঠে যখন ভাটিয়ালি গানে আধ্যাত্মিক ভাবেরও বিকাশ দেখা যায়, তখন তাহাতেও বেদনা ও নৈরাশ্যের অঙ্গভূতিই ব্যক্ত হইয়া থাকে—

ভেবে দেখলাম ভবনদীর নাইরে পারাপার।

আমি যেই দিকে চাই, সেই দিকেই দেখি অকুল পাথার ॥

উন্মুখু নৈরাকারে, যে কথা মনে পইলে ফাঁপর করে,

চিন্তায় জরজর না দেখি উপায় ॥

ভাটিয়ালি গান প্রধানত বিরহ-বেদনা ও নৈরাশ্যের গান—এই বিরহ-বেদনা যেমন প্রণয়-গত নৈরাশ্য-জনিত হইতে পারে, তেমনই আধ্যাত্ম-জীবনের অসম্পূর্ণতা বোধ হইতেও সৃষ্টি হইতে পারে। প্রকৃতির যে বিশেষ রূপটির কথা ভাটিয়ালির পটভূমিকা রূপে উল্লেখ করিলাম, তাহা হইতেই এই নৈরাশ্য ও বেদনার ভাবটি আসিয়া ইহার সঙ্গে যুক্ত হইয়াছে। সুতরাং এই সঙ্গীতও ইহার স্বর প্রকৃতির সঙ্গে অবিচ্ছিন্ন হইয়া রহিয়াছে। ইহার এই বিশিষ্ট প্রাকৃতিক পটভূমিকা হইতে ইহাকে বিচ্ছিন্ন করিবার উপায় নাই।

অনেকেই এ’কথা স্বার্থই মনে করিয়া থাকেন যে, ভাটিয়ালি বাউল গানের

অনেক পূর্ববর্তীকালেই উদ্ভূত হইয়াছিল। অর্থাৎ ভাটিয়ালি গানের মধ্যে তত্ত্বকথা যে প্রবেশ করিয়াছে, তাহা অনেক পরবর্তী কালীন যোজনা, মূলতঃ ইহা একান্ত পাখিব জীবনের দুঃখ-বেদনা ও নৈরাশ্র অবলম্বন করিয়াই রচিত হইত, ইহার মধ্যে তত্ত্বকথার কোনও সংশ্বে ছিল না। পাখিব স্তম্ভ-দুঃখ অমুভূতির অভিব্যক্তিই সাহিত্যে প্রথম আত্মপ্রকাশ করিয়াছিল, এ'কথা সত্য ; দর্শন বা তত্ত্বকথা পরবর্তী কালে আসিয়া মানব-সমাজের চিন্তার রাজ্য অধিকার করিয়াছে। ভাটিয়ালির যখন উদ্ভব হয়, তখন ইহা মানব-জীবনের পাখিব দুঃখ-বেদনাকেই রূপ দিয়াছে ; ক্রমে পূর্ববঙ্গের বাউল, দেহতত্ত্ব, মুর্শীডা, মারফতির তত্ত্বকথাও ইহার মধ্যে প্রবেশ করিয়াছে। এক কথায় বলিতে গেলে পূর্ববঙ্গের প্রায় অমুরূপ ভাবমূলক সকল লোক-সঙ্গীতই ইহা দ্বারা প্রভাবিত হইয়াছে, পূর্ববঙ্গের উপরি-বর্ণিত বিশিষ্ট প্রাকৃতিক পরিবেশ আশ্রয় করিয়া যখনই যে ভাবমূলক সঙ্গীত রচিত হইয়াছে, তাহাতেই প্রধানত ভাটিয়ালির প্রভাব নিজের অধিকার স্থাপন করিয়া লইয়াছে। কিন্তু পূর্ববঙ্গের উক্ত প্রাকৃতিক পরিবেশ পরিত্যাগ করিয়া অগ্রভ্র গিয়া ইহা বিকাশ লাভ করিতে পারে নাই। সেই জগুই এ'কথা অতি সহজেই মনে হয় যে, ইহা পূর্ববঙ্গেই অত্যন্ত প্রাচীন কালে উদ্ভূত হইয়া একমাত্র সেখানেই বিকাশ লাভ করিতেছে। অগ্রভ্র ইহার বিকাশ ও পুষ্টিলাভ অসম্ভব।

ভাটিয়ালি যত প্রাচীনই হউক, ইহা কবে, কি ভাবে যে সর্বপ্রথম উদ্ভূত হইয়াছিল, তাহা আজ আমাদের জানিবার উপায় নাই। প্রাচীন বাংলার যে সকল গ্রন্থের মধ্যে রাগ-রাগিণীর উল্লেখ আছে, তাহাদের মধ্যে স্বর্গত হরপ্রসাদ শাস্ত্রী সম্পাদিত 'বৌদ্ধগান ও দোহা' গ্রন্থটিই বাংলা ভাষায় রচিত সর্বপ্রাচীন পুঁথি বলিয়া পণ্ডিতগণ গ্রহণ করিয়া থাকেন। তাহাতে যে সাতচল্লিশটি প্রাচীন বাংলা গান সঙ্কলিত হইয়াছে, তাহাদের প্রত্যেকটিরই রাগ-রাগিণীর উল্লেখ রহিয়াছে। এই গ্রন্থখানি খ্রীষ্টীয় ১২শ শতাব্দীর পূর্বেই সঙ্কলিত হইয়াছিল বলিয়া গৃহীত হইয়াছে। ইহাতেও দেখিতে পাওয়া যায়, বিভিন্ন প্রাচীন রাগ-রাগিণীর সঙ্গে 'বঙ্গাল-রাগ' নামক একটি রাগের উল্লেখ আছে। যে সঙ্গীতটি সম্পর্কে এই রাগটির উল্লেখ আছে, তাহার রচয়িতার নাম ভূষক, তিনি বঙ্গাল দেশের অর্থাৎ পূর্ববঙ্গের অধিবাসী ছিলেন বলিয়া জানিতে পারা যায়। যদিও বঙ্গাল রাগই ভাটিয়ালি কি না, এই বিষয়ে নিঃসংশয়ে কিছুই বলিতে পারা যায়

না, তথাপি ইহার সম্ভাব্যতা সম্পর্কে অসুমান করিবার পক্ষেও যথেষ্ট কারণ রহিয়াছে। কারণ, এ'কথা সত্য, পূর্ববাংলার সর্বাঙ্গোপাঙ্গো নিজস্ব উল্লেখযোগ্য সঙ্গীতটিই ভাটিয়ালি। ইহার প্রসার ও অন্তর্নিহিত স্বরগুণ বিচার করিয়া দেখিলে সহজেই মনে হইতে পারে যে, দীর্ঘকাল ধরিয়া ইহা সেই অঞ্চলের একটি বিশিষ্ট গীতিরূপ বলিয়া স্বীকৃতি লাভ করিয়া আসিতেছে। স্মৃতরাং প্রাচীনতর কালে বঙ্গাল-রাগ ও ভাটিয়ালি একার্থ বাচক হওয়া কিছুই আশ্চর্য নহে। 'বৌদ্ধগান ও দৌহা'র অগ্রাঙ্গ আর যে সকল রাগ-রাগিণীর উল্লেখ আছে, তাহাদের মধ্যে অগ্রাঙ্গ নানা শাস্ত্রীয় সঙ্গীতের রাগ-রাগিণীর সঙ্গে 'দেশাখ্য' বা দেশীয় রাগ-রাগিণীর উল্লেখ আছে, তবে তাহাদিগকে গোড়ীয় বা দেশাখ্য বলিয়া উল্লেখ করা হইয়াছে, 'বঙ্গাল-রাগ'কে স্বতন্ত্র স্থান নির্দেশ করিয়া তাহার একটি মাত্র নিদর্শন উল্লেখ করা হইয়াছে। স্মৃতরাং বাহা বঙ্গাল-রাগ বলিয়া উল্লেখিত হইয়াছে, তাহা দেশীয় কিংবা গোড়ীয় হইতে পৃথক বলিয়া মনে হওয়াই স্বাভাবিক। ইহার অর্থ এই যে, সাধারণ গোড়ী, কিংবা দেশী রাগ হইতে ইহা স্বতন্ত্র ছিল, ইহার বিশেষত্বের মধ্যেই ইহার স্বাতন্ত্র্য ধরা পড়িয়াছিল।

বঙ্গাল-রাগে গেষ যে গানটির 'বৌদ্ধ গান ও দৌহা'র উল্লেখ রহিয়াছে, তাহা সহজিয়া বা যোগতান্ত্রিক বৌদ্ধ সম্প্রদায়ের একটি সাধন-সঙ্গীত। একে ইহার ভাষা প্রাচীন, তাহার উপর সাধন ভজনের গুঢ় তত্ত্বকথা ইহার মধ্য দিয়া প্রকাশ পাইয়াছে বলিয়া ইহার অর্থ সহজবোধ্য নহে। তথাপি বাংলার প্রাচীন একটি সঙ্গীত হিসাবে ইহা এখানে উদ্ধৃতিযোগ্য। গানটি এই প্রকার—

সহজ মহাতরু ফরিঅএ তেলোএ।

খসম সভাবে রে বান্ধই কা কোএ ॥

জিম জলে পাণিআ টালিয়া ভেউ ন জাই।

তিম মণ রঅণা রে সময়সে গঅণ সমাই ॥

জান্ন নাহি অণ্ণা তান্ন পরেলা কাহি।

আইএ অল্পঅনারে জাম মরণ ভব নাহি ॥

ভুস্ক ভনই কট রাউতু ভনই কট সঅলা এহ সহাব।

জাইএ ৭ আবই রেণ তহিঁ ভাবাভাব ॥

আধুনিক বাংলা ভাষায় অনুবাদ করিলে ইহা এই প্রকার দাঁড়াইবে—

সহজ-মহাতরু ক্ষুরিত এ ত্রিলোকে ।

খ-সম স্বভাবে রে বাঁধে কাহাকে কে এ ?

যেমন জলে পানি ঢালিয়া ভেদ করা যায় না ।

তেমন মনোরত্ন রে সমরসে গগনে সামায় ॥

যাহার নাহি আপন তাহার পর কোথায় ?

আদৌ অনুৎপন্ন সহজে জন্ম মরণ ভব নাই ॥

ভুস্কু ভণে আশ্চর্য ! রাজপুত্র ভণে আশ্চর্য ! সকল এই স্বভাব !

না যায় না আসে রে, না তায় ভাবাভাব ॥

এই বৌদ্ধ সহজিয়া গানটি বিস্তৃতভাবে উদ্ধৃত করিবার একটি বিশেষ কারণ আছে, তাহা এখানে উল্লেখ করিতেছি। পূর্বেই বলিয়াছি যে, ভাটিয়ালিতে তত্ত্বকথাও স্থান পাইয়া থাকে, সুতরাং ইহাতে তত্ত্বকথা আছে বলিয়া ইহা ভাটিয়ালি হইবার পক্ষে কোন বাধা নাই। যদি ইহা ভাটিয়ালিই হইয়া থাকে, তবে খৃষ্টীয় দশম শতাব্দীর পূর্ব পর্যন্ত ভাটিয়ালি নামটির যে উৎপত্তি হয় নাই, তাহা বুঝিতে পারা যায়। তখন সম্ভবত ইহা বঙ্গাল দেশ বা পূর্ববঙ্গের গীতরূপে বঙ্গাল রাগ বলিয়াই পরিচিত ছিল। কিন্তু এই বিষয়ে নিঃসংশয়ে কিছুই বলিতে পারা যায় না। ভাটিয়ালি কথাটির কি ভাবে কবে উদ্ভব হইল, তাহা এখন আলোচনা করিয়া দেখিতে হয়।

একথা সকলেই জানেন যে, ভারতীয় প্রাচীন শাস্ত্রীয় সঙ্গীতের মধ্যে ‘ভাটিয়ারী’ নামে একটি রাগিনী আছে। মধ্যযুগের বাংলার বৈষ্ণব পদাবলীতে এই রাগিনীর ব্যাপক উল্লেখ পাওয়া যায়। উপরে বাংলার লোক-সঙ্গীত ভাটিয়ালির যে প্রকৃতির কথা উল্লেখ করিয়াছি, তাহার সঙ্গে শাস্ত্রীয় সঙ্গীতের অন্তর্ভুক্ত ‘ভাটিয়ারী’র কোন দিক দিয়াই সম্পর্ক নাই। ভাটিয়ালির মৌলিক প্রকৃতির মধ্যে যে ভাব-গভীরতা ও সুরের বিস্তার আছে, ভাটিয়ারীর মধ্যে তাহা নাই। ‘বৈষ্ণব পদ-লহরী’-তে নিম্নোক্ত পদটিকে ভাটিয়ারী রাগিনীতে গেয় বলিয়া নির্দেশ দেওয়া হইয়াছে, ইহা বিশ্লেষণ করিলে দেখিতে পাওয়া যাইবে যে, ইহা মাত্রা ও তাল-ভিত্তিক উচ্চাঙ্গ-সঙ্গীত অনুযায়ী রচনা। ভাটিয়ালির রচনা ও ভাবগত বৈশিষ্ট্য কিছুমাত্র ইহার নাই। ‘বৈষ্ণব পদ-লহরী’ হইতে দুইটি পদ এখানে উদ্ধৃত করিলেই তাহা বুঝিতে পারা যাইবে, যেমন—

মাথহি তপন তপত পথ বালুক

আতপ দহন বিথার ।

ননীর পুতুল তহু চরণ কমল জহু

তবহি চলল অভিসার ॥

ইহা যদি ভাটিয়ারী হইয়া থাকে, তবে বাংলার পল্লী-সঙ্গীত ভাটিয়ালি যে ইহা হইতে স্বতন্ত্র, তাহা বিশদ ভাবে ব্যাখ্যা করিয়া না বুঝাইলেও চলিতে পারে ।

বড়ু চণ্ডীদাসের ‘শ্রীকৃষ্ণ-কীর্তনে’র মধ্যেই বাংলার প্রাচীন গীতি সাহিত্যে ‘ভাটিয়ালী’ নামক একটি রাগের সর্বপ্রথম উল্লেখ দেখিতে পাওয়া যায় । বড়ু চণ্ডীদাসের ‘শ্রীকৃষ্ণ-কীর্তন’ খ্রীষ্টীয় চতুর্দশ শতাব্দীতে রচিত হইয়াছিল বলিয়া পণ্ডিতগণ অনুমান করিয়াছেন ; সুতরাং ‘বৌদ্ধগান ও দৌহা’র দ্বারা অনুসরণ করিয়া ইহা ‘শ্রীকৃষ্ণ-কীর্তনে’ আত্মপ্রকাশ করা কিছুই অসম্ভব নহে । কিন্তু একটি কথা এখানে উল্লেখ করিতে পারা যায় যে, ‘শ্রীকৃষ্ণ-কীর্তন’ রাঢ় অঞ্চল বা বাংলার পশ্চিম সীমান্তবর্তী অঞ্চলের রচনা, কিন্তু ভাটিয়ালি সম্পর্কে আমরা পূর্বে যাহা উল্লেখ করিয়াছি, তাহা হইতে বুঝিতে পারা যায় যে, ইহা পূর্ব-বঙ্গেরই লোক-সঙ্গীত । পূর্ববঙ্গেরই প্রাকৃতিক বৈশিষ্ট্য দ্বারা ইহা চিহ্নিত, সুতরাং পশ্চিম বঙ্গের সঙ্গে ইহার কোন সম্পর্ক থাকিবার কথা নহে । কিন্তু ইহারও একটি সন্দের পাওয়া যায়, তাহাই এখানে উল্লেখ করিতেছি ।

একথা পূর্বে উল্লেখ করিয়াছি যে, ভাটিয়ালি নৌকার মাঝি মাল্লা ও চাষী রাখালের গান । পূর্ববাংলার মাঝি মাল্লারা সর্বদা পশ্চিম বঙ্গে জীবিকার্জনের জন্ত যাতায়াত করিত এবং সেই সূত্রে তাহাদের নিজেদের অঞ্চলে প্রচলিত সঙ্গীত পশ্চিম বঙ্গেও প্রচার করিবার সহায়তা করিয়াছে । প্রাচীন ও মধ্যযুগের বাংলা সাহিত্যে সর্বদাই দেখিতে পাওয়া যায় যে, পশ্চিম বাংলার সওদাগরদিগের বাণিজ্যতরী পূর্ববাংলার মাঝিরাই বাহিয়া দেশ দেশান্তরে লইয়া যাইত । মধ্যযুগের প্রত্যেক মঙ্গলকাব্যেই সওদাগরদিগের ডিঙ্গাডুবির পর ‘বাঙ্গাল মাঝির খেদ’ নামক একটি বিষয় বর্ণনা করা হইত । এই বিষয়টি স্নগভীর তাৎপৰ্যমূলক । ইহা হইতেই বুঝিতে পারা যায়, পূর্ব বাংলার গান পূর্ব বাংলার মাঝিদিগের মধ্যে পূর্ববঙ্গেই সীমাবদ্ধ হইয়া থাকিত না, বরং তাহাদের মধ্যস্থতায় দেশান্তরে ছড়াইয়া পড়িত । প্রধানত এই ভাবেই ভাটিয়ালি পশ্চিম বাংলায়ও প্রচার

লাভ করিয়াছিল। তবে এ'কথা সত্য, সেখানে ইহা প্রচার লাভ করিলেও অল্পকাল প্রাকৃতিক পরিবেশের অভাবে তাহা সেই অঞ্চলে কোনদিন পুষ্টিলাভ করিতে কিংবা বিকাশ লাভ করিতে পারিত না—প্রচার হইবার সঙ্গে সঙ্গেই বিলুপ্ত হইয়া যাইত। সুতরাং বড় চণ্ডীদাসের 'শ্রীকৃষ্ণ-কীর্তন' গীতিকাযে 'ভাটিয়ালি' নামক যে রাগের উল্লেখ করা হইয়াছে, তাহা পূর্ববাংলার ভাটিয়ালির মধ্য দিয়া ভাটিয়ালির যে বৈশিষ্ট্য প্রকাশ পায়, 'শ্রীকৃষ্ণ-কীর্তনে' 'ভাটিয়ালি' বলিয়া উল্লেখিত গীতগুলির মধ্য দিয়া আত্মপূর্বিক যে সেই বৈশিষ্ট্যই প্রকাশ পাইয়াছে, তাহা নহে, পাইবার কথাও নহে ॥ কারণ, বিশিষ্ট একটি লোক-সঙ্গীতের রীতি ইহার নিজস্ব সমাজ ও প্রাকৃতিক জীবনের পরিবেশ হইতে বিচ্ছিন্ন হইয়া গিয়া অল্পকাল যখন আত্মপ্রকাশ করে, তখন তাহার মৌলিক শক্তি অনেকাংশেই হ্রাস পাইয়া যায়। এই বিষয়ে মার্গ-সঙ্গীত ও লোক-সঙ্গীতে পার্থক্য আছে। মার্গ-সঙ্গীত একটি অবিচল আদর্শ অটুটভাবে রক্ষা করিবার ফলে ভারত ব্যাপী সর্বত্র যেমন এক অখণ্ড গীতি-রূপ রক্ষা করিতে সমর্থ হইয়া থাকে, লোক-সঙ্গীতের গীতি-রীতি তদপেক্ষা শিথিলবদ্ধ বলিয়া তাহা সেই ভাবে অহুমবণ করা হইতে পারে না। এমন কি, শাস্ত্রীয় সঙ্গীতের মধ্যেও দেখা যায়, দক্ষিণ ভারতে প্রচলিত শাস্ত্রীয় সঙ্গীত যত রক্ষণশীল, উত্তর ভারতে প্রচলিত শাস্ত্রীয় সঙ্গীত তত রক্ষণশীল নহে, বিভিন্ন যুগে বিভিন্ন প্রকৃতির গীতিরীতির সঙ্গে সম্পর্কের ফলে উত্তর ভারতের শাস্ত্রীয় সঙ্গীত ইহার প্রাচীনতম আদর্শ অটুটভাবে রক্ষা করিয়া চলিতে পারে নাই; সুতরাং যে লোক-সঙ্গীতের জন্ত কোন লিখিত শাস্ত্রই কোন কালে রচিত হয় নাই, তাহার পক্ষে রূপান্তরিত হওয়া আরও সহজ। সুতরাং পূর্ববাংলার ভাটিয়ালিই যে 'শ্রীকৃষ্ণ-কীর্তনে' 'ভাটিয়ালী' বলিয়া উল্লেখিত হইয়াছে, এমন অহুমান করা নিতান্ত অসঙ্গত হইবে না। বিষয়ের দিক দিয়াও যদি বিচার করিয়া দেখি, তাহা হইলেও বুঝিতে পারা যাইবে যে, পূর্ববাংলার ভাটিয়ালির সঙ্গে যে 'শ্রীকৃষ্ণ-কীর্তনে'র 'ভাটিয়ালী'র একেবারেই কোন ঐক্য নাই, তাহা নহে। পূর্ববাংলার ভাটিয়ালি যেমন বিরহ, বিচ্ছেদ ও বেদনার গান 'শ্রীকৃষ্ণ-কীর্তনে' যে গানগুলি 'ভাটিয়ালী' বলিয়া উল্লেখ করা হইয়াছে, তাহাদের মধ্যেও বেদনার স্বরের অভাব বোধ হইবে না। প্রথমত দেখা যায় যে, 'শ্রীকৃষ্ণ-কীর্তনে'র 'রাধা-বিরহ' খণ্ডে অধিক সংখ্যক ভাটিয়ালী রাগের উল্লেখ আছে। ইহার রাধা-বিরহ অংশ শ্রীরাধিকার

সুগভীর অন্তর্বেদনার ভারে ভারাক্রান্ত। একটি সঙ্গীত এখানে উদ্ধৃত করা যায়—

হরি হরি।

আয়সেঁ কাহের উরে

শুতিলেঁ দিঞা শিয়রে

প্রাণের বড়ায়িল

দারুণ নয়নে ভৈল নিন্দে। ল

কাহাঞির দরশন যেহেন ভৈল স্বপন

প্রাণের বড়ায়িল

যাগিঞা চাহেঁ নাহিক গোবিন্দে ॥

ভাটিয়ালির যে কয়েকটি প্রধান বিশেষত্ব দেখিতে পাওয়া যায়, তাহাদের সব কয়টিই এখানে রক্ষা করিবার যথাযথ সুযোগ রহিয়াছে। ভাটিয়ালির প্রথম বিশেষত্ব, দুই তিনটি শব্দ লইয়া যে এক একটি শব্দগুচ্ছ রচিত হয়, তাহা এখানে আছে। তারপর এই শব্দগুচ্ছ গীত হইবার পরই সুদীর্ঘ একটানা যে কেবল মাত্র একটি স্বর আন্দোলন-যুক্ত হইয়া প্রকাশ পায়, তাহারও যথাযথ অবকাশ উদ্ধৃত পদগুলির মধ্যে রহিয়াছে। ‘শ্রীকৃষ্ণ-কীর্তন’ রচনার সমসাময়িক কালে ইহার এই সকল পদে যে কি ভাবে গীত হইত, তাহা আজ জানিতে পায়া যায় না, তথাপি ইহার রচিত পদগুলি হইতে অন্তত এই অংশ যে ভাটিয়ালির অমূরূপ কোন সুরেই গীত হইত, তাহাও বুঝিতে পারা যায়।

একথা এখানে উল্লেখযোগ্য যে, ‘শ্রীকৃষ্ণ-কীর্তন’র মধ্যেও ‘বঙ্গাল-রাগের’ উল্লেখ আছে। স্তবরাং ‘বৌদ্ধ গান ও দোহা’র বঙ্গাল-রাগের উল্লেখ পাইয়া তাহা যে ভাটিয়ালি বলিয়া অনুমান করিয়াছি, সেই সম্বন্ধে ইহা হইতে সন্দেহ উপস্থিত হইতে পারে; কারণ, কেহ হয় ত বলিবেন, বঙ্গাল রাগই যদি ভাটিয়ালি, তবে ‘শ্রীকৃষ্ণ-কীর্তন’ে বঙ্গাল-রাগ উল্লেখ করিবার পরও ‘ভাটিয়ালী’র উল্লেখ থাকিবার প্রয়োজন কি ছিল? এ কথা মনে রাখিতে হইবে যে, ‘শ্রীকৃষ্ণ কীর্তন’ ‘বৌদ্ধগান ও দোহা’র অন্ততঃ তিনশত বৎসরের পরবর্তী রচনা। স্তবরাং এই তিনশত বৎসরের মধ্যে পূর্ববঙ্গ হইতে পশ্চিম বঙ্গে আরও নূতন নূতন লোক-সঙ্গীতের রাগ-রাগিণীর প্রচার হইয়াছে এবং পূর্ববর্তী কাল হইতে প্রচলিত বঙ্গাল রাগ একটি সুনির্দিষ্ট গীত-রীতিতে পরিণত হইয়া একটি বিশেষ রূপ লাভ

করিয়। মূল ভাটিয়ালি হইতে কতকটা স্বতন্ত্র হইয়া পড়িয়াছে। সেই জন্ত মৌলিক ভাটিয়ালির রূপ নির্দেশ করিবার জন্তই বঙ্গাল রাগ হইতে স্বতন্ত্র করিয়। ভাটিয়ালির এক স্বতন্ত্র স্থান নির্দেশ করা হইয়া গিয়াছে। ক্রমে বঙ্গাল রাগ ও ভাটিয়ালি দুইটি স্বতন্ত্র গীতি-রীতিতে পরিণত হইয়া গিয়া থাকিবে। কিন্তু পূর্বেই বলিয়াছি, এই বিষয়ে কেবল মাত্র অনুমানই আমাদের নির্ভর, প্রত্যক্ষ তথ্য ইহার কিছুই নাই।

‘শ্রীকৃষ্ণ-কীর্তন’ হইতে মনে হয়, ‘ভাটিআলী’ রাগটি পশ্চিম বঙ্গেও অত্যন্ত জনপ্রিয় হইয়াছিল। প্রায় আঠারটি গীত ‘ভাটিআলী’ রাগের অন্তর্ভুক্ত বলিয়া ইহাতে উল্লেখ করা হইয়াছে। তবে এ’ কথা সত্য, ইহাদের মধ্যে সব কয়টি গীতই নিরাশা ব্যঞ্জক, অর্থাৎ পূর্ববাংলার ভাটিয়ালির যাহা প্রধান বৈশিষ্ট্য, তাহা ইহাদের প্রত্যেকটির মধ্য দিয়াও প্রকাশ পাইয়াছে।

স্বাধীন সঙ্গীত ব্যতীতও ভাটিয়ালির আরও একটি বিশেষ প্রয়োগ ক্ষেত্র আছে, তাহা রূপকথা। এ’কথা সকলেই জানেন যে, রূপকথা গীতিধর্মী গদ্য রচনা। রূপকথার কাহিনী বর্ণনা করিতে করিতে কোন কোন স্থানে যেখানে বর্ণনা নিতান্ত করুণ কিংবা একান্ত গীতিধর্মী হইয়া উঠে, তখনই রূপকথার পরিবেশক গদ্য বর্ণনা পরিত্যাগ করিয়া সঙ্গীতের আশ্রয় গ্রহণ করে। কাহিনীর বিশেষ বিশেষ স্থানেই তাহা সম্ভব হয়, সর্বত্রই যে এমন হয়, তাহা নহে। যেমন মধুমালার কাহিনীর মধ্যে এই অংশ আপনা হইতেই যেন ভাটিয়ালি হইয়া উঠিয়াছে—

আমি স্বপ্নে দেখি মধুমালার মুখ রে।

স্বপ্ন যদি মিথ্যা রে হইত,

গলার হার কি বদল হইত রে, লোকজন !

স্বপ্ন যদি মিথ্যা রে হইত,

অজুরি কি বদল হইত রে, লোকজন !

মদন কুমার যাত্রা করে,

মাংসল ভাঙ্গা পানিত পড়ে রে, লোকজন।

মধুমালা রূপকথার এই প্রকার বহু অংশই সার্থক ভাটিয়ালি। ইহা শাস্ত্রত প্রেমের কাহিনী। ইহার মধ্যে প্রেমে নৈরাশ আছে, নৈরাশের অবসানে মিলনও আছে।

এইভাবে বাংলার রূপকথার যে সকল অংশ বিরহ ও বিচ্ছেদ মূলক, তাহা অতি সহজেই ভাটিয়ালিতে রূপান্তরিত হইয়া যায়। ভাটিয়ালি মূলত মাঝি-মাল্লা ও রাখাল মহিষালের গান হইলেও কিংবা নদীমাতৃক দেশের সঙ্গে ইহার মৌলিক সম্পর্ক থাকিলেও ইহা অন্তঃপুরের বর্ষীয়সী নারীর কণ্ঠেও গীত হইয়া সার্থক আবেদন সৃষ্টি করে—রূপকথার রহস্যময় পরিবেশক ইহা আরও রসঘন করিয়া তোলে। সেখানে নদীও থাকে না, প্রান্তরও থাকে না, তবে ভাটিয়ালির আর একটি যে নিতান্ত প্রয়োজনীয় বিষয় অর্থাৎ অবসর, তাহার অভাব থাকে না। রূপকথার পরিবেশের মধ্যে ভাটিয়ালি এমন নিবিড় সংযোগ স্থাপন করে যে, সঙ্গীতের সুরে ও কাহিনীর বর্ণনায় মিলিয়া তাহা এক সহজ অখণ্ডতা সৃষ্টি হয়।

বাংলার লোক-সঙ্গীতের মধ্যে ভাটিয়ালি যে কেবল মাত্র প্রাচীনতমই তাহা নহে, ইহার মধ্য দিয়া সমগ্র বাংলার লোক-সঙ্গীতের কতকগুলি মৌলিক গুণ প্রকাশ পাইয়া থাকে। সেইজন্তু একথাও মনে হইতে পারে যে, বাংলার অধিকাংশ অম্লরূপ ভাবমূলক লোক-সঙ্গীত ভাটিয়ালির ভিত্তির উপরই রচিত হইয়াছে। বাংলার কীর্তন এবং বাংলার টপ্পার সঙ্গে যে কোন কোন ক্ষেত্রে ভাটিয়ালির আশ্চর্যজনক ঐক্য রহিয়াছে, তাহা অনেকেই অনুভব করিয়াছেন। এমন কি, এই সকল তথ্য হইতে এমনও মনে হইতে পারে যে, বাংলার লোক-সঙ্গীতের একাংশের ভিত্তিই ভাটিয়ালি, ইহার উপর আশ্রয় করিয়া বাংলার বহু আঞ্চলিক লোক-সঙ্গীত আনুপূর্বিক রচিত হইয়াছে। পূর্ব বাংলার বাউল, দেহতত্ত্ব, মুশীহা, মারফতী প্রভৃতি তত্ত্বমূলক বহু সঙ্গীতই ভাটিয়ালির অন্তর্ভুক্ত হইয়াছে। অন্তরের স্বগভীর ভাব ও সূক্ষ্মতম অনুভূতি প্রকাশ করিবার ভাটিয়ালির যে শক্তি, তাহা বাংলার আর কোন লোক-সঙ্গীতের নাই। সেই জন্তু জীবন-দর্শনের স্বগভীর বিষয় সমূহ অতি সহজেই ইহার মধ্যে প্রবেশ করিতে পারিয়াছে। বাংলার আর কোন লোক-সঙ্গীতের এই শক্তি নাই।

ভাটিয়ালি সম্পর্কে একটি প্রধান কথা এই যে, ইহা মূলত কোন বাত্মবস্তুর সাহায্যে গীত হয় না। কেবল মাত্র সুরই ইহার মুখ্য অবলম্বন—ইহার সঙ্গে নৃত্য কিংবা আর কোন তাল রক্ষা করিবার প্রয়োজন হয় না বলিয়া বাত্ম-বস্তুর সহায়তা ব্যতীতই ইহা গীত হয়। যদিও সকল পল্লী-সঙ্গীতই নিতান্ত অকিঞ্চিৎকর বাত্ম-বস্তুর সাহায্যে গীত হয়, তথাপি ভাটিয়ালির মধ্য এই বিষয়ে

একটু বিশেষত্ব আছে—কেবলমাত্র কণ্ঠস্বরই ইহার মুখ্য অবলম্বন। তাহার ফলে ইহার স্বরের বিভিন্ন পর্দাগুলি অতি সহজেই সম্পূর্ণ অনুভব করা যায়। যেখানে তাল রক্ষা করিবার প্রয়োজন, কেবল সেখানেই বাণ্যযন্ত্র অপরিহার্য হইয়া উঠে। ভাটিয়ালির সেই দায়িত্ব নাই বলিয়া ইহা এই বিষয়ে স্বাধীন। সূতরাং সহরে সাংস্কৃতিক অনুষ্ঠানে কিংবা চলচ্চিত্রে, বেতারে কিংবা রেকর্ডে বিচিত্র বাণ্য-যন্ত্রের সহযোগে আমরা যে ভাটিয়ালি শুনিতে পাই, তাহা প্রকৃত ভাটিয়ালিই নহে—ইহাকে ‘নাগরিক ভাটিয়ালি’ বলিয়া নির্দেশ করা যায়; সূতরাং এই তথাকথিত ‘ভাটিয়ালি’ শুনিয়া বাংলার এই বিশিষ্ট লোক-সঙ্গীত সম্পর্কে কোন ধারণাই করিতে পারা যাইবে না। বাণ্য-যন্ত্র প্রায় সর্বদাই কণ্ঠস্বরের দৈন্ত্য গোপন করিয়া থাকে। কিন্তু যাহার কণ্ঠস্বরের মধ্যে একদিকে গভীরতা এবং অন্তর্দিক দিয়া উচ্চতম গ্রামে উঠিয়া যাইবার ক্ষমতা নাই, তাহার পক্ষে আর যে লোক-সঙ্গীত পরিবেশন করাই সম্ভব হউক না কেন, ভাটিয়ালি পরিবেশন করা সম্ভব হইবে না। স্বভাব-সিদ্ধ এই স্বরগুণে অধিকার যাহার না থাকে, সে অনুশীলন করিয়াও তাহার অধিকারী হইতে পারে না। পল্লী-জীবনে ভাটিয়ালির অবসর যে ভাবে আসে, তাহাতে আয়োজন করিয়া তাহা পরিবেশন করা সম্ভব হয় না। পল্লী-গায়কের মধ্যে ভাটিয়ালীর মেজাজ যখন আসে, তখন তাহার অবসরের মুহূর্ত, দেহ ও মনের বিশ্রামের অবকাশ, সে তখন নিঃসঙ্গ মনের গহনে বিচরণশীল। সূতরাং বহির্জগতের আড়ম্বর ও আয়োজন সেখানে পৌছিতে পারে না। তাহার কর্মহীন মুহূর্তের স্তম্ভুর একাকীত্বই তাহার কণ্ঠে সঙ্গীতের স্বর আপনা হইতে ধ্বনিত করিয়া তোলে। সেই জগৎ বহির্জগতের উপকরণ সেখানে গিয়া পৌছিতে পারে না।

পূর্বে একবার উল্লেখ করিয়াছি যে, ভাটিয়ালির গীতি-রীতির একটি প্রধান লক্ষণ এই যে ইহার প্রথম পদটির কয়েকটি শব্দ একসঙ্গে গীত হইবার পর ইহার সর্বশেষ স্বরটি দীর্ঘায়িত হইয়া উচ্চারিত হইতে থাকে, এই দৈর্ঘ্যের স্নানিদিষ্ট কোন পরিমাপ নাই, গায়কের মেজাজ ও রুচি অনুযায়ী ইহা যে কোন সীমায় গিয়া পৌছিতে পারে। প্রারম্ভ পদটির সর্বাপেক্ষা চড়া সুরে উচ্চারিত হইবার পরে পরবর্তী পদগুলির ভিতর দিয়া তাহা কখনও ক্রমে কখনও বা আকস্মিক ভাবে খাদে নামিয়া আসে। ভাটিয়ালির সমস্ত জোর গিয়া প্রথম পদটির উপরই পড়ে এবং প্রথম পদটির ভাবই ক্রমে অন্যান্য পদগুলির মধ্য দিয়া নিয়ন্তর সুরে

প্রকাশ পায়। সুতরাং ভাব এবং স্বর উভয়ের জন্তই প্রথম পদটিই প্রধানত লক্ষ্য এবং প্রথম পদের শেষ স্বরটি ক্রমাগত দীর্ঘায়িত হইয়া উচ্চতম সুরে প্রকাশ করিবার ফলে এই স্বরটিও অত্যধিক প্রাধান্য পাইয়া যায়। যেমন—

কৃষ্ণহারা হইলাম গো,

কৃষ্ণহারা হইয়া কান্দ'ছি গো বনে নিশিদিনে।

ওগো আমার মত দীন দুঃখিনী

কে আছে আর বুদাবনে ॥

সখি গো, যার যে জালা সেই যে জানে,

অন্তে কি আর জানে,

আমার অরণ্যে রোদন করা

কার কাছে কই কেবা শোনে।

সখি গো, নয়ন দিলাম রূপ নেহারে

প্রাণ দিলাম তার সনে,

ওগো দেহ দিলাম, অঙ্গের বসন

মন দিলাম তার শ্রীচরণে।

সখি গো, কৃষ্ণ শূণ্য দেহ গো আমার

কাজ কি এ'জীবনে,

অধীন কালাচাঁদ কয়, রাই মরিল

রাই মরিল শ্রাম বিহনে ॥

ইহার প্রথম পদটির মধ্য দিয়াই গানের স্বর ও ভাব সম্পূর্ণ প্রকাশ পাইয়াছে, পরবর্তী পদগুলির মধ্য দিয়া তাহারই ব্যাখ্যা ও পুনরুক্তি চলিয়াছে মাত্র। ভাটিয়ালি কখনও বর্ণনাত্মক হয় না, কেবল ভাবাত্মক হইয়া থাকে; সেইজন্ত ইহা সর্বদাই রচনার দিক দিয়া সংক্ষিপ্ত হইয়া থাকে। তবে স্বরের তুলনায় কথাসংগ্ৰহ অপ্রধান বলিয়া বর্ণনার বাহুল্য থাকিলেও তাহা গীতের মধ্যে কদাচ তার স্বরূপ হইয়া উঠে না। কারণ, একটি মাত্র চড়া সুরের দীর্ঘায়িত উচ্চারণ ইহার কথা বা ভাবকে প্রায় সর্বদাই আচ্ছন্ন করিয়া দেয়।

ভাটিয়ালি আরম্ভেই যেমন চড়া স্বরের দিকে দ্রুত অগ্রসর হইয়া যায়, তেমনই আবার পরক্ষণেই খাদের দিকে নামিয়া আসে, কখনও বা অত্যন্ত দ্রুত খাদের মধ্যে ইহার স্বর নামিয়া আসে, আবার কখনও বা ধীরে ধীরেও নামিয়া

আসে। সেইজন্ম ভাটিয়ালিতে সাত স্বরেরই প্রয়োগ হইয়া থাকে। কিন্তু চড়া স্বরই ইহার লক্ষ্য থাকে বলিয়া পরক্ষণেই ইহা পুনরায় চড়ার দিকে অগ্রসর হইয়া যাইতে পারে। স্বরের সর্বোচ্চ ও সর্বনিম্ন স্তরে উত্থান পতনের মধ্য দিয়াই ভাটিয়ালির আবেদন প্রকাশ পায়। অন্তরের অবরুদ্ধ বেদনা যেন ইহার মধ্য দিয়া একবার দিগন্তে গিয়া প্রতিহত হইয়াই অন্তরের মধ্যে ফিরিয়া আসিয়া পুনরায় স্তম্ভিত হইয়া যায়। এই গুণে ভাটিয়ালির একটি নিজস্ব বিশেষত্ব আছে।

একথা সহজেই মনে হয় যে, ভাটিয়ালির প্রভাব এ দেশের পল্লী-সঙ্গীতে অত্যন্ত ব্যাপক। ইহার সুর নানা দিক দিয়া মার্জিত ও পরিবর্তিত করিয়া বিভিন্ন পল্লী-গীতের সুর জন্মলাভ করিয়াছে, ইহা বাংলার শাস্ত্রীয় সঙ্গীতের একটি বুনিয়াদি (basic) সুর। অনেক ক্ষেত্রে ইহার প্রভাব এ দেশের শিল্প-সঙ্গীতের মধ্যেও গিয়া প্রবেশ করিয়াছে বলিয়া অনুভূত হয়। কীর্তনের মধ্যেও ইহার প্রভাব যে অত্যন্ত প্রত্যক্ষ, তাহা পূর্বেও উল্লেখ করিয়াছি।

একজন সঙ্গীত বিশেষজ্ঞ ভাটিয়ালির সঙ্গে টপ্পার সম্পর্ক আছে বলিয়া অনুমান করিয়াছেন। তাঁহার মতে, 'টপ্পা গোড়ায় হিন্দুস্থানী রীতিতে গীত হলেও বাংলাদেশে এ'সে সে নবরূপ ধারণ ক'রেছে, তার মধ্যে বাংলার নিজস্ব রুচি ও মেজাজের প্রভাব অত্যন্ত স্পষ্ট। হিন্দুস্থানী টপ্পায় অত্যন্ত দ্রুত তালের যে তাড়া আছে, বাংলা টপ্পায় তা নেই—এখানে তালগুলির গতি মন্থর। কেবল তাই নয়, এই সব তালে মোটামুটি ভাবে হিসেব থাকলেও মাত্রা গুণতির হিসেব নেই, অর্থাৎ সুর মাত্রার সঙ্গে লাফালাফি করে অগ্রসর হয় না—হৃদ এখানে গা ঢাকা দিয়ে পিছনে সরে আছে। ভাটিয়ালির মত এ'র কথাগুলোও এক এক গোছা ক'রে গায়কের মুখে উচ্চারিত হয়, আর তারপরেই কথার হাল থেকে ছাড়ান পেয়ে সুর "জমজমা" নামক তালের মধ্যে বিশ্রাম লাভ করে। তফাৎ দাঁড়াল এই, ভাটিয়ালিতে একটানা স্বরের যা কাজ, টপ্পার বেলায় "জমজমা" তালের কাজও তাই। যদি বলা যায়, বাংলা টপ্পায় ভাটিয়ালির প্রভাব আছে, তাহলে বোধ হয়, খুব মিথ্যা কথা বলা হবে না। বাংলার নিজস্ব সঙ্গীত-চেতনা সর্বত্র সঞ্চারিত হ'য়ে র'য়েছে বলেই টপ্পার মধ্যে এই বিশেষ পরিবর্তন ঘটে গেছে বলে মনে করতে পারি (বাংলার লোক-সাহিত্য, পরিশিষ্ট, ৬০৭ পৃষ্ঠা, ২য় সং)।

রচনার দিক দিয়া ভাটিয়ালি নিতান্ত সরল এবং সংক্ষিপ্ত। বাংলার লোক-সঙ্গীতের মধ্যে ইহার রচনাই সংক্ষিপ্ততম; ইহার কারণ, কথার পরিবর্তে স্বরই এখানে প্রাধান্য লাভ করে। সেইজন্য ইহাতে কথার প্রয়োজনীয়তা বেশি নাই। নিম্নোক্ত রচনাটি ভাটিয়ালির একটি আদর্শ নিদর্শন বলিয়া গ্রহণ করা যাইতে পারে, যেমন—

ও স্থল রে, গুণের ভাই রে স্থল,
আমায় শীঘ্র এ'নে দেখা, রে স্থল, ত্রৈলোক্যের রাধা।
হস্ত দিয়ে দেখ রে স্থল আমার হৃদয়ে,
বিনা কাঠে জলুছে অনল আমার অন্তরে।

কিন্তু অনেক সময় রচনা যে দীর্ঘ হয় না, তাহা নহে। তবে তাহা বর্ণনাত্মক লোক-সঙ্গীতের প্রভাবের ফলেই হইয়া থাকে, ইহাতে ভাটিয়ালির রস অনেক ক্ষেত্রেই নিবিড়তা লাভ করিতে পারে না।

এইবার ভাটিয়ালির বিষয়-বস্তু সম্পর্কে কিছু আলোচনা করা প্রয়োজন। বাউল, মুশিতা, মারফতী, দেহতত্ত্ব যেমন কেবল তত্ত্বমূলক সঙ্গীত, ভাটিয়ালি তাহা নহে। জীবন ও ধর্মের গূঢ় তত্ত্ব ব্যতীতও ইহার মধ্য দিয়া স্নগভীর ভাবমূলক লৌকিক অমুভূতি প্রকাশ পাইয়া থাকে—সে'কথা পূর্বেও একবার উল্লেখ করিয়াছি। মনে হয়, লৌকিক ভাবমূলক সঙ্গীতই ভাটিয়ালির আদিকরূপ। সকল লোক-সঙ্গীত সম্পর্কেই এই কথা প্রযোজ্য—প্রত্যেক সমাজেই লৌকিক অমুভূতি অবলম্বন করিয়া ইহার প্রথম সঙ্গীত রচিত হইয়াছে, তারপর ক্রমে ইহার মধ্যে তত্ত্বকথা প্রবেশ করিয়াছে। লৌকিক অমুভূতির সর্বজনীন বিষয়ই প্রেম, সংস্কৃত সাহিত্যে সেইজন্যই ইহাকে আদি (বা prime) রস বলিয়া উল্লেখ করা হয়। প্রেমের মধুরতম অংশই বিরহ, ভাটিয়ালিতে বিরহ ও বিচ্ছেদের বেদনা সঙ্গীতের মাধুর্য লাভ করিয়াছে, ইহার মধ্যে কোন কদর্ঘতা নাই। অন্তরের নিভৃততম ক্ষেত্র হইতে ইহার উৎসার, সেই জন্যই ইহা দর্পণের মত নির্মল। নিম্নোক্ত সঙ্গীতটির মধ্য দিয়া লৌকিক প্রেম ব্যর্থতার বেদনায় হাহাকার করিয়া উঠিয়াছে, ইহাতে আধ্যাত্মিকতার স্পর্শ নাই, তথাপি অমুভূতির আন্তরিকতায় স্বচ্ছ ও পবিত্র হইয়া উঠিয়াছে—

বন্ধু, কই রইলারে—

অকুলে ভাসাইয়া, বন্ধু, কই রইলারে।

লহর দরিরার বুকে মইলাম সঁতারিয়া,
 কি ছুখ বুঝিবে বন্ধু কিনারায় দাঁড়াইয়া ।
 বন্ধু, কই রইলারে !
 বন্ধুরে, কুল নাই কিনারা নাই
 উঠছে কত ঢেউ,
 এমন নিদান কালে
 সঙ্গী নাই মোর কেউ
 বন্ধু, কই রইলারে ।

ক্রমে ক্রমে বৈষ্ণব ধর্মের প্রভাব বাংলার সমাজের উপর বিস্তার লাভ করিতে লাগিল। তাহার ফলে লৌকিক প্রেম রাধাকৃষ্ণের কাহিনীর মধ্যে স্বর্গীয়তা লাভ করিল। কিন্তু তথাপি তাহা ধূলিমাটির সম্পর্ক পরিত্যাগ করিল না। পার্থিব প্রেমের অম্লভূতিই অপার্থিব আধারে পরিবেশন করা হইতে লাগিল। শ্রীকৃষ্ণের পরিচয়ে ব্যর্থ মানব-প্রেম নিজের বেদনার কথাই প্রকাশ করিল—

ওগো রাধে, গোকুলেতে থাকি ।
 তোমার লাগি পরের মাকে
 আমি মা বলিয়া ডাকি গো ।
 কুল দিলাম মান দিলাম
 আর কি আছে বাকি ।
 তোমার লাগি ব্রজপুরে আমি মুরলী যে শিখি গো,
 গোকুলে নন্দের ঘরে ধেমু বৎস রাখি ।
 তোমার শ্রীচরণের লাগি
 আমি দাসখত লিখি গো ।

রাধা-কৃষ্ণ প্রসঙ্গের উল্লেখ থাকা সত্ত্বেও ইহা যে ভক্তিমূলক রচনা নহে, বরং নিতান্ত লৌকিক প্রেম-মূলক, তাহা সকলেই অনুভব করিতে পারিবেন। বাংলা দেশে ‘কাহু ছাড়া গীত নাই’—সেই সূত্রেই ইহার মধ্যে রাধা-কৃষ্ণের প্রসঙ্গ আসিয়াছে, কোন আধ্যাত্মিক প্রেরণা হইতে তাহা আসে নাই।

কিন্তু ক্রমে আধ্যাত্মিক বিষয়ক লইয়াও ভাটিয়ালি রচিত হইতে লাগিল। যে সকল আধ্যাত্মিক বিষয়ের মধ্যে বেদনা ও বৈরাগ্যের ভাব আছে,

ভাটিয়ালিতেই তাহার সার্থক অভিব্যক্তি হইয়া থাকে। নিম্নোক্ত ভাটিয়ালিটি ইহার একটি উল্লেখযোগ্য নিদর্শন—

জীবনের নাইরে আশা, কর শ্রীগুরু চরণ ভরসা।

দেহের গুমান কর মিছে, নিঃশ্বাসের কি বিশ্বাস আছে ?

কাল শমনে জাল পেতেছে—

ভাঙবে রে তোরা সুখের বাসা।

ভাই বন্ধু দারা স্তত সকল পথের পরিচিত,

যখন প্রাণ তোরা হবে হত কেউ না করবে জিজ্ঞাসা।

আপন আপন বল যারে কেউত সঙ্গে যাবে না রে,

গুরু ভজন হইল নারে, কেবল ভবে যাওয়া আসা ॥

বৈরাগ্যমূলক সঙ্গীতের সঙ্গে ভাটিয়ালির দীর্ঘায়িত চড়া স্বর অতি সহজেই সঙ্গতি রক্ষা করিতে পারে ; সেইজন্ত পূর্ববাংলার বৈরাগ্যমূলক বিষয়ে প্রধানত ভাটিয়ালিই শুনিতে পাওয়া যায়। এই স্বরে নানা তত্ত্ববিষয় ভাটিয়ালির মধ্যে প্রবেশ করিয়াছে। দেহতত্ত্বের এই ভাটিয়ালি গানটি সুপরিচিত—

আরে, মন মাঝি, তোরা বৈঠা নে রে

আমি আর বাইতে পারলাম না।

আমি জনম ভইরা বাইলাম বৈঠা রে—

তরী ভাইট্যায় বয় আর উজায় না।

ওরে জঙ্গি রসি যতই কসি,

ওরে হাইলেতে জল মানে না।

নায়ের তলী থসা, গোড়া ভাঙ্গা রে—

নায় ত গাব গয়নি মানে না।

ইহাদের ভাব যেমন গভীর, রচনা তেমনই পরিচ্ছন্ন ও সুনির্মল। স্ততরাং বাংলার লোক-সঙ্গীতের ইহাই শ্রেষ্ঠ পরিচয়। বাংলার জন-মানসে যে লোকায়ত দর্শনের অল্পভূতি দেখা দিয়াছিল, তাহা ইহারই মধ্য দিয়া সর্বাপেক্ষা সার্থক ভাবে প্রকাশ পাইয়াছে। স্ততরাং ইহা কেবল মাত্র যে সঙ্গীতের আনন্দ দিয়াছে, তাহাই নহে—দর্শনের দৃষ্টিও খুলিয়া দিয়াছে। ইহা একদিক দিয়া যেমন গীতি, আর একদিক দিয়া তেমনই দর্শন।

বর্তমানে এক শ্রেণীর ‘সহরে’ ভাটিয়ালির সঙ্গে আমাদের পরিচয় স্থাপিত

হইয়াছে। তাহার প্রধান বিশেষত্ব এই যে, নানা বাজ-যন্ত্র সহযোগে তাহা গীত হয়; সুতরাং পল্লীর ভাটিয়ালির প্রধান বৈশিষ্ট্যই ইহাতে রক্ষা পায় না। ইহার আর একটি বিশেষত্ব এই যে, অনেক সময় পল্লীর ভাটিয়ালির নিজস্ব ভাষা পরিবর্তিত করিয়া ইহা সহরের রুচি অনুযায়ী নূতন করিয়া রচিত হইয়া থাকে। এই ভাবে পল্লীর ভাটিয়ালিতে যাহা দেহতত্ত্ব বিষয়ক বলিয়া পরিচিত, তাহাই সহরে আসিয়া সাধারণ প্রেম-সঙ্গীত হইয়া দাঁড়ায়। কারণ, সহরের সঙ্গীত-বিলাসী অধিবাসীরা তত্ত্ব অপেক্ষা প্রেম-বিষয়টিই অধিকতর আকর্ষণীয় বলিয়া অনুভব করে। পল্লীর ভাটিয়ালিতে দীর্ঘায়িত চড়া স্বরের মধ্যে আন্দোলন বা কম্পন অধিক থাকে না; এমন কি, থাকে না বলিলেও চলিতে পারে; কিন্তু সহরে নানা রাগ-সঙ্গীতের প্রভাব বশত তাহা বিচিত্র আন্দোলন যুক্ত হইয়া থাকে। এই ভাবে ভাটিয়ালির যাহা প্রকৃত রস, তাহা ‘সহরে’ ভাটিয়ালির মধ্য দিয়া প্রকাশ পাইতে পারে না।

রবীন্দ্রনাথ যখন তাঁহার জমিদারী পরিদর্শন সম্পর্কে পাবনা ও রাজসাহী জেলার গ্রামে গ্রামে ভ্রমণ করিতেন, তখন সেখানকার কৃষক ও মাঝি-মাল্লা-দিগের মুখে ভাটিয়ালি শুনিতে পাইয়া নিজে সেই অনুযায়ী কয়েকটি ভাটিয়ালি রচনা করেন। কিন্তু তিনি ভাটিয়ালির প্রচলিত বিষয়-বস্তু গ্রহণ না করিয়া নূতন বিষয়-বস্তু তাহাদের মধ্য দিয়া গ্রহণ করেন। তাহাদের মধ্যে এই প্রকার দেশাত্মবোধক ভাটিয়ালিই তিনি প্রধানত রচনা করিয়াছেন।

আমার সোনার বাংলা, আমি তোমায় ভালবাসি।

চিরদিন তোমার আকাশ, তোমার বাতাস, আমার প্রাণে

বাজায় বাঁশী ॥

ও মা, ফাঁকুনে তোর আমের বনে ভ্রাণে পাগল করে,

মরি হায়, হায় রে—

ও মা, অভ্রাণে তোর ভরা ক্ষেত আমি কি দেখেছি মধুর হাসি ॥

এই গানখানি গগন হরকরার ‘আমি কোথায় পাব তারে’ এই বাউল গান খানির সুরে রচিত হইয়াছে—ইহা সর্ববাদী সন্মত; সুতরাং ঐ গানখানিকে ভাটিয়ালি ঢঙের বাউল বলা যায়। পল্লীর ভাটিয়ালির দীর্ঘায়িত চড়া স্বরের মধ্যে যেমন কোন মাত্রা নাই, গায়ক তাহার মেজাজ ও রুচি অনুযায়ী ষত খুসী তাহা দীর্ঘায়িত ও চড়া করিতে পারে, রবীন্দ্রনাথের ভাটিয়ালিতে তাহা

হইবার উপায় নাই—কারণ, তাহা যত দীর্ঘায়িতই হোক, তাহা স্থনিদিষ্ট রাজ্য দ্বারা সীমায়িত ; রাজ্যের শাসন এখানে লঙ্ঘন করিবার উপায় নাই। পল্লীর ভাটিয়ালির অনিয়মিত বিস্তারিত স্বরকে রবীন্দ্রনাথ নিয়মিত করিয়া লইয়া ভাটিয়ালির স্বর সম্পর্কিত স্বাধীনতাকে ক্ষুণ্ণ করিয়াছেন। পল্লীর ভাটিয়ালির কথা অপেক্ষা স্বর প্রাধান্ত লাভ করে, কিন্তু রবীন্দ্রনাথের ভাটিয়ালিতে তাহার অস্তান্ত রচনার মত স্বর অপেক্ষা কথাই প্রাধান্ত লাভ করিয়াছে। রবীন্দ্রনাথের আর একটি উল্লেখযোগ্য দেশাত্মবোধক ভাটিয়ালি—

গ্রাম ছাড়া এই রাঙা মাটির পথ আমার মন ভুলায় রে।

ও রে কার পানে সে হাত বাড়িয়ে লুটিয়ে যায় ধুলায় রে ॥

ও যে আমার ঘরের বাহির করে, পায়ে পায়ে পায়ে ধরে—

ও যে কেড়ে আমায় নিয়ে যায় রে, যায় রে কোন চুলোয় রে।

ও যে কোন বাঁকে কোন ধন দেখাবে, কোন খানে কী দায় ঠেকাবে—

কোথায় গিয়ে শেষ মেলে যে, ভেবেই না কুলায় রে ॥

ইহরে মধ্যে পল্লীর ভাটিয়ালির বৈশিষ্ট্য যে আত্মপূর্বিক রক্ষা পাইয়াছে, তাহা নহে। কারণ, পল্লীর ভাটিয়ালির প্রথম পদটিই যেমন চড়া স্বরের দিকে ধাবিত হইয়া পরবর্তী পদে তৎক্ষণাৎ খাদে নামিয়া আসে, ইহাতে তাহার পরিবর্তে দ্বিতীয় পদটি চড়া হইয়া উঠিয়াছে। রবীন্দ্রনাথ বাংলার পল্লী-সঙ্গীতের ভিত্তিটি অবিচল রাখিয়াও ইহার বহিরঙ্গে কারুকার্য করিয়াছেন, ইহার মধ্যেও তাহারই পরিচয় পাওয়া যায় ; সেই জন্তই একজন রবীন্দ্র-সঙ্গীত বিশেষজ্ঞ বলিয়াছেন, ‘ভাটিয়ালি চণ্ডে’র গান তাহার আছে। উদ্ধৃত গান দুইটি তাহার প্রমাণ।

সর্ব শেষে ভাটিয়ালি শব্দটির উৎপত্তি সম্পর্কে আলোচনা করিতে হয়। এই সম্পর্কে কতকগুলি মতই প্রচলিত আছে। ভাটি অঞ্চলের সঙ্গীত বলিয়া ইহার নাম ভাটিয়ালি, ইহাই সাধারণের বিশ্বাস। বাংলা দেশের নিম্নভূমি অর্থাৎ সাধারণত যে সকল অঞ্চল বর্ষায় জলমগ্ন হইয়া যায়, তাহাই ভাটি বলিয়া পরিচিত। এই অর্থে ভাটি বলিতে পূর্ববঙ্গ এবং প্রধানত ময়মনসিংহ, ত্রিপুরা, লীহট্ট, ঢাকা অঞ্চলই বুঝায়। প্রকৃত পক্ষে ভাটিয়ালি এই অঞ্চলেরই সর্বাপেক্ষা জনপ্রিয় লোক-সঙ্গীত। তথাপি ইহার চতুঃপার্শ্ববর্তী অঞ্চলেও যে এই সঙ্গীতের প্রভাব বিস্তারলাভ করিয়াছে, তাহাও লক্ষ্য করিতে পারা যায়।

ভাটি বলিতে কেবল মাত্র পূর্ববঙ্গের উপরোক্ত অঞ্চলই যে বুঝায়, তাহা নহে, নিম্নবঙ্গ অর্থাৎ খুলনা, বরিশালের দক্ষিণ অংশও বুঝায়। সুন্দরবন অঞ্চলের অরণ্যাকীর্ণ নিম্নভূমিও ভাটি বলিয়াই পরিচিত; সেই ক্ষেত্রে সেই অঞ্চলের লৌকিক দেবতা দক্ষিণ রায়কে ভাটীশ্বর বা আঠার ভাটির অধিপতি বলিয়া উল্লেখ করা হয়। কিন্তু সেই অঞ্চলে যে লোক-সঙ্গীত শুনিতে পাওয়া যায়, তাহা প্রধানত ভাটিয়ালি নহে। এই অঞ্চলে পরবর্তীকালে জনবসতি স্থাপিত হইয়াছে বলিয়া এখনও তাহাতে সুসংহত সমাজ-জীবন গড়িয়া উঠিবার অবকাশ পায় নাই। সেই জন্ত ইহার লোক-সঙ্গীতও বিশেষ কোন রূপ লাভ করিতে পারে নাই। মুসলমান ধর্মপ্রচারক বা গাজীর গান এই অঞ্চলের উল্লেখযোগ্য লোক-সঙ্গীত, কিন্তু তাহা ভাটিয়ালি হইতে সম্পূর্ণ স্বতন্ত্র। ইহার অরণ্যপ্রকৃতির মধ্যে যে ছায়াচ্ছন্ন রূপ দেখা যায়, তাহার মধ্যে ভাটিয়ালির স্বর-বিস্তারের প্রেরণা আসিতে পারে না; কারণ, ইহার মধ্যে বিস্তার ও উদারতা নাই, বাহা আছে তাহা গভীরতা ও রহস্যময়তা, স্তবরাং ইহা ভাটিয়ালির জননী হইতে পারে না। স্তবরাং ভাটি শব্দ দ্বারা সাধারণভাবে নিম্ন-ভূমি বুঝাইলেও এখানে পূর্ববঙ্গে প্রচলিত বিশেষ প্রকৃতির এই লোক-সঙ্গীতকেই ভাটিয়ালি বলিয়া উল্লেখ করা হয়। দক্ষিণ বঙ্গে ভাটিয়ালির প্রচলন নাই।

এখানে আরও একটি কথা উল্লেখ করিতে পারা যায়, তাহা এই যে, দক্ষিণ বঙ্গের নদ-নদীর প্রকৃতির সঙ্গে পূর্ব বাংলার নদ-নদীর প্রকৃতিগত পার্থক্য আছে। দক্ষিণ বঙ্গের নদ-নদী সর্বদাই জোয়ার-ভাটা দ্বারা আন্দোলিত হইয়া থাকে। ইহা ভাটিয়ালির অমুকুল অবস্থা নহে। একদিকে নদী কিংবা জলাভূমির বিস্তার, আর একদিক দিয়া ইহার অলস মন্থর গতি, এই উভয়ের সহযোগেই ভাটিয়ালির উদ্ভব হইয়া থাকে; এই অবস্থার মধ্য দিয়াই মান্বি কর্মে যথার্থ অবসর লাভ করিতে পারে, এই অবসরের মুহূর্তই ভাটিয়ালির পক্ষে অমুকুল মুহূর্ত। সেইজন্ত আবার কেহ কেহ মনে করেন, নদীর ভাটিতে নৌকা ছাড়িয়া দিয়া অলস বৈঠাটি এক হাতে স্থির করিয়া ধরিয়া রাখিয়া মঝি এই গান গাহে বলিয়াই ইহা ভাটিয়ালি বলিয়া পরিচিত। কিন্তু পূর্বেই আলোচনা করিয়া দেখিয়াছি যে, ভাটিয়ালি কেবল মান্বিরই গান নহে, ইহা গো কিংবা মহিষরক্ষক, রাখাল বা মহিষালেরও গান। স্তবরাং ইহাকে পূর্ববঙ্গের নিম্নভূমি অর্থে ভাটি অঞ্চলের গান বলিয়া ভাটিয়ালি মনে করাই সঙ্গত। পূর্বেই বলিয়াছি, শিল্প-

সঙ্গীতের রাগিণী ভাটিয়ালির সঙ্গে লোক-সঙ্গীতের স্বর ভাটিয়ালির কোন সম্পর্ক নাই।

উপসংহারে বাউলের সঙ্গে ভাটিয়ালির সম্পর্ক লইয়া কিছু আলোচনা করিতে চাই। বিশেষ এক সাধন-ভজনের প্রণালীর নাম বাউল, ইহার সাধক-সম্প্রদায়কে বাউল সম্প্রদায় এবং সাধন-ভজন সূত্রে ইহা যে সঙ্গীতের অমুশীলন করিয়া থাকে, তাহাকে বাউল গান বলে। বাউল গান বাংলার কোন বিশেষ অঞ্চলের মধ্যে সীমাবদ্ধ নহে, অর্থাৎ বাউল আঞ্চলিক সঙ্গীত নহে; পূর্ববঙ্গ, উত্তরবঙ্গ ও পশ্চিম বঙ্গের কোন কোন স্থানে বাউল সম্প্রদায়ের আখড়া আছে। বাংলার এই বিভিন্ন অঞ্চল জুড়িয়া গীত বাউল সম্প্রদায়ের গানের বিশেষ কোন একটি নিজস্ব সূনির্দিষ্ট স্বর নাই। প্রত্যেক অঞ্চলের বাউল গানে আঞ্চলিক লোক-সঙ্গীতের স্বর ব্যবহৃত হইয়া থাকে; যেমন পূর্ববঙ্গ ও উত্তর বঙ্গের বাউল গানে প্রধানত ভাটিয়ালি ও সারি এবং পশ্চিম বঙ্গের বাউল গানে প্রধানত ঝুমুর ও কীর্তন গানের স্বর ব্যবহৃত হইয়া থাকে। সূতরাং ‘বাউল স্বর’ বলিয়া কিছু নাই।

এখানে আরও একটি কথা মনে রাখিতে হইবে যে, বাউল গানের সঙ্গে নৃত্যের সম্পর্ক আছে, সূতরাং যে স্বর নৃত্যের সহচর হইবার যোগ্য প্রধানত সেই স্বরই বাউল গানে ব্যবহৃত হয়। সূতরাং সারি শ্রেণীর গানের স্বরই প্রধানত বাউল গানের পক্ষে উপযোগী; কিন্তু তথাপি পূর্ববঙ্গে ভাটিয়ালির প্রভাব বশত কিছু কিছু ভাটিয়ালিও ইহার মধ্যে প্রবেশ করিয়াছে। ভাটিয়ালির একটি প্রধান বৈশিষ্ট্য এই যে, ইহার মধ্য দিয়া জীবনের সুগভীর তত্ত্বকথা অতি সহজে প্রকাশ পাইতে পারে; সেই সূত্রেই বাউল, দেহতত্ত্ব, মূর্শিষ্ঠা, মারফতী ও নানা বৈরাগ্য-মূলক সঙ্গীত ভাটিয়ালি আশ্রয় করিয়াই রূপ লাভ করিয়া থাকে। কিন্তু যেখানে নৃত্য অপরিহার্য, সেখানে সারি শ্রেণীর গান ব্যতীত ভাটিয়ালি ব্যবহৃত হইতে পারে না। একজন রবীন্দ্র-সঙ্গীত বিশেষজ্ঞের কথা একবার পূর্বে উল্লেখ করিয়াছি। তিনি অল্পকালও বলিয়াছেন যে, রবীন্দ্রনাথ ‘বাউল স্বর নিয়ে প্রথম ব্যাপক ভাবে গান রচনা স্বরূপ করেন বাড়লায় স্বদেশী আন্দোলনের যুগে ১৩১২ সনে, তাঁর ৪৪ বৎসর বয়সে। এ ছাড়া সারি গানের স্বরও তিনি ব্যবহার করেছিলেন এ’যুগেই।’

‘সারিগানের স্বর’ কি জিনিষ, তাহা বোধগম্য হয় না। পূর্বেই আলোচনা করিয়াছি যে বাউলের নিজস্ব গানের স্বর কিছু নাই, বিভিন্ন আঞ্চলিক

লোক-গীতির স্বর বাউল গানে ব্যবহৃত হইয়া থাকে। রবীন্দ্রনাথও স্বদেশী আন্দোলনের যুগে পল্লী-সঙ্গীতের স্বরে যে সকল গান রচনা করিয়াছেন, তাহাদের মধ্যে যেমন ভাটিয়ালি ঢঙের গান আছে, তেমনই সারি শ্রেণীর গানও আছে। পূর্ব-বাংলার বাউল গানে এই দুইটি স্বরই ব্যবহৃত হয় বলিয়া ইহার 'বাউল স্বর' বলিয়া সাধারণের বিশ্বাস। কিন্তু কীর্তনের মত বাউলের একটি নিজস্ব স্বর বাউল সম্প্রদায়ের মধ্যে বিকাশ লাভ করিয়া সমস্ত বাংলাদেশের বাউল গানের কোন সুনির্দিষ্ট এবং আদর্শ গীত-রীতি রূপে গৃহীত হয় নাই। সুতরাং বাউল গান থাকিলেও 'বাউল স্বর' বলিয়া নির্দিষ্ট কিছু নাই। উক্ত রবীন্দ্র-সঙ্গীত বিশেষজ্ঞ রবীন্দ্রনাথের 'বাউল স্বরের' নিদর্শনরূপে তাঁহার রচিত 'ক্ষেপ, তুই আছিস আপন ক্ষেয়াল ধ'রে' ও 'তোমরা সবাই ভালো'—এই গান দুইটির উল্লেখ করিয়াছেন। বলা বাহুল্য প্রথমটি অর্থাৎ 'খ্যাপা তুই আছিস আপন ক্ষেয়াল ধ'রে' ভাটিয়ালি ঢঙের গান এবং দ্বিতীয়টি অর্থাৎ 'ওগো তোমরা সবাই ভালো' মিশ্র ঢঙের স্বরে রচিত। তারপর স্বদেশী আন্দোলনের যুগে রচিত রবীন্দ্রনাথের বহু দেশাত্মবোধক সঙ্গীতই একদিকে যেমন ভাটিয়ালির ঢঙে রচিত হইয়াছে, তেমনই অল্পদিক দিয়া সারি শ্রেণীর স্বরে রচিত হইয়াছে, কোথাও ইহার ব্যতিক্রম হয় নাই। ইহাদের মধ্যে সুনির্দিষ্ট ভাবে 'বাউল স্বর' বলিতে কিছু নাই। ভাটিয়ালি এবং সারিরই বিশেষ ঢঙ রবীন্দ্রনাথ রচিত তথাকথিত 'বাউল স্বর'র মধ্যে প্রকাশ পাইয়াছে।

এইখানে একটি কথা বিশেষ ভাবে স্মরণযোগ্য; তাহা এই যে, সূক্ষ্মভাবে চিন্তা করিয়া দেখিলে দেখা যাইবে যে, শাস্ত্রীয়-সঙ্গীতই হউক কিংবা লোক-সঙ্গীতই হউক, কাহারও নিখুঁত স্বরলিপি করা সম্ভব নহে। মাত্রা ও তালহীন ভাটিয়ালির যে গীত-রীতির কথা উপরে উল্লেখ করিলাম, তাহারও নিখুঁত রূপটি কোন স্বরলিপির মধ্য দিয়াই প্রকাশ পাইতে পারে না। অথচ কোন বিষয়কে অল্পশীলন করিতে হইলে ইহার কতকগুলি সাধারণ নিয়মেরও সন্ধান করিবার আবশ্যক হয়। এইজন্ত ভাটিয়ালি গানের যে স্বরলিপি রচনা করা হয়, তাহা কেবল মাত্র নাগরিক সমাজের এই বিষয়ক অল্পশীলনের কতকটা সুবিধা দিবার জন্তই করা হয়, পল্লীর ভাটিয়ালির নিখুঁত রূপটি সর্বত্রই ইহার মধ্য দিয়া প্রকাশ পাইতে পারে না। রবীন্দ্রনাথ যে ভাবে মাত্রা ও তাল রক্ষা করিয়া তাঁহার ভাটিয়ালি ঢঙের গান রচনা করিয়াছেন, সেখানে মাত্রা ও তালের

উপর ভিত্তি করিয়াই স্বরলিপি রচিত হয় ; কারণ, স্বরলিপি রচনার যে একটি সুনির্দিষ্ট প্রণালী আছে, তাহা এখানে পরিত্যাগ করিবার কোন উপায় নাই। সুতরাং পূর্বে যে সহরে ভাটিয়ালির কথা সলেখ করিয়াছি, এই স্বরলিপির ভিতর দিয়া পল্লীর ভাটিয়ালির কতকটা সেই রূপই প্রকাশ পায়, লোক-সঙ্গীতকে নাগরিক উপায়ে শিক্ষণীয় বিষয় করিবার জগুই ইহার সম্পর্কে এই নাগরিক পদ্ধতি অবলম্বন করা ছাড়া উপায় নাই। কারণ, পল্লী-সঙ্গীত পল্লীতে শিক্ষণীয় বিষয় ছিল না, সহজাত শক্তি দ্বারাই তাহা লাভ করা হইত ; সহরে আসিয়া তাহা শিক্ষণীয় বিষয় হইয়াছে বলিয়াই শিক্ষার সুনির্দিষ্ট প্রণালীটিও ইহার উপরে অনিবার্য রূপে আরোপ করা আবশ্যক হয়।

ভাটের গান

মৈমনসিংহ, শ্রীহট্ট, ত্রিপুরা প্রধানতঃ এই সকল অঞ্চলে ভাট নাম একটি সম্প্রদায় আছে। বিভিন্ন পর্ব উপলক্ষে পর্বের মাহাত্ম্য কীর্তন করিয়া গান করা তাহাদের ব্যবসায় ছিল। শ্রীহট্ট অঞ্চলেই ইহাদের বাস ছিল। দুর্গাপূজা কিংবা অগ্ন্যগ্নি কোন কোন পার্বণ অথবা বিবাহাদি পারিবারিক উৎসব উপলক্ষেও তাহারা গান গাহিয়া বৃত্তি লাভ করিত। পূজার পূর্বে আগমনী গান, পূজার পর বিজয়া গান, বিবাহোপলক্ষে বিভিন্ন পৌরাণিক চরিত্রের বিবাহের বিষয় গান গাহিয়া শুনাইত। ইহা ভাটের গান বলিয়া পরিচিত। ইহারা সাধারণত আচার্য ব্রাহ্মণ শ্রেণীভুক্ত। কুণ্ডী ঠিকুজী নির্মাণ করাও তাহাদের বৃত্তি ছিল।

ভাত-কাপড়ের গান

বিবাহাচারের পরের দিন শুভরাত্রি, ঐ দিন মধ্যাহ্নকালে বধূকে বরের আত্মীয়জনিক ভাবে ভাত-কাপড় দিবার বিধান আছে। একখানি বস্ত্রসহ অন্ন-ব্যাঞ্জনাদি খালায় সাজাইয়া বধূর হস্তে সমর্পণ করাকেই ‘ভাত কাপড়’ দেওয়া বলে ; তখন এই গীত গাওয়া হয়—

১

নাগর, তুমি বৈদেশে যাইও না।

একলা ঘরে কাইন্দ্যা মরে সুন্দরী ললনা।

এখন অইতে নাগর তোমার পায় লাগল বেড়ি,

সুন্দর মুখ তার মলিন অইব কর যদি দেয়ী।

চুপি দিয়া চাইয়া থাকবো আম গাছের তলায়,
 যেখানে সোনার কোকিল আমার মুকুল খায়,
 আমার মুকুল খাইয়া কোকিল কুহ কুহ করে,
 বিরহিণী নারী বল কেমনে ধৈর্য ধরে ?
 থাক থাক সুলক্ষী গো, ধৈর্য ধরিয়া,
 তোমার লাইগ্যা আন্বাম সিন্দুর থানেতে ভরিয়া ।
 থাক থাক, সুলক্ষী গো, তিন দিনের লাগিয়া,
 পাটেশ্বরী শাড়ী আন্বাম তোমার লাগিয়া ।
 থাক থাক, সুলক্ষী লো, পথের পানে চাইয়া,
 ঢাকা থাইক্যা শাঁখা চুড়ি আন্বাম কিনিয়া ।
 এরে বুলা হাতে তুলিয়া ভাত কাপড় দিল,
 চারিদিকে নারীগণ জোকায় করিল । —মৈমনসিং

২

দেখ দ্বারকা ভবন, কল্লিগীরে অন্ন বস্ত্র দিছে নারায়ণ ।
 শঙ্খ বস্ত্র সঙ্গে নিয়া ফুলমালা চন্দন,
 স্বর্ণ থালে শাইলের অন্ন অতি সুলক্ষণ ।
 চতুর্দিকে খণ্ড খণ্ড বাটীতে ব্যঞ্জন
 দধি দুগ্ধ ঘৃত আর অপূর্ব মাখন ।
 বেষ্টন কইর্যা বইস্তা আছে নন্দের নন্দন,
 সামনে আইস্তা রাজকুমারী দিলা দরশন ।
 ভাত কাপড় দিয়া কৃষ্ণ ভোষিলেন মন,
 মঙ্গল জোকায় দিল যত সখীগণ । —ঐ

ভাছ গান

ভাছ মাসে পুর্নলিয়া, বাঁকুড়া, পশ্চিম বর্ধমান এবং দক্ষিণ বীরভূম
 অঞ্চলের কুমারী মেয়েরা ভাছ গান গাহিয়া থাকে । ছোট ছোট ছেলেরাও সময়
 সময় গান করে । ইহার গান ও স্বর অনেকাংশে টুঙ্গর গানের জায় । ভাছ
 মানভূমের সমাজ-জীবনে একটি বিশেষ গণপর্ব । শাক্তোত্তর সমাজ-জীবনে
 'ভাছ দেবী' মানভূমের লোক-সঙ্গীত মাধ্যমে চিরায়ীরূপে জন মনে আদৃত ।

প্রধানত মানভূমের আবালবৃদ্ধবনিতা নিবিশেষে এই পর্ব সানন্দে উদ্‌যাপন করে থাকে। কথিত আছে যে, পঞ্চকোট রাজ তাঁহার একমাত্র কন্যা ভাঙ্ক দেবীর স্মৃতি-রক্ষার্থে এই পর্ব প্রথম উদ্‌যাপন করেন। তাই এখনও তাঁহার স্মরণার্থে ভাঙ্কগান গীত হয়। এই গানটিতে তাহার উল্লেখ আছে।

চল কাশীপুরে রাজ দরশন করবো গো নয়নভরে,

কাশীপুরে ভাঙ্কর পূজা, মানভূমেতে কে করে

পঞ্চকোট রাজার দৌলতে দেখ এখন সবার ঘরে ॥

শ্রাবণ সীকরাইত (শ্রাবণ সংক্রান্তি) হইতে শুরু করিয়া ভাদ্র সীকরাইত (ভাদ্র সংক্রান্তি) পর্যন্ত এই পর্ব উদ্‌যাপিত হয়। কিন্তু পর্বের জের চলে শারদীয়া পূজা পর্যন্ত। সাধারণত নূতন পাত্রে গোবরের উপর ধান ছড়াইয়া দিয়া ভাঙ্কর রূপ দান করা হয়। কোথাও বা নানারকম ফুল দিয়াও ভাঙ্কর প্রতিষ্ঠা করার প্রথা প্রচলিত আছে। পরে সেই পাত্র আনিয়া কোন নির্দিষ্ট স্থানে বাড়ীর কুলঙ্গীতে স্থাপন করা হয়। আজকাল অনেক ক্ষেত্রে এই একটি মৃৎ প্রতিমা নির্মিত হয়। ছেলেমেয়েরা সমবেত হইয়া ভাঙ্কদেবীকে ঘিরিয়া আবেগভরে আবাহন গান করে।

ওগো ভাঙ্কমণি, নমি ও রাঙা চরণ দুখানি ॥

গানের মাধ্যমে মেয়েরা নিজেদের মনের কথা ব্যক্ত করে। সাধারণত বিবাহিতা মেয়েরা স্বপ্তর ঘরের ও বাপের ঘরের স্মৃতি আঁর ভাইদের গুণ-গরিমা করিয়া থাকে। প্রায় কৈশোরেই মেয়েদের বিবাহ হইয়া যায় এবং স্বপ্তর ঘরে থাকে, তাই পিতৃগৃহের প্রতি তাহাদের আকর্ষণ ছুনিবার। আর স্বপ্তর ঘরের মধ্যে আবদ্ধ নিয়মে কিশোরী-মেয়েদের মন সঙ্কুচিত হইয়া থাকে। তাই এই পর্ব উপলক্ষে বিবাহিতা মেয়েদিগকে স্বপ্তরবাড়ী হইতে পিতৃগৃহে আনা হয়। যদি না আনা হয়, তবে মেয়েরা গানের মাধ্যমে আক্ষেপ জ্ঞাপন করে।

স্বপ্তর ঘরের গল্পনাতে প্রাণ আমার থাকে নাগো,

ওগো মা, তুই এমনি নিষ্ঠুর নিতে না পাঠালি গো ॥

মেয়েরা সাধারণত স্বপ্তর বাড়ীতে অনেক গল্পনা সহ করে—তবু আপন জননী ও জন্মভূমিকে ভুলিতে পারে না। তাই তারা গায়—

স্বপ্তর বাড়ীর গল্পনাতে মন আমার সদাই ভারী,

মা জননী জন্মভূমির স্নেহ যে ভুলতে লারি।

কুমারী মেয়েরা সাধারণত জীবন সংক্রান্তির দিন হইতে ভাছ-সঙ্গীত গাইতে শুরু করে এবং প্রতিদিনই বাড়ীর মেয়েরা একত্রিত হইয়া ভাছ-সঙ্গীত গায়, তাহার পূজা করে। বিশেষত ভাছ সংক্রান্তির আগের দিন সমস্ত মেয়েদের মন আনন্দে উৎফুল্ল হইয়া উঠে। কেন না সেইদিনই ভাছ দেবীর পূজা ও জাগরণ। তাহারা সেদিন সমস্ত রাত্রিই জাগরণ করে। ভাছ সঙ্গীত গাহিয়া রাত্রি অতিবাহিত করে। তাই মেয়েরা সেদিন ভাছ পূজার জন্ত মা-বাবার কাছে নানারকম আকার জিনায়—

আমার ভাছধনে

ভাল ভাল বড় মিষ্টি দাও এনে ॥

খাজাগজা জিলাপী মণ্ডা গো পান্তয়া ক্ষীরমোহন,

লেডিকেনি আর কাল জাম আনিবে দেখে শুনে ॥

গান গাইতে গাইতে ভাছ দেবীকে নিরঞ্জনর জন্ত জলাশয়ে লইয়া যায় এবং বেদনার্ত চিত্তে প্রতিমা নিরঞ্জন করে। তাই ভাছ দেবী আক্ষেপ করিতে করিতে বিদায় গ্রহণ করে। বলে—

আশ্বিন মাসে দুর্গাপূজা সবাই পরে নীলশাড়ী,

আমি কি তোর ছেলে নয়, মা, পাঠালি শশুরবাড়ী ॥

ভাছ মাসের প্রথম দিন হইতে আরম্ভ করিয়া সংক্রান্তি পর্যন্ত প্রতি রাত্রিতে পরিবারের প্রধানত কুমারী কন্ঠারা একত্র হইয়া ভাছর গান গায়। বিষয় অল্পযায়ী গানগুলিকে কতকগুলি ভাগে ভাগ করা যায়, যেমন, রাধাকৃষ্ণ-বিষয়ক, রামায়ণ-বিষয়ক ইত্যাদি। বিষয়-অল্পযায়ী গানগুলি এইবার উল্লেখ করা যাইবে।

রাধাকৃষ্ণ-বিষয়ক

১

ভাছ গো, সাজাব বিবিধ ফুলে,

গেঁথেছি সাধের মালা পরাব গলে।

নব বৃন্দাবনে কি শোভা হয়েছে ভাছর জাগরণে

বৃন্দা যেতে বল কালারে

লম্পট যেন কুঞ্জে প্রবেশ না করে।

—বাকুড়া।

২

ভাছ, হেরবি যদি আয়, কদমতলায় দাঁড়িয়ে কালা আড়নয়নে চায়,
 আয় ললিতা, আয় বিশাখা, হেরবি যদি জীবন-সখা,
 আমরা হে কুলবালা, জানি না, প্রাণ, কোন ছলা
 ঘরে গুরু গঞ্জনা হে, ঘরে যাওয়া দায় ।
 যমুনাতে হ'ল খেলা, খেলব বলে চিকণকালী,
 আর ভেবনা চিকণকালী ধরি তোমার পায় ।
 শুন, ওহে বংশীধারী, কোর না আর বসন চুরি,
 বসন চুরি করলে, হরি, ঘরে যাওয়া দায় ।
 ধর হে মুরলী ধর, নটবর বেশ কর,
 এনেছি বনফুলের মালা পরাব গলায় ।
 মস্তকেতে মোহনচূড়া, তাহে আছে গুঞ্জবেড়া,
 হেলিয়ে ছলিয়ে ধড়া পরে ধরাব পায়, সখি, হেরবি যদি আয় । —ঐ

৩

দেখ দেখি, সখি, উড়ে যায় পাখি রাধারই নাম লেখা,
 নবনী খাবার বেলা হোল শ্রাম, লুকালে হে কোথা ।
 উড়িল পালান পাখী, যে পার সে ধরবে,
 ধরিলে চরণ দুটি, পাখি, গৌরবরণ আঁখি রে । —ঐ

৪

যশোদা কহেন বাণী, শুন, বাছা যাহুমণি,
 ঘরে বসে ক্ষীর ননী খাও ।
 হারে, আমার কপাল থেয়ে নিরবধি বুলো ধেয়ে,
 চুরি করে খেতে কেন যাও ।
 কাক কাঁচা এনে পা দিই না, মা, করতে পারি কিবা,
 ওদের পাড়া গেলে লাগে মা ছেড়া ছেড়া পারা ।
 বালায় বালায় বেঁধে দেয় মা মুখে দেয় ধুলা
 পীতধড়া কেড়ে লয়, মা, সব বেশ বাছা । —ঐ

৫

দেখে এলাম বৃন্দাবনে তিন রঙের তিন ফুল ফুটেছে,
ফুটেছে নীল গোলাপ সাদা,
কোন ফুলে কৃষ্ণ আছেন কোন ফুলে শ্রীমতী রাধা ।
তোরা দেখগো চেয়ে যাচ্ছে বেয়ে সোনার তরগী,
ওই যে তরীর উপর চাপো আছে রায় রঘুমণি ।
বারণ কর বারণ কর বাঁশী বাজাতে, ও সাধের ললিতে,
বাঁশী ভাঙবো না চুরবো না ফেলে দেব জ্বলেতে,
ও সাধের ললিতে ।

—ঐ

৬

আজ কেন, রাধিকালো, তোর এত বেলা,
কৃষ্ণের মস্তনা পেয়ে ঘুম ভাঙলো সকাল বেলা ।
বল দেখিনা, শুকসারি, তোর তো কৃষ্ণের দ্বারে থিলি,
কোন পথে পালালে আমার ননীচোরা বনমালী ॥

—ঐ

৭

বাজিল শঙ্কের বাঁশী, শ্রীরাধা রাধা বলে ।
বাঁশী শুনে কমলিনী বিম্বে দৃতীরে বলে ।
কাক কালো, কোকিল কালো আর কালো তমালের বন,
কৃষ্ণ কালো দেখতে ভালো, শ্রীরাধিকার প্রাণধন ।

—ঐ

৮

রাধে, অভিমানী তোমার জন্ত হই আমি নাপিতানী,
খেলার রসে ছিলেন কানাই সিঁদামের সনে ।
হেনকালে প'ড়ে গেল শ্রীরাধাকে মনে ॥
কে ঘরে আছ গো তোমরা রায় বিনোদিনী,
আলতা পরাইবার জন্ত আসিয়াছি আমি ।
'ওগো ওগো নাপিতানী, নিবে কয় কড়ি,
নাপিতানী বলে, 'নিব ছয় কড়া কড়ি' ।
কম্বল আসন পাতি হেলাইয়া গা,
অগ্রেতে বাড়িয়ে দিলেন দক্ষিণের পা ।

নথ থানি মাজেন কৃষ্ণ ভাবেন মনে মনে,
 আপনারি নামটি প্রভু লিখিলেন চরণে ।
 ওগো ওগো, নাপিতানী, কী কর্ম করিলে,
 আমার বন্ধুয়ার নাম চরণে লিখিলে ।
 ওগো ওগো সখী, সব আন গিয়া জল,
 চরণে বন্ধুয়ার নাম রেখে কিবা ফল ।
 যত সব সখী মিলে চরণ ধুয়ালো,
 আলতাখানি উঠে গেল, নাম নাহি গেল !
 এতেক বুঝিয়া তখন মিলন হইল,
 সদানন্দে আনন্দেতে হরি হরি বলো ।

—বাঁকড়া

২

কৃষ্ণের উক্তি

জাগো জাগো, রাধা, চেয়ে দেখ তোমারি অঙ্গ আধা,
 তোমার জন্ত বৃন্দাবনে রইছি নন্দের বাঁধা ।
 পথ মাঝে বড় বিপদ গো, পেয়েছি অনেক ব্যাধা,
 একবার মেল আঁখি, পান করাও সুধা ।
 চন্দ্র কোলে ভুললে একবার মিটবে গো সকল ক্ষুধা ।
 তুমি যদি না চাহিবে গো দাঁড়াব আমি কোথা ।
 মণিহার ফণির মত বেড়াব হেথা হোথা ॥

—ঐ

১০

বৃন্দার উক্তি

ওহে বনমালী, এবারে বুঝিব চাতুরালী,
 দ্বার ছেড়ে দিছি আমি হে শুনিয়ে মধুর বুলি,
 কেমনে মান ভাঙ্গাবে রাধার দেখিব নয়ন মেলে ।
 নাম ধরে বাজাও একবার হে তোমার করের মুরলী,
 মান ভাঙ্গিবে তোমার পরশে দেখিব নয়ন ভরি ।

—ঐ

১১

কৃষ্ণের উক্তি

বৃন্দে, ছাড় গো স্বার,
আমি গিয়ে মান ভাঙ্গাব শ্রীরাধার।
আমারে হেরিলে রাধা গো থাকিতে নারিবে আর,
মান ভাঙ্গিবে মোর পরশে খুলিবে ভিতর দুয়ার।
মুকলি বাজাব আমি গো নামটি লয়ে শ্রীরাধার,
কেমনে থাকিবে মানি, সমগত প্রাণটি যার।

—ঐ

১২

বৃন্দার উক্তি

ফিরে যাও হে, কানাই, মোদের কাল বরণ হেরবে না,
নিশি শেষে এলে তুমি হে, মান করেছে মোদের রাই।
কার কুঞ্জে বঞ্চিলে নিশি তোমার একটু লজ্জা নাই,
রতি চিহ্ন অঙ্গে আছে হে তবু কি শ্রাম লজ্জা নাই।
আশা দিয়ে আশা ভঙ্গ এ পাপ বিধি সইবে নাই।
নিশিশেষে এমন রূপ হেরিবে না মোদের রাই ॥

—ঐ

নিম্নোক্ত পদটির সঙ্গে 'শ্রীকৃষ্ণ-কীর্তনে'র 'বংশীখণ্ডে'র একটি পদের তুলনা
করা যাইতে পারে—

১৩

রাধিকার রান্না

আজ কেন, সই, রাঁধতে গেলাম আপন মাথা খেয়ে,
হেনকালে দিলেন শ্রাম বাঁশরী বাজায়ে।
বাঁশরীর গান শুনে ঘরে না রয় শ্রাণ,
প্রথমে ডাল বড়িয়ে দিলাম যে সার। (সরিষা)
অথলে দিলাম তাহুল ঝালে শুকানি,
শুধু হাঁড়ি চাল দিয়ে ভেজাইলাম জাল,
আন্ত ব্যাস্ত হয়ে তখন ঢেলে দিলাম জল।
ভাজা ভাজা চালগুলি ভাসিল সকল,
কটুর তেলে বেগুন ভেজে নিম দিয়েছি গুলে,

আমড়াতে করলাতে রেঁধেছি তায় দিয়েছি বড়ি,
 ভাগর মাছের খানি রেঁধেছি খন দিয়েছি খাড়ি ।
 দুধ ছানাও দুধ তপ্ত বলে' হিং দিয়েছি গুলে,
 অবশেষে ক্ষীর চড়িয়ে নিম দিয়েছি ফেলে ॥

—ঐ

১৪

নিতি আমি নিতি দেখি কদম তলায় দাঁড়িয়ে,
 কবে থেকে কৃষ্ণ ঠাকুর ঘাটের লাইড়া হয়েছে ।
 ওরে লাইড়া, বাঁধরে ভেলা পার করেছে সখীগণ;
 তোর নৌকাতে পার হব না চলে যাব বৃন্দাবন ॥
 বৃন্দাবনে যেয়ে পরে পড়ে রব রাসমূলে,
 বৃন্দাবনে এসেছ, ঠাকুর, এই রাসলীলা করিতে,
 বৃন্দাবনে থাক, ঠাকুর, কাঠের কি এতই দুঃখ,
 ভাঙ্কা নৌকা নও, গো সখী, অশ্বরের ও গাড়ী ।
 সব সখিকে পার করিলে লিব গো আনা আনা,
 রাধিকাকে পার করিলে লিব গো কানের সোনা ।
 হে হরি, চরণে ধরি দাঁও হে কানের সোনা,
 শাপুড়ী নুনে আমার করিবেক গঞ্জন ।
 করেছে গোপের বাগালী বেড়াইছ মাঠে মাঠে,
 চিঠি লিখতে জান, শ্যাম, ক অক্ষর নাই পেটে ।
 লিখিতে পড়িতে, বৃন্দে, তখন আমায় দিল কই,
 আমি ত লেখাপড়া জানি না শ্রীরাধা বই ।
 এত কেন দেবী হ'ল, মা কি বাধা দিয়েছে,
 আজকার মত তোরাই যারে, কৃষ্ণ, আমরা যাবো না,
 দুঃস্বপ্ন দেখেছি রাতে বনে যেতে দিব না ।
 নাতিনী ধবলী এল, কৃষ্ণ আমার এল কই,
 থালের ননী থালেই রইল মন গুমানে বসে রই ।
 মঞ্জরাধন পাখি দিল, উড়ে বসল কার চালে,
 আমার যদি হ'ত মঞ্জর, বেঁধে রাখতাম প্রেমডোরে ।

হাতে দিলাম প্রেম স্মৃতি পায় দিতাম প্রেমভোর,
লোক শুধালে বলতাম তারে শ্রীরাধিকার মনচোর ।
শ্রীরাধিকার মানের জন্তে ধরেছিল চরণে,
চরণ ধরে গড়াগড়ি সেদিন কি, শ্যাম, নাই মনে ॥

—ঐ

১৫

যত গোপ গোপীগণে, শুভক্ষণে হয় মনে
বৃন্দাবনে করেন গমন,
উঠিল প্রবল রোল, ঘন ঘন হরিবোল
আগে সবে চালায় গোধন ॥
কৃষ্ণ বলরাম সঙ্গে ব্রজের বালক সঙ্গে
নানা বেশ ভূষা করি যায়,
কেহ গায় কেহ নাচে করতালি কেহ দিছে
কেহ শিখা মুরলী বাজায় ॥
নবীন পল্লব ডাল, কারো উরে করে আলা
কারো গলে দোলে গুঞ্জা ছড়া,
ঘনশ্যাম রাম সঙ্গে, ব্রজ সখা যায় সঙ্গে
নব কোটি গোপের নন্দন ।
ব্রজের যুবতী যত, যায় কত কোটিশত
পূর্ণচন্দ্র গগনে যেমন ॥
বৃষভাষু কলাবতী, হরষ হইয়া অতি
মণিরথে করিল গমন
দাস দাসীগণ কত সঙ্গে যায় কোটি শত
গজ বাজী রথ অগণন
রাধা সহচরি বাল। স্ত্রীলাদি শশীকল।
নানামত বেশবাস করি,
কেহ যায় শিবিকাতে কেহ কেহ যায় রথে
মধ্য রথে রাধা রাসেশ্বরী ।
যশোদা রোহিনী রথে যায় অতি আনন্দতে
সঙ্গে কত দাসদাসীগণ ॥

—ঐ

১৬

আমার নীলরতনে ও যশোদা কোলে নাও কি কারণে,
পালনি পেলোছ বটে গো সে ধর্ম আছে মনে ।
পুরস্কার পেতে পার পাবে না কৃষ্ণ ধনে ।

—ঐ

রামায়ণ-বিষয়ক

১

ও রামের মা ও রামের মা, একি রামের দুর্দশা ।
বস্ত্র বিনে গাছের বাকল তেল বিনে মাথায় জটা ॥
রাম নাকিরে বনে যাবে, মাকে কেন বল না ।
মায়ের প্রাণ কি ধৈর্য ধরে, এই রাম বনে যেও না ॥

—ঐ

২

রামের বনবাস ।

ঐ দেখ সূর্যের কিরণ চেয়ে দেখ না রে, মন ।
কত গোপীগণ এসে দ্বারে দ্বারে বসে' জাগলো ভাঙ্ক ধন ।
রামের মা কৌশল্যা রাগী ধূলায় পড়ে অচেতন ।
উঠ, কৌশল্যা, কর, মা, চেতন আসছে তোর ঐ রাম রতন ।
ঐ দেখ ভাঙ্ক ধন ।

রামের হাতে সোনার ছাতি আজ কি রামের অধিবাস ।

চৌকাঠাতে লেখা আছে, চৌদ্দ বৎসর বনবাস ।

রাম নাকি রে বনে যাবে মাকে কেন বল না ।

মায়ের প্রাণ কি ধৈর্য ধরে ও রাম বনে যেয়ো না ।

—ঐ

৩

সীতার উক্তি

মূনির তপোবনে দেখ আজি আমায় এসে কাঁদাও কেনে,
ছুট বাগী কানে শুনি, পঞ্চবটীর কাননে ।
বামেতে আজ সর্প হেরি দক্ষিণে শিবাগণে ।
ঘরের বাহির হলাম কেনে এই ছিল বিধির মনে ॥
শুধাইলে কওনা কথা, নীরব হ'লে আজ কেনে ॥

—ঐ

৪

লক্ষ্মণের উক্তি

মুখে সরে না বাণী, শুন মাতা জানকী ঠাকুরাণী,
শক্তিশেলে মৃতু হলো গো জুড়াইত পরাণী ।
এ কাৰ্য সাধনে মোদের পাঠালেন, ভূনন্দিনি,
তোম্ব বিসৰ্জন আমার বৰ্জন হবে না আমি জানি ।
তোম্ব গহন বনে তপোবনে কে দিবে অন্নমানি ।
আমি মা বলিয়া ডাকব কাৰে শুনব কাৰ মধুর বাণী ।

—ঐ

৫

রামের উক্তি

শুন, স্থলোচনা, তোম্ব হুঃখ সহিতে আর পারি না,
পতি সনে আর আশ্বনেতে ভস্ম তুমি হবে না ।
যুগে যুগে লক্ষা রাজ্য ভোগ কর বীরাঙ্গনা,
বদি চাও বর দিব রে যা হয় তোম্ব কামনা ।
তোম্ব ঘরেতে সীতা রবে করিস্ না সে ভাবনা ।
আছে হেথা ইন্দ্রজিতের মাথা এই যে দেখ না,
লইয়া যাও, দিলাম অভয় পুৰাই তোম্ব কামনা ।

—ঐ

৬

দয়াল নামটি জেনে, দোলা নিয়ে এলাম অবস্থানে
রাবণের পুত্রবধূ গো, নাম আমার স্থলোচনা ।
প্রাণপতি হারিয়ে সতী, পাব না এ জীবনে,
দয়াল শ্রীরাম হবে না রাম পাব না শ্রীচরণে ।
পতির মাথা আছে কোথা রেখেছ সঙ্গোপনে,
আম্ব সত্য পার হইতে গো হাত আসে মোর উঠানে ।
কাটা হাতে লিখে দিল, প্রাণ যায় লক্ষ্মণের বাণে,
পতি যথা যাব তথা গো, ভস্ম হব আশ্বনে ।
এ লক্ষাতে শঙ্কা সদা, শাস্তি আসবে না প্রাণে ।

—ঐ

৭

রামের মা কোশল্যা রাণী ধূলায় পড়ে' অচেতন,
উঠ, কোশল্যা, কর গো চেতন ঐ আসছে তোর রাম রতন । —ঐ

৮

রামের হাতে সোনার জাঁতি আজ কি রামের অধিবাস ।
চৌকাঠাতে লেখা আছে চৌদ্দ বৎসর বনবাস ॥
রামের মা কোশল্যা রাণী ধূলায় পড়ে' অচেতন ।
উঠ, কোশল্যা, কর গো চেতন ঐ আসছে তোর রাম-রতন । —ঐ

৯

পাহাড়ে উঠিলে, রাম রে, জমি জরিপ করিতে,
এত কেন দেবী হলা অজয়ে বান পড়েছে ।
পড়ুক পড়ুক অজয়ে বান, মিঠাই ভেঙ্গে জল খাব,
কাদছ কিসের সাধের, ভাঙ্গ, কোলে নিয়ে পার হব! —ঐ
অনেক সময় সুদীর্ঘ কাহিনীমূলক গীতিও ভাঙ্গগানে শুনিতে পাওয়া যায় ।

১০

রামসীতার বিবাহ

ও রাম দয়াল হরি, তুমি ভবনদীর কাণ্ডারী ।
ভবসিঙ্ঘু তরব এবার হে, তুমি ত পারের তরী ॥
পাপী তাপী উদ্ধারিতে হে, জন্মেছ জটধারী ।
বিশ্বামিত্র মূনির সঙ্গে গো গেলেন মৈথিলাপুরী ॥
প্রথমে পরীক্ষা দিল তাড়কাকে বধ করি ।
গৌতম মূনির পত্নী হয়ে আছে পাষাণী ।
অহল্যাকে উদ্ধার কর, দিয়ে চরণ দুখানি ॥
অহল্যাকে মানব করলে হে, বাঁচিয়ে পাষণ হেরি ।
কাষ্ঠের নৌকা স্পর্শ করে গেলেন মৈথিলাপুরী ॥
মৈথিলা যাইয়ে রামধন গো হরধনু ভাঙ্গিল ।
হরধনু ভঙ্গ করে' অযোধ্যায় লোক পাঠাল ॥
মিথিলার লোক এসে দশরথকে বলিল ।
তোমার পুত্র শ্রীরামচন্দ্র হরধনু ভাঙ্গিল ॥

১৬১৭

দশরথ ৰাজা তখন কোশল্যাৰ্কে বলিল ।
 তোমাৰ ৰামধন মিথিলাতে হৱধহু ভাঙ্গিল ॥
 ও ৰাম, গুণমণি, কেমন কৰে' ভাঙ্গিল ধহু তাই শুনি ।
 আমাৰ ৰামেৰ বিয়ে পাৰ্জমিত্ৰ ডাক, ৰাজা, এইবাৰে ।
 পাৰ্জমিত্ৰ ডেকে, ৰাজা, ৰথ সাজাতে বলিল ।
 দুটি পুত্ৰ সঙ্গৈ নিয়ে ৰাজা ৰথে চাপিল ॥
 দুটি পুত্ৰ নিয়ে ৰাজা মিথিলাৰ পথে গেল ।
 জনক ৰাজা সংবাদ পেয়ে ৰাজা নিতে আসিল ॥
 দশৰথ ৰাজা তখন মিথিলাপুৰে গেল,
 শ্ৰীৰামলক্ষ্মণ দুটি ভায়ে পিতাৰ কাছে দাঁড়াল ।
 চাৰটি পুত্ৰ নিয়ে ৰাজা, ৰাজসভায় বসিল ।
 মিথিলাৰ লোক সবে ৰাজা দেখতে আসিল ।
 জনক বলে, ও মুনিবৰ, চাৰটি পাৰ্জ আইল ।
 দু'ভায়েৰি চাৰটি কন্তা চাৰটি পাৰ্জকে দিব ॥
 জনক বলে, ও মুনিবৰ, বিয়েৰ গল্প কৰ,
 ৰাজাৰ অমুমতি নিয়ে জনক বিয়ায় বসিল ।
 সীতাৰ সঙ্গিনী সবে বাসৰে নিয়ে গেল ॥
 স্থথৈৰ নিশি পোহাইয়ে নিশি ভোৱ গ্ৰভাত হ'ল,
 দশৰথ ৰাজা বলে, বৰকন্তা বিদায় কৰ ।
 দান দিল, যৌতুক দিল, সঙ্গতে দাসী দিল
 দশৰথ ৰাজা তখন অযোধ্যাৰ পথে এল ।
 ৰাস্তাৰ মাঝে ভৃগুৰাম ধহুক ধৰে দাঁড়াল,
 ভৃগুৰামকে বধ কৰিয়ে অযোধ্যাপুৰে এল ।
 অযোধ্যাৰ পুৰবাসী দাঁড়াল সাৰি সাৰি
 যেমনি ৰামধন গুণেৰ সাগৰ তেমনি সীতা স্তম্ভৱী ।
 ৰাম-সীতা দেখিব বলে এল সব নৱনাৰী,
 ৰামেৰ মা কোশল্যা ৰাণী, লক্ষ্মণেৰ মা স্তম্ভজা ।
 ভৱভেৰ মা কেকয় ৰাণী এস গো গেলে কোথা ।

আম পল্লব পূর্ণঘট স্বর্ণ খাল হাতে নিয়ে,
উলুধ্বনি দাও ধনীকে ভাগ্যসিদ্ধি বলুক লোকে ।
যেমন রামধন গুণের সাগর, তেমন সীতা স্নানরী ।
রাম-সীতাকে ঘরে করে দেখব গো নয়ন ভরি ॥ —ঐ

নিম্নোক্ত বৃত্তান্তটি পূর্ব মৈমনসিংহ হইতে সংগৃহীত চন্দ্রাবতীর রামায়ণেও
শুনিতে পাওয়া যায়। মূল সংস্কৃত রামায়ণ কিংবা কৃত্তিবাসী রামায়ণেও
ইহা নাই ।

১১

তোমরা সব সখী মিলে মাথায় দিলে চিকণী,
হেই, দিদি, মিনতি করি রাবণ দেখ এখনি ।
তোমরা সব সখী মিলে চঞ্চল ঘটাইলে,
কেমন যে সে রাবণ বটে দেখি নাই ছ'নয়নে ।
কেবল কায়্য অভ্র ছায়া দেখেছি সাগর জলে,
কেমন যে সে রাবণ গঠন দেখি নাই ছ'নয়নে ।
রাম গেলেন মা সিনান করিতে হাতে ঝারি নটবর,
রাবণ মূর্তি আঁক্যে সীতা শুয়ে আছেন তার উপর ।
বিন্দু বিন্দু টোপা টোপা ঘাম পড়িছে সীতার মুখে
রাম তুলিছেন হাতে ধর্যে মুখ পুছায়ে কৌচার টেপে ।
ভূমিতলে লেখন দেখে রাম শুধালেন সীতাকে,
পাশরিতে নাগ্নে সীতা দশমুণ্ড রাবণকে ।
লক্ষ্মণকে ডাকিয়ে বলে এই সীতা দাও বনেতে,
এই সীতা রাখিলে ঘরে বিঘটন ঘটায় পাছে ।
কুথায় আছ, ও ভাই লক্ষ্মণ, লক্ষ্মণ গুণমণি,
কুন বনে রাখিবে সীতা বলরে, ভাই, তাই শুনি ।
উপরে সূর্যের ছটা লাগে বড় পিপাসা,
অরণ্যের ডাল ভাজ্যে লক্ষ্মণ শিরেতে ধরে ছাতা ।
ভাজিয়ে অরণ্য ডাল, লক্ষ্মণ ধরে শিরেতে,
ইয়ার ছায়াতে সীতা চল ধীরে ধীরেতে ।

কি বিপদ আমার ঘটিল মাঝ রাস্তাতে,
 আরো পা চার চল সীতা পাতের কুটির দেখাচ্ছে ।
 এইখানেতে থাক, সীতা, এই হে অশোকের বন,
 এইখানেতে থাক, সীতা, আমরা করি দেশ গমন ।
 আনুগো ছুরি কপাল বারি, কি লিখেছে ভগবান,
 আনুগো গরল খায়ো মরি আপনি ঘুচাব প্রাণ ।
 সীতা নামের বড় কষ্ট, সীতা নাম কেউ রেখ্যনা,
 হায়রে, জনম দুখিনী সীতা পাটে বসতে পাল্য না ।
 কপালে কলঙ্ক ছিল জলে ধুয়া গেল না,
 হায়রে, বিধি, কি লেখেছে মরণ কেন হল্য না ।
 সীতা গেলে সিনান করতে মুনিকে ঘরে রাখে,
 কুশের ছিল বেনাই মুনি শুয়াইছে অশোক খাটে ।
 সীতা আলেন সিনান করিয়ে মুনিকে শুধান আস্তে,
 কোলে লাও মা সীতালক্ষ্মী তোমারই লব কুশ বটে ।
 জয়পতাকা লেখ্য ঘোড়া রাম ছাড়িয়েছে কাননে,
 মূনির পুত্র দুটি বালক ধর্যেছে আপন মনে ।
 ছাড়ো দে, ছাড়ো দে ঘোড়া, ছাড়ো দে বিনা রণে,
 কুন্ দুখিনীর বাচ্চা তুরা মরবি রে রামের বাণে ।
 ছাড়ব না, ছাড়ব না ঘোড়া ছাড়ব না বিনা রণে,
 আশুক কেনে শ্রীরামচন্দ্র যুদ্ধ দেক আমার সনে ।
 রাজ্যপাশা দাও, মা সীতা, খেলতে বাব তপুবনে,
 এই আশীর্বাদ কর, মাগো, আমরা যেন জিনি রণে ।
 জিনিতে জিনিতে, বাপরে, প্রাণে বধে আস্ত না,
 হাতের শঙ্খ সীতার সিঁদুর আমার যেন ঘুচে না ।
 বাঁধো দাও, মা, পঞ্চচূড়া গলায় দাও মা স্বর্গহার,
 পায়ো দাও সোনার নুপুর বাজে যেন চমৎকার ।
 কি বল্লিরে অবোধ, শিশু, শুনালি দারুণ কথা,
 জনম-দুখিনী সীতা স্বর্গহার পাব কুথা ।

বাঁধো দিব পঞ্চচূড়া গলায় দিব ফুলের হার,
 পায়ে দিব ফুলের নুপুর বাজবে অতি চমৎকার ।
 ওরে আমার লবন চাঁদ রে, ওরে আমার কুশান চাঁদ রে,
 কোন্ বনে বাপ মায়ে আলি, রামের বুকে দাক্ষণ বাণ ।
 ভেব না ভেব না, মাগো, রামচন্দ্র কার স্বামী ।
 মারিলে মরিবে না সে জগতের চিন্তামণি ॥

—ঐ

বিবিধ পৌরাণিক

১২

দৈব প্রবল দৈবই বল মানুষ্যের, বল, কি আছে হাত,
 অদৃষ্ট যখন দৈবের অধীন কেন কর, মাতা পরিতাপ ।
 কাঁদেরে স্তভ্জা পুত্রের শোকে প্রবোধিয়ে কত কুলান্নন,
 অভিমত্য় বধ শুনিয়া দুঃখিত সহসেনা পাণ্ডবগণ ।
 পিতা যাহার পার্থ মহারথী মাতুল শ্রীকৃষ্ণ ভগবান,
 সেও মরে রণে অসম্ভব একতা অদ্ভুত এই বিধি বিধান ।
 কেউ কার নয়, অনিত্য সংসার আসা যাওয়া শুধু সার যে লো,
 এ সংসার শুধু খেলার বাজার কেহ নয় পরিবার যে লো ॥
 দৈব প্রবল দৈবই বল মানুষ্যের বল কি আছে হাত,
 মায়া মোহময় এই সংসারে শুধু আসা যাওয়া সদা এই রীতি ।
 এসেছে যে কেহ যাবে একদিন তবে কেন দুঃখ তার প্রতি
 বীরের কার্ধ সাধি অভিমত্য় বীর গতি প্রাপ্ত হইয়াছে ।
 ক্ষত্রিয়ের ধর্ম পালন করিয়া অক্ষয় যশ রাখিয়াছে ।
 স্তভ্জা জননী ধৈর্য ধর তুমি এতো নয় যে দুঃখের সময়,
 বীরজায়া বীর জননীর যে গো এত ব্যাকুলতা উচিত নয় ।
 পুত্রবধূ উত্তরার মুখ চাহিয়া পরাণে প্রবোধ দাও,
 তার গর্ভস্থিত বালকে বাঁচাতে প্রাণপণে সবে যত্ন নাও ।
 শ্রীকৃষ্ণ ভগিনী অজুন গৃহিণী উঠ পরিহর পুত্রশোক,
 কোঁরব হাসিবে পাণ্ডবদের দায় হবে লাজে দেখাতে মুখ,
 নিয়তির খেলা না হয় খণ্ডন বলে যে গো চরাচর
 বলে শশাঙ্ক হে মতি ভদ্রে হয়োনা গো এত কাতর ।

—ঐ

১৩

মা দুৰ্গা ত্ৰিনয়নী, দশভূজা এসেছে,
 একলাতো আসি নাই, মাগো, শিব সঙ্গে এসেছে ।
 বলগো, মাতা, মম জামাতা ফণি ধরে শ্ৰীহাতে
 অম্বর কি দিগম্বর বাঘের ছাল গায়ে আছে ।
 মা দুৰ্গা গো দাঁড়িয়ে আছে যেন বাঘে পা দিয়ে,
 অম্বর দাঁড়িয়ে আছে মোষের পেটে পা দিয়ে,
 লক্ষ্মী, সরস্বতী আছে, কাৰ্ত্তিক আছে ময়ূরে,
 হস্তি মূণ্ড কেটে এনে গণেশেরে দাঁও জড়িয়ে ।
 কার বাড়ী গেছিলে, মাগো, কে কয়েছে পূজাগো,
 হাতে তোমার রক্ত চন্দন পায়েতে লাল জবা গো ॥
 শনির দৃষ্টিতে উড়ে মা দুৰ্গার হয় মনের দুঃখ,
 পঞ্চ দেবতার হুকুম আছে, গণেশের পূজা এণ্ড ।
 পাতালেতে ছিলে তুমি হয়ে ভক্তকালী গো,
 অম্বরের মূণ্ড কেটে করতে রাশি রাশি গো ॥
 বা হাতে মার দড়ি ডান হাতে মা টাঙ্গি গো,
 আড় নয়নে চেয়ে দেখ পদতলে ভোলা গো ।
 শিব আছেন গো আমার কাছে শিব আছে মাথার উপর ।
 এখানেতে রব না, মা, দশমীতে যাব ঘর । —বাঁকুড়া

১৪

শৈব্যার বোদন

ক্ষমা কর, রাজন, তোমার রোহিত হারিলাম জন্মের মতন,
 কি দিব কর তুমি যে বর গো কর আমায় নিরীক্ষণ ।
 করে কর দিয়ে যে আমি করেছি তোমায় বরণ,
 মোর রোহিতে ফুল তুলিতে গো বাগানে পাঠায় ব্রাহ্মণে,
 দেখে দেৱি ভেবে মরি, বাগানে করি গমন ।
 কালবরণ মুখে ফেন গো সৰ্পে করেছে দংশন,
 নয়ন-তারা হলেম হারা জীবনে নাই প্রয়োজন ।

বামুন বলে দাও গো ফেলে গো শ্মশানে কর গমন,
 দুঃখ জুড়া ধন নাও হে রাজন, এই ছিল ভাগ্যধন ।
 রোহিত যথা বাব তথা গো মিছে রাজ্য ধন জন ।
 এই মিনতি, ওগো পতি, চিতায় কর আরোহণ ।

—ঐ

১৫

শৈব্যার নিকট হরিশ্চন্দ্রের উক্তি

তুমি কার রমণী শঙ্খান ঘাটে আসিলে ঘোর রজনী,
 মৃত ছেলে কোলে নিয়ে গো কেউ নাই তোমার সঙ্গিনী ।
 কাশীর ঘাটে সাহস বটে এসেছ একাকিনী,
 এমনি ছেলে রোহিত বলে গো ছিল আমার পরাণী ।
 ছেলে সহ বিক্রি করি, কাশীতে শৈব্যারাণী ।
 বিশ্বামিত্র ঋণের দায়ে গো এ বিপদ ডেকে আনি ।
 (ওদের) আমার তরে আঁখি বুঝে ব্রাহ্মণ ঘরে রন্ধনী,
 এ ঘাটে আসে যে সব হয়েছে আমি দানী ।
 শবদাহ করিবে পরে কর দাও আমায়, দুঃখিনী,
 দাও আগে কর আমি নোকর কগো কালু হাড়ির এই বাণী ।
 শূকর রাখাল আমি চণ্ডাল শুন দুঃখের কাহিনী ॥

—ঐ

১৬

ধর্মের উক্তি । সত্যবানের পুনর্জীবন

বলি ও মা সতি, বালিকা বয়সে তোর ধর্মে মতি,
 রাজকুমারী বনচারী রে তোর দুঃখে যে ফাটিছে ছাতি ।
 বেলা গেল সন্ধ্যা হল গৃহেতে কর গতি ।
 রাজ্য পাবে, চক্ষু হবে রে, তোর শশুর গুণবতী ।
 ও সাবিত্রী নয় অস্ত্রথা শুন আমার ভারতী ।
 পতি সনে এসে বনে রে চতুর্দশী আজ রাতি,
 এই উপবাস করবে সবে, জগতে নারী জাতি ॥
 দিলাম বর তোমার পিতার হবে সন্তান সন্ততি ।
 নাম সত্যবান শত সন্তান, দিলাম দেখে ভকতি ॥

জিনলে শমন অজয় চরণ রে অস্তে পাবে ত্রীপতি,
তোমার কথা রইল গাথা জগতে রইল সৃষ্টি ।

—ঐ

১৭

ধর্মের প্রতি সাবিত্রীর কথা ।

ফিরে যাও গো শমন, কোল হইতে লিবে না আর সত্যবান ।
তুমি ধর্ম ভেবে কর্ম গো কর সত্ত্ব অহুঙ্কণ ।
যথা ধর্ম তথা জয়, তার শুনেছি বেদের বচন,
মিছে মায়া এই ত কায়া গো পঞ্চভূতে হয় মগন ।
যেমন স্রোতের কাটে সংযোগ, বিয়োগ, আসে আর করে গমন,
এ সংসার মায়াডোরে গো সকলে আছে বন্ধন,
স্বত, দারা, স্বামী, দেখ, সকলি নিশার স্বপন,
এই নাও পতি, এই মিনতি গো তব পায় নিলাম শরণ ।
স্বামী যথা, যাব তথা, এই আশা কর পূরণ ।
এ সংসারে পুনঃ ফিরে গো আসিতে না হয় রাজন্,
সঙ্গে করে' নাও আমারে দুঃখিনীর এই নিবেদন ।

—ঐ

১৮

সত্যবানের সাবিত্রীর সহিত বনে গমন ও মৃত্যু ।
আমার নিকট শমন তোমার কোলে শুই প্রিয়ে জন্মের মতন,
ও সাবিত্রী মাথা ব্যথা গো শিরের পীড়ায় যায় জীবন ।
না শুনিলে আমার কথা, কেন সঙ্গে এলে বন,
চিরতরে ছেড়ে তোমায় গো অজানা দেশে গমন ।
তোমায় ফুলের মালায় বন্দী ক'রে রেখে যাই বিজন কানন,
রাজকুমারী মূই ভিখারী গো আমায় করিলে বরণ ।
বিবাহ করিয়া আমায়, দুঃখে দিন কর যাপন,
অন্ধকের নাড়ী আমি গো এই ছিল ভাগ্যে লিখন ।
পিতামাতার আর কে আহাৰ জোগাবে বল এখন ।
ধর্মে মতি রাখ, সতি গো, ফিরে যাও মোর নিকেতন,
পিতামাতার সেবাতে ভার দিয়ে যাই আমার ভূবন ।

—ঐ

১৯

শুন, ভাঙ্কমণি, কীর্তন শুন্তে আসিল সঙ্গিনী,
 শুন শুন, গো ভাঙ্কমাতা, গো শুনগো সঙ্গিনী ।
 শ্রামস্বন্দরের কত শোভা দেখিলেন ভাঙ্কমণি,
 ভাঙ্ক মাসের পূর্ণিমাতে কীর্তন শুনিলেন হরি,
 বংশীধারী মদনমোহন, বামে লয়ে কিশোরী
 ননীগোপাল কীর্তন করেন, শুনিলেন বনমালী ।
 লোকে সবে শুনে শুনে দেয় বলি করতালি ।
 পুরুষ যুব বৃদ্ধ নারীর গো কপালে চন্দন ফোঁটা,
 গলে পরে ফুলের মালা দেখিতে কত শোভা ।
 শত শত লোক এসে গো কীর্তন শুনিতে বসিল,
 শীতল ও আরতি হয়ে বৃন্দাবন ক্ষেত্র হলো ।
 এই কীর্তনটি কে করিল গো ননীগোপাল সুন্দর ।
 শ্রামস্বন্দরের রূপাতে এই কাজটি হইল ।
 চাঁচর খেলা, দোল খেলা, রাসলীলা হইল ।
 ভাঙ্ক মাসের পূর্ণিমাতে আরেক খেলা বাড়িল,
 সভাপতি বসে' পড়ে গো ভাগবত গীতা করিল ।
 ফল ও মিষ্টান্ন লইয়া ননীগোপাল আসিল ।
 শীতল আরতি পরে প্রসাদ দিতে লাগিল,
 প্রণাম করে প্রসাদ লয়ে সবে মিলে ঘর গেল ।

—ঐ

২০

কল্যাণেশ্বরীর শঙ্খ পরা

বান্ধা দহে চান করিছেন, করেছেন দেবরাণী,
 মাথাতে পসরা নিয়ে দাঁড়ায়ে আছে শাঁখারি ।
 ও শাঁখারী, শঙ্খ আন, ঐ শঙ্খ পরব আমি,
 যা পাঁচজনে বলবেক মূল্য তাই মূল্য দিব আমি ।
 তোমার মত কত নারী, আছে কত জন গো,
 হাতে পদ্ম পায়ে পদ্ম দেখি নাই, মা, কারো গো ।

আমার মত কত নারী আছে কত ঠায়ে গো,
কুরূপা স্বরূপা নারী আছে কত জনগো ।
শঙ্খত পরিলি, কণ্ঠা, মূল্য নিব কার কাছে,
অভয় আমার পিতা বটে মূল্য লাওগা তার কাছে ।
ও ভাই অভয়, ও ভাই অভয়, মূল্য দাও, ভাই, আমারে,
তোমার কণ্ঠা শঙ্খ পরলেক বানলা দহের ঘাটেতে ।
আমার কণ্ঠা নাই হে, ব্রাহ্মণ, কারে শঙ্খ পরালে,
দেখাই যদি দিতে পার মূল্য দিব তোমারে ।
অভয়েতে ব্রাহ্মণেতে চলেন গো ধায়াধায়ি,
বানলা দহের ঘাটে যায়ে হরমনমোহিনী গো,
মূল্য দিবার ভয়ে, মাগো, লুকাইলি কোন্‌খানে ।
দহের মাঝে হস্ত তুলে শঙ্খ দুটি দেখাল ।
অভয় বলে, ও ভাই ব্রাহ্মণ, মূল্য লাও আমার কাছে ।
ব্রাহ্মণ বলে, ও ভাই অভয়, মূল্য নাহি লিব,
বছর বছর মাকে আমি শঙ্খ দুটি পরাব ॥

—এ

২১

কেনে নিতাই হলি, শচীমাতায় জন্ম নিয়ে, বিষ্ণুপ্রিয়ায় কাঁদালি
অগো শচীমাতা গো, তোমার নিমাই যায় চল্যে,
পুরুল্যারি শাস্তিপুরে দু ভাইএ বইন্তে আছে ।

(কেন নিতাই হলি) ।

অগো লাপিতানী গো, দেগো আমার চুল কেটে,
কোন রমণী ছিল, বাবা, কেবা তুদের মা বটে ।
অগো শচীমাতাগো তোমার নিমাই যায় চল্যে,
কাল ঘুমে ঘুমাইছি—বিদায় দিতে হয় পাছে ।
অগো শচীমাতা গো, তোমার নিমাই যায় চল্যে,
নবদ্বীপের গৌরাঙ্গ অবতীর্ণ হয়েছে ।

(কেনে নিতাই হলি) । —এ

২২

বৃন্দাবনে মধুর লীলা জ্বিল যায় বনলীলা
 লুপ্ত হয়ে গেল যখন জীবের স্মৃতি হ'তে
 কে আনলো তায় গোলোক তেজে ভেবেছ কি কভু
 সে যে আমার শ্রী অষ্টমত শ্রীগৌরান্দ প্রভু ।
 হয়ে স্বয়ং রমণ রাধা বলে করে রোদন
 রাধা ভাবা আর দ্যুতি স্খলিতা দেহা
 কৃষ্ণ বস্ত্রা তুষা কৃষ্ণা সবার দেহাং তেহাং
 এক আধারে যুগল রূপটি দেখতে চাও কি কভু
 সে যে আমার ভাবে ভোলা শ্রীগৌরান্দ প্রভু ।
 আর কত দিন ভবের খেলা ফুরিয়ে এল বেলা
 সামনে যে তোর অকুল সিদ্ধ তুফান ভারি তায়,
 হেলায় সেথায় মত্ত রইলি সময় ব্যয়ে যায়
 এই তুফানের কাণ্ডারী কে ভেবেছ কি কভু,
 সে যে আমার কৃপা অবতার শ্রীগৌরান্দ প্রভু ॥

—এ

২৩

পাতালেতে ছিলে, মাগো, হয়ে, মাগো, ভজ্র কালী গো,
 অসুরের মুণ্ড কেটে কর রাশি রাশি গো ।
 পাতালেতে তো ছিলে, মাগো, হয়ে ভজ্র কালী গো,
 শিব আছে মা আমার সঙ্গে শিব আছে তার উপর ।
 ই'থেতে তো রব না দশমীতে যাব ঘর,
 আশ্বিনেতে দিয়েছে, মা, প্রতিমা গড়িয়া রাম
 সপ্তমীতে বারি এনে পূজা করে রাধাশ্রাম ।
 সপ্তমীরে গত হ'ল, পিতা, মনে হ'ল,
 শীত্র শীত্র বলুন পিতামাতা আছেন ভাল ।
 রথ সিংহাসন এনে গো পিতা বসতে দিল,
 উপহার মিষ্টান্ন এনে পিতা হে ভোজন কর !
 আমপল্লব সারি সারি ঘট পেতেছে ঘরেতে,
 উলুধনি দাও, ধনি লো, ভাগ্যস্বী বলুক লোকে ।

সিঁহ'র গুলগুল ধুনা বসাইব হানে স্থান,
 আরতি দিবার সময় আলোয় প্রভু রাধাশ্রাম ।
 কানন মাঝে দুর্গাপূজা সীতা উদ্ধার করিতে,
 রাম করিবেন দুর্গাপূজা এক শত নীল পদ্মতে ।
 এক লম্প দুই লম্প তিন লম্প হইল,
 চার লম্পর বেলায় হম্ম দেবী দহেতে গেল ।
 আয়রে হম্ম, যারে হম্ম, দেবীদহের নিকটে,
 রাম করিবেন দুর্গাপূজা এক শত নীলপদ্মতে ।
 একশত নীলপদ্ম তুললেক হম্ম ডাঙ্গালে,
 তুমারি মন ছলবার জন্ত গউরা লুকাই রেখেছে ।
 একশত নীলপদ্ম হরিলি, মা, তারিকা ।
 সংকল্প করেছি পূর্ণ চক্ষু দিব এখুনি ॥
 কাঁদিতে কাঁদিতে রাম চক্ষু গেলেন উপড়াতে,
 হেনকালে কাত্যায়িনী ধরিলেন রামের হাতে ।

—ঐ

২৪

এবার আমার আলো আর উমা পাঠাব না,
 ভবের স্নেহে ঝগড়া করে জামাই ব'লে মানব না ।
 মিছা ঝগু কর, মাগো, ঝগু করা অকারণ,
 আসবে না তোঁর পাগল জামাই স্তনবে না কারো বারণ ।
 শ্মশানে মশানে শিবগো গাঁজা ঘটায় সিদ্ধি খায়,
 গলে পরে হাড়ের মালা ভস্মরা বাঁজাই বেড়ায় ॥

—ঐ

২৫

আখিনের নবমী দিনে নববস্ত্র সবাই কিনে,
 ভাঙ্গুর জন্তে এনে দিব ঢাকাই রঙের শাড়ী ভালো ।
 কাটিক মাসে কাত্যায়িনী এলেন গো করাল-বদনী,
 ভাই ফোঁটারই কলা ভালো ভাঙ্গুকে লিব বলেছি ।
 অগ্রহায়ণেতে অন্নপূর্ণা সর্বলক্ষ্মী অবতীর্ণ,
 সুখ লাগে না ভাঙ্গু বিনা ক্ষেতের ধান তো ক্ষেতে রইল ।

পৌষের দারুণ শীতে শীত ভাঙ্গে সালবোনাতে,
 মকরে গঙ্গা সিনাতে, ভাছ ষাব বলেছিল।
 মাঘেতে সরস্বতী পূজা হাঁড়িতে সিজান সিজা,
 তিলাডু করকরে ভাজা ভাছুর জন্তে সাজা রইল।
 ফাল্গুনেতে দোলের দিনে দোল খেলিব ভাছুর সনে,
 মাখাবো চন্দ্র বদনে আবিরেতে করবো লাল।
 চৈত্র মাসে রামনবমী
 বৈশাখে গ্রীষ্ম কালে ভাছুর গরমে গা গলে
 ছ'তালারও বারান্দার জলে।
 মাখাব গোলাপ জল।

—এ

২৬

সমবৎসর গত হল্য, কৈগো আমার ভাছ এল্য,
 দুর্গাপূজা হয় আখিনে, নববস্ত্র সবাই কিনে,
 ভাছকে কে কিনে দিবে ঢাকাই রং এর শাড়ী ভাল।
 কার্তিকেতে কাত্যায়নী এলেন মা করালবদনী,
 ভাছকে কে আনতে যাবে, ভাইফোঁটা কে দিবে বল।
 অজ্ঞানেতে অন্নপূর্ণা গোটাই অন্ন অবতীর্ণ,
 ভাছুর জন্ত ভেবে ভেবে মাঠের ধান সব মাঠে রহিল।
 পৌষেতে পরম শীতে, শীত ভাঙ্গে না শাল বোনাতে,
 মকরে গঙ্গা সিনাতে ভাছ ষাব বল্যেছিল,
 মাঘে সরস্বতী পূজা হাঁড়িতে সিজান সিজা,
 তিললাডু কড় কড়া ভাজা ভাছুর জন্ত রহিল সাজা।
 ফাল্গুনেতে দোলের দিনে দোল খেলিবে ভাছুর সনে
 মাখাব চন্দ্রবদনে, আবীর দিয়ে' লাল করিব।
 চৈত্রেতে চাতকী পাখী, দেখিলে জুড়ায় পাতকী,
 শুভনিয়া ধারা সিনাতে ভাছ ষাব বলেছিল।

—এ

এখানে শুভনিয়া পাহাড়ের ঝর্নায়া স্নান করিবার কথা উল্লেখ করা হইয়াছে।

সমসাময়িক

১

আপানে জার্মানে লড়াই লেগেছে,

কুন্টিতে বরাকরে পন্টন নেবেছে।

তোমরা বল আমরা শুনি, ফেরি দিব চার আনি,

পুলিশ দারোগাকে আমরা ডরাই না

পাকি সড়কে চল্যে যাব, কেউ ঘুরাস না।

-বাঁকুড়া

২

ওগো ভাদুরাণী, উপায় কি শুনি পণের দায়ে যে সব অধীন,

গরীব ও মধ্যবিত্ত মেয়ের পিতার চক্ষে বয় যে নীর।

পণপ্রথার হাঁক ডাক, মাগো, মেয়ের পিতার কাঁদিছে প্রাণ,

গেছে নিজাহার চিন্তাই সার পাইবে সে কিসে পরিজ্ঞান।

যতদিন যায় ভারতবাসী যে অভাবগ্রস্ত হয়েছে গো,

পণপ্রথার এই পরিণাম মানবতা সবে হারিয়েছে।

অর্থের মোহে দেশ ও জাতির কল্যাণ নাহি দেখিতেছে।

মেয়ের পিতার কাকুতি মিনতি শুনিবারে যেনো কেহরে নাই,

অর্থ নেশায় সকলে বিভোর মতামত গণ লওয়াতো চাই।

ভিটে মাটি থাক, অনাহারে থাক, দিতে হবে যে অবশ্য পণ,

মেয়ের বিয়েতে দিতেই হইলে প্রাণ রবে যে গো যতক্ষণ।

মেয়ের বিয়েতে মেয়ের পিতায়ে সর্বস্বান্ত হতেছে গো,

কোথাও বা শুনি মেয়ের কারণে পিতা নিজ প্রাণ ত্যজেছে গো।

পিতা ও মাতার দুঃখ ঘুচাইতে মেয়ে আত্মহত্যা করিয়াছে।

সমাজের মাঝে প্রাণ রাখিবারে পিতা বুদ্ধে কত্যা প্রদানিছে।

গ্রামে গ্রামে দেখ অরক্ষণীয়া কত্যাতে দেশ ছেয়েছে গো,

পণপ্রথার হাঁক ডাক তবু দ্বিগুণ ত্রিগুণ বাড়িছে গো,

পিতা ও মাতার দায়েতে গো বলে কাকুতি মিনতি প্রার্থনা,

কিন্তু কতাদায় মহাদায় আজ কেহ কোন কিন্তু সুধাবেন।

কতাদায়গ্রস্ত পিতাদের দশা দেখিয়া শশাক স্মিয়মাণ,

হে মাতঃ, করগো এই দুদিনে কতাদায়গ্রস্ত পরিজ্ঞান।

—ঐ

৩

পুলিশ দাৰোগাকে আমরা ডরাই না,
 পাকি সড়কে চলে' যাব কেউ ঘুরাইস না।
 গ্রামের কুলি কাদায় কত বৌ ঝি ডুবেছে,
 সরকারি বাকিতে ওগো সড়প দিতে লারেছে।
 বাড়ীর নামই নীল বুনেছি নীলের স্ৰুটি ধরে না,
 ঘরে আছে দেবর নীল পেড়ায় বই পরে না।
 দেয়ালে বাড়িতে ঝিক্কা, ঝিক্কা, তুই ধরিস্ না,
 আমার ভাৱ ছোট মেয়ে ঝিক্কা রাঁধিতে জানে না।
 হলুদ বনের, ভাৱ, তুমি হলুদ কেন মাথো না,
 শাশুড়ী ননদে বলে হলুদ মাথা সাজে না।
 রাম ছাড়ছেন যজ্ঞের ঘোড়া তপোবনের কাননে,
 লবকুশে ধরোছে ঘোড়া সীতা বলেন দাও ছেড়ে।
 ছাড়ব না ছাড়ব না ঘোড়া ছাড়ব না বিনা রণে।
 রাম কত যে যুদ্ধপতি যুদ্ধ দেক আমার সনে।

—ঐ

৪

যদি বাঁচবি, শ্রামা, সব ছেড়েছি খাদির পিরাণে পাজামা,
 পাবি কত ঠিকাদারি লো রিলিফেরি ছকুমনামা।
 না হয় পে মাষ্টার হবি শ্রাম থেকে শ্রামা।

—ঐ

৫

ভাৱ, বলি তোরে, এম্.বি. ডাক্তার এসেছে এবারে,
 ধূরে ধূরে রোগী আসে গো আসে গরুর গাড়ীতে।
 কামিখ্যা পরীক্ষা করে, বদরী ওয়ুধ দিছে,
 পেটে বাজা, মাথা ধরা গো, ট্যাবলেট দিলে হয় ভালো।
 টাইফার রুগী দেখলে পরে মেক্চারে করে ভালো,
 কাটা ছিটা ডেলিভারী কামিখ্যা নাম উঠেছে।
 যত রুগী আশ্তে পরে কামিখ্যাকে দেখাইছে।

(ভাৱ, বলি তোরে)

—ঐ

৬

আহা মরি মরি আমরা নূতন কুঞ্জেরি শোভা হেরি,
 দোলের দিনে কুঞ্জবনে এলেন সুহৃদ চৌধুরী ।
 রাধামাধবে দর্শন ক'রে আনন্দ কত তাঁহারি,
 কুঞ্জ তৈয়ারী ক'রে দিব ভাব জাগিল তাঁহারি,
 নিজেও যুগল হয়ে করবো ভজন এই মনে করি ।
 যত নারীর দল হয়ে গো নিল সভাপতিতে বরণ করি ।
 কুঞ্জ তৈয়ারী করে' দাও, বাছা, নাম হবে তোমারি ।
 টিমুবাৰু হলেন ঠিকাদার তার নাইগো রাতে ঘুম,
 কুঞ্জ তৈয়ারী ক'রে টিমু এবার গো নিশ্চিন্ত হলো ।
 চন্দ্র সূর্য রেখে পরে জোনাকি পোকা বাতি দিল ।
 সুহৃদবাবু কুশলে থাকুন তার ষ্টোপ গো সকলে,
 তিলুড়ীর মঙ্গল হলো আশে পাশের লোক বলে ।
 সুখে এবার কীর্তন করুক রাধামাধবের ভক্তদলে,
 পদঠাকুর সায় করেছেন রাধারাণীর চরণ তলে ।
 আসছে বছর লিখবো এবার যদি কিছু আছে বাকী,
 এসো, ভাঙ্ক, সবাই মিলে আমরা যুগলরূপ দেখি,
 মিস্ত্রী হুজন মনের মতন বেশ করেছে কারখানা,
 ফুলে ফুলে শোভা ঝরে রাধামাধবের আঙ্গিনা । —তিলুড়ী, বাঁকুড়া

৭

নববর্ষের উৎসব হ'ল কত কাঙ্ক্ষালী ভোজনে,
 সকলের মন তৃপ্ত হ'ল নিরঞ্জন গৌসাইর কীর্তনে ।
 বাহবা দিবার হয়না সময় সবাই শুনে একমনে,
 তার জন্ম গো, গৌসাই ঠাকুর, আপনার আক্ষেপ ক্যানো ।
 আপনার কীর্তন শুনে গৌসাই কিবা দিব পুরস্কার,
 কীর্তন শুনে কৃতার্থ হয়ে কেবল করি নমস্কার ।
 আর গৌসাই এসেছিলেন কাছারিতে হরিবোলে,
 মধুর কীর্তন গায়ন শোনা মেয়েছেলেদের গোলমালে ।

দেখলাম রাধামাধবের কুঞ্জ হচ্ছে তৈয়ারী,
 ইহাতে আনন্দ কেবল অষ্ট সখীদেরই ।
 ললিতা, বিশাখা, আদি চিত্র চম্পক লতা,
 সকল স্থলে স্তন্যে পাই রাধামাধবের কথা ।
 কুঞ্জ তৈয়ারী হচ্ছে ভাছ ইট পাথর সিমেন্টে,
 এই কুঞ্জ তৈয়ারীতে, কি গো, ভক্তগণের আশা মিটে ।
 যারা ভক্ত অমুরক্ত তারা রেখেছে হৃদয়-মন্দিরে,
 তারা যুগলরূপ আলিঙ্গনে পেয়ে বসে আছে ধ্যান করে ।
 শ্রাবণের ধারা বেশ পড়ে নাই এবৎসরে,
 তার বদলে সেনিটারী ইন্জেকশান দিয়ে করে ।
 বলিহারী সেনিটারী সত্য-সুশীল ছুজনা,
 তিলুড়ীর ভালর জুতা রোজ করে আনাগোনা ।
 ভাঙ্গ কেটে করাই জমি গো ফসল হবে অঙ্কে করে,
 বড়লোক হইব আশা বাঁধবো মরাই দুয়ারে ।
 প্রতি বৎসর অনাবৃষ্টি মাঠে শস্ত যায় মরে,
 এমন মতে বলগো, ভাছ, কেমনে চাষীরা বাস করে ।
 টাকাতে ছুসের ক'রে চাল সংসারে হে আঁটে না,
 বাবুয়া সব কাবু হলেন, টাকা আর কুলায় না ।

—ঐ

৮

ভাছ, বলি তোরে,
 কানাই গরাই প্রেসিডেন্ট এই বৎসরে,
 আই, এসি, বি-এসি, এম-এসি, গেল, ম্যাট্রিক কত ঘরে ঘরে,
 কানাই গরাই হলেন প্রেসিডেন্ট কেবল গো বুদ্ধির জোরে ।
 পুলিশ জোড়া, পাঙ্কি চড়া, সে সাধ তার গো মিটেছে,
 অগ্র সকল বোর্ডের মেম্বার, কানাই গরাই উচ্চপদ পেয়েছে ।
 রামেন্দুবাবু শক্তিপদ আরও কত লোক আছে,
 কত গরীব দুখী হয়গো সুখী তাদিকে অন্ন দিছে ।

৯

চল চল শ্রীহৰি—কোৱা না দেৱি,
তুষ্ট ভাবে ভুলবে না ৰাই, বৰং ৰুষ্ট হবেন কিশোৰী ।
এস, ভাৱ, শীঘ্ৰ কৰে, ইচ্ছুলে ভৰ্তি কৰি,
লেখাপড়া শিখতে হবে চলবে না বাচ্চাতুৰী ।
বালিকা যুবতী সবাই পড়ে, পড়তে কানো নেই মানা ।
চাকৰী কৰে খেতে হবে মেয়েৱা থাকবে না পৰাধীন ।
পৰেৰ ঘৰে গেলে পৰেও সহজে ভাত মিলে না,
বিয়েৰ আগে চুক্তি কৰে কত দিবে গহনা,
ভাৱ পুজুবাৰ আমৱা পেলায় কতই দেখ মিনাৰী,
আই এ-সি, বি-এসি, ম্যাট্ৰিক সবাই কৰে মাষ্টাৰী ।
মাষ্টাৰদেৱ সব নাম ধৰিয়ে আমৱা বৰ্ণনা কৰি,
এখন কালৈ হাওয়া যুবক বুদ্ধ কৰবে সবে চাকুৰী ।
সতীশবাৰু, ইন্দ্ৰনাৰায়ণ, ৰবীন্দ্ৰনাথ চৌধুৰী,
হৰিনাৰায়ণ, দ্বিজপদ আৰ উদয়পুৰেৰ কিশোৰী ।
চিত্তৱঞ্জন, সত্যৱঞ্জন, অমলেন্দু চৌধুৰী,
এৱা সবে চাষবাস ছেড়ে মাষ্টাৰীতে দিল মতি ।
মহাদেব আৰ ৰবি ৰায় কাশীহিড়ৈৰ পুলিন,
সবাই ঘৰে ভাত খেয়ে গো স্থখেতে কাটাবে দিন ॥

—এ

১০

পনেৱই আগষ্ট স্বাধীন ভাৰত জয় জয় বন্দেমাৰতম্ ।
জয় জয় সব নেতাজী তোমাদেৱ কাজে তাৰোত্তম ।
ভোৱ পাঁচটায় প্ৰভাতফেৰী আটটায় পতাকা উত্তোলন ।
আনন্দিত হয়ে যত নৱনাৰী বাৰ কৰেছিল প্ৰেশন ।
প্ৰথমে কাছাৰি বামাজোড়া সাৰি বাঁধা বোলতলায় শ্রীহৰি,
ময়ৱা পাড়ায় গণেশ জননী সকলে নমস্কাৰ কৰি ।
এতদূৰ কি আছেন ভগবান তিন ঘৰে তিন মূৰ্তি ধৰি,
বামভাগে রেখে এসো, প্ৰণাম কৰিয়ে চল গো যত নৱনাৰী ।

সামনে রয়েছেন গ্রামদেবতা আর বা কারে ভয় করি,
 যথার রাস্তায় শ্রীরঘুনাথ যাই গ্রামের বলিহারী ।
 মহেশ রায়ের শিবদুর্গা সকলেই নমস্কার করি,
 বোড়িংএতে লেকচার দিলেক শ্রীশ্রামাপদ চৌধুরী ।

—এ

১১

ভাট্‌, হলো। কি দেশে, সোলজাররা দেশ চাপোছে,
 ঘরের মানুষ উঠাই দিয়ে সোলজাররা ঘরে বসে ।
 একপালেন, বোমা কামান, ছাড়িয়ে ঘনে ঘনে,
 সাঁতারবাবু ভেয়েরা উঠে গো জনে জনে ।
 বাঁকুড়া কোলকাতা আবার গো আসানসোল বন্ধ হচ্ছে,
 বাঁকুড়ার খেতু গরাই গো, মটর বন্ধ করেছে ।
 ভুতগেড়ার জলের বারণ জলকে যায় না তাই লোকে,
 সভাপতি কাছে দাঁড়ায় সবকে বারণ করেছে,
 ভাট্‌, হলো। কি দেশে, সোলজারে দেশ চাপোছে ।

—এ

১২

১৩৪৭ সালে ধান না হওয়ায় আকাল দেখে এইবারে,
 আষাঢ় মাসে জল হইয়ে গো শাবণে ধরন ধরে ।
 ভাদ্র মাসের জল দেখে ধান হবার আশ করে (১৩৪৭ সালে) ।
 ষাদের ছিল জলের আশ্রয় গো সেনি ধর্যে জল তুলে ।
 ষার ছিল না জলের আশ্রয় ধান দেখে নয়ন ঝরে (১৩৪৭ সালে),
 কান্ধে হাতে ক্ষেতের আড়ে গো চাষারা ইনকাম করে,
 বার মাপ ধানের জায়গায় বার মণ হতো পারে ।
 ষাদের ধানে যায় না গাড়ী গো, ধান আনে মাথায় কর্যে,
 বাদের ধান হয় না মাড়তে গো আন্তে দেয় গরুর মুখে ।

(১৩৪৭ সালে)

মূলুক খেপে ধান হলো নাই গো সংসার চলে কী কর্যে,
 বার সের ধানের দর গো পাঁচ সের চাল বলে (১৩৪৭ সালে) ।
 বেপারীরা বেপার করে মাথার চুল যায় উড়ে,
 চরণ দুটি কলাগাছ হয়, হু'আনা পয়সার তরে ।

কোলের ছিল। ঘরে রাখে সঁতার হাটে দিন কাটে,
 সন্ধ্যা হলো ঘরকে আসে, মা বলে ছিলারা কঁাদে ।
 ১৩৪৭ সালে ধান না হওয়ায় আকাল হলো দেখে এইবারে ।
 ‘সি’ ফরম ও দিতে হবেক তার জন্ত সব বুঝেছি,
 বারে বারে ফরম কাগজ গো, চিঠি ডোম ঢোল দিছে ।
 যাদের বেশি জমি জায়গা ভাবে গো দিনে রাত্যে,
 পঁচিশ একর রাখে পরে গো কাড়ো লিবেক কংগ্রেসে ।
 রাইয়তরা সব ভাবছে বস্ত্র আইন কড়া হ্যোছে,
 আইন কড়া পড়েছি ধরা কি হবেক আবার শেষে ।
 আটাইষ্টিশান (attestation) খুলা খাতা তিনধারা যে হ্যোছে,
 সাতধারা যে হবেক বলে বাঁকুড়াকে সব যেছে ।
 বন জঙ্গল পোখর, গোড়্যা গো রইবে না বাজার খাসে ।
 দেবোস্তর আর ব্রহ্মোস্তর গো আইনে বিচার হচ্ছে ।
 ভাছ, হল্যা কি দেশে,
 ভাছ আমার যাছমণি গো সমবছর পর আসে,
 সমবছরের দুখের কথা, দেবু বলে, বলবো, ভাছ, তোর কাছে । —ঐ

১২

দেখনা চেয়ে যেছে বয়ে সোনার পৃথিবী,
 আড়াই পাই চাল কিনে খাওয়া বড় কারদানী ।
 সে বছরের বড় আকাল অজ্ঞান মাসে হ্যোছে,
 ভাদর মাসে ধান লাল হ্যে দেশময় আকাল বটে,
 আলস বালস শিশু ছিল। সকলে সব ভাবিছে,
 ধান হইলে সকল হোত ধানের সঙ্গে সব যেছে ।
 অজ্ঞান মাসে ধানের দর সাত সের ধান ৫ পাই, ওগো, কত চাল বলে,
 মাঘ ফাগুনে স্নেহের দিনে কত দুখে দিন কাটে ।
 চৈত বৈশাখে ডাগর বেলা টাকাতো দুসের চাল,
 জ্যৈষ্ঠ মাসে আবার জালা ‘ইনকুয়ারী’ আল্য গাঁয়ে ।
 গাঁয়ে আল্য ‘ইনকুয়ারী’ আগে চাষা পাড়াতে,

চাষা পাড়ায় 'ইনকুয়ারী' সব লোকে দাঁড়াই দেখে,
 জলের কলসী ভাতের হাঁড়ি চাষা পাড়ায় দেখেছে।
 আড়াচে পাড়ানে দেখে মাটির তল গোবর খুঁড়ে,
 চাষা পাড়ায় সিদ্ধ হল্য, 'আল্য বামুন পাড়াকে।
 বাঁউন বৈজ্ঞ ঘর সিমায় না, উঠানে দাঁড়াই থাকে,
 মালিকদিকে শুঁধাই দেখ, কার ক মণ ধান চাল আছে।
 ক'মণ বলিবে বল, লেখয়া দাঁড়াই আছে,
 'ইনকুয়ারী' সিদ্ধ হল্য, মাছুষ গুণে ঘরে ঘরে।
 বাগাল মাইদার, মুনিষ কামিন সকলের ল্যাখে খরচ—
 সকলে সব লিখে লিলোক গো দড় বাড়িল চমৎকার।
 আড়াই পাই চাল, সাত পাই ও ধান শুনে লো সব মাথায় হাত,
 আষাঢ় আঁবণ রুয়ে পুতে, ছোটো লোকরা খাটো খায়,
 ময়দা বেসন বুটের ছাতু, ইসব খেয়ে দিন কাটায়।
 আঁবণ গেল ভাদর হল্যো, হল্যো লোকের সর্বনাশ,
 সাঁও জনারের দিন লাগল আচম্বিতা রোগ এল্য।
 ভাদর যেয়ে আশ্বিন আল্য হবে গো উমার পূজা,
 আনন্দময়ীরও পূজা যা করবেন মা দুর্গা,
 আশ্বিন যেয়ে কার্তিক হল্য হবেক গো শ্রামার পূজা,
 দুখ যেয়ে সুখ হবেক বুঝি নতুন ধাত্ত হল্যো,
 সে বছরের বড় আকাল বাঁচি যদি জীবনে,
 সমবছরের গত হল্যো, দেবু বলে, বলবো, ভাড়া জাগরণে ॥ —ঐ

১৩

ভাড়া, হল্যো কি দেশে, একি আইন করোছে গো কংগ্রেসে,
 রাজাকে সব খাজনা দিত গো, দিত গো র'য়ে বসে,
 কংগ্রেস রাজার আইন কড়া এক সঙ্গে দিতে হচ্ছে।
 সকল প্রজা কেড়ে লিলেক গো লিলেক রাজা কংগ্রেসে,
 রাজাকে বলে টাকা দিব গো রাজা থাকে সেই আশে,
 তিন চার সনের টাকা দিবে গো আর দিব না কিছুতে। —ঐ

ভাদ্র বিজয়া

১

ভোরের তারকা উদিত দেখিয়া দূর দূর কাঁপে হিয়া যে লো,
ভাদ্রে বিদায় দিতে হবে ভাবি পরাণ কাঁদিয়া উঠে যে লো ।
সমবৎসর ধরে কত আশা নিয়ে পথ পানে চেয়ে বস্ত্রে ছিলাম,
নিত্য নতুন মনের মধ্যে কত শত মালা গোঁথেছিলাম । —ঐ

২

বল্, ভাদ্রধন, বল্ ভাদ্রধন, কোন্ দেশে যাবি ?
কোন দেশেতে গেলে তুমি প্রাণে শান্তি পাবি ?
—বাঁশপাহাড়ী (মেদিনীপুর)

৩

ভাদ্র মাসে ভাদ্রপূজা (আমরা) করি সকলে ।
এবার ভাদ্র চলে গেলে আমরা মরব গো প্রাণে ;
ভাদ্রধনকে নিতে এল মহল বনের চিনিবাস ;
ভাদ্রধনকে বিদায় দিয়ে আমরা নিব বনবাস ॥

৪

ওগো ভাদ্রমণি, চলে' যাবে প্রভাত হ'লে রজনী ।
জন্মদিনকে প্রণাম করে যাত্রা কর কো তুমি ।
নারায়ণের কাছে যাব বলিয়া দিচ্ছি আমি ।
সতীশ সেনেদের ভবনেতে আছেন দামুদর চাঁদ,
তিনি আশীর্বাদ করলে পরে পুরে যাবে মনস্কাম (ও ভাদ্রমণি) ।
পার হয়ে আসিবে, ভাদ্র, শশাঙ্কের বৈঠকখানা,
ডানহাতে জাগাতি বাবুর বাঁড়ী দেখেন গো দলিলখানা ।
রামপদ'র দোকানে, ভাদ্র, নিবেগো পান সুপারী,
সামনের দিকে চেয়ে দেখ ভাস্করের ডিম্পেনসারী ।
রাজার সায়েরের ছোট মাছ গো, কেমনে বিদায় দিব,
কল বসিয়ে জল মেরেছে বড় মাছ কোথায় পাব ।
দশের মেলা করে' আলো ছেলেরা বসে বেটজ ঘরে,
আর কত শোভা হ'ল বজ্র নিবাসের তরে ।
পূর্বদিকে উমাশঙ্কর পশ্চিমে আছে থালি,

ফুলের বাগান হতো ভালো থাকলেগে নূতন মালী,
 রামময় বাবু ম্যানেজার সে যদি করিত মন,
 ছোকরাদের সঙ্গে মিটিং করে' করিত কুসুম কানন।
 গ্রাম্য দেবী আছেন ভাঙ্গু মোড়ের মাঝেতে,
 প্রণাম ক'রে বোস ভাঙ্গু দ্বিজপদর ধারিতে।
 আলো জ্বালা ঘড়ি সারা স্তত বুদ্ধি শিখিবে,
 তোমার চুল পাকিয়ে গেলে তখন কলপ লাগাবে।
 ফটিক বন্ধীদের ঘর পেরিয়ে দেখবে গো সাইন বোর্ড টানা,
 সে বটে গো বন্ধিম ডাক্তার হাসপাতালে কারখানা।
 মিকচারে আর ইনজেকশানে রোগীরা সব যায় সেরে,
 সাইকেল নিয়ে বন্ধিম ডাক্তার ফিরেছেন গো গ্রাম ঘুরে।
 বুড়া রায়ের দোকানে ভাঙ্গু শাড়ী নাও ভাল পারা,
 হেমেন্দ্রের ঔষধালয়ে বসে রইলাম আমরা।
 সেখান হতে' যাব আমরা শক্তি পদ'র দোকানে,
 লোকে দোকান ভ'রে আছে দাঁড়াব কোন্‌খানে।
 দুর্গা, মাগো, বড় শাস্ত তাই নিলেগো খড়ের ঘর,
 তাই বলিগো তোমার স্বামী হয়ে থাকেন দিগম্বর।
 বাসিনীর ভাঙ্গুর সঙ্গে তোমার ফুল পাতিয়ে দিব,
 এখন যে জল হচ্ছে গো তার উপায় কি করিব।
 বড়িংএতে যেয়ে, ভাঙ্গু, দৈ কুসুম দেখিবে,
 সরস্বতী পূজার থিয়েটারের গান রাখালের কাছে শিখিবে।
 আগেতে প্রেসিডেন্ট ছিলেন আমাদের সেন মহাশয়,
 রাস্তাঘাট পরিষ্কার থাকতো এই কথাটি মনে হয়।
 চৌকিদার দিত পাহারা চোরেরা থাকত আধমরা,
 এখন সে চৌকিদার কোথায় গেল দেন না কেন পাহারা।
 ওহে প্রেসিডেন্ট মশায় আজ আমাদের ভাঙ্গু পূজা,
 রাস্তাঘাট নাই পরিষ্কার বুনুনীর খাড়ার বোঝা।
 এই বৎসরের মত, ভাঙ্গু, যাওগো তুমি এমনিতে,
 আমাদের গ্রাম ভাল থাকলে আনবো পাকা রাস্তাতে ॥

ভাছুই গান

ভাছুই গান নামে মেদিনীপুর জেলার ঘাটাল অঞ্চল হইতে এক শ্রেণীর গান সংগৃহীত হইয়াছে, ভাছু গানের সঙ্গে ইহার কোন সম্পর্ক আছে বলিয়া মনে হয় না। এখানে দেবতার নাম ভাছুই—রচনাটি ছড়াজাতীয়।

১

আয় আয়, গৌরী, চল ফুল বাড়ী,
ফুল বাড়ীতে আছে আমার খেলার যশোমতী।
ফুল তোল, ফুল তোল বেছে তোল কুঁড়ি।
আয় আয়, গৌরী, চল ফুল বাড়ী ॥
ফুল তুলতে জানি না যে মানা করে—
হাতের সঁজি কেড়ে নিল তিন ঠুকনা মেয়ে।
ঘর নিকাতে জানি না যে মানা করে—
হাতের ঝোঁটা কেড়ে নিল তিন ঠুকনা দিয়ে—
চাপড় তাই, ঠুনকা তাই, গালে মায়ে চড়—
ভাছুয়ের মায়ের নাম শতেশ্বর ॥

—ঐ

ভাছুরিয়া ঝুমুর

পশ্চিম সীমান্ত বঙ্গ অঞ্চলে ভাদ্রমাসে ভরা বর্ষার প্রকৃতিকে বন্দনা করিয়া যে নৃত্যগীতের অস্থান হইতে তাহাকে ভাছুরিয়া বলিত। এই উপলক্ষে নৃত্যের সঙ্গে যে সঙ্গীত ব্যবহৃত হইত, তাহাকে ভাছুরিয়া ঝুমুর বলে। বর্তমানে ভাদ্রমাসের প্রকৃতি বর্ণনা ব্যতিরেকেও ভাছুরিয়া ঝুমুর রচিত হয়; কিন্তু একদিন ইহাদের মধ্যে বর্ষাপ্রকৃতির রূপ বর্ণনা ব্যতীত আর কিছুই শুনিতে পাওয়া যাইত না। ইহারা এই অঞ্চলের ভাছু গান। ভাছুরিয়া ঝুমুরের কয়েকটি নিদর্শন এখানে উল্লেখ করা যায়।

১

ছা'টিও পড়ব তারটিও মারব
বাসাটি বানে ভাসাব, ভাইরে ধুতিয়া

—পুকলিয়া

২

খাওয়ালি দাওয়ালি পীরিতে মজালি

কিছুদিনে, বঁধু, আমারে কাঁদালি ।

—ঐ

৩

খালা গেল বাটি গেল, তাও আমরা পারি গো,

মাথা বাঁধা মোর ডুরি গেল সেই ভাবনায় মরি গো ।

—ঐ

নারী-প্রকৃতির চিরন্তন একটি পরিচয় ইহার মধ্য দিয়া প্রকাশ পাইয়াছে ।
 ঘরের খালা-বাসন হারাইয়া গেল ; সেইজন্ত নারীর মনে কোন ক্ষোভ নাই ; কিন্তু
 তাহার প্রসাধন করিবার ক্ষুদ্র একটি উপকরণ মাথা বাঁধিবার ডুরিটি যে হারাইল,
 তাহার বেদনা তাহার বুকে স্ফুট হইয়া ফুটিয়া রহিল ।

৪

ভাদর মাসে পিয়া পর দেশে

বলে দিও হে যেন নাগর আসে ।

না দেখি হাটে, না দেখি বাটে

গুণমগিরে মন ভাঙ্গিল কিসে ॥

—ঐ

৫

দে গো, মাতা, দে গো, পিতা, দে গো পদধূলি,

রাম যাবে বনবাস কাঁধে নিয়ে ঝুলি ।

মাতা, দে গো, দে গো, ভিখ্ যাব দূর দেশে,

কোন্ বনে কাঠ কাটি, কোন্ বনে জড় করি ।

কোন্ বনেরই দাদা জুড়ন পীরিতি ।

ফুটল গরয়া ফুল টুটল পীরিতি ॥

—বাঁকুড়া

ভাঙ্গুলী ব্রতের গান

ভাদ্র মাসে যখন নদনদী ছুইকুল ছাপাইয়া উঠে, তখন বাংলার কোন কোন পরিবারের কুমারী এবং সধবা নারীরা তাঁহাদের প্রবাসী আত্মীয়-স্বজনের কথা স্মরণ করিয়া নদী এবং সমুদ্রপথে তাহাদের নিরাপত্তা কামনায় এক ব্রত উদ্‌যাপন করে, তাহাকে ভাঙ্গুলী ব্রত বলে । সেই উপলক্ষে যে গান শুনিতে পাওয়া যায়, তাহাই ভাঙ্গুলী ব্রতের গীত । সাধারণত বাংলার সদাগরেরা যখন

অনিদিষ্ট কালের জ্ঞান সমুদ্র বাণিজ্যে বাহির হইয়া যাইত, তখনই তাহাদের নিরাপত্তা কামনায় এই ব্রত ও ইহার গীতির উদ্ভব হইয়াছিল। তাহারই ধারা আজ পর্যন্ত কোন কোন অঞ্চলে চলিয়া আসিতেছে। কোন কোন গীতে বাপ-ভাইয়ের বাণিজ্য করিতে যাইবার কথা আছে—

১

এ-নদী সে-নদী একখানে মুখ,
ভাঙলি ঠাকুরাণী ঘুচাবেন দুখ।
এ' নদী সে' নদী একখানে মুখ,
দিবেন ভাঙলী তিন কুলে স্থখ।

—২৪ পরগণা

২

নদী নদী কোথায় যাও,
বাপ-ভায়ের বার্তা দাও।
নদী নদী কোথায় যায়,
আমার সোয়ামী শ্বশুরের বার্তা দাও।

—ঐ

৩

কাগারে বগারে কার কপালে খাও ?
আমার, বাপ ভাই গেছেন বাণিজ্যে, কোথায় দেখলে নাও ! —ঐ

ভাসান গান

মনসা-মঙ্গল বর্ণিত বেহলাকে লখন্দয়ের মৃতদেহের সঙ্গে নদীর জলে ভাসাইয়া দিবার অহুষ্ঠানের নাম ভাসান। প্রতিমা নিরঞ্জনকেও ভাসান বলে, কিন্তু ভাসান গান বলিতে যে গানে বেহলাকে মৃত পতি সহ নদীর জলে ভাসাইয়া দিবার বিষয় শুনিতে পাওয়া যায়, তাহাই বুঝায়। ব্যাপক অর্থে মনসা-মঙ্গল গানও ভাসান গান বলিয়া পূর্ববঙ্গে প্রচলিত। ইহার নানা বিচ্ছিন্ন অংশ লোকমুখে ব্যাপক প্রচার লাভ করিয়াছে। তাহা সঙ্গীর্ণ অর্থে ভাসান গান। বেদে বেদেনীরা সাপ খেলাইবার সময় এই শ্রেণীর গান গাহিয়া থাকে।

১

বেহলা, কাঁদিসনা কাঁদিসনা মরা পতি লইয়া।
মরা পতি বাঁচে যদি সতী বলবে তোরে।

আমি কাঁদবো গো জোড়ের ভাই ভাই বলে,
আমার নাইকো মাতা নাই কো পিতা,
হা রে নাইকো জোড়ের ভাই ভাই,
ও গুণাই, কাঁদিসনে কাঁদিসনে, গুণাই, আর কাঁদিস না,
তোর ঐ কান্না শুনেলে পরে আমার প্রাণতো বাঁচে না ।

মনসা-মঙ্গলের গান অনেক সময় বিচ্ছিন্ন ভাবে লোক-মুখে প্রচারিত হইয়া থাকে, তাহাকে ভাসান গান বলে । মনসা-মঙ্গল গান কাহিনীমূলক, কিন্তু ভাসান গান গীতিমূলক (Lyrical) ।

২

ওঠো, বালি, জালো আলো বিষে হলো শরীরও কালো রে,
বন্ধস্থলে ঢালো গঙ্গার জল হে ॥
তোমরা বাবা দিয়েছিলে মাণিক আঙ্গুরী প্রিয় হে,
তাহার মধ্যে মনসার নাগও হে ॥
তোমার বাবার নীল ঘোড়া ওমা দান করেছেন বসবার ঘোড়া হে,
তাহার মধ্যে ছিল মনসার নাগও হে ॥

—বালিয়াডাঙ্গা, নদীয়া

৩

মলাম, মলাম প্রাণে জলে মলাম, কাল নাগিনী করিল দংশন,
প্রাণেশ্বরী, শীঘ্র করি করহে উপায় অশেষণ ।
কালনাগিনী করিল দংশন ॥

—ঐ

৪

হায়, আমার একি হলো শেষে ॥
ও বাসর ঘরে ও প্রাণেশ্বরে দংশিয়েছে কিসে ॥
বড় সাধ ছিল মনে হব রাজরাণী—
ও তাহাতে আমার হতে হল চির জনমদুঃখিনী ॥
কাজ কি বল ই ছার প্রাণে আমি ত্যজিব প্রাণ বিষ পানে,
আমি কি করিতে কি করিলাম, বাসর ঘরে কেন পতি খেলায়,
আমি কাঁচা চূলে কেন রাড়ী হল্যাম
মলাম, মলাম, জলে মলাম, ও পতির শোকে ও বিষেগো । —ঐ

৫

আমি ওবা বিনোদ খোঁড়া আসছি তোদের বাড়ী ॥

হা রে, আসছি তোদের বাড়ী ॥

আর কেঁদো না, আর কেঁদো, না বেহুলা সুন্দরী,

যে খাবে আমার বড়ি সে যাবে যমের বাড়ী ।

রাত পোহালে নিয়ে যাব গঙ্গাসাগরে ॥

—ঐ

৬

ধূয়া— ওটা করে সুন্দরী রমা জলে ভেসে যায় ।

যেন কাল মেঘের কোলে সৌদামিনী বিজলী খেলায় ।

পয়ার— জলে ভেসে যায় সতী করি দরশন ।

রমা ভাসে গোদা কহিছে তখন ॥

কে তুমি কাহার রাণী কহ সত্য বাণী

মান্দাসে ভাসিছ কেন, কহ ও গো ধনি ॥

এ নব যৌবনে তব নাহি যোগ্য জন

জলেতে ভাসিয়া যাও কিসের কারণ ॥

সতী কহে, নিশা রাত্রি ভূজঙ্গ দংশনে,

মরেছেন পতি মম সেই পতি সনে ॥

বাঁচাব বলিয়া জলে চলিছে ভাসিয়া

হবে তাহা বিধি যাহা লিখেছে কপালে ॥

শুনি গোদা কহে শুন আ মরি আ মরি

জলেতে ভাসিছ কেন এমন সুন্দরী ॥

মরিলে বাঁচিবে পুনঃ শুনেছ কোথাও ।

জলেতে ফেলিয়া মরা আইস তুরায় ॥

সুন্দরী রমণীমম রহে চারি ঘরে,

একজন দুই বেলা রন্ধনাদি করে ॥

গৃহের মার্জন করে আর একজন

অন্ন তুলি দেই মুখে অগ্র একজন ॥

একজন রাত্রিকালে গোদ সেবা করে

সবার প্রধান হয়ে রবে তুমি ঘরে ॥

খাবে শোবে নিজা যাবে মনের ইচ্ছায়
 তোমারে রাখিব সতী করিয়া মাথায় ।
 ধরিয়া মৎসের কাঁটা বানাইয়াছি চৌকি
 কণ্ঠা পুত্র স্থখে নিজা যায় দিবা রাত্রি ॥
 হেন কটু কথা শুনি বেহুলা সুন্দরী
 দূর দূর করি যান মান্দাসেতে চড়ি ॥
 বেহুলারে ধরিবারে সে গোদা তখন
 কাঁপ দিয়া জলমধ্যে হয় নিমগন ॥
 ভীষণ গোদেব ভার সীতারিতে নারে
 জলে পড়ে হাবু ডুবু খেয়ে গোদা মরে ॥
 মুখ তুলি বেহুলাকে কহিছে তখন
 ডুবে মরি এ দাসের করহ রক্ষণ ॥
 আর নাহি ধরিবারে যাইব তোমারে
 এতশুনি বর দিলা বেহুলা তাহারে ॥
 বর পাইয়া গোদা তখন তীরেতে উঠিল
 বেহুলা মান্দাসে চড়ি পুনশ্চ চলিল ॥

—বীরভূম

ভাসান যাত্রা

বেহুলা লখীন্দর এবং মনসা দেবীকে কেন্দ্র করিয়া যে এক জ্যেগীর লোক-নাট্য রচিত হয়, তাহাই ভাসান যাত্রা । ইহার সমস্ত বিষয় এখানে আলোচনা না করিয়া বেহুলা-লখীন্দরের এক এক সময়ের দুই একটা গান এখানে উদ্ধৃত করিলাম । সমগ্র অংশটি মুর্শিদাবাদ-জিলা হইতে সংগৃহীত ।

চাঁদ সদাগর যখন কোন মতেই মা মনসার পূজা দিলেন না, তখন মনসা দেবী চাঁদকে বিপদে ফেলিবার জন্ত চাঁদের পুত্র অর্থাৎ বেহুবার স্বামী লখীন্দরকে তাহার অশুচর কাল নাগিনীকে দংশন করিবার আদেশ করিলেন ।

যদিও চাঁদ সওদাগর লোহার বাসর তৈরী করিলেন, যাহাতে কোন প্রকারেই তাহার পুত্রকে সর্পাঘাত করিতে না পারে, তবুও কিছুই হইল না । কালনাগিনী প্রথমে লখীন্দরকে বিনা দোষে বা তার রূপ দেখিয়া দংশন করিতে অনিচ্ছা প্রকাশ করিল, এব সময়ে সে দুঃখের সঙ্গে মা মনসাকে বলিল,—

গান

আমার নয়ন জলে বুক ভেসে যায়,
কোন খানে দংশাব রে, বাছা, এ সুন্দর গাখানি, নয়ন জলে—
আমি নাকে যদি দংশন করি, বাছার ওষে কৃষ্ণের হাতের বাঁশি,
কোনখানে দংশাব রে, বাছা, এ সুন্দর গাখানি, নয়ন জলে।
আমি মস্তকে যদি দংশন করি বাছার ওষে বিধির হাতের লিখা,
কোন খানে দংশাব রে, বাছা, এ সুন্দর গাখানি, নয়ন জলে।

এ গানটির আরও অংশ আছে, অর্থাৎ লখায়ের প্রত্যেক অঙ্গের বিবরণ এই গানের মাধ্যমে দেওয়া আছে। মা মনসা কিছুতেই শুনিলেন না, কালনাগিনীকে পুনরায় আদেশ দিলেন। তখন কালনাগিনী বাসরে প্রবেশ করিয়া লখায়ের পায়ে দংশন করিল। সে সময় বেহলা পাশেই ঘুমাইতেছিল। লখাই বিষের যন্ত্রণায় ছটফট করিতে করিতে কাদিতে কাদিতে বেহলাকে বলিল,

গান— ওঠরে, বালি, জালোরে আলো বিধে হল শরীর কালো,
বন্ধস্থলে ঢালো গঙ্গা জল হে।

তার পরে বেহলা তার স্বামীর প্রাণ ফিরিয়া আনিবার জন্ত মৃত দেহের পার্শ্বে বসিয়া কলার মান্দাসে চড়িয়া নদীতে ভাসিতে ভাসিতে চলিয়া যাইতে লাগিল। ঐ সময় অনেকে বেহলার রূপ দেখিয়া ভুলিয়া গিয়া অপমান জনিত ভাষা প্রয়োগ করিয়া বলিতে লাগিল—

গান— কে যায় কে যায় কত্না বাহির গঙ্গা দিয়ে।
বেনে ভাই ডাক ছাড়িছে সিঁহঁর লও আসিয়ে।
জলে ভেসে যায় রে সোনার কমলা।

বেহলা উত্তর দিতেছে :—

সিঁহঁর নিব কি ভাই বেনে হাতে নাই মোর কড়ি,
কত শত সোনার কোটা রেখে এলাম বাড়ি।

এবারে তাঁতী বলিতেছে,

কে যায় কে যায় কত্না বাহির গঙ্গা দিয়ে
ওষে তাঁতি ভাই ডাক ছাড়িছে কাপড় লও আসিয়ে।
জলে ভেসে যায়রে সোনার কমলা।

বেহুলার উত্তর :—

কাপড় নিব কি, ভাই, তাঁতি হাতে নাই মোর কড়ি ।

কত শত চেলির শাড়ি রেখে এলাম বাড়ী ॥

এবারে স্বর্ণকার একজন বলিতেছে—

কে যায় কে যায় কত বাহির গঙ্গা দিয়ে ।

স্বর্ণকার ভাই ডাক ছাড়িছে হার লও আসিয়ে ॥

বেহুলার উত্তর :—

হার নিব কি, ভাই, স্বর্ণকার, হাতে নাই মোর কড়ি,

কত শত হীরের হার রেখে এলাম বাড়ি !

লোক যতই তাকে বিরক্ত করুক তার একমাত্র চিন্তা কি করে তার স্বামীকে যমের কাছ থেকে ফিরে আনবে । ঐ ভাবে যেতে যেতে পথের মধ্যে এক বীর তার পায়ে ছিল গোদা সেইজন্ত তাকে বীর গোদা বলত । ঐ বীর গোদা ছিপ দিয়ে মাছ ধরছিল, সে বেহুলার মাড় আটকাবার জন্ত দুই পা ফাঁক করে দাঁড়াল আর বেহুলাকে অপিষ্ট ভাষায় বলতে লাগলো :—গান ।

আমার বাড়ী যাবি সুন্দরী ঘরের নাইরে দুখ,

শুয়ে থেকে দেখতে পাবি চাঁদ সূর্যের মুখ ।

সুন্দরী লো কেন ভাস যমুনার জলে ।

আমার বাড়ী যাবি সুন্দরী কাপড়ের নাইরে দুখ,

নেংটা ছিঁড়ে আংটি দিব পরে পাবি স্বখ ।

সুন্দরী লো কেন ভাস যমুনার জলে ।

যতই যে চেষ্টা করুক সতী বেহুলার মান্দাস আটকতে পারলনা । এই ভাবে যেতে যেতে এক জায়গায় দেখছে একটি ধোপার মেয়ে (নেতা মাসী) তার মেয়েকে মেয়ে রেখে কাপড় কাচ্ছে । বেহুলা যখন কাছে গেল, তখন বলল—

গান

ওগো মাসী, তুমি বস আমি কাপড় কাচি,

নেতা-ধুপানি কাপড় কাচে স্নারে আর জলে

আর বেহুলা সতী কাপড় কাচে শুধুই গঙ্গার জলে ।

ওগো, মাসি, তুমি বস আমি কাপড় কাচি ।

কাপড় কাচা হয়ে গেলে দেখছে সে ঐ ধোপানী এক আজল জল মরা

মেয়ের গায়ে ছিটিয়ে দিয়ে তাকে তাজা করে বাড়ি যাচ্ছে, এমন সময় বেহলা বুঝতে পারল যদি একে ধরা যায়, তার স্বামীকে বাঁচাতে পারবে। তখন সে নেতাকে খুব করে অহুন্নয় করার পর, নেতা সন্ধান দিল যদি তুমি নাচে গানে মহাদেবকে সন্তুষ্ট করতে পার, তবে তোমার স্বামীর প্রাণ ফিরে পাবার সন্ধান তিনিই দেবেন। তাই মহাদেবের কাছে গিয়ে তাঁকে নাচে গানে সন্তুষ্ট করে তার স্বামীর প্রাণতো ফিরে পেলই, উপরন্তু আরও ছয় ভাস্করের প্রাণ ফিরে পেল। ঐ ছয় ভাস্করও মা মনসার কোপানলে পড়েছিল বলে ঐ দশা। একমাত্র মা মনসার পূজা চাঁদ সওদাগর না দিবার দরুণ এই সমস্ত দুর্ঘটনা ঘটেছিল চাঁদ সওদাগরের, বেহলার স্বামী লখিম্দের প্রাণ ফিরে পাবার পর চাঁদ সওদাগর বাম হাত দিয়ে মনসার চরণে ফুল দিয়েছিল। এই সময় থেকে পৃথিবীতে মনসার পূজা ঘরে ঘরে হতে লাগলো। তারপর বেহলা স্বামীকে নিয়ে স্বখে ঘর করতে লাগিল।

ভূতের গান

ভূতের গান নামে একশ্রেণীর গান সংগৃহীত হইয়াছে। সম্ভবত লোক-নাট্যে কোন কোন সময় যে ভূতের চরিত্র থাকে, তাহাদের মুখে একশ্রেণীর গান শুনিতে পাওয়া যায়, সেই গানকেই ভূতের গান বলা হইয়াছে।

চিংপট্টাং দিয়ে আছে দাঁত গিজুরে

মরেছে না বেঁচে আছে দেখরে শালা চোখ তেড়ে।

মার শালাকে ধর শালাকে ফেল শালাকে কুল ঝোরে।

চিংপট্টাং দিয়ে আছে দাঁত গিজুরে ॥

— বাঁশপাহাড়ী

মকর কীর্তন

সই পাতানোর গান কোন কোন অঞ্চলে মকর কীর্তন বলিয়া পরিচিত । কারণ, সই পাতানোকে মকর পাতানো বলে । নিম্নোক্ত গানটি ঝাড়গ্রাম মহকুমার এক গ্রাম হইতে সংগৃহীত ।

ওহে, মকর বলে ডাকব হে,
 আজরে বড় আজরে বড় সাধ হয়েছে মনে ।
 মকর পাতাব আজ গ্রাম বন্ধুর সনে ॥
 সাধা কাম্বু একই তম্বু একই করে বর ।
 সাধ করেছে গ্রামের সনে পাতাব মকর ॥
 ওহে, মকর বলে ডাকব হে.....
 ইন্দুরেখা বলে, আমার যাক জাতির কুল ।
 সাধ করেছে গ্রামের সনে পাতাব বকুল ফুল ॥
 ওহে, মকর বলে ডাকব হে.....
 সত্যভামা বলে আমরা পিরিতের মোরা ।
 সাধ করেছে গ্রামের সনে পাতাব নয়ন-তারা ॥
 যখন বাঁশি মুরলীতে পূরবে বদনে,
 তখনই জানিবে আমার সফল হইল বিধি ।
 ওহে, মকর বলে ডাকব হে.....
 গিরিবর দাস বলে চরণতলে পড়িয়া ।
 ফুল পরাণ পাতাতে গেলে লাগে লাড়ু গুড় চিড়া ॥
 বলি, ওহে মকর বলে ডাকব হে ! —বেলপাহাড়ী (ঝাড়গ্রাম)

মঙ্গল গান

মধ্যযুগের দেবমহাত্ম্যসূচক যে এক শ্রেণীর আখ্যায়িকা-গীতি রচিত হইয়াছিল, তাহাকে মঙ্গল গান বলিত । বিভিন্ন দেবদেবীরই তাহাতে মাহাত্ম্য কীৰ্তিত হইত । যেমন বৈষ্ণব বিষয়ক—জগৎ-মঙ্গল, কিশোরী-মঙ্গল, স্মরণ-মঙ্গল,

গোকুল-মঙ্গল, রসিক মঙ্গল জগন্নাথ-মঙ্গল ইত্যাদি ; পৌরাণিক বিষয়ক—গৌরী-মঙ্গল, ভবানী-মঙ্গল, দুর্গা-মঙ্গল, অন্নদা-মঙ্গল, কমলা-মঙ্গল, গঙ্গা-মঙ্গল, চণ্ডিকা-মঙ্গল ; লৌকিক বিষয়ক—শিবায়ন বা শিব-মঙ্গল, মনসা-মঙ্গল, চণ্ডী-মঙ্গল, ধর্ম-মঙ্গল, কালিকা-মঙ্গল (বা বিত্তাসুন্দর) শীতলা-মঙ্গল, রায়-মঙ্গল, যষ্টী-মঙ্গল, সারদা-মঙ্গল, সূর্য-মঙ্গল ।

প্রাচীন ভারতীয় রাগ-রাগিণীর মধ্যে মঙ্গল রাগ অগ্ৰতম । বাংলা বৈষ্ণব পদাবলীও মঙ্গল রাগে গীত হইত বলিয়া জানিতে পারা যায় । প্রাচীন ভারতীয় সঙ্গীত-শাস্ত্র বিষয়ক পুস্তকাদিতে অবশ্য মঙ্গল রাগের খুব ব্যাপক উল্লেখ দেখিতে পাওয়া যায় না ; তাহাতেই মনে হয়, ইহা স্থানীয় একটি রাগ মাত্র ছিল । বলা বাহুল্য, কোন সঙ্গীত-শাস্ত্রকারই মঙ্গল রাগকে ষড়্‌রাগ বা জনক-রাগের অন্তর্গত বলিয়া গ্রহণ করেন নাই, ইহা রাগিণী বা উপরাগের পর্যায়ভুক্ত । ক্ষেমকর্ণ পাঠক রচিত ‘রাগমালা’ গ্রন্থে মঙ্গল রাগকে হিন্দোল রাগের অন্তর্গত একটি উপরাগ (পুত্র) বলিয়া উল্লেখ করা হইয়াছে । নারদ রচিত ‘চত্বারিংশচ্ছত-রাগ-নিরূপণম্’ নামক গ্রন্থে ভৈরব রাগের পুত্রবধূরূপে মঙ্গল-কৌশিকী নামক একটি রাগিণীর উল্লেখ করা হইয়াছে । মনে হয়, ইহা উক্ত মঙ্গল রাগ ও কৌশিকী রাগিণীর একটি মিশ্র রূপ । উক্ত পুঁথি দুইখানির একখানিও খ্রীষ্টীয় ষোড়শ-সপ্তদশ শতাব্দীর পূর্ববর্তী নহে এবং ইহাদের প্রচারও খুব ব্যাপক ছিল না । পূর্বেই বলিয়াছি, প্রাচীন ও মধ্যযুগের পণ্ড-সাহিত্য মাত্রই গানের উদ্দেশ্যেই রচিত হইয়াছিল, মঙ্গল গানেও ইহার ব্যতিক্রম ছিল না । সেইজন্যই মনে হইতে পারে, অত্যাশ্রিত মঙ্গল রাগে কিংবা প্রধানত মঙ্গল রাগে যাহা গীত হইত, তাহাই সাধারণ ভাবে মঙ্গল গান বলিয়া অভিহিত হইত । কিন্তু মঙ্গল গানের যে সকল প্রাচীন পুঁথির মধ্যে রাগ-রাগিণীর নির্দেশ দেওয়া আছে, তাহাদের মধ্যে দেখিতে পাওয়া যায়, মঙ্গল গান আত্যাশ্রিত যে মঙ্গল রাগেই গীত হইত, তাহা নহে—তাহাতে অত্যাশ্রিত রাগ-রাগিণীও ব্যবহৃত হইত । তবে ইহাতে মনে হইতে পারে যে, হয়ত তাহা প্রধানত মঙ্গল রাগেই গীত হইত বলিয়া এই শ্রেণীর গানের নামও মঙ্গল গান হইয়াছে । প্রাচীন বাংলায় পাঁচালীর স্থলে যে গান গাওয়া হইত, তাহাও সাধারণ ভাবে পাঁচালী নামেই অভিহিত হইত । যদিও প্রাচীনকাল হইতে উত্তর ভারতীয় রাগসঙ্গীত নানা রূপান্তরের ভিতর দিয়াই অগ্রসর হইয়া আসিতেছে সত্য, তথাপি বর্তমানে মঙ্গল রাগের যে পরিচয়

পাওয়া যায়, তাহা উক্ত ধারণার পোষকতার অহুকুল নহে ; কারণ, বর্তমানে মঙ্গল রাগ ভৈরব রাগের অন্তর্গত বলিয়া ধরা হয় ; সেইজন্য তাহা একমাত্র প্রভাত কালেই গেয় । কিন্তু মঙ্গল গান প্রভাতে আদৌ গীত হইত না । অতএব এই বিষয়ে নিশ্চিত করিয়া কিছু বলিবার উপায় নাই । মঙ্গল গানের মধ্যে পাঁচালীর স্বরও ব্যাপকভাবে ব্যবহৃত হইত বলিয়া একমাত্র পাঁচালী বলিয়াও প্রাচীনতম মঙ্গলগানগুলিকে উল্লেখ করা হইয়াছে । ক্রমে পাঁচালীর উপর মঙ্গল রাগের ক্রমবর্ধমান প্রভাব বশতই সম্ভবত ইহা মঙ্গল নামে পরিচিত হইতে থাকে । পদ্মা বা মনসার গীতের উপর সংস্কৃত পুরাণের প্রভাব বশত ইহার নাম হয় পদ্মাপুরাণ । অবশ্য সাধারণ ভাবে ইহা মনসা-মঙ্গল নামেও পরিচিত ।

কিন্তু কোন্ বিষয়ক গান প্রধানত এই মঙ্গল রাগে গাওয়া হইত, এখন তাহাই বিবেচ্য । ব্যাপক অর্থে দেব-মহিমা প্রচারক গীত মাত্রই মধ্যযুগের বাংলায় মঙ্গল গীত নামে অভিহিত হইত । এই অর্থেই জয়দেব গোস্বামী রচিত ‘গীত-গোবিন্দ’ কাব্যে মঙ্গল শব্দটি এদেশে সর্বপ্রথম ব্যবহৃত হইয়াছে ; যেমন, ‘শ্রীজয়দেবকবিরিদ্ কুরুতে মৃদং মঙ্গলমুজ্জলগীতি’ (১।২৫) । এতদ্ব্যতীত অন্যান্য কবি-রচিত ইহার পরবর্তী আরও বহু পদ ইহার সঙ্গে তুলনা করা যাইতে পারে ; যেমন, ‘প্রভু কন গাও কিছু কৃষ্ণের মঙ্গল ।

মুকুন্দ গায়েন প্রভু শুনিয়া বিহ্বল ॥’ —চৈতন্য-ভাগবত, ২।২৫

বিবাহাদি অমুষ্ঠানে যে সকল গীত গাওয়া হইত, সাধারণ ভাবে তাহাদিগকেও মঙ্গল বলিয়া অভিহিত করা হইত বলিয়া মনে হয় । কৃত্তিবাসী রামায়ণের উত্তরা কাণ্ডে শিবদুর্গার বিবাহোপলক্ষে বর্ণিত হইয়াছে—

‘নানা মঙ্গল নাট গীত হিমালয়ের ঘরে ।

পরম আনন্দে লোক আপনা পাসরে ॥’ (সা. প. সংস্করণ, পৃ—৬)

হিন্দীভাষায় বিবাহ অর্থে কোন কোন সময় মঙ্গল কথাটি ব্যবহৃত হয় । কাশীতে কিছুদিন পূর্বেও ‘বুঢ়ুয়া মঙ্গল’ নামক যে অমুষ্ঠান হইত, তাহা বুঢ়ুয়া বা শিবের সহিত পার্বতীর বিবাহামুষ্ঠান ব্যতীত আর কিছুই নহে । ‘মঙ্গল’ শব্দটি সম্ভবত ‘আঙ্গুল’, ‘লাঙ্গুল’, ‘গঙ্গা’, ইত্যাদির গ্রায় ভারতীয় কোন অনার্য ভাষা হইতে আগত । মূলত মিলন অথবা বিবাহ অর্থে শব্দটি দ্রাবিড় ভাষায় আজ পর্যন্তও ব্যবহৃত হইয়া থাকে ।

মালয়ালাম্ ভাষায় বিবাহ অর্থে ‘মঙ্গল্যাম্’ শব্দ অত্যাধিক ব্যবহৃত হয় ।

কুর্গদেশে ব্যাভ্রের বিবাহ নামক একটি লৌকিক উৎসব আছে। সাধারণ লোক ইহাকে ‘নরী-মঙ্গল’ বলিয়া জানে। নরী শব্দের অর্থ জ্রাবিড় ভাষায় শৃগাল, কুর্গদেশের শিকারিগণ ব্যাভ্রকে শৃগাল বলিয়া উল্লেখ করিয়া থাকে। মালয়ালাম দেশের স্থানের নাম ম্যাঙ্গালোর, তীক্ষ্ণমঙ্গল প্রভৃতি শব্দের মধ্যে মঙ্গল শব্দের অস্তিত্ব আছে। একথা অবশ্য সত্য যে, আধুনিক জ্রাবিড় ভাষায় বহু সংস্কৃত শব্দ ব্যবহৃত হয়। কিন্তু কে বলিবে এই মঙ্গল শব্দটি সংস্কৃত হইতে গৃহীত, না কোন প্রাচীন জ্রাবিড় শব্দেরই কোন সংস্কৃত রূপ? যদিও বিবাহ একটি মাদ্রলিক ব্যাপার সন্দেহ নাই, তথাপি সোজাসৃজি বিবাহ অর্থে মঙ্গল শব্দের ব্যবহার ত সংস্কৃত অভিধানেও দেখিতে পাওয়া যায় না। অথচ তামিল ভাষায় মঙ্গল শব্দের অর্থ বিবাহাদি শুভ অমুষ্ঠানে ক্ষৌরকর্মের জগ্ৰ ব্যবহৃত ক্ষুর। তামিল ভাষায় নাপিতানীকেও ‘মঙ্গলৈ’ বলা হয়। তেলেগু ভাষায় মঙ্গল শব্দের অর্থ ক্ষৌরকার। বিবাহাচারে ক্ষৌরকারের বিশিষ্ট স্থান আছে। অতএব দেখা যাইতেছে, বিভিন্ন অর্থে ব্যবহৃত হইলেও শব্দটি দক্ষিণাত্যের বিভিন্ন অঞ্চলে জ্রাবিড় ভাষার বিভিন্ন আধুনিক শাখায় বিবাহ-সম্পর্কিত কোনও শব্দের অর্থে অত্মাপি রক্ষিত হইয়াছে। স্মরণ্য মনে হইতে পারে যে, জ্রাবিড় ভাষায় মঙ্গল শব্দের অর্থ ই বিবাহ।

কেহ কেহ অনুমান করেন, ‘there were several kinds of mangala and the narrowing down of mangala to marriage exclusively is a fairly recent phenomenon’. কারণ, কিছুকাল পূর্বেও জ্রাবিড় ভাষাভাষীর দেশে, বিশেষত কুর্গ অঞ্চলে, প্রায় প্রত্যেক জাতকর্মকেই মঙ্গল নামে অভিহিত করা হইত; যেমন বয়ঃপ্রাপ্ত বালকের কর্ণভেদ অমুষ্ঠানকে বলিত ‘হেম্বিকুট্টী-মঙ্গল’, বয়ঃপ্রাপ্ত বালিকার কর্ণভেদ অমুষ্ঠানকে বলিত ‘পোলেকু মঙ্গল’, নারীর প্রথম গর্ভধারণ উপলক্ষে যে পারিবারিক অমুষ্ঠান পালন করা হইত, তাহাকে বলিত ‘কুলিয়ম্মে মঙ্গল’, দশটি জীবিত সন্তানের জন্মদাত্রী জননীর সম্মানার্থে একটি সামাজিক অমুষ্ঠান হইত, তাহাকেও ‘মঙ্গল’ বলিত। গৃহারম্ভকালে যে পূজামুষ্ঠান হইত, তাহাকে বলিত, ‘মনে মঙ্গল’ ইত্যাদি। কিন্তু মনে হয়, বিবাহ অর্থ হইতেই মঙ্গল শব্দটি অগ্রত প্রসারিত হইয়াছে। অথবা অগ্রত অর্থ হইতে কালক্রমে কেবল মাত্র বিবাহ বুঝাইতেই জ্রাবিড় ভাষায় ইহার অর্থ সংকুচিত (contracted) হইয়াছে।

অতএব জাবিড় ভাষায় মঙ্গল শব্দের অর্থ ই বিবাহ এবং ইহা হইতেই বিবাহ উপলক্ষে প্রচলিত লোক-সঙ্গীতের রাগকেই প্রাচীন বাংলায় মঙ্গলরাগ বলা হইত,—পরে ইহার অর্থ সঙ্কুচিত হইয়া দেব-দেবীর বিবাহ অর্থে শব্দটি ব্যবহৃত হয়। এই অর্থেই শব্দটি হিন্দীভাষায়ও প্রচলিত আছে। অতঃপর বাংলায় দেব-দেবীর মাহাত্ম্য-সূচক রচনা মাত্রই মঙ্গল নামে পরিচিত হইয়াছে।

এখানে আরও একটি কথা মনে হইতে পারে। কোনও অপ্রিয় বিষয় বা নামকে অনেক সময় সম্পূর্ণ বিপরীতার্থক শব্দ দ্বারা প্রকাশ করা হয়। এই প্রবৃত্তিকে ইংরেজিতে euphemism বলে। মঙ্গলগানের দেবতার চরিত্র মাত্রই অমঙ্গলকারী (malignant)। অতএব ইহাদের অমঙ্গলকারিণী শক্তিকে প্রশমিত (pacify) করিবার, কিংবা মনোমধ্যে ইহার বিষয় স্থান না দিবার প্রবৃত্তি হইতেও তাঁহাদিগের মাহাত্ম্যসূচক গীতিকে মঙ্গল গান বলিয়া উল্লেখ করা হইতে পারে। বসন্ত রোগের নিদারুণ অন্তর্দাহের জ্বালার মধ্যেও মানসিক শান্তি লাভ করিবার জন্ত এই রোগের অধিষ্ঠাত্রী দেবীকে এই কারণেই ‘শীতলা’ বলিয়া উল্লেখ করা হয়। কালক্রমে সকল শ্রেণীর দেবতার মাহাত্ম্য কীর্তনই মঙ্গল নামে পরিচয় লাভ করে।

মতুয়ার গান

ফরিদপুর জিলার অন্তর্গত ওড়াকান্দি গ্রামে যুগাবতার শ্রীশ্রীহরি ঠাকুর জন্মগ্রহণ করেন। তাঁহার প্রবর্তিত মত বা নীতিবাক্য এবং অন্তশাসনাদি ষাঁহারা মানিয়া চলেন, তাঁহাদিগকেই মতুয়া বলিয়া অভিহিত করা হয়। মতুয়া বলিতে বুঝায় ষাঁহার হরিনামে মত্ত, মাতাল বা মাতোয়ারা। শ্রীশ্রীঠাকুর বলেন, ‘কলিযুগে হরিনাম সাধনাই মুক্তির একমাত্র উপায়—ইহা ভিন্ন কলির জীবের মুক্তির অন্য পথ নাই।’ সর্বদা ‘হাতে কাম ও মুখে নাম করিবে।’ ইহাই মতুয়া সম্প্রদায়ের নিকট ঠাকুরের প্রধান নির্দেশ।

তিনি বলিয়াছেন—

নামময় এ ব্রহ্মাণ্ড, নামে কর রতি।

ভক্তি, মুক্তি, শক্তি করে নামেতে বসতি ॥

যেই নাম সেই হরি ভজ নিষ্ঠা করি।

নামের সহিতে আছেন আপনি শ্রীহরি ॥

গানের ভিতর দিয়াই এই ধর্ম মতের প্রচার হইয়াছে ; এই সম্প্রদায়ের গানকে মতুয়ার গান বলে ।

১

একবার দাঁড়াও এসে বিনোদ বেশে হৃদি-বৃন্দাবনে ।

তোমার নব জলধর রূপ হেরিব নয়নে ।

শুনে কালের ডঙ্কা, মনে হ'লো শঙ্কা, তুমি কাল নিবারণ,

মধুসূদন হের নয়ন কোণে ।

হরি করে দয়া, ও দেহ পদ-ছায়া,

আমি ভজন বিহীন, দীনেরও দীন, রেখো ঐ চরণে ।

একবার দেওহে দেখা, হয়ে ভক্তি বাঁকা,

বাজাও মুরলী সদা, বলি জয় রাধা শুনিব জ্বরণে,

বড় বাঞ্ছা মনে, আমি সচন্দনে, পূজিব মনোফুলে,

নয়ন জলে ও রাঙ্গা চরণে ।

হরি চাঁদের চরণ, পেল কর্তেম সাধ,

ও ভাই, তারকচন্দ্র হরের জন্ম গেল অকারণে ।

—ফরিদপুর

২

তোরা কেন গৌর বলিস, কেঁদে ফিরিস পুড়ে মরিস প্রেমের পোড়া,

ও নামে লোভ মেটে না, ক্ষোভ ছোটে না,

গৌর প্রেমের এমনি ধারা ॥

জানিস না, ঐ যে গৌর ছিল মধুর বৃন্দাবনের কাল ছোঁড়া ।

নারীর মন করে চুরি সাধু ভারী হয়েছে বৈরাগীর গোড়া ॥

ছিল ও ব্রজের বালক, রাধার খাতক, রাই পদে বিক্রীত সারা,

দাসখতে নাম লিখিয়া, দাইক হয়ে শোধ দিল কই তার এক কড়া ।

চিরকাল জানি ওটা স্বভাব শঠা শিকলী কাটা না লয় পড়া ।

চাউল ছোলা খেয়ে মিঠে, ঠোটে ঠোটে উড়ে পালায় না যায় ধরা ।

গোকুলের শ্রাম শুক পাখী স্বথের পাখী পায় ছিল প্রেম শিকলি পরা ।

শিকলের কল খসায় এল ধয়ে আর গেল না গোয়াল পাড়া,

সইরে গোলোকের চাঁদ এই হরিচাঁদে গোলোক চাঁদের দুখ পাশরা,

চাঁদে চাঁদে মিশে গেল তারক হলো সে চাঁদ বিনে ছন্ন ছাড়া । —ঐ

মনঃশিক্ষার গান

বৈরাগ্যমূলক একশ্রেণীর গান মনঃশিক্ষার গান বলিয়া পরিচিত । মুর্শিদাবাদ জিলা হইতেই এই গান অধিক সংগৃহীত হইয়াছে ।

১

মিছে ভাবছ কি, মন, বসে,
সাক্ষাতে থাকতে বস্তু খুঁজে বেড়াও দেশ বিদেশে ।
ভাবলে নাই ভাবের অন্ত, কেন, মন, এত ভ্রাস্ত,
কিসে আর হবি শাস্ত, অশাস্তি কু রণে ?
রলি রিপূর বশে বদ্ধ হয়ে সদায় কামুজাসে,
তোর নাইরে চেতন পিতৃ-রতন লুটরে ভজনায় এসে ।
রইল, মন, অন্ধকারে সদায় ধন্দুকারে,
চক্ষু জ্ঞান না হলে, মন, দেখবি কিসে,
জগৎ অন্ধ কর্ম মন্দ বাঁধা অষ্ট পাপে, যেমন চক্ষু বাঁধা বলদের মতন
ঘুরিতেছে কাম-ফুলের গাছে ॥
সুজনার সঙ্গ নিলে অন্ধকার ছায়নি তুলে,
ভাবের দ্বার খুলে দিলে, দেখবি রূপ প্রকাশে ।
তত্ত্ব পরতত্ত্ব যত ঐ রূপেতে ভাসে ।
সুবনে ভেদিলে জ্যোতি স্বরূপের রূপ দেখবি বৈসে ।
বিশুদ্ধ রতির দ্বারে নবরস সান্ন করে,
এঁটে, মন, ধর তারে, সদানন্দে বহিসে,
নবীন চাঁদ কয়, ওরে খেল, আর ভাবনা কিসে,
তার অন্তরে বাহিরে মাহুষ, অহরহ সদায় ভাসে —মুর্শিদাবাদ

২

এখন বলিরে তোরে, এমন একটি বৃক্ষ আছে ভবনদীর তীরে,
কাটিলে যে জীয়ে.গো বৃক্ষ না কাটিলে মরে ।
সেই বৃক্ষের চূড়ার উপর শুক শারী চড়ে ।
শুক বলে, ওগো শারী, প্রাণ কাঁদে ডরে ।
না জানিয়া করলেম বাঁশ ত্রিপাতার উপরে ।
কখন জানি ব্যাধ এসে শরাঘাত করে ।

ও মনরে, একমন চিত্ত দিয়া শুন মধুর বাণী ।
সেই বৃক্ষে ধরিয়্যাছে সাত সমুদ্রের পানী ।
লবণ, ইক্ষু, স্রাস্র, দধি, দুগ্ধ, ক্ষীরে
জলন্ত কয়াদি নামে সপ্ত পাতায় ঝরে ॥
মনরে, গৌসাই বলে দেখ রে নেহার করে ।
আপন বুঝে না বুঝিলে কে বুঝাইতে পারে,
একটি গাছের তিনটি ফুল, চারটি কলি ধরে ।
সেই ফুলের মধু খেয়ে রসিক ভ্রমর উড়েরে ।

মন, বলিরে তোর,
এমন একটি বৃক্ষ আছে ভবনদীর তীরে ।

—এ

৩

কি বলব মন-রসনা, গণার দিন ফুরাইয়ে গেলে আসবে না ।
ও তোর দমে দমেদে দমকল চলে, আমার মন,
খবর জেনে শুনে মরম বুঝি না ॥
দশে ছয়ে ১৬ জনা, তারা কেহ তোমার বড় রাণীর কথা শুনে না,
তারা লুট করে তোর মণিকোঠারে
মন, শেষে জমার ঘরে কিছু থাকবে না ॥
দিন থাকিতে না করলি ঋজি, কিসে মহাজন বুঝাবি রে,
ও তোর না থাকলে পুঁজি, ও তোর পুঁজি-ভান্ডা ঋজির ব্যাপার রে,
মন, শেষে দায় মহলে খালাস পাবি না ॥

—এ

মনসার গান

বাংলা দেশের সুপরিচিত কাহিনী মনসা-বেহলা-চাঁদ সদাগরের কাহিনী ।
এই বিষয়ক গান মনসার গান । বিচ্ছিন্ন এই প্রকার গীতিগুলি কাহিনীর
আকারে একত্র সংগ্রহিত হইয়াই মনসা-মঙ্গল গানের রূপ লাভ করিয়াছে ।

১

লোহার বাসরে দেখি কোথাও নাহি সন্ধি,
তিন গ্রহের তিন নাগকে করিয়াছি বন্দী ।

চতুর্থী প্রহরে কালী কোন পথে ঢোকে,
 প্রাণপতি লক্ষীন্দরের চরণ তলে কাটে ।
 তাহার জ্বালায় দেহ জলে গেল,
 কাঁচা সোনার বর্ণ ঐ তখন কালী হলো ।
 গায়ের হরিজ্ঞা আমার গায়েতে রহিল,
 বিবাহ রাত্রে আমায় রাড়ি হতে হলো ।
 নাথের বিরহ-জ্বালা সহিতে না পারি,
 চিতাশয্যা করে দাও দোহে পুড়ে মরি ।
 নতুবা শোক আমি কেমনে পাসরিব,
 গলে শিলা বেঁধে আমি জলেতে ঝাঁপ দিব ।
 বেহুলা সতী হাতে ছুরি নিল,
 সিজুয়ায় থাকেন দেবী অমনি আসিল ।
 আমার দাসী মরে যদি তবে কিবা হবে,
 এ জগতে আমার পূজা কেবা প্রচারিবে ।
 লক্ষীন্দর দাস আমার, তুমি দাসী হও,
 আমার পূজা লাগি তোমরা পুনর্ জন্ম লও ।

—মুশিদাবাদ

২

প্রভাতে উঠিয়া দেখে চাঁদ সদাগর,
 গৃহে ধন নাহি কিছু হইল ফাঁপর ।
 চাঁদবেনে বলে আমি ভিক্ষা মেগে আনি,
 হেন ধন নিল চোর চ্যাক মুড়ির কানি ।
 মনসাকে গালি দিয়া বনে বনে যায়,
 মনসার হাতে সাধু আরও দুঃখ পায় ।
 শ্বেত মাছির রূপ ধরে বিষহরি চলে,
 উঠিয়া বসিল গিয়া আস ফটিক ডালে ।
 এ বৎসর তারা না পায় শিকার,
 সেই দিন মৃগয়াতে হইল আগুসার ।
 আটা কাঠি সাত নলা লইয়া জাল দড়ি,
 শিকার করিতে গিয়া বনে লাগে বেড়ি ।

কাননে বেঠন করি যত বেদগণ,
 আহার ফেলিয়া পক্ষী না পায় যতন ।
 আহার পাইয়া পক্ষী চলে মনের স্থখে,
 চাঁদবেনে, হায় হায়, করে মনোহুখে ।
 সাধু পদ শব্দ পাইয়া যত পক্ষী উড়ে,
 যতেক আট কাটি পক্ষী চাঁদবেনের টিকি ধরে ।
 না মার না মার বলে চাঁদ অধিকারী ॥
 কোন দোষে মার, ভাই, নাহি করি চুরি ।
 তারা বলে কেন তুই পক্ষী দিলি ছেড়ে,
 কোথা হতে কাল এলি তুই ভেড়ের ভেড়ে ।
 তথা হইতে চাঁদবেনে কাদিতে কাদিতে,
 উপস্থিত হইল গিয়া মিতার বাড়ীতে ।
 ধর্মশীল মিতা তার চন্দ্রকেতু নাম,
 জুড়াবার তরে আশা সাধু গেল তার ধাম ।
 মিত্য মিতা বলে করে সে সম্ভাষণ,
 মনসার ভাসান গীত হইল সমাপন ।

—মুর্শিদাবাদ

৩

আশ্বিনের সংক্রান্তিতে এই গান গাওয়া হয়—

বিনোদিনী বিনোদিনী রায়, পুণ্য মাসী সঙ্গে লয়ে সজ্জ পুজায় যায় ।
 সজ্জর মন্দিরে তোমরা বস পুণ্য মাসে,
 যমুনার তীরে আমরা পুষ্প তুলে আনি,
 যমুনার জলে ছিল কাল সাপ দংশিল চরণে,
 বাঁচে কি না বাঁচে, মাগো, কাল সাপের বিষে ।
 ললিতা বলেন, শুন, রাধা ঠাকুরাণী,
 আপনারই টেঁপ খুলে মুছাব মুখখানি ॥ —বাঁশপাহাড়ী (ঝাড়গ্রাম)

৪

সাপের বিষ ঝাড়া মন্ত্র—

সাঁই সাঁই ডাকে গরুড় আপনার পাখাতে,
 তেত্রিশ কোটি লাগে দাঁড়াল রাধিকার ঘাটে ।

রাধিকার ঘাটে লাগ কিছু খুঁজে রেজা—
কালকূটে সাপের বিষ দধিতে দি সাজা ।
সেই দধি ভক্ষণ করেন কৃষ্ণ চাঁদ ।
গৌরবরণ দেহ কৃষ্ণের বিষে হল কাল,
ললিতা বলেন, শুন, রাধা ঠাকুরাণী,
আপনার গান মন্ত্র ঝাড়েন বিনোদিনী ॥

—৬

৫

মনসা পুজার ঘট বা বারি আনিবার সময় গীত হয়—
ওলাওঠায় মরল বুড়ীটা বুড়ীটা হল রাঁড়ী,
খেতে নাই দেতে নাই প্রাণ টানাটানি ।
ধন নাই দৌলত নাই একটা ভান্সা রেখা,
খেলে এসে খেতে খুঁজে নারীর বেটা গুঁছা ।
তিন ঠ্যাঙা বুড়ী সেটা কুজ হয়ে চলে ।
অষ্টভুজের ঠ্যাঙা বুড়ী হাতে নিয়ে বলে—
মনে মনে করে বুড়ীটা সমুদ করব কাকে ।
কুলি আছে কুলি কুদলির বিটি সমুদ করব তাকে ।
এই মনে মনে করে বুড়ীটা তিনটি টাকা জোগাড় করিল,
আষাঢ় মাসের ব্যাঙের বাজনায়ে বুড়ী বেটার বিয়া দিল ।
পাড়ার লোকে বলে বুড়ীটাকে কি কি গয়না দিলি—
বাঁক দিলাম বাঁকী দিলাম একটা চিন্তামণির কণা ।
পাড়ার লোকে বলে বুড়ীটাকে থাক না বনের বাঘে—
কোন দিক থেকে এলে বুড়ীটা বোটার সঙ্গে লাগে ।
বোটা করে মুখটা বাঁকা,
কোন কথা বলতে গেলে ঝাঁজকে উঠে শাঁখা ।
রাগে মাগে বুড়ী তখন ছেঁড়া তলায় নিয়ে গেল কুলি মুড়া
কুলি মুড়াকে যাইবে বুড়ী বিজয়া মাইকে ডাকে—
এই ভাই করিলাম বুড়ীর কাহিনী খাড়া,
দোহায় সন্ধ্যা মুড়া ॥

—৭

৬

ওমা গন্ধে গো ! গভীর গভীরা বট,
তারিণী গো মা । ও মা গন্ধে গো !
উত্তরেতে জানি আমি কত তাল জল,
ষাট তাল বেঞ্জেছি আমি নৌকা না পড়িবে তল ॥
পশ্চিমেতে জানি আমি কত তাল জল,
সাত তাল বেঞ্জেছি আমি নৌকা না পড়িবে বল ॥
পূবেতে জানি আমি ষোল তাল জল ।
সাত তাল বেঞ্জেছি নৌকা না পড়িবে তল ॥
দক্ষিণেতে কত জল তাহা নাহি জানি,
স্বর্গের থেকে পদ্মা বলে, আমি তাহা জানি ॥

—ঢাকা

মনসা-মঙ্গল

মনসার মাহাত্ম্য সূচক সূদীর্ঘ আখ্যানিকা-গীতি মনসা-মঙ্গল নামে পরিচিত । ইহা লিখিত সাহিত্যের অন্তর্গত ইহলেও ইহাতে লৌকিক উপকরণ প্রভূত পরিমাণে ব্যবহৃত হইয়াছে । সামান্য অংশ উদ্ধৃত হইল ।

১

ভলে করে বাঁধরে বাসর ঘর, আমার কথা শুন বিশ্বেশ্বর,
ধেন ঘরে রয় না ফুটো থাকবে কেবল কণ্ঠাবর ॥—ধুয়া

লখিন্দর জন্ম নিল সনকা উদরে ।
আকাশেতে দেবগণ পুষ্প বৃষ্টি করে ॥
পঞ্চম বয়সে তার হাতে দিল খড়ি ।
পড়িতে পাঠায়ে দিল শিক্ষকের বাড়ী ॥
সুশীল সুশাস্ত শিশু সবে ভালবাসে ।
কেবল মনসা দেবীর দিবা নিশি হিংসে ॥
বিশ্বকর্মা ডাকি বলে, ওহে কর্মকার ।
লখিন্দরের বিবাহ হেতু বাঁধ বাসর ঘর ॥

লোহার নির্মিত ঘর না রবে ছুয়ার।

মনসার কোপে যাতে বাঁচিবে কুমার ॥

শিব স্মরণে কর ঘর শুন হে বিষয়।

রোগীর অঙ্গের বিষ শিব স্মরণে নাই ॥

—মুর্শিদাবাদ

মনসার জাত, জাত মঙ্গল

যাত্রা শব্দ হইতে জাত বা যাত শব্দের উৎপত্তি হইয়াছে। মনসার কাহিনী অবলম্বন করিয়া যে লৌকিক যাত্রা বা লোক-নাট্য রচিত হইয়াছে, তাহাই মনসার জাত। ইহাকে জাত-মঙ্গলও বলে। ইহা দীর্ঘ রচনা। সামান্য উদ্ধৃতি দেওয়া হইল।

১

দেবী চলিল রে আনন্দ অন্তরে,

ইন্দ্র সুরপুরী হইতে মেঘ আনিবারে ॥

—বাকুড়া

২

কি আনন্দ কথা শুনি সুচম্পা নগরে।

লখিন্দর জন্ম নিল সনকা উদরে ॥

—এ

৩

বাগর জাগায় রে কি দিব তুলনা,

দিনের মতন রাতকে করেছে চাঁদ বেনা ॥

—এ

মনোহরসাহী

বাংলা কীর্তন গানের যে চারটি ধারা প্রবর্তিত হইয়াছিল, তাহাদের মধ্যে মনোহর সাহী ধারা অন্যতম। নরোত্তম দাস ঠাকুর প্রবর্তিত কীর্তন গানের কঠিন গীতরীতির মধ্যে লৌকিক উপকরণ মিশ্রিত করিয়া যিনি কীর্তন গানে এক নূতন ধারা সৃষ্টি করিয়াছিলেন, তাঁহার নাম মনোহর দাস আউলিয়া। তাঁহার নাম অল্পসারেই কীর্তন গানের এই ধারার নাম মনোহর সাহী হইয়াছে। মনোহর সাহী ধারার প্রচারের সঙ্গে আরও একজনের নাম যুক্ত আছে, তিনি বংশীবদন ঠাকুর। বংশীবদন আউলিয়া মনোহর দাসের নিকটই কীর্তন শিখিয়াছিলেন বলিয়া জানিতে পারা যায়।

মন্দারিণী

বাংলার কীর্তন গানের বিশিষ্ট একটি ঢঙের নাম মন্দারিণী। সরকার মন্দারণের কোন স্থান হইতে এই ধারাটির প্রবর্তন হয়, তাহা জানিতে পারা যায় না। খেতরি এবং পরে শ্রীখণ্ড এবং কাটোয়াতে মধ্যযুগে যে বৈষ্ণব মহোৎসব হইয়াছিল, তাহা হইতেই কীর্তন গানের মধ্যে নূতন প্রাণ সঞ্চারিত হয় এবং তাহার ফলে গরাণহাটী কীর্তন গানের পদ্ধতি হইতে চারটি নূতন ধারার উৎপত্তি হয়, মন্দারিণী তাহাদেরই অগ্রতম।

ময়নামতীর গান

নাথসম্প্রদায়ের মধ্যে উদ্ভূত রাজমাতা ময়নামতীর জীবনীমূলক গীতিকার নাম ময়নামতীর গান। ইহার অগ্রাগ্র নাম মাণিকচন্দ্র রাজার গান এবং গোপীচন্দ্রের গান। (পূর্বে গোপীচন্দ্রের গান দেখ)

মর্শিয়া গান

মুসলমান সমাজের মহরম উপলক্ষে কতকগুলি গান গাওয়া হয়। তাহা-দিগকে মর্শিয়া গান বলে ইহাদিগকে মহরমের গানও বলা যায়।

১

বাজিল রণের ডকা সাজিল কাসেম আলী,
ঢাল নিল, খঞ্জর নিল সাজাইল ঢুলঢুলি।
কাঁদিয়া কহে মাজান, শুনরে, বাপ, আমার কথা।
আজকে রণে যেয়োনা, বাপ, এজিদা কাটবে মাথা।
কাসেম বলে, মামাজি গো, শুনবো না তোমার কথা।
যে দাগা দিয়াছে এজিদ কাটিব তাহার মাথা।
হোসেন বলে, ও বাপ কাসেম, আয়রে, বাবা, আয় ফিরে।
ভায়ের সত্য পালন করি সখিনার সঙ্গে দেয় বিয়ে। —বীরভূম

২

এলো রে মহরমের চাঁদ মোমিন লোকের কোঠিন দিন।
হোসেনের নামেতে সবে রোজা রাখ দশ দিন।

হোসেনের নামেতে যেবা চোখেতে ফেলে পানি ।

আখেরেতে তরাইবে রশূল রতনমনি ।

—এ

৩

কাসেম আব্দুল কাঁদে পেয়ে তারা মনে দুঃখ,

কাঁদনা শুনে তাদের ফেটে যায় সবার বুক ।

বাপের মুখে মুখ দিয়া করে সবে হায় হায়,

আগেতে দেখ না সবে যোর ছুনিয়া অন্ধকার ।

—এ

৪

হোসেনকে ঐ এজিদা কি দোষে হয়রান কোলে ।

কি দোষে হাসেন সাহাকে ময়মুনা জহর দিলে ।

কি দোষে ময়মুন চিঠি লেখে জিয়াদ কমিন,

কি দোষে খঞ্জর মালি ওরে শিমর লাগতি ।

কি দোষে তীর মারলি, ওরে কাফের কমিনা ।

ফোরাতে নদী বন্ধ কলি পানি কেন দিলি না ।

পানি পানি করে মল যত ছিল মোমেনা ।

ঐ এজিদা হারামজাদা আখের দিনকে ভাবলি না ।

নবীর বংশ ধ্বংস কলি শূত্র কলি মদিনা ।

—এ

৫

কাঁদিয়া কদবাহু বলে, শুন, ইমাম পানি চায়,

পানি বিনে মায়ের কোলে ছুধের আসগর প্রাণ হারায় ।

হোসেন আলি কোলে তুলি আসগরে লইয়া যায়,

কাফের যেথায় হাঁকিয়া কয় থোড়া পানি দাও আয়ায় ।

সে হাঁক শুনে কাফেরানে লক্ষ্য করে বক্ষকে ।

মারিল তীর বিঁধিল সেই আসগরের কচি বুকে ।

কাঁদিতে কাঁদিতে হোসেন ছেলে দিল বাহুকে,

শহীদেদে সরবত খেয়ে আসগর আলি ঘুম গেছে ।

—এ

মহরমেৰ গান

মহরম উৎসব উপলক্ষে নানাধৰ্মকাৰ গান গাওঁয়া হয়, তাহাদেৱে স্বয়ং তাল
বিভিন্ন। কাৰণ, মহরমেৰ বিষয়-বস্তুৰ মध्ये বীৰ ৰস এবং কৰুণ ৰস উভয়েৰেই
সংমিশ্ৰণ হৈয়াছে।

১

ময়দানেতে সেৱা তাঁবু হোসেন যখন গাড়িল,
আসমান কাঁদে জমিন কাঁদে, হায় গো, আল্লাৰ কি হইল।
খুটলে জমিন লউৱ উঠে তাই না দেখে হোসেন বলে,
ইহাই দোস্তৰ কাৰবালা,
বলে গেছে নানা নবি যেহাদে যাবাৰ বেলায়। —নদীয়া

২

দশৰথ মহরমে গেলেন সাহা ময়দানে,
কুনেৰ সাগৰে সাঁতাৰ দিলেন ইমামবাড়া বলে।
ও সে কাৰবালা ময়দানে পুঁচালে
সাহাৰ বাহু কেঁদে কয় হায়গো আল্লা, হায়গো আল্লা। —ঐ

মস্তেজৰ গান

অনেক সময় গান গাহিয়া সাপে কাটাৰ ঝাড়ফুকেৰ মন্ত্ৰ বলা হয়।

শুন শুন বিষ শুন দিয়া মন,
প্ৰহ্লাদ কৰিল ৰক্ষা দেব নাৰায়ণ।
অল্ল বুদ্ধি শিশুমতি কিছুই না জানে,
হৰি হৰি সদাই মন্ত্ৰ হৰিনামে।
সকলেৰ বিষদৃষ্টি হইল প্ৰহ্লাদ,
পুত্ৰ হয়ে শত্ৰু হলি বড়ই প্ৰমাদ।
দেব হস্তীৰ পদতলে দিল ফেলাইয়া,
হৰিনামেৰ বলে প্ৰহ্লাদ আইল উঠিয়া।
অগ্নিৰ কুণ্ডে প্ৰহ্লাদে ফেলে দিল,
মহাভক্ত বলে ব্ৰহ্মা কোলে তুলে নিল।

বিষ পান করাইল, প্রহ্লাদ না জানে,
 মরিবিরে, প্রহ্লাদ, এই বিষ পানে ।
 না মরিল প্রহ্লাদ দেখে হলো ভয়,
 তুলে নিয়ে ফেলে দিল পর্বত গুহায় ।
 পর্বত গুহায় হরি কোলে তুলে নিল,
 বাঁচিল রে প্রহ্লাদ হরি হরি বল ।
 বড় অভিলাস মনে হরি আরাধনে,
 থাকিব না ছার গৃহে যাইব কাননে ।
 ওরে ওরে, ভাই, মাকে বলো গিয়ে,
 তোমার প্রহ্লাদ গিয়েছে সম্যাসী হইয়ে ।
 সেই কথা শুনে মাতা না করে রোদন,
 হরি হরি বলে প্রহ্লাদ চলিলেন বন ।
 সেই কথা মাকে গিয়ে বলে বালকগণে ;
 তোমার প্রহ্লাদ গিয়েছে হরি-আরাধনে ।
 কি শুনালি, ওরে বালক, কি শুনলাম কানে,
 জীবন প্রহ্লাদ গিয়েছে হরি আরাধনে ।
 কোথা যাস্ প্রহ্লাদ মায়েরে ছাড়িয়া,
 দুঃখিনী মাতা রহিল পড়িয়া ।
 শুন শুন, ভগবান, দেবচক্রপাণি,
 দুঃখের বালক মোর দংশিলা ফণি ।
 যে মতে বাঁচালো হরি প্রহ্লাদের প্রাণ ।
 সেই মতে বাঁচাও আজ অমূকের প্রাণ ।
 নাই বিষ বিষহরির আঁজায়
 নাই বিষ্ বিশ্বনাথ ধর্মের আঁজায় ।

—মুশিদাবাদ

মহীপালের গান

‘ধান ভানতে মহীপালের গীত’ বলিয়া একটি প্রবচন বাংলায় প্রচলিত আছে ।
 চৈতন্য-ভাগবতেও ষোণীপাল, ভোগীপাল ও মহীপালের গীতের উল্লেখ আছে ।
 কিন্তু প্রকৃত তাহা কি, জানিতে পারা যায় না । নিম্নোক্ত গীতটিকে কেহ
 কেহ পাল রাজা মহীপালের গীতের একটি অংশ বলিয়া মনে করেন ।

শুন শুন সবে মহীপালের গীত ।
 শুনলে পরে গো হয় সবাকার হিত ॥
 মহীপাল রাজার ছুঁ দেখ্যা পরাণ কাঁদে রে,
 হায়, হৈল কি মহীপালের ঘরগী ধূলায় গড়ায় রে ॥
 মহীপালের বাড়াবাড়ীত জমিদার উঠল ক্ষেপ্যা ।
 হরা মোড়লের মাও মৈল খাঁপ্যা খাঁপ্যা ॥
 মহীপাল আর পোজার হৈল লড়াই ।
 ও ভাইরে, এমনত কোনও দিন শুনি নাই ॥
 কুক্ষক্ষেত্বে লড়াইর মত ধরম যুদ্ধ হৈল ।
 মহীপালের ছিল সেনাপতি সেই শেষে পোজার পক্ষ নিল ॥

—রাজসাহী

২

রাজা পোজায় ছুয়ে শুন সবে মন দিয়া ।
 চাষী কৈবত্ত দিবুক রাজা দিল মহীপালক হটাইয়া ॥
 দিবুক রাজার জয় হৈল, দিকে দিকে সুর পৈল,
 পোজা সব হাঁফ ছেড়ে বাঁচে ।
 পোজারা আবার বাঁধল বাঙেলা ঘর,
 গাঙে গাঙে লাও আবার ভাসে ॥
 দিবুক যৈবন গেল ॥
 তারি ভাইপুত ভীম রাজা হৈল ॥
 ভীম রাজার কীর্তি কথা শুনলে পুণ্য হবে বহু ।
 সিঠাইপুরের ভীম সায়র তারি কীর্তি হৈল ॥

—ঐ

৩

হরগোরীর ভক্ত রাজা ভীম সবাই তোমরা জান ।
 স্কক লাগ্যা ঘরে ঘরে কর আঘনের লবান ॥
 দিবুক রাজা সগ্গে গেল,
 চাঁদ স্কক রাজা ভীমের কীর্তি দেখল সগ্গে গেল তালি ।
 মহীপালের গীত শুনতে শুনলে তোমরা পুণ্য কাইনী

আমার কথা ফুরলি ॥

—বংপুর

মহুয়া

পূর্ব মৈমনসিংহ হইতে সংগৃহীত একটি পালা গানের নাম মহুয়া। কলিকাতা বিশ্ববিদ্যালয় হইতে প্রকাশিত ‘মৈমনসিং গীতিকা’র ইহা স্থান পাইয়াছে। কাহিনীটি এই—

বেদের দলের সর্দারের নাম হুমরা। একবার সে তাহার দলবল লইয়া ধনু নদীর তীরে কাঞ্চনপুর নামক গ্রামে আসিয়া পৌঁছিল। সেই গ্রামের এক বৃদ্ধ ব্রাহ্মণের একটি শিশুকন্যা ছিল, হুমরা তাহাকে চুরি করিয়া পলাইয়া গেল। কন্যাটিকে হুমরা নিজের সন্তানের মত করিয়া লালন পালন করিতে লাগিল, তাহার নাম রাখিল মহুয়া ; তাহাকে নানা ক্রীড়া-কৌশল শিখাইল। তাহাকে লইয়া দেশ বিদেশে খেলা দেখাইয়া বেড়াইতে লাগিল। মহুয়া যৌবনে পদার্পণ করিল, তাহার সৌন্দর্য সকলকে মুগ্ধ করিল। হুমরা তাহার দল লইয়া একবার বামনকান্দা নামক এক গ্রামে গিয়া পৌঁছিল। তরুণ ব্রাহ্মণ যুবক নদের চাঁদ সেই গ্রামের তালুকদার ; তাহার গৃহে বেদের দল খেলা দেখাইয়া আসিল। নদের চাঁদ মহুয়াকে দেখিয়া মুগ্ধ হইল। মহুয়াও নদের চাঁদকে দেখিয়া তাহার প্রতি আকৃষ্ট হইল। নদের চাঁদ বেদের দলকে সেই গ্রামে বাস করিবার জন্ত বাড়ী ও জমি দিল—তাহারা ষাষাবর বৃত্তি ত্যাগ করিয়া সেই গ্রামেই বাস করিতে লাগিল। নিভৃত স্থানে মিলিত হইয়া নদের চাঁদ ও মহুয়া পরস্পরের প্রতি প্রণয় নিবেদন করিল। হুমরা তাহা জানিতে পারিয়া একদিন দলবল সহ মহুয়াকে লইয়া গ্রাম হইতে পলাইয়া গেল। নদের চাঁদ মহুয়ার সন্ধান করিবার জন্ত গৃহত্যাগ করিল, বহু অল্পসন্ধানের পর তাহার সাক্ষাৎ পাইল। হুমরা তাহাকে দেখিতে পাইয়া মহুয়াকে তাহার প্রাণবধ করিতে বলিল, কিন্তু তাহার পরিবর্তে মহুয়া নদের চাঁদকে লইয়া বেদের দল ছাড়িয়া পলাইয়া গেল। পথিমধ্যে এক সদাগর নদের চাঁদের প্রাণবধ করিবার চেষ্টা করিয়া মহুয়াকে লাভ করিতে চাহিল। মহুয়া কৌশলে সদাগরেরই প্রাণনাশ করিয়া পলাইয়া গেল। অনেক অল্পসন্ধান করিয়া মহুয়া মৃতপ্রায় নদের চাঁদের সন্ধান পাইল ; মহুয়া পুনরায় এক ভগু সন্ন্যাসীর কবলে পড়িল। কোনমতে রুগ্ন নদের চাঁদকে কাঁধে লইয়া সন্ন্যাসীর আশ্রয় হইতে মহুয়া পলাইয়া গেল। কিছু দূরে গিয়া তাহার একস্থানে সুখে বসবাস করিতে লাগিল। এমন সময় তাহাদিগকে অল্পসন্ধান করিতে করিতে বেদের দল আসিয়া সেখানে উপস্থিত হইল। হুমরা নদের

চাঁদকে বধ করিবার জন্ত মলুয়ার হাতে বিষলঙ্কের ছুরি তুলিয়া দিল, মলুয়া সেই ছুরি নিজের বক্ষে বসাইয়া দিয়া প্রাণত্যাগ করিল। সেই মুহূর্তে বেদের দল নদের চাঁদের প্রাণনাশ করিল। তারপর সেইখানেই দুইজনকে এক কবরের মধ্যে স্থাপন করিয়া তাহারা ফিরিয়া গেল। কেবল মলুয়ার আজন্ম স্মৃতি-স্মরণ সঙ্গিনী পালঙ্‌ সেই সেইখানে লুটাইয়া পড়িয়া চোখের জলে কবরের মাটি ভিজাইতে লাগিল।

মলুয়া

পূর্ব মৈমনসিংহ হইতে সংগৃহীত ‘কুড়াশিকারীর গান’ নামক পালা গানটি ‘মৈমনসিংহ গীতিকার’ মলুয়া নামে প্রকাশিত হইয়াছে। ইহার কাহিনীটি এই— চাঁদ বিনোদ প্রতিবেশী গ্রামের মোড়লকত্তা মলুয়াকে দেখিয়া মুগ্ধ হইল। কিন্তু সে অর্থহীন। সেইজন্য মলুয়ার পিতা তাহার হাতে কত্তা সম্প্রদান করিতে চাহিল না। সে অর্থোপার্জনের উপায় সন্ধান করিতে লাগিল। অবশেষে বিদেশ হইতে প্রচুর অর্থ অর্জন করিয়া দেশে ফিরিল, এইবার আর মলুয়ার পিতা তাহার নিকট কত্তা সম্প্রদান করিতে আপত্তি করিলেন না। বিনোদ মলুয়াকে বিবাহ করিয়া নিজের গৃহে তুলিল। একদিন কাজি মলুয়াকে দেখিয়া তাহার রূপে মুগ্ধ হইল; এক কুটিনী নারী তাহার নিকট পাঠাইয়া তাহার পাপ-অভিলাষ ব্যক্ত করিল। মলুয়া কুটিনীকে অপমানিত করিয়া তাড়াইয়া দিল। মিথ্যা দেনার দায়ে কাজি এইবার বিনোদের জমিজমা বাজেয়াপ্ত করিয়া লইল, ফলে বিনোদের সংসারে পুনরায় দারিদ্র্য দেখা দিল। শাস্ত্রীকে লইয়া স্ত্রী কাটিয়া পরের বাড়ীতে ধান ভানিয়া মলুয়ার দিন কাটিতে লাগিল। কাজি এইবার এক নূতন বিপদের সৃষ্টি করিল—বিনোদের উপর এক পরওয়ানা জারি করিয়া নির্দেশ দিল, ‘সাতদিনের মধ্যে তোমার স্ত্রীকে দেওয়ান সাহেবের হাউলিতে লইয়া উপস্থিত কর, নতুবা তোমাকে জীবন্তে করব দেওয়া হইবে।’ বিনোদ আদেশ অমান্য করিল। কাজির পাইক-পেয়াদা বিনোদকে জীবন্তে কবর দিতে লইয়া গেল, মলুয়াকে ধরিয়া লইয়া গিয়া দেওয়ান সাহেবের অন্তঃপুরে উপস্থিত করিল। মলুয়ার পাঁচ ভাই বিনোদকে বাঁচাইল; কিন্তু মলুয়ার উদ্ধার করিতে পারিল না। কোশলে নিজের নারীধর্ম রক্ষা করিয়া মলুয়া তিন মাস পর দেওয়ান সাহেবের হাত হইতে নিষ্কৃতি পাইল; কাজির শূলদণ্ড হইল।

কিন্তু বিনোদের আত্মীয়গণ মলুয়াকে গৃহে লইতে অস্বীকার করিল। বিনোদ আত্মীয়-স্বজনের কথায় মলুয়াকে পরিত্যাগ করিয়া পুনরায় বিবাহ করিল। মলুয়া স্বামিগৃহ পরিত্যাগ করিল না, সেইখানেই দাসীবৃত্তি করিতে লাগিল। একদিন বিনোদকে সর্পে দংশন করিল, বাঁচিবার কোন আশা রহিল না ; মলুয়া তাহার পাঁচ ভাইয়ের সহায়তায় তাকে বাঁচাইল। তথাপি আত্মীয়-স্বজন তাহাকে গৃহে লইতে নিষেধ করিল। বাঁচিয়া থাকিলে স্বামীর কলঙ্ক ঘুচিবে না মনে করিয়া মলুয়া নদীর জলে ডুবিয়া আত্মহত্যা করিল।

মাগনের গান

প্রধানত পৌষ সংক্রান্তির সময় গৃহে গৃহে মাগন সংগ্রহ করিবার কালে যে গান শুনিতে পাওয়া যায়, তাহাকে মাগনের গান বলে। তবে ইহাদের মধ্যে গান অপেক্ষা ছড়ার বৈশিষ্ট্যই অধিক প্রকাশ পায়। সেইজন্য ইহারা মাগনের ছড়া বলিয়াই সাধারণত পরিচিত।

মাঘমণ্ডল ব্রতের গান

মাঘ মাসে পূর্ববাংলার কুমারী মেয়েরা যে মাঘমণ্ডল ব্রত নামে সূর্যের এক ব্রত করে, তাহাতে এক শ্রেণীর ছড়া শুনিতে পাওয়া যায়, কচিং তাহা গানের স্বরও গীত হয়, তাহাকে মাঘমণ্ডল ব্রতের গান বলা যায়। তবে ছড়ার বৈশিষ্ট্যই ইহাদের মধ্যে অধিক প্রকাশ পায়।

সূর্যের ঘুম ভাঙানির গান—

উঠ উঠ, সুরুধাই, ঝিকিমিকি দিয়া।

তোমাতে পুজিব আমি রক্ত জবা দিয়া ॥

উঠ উঠ, সুরুধাই, ঝিকিমিকি দিয়া।

উঠিতে না পারি আমি হিমালীর লাগিয়া ॥

উত্তর আলা কদম গাছটি দক্ষিণ আলা বাওরে।

গা তোল গা তোল সুরুধাই ডাকে তোমার মাওরে ॥

শিয়রে চন্দনের বাটি বুকে ছিটা পড়েরে।

গা তোল গা তোল সুরুধাই ডাকে তোমার মাওরে ॥ —ফরিদপুর

মৎপ্রণীত 'বাংলা মঙ্গলকাব্যের ইতিহাস' ৪র্থ সংস্করণ

মাঝির গান

যে প্রেম-সঙ্গীতের নায়ক মাঝি বা নৌকার চালক, তাহাকে কখনও কখনও মাঝির গানও বলে ।

১

ওরে, রঞ্জিলা মাঝি, কি গান গাও আজি,
কি বাজাও এত বাঁশী ।
ওরে রঞ্জিলা মাঝি, কি ডাক ছাও ঐ সুরে ।
আমার পরাণডা কেমন করে ।
কি গান গাও রূপসী নদীর বুকে ।
জলে আগুন গো বিরহগীর বুকে ।

মাঠের গান

মাঠে চাষের সময় যে গান গাওয়া হয়, তাহাই মাঠের গান । তাহা কর্মসঙ্গীত । প্রেমের ভাব ইহাদের মধ্যে ব্যক্ত হয় ।

১

পথে চলিতে ওগো, কত নিষ্ঠুর হয়, সখি,
কুল লিল সেই নাগর, সখি । —বেলপাহাড়ী (ঝাড়গ্রাম)

২

ঘরের বাদী ননদিনী ।
বাইরের বাদী লোক রে ।
যবুনার লদীর বাদী শ্রাম রে ॥ —ঐ

৩

সরল দেখে প্রেম করিলাম ।
বধু, কেন এত নিষ্ঠুর হলে ?
দেখা পালে ফিরেও তুমি চাও না,
দেখা পালে মুখেও তো শুধাও না ॥
অবলায়ে শেল দিয়া কখন ভালো হবে না ॥ —বাঁশপাহাড়ী

৪

এসেছি পথ ভুলে ।
বসে আছি নদীর কূলে ॥

ওগো, যাবার বেলা হলো আমার
হৃদয় মাঝে উদয় না হলো ॥

—ঐ

৫

এক খিলি পান ছিল ।
দোক্তাতে মিশায়ে নিলে গো ॥
দেখা দেখি হলো সার ।
কবে আসিবে বধু আর ॥

৬

তোর বেগুন চাই না আমি ।
হাটের বেগুন সস্তা ॥
দেখা দেখি হল সার ।
কবে আসিবে বধু আর ॥

—ঐ

৭

পাঞ্জরের পোষা পাখী,
কোন দিন ছেড়ে যাবে ।
পালাবে সে গগনে ॥
ও ভাব করবে সাবধানে ।
ও বিদেশীর সনে ॥

—ঐ

৮

কুথা যাবে, গে, বধু,
ভাসে সরোবর ॥
সুখেও প্রাণ কাদে, সখি ॥
ও যে ফির গো সাগর ।

ঐ

৯

ও পার বাঁধে গাই ছেড়েছে ।
নামো বাঁধে গাই ছেড়েছে ॥
পাত্‌তু লিবার লোচনা করে ।
যাবে রাই এর বাড়ী ॥

ঐ

মাণিক চাকলাদার ও কমলার পালা

পূর্ব মৈমনসিংহ অঞ্চলে মাণিক চাকলাদার ও কমলার পালা নামে এক পালা গান শুনিতে পাওয়া যায়। কাহিনীটি এখানে উল্লেখ করিতেছি—কমলা মাণিক চাকলাদারের কন্যা। তাহার বিবাহের বয়স হইয়াছে, তাহার মত সুন্দরী বড় দেখিতে পাওয়া যায় না। মাণিক চাকলাদারের এক কারকুন (হিসাব-রক্ষক কর্মচারী) তাহাকে দেখিয়া মুগ্ধ হইল, তাহাকে লাভ করিবার জন্ত চিকন গয়লানী নামক এক কুটিনীকে তাহার নিকট পাঠাইল। কমলা গয়লানীকে প্রহার করিয়া তাড়াইয়া দিল। কারকুনের ক্রোধ বাড়িয়া গেল, সে দেশের রাজার নিকট চাকলাদারের বিরুদ্ধে এক মিথ্যা সংবাদ দিল যে, চাকলাদার মাটি খুঁড়িয়া বহু মোহর পাইয়াছেন, তাহা নিজে একাই ভোগ করিতেছেন। মোহরের লোভে রাজা চাকলাদার ও তাঁহার একমাত্র পুত্রকে বন্দী করিলেন। তারপর কারকুন নিজেই চাকলাদারীর সনদ লইয়া মাণিকের সম্পত্তি অধিকার করিয়া লইল। বিপন্ন কমলা মাতাকে লইয়া মাতুলালয়ে চলিয়া গেল। সেখানেও কমলার মাতুলের নিকট কারকুন এক পত্র লিখিয়া জানাইল যে, কমলা ব্যভিচারিণী, তাহাকে গৃহে স্থান দিলে তিনি সমাজচ্যুত হইবেন। এই পত্র পাঠ করিয়া কমলা একাকিনী গৃহত্যাগ করিয়া গিয়া এক বৃদ্ধ মইষাল বা মহিষ-পালকের আশ্রয় গ্রহণ করিল। সেখানেই তাহার দিন কাটিতে লাগিল। একদিন রাজার ছেলে মইষালের গৃহে কমলাকে দেখিল, দেখিয়া মুগ্ধ হইল; মইষালকে অনেক অল্পনয় বিনয় করিয়া কমলাকে সঙ্গে লইয়া রাজবাড়ীতে গেল। রাজার ছেলে কমলার পরিচয় জিজ্ঞাসা করিয়া তাহার নিকট নিজের স্নগভীর প্রণয় নিবেদন করিল। কমলা বলিল, ‘সময় মত পরিচয় দিব, এখন নহে।’ প্রত্যহ রাজার ছেলে কমলাকে তাহার পরিচয় জিজ্ঞাসা করে, কমলা তাহাকে অপেক্ষা করিবার জন্ত অল্পরোধ জানায়। একদিন রাজবাড়ীতে পূজার বাজ বাজিতে লাগিল। কমলা জিজ্ঞাসা করিয়া জানিল, নরবলি দিয়া রাজা রক্ষাকালীর পূজা করিবেন—বন্দী পিতাপুত্রকে দেবীর নিকট বলি দেওয়া হইবে। কমলা সকলই বুঝিতে পারিল। রাজার ছেলেকে ডাকিয়া বলিল, ‘আজ আমার পরিচয় দিব, তাহার পূর্বে আমার কথার সাক্ষি-স্বরূপ চিকন গয়লানী, কারকুন, মামা, মাসী, বৃদ্ধ মইষাল ইহাদিগকে রাজ-দরবারে হাজির

কর।' তাহাদিগকে রাজার সম্মুখে হাজির করা হইল, কমলা রাজার সম্মুখে সকল বৃত্তান্ত খুলিয়া বলিল। শুনিয়া রাজা মাণিক চাকলাদার ও তাঁহার পুত্রকে মুক্ত করিয়া দিয়া কারকুনকে দেবীপুতায় বলি দিবার জন্ত আদেশ দিলেন। রাজার ছেলের সঙ্গে কমলার বিবাহ হইল।

মাণিকপীরের গান

পীর বা মুসলমান ফকির দরবেশদিগের অলৌকিক মাহাত্ম্য কীর্তন করিয়া যে সকল গীতি-কাহিনী রচিত হইয়াছিল, মাণিক পীরের গান তাহাদের অগ্রতম। ইহারা কাহিনীমূলক গীতি।

১

আসমানেতে ম্যাঘের খেলা করে সিংহনাদ,
আর দিনের বেলায় সূর্য্য ওঠে রাত্তির বেলায় চাঁদ।
পাহাড়ের প্রকাণ্ড হাতী শিক্‌লি বাঁধা পায়;
আর ঘর জামায়ে শ্বশুরবাড়ী মেগের লাথি খায়।
কত কেরামত জান রে, বান্দা, কত কেরামত জান,
মাঝ দরিয়ায় ফেলে জাল, ডাঙ্গায় বসে টান।
দুদীর ছাওয়াল কার্তিক, রে ভাই, মোরগ চেপে যায়,
আর পুজো পালি বাঁজা বিবির ছাওয়াল করে দেয়।

* * *

ষাড়ের মাথায় শিং দিয়েছে মানুষির মাথায় কেশ
আল্লা আল্লা বল রে, ভাই, পালা করলাম শেষ।

—নদীয়া

২

বেগম, বেগম, বলে মাণিক ছাড়িল জিগির।
কালুঘোষের মা বলে, এলো সত্যপীর।
কালুঘোষের মা আর নন্দঘোষের ঝি,
বলে—সকালে এসেছে ফকির ভিক্ষে দিব কি ?
—চাল কড়ির ফকির নই, মা, চাল কড়ি নিব ;
একটুখানি দুধ পেলে দোয়া করে যাবো।
যার যেমন ভাগ্য, মাগো,—তেমনি করবে দান,
গোয়ালেতে বাড়বে গরু বংশে বাড়বে মান ॥

—২৪ পরগণা

মাঝি গান

সাঁওতালী বুয়ুর নাচের গানকে মাঝি গান বা মাঝি নাচের গানও বলে। মাঝি শব্দের অর্থ এখানে মণ্ডল বা গোষ্ঠীর প্রধান বা নেতৃবল। তাহার গৃহাঙ্গনেই সঙ্গীতের অনুষ্ঠান হয় বলিয়া এই গানকে মাঝি গান বলে। সাঁওতাল-দিগকে সাধারণভাবে মাঝি বলা হয়, তাহা হইতেই সাঁওতালি বুয়ুর গানকে সাধারণভাবে মাঝি গান বলে।

মাণিক্য মিত্রের গান

উত্তর বাংলায় মাণিক্য মিত্রের গান নামে এক পালা গান প্রচলিত আছে। ইহার কাহিনীটি সংক্ষেপে এই—এক রাজপুত্র, নাম হীরাধর। তাহার চারি বন্ধু মিলিয়া বিদেশে যাত্রা করিয়াছেন। এক সরোবরের তীরে আসিয়া তাহারা স্নান ও শৌচাদি করিবার সঙ্কল্প করিলেন। তাহারা তীরে বস্ত্র পরিত্যাগ করিয়া জলে নামিলেন। প্রথমে মদনমন্ডার স্নান শেষ করিয়া তীরে উঠিয়া বস্ত্র পরিলেন, তিনি রাজপুত্রের বস্ত্রের মধ্যে তাঁহার বহুমূল্য মাণিক্যটি দেখিতে পাইয়া তাহা হরণ করিয়া নিজের উক্চি করিয়া তাহার মধ্যে লুকাইয়া রাখিলেন। রাজপুত্র সকলের শেষে স্নান সমাপন করিয়া তীরে উঠিয়া দেখিলেন, তাঁহার মাণিক্য নাই। বন্ধুবিক্ষেদের ভয়ে তিনি চুপ করিয়া রহিলেন। তাঁহার মণিপুর রাজ্যে আসিয়া উপস্থিত হইলেন। মণিপুরের রাজকুমারীর নাম মদনমঞ্জরী। তিনি তীক্ষ্ণ বুদ্ধিমতী। তিনি কৌশলে বন্ধুবিক্ষেদ না ঘটাইয়া হীরাধরের মাণিক্যটি উদ্ধার করিয়া দিলেন। রাজপুত্রের সঙ্গে তাহার এবং রাজপুত্রের আর তিন বন্ধুর সঙ্গে রাজকুমার তিন সখীর বিবাহ হইল।

এই সুদীর্ঘ গীতি কাহিনীর প্রথমাংশটি এইরূপ :

বেহার নগরে নৃপ শ্রীউপেন্দ্রনারায়ণ ।

দানী মানী বিদগ্ধ যুবক পঞ্চানন ॥

দানে কর্ণ হরিশ্চন্দ্র সকলে কহয় ।

পূর্ণচন্দ্র হেন যুদ্ধে চাহন না যায় ॥

ধর্মমন্ত শাস্ত্রমূর্তি সকলে কহয় ।
 বুদ্ধিত ভক্তিত বৃহস্পতি সমলয় ॥
 মন্ত্রী বহুসমে রাজা ধর্মক করিয়া ।
 আনন্দে থাকয় নিজ কীর্তি প্রকাশিয়া ॥ —গোয়ালপাড় ।

মাদার-নামা সান্নী গান

মাদার শাহ্ পীরের মাহাত্ম্য কীর্তন করিয়া এই গান রচিত হইয়াছে—

আল্লা আল্লা বল বান্দা মূশীদন্ত ভাবনা,
 যেখানে আলাজীর নাম সেইখানে বেহুস্ত খানা ।
 আলি আলম্ বাপ গোমত আসিয়া পৌছিল,
 নবীজীকে খবর দিতে বেলালগু চলিল ।
 বড় খুসী হইল নবী পাইয়া সমাচার,
 সেইখানেতে বসেছিল বন্দে সমাদ্দার ।
 মাদার বলে, ওগো নানা, শুন মনেরই যজ্ঞাণা,
 তোমরা যা পড়িবে নামাজ আমি তো যাব না,
 বেগোমোলে নাম নিলে শের কাটা যায়,
 তার সঙ্গে পড়িবে নামাজ সে তা সঙ্গে যায় ।
 চার এয়ারে খাতির করে বড় পীরের তরে,
 গোসাদেলে নাহি বসে বিছানা উপরে ।
 বৃক্ষের উপরে যেমন ঘেরে তরুলতা,
 আজ দেখি মাদার তোমার মোটা মোটা কথা ।
 পরের পোস্ত পুত্র তোরে আনল কে,
 তোর আদি গোঁড়ার খবর মাদার, আমার সঙ্গে লে,
 একদিন আলি সাহাজ জঙ্গলেতে গিয়ে,
 সারাদিন হয়রানেতে জঙ্গলেতে ফিরে ।
 আলি তোকে আনলাম ঘরে করিয়া যতন,
 দিবস কতক ফতেমা তোকে করেছে পালন ।
 এমামকে তুই ভাই বলিস্ কোন ওয়াছ তা,
 ফতেমা জহুরা হয় তোর কোন লক্ষ্মে মা,

মাদারও বলিছে, আমি না করি তয়াস,
 জঙ্গলাদি কেটেছিলে নবীর ঘোড়ার ঘাস ॥
 গোসাদেলে বড় পীর পথে দিচ্ছে মেলা,
 দেখে এলাম এমাম হোসেন পথে করে খেলা,
 ছোট এমাম ডেকে বলে, গুগো বড় ভাই,
 বড় পীরের মুখে আজ সালাম আলায় কুম নাই ।
 আলিয়া কয় দেল মাঝারে ভাবিয়া কয় কথা,
 তোমরা দুটি ভাই নও বুঝি হজরত আলির বেটা ।
 এমাম দুটি ভাই তখন মায়ের কাছে আসে,
 মায়ের মন বুঝিয়া দেখে, মা যারে ভালবাসে ।
 বিছানার উপরে ছিল দুটি এমাম বসে,
 ঘুমের ঘোরে ছিল মাদার মনে মনে হাসে ।
 মাদার বলে, মা, আপন ছেলে কোলে তুলিয়া নাও,
 এতদিন করিলে পালন, এখন দেও বিদাও ।
 ফাতেমা বলিছে, বাবা, বিদায় কেন দিব ।
 কহরে জুলমাতের দিনে খুঁজিলে নাই পাব ।
 আকাশ হবে তামার আকার তামা হবে থাকী,
 এ সংসার ভস্ম হবে না উড়িবে পাখী ।
 বাপজী ওষ্মত আমার আগুনে যাবে জলে,
 ময়দানেতে ফিরিব আমি ওষ্মত ওষ্মত বলে ।
 সেই আগুনে আমার সাথে ফিরিবে মাদার মণি,
 বড় কঠিন দিনের আগুন তখন হইয়া যাইবে পানি ॥
 মাদারও বলিছে মাজান না ভাবিও আপনি,
 সেই কঠিন দিনে আপনার কাছে হাজির হইব আমি ।
 মা বলিছে, বাবা, প্রাণে বাঁচিয়া থাকিও,
 মৃত্যুর সময় পাশে বসিয়া মা বলিয়া ডাকিও ।
 শত্রুর কথা শুনিয়া, মা, অন্তরে না বুঝিলে,
 পরের কথা শুনিয়া, মা, আমায় বিদায় দিলে ।

ভাইয়ে ভাইয়ে মিলিয়া তখন পড়িছে বললাম,
 মা জননীর পায়ে তখন জানাচ্ছে প্রণাম ।
 মাদার তখন ফকির হইয়া চলে ধীরে ধীরে,
 আসন করিল তখন অশ্বথ বৃক্ষের নীড়ে ।
 গঙ্গা দেবী গঙ্গা দেবী ব'লে ডাকে ঘন ঘন,
 হঠাৎ তখন ভাসিয়া উঠিল দেবীর সিংহাসন ।
 তখন গঙ্গা বলে আমি একটি কাজ করিব,
 বেশী রূপে মাদারের মন ছলিতে যাব ।
 রামলক্ষ্মণ দুটি শাঁকা তুলে পরে হাতে,
 বেশীরূপে গঙ্গা তখন চলিল সেই পথে ॥
 মাদার বলে আজ বড় বিপদ ঘটিল,
 বেশীরূপে গঙ্গা কেন মন ছলিতে এল ।
 আড়াই রোজের শিশু হয়ে থাকি বৃক্ষতলে,
 কেমনেতে নিবে গঙ্গা মাদার বলিয়ে,
 পরীক্ষা ক'রে দেখে গঙ্গা আড়াই রোজের ছেলে,
 'এস পুত্র' ব'লে গঙ্গা তুলে নিল কোলে,
 মাদার বলিছে 'মাগো' কি কাজ করিলে,
 আপনার কুলে কালি আপনি যে দিলে,
 কোল হতে নামরে, শিশু, বলছি বারবার,
 এমন আছাড় দেবো তোরে যাবি যমঘর ।
 মাদার বলে যা' বল তা' বল, মা, তুমি,
 বড় শীতল কোল পেয়েছি নামিব না আমি ॥
 গঙ্গার কোলে মাদার দোলে সোনার যাহ্নমণি,
 গঙ্গা মাদার এক হইল বল আশ্রয় ধনি ॥
 খোদার বান্দা নবীর ওষ্মত তোমরা কেন ভোলো,
 আশ্রয় আশ্রয় বল, আমার সারী সাক্ষ হলে ॥

—নদীয়া

মাদল নাচের গান

মাদল সহযোগে সাঁওতালী ঝুমুর গানের অঙ্কন হয় বলিয়া তাহাকে অনেক সময় মাদল নাচের গান বা মাঝি নাচের গানও বলে । (ঝুমুর দেখ)

মালসা গান

শাজীৱ সঙ্গীতের মালতী রাগিণীকে বাংলায় মালসী বলে। অষ্টাদশ শতাব্দীতে রামপ্রসাদ যে এক শ্রেণীর ভক্তিমূলক শ্রামাসঙ্গীত রচনা করিয়াছিলেন, তাহা সাধারণত মালসী রাগিণীতে গাওয়া হয় বলিয়া সাধারণ ভাবে তাহা মালসী গান বলিয়া পরিচিত। মালসী গানে শাজীৱ মালতী রাগিণী ব্যবহৃত হয় না। তাহার সঙ্গে বাংলার লৌকিক রাগরাগিণী মিশ্রিত হইয়া এক নূতন স্বর সৃষ্টি করিয়াছে। তাহাই মালসী বলিয়া পরিচিত। (শ্রামাসঙ্গীত বা ভক্তিসঙ্গীত দেখ)

মারফতী গান

মধ্যযুগের বাংলা সূফী সাধকগণ রচিত এক শ্রেণীর ধর্মীয় বা আধ্যাত্মিক গান মারফতী গান বলিয়া পরিচিত।

১

দিন গেল তোর মিছা বড়াই কর না,
(মন পাগলা রে) গুরু বোঝ না।
অহো রে অবোধ মন, বুঝ গুরুর শ্রীচরণ,
নোকা সাজাইয়া রে কিবা রঙ চাইয়া রে,
নোকা খুলিয়া দেশে চল না (মন পাগলা রে)।
দুনিয়ার সকল ফাঁকি, আর কেন বৈসা থাকি,
দুনিয়াদারী ছাইড়া রে গুরুর নাম লইয়া রে,
মাওলার দেশে এবার চল না (মন পাগলা রে)

—চট্টগ্রাম

২

ভবে আপনা তোর কেহ নাই,
ভাবি চাও রে দুনিয়াতে আপনা কে ভাই।
মা বাপ ত নয় রে আপন জনম দিল সার,
ছেমর বানাই ছাইড়ল যখন দুনিয়া আধার।
ভাই ত আপনা নয় রে একই বিন্দুর কায়,
পরের মাইয়া ঘরে আনি ছাইড়ল ভাইয়ের মায়া।

তিরি ত আপনা নয় রে রথের কামাই খায়,
 কঠোর একটা কথা কইলে রাঁড়ী হৈত চায়।
 ছাবাল ত নয়রে আপন রক্ত দিয়া পুষি।
 মনের কথা বুঝে নারে কারে করি দোষী।
 পাড়া পড়শী নয়রে আপন বাক্য বানায় সার,
 ছেমর দুঃখীরে ধরি করে ছারথার।
 পীর মুরশিদের কথা কিছু বুঝি না রে ভাই,
 বেগানা দুনিয়ার মাঝে কোন দোসর নাই।

—৬

৩

মন আমার চিনির বলদ চিনি বয়, চিনে না চিনি,
 ও! ভুলে কল্লি না একদিন চিনির সাথে চিনা চিনি।
 কার কি কুমস্তনা পেলে, ঘোল খেতে চাও মাখন ফেলে,
 ওহে! বুঝবে মজা নোকরি পেলে,
 (তখন) সার হবেই শুধু কাঁদুনী,
 ওহে! সোনার কমল গেছ ভুলে, মজে আছ শুকনো ফুলে ;
 আবার সোজা পথে কাঁটা দিলে, কি সাহসে বল শুনি।
 ওহে! জমির বলে অবোধ মন, বাঁচবে যদি চিনি চিন,
 কেন কড়ি দিয়ে জহর কিন, আপন হাতে থাও আপনি।

—মৈমনসিং

মাহত বন্ধুর গান

যে প্রেম-সঙ্গীতের নায়ক মাহত বা হস্তীর চালক, তাহাতে মাহত বন্ধুর গান বলে। এই শ্রেণীর গান আসামের গোয়ালপাড়া, উত্তর বাংলার জলপাইগুড়ি এবং পূর্ব বাংলার চট্টগ্রাম অঞ্চলে শুনিতে পাওয়া যায়।

১

হস্তী কত্তা হস্তা কত্তা বামুনের নারী
 মাথায় নিয়া তাম কলসী ও সখি হাতে সোনার ঝারি ও
 ও মোর হস্তী কত্তা খানিক দয়া নাই মাহতক লাগিয়া রে।

পাতিরা করিয়া হস্তী বায়েয়া দিলং পাও,
 মাথার উপর কাল জেঠি, সখি, করে পঞ্চ রাও ।
 ফাঁদ লাদিলং ফারা লাদিলাম লাদিলাম ভাতের হাড়ী,
 মাহত ফান্দী যুক্তি করিয়া ও গেইলাম শিকার বাড়ী ।
 আইও ছাড়িলাম ভাইও ছাড়িলাম ছাড়িলাম সোনার পুরী,
 বিয়াও করিয়া ছাড়িয়া আসিলামও অল্প বয়সের নারী ।
 বালু টিল টিল পঙ্খী কান্দে বালুতে পড়িয়া,
 কোচবেহারীয়া মাহত কান্দে, ও সখি, ঘর বাড়ী ছাড়িয়া ।
 আগারি পিছারি হস্তীর ফেলাইলাম বান্ধিয়া ।
 হরিনাম নিয়া সখি বসিলাম ভিড়িয়া ॥ —কোচবিহার

মিলন গান

রাধাকৃষ্ণের মিলন বিষয়ক গানকে মিলন গান বলা হয়—

১

সুন্দরী রাধিকার সনে মিলিল কানাই গো,
 সুন্দর সুন্দর কথা কইয়া ॥
 ময়ূর বলে, ও ময়ূরী, আয় ত্রায় করিয়া
 আমরা দোহা জনে নৃত্য করবো পেখম ধরিয়া গো ॥
 শুক বলে, ও সারী, আয় ত্রায় করিয়া
 আমরা দোহা জনে গান করিব ঘুরিয়া ঘুরিয়া গো,
 সুন্দর সুন্দর কথা কইয়া ॥ —নদীয়া

মুকুট রায়ের পালাগান

কলিকাতা বিশ্ববিদ্যালয় হইতে প্রকাশিত ‘পূর্ববঙ্গ গীতিকা’র ৪র্থ খণ্ড, ২য় সংখ্যায় ‘মুকুট রায়’ নামক একটি পালা গান সংগৃহীত হইয়াছে (পৃ: ১৩৩—১৫৪)। দক্ষিণ মলুকের রাজা মুকুট রায়ের বৃত্তান্ত অবলম্বন করিয়া ইহা রচিত। ইহার একটু নিদর্শন নিম্নে উদ্ধৃত হইল।

১

শিশুই রাজা আছিল, ভাইরে, ও ভাই, দক্ষিণ মলুকে ঘর,
 হাইকো হাজারী পাইকো পাছারী পুরাঙ্কর ॥

লোকলস্কর, আরে ভাই, খেজমতকার না যায় গণন ।

হাতী ঘোড়া লাখ বিলাখ গুণ সভাজন ॥

২

আরে ভাইরে—

সাত জঙ্গল তের নদী দ্রবন্ত হাওররে ।

পার হইয়া যায় কুমার নেয়াজা সহরে ॥

নেয়াজা হইয়া পার রে পূর্বমুখী চলে ।

বেইল ভাটি দখিল হইল বেহরা জঙ্গলে ॥

ভাইরে ভাই—

মুখের বরণ কন্ঠার সোনা চাম্পা কলি ।

দুই হস্ত তুলছে কন্ঠার বেলাইনাত বেলি ॥

পিঠেতে বাহিয়া পড়ে উদাম দীঘল চুল ।

দুইত কন্ঠেতে শোভে ধামনার ফুল ॥

মুর্শীছা গান

মুর্শীদ শব্দের অর্থ গুরু । মুসলমান পীর ফকিরদিগের গান সাধারণভাবে মুর্শীছা গান বলিয়া উল্লেখিত হয় । হিন্দু সমাজের এই জ্ঞেয় গান গুরুবাদী সঙ্গীত (পূর্বে দেখ) বলিয়া উল্লেখিত হয় । মুর্শীছা গানের ধারা মধ্যযুগের বাংলার সূফী সাধকগণই প্রবর্তন করেন । ইহা বাংলার সূফী সাধকদিগের গান বলিয়াও পরিচিত ।

১

ও আনল ধীক ধীক ধীক ধীক জলে রে,

আমার মনের আনল নেভে না ।

আজ আনল কি দিলে জুড়াবে রে,

আজ আনল কে দিল জালায়া রে,

আমার মনের আনল নিভে না ।

মনের আনল তনে জানে আর জানিবেন কে,

আর জানিবেন সাহেব আল্লা পয়দা করছেন যে রে ।

আমার মনের আনল নেভে না ।

১৬৮১

বনের হরিণে বলে আমি কার বা ধার ধারি,
আপনার রক্তে মাংসে জগৎ করলাম বৈরী রে,
আমার মনের আনল নেভে না ।

পানী কাউড় উইঠ্যা বলে, আমরা নিতুই নিতুই নাই,
মনের গৈরবে আমরা কাল হয়। যাই রে,

আমার মনের আনল নেভে না ।

—ফরিদপুর

২

পাগল মন আমার রে—

তোর মুখেতে আঁলার নাম ক্যান শুনি না ।

নিমিই ঝিমিই দুই গাছ পশ্চ তরুতলা দিয়া,
যমরাজা পাইয়াছে ক্ষান বুঝি মরবার লাগিয়া ।

সাইল স্নয়া ছুড়ী পাখী গহীন নদীত চরে,
শ্রাও গহীন শুকায়। গেলে শুনিং উড়াল ছাড়ে ।

ধবল বরণ কবুতর চিরল বরণ আঁখি,
তুই আমারে ছাইড়া যাবি দিয়া মিছা ফাঁকি ।

—ঐ

৩

কঠিন বন্ধে দেখা না দেয় মোরে ॥

বন্ধ যদি আপন হৈত—তারে নাগাল পাইতাম,
কইলজ্যা ছিঁড়্যা ছুভাগ কর্যা বন্ধেরে দেখাইতাম গো ॥

পিরীতি পিরীতি সবে বলে, রাইয়া গো, হৃদ না দানে কেউ,
ও মোর দেহার মাইঝে জলছে রে আনল, রাই,

আমি কারে বা দেখাই গো ॥

শুইলে স্বপনে দেখি, রাইয়া গো, জাগলে পরে নাই,
ভাগ্যের গুণে পাইয়াছিলাম, রাই,

আমি হারাইলাম জাগিয়া গো ॥

—ঐ

৪

কতকাল রাখিব রে বাড়ুই নৌকা ডুবিল রে ॥

আগা ডুবলো পাছা ডুবলো ডুবলো নায়ের গোড়া,
ডুবিতে ডুবিতে ডুবলো মাঙ্গলের চুড়া ॥

গুরু যায় নায়ে নায়ে রে, শিশু যায় রে তরে,
হঁশ করিয়া বাইও নৌকা, ভাইরে, নাওনি ডুবে চাইও ॥
গুরুর বাড়ীর ফুল বাগিচা রে, শিশুর বাড়ীর কালি,
ভালা কর্যা দিও মন্ত্র যুগে যুগে তরি ॥

—এ

৫

মন, তোর নাও ডুবলো রে রাখিতে না পারি, নাও বাইও ॥
উজান থাক্যা নৌকা ভর্যা ভাট্যাল বায়্যা যায়,
দশে বিশে থিঁচে গুণ নাও ভিড়ান না যায় ॥
নৌকা হৈল লোনা জড়া, বাইনে ধরলো পানি,
গুনায় তুলিয়া নাও কর্যা লও গাব গাইনী ॥
পাঁচ ভাই কাণ্ডারীর হাতে নাও খান রৈল বাজা,
পাঁচ ভাই যাইব পাঁচ পক্ষে নাওখান যাইব ভাঙ্গা ॥
রঙ্গের নাও রঙ্গের বৈঠা রঙ্গে রসে বাইও,
চোঁকিদারে ডাক দিলে সদর ঘাটে যাইও ॥

—এ

৬

ওরে, নাও বাইও রে ভাই, বাইও রে আ-কাঠর নাও,
সুজন কামেলার দিক চাইও ॥
আকাঠার নাও খানি সমান টানে বাইও,
উজান পানি বন্ধ কর্যা ভাট্যাল পানি বাইও ॥
নৌকাতে থাকিয়া চোরা নৌকা চুরি করে,
মাঙ্গলে উঠিয়া চোরা চতুর্পানে ঘুরে ও ॥
দুবুরের রশি দিয়া বাজ্যা রাখ্য তারে ;
সুজন কমেলা হৈলে বাজ্যা রাখত পারে ও ॥

—এ

যদিও মুর্শীদা গানে সর্বদাই রূপক ব্যবহৃত হয়, তথাপি নিম্নোক্ত গানটি
সাধারণ প্রেম-সঙ্গীত বলিয়া মনে হয়—

৭

কোন্ দিন ছাড়িবে নাও, কোন্ দিন খুলিবে নাও,
অভাগি যে শুনি, ও রজিলা নায়ের মাঝি !!

ও মাঝিরে, আমার দেশে থাক রে মাঝি, ধর্ম্যে দেওরে মন,
 আমার দেশে থাক্যা মাঝি রক্তের ব্যাপার করো ॥
 ও মাঝিরে, বাড়ীর কাছে পুষ্করিণী, শানের বাজ্যাল ঘাটখানি,
 হস্তি ঘোড়া না খায় ঘাটের জল ও কলসী না হয় তল,
 সেই ঘাটের জল খাইয়া রে মাঝি, নায়ের মাল্লা দাঁড়ী হৈল পাগল ॥

—ঐ

৮

আমার দীনবন্ধু এক সিন্দুক গইড়ো দিয়েছেন ভবে পাঠাইয়ে,
 দুই পায়ারি চলে সিন্দুক, ওরে মন, দিনের দিন ভাসে ।
 সিন্দুকেতে সোনার মাছুষ বন্ধ করা আছে ॥
 সিন্দুকেতে চার চিজে হয় চাবির কটা তৈয়েরি ;
 হায়াত, মোত, রেজাক, দৌলত, ওরে মন, সকল হাত তাইরি ।
 একজন তার আছে বিশ্বাসী তারি হাতে চাবি ॥

যেদিন হুকুম হইবে শুনি,

সেদিন সিন্দুক লয়ে করবে টানাটানি ।
 পলকে শুকিয়ে যাবে সাত দরিয়্যার পানি ।
 সিন্দুকেতে সোনার মাছুষ কাইন্দো হ'বে অনার দিনে ;
 সোনার মাছুষ চইল্যে যাবে
 সিন্দুক তোমার পইড়ো রবে ।
 থাকের সিন্দুক থাকে হবে মাটি ।

—ঐ

‘হায়াত’ শব্দের অর্থ আয়ু, ‘মোত’ মৃত্যু, ‘রেজাক’ খাওয়া পরা এবং
 ‘অনার’ শব্দের অর্থ অনাথ ।

৯

মইলাম তোর পিরীতির আশায়, শ্রাম কালিয়া ও ॥
 ও শ্রাম কালিয়া ও, কালা কালা বলি যারে,
 সে থাকে গোয়ালার ঘরে,
 সে কি জানে পিরীতির বেদনা—বান্ধরে নিয়া এত প্রেম জালাও ॥
 ও শ্রাম কালিয়া ও, অধীন শেখ ভাছু শা বলে,
 ঠেক্যা রইলাম মায়াজালে আমি বাহির হইবার রাস্তা নাহি পাই ও ॥

ও শ্রাম কালিয়াও, তোমারি যে প্রেম-সায়রে আমারে ভাসাইলা,
আমি সঁতারিয়া না পাইলাম কূল কিনারা ও ॥ —ঐ

১০

অ মন পাগলায়ে ! হৃদমে গুরুর নাম লইও ।
হৃদমে গুরুর নাম মুরসিদ বলা ডাক্য, মন পাগলায়ে,
হৃদমে গুরুর নাম লইও !
আসমানে চাইয়া থাকরে, মন, আছে কয় তারা,
অকূল সায়রের মধ্যে বয় কত ধারা ;
অ মন পাগল রে ! হৃদমে গুরুর নাম লইও !
আসমানে গাছের জড়োরে, জমিনে তার ডাল,
এক ডালে বরুমা বিষ্ণু, আরেক ডালে কাল ।
অ মন পাগেলা রে ! হৃদমে গুরুর নাম লইও ! —মৈমনসিং

১১

মুর্শিদ বিনোদিয়া, তনের মাঝে মনের মন্দির আমারে দেখাও নিয়া ।
মাটি দিলে হয় (ওরে) মাটি, আগুন দিলে ছাই,
শিয়ালে শকুনে ঘুণায় না ছোঁয় (রে),
এ তনের এত বড়াই ।
(মুর্শিদ বিনোদিয়া) কেমন কামেলায়, বানাইছে ঘর (ও),
রগে রগে খিচুনী ।
বিনা ছনে তৈয়ারী ঘর আল্লার ছাউনী । —ঐ

১২

বইলা দে, বইলা দে মোরে গো, কি করিমু বন্ধেরে পাইলে ॥
মনে অহুভব করি গো বস্তা নিরালে—
জুড়ায় না তাপিত অঙ্গ, অঙ্গ পরশিলে, পরশিলে গো ॥
বিনা কাষ্ঠে জলচে আনল গো, নিবে না জল দিলে,
আবার সঙ্গুণে রঙ্গ বাড়ে, বারণ হয় কি দিলে কি দিলে গো ॥
দীন হীনে বলে বন্ধু ও, তোরে রাখিমু কোন্ ছলে—
জুড়ায় না তাপিত হৃদয় রূপ নেহারিলে, নেহারিলে গো ॥ —ঐ

১৩

ওরে, পন্থ পানে চাইয়া গো রইলাম মনের বিলাসে গো ।
 দেখি বন্ধে আসে কি না আসে ॥
 সখি গো, আইত যদি প্রাণের বন্ধু, ধরিতাম চরণে,
 কহিতাম মনেরই কথা পুরাইতাম বাসনা ॥
 সখি গো, কালার ভাবে যে মইজাচে সে কি গো বাঁচে প্রাণে,
 বিষে অঙ্গ জর জর, সই, বুকে না মানে ॥ —ফরিদপুর

১৪

আরে, মন ভাইয়া !
 মিছা গৈরব কৈর না রে পরের ধন লইয়া ॥
 আবাল কাল গেল হাসিতে খেলিতে যৌবন কাল গেল হেলায় ।
 বুদ্ধ না কাল গেল ভাবিতে চিন্তিতে, মুর্শিদ ভজিবে কোন কালে ॥
 কেশ না পাক্যাছে, দস্ত না পৈড়াছে, যৌবনে দিয়াছে ভাটি ।
 দিনে না দিনে খসিয়া পড়িল, রঞ্জিল দেওয়ালের মাটি ॥
 মনা যে ছাড়িবে তনা যে পড়িবে, নিশ্চয় জানিও খাটি ।
 থাকের তছু থাকে যে মিশিবে থাক হইবে বিছানা পাটি ॥ —মৈমনসিং

১৫

মুর্শিদ, তোমা বিনা কে আছে, মনের বেদনা কই তোমার কাছে,
 নিগূঢ় তত্ত্ব পাব বলে থেপা মন আমার ক্লেপেছে ।
 একটি কথা হৃদিসে শুনি হাফাৎ নেফাৎ দুই চিজ হয় জগৎ রয়ণে ।
 ইহার হাফাৎ বিনে নবীর জিনে কয়টি সন্তান হয়েছে ।
 একটি কথা রাখি দাবি এহি দিন কি ছিল নবী সে যে কেতাবে আছে,
 সেই সন্তানটি কার ঘরেতে হয়,
 অহুমান শুনব না, মুর্শিদ, দেখাও বর্তমান,
 ইহার পিতার নামটি বলব খাটি কার বেটি কোথায় আছে,
 সে যে বলি মারে কোন্ সহরে কি হয়েছে,
 কয় চিজ হয় ছুনিয়ার গঠন,
 অহুমান শুনব না গো, মুর্শিদ, দেখাও বর্তমান । —রাজসাহী

১৬

আমার মনের মানুষ না হইলে দিলের ভাব স্থধাব কারে রে ,

মনের ভাব স্থধাব কারে ॥

দুনিয়ার মাঝে সকল দেখি গইড়েছেন যে খোদারে ।

কোন চাইর চিঞ্জ করে না খোদা দুনিয়াতে পয়দারে ।

বিসমিল্লা কালমার গোড়া কোরাণের মাথারে ॥

তার আগে কোন কালমা জাইন সাধুর কাছে রে ।

সাত দিনের নামটি শুনি সকলে তা জানে রে ।

সাত রাতের কি বানান শুইন সাধুর কাছে রে ॥

ব্যোমধান বলে কালা চান্দে, মৈলে কেবা বাঁচেরে ।

কেবা মরে কেবা বাঁচে কে যায় গোরের নীচেরে ॥ —মৈমনসিং

১৭

আমি যা ভাবিলাম তা ও না হইল, আমার বিফলে দিন গেল ।

আজ আমার উপায় কি তাই বল ।

দেখি তোমার পৈতা গলে,

তাজ মাথায় তসবি হাতে কোন জাতের ছেলে ।

তোমার কোন দিকে হিন্দু কোন দিকে যবন কোন তরফে চল ।

আজ আমার উপায় কি তাই বল ॥

যবে তোমার পিতা মল,

গোর দিলে কি দাওন দিলে সেই কথা বল ।

আমি যা ভাবিলাম তাও না হইল আমার বিফলে দিন গেল ॥ —ঐ

১৮

আগুন পানি মাটির হাওয়া কোন জায়গায় ছিল ।

তারে কে আনিল কে ঘটাইল, ও মন, তাই বল, তাই বল ।

জিদ্দার থিকা মাটি নিল হুরিন্দি যাইয়ে মুখুস হইল ।

সেই মুখুনে ছানা হইল, ও মন, বল তাই বল ॥

আগুন পানি মাটির হাওয়া কোন জায়গা ছিল ॥

আজ কাইল মাটি আনে সেই মাটিতে মানুষ গড়ে ।

সেই মাটিতে তুমি হইলে, সেই মাটিতে আমি হইলাম রে ॥ —ঐ

আশ্চর্য এক কার্য দেহিতে প্রাণ বাঁচে না,
 ঐ এক ঘর বাইন্দাচে নিরঞ্জন—
 মুক্তি কর্তা মুক্তারণ করণ তারে বুঝতে পারলাম না।
 এমন চতুর্থ পিরথিবির মধ্যে এমন মস্ত ঘর আর হবে না।
 তোরে বইলবো কি আর বইলবো কি আর ধন্য ঘরের আট কোণ।
 এক ঘরেতে চার জিলা বার আনা,
 সে ঘরের মধ্যে কি তার উদ্দিশ হইল না।
 ভাইরে, উল্লি আমদ রোজ ঘরেতে হচ্ছে প্রলয়,
 ঘরের দক্ষিণেতে সরোবর গিরিবর পূর্ব অংশে নবিদ্বি উদয়।
 ঘরের পশ্চিম অংশে খোশ মহলে এক মহাশয়,
 ঘরের মধ্যে চব্বিশ চন্দ্র নিত্য চন্দ্রের উদয় হয়।

তথা ঘরের মধ্যে অঙ্ককার হয়।

এ ঘরের উদ্দিশ করা সাধ্য কি আমার,
 ঘরের মধ্যে ব্যক্তি বহু জন অয় অন;
 কত ফকির বোষ্টম এসে করে ঘরের অন্বেষণ।
 ও ঘর হেলে দুলে শৃঙ্খের পরে হাওয়া ভরে,
 ও ভাই, ভাইবুতাহ ইন্দু বিশ্বাস, ঘর দেখিয়া নাই বিশ্বাস,
 অবিশ্বাস কেবলই বল রে।

আমি ভাবি রে তাই ভরসা নাই কোন দিন,
 যেন এ ঘর ভেইঙ্গে পড়ে, জিলার আমলা
 পালারে সব জিলা ছাইড়ে,
 সাধের ঘর ভেইঙ্গে যাবে মাঝরাতে পহরে।
 ঝড় আসিবে যেই দিন প্যালা দিবে সেই দিনে,
 প্যালাতে ঘর খাড়া রবে না।
 ইন্দু বিশ্বাস বলে, সেই না ঘরের আজু বাজু কারখানা।
 এ ঘরেতে চার জিলা আর বার আনা,
 সে ঘরের মধ্যে কি তার উদ্দিশ হইল না॥

২০

এই ঝিল্ ঝিল্ ঝিল্ ঝিল্ করে রে নাও,
সেই না বাতাসে, রে দয়াল, আমি রইলাম তোর আশায় ॥
নায়ের আগা দিয়া উঠে জলরে পাছা দিয়া যায়,
আমি ভরলাম রতনের ভরা শ্রোতে লইয়া যায়,
ও দয়াল, রইলাম তোর আশায় ॥

এই নাছর দরিয়ার মধ্যে কিসের বাজ হয়,
ওই আমার দেহ ছাইড়ে প্রাণ পালাবে সেই না বাজ হয় ।
ওরে দয়াল, রইলাম তোর আশায় ॥ —ঐ

২১

এবার গুণ ছাড়িয়ে বাদাম তোল, ওরে মন-মাঝি ।
তুমি কিসের গোরব কর ভাসনা তরী ভাসাইয়ে,
নোনা গাঙ্গের তুফান ভারি, ওরে আমার মন ব্যাপারী,
দেখনা ত'র সাধের তরী নোনাতে গেল খাইয়ে,
একে ত'র ভাসনা তরী মানে না রে জল,
তুই যে মদ খাইয়ে মদে মইজে হইলিরে মদ হারা,
মানবতরী এই না ছিলি, গরল কি না বোঝাই দিলি,
দেখনা তোর সাধের তরী বাইন্ হইল জরা-জরা ।
এবার বিষধরা তুফান তরী যাই কবে মন,
খুব সামাল তুফান দেইথে হয় ।
আতঙ্ক তরে আমার মন মাতঙ্গ
আজ বুঝি ত্রিপর্ণির ঘাটে করবিরে তুই রসাতল ॥ —ঐ

২২

ওরে মন, বিধি মোতের আর আছে কতক দিন ।
ভাই বল বন্ধু বলরে কেউ তো কারু নয় ।
ম'লে তো সঙ্ক নাইরে বাড়ীর বাহির করবা নাই ॥
মুর্শিদ বল তোমরা রে, মুর্শিদ কেমন জনা ।
দেহের মধ্যে আছে মুর্শিদ হারে ঐনে কাঁচা সোনা, রে মন ॥

আশা কইরে আইলাম আমি রে মুশিদ জনার বাড়ী,
সে ও মুশিদ পালাইয়া গেল

আমার পাতক দেইখা ভারি, রে মন ॥

আর এক কথা শুইনে আইলাম রে ত্রিপণি নদীর ঘাটে,
ওরে মরা মাহুষ আহার করে জ্যান্ত মানুষের প্যাটে,
রে মন, রে মন ॥

—ঐ

২৩

ওরে মন, দুই নায়ের বড়াই মিছারে বসতি ।
আমি যার সাথে আইলাম গো ভবে তার সাথে নাই পিরীতি ॥
আমি যার সাথে আইলাম গো ভবে,
সে বনে গেল কোন পথে ওরে মন ।

আমার ডান চক্ষে নি কইতে গো পারে,
বাম চক্ষের ওই কাহিনী ॥

—ঐ

২৪

নিম্নোক্ত গান দুইটিতে লালন ফকিরের ভণিতা পাওয়া যাইতেছে—

কে কথা কয় রে দেখা দেয় না ।

হাতের কাছে নড়ে চড়ে, খুঁজলে যেমন ভোর মেলে না ॥

খুঁজি তারে আসমান জমি, আমারে না চিনি আমি ।

সে বড় ভেমির ভেমি সেই কোন জনারে ।

কে কথা কয় রে দেখা দেয় না ॥

হাতের কাছে হয় না খবর, খুঁজি যারে দিল্লী সহর,

ফকির লালন কয়, ওরে সিরাজ, মিছা মনের ঘোর গেল না ।

কে কথা কয়রে দেখা দেয় না ॥

—ঐ

২৫

কারে শুধাবরে নরম কথায় কে বুঝবে আমায় । ৳ ॥

একদিন সাঁই নিরাকারে ভেসেছিল ডিম্বভরে ।

কি রূপ ছিল তাহার মাঝে কি রূপ শয়্য হয় ॥ ৳ ॥

একদিন শায়ী শর হানে বরকেতে মা বইলে ।

—ঐ

কহানে মার কড়ি নাই কি পাই সেখানে ।

ফকির লালন বলে তাই ॥ ২৬ ॥

—এ

২৬

কোন দিন খুলি বা নৌকা তা যেন আমি জানিবে,

বাংলা নায়ের মাঝি ।

আগের নাইয়া পাছের নাইয়া মধোর নাইয়া ভাই,

ঐ যে তরন্তে ফালাইও বৈঠা কিনারে যেন পাই ।

ওরে বাংলা নায়ের মাঝি ।

মন হল পোয়ারে, ভাই, পবন হল জিন,

কোন জানি রসিকের গোড়া দাঁড় বায় রাত্রদিন ।

ওরে, বাংলা নায়ের মাঝি ॥

—এ

২৭

দিন গেলরে, খোদা বান্দা, হাতে বৈসে, ভাই রে, কর কি ।

কখন জানি আসবে গো শমন লয়ে সদরের চিঠি ॥

ষে দিন আসবে শমন বাঙ্কবে কইসে ।

হাতে দুই হস্ত দিয়ে প্রেম ডুরী

ছাইড়ে যাবে, দয়াল গো, বাপ মাও কিসের আমার ঘরবাড়ী ॥

আইয়াল ঘর মা বাপের মস্তকে হাড়ে দেয় মা ঘর ।

মায়ের উদরে, তিন ঘরে করিয়ে আরেক ঘর থাকেরে নীচে ॥ —এ

২৮

দেখ, ঘর দীনবন্ধু বাইন্দাছে কি ভাবেতে,

দেখছি যেমন নাটমন্দির ঘর মন্দির যোগেতে ।

আরে অষ্টদশ বিনস্বতি কল্পে হেলে হলে ভবেতে,

খাড়া শূন্তেতে ঘর পবন বেগেতে ।

আছে চার চার বিনে স্মৃতি হৃদয়, দশত রিপূর ভাগেতে,

পাইবা তো সরো চৌদ্দ পোয়ার আগেতে ।

ও তাই বলে ইন্দু জরা বিন্দু অঙ্ক সে আট পোহালে,

অঙ্ক বঙ্ক ইন্দু বিশ্বাস তাই বলে ।

আছে আট গজানের অগ্নি হাকিম তারই মইধ্যে এরা সকলে চলে ।

চব্বিশ কাছারি এই ঘরেতে মিলে, ও সে অন্ধ নয়রে ধন্ধ বাট ।
বলার শক্তি হবে কার; ধগ্ধ ধগ্ধ ঘরের প্রবীণ কর্মকার ॥ —ঐ

২৯

দেল দরিয়ায় সোনার মানুষ তারে চিনিয়া ধরবে মন,
তারে চিনিয়া ধর ।

জানিস নাকি বায় যমুনা মধ্যে বালুর চর ।
সেই চর যদি পার হইতে চাও ঘাট-মাঝি ঠিক কর ।
ঘাট-মাঝি উঠিয়া বলে,

আমি টাকা নেই না কার, পয়সা নেই না কার,
দুই দাঁড় যদি বাইতে পার নৌকায় আইসা চড় ।
আছে দিল দরিয়ায় সোনা মানুষ তার কিনারা ধর ।
ও সমান চাঁদ ফকির বলে, কথা বিচার করিয়া দেখ
হাওয়ার সনে মিলন হইয়ে আইসা কর ॥ —ঐ

৩০

দীন হীন কাঙ্গাল ডাকে, এস মুর্শিদ এ সময় ।
একদিনে সই হবে কাজি দলিলে তাই শুনতে পাই ।
জমার মেদী খাজনা গুলীল হিসেব নিকেশ মালিক সই,
এস, মুর্শিদ, এ সময় ।
ফেরেন্ডা ডাকছে সবাই হাজারের ময়দানে যাই ।
সেয়ে নিক্তি ভাবে আছে কাঁটা ওজন হবে সেই পাল্লায় ।
এস, মুর্শিদ, এ সময় ।
হারাণ বলে, শোনরে স্বরূপ ঠেকিলাম নিকাশের দায় ।
এস, মুর্শিদ, এ সময় ॥ —ঐ

৩১

বাওহা ঘর ভেবের পরে, বাঙ্কছে কোন কারিগরে,
রাত্র দিন তালাশ কইরে পেলাম না তারে ।
বাওহা কি হেগমতে ঘর বেইঙ্কছ তেরকুয়া
ঘাট গির, ভাই, ধারক নাই তার,

গড়ছে দুই পাইরের পরে, দুই খুঁটি সাধের ঘরে,
 দেয় নাই তার ঠেকনা ছাড়া ভান্ধবো বইলে আমার ভয় করে ।
 সে ঘরের মইধ্যে চারজন ফকির
 তারা থাইকে থাইকে ভরে জিগির,
 তাই শুনে বিধই না জহির বন্ধ নাইগাছে
 আমি বলি দশের কাছে ।
 দশ দশ দরজা ঘরের মুরশিদ ভাই বলবে মোরে ।
 আজকে এক তাম্শা দেখলাম আশুন ভাসে পানির পরে ॥ —ঐ

৩২

মন, কেবল পাগলামি তোমার ।
 যত ভাব আমার আমার সকলই সরকারী থামার ।
 আমার মাতা, আমার পিতা
 আমার জায়া, আমার স্ত্রী,
 চোখ বুজলে কে থাকবে কোথা কবরটি তোর হবে রে সার ॥
 এই যে দেহ চতুর্ভূতে মাটির নিচে দিবে পুঁতে
 চিহ্ন কিছু থাকবে না আর ।
 সময় থাকতে তারে ডাক,
 ভবপারে যেতে হলে যার চরণ-তরী হবে রে সার ॥ --ঐ

৩৩

মন, ভুলনা রে, ছার ভবের মায়া ।
 উড়িয়ে যাবে সোনাপাখী পড়িয়া থাকবে কায় ।
 রাম নামের ঘরখানি কৃষ্ণ নামের বেড়া,
 হরিনামের দুয়ার খুলিয়া দেখ বন্ধে বন্ধে জোড়া ।
 ঘরখানি ভাঙা চুরা দুয়ার কেন বান্ধ,
 আপনি মরিয়া যাবে পরের তরে কান্দ ।
 মন, ভুল না রে ।
 যার লাগি করি গো চুরি সেই ডাকে চোরা,
 চাকরী কইরা দরমা পাই না নশিব আমার বুড়া ॥ —ঐ

৩৪

মন পাগলারে, হরদম আল্লাজীর নাম লইও । ৫৭ ॥
 লইও রে মুরশিদে নাম, ঠাকুর বলে ডাক মনা ।
 আসমানে চাইয়া দেখরে, মন রে, আছে দুই তারা ।
 ভাব কইরে দেখ্ ভাবের ভাবে বয় কোন ধারা ॥
 আসমানে গাছের গুঁড়িরে, জমিনে তার ডাল ।
 এক ডালে ব্রহ্মা বিষ্ণু আর এক ডালে কাল ॥ ৫৮ ॥
 এই রাজ্যে ভ্রমিয়া দেখরে আছে এক নারী ।
 যখন আছিলে মায়ের উদরে কোন শিয়রে, মন পাগলারে ॥
 ভুখ নাগি রে খাইছে কোন বা বৃক্ষের ফল,
 তিয়াস লাগলে খাইছে কোন নদীর জল, মন পাগলারে ॥ —ঐ

৩৫

মোমিন চান্দ, মুখেতে বল আল্লার নাম ।
 আমার আল্লা আছে মেহেরবান,
 তিনিই নাম ধরে ডাকি মালেক ছোবাহান ॥
 আমার করিম রহিম কুদরতের ধনি,
 আমার মুরশিদে নাম মুখে শুনি ।
 আর এক নাম তার ছেব কাদের শুনি,
 আল্লা নবীর দুইটি নাম ভাই পুরাণ হয় না কি জানি ।
 তাই বসিয়ে ভাবি রাজদিন, উহার নামের গুণে,
 পাষণ মুক্তি সে কথা কোরাণে শুনি ।
 আর এক কথা শুনিছি কোরাণে, রোজহাসরের ময়দানে,
 লোক যদি বুঝবে রোজনে, ও সে রোজানামা দয়াধর্ম,
 সাক্ষী দিবে চারজনে ।

তুমি আসান পাবা কেয়ামত দিনে ।
 ওষে করতে নেকি পাবে ভেষ্ট বান্দিক দিবে দোজকে ॥ —ঐ

৩৬

মুরশিদ আমার বানিয়া রে ।
 মুরশিদ আমার বানিয়া দিয়াছে দোকান রে ॥

এই বিনা পাল্লায় বিনে দাঁড়িয়ে করছে বেচা কেনারে ।

মাও মরিলে মাও পাব বেটি আছে ঘরে ।

আমার গুণের ভাই দশরা মইলে ভাই বলিব কারে ।

ওরে, ভাই বলিব কারে ॥

এই মরিলে, খোদার গো বান্দা, খবর যাবে দূর,

দূর থাইকা কাইন্দা আসবে আইবো ইষ্টি আর কুটুম ।

মুর্শিদ আমার বানিয়া রে ॥

ইষ্টি আইল কুটুম আইল আর আইল পর,

মরিলে সখন্ধ নাই কো ঘরের বাহির করে রে ।

মুর্শিদ আমার বানিয়ারে ॥

—এ

৩৭

যদি এই তরগীরে জাগে,

মুর্শিদা তোমার নামের গুণে রবে ।

যার সঙ্গে আইলাম রে ভবে

মুর্শিদ, তারে খাইল বনের বাঘে ॥

বাকি নোকায় বাদাম রে টানি

আমি ক্যামনে যামূরে সে পারে ॥

নোকাকানা উটুরে ডুবো,

আমি মাঝি পইলরে বিপাকে ।

দোড়াদোড়ি পাইড়ে গো আইলাম

আমি পার হইবার আশে ।

নাও আছে কাগুরা নাইরে,

মুর্শিদ, আমার আপন কর্মদোষে ॥

—এ

৫৮

যে দিন মাঝ দরিয়ায় তুফান হবে ।

যে দিন দিল দরিয়ায় তুফান হবে ॥

যে দিন হাল ছাড়িয়ে মাঝি পালাবে রে মাঝি পালাবে ।

মায়ে কাঁদবে যাবৎ জীবন

বাপে কাঁদবে, আর কেউ কাঁদবে না,

ও মন, আর জউল্যা থাকি বলে সোনার ওরে যাহুমণি ।

আও মোর কোলে কোলে ॥

—ঐ

৩২

শুন ভাই এক তরীর কথা, বিনে লোহার তক্তায় গাঁথা,

বিধি কইরাছে কি কাজ ।

সে তরী পানি থুয়ে ডাঙ্গায় চলে রে,

কি কলে খাটাইছে বাদাম ।

সে তরীর যে দিক্ চালায় সেই দিক্ চলে রে,

হাইল ধরেছে মণিরাম সেই তরীতে,

(আর) বজ্রিশ ওড়ো সারি সারি ইমান উল্যা তরীর ব্যাপারী,

বেটার কুয়ারী ভারি ।

সে যে দাঁড়ী মাল্লা শাসন রাইথে নিজের বস্তু করলো চুরি,

আমি মহির হচ্চি বেকুব এখন উপায় কি করি,

এখন খুব হ'শিয়ারি ॥

সাড়ে তিন হাত তরী গইড়ে,

দিয়াছে ভব-সংসারে, তরী চলে দুই দাঁড়ে ;

সে তরী যে দিক্ চালায় সেই দিক্ চলে রে, দীনবন্ধু ছুতারে ।

সে তরী যে দিক্ চালায় সেই দিক্ চলে রে,

হাল ধরিবে মণিরাম সেই তরীতে ।

—ঐ

৪০

সাধের তরী কোন মিস্ত্রি গড়াইয়া দিছেন ভবের পর ।

মুর্শিদে কয়, গড়ছেন তরী দীননাথ ছুতার ॥

তরীর আড়ে পাশে সমান সমান গড়াইয়া দিবে ভবের পর ।

আছে স্বর্গ মঞ্চ পাতলাদি আছে সে তরীর ভিতর ।

কত হাজার কামিল করে তার মহিমা অপার ।

তরীর আগবাতে খোষা দিয়ে কইরেছে তরীর পশ্চন,

মাঝখানে মন রায় বইসে জোগানদার দুইজন ।

এখনই ঘটন দিচ্ছে যোগান ছুতার বেটার হকুম মত,

দিয়া তিন খানা জোড়া কইরাছে খাড়া আমি পাই না অব্বেষণ ।

মইধ্যে এক দ্বার কি মজার গঠন ও তার পরী ষোল জন—
 সে তরী পানি থুয়ে চলে ডাক্তার পরে,
 আকুল নদীর বিধাতা দিছেন সেই তরীর ভিতরে ।
 দিবানিশি রবি শশী বইসা বাঁকে ভাগে বায় ।
 মাঝখানে মন রায় বইসে সেই তরী চালায় ।
 ও সে দাঁড়ি মালা ছয়জন রিপু,
 সে ও বেটারা থাকে কোথায়—
 আছে পবনা খুড়া বইসে বুড়া সে তো বইসা বাদাম খাটায় ।
 আসর কদম এই তরী বাইয়া যায় ॥

—এ

৪১

সবলোকে কয়, লালন কি জাত সংসারে ।
 ছন্ন দিলে হয় মোসলমান নারীলোকের কি হয় পরমাণ ॥
 বামন চিনা যায় পৈতাতে তার বামনী চিনা যায় কিসে ॥
 সবলোকে কয়, লালন কি জাত সংসারে ॥
 কেউ মালা কেউ তসবি গলে, তাই তো রে জাত ভিন্ন বলে,
 ফকির লালন বলে, আমার এ জাত ভাসালি ভব বাজারে ।
 সব লোকে কয়, লালন কি জাত এ সংসারে ॥

—এ

৪২

সাঁই খোদার কুদরত কেমন জাহির বাতল, কে বুঝিতে পারে ।
 কত পীর পয়গম্বর হই যে নাচার গিয়েছে একেবারে ॥
 পোদ্দা ছাড়া সিদ্ধহস্তা শিখেছে আর সের কালান ।
 সিরজা দিলে না তাই তে দেখ দোষী কোন বিচারে ।
 এদিক ওদিক হুদিক হুকুম বুঝিবো কেমন ।
 কোথায় আদম পরে, হুকুম করে, দোষী হইলাম সন্ধান পেইলে ।
 আদমের বার আঁখি হতে বিধি, হাওয়া পয়দা করলেন তাতে,
 দুইজন মিলন হল ভেস্টের মাঝারে ।
 বাপ বেটি হইল সাদি, হইল কোন বিচারে ।
 গোলাম বলে বাড়ী চলা, বুঝলাম না তোমার খেলা,
 গেল না মনের ঘোলা, পইড়ে রইলাম বিষম ফেরে ।

তরাও বারি তবে তাড়ি নইলে সন্দিকারে ।

সাঁই খোদার কুদরত কেমন জাহির বাতল কে বুঝিতে পারে ॥ —ঐ

৪৩

দয়াল, এই ছিল তোর মনে রে,

ওরে ঘরে রইতে দিল না আমারে ।

আরে বোবায় যেমন স্বপ্নে দেখে,

ও তার, মনের দুঃখ মনে না থাকে ।

ভা'নে চাইলে ডাইনে রে শূন্ত, বামে চাইলে বামে না শূন্ত,

আমার শূন্ত নদীর কুল রে ॥

মায়ে যেন জানে বেটার দরদ যার বুকের শেল রে ।

আর জানে ছায়ে পোর আল্লা ভবে পয়দা করছে যে ওরে ॥ —ঐ

৪৪

আমার অসময়ের ঘুম ভাঙ্গাইসনে,

দেহের যত্ন মিছে রে ছুনিয়া ।

দেহের বিছকানে জানে কাত করে

দুই বাতি দেখে নয়নে ।

রমজান বলে কাল। চান্দে, মরিস কেনে গুণ টেনে,

দেহের যত্ন মিছেরে ছুনিয়া ॥ —ঐ

৪৫

আল্লার বাতুলের ভেদ রহুল জানে,

বাতুলি যে জাহির করবে সে বান্দা ফকির হবে ।

মোমিন ফকির জানা যাবে হাসরের দিনে ।

নবী যেমন মেরাজ গেল নব্বই হাজার কালাম পাইল ।

ত্রিশ হাজার জাহির দিল ষাইট হাজার বাতুলে ॥ —ঐ

৪৬

ই ভাবে আর সে ভাবে ফুল ফুইটে জগৎ আলো,

শিয়ালি বনে ফুলটি ফোটে দেখতি অতিলাল বাবুর দালান ।

ফুলের ভ্রমর যত পাংগল হইয়ে রয়,

ফুলের লগ্ন ফুলের তিথি হয় গো হয় ॥

সে ফুল কয় মনের কথা (আয়-আহা-আয়),
 একটি ফুল উদয় হয় কালীদেহের ঐ পুরের ঘাটেতে,
 কত যোগী অলা যোগ সাধনে বইসা আছে সেই নদীর কুলে,
 সে ফুল ধরতে গেলে মোটে না আটে,
 কাজল বরণ ফুলটি ফোটে, সই গো সই,
 সে ফুল ধরতে গেলে মোটে না আটে,
 কাজল বরণ ফুলটি ফোটে সই গো সই,
 সে ফুল ত্রিপর্নীর ঘাটে (এ—এহে—এ) ।
 জানি না তোমার ভজন সাধন, ঐ চরণে করি মিনতি,
 আছে ধর্ম সভার যত মোয়িনগণ,
 সেলাম রাখি দেশের চরণে (এ—এহে—এ) ।
 আমি অতি মূর্খমতি, ভাবতে ভাবতে হইলাম রে সারা,
 (আ—আহা—আ) ॥

যেদিন গাছের গোরে জোয়ার আসে,
 এক কালে কুইটা হয় সারা,

আছে কাল যমুনা ভাসে নয়ন তারা ;
 আকাজউদ্দিন বলছে, সাধের ফুল গো ফুল,
 যে ফুলমালিকে ভরা (আয়—আহা—আয়) ॥

—ঐ

৪৭

এক নরীতে মারলি রে তিন সাপ, দুই লায়েতে পা দিয়ে,
 হলি রে তুই কাটা কাক ।
 এক নরীতে মারলি রে তিন সাপ ॥
 ধর্মপথে দিলি রে কাঁটা, সত্য পথে চাও না যেতে,
 তোমার মিথ্যা গাব কাটা ।
 দারুণ নরে পাইয়ে দইরে কি রে কাম-সাংগে দিলে ঝাঁপ,
 এক নরীতে মারলি রে তিন সাপ ॥
 দিয়ে তিনকুলে কালী ত্রিপর্নীর ঐ মাঝামাঝি ভরা ডুবালা ।
 তুই নয় মর্ত্য, নয় স্বর্গ পাইলি, হইলি উন্নত, কাটা কাক,
 এক নরীতে মারলি রে তিন সাপ ॥

এবার কুবের বলে চরণ ভুলে পরকে বললি ধর্মবাপ ।

এক নরীতে মারলি রে তিন সাপ ॥—ঐ

৪৮

এলাহি আলীমীন সে, আল্লা বাদশা আলম কালা তুমি,

জাবা গোবীর নামটি লও না মোহিত কাকের তারা,

রাখে মাঝে হাত তোমারি মোরে দয়া কর স্বামী,

লোহ নামে নোরা ছিল, ভাশাইলেন বিষম পাথারে ।

তোমার আউলীর খাতায় নাম লেখিলো, সে নাম

খুঁজি না পাইলাম ।

তুমি রাজা তুমি প্রজা আল্লা বিচার কইরে দিবেন সাজা,

এই তারে দয়া কইরে কিনারায় লাগাও গো বাড়ী

এলাহি আলীমীন সে আল্লা বাদশা আলম কালা তুমি ॥ —ঐ

৪৯

এই ভবে এক গাছ গড়ছে মালেক ফুল (খোদা),

আমি তাই দেইখে হইলাম আকুল ।

খোদার ছোট নবীর বরণ ফুল ॥

দশ মাসে গাছের স্থিতি ভিতরে তার ধরে ফুল ।

তাই দেইখে লাল চাঁদ উদ্দি হইল নামাকুল ॥

ওরে দীনবন্ধু গাছে গইড়াছে,

আগে তার ফল পাইয়া যায় শেষে ধরে ফুল ।

লগ্নযোগে ধরছে দুই গাছে এক ফল,

ও সে দারুণ বিধির কেমন কল ॥

রাত্রি দিবস পানিত ভাসে কল ।

ওই যে এক গাছে ফুল আর এক গাছে মূল,

দুই গাছে এক ধরে ফল রাত্রি দিবস ।

দুই ফেরেশ্তায় করে তদাস্তব ।

ভবে চাঁদের ঋতু অমূল্য ফুল,

সমুদ্রে সে ফুল ভাসে তোলায় সাধ্য কার ।

মুনি যোগী তারা বেড়ায় উদ্দেশে,
 ঐ বসে সেই দেড়াক তলে রাত্র দিবস কলের হুতাশে,
 ও ভবে যার কপাল লেখছে বিধি সেই যোগে মিলন হবে ।
 লাল চাঁদ উদ্দি বসে ভাবে কপালের দোষে ॥ —ঐ

৫০

ওরে সব খোদার একই বার্তা, মানুষেরই কেবল ভিন্ন রায়,
 ছোট বড় সাধু চোর তাদের কর্মগুণে দেখা যায় ।
 যে খোদা সেই আল্লা সেই ব্রহ্মা সেই শিব ।
 নিবুদ্ভি মানুষ মোরা না বুইঝে বইলি বিবিধ ॥
 ওরে, সব খোদার একই বার্তা, মানুষেরই কেবল ভিন্ন রায়
 রে মন, শোন শোন, চল ঠিক পথে
 দেখবি জীবন সঙ্ক্যে কত মুখে ভাতে ।
 সাত পাঁচ ছাইড়ে দিয়ে এক পথ ধইর
 দেখিবি একেই তোমার মিলবে সবই ॥ —ঐ

৫১

ওরে, সঙ্ক্য্য হয়ে এল এই বেলা নাও তোল পসার ।
 দোকান পাতি তুলে নে রে শেষ হল তোর ভবের বাজার ।
 ছয়জন দস্যু সবাই জুটে,
 সবই তোর সে নিল লুটে,
 তোর লাভে মূলে সব হারিয়ে পড়লি এখন বিষম ফেরে ।
 মনিব যখন ধরবে চেপে,
 পড়বি তখন বিষম চাপে ।
 তোর জমা খরচ মিলবে না রে এই বেলা দেখ উপায় কি তার ॥
 আসবার বেলায় বলে এলে
 বুঝে দেবে লাভে মূলে
 লাভ দূরে থাক মূল খোয়ালে এ বিষম ব্যাপার ॥
 তাই বলি তোরে, ওরে মন,
 সার কর তার যুগল চরণ
 যার কৃপাগুণে হবি রে পার ॥ —ঐ

৫২

ও মন, করলি কি তুই সারা জীবনে,
কেবল মরবি তুই দাঁড় টেনে ।
তোর পাড়ির বহর জমল না রে সব গেল বিফলে ।
তোর সার হল রে টানাটানি,
তরী ডুবল বুঝি মাঝখানে ।
উজান বলে ছাড়লি তরী রে,
তোর থাকুলো উজান পড়লি এখন ভাঁটির কিনারে ।
ঐ দেখ সামনে আছে দোটানা বাঁক,
পাড়ি জমবে বল কেমনে ।
এই বেলা দে খোদার নামে বিবেক পানে টেনে,
নইলে পার হবি তুই কেমনে ॥ —ঐ

৫৩

গোলমালে দিন ফুরাল মনের সাধ মিটলো না,
সাঁইজীর পীলের অন্ত পেলাম না ।
ভবের পরে মানুষ একজনা হাতুর বাটাল
চিমটে হাতে ঘরে চারিখানা ।
আমি জিজ্ঞাসা করি দরবেশে, দেহের আগা-গোড়া কোন থানা ॥
ভবের পরে মানুষ তিন জনা,
এক জনা কানা, একজন বোবা, একজন খোঁড়া ।
আমি জিজ্ঞাসা করি দরবেশে, আগে ভেসে যাবে কোন জনা ॥—ঐ

৫৪

কোন রঙ্গে বাইন্দ্ৰাছ ঘর ।
মিছা দ্বন্দ্ব বাজি গৌসাইজি
হাড়ের ঘরখানি চামড়ার ছাউনি বাঞ্চে বাঞ্চে রে জোড়া ।
এই যে তারই না মইধ্যে মন রা মনোহারী
করছে রসের খেলা গৌসাইজি ।
গুরুর বাড়ীতে কলেরই গাছটি চিরল চিরল পাতা,
শিশু পুছে গুরুর গো, কাছে পাকলে কোন ফল চা'বে গৌসাইজি ।

শিশুকাল গেল হাসিতে খেলিতে যৌবন গেলরে রসে ।
 আমার বৃদ্ধ না কাল গেল ভাবিতে চিস্তিতে ।
 গুরু ভজিব কোন্ কালে, গৌসাইজি ।
 আমার দস্ত তো পড়িল চুল তো পাকিল যৌবন ছুটিল ভাটি,
 দিনে দিনে খসিয়া পড়িল রাকিলা দালানে মাটি, গৌসাইজি । —ঐ

৫৫

কে বলিতে পারে সাঁইর কুদরতি ।
 যে আপনি ঘুমায় আপনি জাগে আপনি জুড়ায় সাত পতি ॥
 কে বলিতে পারে সাঁইর কুদরতি ॥
 অহুরাগের রাগ না ধইরে সংসার কইরলেন উৎপত্তি ।
 কে বলিতে পারে সাঁইর কুদরতি ॥
 গগন চাঁদ মগনে রয়, ঘটে পটে তার জ্যোতি হয়,
 অমনি খোদা খোদ রাজ্যোতে অনন্তরূপ আকৃতি !
 কে বলিতে পারে সাঁইর কুদরতি ॥ —ঐ

৫৬

নিম্নোক্ত গানটিতে আবার বাউল লালন ফকিরের ভণিতা পাওয়া
 যাইতেছে । অনেক সময় বাউল গানের সঙ্গে মুর্শীছা গান একাকার হইয়া যায় ।
 কিন্তু স্বন্দ বিচারে ইহাদের মধ্যে পার্থক্য আছে ।

ঘাটে তরী আছে বাঁধা, ছাড়াইবে তোঁর মনের ধাঁধা ॥ ধ্রু ॥
 বুইঝে শুইনে চলিসরে, মন, পাল্ নে রে খাটিয়ে এখন ॥ ধ্রু ॥
 আছেরে নোঙ্গর কইরে চইলবে যখন ছাইড়বে নারে ॥
 ভাবছ মনে কতই মজা, তুই রাজা তুমিই প্রজা ॥ ধ্রু ॥
 বৈঠে যেদিন চইলবেরে, ভাই, সকল আশাই হইবে যে ছাই ;
 লালন বলে, কি করিলে সকল যেরে পণ্ড এখন ॥ ধ্রু ॥ —ঐ

৫৭

ঠিক মোছল্লী কে গর মোছল্লী বল কারে ।
 একটি মাইসের পাঁচ ফাল্লা, কোন কাল্লাতে বলে আল্লা ;
 লালন বলে এসব কুস্তি খাইটবেনা আর এ সংসারে ।

তবন পইরে হইছ থাটি, নিচে নেংটি উপরে কোপনী,
 গলায় খৈল কে কোথায় শেইলে,
 বইলতে হবে বিচার করে ঠিক মোছল্লী কে এ সংসারে ॥ —ঐ

৫৮

নাইকো সিকে কড়া হাতে ও ফুট মাদারী,
 বেরাইস্ গোপকুলে কোঁচা দুলায়ে যেন নবাবের ডাণ্ডারী ।
 শিখেছো আগমনী যুঁইও, তোমার কথাতে স্ববুদ্ধি ভুঁইও ।
 ভুঁইওর দাই হইলে আছে তোমাব গুপ্ত দেনা,
 শোধ হইল নাকো পাশরী ভারী ॥

কথায় কেন ছাগল গরু কিনে হও পাগল,
 এবার ঘি তোল কালাল মাথায় পড়ে ভেঙ্গে কইলে জারি ।
 নাইকো সিকে কড়া হাতে, ও ফুটো মাদারী ॥ —ঐ

৫৯

নাড়া দরবেশ কি বইলা গেলে রে, জীবের আকুব হল না ;
 আকুব হল নারে বান্দার গিয়ান হইল না ।
 কার ভাজনে ভেসে তারে চিন্‌লা না ।
 খোদার দিল চাইল-ডাইল মুরশিদে দিল খড়ি ।
 আসমান জোড়া ফকির রে, ভাই, জমিন জোড়া খেতা ;
 সে ফকির মরিয়ে গেলে মাটি দিবে কোথা ॥ —ঐ

৬০

পরথম করি আল্লাকে স্মরণ ।
 আমার আল্লা যদি সখা হয়
 বন্দি আমি নবীজির চরণ (অয়-অহয়-অপ্) ।
 আল্লার নামটি বন্দি আমি গো
 নবীর ইয়ার চারিজন (অয়—অহয়—ওণ) ।
 নবীর আর আবুকার ছিদ্দি তিনি বড় দোস্তদার
 নবীর ইয়ার চারিজন (অয়—অহয়—ওণ) ।
 নবীর রে আর আবুকার ছিদ্দি তিনি বড় দোস্তদার
 ছড়ি হাতে রুস্তম নাম যাহার (আয়—আ-হায়—আর)

ওরে, তিনি হাতে আমার কেতাম ছাননেতে অলি সাব,
 পঞ্চমাসে আবতুল্লা আয় মন (আয়-অহয়-অয়) ।
 ইমাম হোসেন হোসেন বন্দি আমি
 আল্লা গুণা কর মাণ (আয়-আহায়-আয়) ।
 নবীর পদে রাখি হাজার সেলাম,
 তিনিই কুচিদিনার বন্দিলাম,
 শিক্ষা ওস্তাদ বামন হাটা পেরাম (আয়-আহায়-আয়),
 ওস্তাদ আমার মহম্মদ হানিফ,
 ছাপি নাই তাঁর কোন কাম আমি তিনার চরণ বন্দিলাম ॥
 সভার পঞ্চজন বন্দি আমি সভাতে আমার এই সেলাম ॥

৬১

—ঐ

পরথম বন্দনা আল্লাজির চরণ,
 দোয়াজ বন্দম্ নবি তিন রায় বন্দম হজরতালি (ই-ইহি-ই) ।
 চাইরমে বন্দিয়া গাব কয় তোমার দুই চরণ,
 তার বাদে বন্দিয়া গাব গো আমার ইমাম আর হোসেন
 (আয়-অহয়-হ) ।

যবন আমরা গাহন করি

সরস্বতীর নামটি ধরি আনন্দ মহিমা কোরাণে শুনি
 (ই-ইহি-ই) ।

একবার দয়া কর অধমেরে তরাও, হে মা তারিণী ।

আজ তুফান দেইখে ছাইড়া যাইও না,

আমার মা সরস্বতী (ই-ইহি-ই) ।

—ঐ

৬২

বাপের ঔরসে জন্ম মা ছিল না দেশে ।

মা হইতে ছেলের জন্ম দেখ না নজর কইরে ॥

আল্লা তুমি কাদের গুণী খেইছে ভাবের পাশে,

গুরুশিষ্য একই তা আর দুই ভাগ হইল কিসে ।

যথায় গুরু তথায় শিষ্য মাহুসের মনেই যত পার্থক্য ।

বাপের ঔরসে জন্ম, মা ছিল না দেশে ॥

আরেক কথা কাতর ছেলে বলি যে তোমারে ।
একশ মাথা হাজার মুখ কোন ফেরেন্তার আছে ॥

—ঐ

৬৩

মুরশিদ, তরাও আমারে, দয়াল, তরাও আমারে ।
তোমার নামটি দয়াময় ও দয়া ত নাই ।
একবার দয়া করে লয়ে যাও পারে ॥
তোমা ভিন্ন আমার গতি নাই,
(তুমি) অগতির গতি বিগতির গতি,
রাবণ বংশ করেছে ক্ষতি তাতে আমার ক্ষতি নাই,
কেবল মরি তোমার ঐ চরণ বিনে ॥
তুমি হচ্ছ আমার জন, হৃদয় মাঝে বইস কালাচাঁদ,
গগন মণ্ডলে চান্দ দীহু জাতে কালে,
কানে না দেও, তাহাও অমনি যাও সহরে ॥

—ঐ

৬৪

মুরশিদ, ঘোচাও আমার মনের ব্যথা শুনি আজব কথা ।
বিসমিল্লা বল যারে, বল বিচ্ কোথা কারে ।
কে আনিল ভবের পারে কোথায় কার পাতা,
কোথায় তার প্রাণ রয়েছে কোথায় তার পাতা ॥
তোমার বুদ্ধি আর রইলো কোথায়,
মোরগ-মুরগী ছাইড়ে গেছে আঙা পাইড়ে, শুইনে দিলে ব্যথা ।
মুরশিদ, ঘোচাও আমার মনের ব্যথা ॥

—ঐ

৬৫

মুরশিদের বাক্য যে সত্য কয়,
গুরুর বাক্য যে সত্য কয়,
গুরুর বাইথনে ধর্ম পাবা মর্ম মত তুফান যাবে তরে ॥
আত্মায় গাঁথা যায় হায় কিশোরীর ভাবনা কি তাহার,
খুঁজিলে মানুষ মিলে, ও মন, খুঁজিলে নিরঞ্জনকে,
মুরশিদের বাক্য যে সত্য হয় ॥

দয়াল বলে, ওরে আদম, তুমি তুইলো না মুরশিদের বচন ।

আদম হয়ে এলে পরে, তুমিও পাবা ভক্তির জোরে,

মুরশিদের বাক্য যে সত্য হয় ॥

—ঐ

৬৬

সাধ্য কার স্নখ-সাগরে মাছ ধরে ।

আছে কাম নামের কুমীর মানে না পীর, শির ছিঁড়ে ভক্ষণ করে ॥

যত সব ভাসা জেলে, সাধ্য কি যে নামে জলে,

গিরনাল লাচ্ছে সব ভেসে নদীর কূলে যেতে পারে ।

এক বেটা ময়লা মালো, সে বেটার রূপাল ভালো,

কিছু মাছ ধরে ছিল মা কালীর রূপাবলে ।

কত বাগদী দিবা হয়ে হাবা তারা বাউটি কানে ধরে ।

সাধ্য কার স্নখ-সাগরে মাছ ধরে ॥

বাগা আইর বিটুকে বটে নোর মদ দমক উঠে,

পাকা জাল ফেলল কেটে ক্রোধ কাছিমো হাতা মারে ।

সে যে কুবের চান্দ্রের তেজ্য পুত্র, হাড় পেকে ভব ঘোরে ।

সাধ্যকার স্নখ সাগরে মাছ ধরে ॥

এই যাতু-বিন্দু ভৈইরো জাল ফেলল জঙ্গল জুড়ে,

একেবারে ফেলল ছিঁড়ে কেঁদে বেড়ায় ঘরে ঘরে ।

সাধ্যকার স্নখ সাগরে মাছ ধরে ॥

—ঐ

৬৭

সঙ্গের সাথী কেবল আল্লার নামটি

কেউ তো সঙ্গ যাবে না রে ।

কেউ তো সঙ্গ যাবে না রে ॥ ধ্রু ॥

এক মূর্খের বাড়ীতে ছিল তুলসীর গাছ,

তুলসী বসাইয়া মূর্খ বসাইছে কাপাস ॥ ধ্রু ॥

সেও মূর্খের মৃত্যু হইল গরুর হালটে,

সেও মূর্খ খাইতে আইল শিয়াল আর শকুনে রে ॥ ধ্রু ॥

শিয়াল উঠিয়া বলে, শকুন, ওরে ভাই,

এও মূর্খের শরীরে দেখ, নেজির অংশ পাই রে ॥ ধ্রু ॥

শকুন উঠিয়া বলে, শিয়াল, ওরে ভাই,
ঠোঁট হইতে পড়ব টুকরা মক্তার জমীনে ॥ ৬৫ ॥
সেও মুখ ভিস্তে পাইল আল্লার কুদ্রতে ।

কেউ তো সঙ্গ যাবে না রে ॥

—এ

৬৮

সাঁই, দিন দুনিয়ার কথা, সাঁই, যখন বসে কাছারি,
খাড়া আছে চার জন দ্বারী ;
আছে দ্বারে দ্বারে সকল জীবের একই আত্মা ।
পূর্ব দেশে আছেরে আত্মা পশ্চিম দেশে কইছে কথা,
আছে দ্বারে দ্বারে সকল জীবের একই আত্মা ॥
জানাইলে ঘোরে ফেরে হস্ত নাই যে বাজাইছি রে,
ধোনাই সা ফকিরে বলে, শুনো, ভাই,

সকল হেমাৎ উধারে সাগরে ॥

গুরুপদে শিষ্যের মাথা, সাঁই দিন দুনিয়ার কথা ॥

—এ

৬৯

সদাই চেতন এই ত্রিভুবন নিরাকার সদাই রয় ।
নিরঞ্জন দেখা নারে দেয় ॥
নিহার কইরে ছিলেন বিবি
হুই নয়নে না দেইখলে খোদার রূপছবি।
মিছা বিবি ঘরে নেইছে নিরঞ্জনকে দেখিতে চায় ।
নিরঞ্জনকে দেখা না রে যায় ॥

ইমাম মান্দা গাথের গোরে শরীয়া তব ফুল ॥

—এ

৭০

আমার জাগা হ'ল না এ সংসারে ।
আমি কোথায় বা চলিয়া যাব রে ।
আমার জলে জাগা নাই স্থলে জাগা নাই
আমি সদাই থাকি বিকলে ॥
অবলার জান কোথায় গেলি তোর লাদল কাদবে গলি গলি,
জন্মাবধি কলঙ্কের ডালি শ্রীরাধার মাথায় ।

আমি পড়ছি সঁাতারে অকুল পাথারে

আমায় চরণ-তরী দাও হে ॥

—ঐ

৭১

পিয়ালের খসম আমার দেশে আইল না ।

কত পানি-পাস্তা পইড়া রইল খসম আমার খাইল না ॥

খসম আমার কইয়া গেছে কাইলের হাটে যাই ।

তিনদিন পরে আসবো আমি মানের কাষ নাই ॥

আমি সাঙ্কে রাত্রে বিছানা ফালাই আমি ঘরের মাইঝায় ।

চেয়ে দেখি আমার খসম ঘরে নাই ।

আমি খোস নারী এ চেয়ে কান্দি পথ ।

কোন পথে আসবে খসম আমার লএর কত ॥

—ঐ

৭২

আমি মন পাইলাম, মনের মানুষ পাইলাম না ।

আমি (ও) তোর মধ্যে আছি মানুষ তাহা চিন্‌ল না ।

ওরে শয়তানের আঠার থানা,

কোনখানে তার বারামথানা,

আমি মানুষ জনম খুঁইজে পাইলাম না ।

যত ছিল বোঝাই নাইয়া

তারো গেল গোপে বাইয়া,

ও মোর খালি নৌকার উপায় দেখি না ।

আমি মন পাইলাম, মনের মানুষ পাইলাম না ।

—ঐ

৭৩

আট কুঠরি ষোল চাকা রে মধ্যে হীরার ধার,

তোর মুর্শিদ আছে নিগমেতে সেবক হলি কার ?

দেখ দেখি, মন, তোরে ।

এত বড় অচরিত, রে ভাই, গাছের গোড়ার ফুল,

তার লতায় লতায় চাঁদ ধরেছে উবুদ গাছের মূল ।

চাঁর ষুগের মানুষ হোনখানে হয় বিরাজ রে ।

—ঐ

৭৪

মাছুষ হাওয়ায় চলে, হাওয়ায় ফিরে, মাছুষ হাওয়ার সনে রয়,
দেহের মধ্যে আছরে সোনার মাছুষ ডাকলে কথা কয় ।

দিনের কালে অমাবস্তা রে মন,

(ও মন) ধর গিয়া সেই গুরু চরণ ।

সে ভাব-অমুরাগে ডুইবা থাক রে মন ।

তোমার মধ্যে আর এক মন আছে গো,

তুমি মন মিশাও সেই মনের সাথে ।

দেহের মধ্যে আছে রে মাছুষ ডাকলে কথা কয় ।

—ঐ

৭৫

(আমার) গুরু চরণ সাধন আর হইল না, দিবানিশি ঐ ভাবনা ।

বনের পশু পালিলাম আমি, পুরাইতে মনের বাসনা ॥

জিঞ্জির কাইটে পাখী গেল জাঁহাঙ্গীরের নাম লইল না ।

মহাজনের দেনা রে, ভাই, দেনার জালায় প্রাণ বাঁচে না

হিসাব কিতাব কই, দেখলাম, খাতার উত্তল পাইলাম না ।

বিলাত গিয়ে দেখলাম আমি, ইংরাজ বিনে কল-চলে না ॥

ধূয়ার জোরে জাহাজ চলে, বাঙ্গলা লোকে টের পাইল না ।

(আমার) গুরু চরণ সাধন আর হইল না, দিবানিশি এ ভাবনা ॥ —ঐ

৭৬

ভবনদীর তুফান দেখি ভারি,

ডাকাত নদীর তুফান দেখি ভারি,

(ভোলা) মন রে, আমার উলঙ্গ নদী ।

বাগ বুঝিয়া খাটাইও বাদাম হস্তে রাখিয়া দড়ি,

(ভোলা) মন রে, ডুবিয়া যেন না মরি ।

—মৈমনসিং

৭৭

শ্রম-নদী বাইতে জান নি,

ও তুই সামাল সামাল, মন-মাঝিরে, নদীতে নোনা পানি ।

বাইতে জানে রসিক জনে, যে জন নদীর বাঁধ চিনে,

ও সে বাইতে পারে বর্তমানে ঘর আছে কাজ-করনি ॥

অহুমানে বাইলে পরে, অমনি বিন্দু ষায়গো ছুটে,
 আমি বারে বারে কই তোমারে, উজানের ভাব জাননি ॥
 যার হৈয়াছে করণ আঁটা, তার অহুরাগে বাঁধা বৈঠা,
 রাখছে সেতো করণ আইটা, কি করবে ঝড় তুফানে ॥
 উজান বাইতে যে জন পারে, তার তরে কি লোকমান পড়ে,
 মুর্শিদ দয়াল কয় তোমারে, ছাইড় না ইল্লমণি ॥ —ঢাকা

৭৮

মুর্শিদ দয়াল বলে, মদনের তোর বুকের ভুল,
 (ভাবনা কি তার) রসে প্রেমে যে দিয়েছে ডুব ॥
 গোপতলাতে তালাস করি, আয় দেখি, মন, ভবে সঁতার খেলি,
 শমনে কি করতে পারে, গুরু যারে দিচ্ছে হাঁস ॥
 তিন রতিতে হয়রে মাহুশ, সে মাহুশের আছে হাঁস,
 অটল মাহুশ বৈসা আছে, ভাব নাই রে তার চুপরে চুপ ॥ —ঐ

৭৯

মনের মাহুশ যেখানে, আমি কোন সন্ধানে যাই সেখানে ?
 (ভোলা মন) সাতালি পর্বতের নীচে, সেইখানে মন রায় আছে,
 কত সাধুর তরী যাচ্ছে মারা, পড়িয়া নদীর ঢেউ তুফানে ।
 রসিক যারা পার হয় তারা, তারা নদীর ঢেউ চিনে ;
 কত সাধুর তরী যাচ্ছে মারা পড়িয়া নদীর ঢেউ তুফানে । —মৈমনসিং

৮০

মন, তুই ভুলিলি রে, আপন সাধন-জ্ঞান কারে দিলি রে ।
 আগে যদি জান্তাম রে, সাধু এত চোর,
 তবে কেন দিব জাগা তেতলার উপর,
 চোরের বাড়ী, চোরের ঘর, চোরে চোরে মেলা,
 আটকুঠুরীর ধন লুটিল, ভাঙ্গল ষোল তালা । —ঐ

৮১

কুকাঠ শিমুলের নৌকারে, (ভাই রে) গুড়া সারি সারি,
 কোন স্ততারে গড়ছে নৌকা, নাই হাতুড়ের বাড়ি ।

কুকাঠ শিমুলের নৌকারে গুড়া পাটে পাটে,
কাণ্ডারী বিহনে নৌকা ফিরে ঘাটে ঘাটে ।
মুরসিদ আমার সোনার মুরসিদ, নাও আমার ঘাটে বাঁধা রইল ।
ঠাট করে বাঁধিলাম নৌকা পার হইবার আশে,
সেও নৌকা তলাইয়া গেল আপনার দোষে ।
আগা তলাল, পাছা তলাল, তলাল রসের গুড়া,
আস্তে আস্তে তলাইয়া গেল সা মাস্তুলের চুড়া ।
ঠাট করে বাঁধিলাম ঘর রে বাস করিবার আশে,
সেও ঘর ফেলিয়া দিল ছড়কা বাতাসে ।
তার পরে বাঁধিলাম ঘর চামের ছাউনী,
সেও ঘরে লাগলো আগুন জলে দিবানিশি ।
দয়াল মুরসিদ, নাও আমার ঘাটে বাঁধা রইল ।

—ঐ

৮২

উহুর বুহুর বাজে নাও আমার,
নিহাইল্যা বাতাসে রে, মুরশীদ, রইলাম তোর আশে ।
পশ্চিমে সাজিল ম্যাঘ রে, ঝাওয়ায় দিল রে ডাক,
আমার ছিঁড়িল হাইলির পানস, নৌকায় খাইল পাক রে,
মুরশীদ, রইলাম তোর আশে ।
আগা বায়া ওঠে ঢেউ রে পাছা বায়া রে যায়,
আমার হীর্যালাল মাণিকির বারা, সোতে বাইয়া যায় রে,
মুরশীদ, রইলাম তোর আশে ।

—ফরিদপুর

৮৩

ওপার আমার মুর্শীদের বাড়ী ;
এ পার বইসে কান্দি আমি রে ।
বিধি যদি দিত রে পাখা, উইড়্যা যায় দিতাম দেখা ;
উইড়্যা পড়তাম দাণ্ডসার পায় রে ।

৮৪

ঘাটে লাগাও রে নাও আমি চিনে লই বেপারীরে,
নাও ঘাটে লাগাও রে ।

কাল হেন মাঝি হারে বিটা নৌকা বায়্যারে যায়,
মরণকাঠ ধইর্যা রে কান্দে, ও সাধু, তোমার বাপ মায় রে,
নাও ঘাটে লাগাও রে ।

আগা নৌকার ঝামুর, হারে ঝুমুর, পাছা নৌকায় রে ছয়া,
তারি মন্দি বইশ্বারে আছে, মছয়ারে, তহু হেলান দিয়া রে,
নাও ঘাটে লাগাও রে ।

নায়ের কাটা নৈলাম কাছি রে নইলাম আরও নৈলাম রে গুণ,
জনম ভইরে টাইনে রে মইলাম, আমি না পাইলাম তার কুল রে,
নাও ঘাটে লাগাও রে ।

এই না নৌকার আগা বায়্যা ওঠে ঢেউ রে, পাছা বায়া রে যায়,
মরণ-কাঠ ধইরে রে সোনাই-ও মোনাই কান্দে হায় হায় রে,
নাও ঘাটে লাগাও রে ।

—ঐ

৮৫

গুণের ভাই মোনাইরে, তুমি জঞ্জালে না রে দিও মন ।
জঞ্জাল বেঘম জঞ্জাল জঞ্জালে বড়রে জালা,
জঞ্জালে না দিয়া মন সোনার শরীল করলাম কালারে,
জান মোনাই রে ।

ফিরাও এ পাগেলার মন রে, পাপের পথ রে হইতে,
যেমন রাখালে ফিরাইছে ধেমু পরের শস্ত্র খাইতে রে,
জান মোনাইরে ।

—ঐ

৮৬

চল যাইরে—আমার দরদীর তালাসেরে,
মন, চল যাইরে ।

ইঞ্জী হৈল পায়ের বেড়া পুত্র হৈল কাল,
এড়াইতে না পারলাম, রে দয়াল, এই ভব জঞ্জাল রে,
মন, চল যাইরে ।

হাল বাও, হালুয়া ভাই রে, হস্তে সোনার নড়ী,
এই পথতানি যাইতে দেখাছাও আমার সোনার চান সন্ন্যাসীরে,
মন, চল যাইরে ।

দেইখ্যাছি দেইখ্যাছি আমরা সোনার চান সন্ন্যাসী,
ও তার গলায় মালা, কান্ধে ঝোলা করে মোহন বাঁশী রে,
চল চল যাইরে ।

জাল বাও, জালুয়া বাইরে, হস্তে সোনার ডুরী,
এই পথছানি যাইতে দেখছাও আমার সোনার চান বেপারীয়ে,
মন, চল যাইরে ।

দেইখ্যাছি দেইখ্যাছি আমরা সোনার চান বেপারী,
ও তার হাতে আশা, বেগলে কোরাণ মুখে মধুর হাসিরে,
মন, চল যাইরে । —ফরিদপুর

৮৭

হা রে দয়াল, বাবা রে ছাড়িয়া,
আর হবে না মানব-জনম, ও ডাক আল্লা রচুল বইল্যা রে,
ও ভাই মোনাইরে ।

ও ভাই মোনারে,
এই বড় বাড়ীর বড় ঘররে, মোনা ভাই, বড় করছাওরে আশা,
এই রজনী প্রভাতের কালে পক্ষী ছাড়বে বাসা রে—
ও ভাই মোনারে ।

ও ভাই মোনারে,
বড় ঘর বাইল্যাছাও, অহে রে মনা ভাই, হা'রে, চেকন দিহা রে সলা,
আমার আল্লাজীর বানাইছা ঘর রে, মনা ভাই, মাটির বাজেলা রে ।
ও ভাই মোনারে ।

ও ভাই মোনারে,
সমুদ্রে উঠে ঢেউ—ওরে মনা ভাই, হারে কুলে আইছা রে ঠেকে,
আমার অন্তরে উঠ্যাছে ঢেউ, ওরে মনা ভাই, কেবা তারে দেখে বে,
ও ভাই মোনারে ।

ও ভাই মনা রে,
সাইল সখীর দুই পাখীরে, মনা ভাই, গভীর নীচেয়ে চলে,
শ্রাও গভীর শুকায়া গেল রে, মনা ভাই, অমনি উড়াল ছাড়ে,
ও ভাই মোনারে ।

ও ভাই মোনাইরে,
 তালাপেতে নাইক্যা জলরে হাতে পাড় ক্যান রে ডুবে,
 বালায় ও ত নাইক্যা ছাও ওরে মনা ভাই, ফইড় কেন ওড়েরে,
 রে ভাই মোনাই রে। —ঐ

৮৮

আমার আল্লা রহুলের নাম,
 আমার পীর আর মুরশীদের নাম জানিয়া লও রে মন।
 হক্ক জানিও হক্ক লইও, হক্ক করিও চিনা,
 হক্কের নামে ভইরবে ভারা, ও তার লাভে হবে দুনা।
 পাহাড়ের উপর পর্বত রে, পর্বতের উপর চূড়া,
 এ দুনে উড়িয়ে নিবে যেমন সিমুলের তুলা।
 পাহাড়ের উপর পর্বত রে, পর্বতে হীরার ধার,
 সেই ধারেতে কাটা রে যাবে যত বদী গুলা গার। —ঐ

‘হক্ক’ শব্দের অর্থ সত্য, ‘দুনে’র অর্থ দুনিয়া এবং ‘বদী’ শব্দের অর্থ বদ।

৮৯

মন যদি বৃন্দাবনে বাস করিতে চাও,
 আল্লাজীর কাণ্ডারী নৌকা ধীরে ধীরে বাও।
 মাতাপিতার দুখান চরণ মাথায় তুলে লও।
 রতি মনে নিহার কইরারে, ও তার দুইখান চরণ মাথায় লও।
 সীজদা কাল উঠায়া দিয়া রে, নৌকা ইমান রাইখ্যা বায়া যাও। —ঐ

‘সীজদা’ শব্দের অর্থ নমাজের সময়কার প্রণাম।

৯০

মন, তুমি গুরুর পাকে রইল্যারে মিছা মায়ায় বন্দী হয়।
 এলাহি দরিয়ার মাঝে নানান রঙের কল,
 পাথর ভাসিয়া যায়, সোলা হয় তল।
 ইলবিল শুকায় যায়, মৎস্ত নিল চিলে,
 ছাড়িয়া যায় সোনার ভাইধন কামিনীর কোলে।
 শুকনা কাঠের পরে পড়িয়া ডাকি কাকা,
 ওই যে ভাজন বেটা মরিয়া গেলে মার শরীলে দাগা। —ঐ

২১

তবু জানিয়া লওরে, মন ।

ভাইনে আল্লা বামে রছুল রইছেন এক ঠাই ।

রছুলউল্লা কাইন্দ্যা বলে, আমি আল্লা দেখি নাই ।

দুবুলার শীষের, ভাই, নিম্বলের পানী,

ভাইন চক্ষে নি কইতে পারে মুনা বাম চক্ষের কাহিনী ।

কোথায় গুণে আইল রে ফকীর মাংস নাই তার ধড়ে,

হাড়ের উপর নাইক্যারে মাংস রক্ত ভাইস্থা পড়ে ।

—ঐ

২২

পহেলা আল্লা দুয়ামে মওলা,

তিয়ামে মহম্মদ চোঠাতে হজরত আলী—

পঞ্চমে বরকত মারে—হরদমে আল্লার নাম ।

—ঐ

২৩

আমার হয়্যা জন্ম বৃথা গ্যাল, ভাই, নাও আন রে,

নাও আন রে বাই—না—ও আন রে ।

ঘাটে বান্দা আছে রে নাও গুরা সমান পানি,

আমি নিশ্চয় জাইত্যাছি এই নাও ছুইট্যাছে গহিনীরে,

ভাই, নাও আন রে ।

গুরুজীর বানাইত্যা নাও শ'গুণ কাণ্ডারী,

বনের শৃগাল বলে আমি এই লোকার বেপারী রে,

ভাই, নাও আন রে ।

—ফরিদপুর

২৪

ধীরে ধীরে বাইও রে লোকা, দয়াল চান রে, ধরি রাঙা পায় ।

আমি কি অপরাধ কইর্যাছি, সোনার চান রে, তোমার রাঙা পায় ।

লাভ করিবার আইত্যা রে ভবে আমি খালি হস্তে বাই ।

মহাজনের ভরা নাও আমি ডুবাইয়া দেই ।

—ঐ

২৫

ও সোনার মুরসিদ,

জানলে তোর ভাঙ্গা লোকায় চড়তাম না ।

লৌকায় গোলই ভাঙ্গা, তরী চেরা গাব গাহিনী মানে না ।
 সহজে খাটাও বাদাম চাঁচড়ে যেন ঠেকে না ।
 নয়া নাও গড়াইলে রে মোনা 'বাপার' করল্যা না,
 ভাবতে ভাবতে হৈলাম সারা কুল কিনারা পাইলাম না ॥ —ঐ

মেঘমতী কন্তার পালাগান

কলিকাতা বিশ্ববিদ্যালয় হইতে প্রকাশিত 'পূর্ববঙ্গ গীতিকা'র ৪র্থ খণ্ড ২য় সংখ্যায় 'জীরালী' নামে একটি অসম্পূর্ণ পালা গান সংগৃহীত হইয়াছে। প্রকৃত পক্ষে ইহা মেঘমতী কন্তার পালা গান (পৃ. ৪২৭—৪৫১) ।

১

কুশাই নদীর উত্তরি, ময়াল ভাইরে, নয়াগঞ্জের হাট
 ভাইরে, নয়াগঞ্জের হাট ।

গঞ্জের রাজা চক্রধর, শুন কহি তার ঠাট ॥
 বড়ই ক্ষেমতা রাজার চৌঘুরি বিস্তর ।
 কুশাই নদীর পাড় জুড়িয়া তার নয়া নয়া ঘর ।

* * * *

পরথম ঘোবন লো কন্তা পরথম বয়সে ।

মেঘমতী নাম কন্তা চন্দ্র যেমুন হাসে ॥

কি কব কন্তার রূপ কইতে না জোয়ায় ।

যেই জন দেখে কন্তা করে হায় হায় ॥

মেঘমতী নাম কন্তা মেঘের বরণ চুল ।

মুখখানি দেখি কন্তার চন্দ্র সমতুল ।

—মৈমনসিংহ

মেচিনি খেলার গান

উত্তর বাংলার মেচ জাতির সকল বয়সের নারীগণ বৈশাখ মাসে তিস্তা নদী বা তিস্তা বুড়ীর মাহাত্ম্য কীর্তন করিয়া বাড়ী বাড়ী যে গান গাহিয়া এবং নৃত্য করিয়া বেড়ায়, তাহাকে মেচিনি খেলার গান বলে ।

১

আসিয়া লছুমী মঁাও মোর দুয়ারে দিল পাঁও,
 আগো বাড়ির স্থান করেছে গিরহী বাপো মঁাও ।

ক্যানেরে পুত দীঘল পাও যদি তোমার চাউল নাই,
ধান ভুকিয়া হামাক চাউল দেও, চাউল ধরিয়া বেড়াই হামেরা,
উদনা সুন্দরী গে তোমার যে চাউল কোরি,
তোমায়ে বিলামো তোমার চাউল কোরি ।
তিস্তা বুড়ি সেবিব তোমার ঘরের হামরা
বিঘিনী থণ্ডাইব ।

—জলপাইগুড়ি

২

আসিয়া লখমী মাও মোর ছ্যারে দিবে পাও,
আগোবাড়ি শূদ করেছে বিধুর বাপ মাও ।
ক্যানেরে পুতা ঘন পাও, লখমী সরস্বতী এই চেঁ
জাও বাস ঘর, সাইনজা হলে সাইনজা বাতি
বিহানে ছান ছর ।

—ঐ

৩

নয়া কুলা থান বেতের বান সে
বেতের বান কোটকী দিলে ধান
এই গুটিক ধান দিয়া নীচালে গো সিকোট চুলি
ভাতার গুনিলে ডাহাবে তোক ।

—জলপাইগুড়ি

৪

আসিয়া নছুমী মাও মোর ছ্যারে দিলে পাও,
আগো বাড়ির সিদো করেছে বিদো বাপ মাও ।
ক্যানে পুতরে ঘন পাও, তোমার চাউল নাই,
ধান ভুকিয়া তামাক চাউল জাও ।
চাউল ধরি বেড়াই হামরা অঙ্গনা সুন্দরী গে ।

—ঐ

মেলায় গান

গাজনের মেলা উপলক্ষে যে গান শুনিতে পাওয়া যায়, তাহাকে সাধারণ
ভাবে মেলায় গান বলে—

১

শুধা হাতে যাইও না, জিরা ভাল (পয়সা) যাইও না ।
জিসম পাতা চাই চাই শুধা হাতে থাইও না ।

জিসম পাতা চাই চাই বড় পাতা দলরে,
বাদলদল দলরে—বাদল শুধা হাতে ঘাইও না ।
নানাছনার পানের দোকান পানে রে । —বেলপাহাড়ী

২

হাতে শাঁখা ছুঁয়ো ছুঁয়ো গায়ে হাত দিয়ো না, বাছা, দিয়ো না ।
গায়ে হাত দিলে, বাছা, জাতিরি গেলো ।
কি দিয় দেহরে রাখিব তুমি যেরে বামুনের বিটী,
গায়ে হাত দিও না বাছা, দিয়ো না ।
গায়ে হাত দিলে, বাছা, জাতিরি গেলো ॥ —ঐ

৩

মা যদি তোর সয়ে না কথা ।
বাবারে তুই ডাক ॥
মা আছে তোর সিংহাসনে ।
সিংহাসনেই থাক ॥
একটি শুধু বিষদলেই ।
প্রাণ ঢেলে দে চরণ তলেই ॥
ও তুই শিবশঙ্কু বলে ।
একটা দেতো হাঁক ॥
এক ফোঁটা অশ্রু জলে রে ।
পাগল ভোলা যাবে গলে ॥
চাই না রে তোর তন্তুমন্ত্র ।
চাই না রে তোর যজ্ঞ যাগ ॥ —ঐ

৪

স্ককন রাখায় মেলা বসেছে, আহা, কি শোভা না হয়েছে ।
সতী ঘাটে জয়দা দহে একই শোভা হয়েছে ।
টুঙ্গ মায়ের চরণ তলে লুটে সবাই পড়েছে ॥ —ঐ

৫

কেউ পড়েছে রেশমী শাড়ী, শাঁখা চুড়ি কার বাজে,
কেউ পীরিতির টানে, সখি, আড়ে আড়ে হাসিছে ।

লাজের মাথা খেয়ে, সখি, কেউ তালে নাচে,
বিপিন বলে, মেলায় এলে ছুখ জালা যায় ঘুচে ॥

—ঐ

৬

মনকে বাঁধা গেলো না, সখি,
ভবে আর কটা দিন বাকী ।
এই ভবের লীলা খেলা ধূলা গেল বেলা দেখাদেখি ।
অকাজে কু কাজে বাজে দিয়েছে নিজের ফাঁকি,
কামনা বাসনা দেনা ভাবনা অনেক বাকি ।
বিপিন ভণে কেমনে শমনে যে দিব ফাঁকি ।

—ঐ

মেয়েলী গীত

পল্ল -সমাজে স্ত্রীলোক কর্তৃক গীত গান মাত্রই মেয়েলী গান বলিয়া পরিচিত । কয়েকটি ব্যঙ্গ রসাত্মক মেয়েলী গান এখানে উদ্ধৃত হইল ।

১

আমের পাতা চিকন চাকন, ভাই ধন, বাঁশের পাতা কেন মানায় না,
বারে বারে লেখন লেখি, ভাই ধন, জামাই চাঁদ কেন আসে না ।
ছাতার লেগে হ'য়েছ ব্যাজার, বাবা, এবার ছাতা দিতে পারব না,
ধুতির লেগে হ'য়েছ ব্যাজার, বাবা, এবার ধুতি দিতে পারব না ।
ঘড়ির লেগে হ'য়েছ ব্যাজার, বাবা, এবার ঘড়ি দিতে পারব না ।
আমের পাতা চিকণ চাকন, ভাই ধন, বাঁশের পাতা কেন মানায় না ।

২

নদীর ধারে মরিচ গাছ, বলি টিয়া পাখীতে খায়,
সোনার ঝাঁঝুরি রূপার ডালা, বলি মরিচ তুলতে যায় ।
হেন সময়ে রাজার বেটা বলি হরিণ শিকারে যায়,
কপালের মানান টায়রা দিব, ছুঁড়ি, আমার মহলে আয়,
কানের মানান পাশা দিব, ছুঁড়ি, আমার মহলে আয়,
নদীর ধারে মরিচ গাছ, বলি টিয়া পাখীতে খায় ।

—মুর্শিদাবাদ

৩

মেয়ে আমার অতি সুন্দরী ।
জামাই আমার ধান সিদ্ধ হাঁড়ি ।

আহা তাইতে মেয়ে পাঠাই না ।
 কাল জামাই মনে লাগে না ।
 হাংলা জামাই মনে লাগে না ।
 আহা তাইতে মেয়ে পাঠাই না ॥
 মেয়ে আমার অতি সুন্দরী,
 জামাই আমার ধান দিকা হাড়ি
 আহা তাইতে মেয়ে পাঠাই না ।

—ঐ

‘মৈমনসিং গীতিকা’

পূর্ব মৈমনসিংহ হইতে সংগৃহীত গীতিকাগুলি যে গ্রন্থে প্রকাশিত হইয়াছে, তাহা ‘মৈমনসিংহ-গীতিকা’। ইহা ১৯২৩ সনে কলিকাতা বিশ্ববিদ্যালয় কর্তৃক প্রথম প্রকাশিত হয়।

মেয়েলী রামায়ণ

কোন কোন অঞ্চলের মেয়েরা প্রধানত সাধভক্ষণ, উপনয়ন, বিবাহ প্রভৃতি উপলক্ষে রামায়ণের কোন কোন অংশ গান করিয়া থাকে। তাহাদের মধ্যে বান্ধীকি কিংবা কুন্তিবাস কাহারও আদর্শ রক্ষা করিবার পরিবর্তে নারী জাতির জীবন আদর্শ অমুযায়ী কাহিনী পুনর্বিজ্ঞপ্ত হইয়া থাকে। পূর্ব বাংলা বিশেষত পূর্ব মৈমনসিংহের এই শ্রেণীর গানে চন্দ্রাবতীর ভণিতা পাওয়া যায়। তিনি মনসা-মঙ্গল রচয়িতা দ্বিজ বংশীদাসের কণ্ঠা বলিয়া কেহ কেহ মনে করেন। অনেকের বিশ্বাস, তিনি রামায়ণ রচনা করিয়াছিলেন, তাহাই মেয়েলী রামায়ণ বা বাংলার মহিলা কুন্তিবাস চন্দ্রাবতী রচিত রামায়ণ বলিয়া মনে করা হয়। সামান্য অংশ উদ্ধৃত করা হইল।

১

সাগরের পারে আছে গো কনক ভুবন ।
 তাহাতে রাজত্ব করে গো লঙ্কার রাবণ ॥
 বিশ্বকর্মা নির্মাইল গো রাবণের পুরী ।
 বিচিত্র বর্ণনা তাহার গো কহিতে না পারি ॥

যোজন বিস্তার পুরী গো দেখিতে সুন্দর ।

বড় বড় ঘরগুলি গো পাহাড় পর্বত ॥

সাংগরের তীরে লক্ষা গো করে টলমল ।

হীরমন মাণিক্যোতে গো করে ঝলমল ॥

—মৈমনসিংহ

মৈষাল বন্ধুর গান

যে প্রেম-সঙ্গীতের নায়ক মহিষ-রক্ষক, তাহাকে মৈষাল বন্ধুর গান কিংবা মৈষালের গান বলা হয় ।

মইষ রাখ, মইষাল বন্ধু রে, সুরমাই নদীর পারে,

অরণ মইষে থাইলো গো ধান বাইছ্যা নিবো তোরে রে ।

প্রাণ কান্দে, ও মইষাল বন্ধু রে ॥

মাইরো না ধইরো না মাইষাল রে, ফালাও হাতের লড়ি,

নাকের বেসর বেইচ্যা দিয়াম ক্ষেতের পুরাণী রে ।

প্রাণ কান্দে, ও মইষাল বন্ধু রে ॥

—মৈমনসিংহ

ম

যাওয়া গান, যাওয়া নাচের গান

পুৰুলিয়া জিলায় ভাদ্র মাসে অহুষ্ঠিত এক প্রকার শস্তোৎসবের নাম যাওয়া, তাহার গান যাওয়া গান এবং নাচ যাওয়া নাচ। শব্দটি সংস্কৃত জাত শব্দ হইতে উৎপন্ন হইয়াছে বলিয়া ইহার প্রকৃত বানান জাওয়া (পূর্বে জাওয়া গান দেখ)। পূর্বে জাওয়া গান শিরোনামায় ইহা বিস্তৃত উদ্ধৃত হইয়াছে। এখানে আরও দুই একটি উদ্ধৃত করা গেল।

১

কুলির মোড়ার বড় গাছটি একা গাছা বড় লো,
টস্কে টস্কে পড়ে দুধ লো।
মায়ের পক্ষে ভাইও বহিন লো,
দুকুরে খাবো মায়ের দুধ।

২

পাট ভরি ভরি ফুল পুঁচি ও মট ভরি ভরি পান লো,
হারামজাদি যাওয়া নাচের গান লো।

৩

কুঁয়াশালে কুঁয়া, চপল চপল পাত লো,
স্বস্তি মাঠে একেই চাটুর ভাত লো,
নাই খাব নাই যাবো একেই চাটুর ভাত লো,
নর গেলে খাব দুধে ভাত লো ॥

—এ

৪

কুমার ঘরের কুম কলসী কামার ঘরের চাটু লো,
বড় ঘরের বহরী খায় বাটি বাটি লো।

—এ

৫

রাওতারার গোদা হাঁড়ি তিতির বনের কাট লো,
বাইয়েলে থাইয়েলে, বঁধু, সিজি আলো ভাত লো ॥

—এ

যাত্রা গান

বাংলা লোক-নাট্যকে (folk-drama) সাধারণ ভাবে যাত্রা গান বলা হয়। অভিনয় অর্থে যাত্রা শব্দটির উৎপত্তি লইয়া মতবিরোধ দেখিতে পাওয়া যায়। যদিও সংস্কৃত অভিধানে উৎসব অর্থে যাত্রা শব্দটি গৃহীত হইয়াছে, তথাপি এ কথা সত্য যে, শব্দটি যদি মূলত ইন্দো-ইউরোপীয় শব্দ হইয়া থাকে, তবে ‘যা’ ধাতু হইতে ইহা উৎপন্ন বলিয়া গমন অর্থেই ইহা সর্বপ্রথম ব্যবহৃত হইত। এই গমন উপলক্ষে উৎসবাদি অল্পাধিক হইত বলিয়া কালক্রমে উৎসব অর্থেই যাত্রা শব্দটি সংস্কৃতে ব্যবহৃত হইতে থাকে। এইভাবে দেবযাত্রা শব্দের অর্থ দেবতা-সম্পর্কিত কোন উৎসবের অল্পাধিক। কিন্তু ‘যা’ ধাতু অর্থে যে গমনের কথা পূর্বে উল্লেখ করিলাম, তাহা কাহার গমন এবং কোথায় গমন? প্রাচীন কালে পৃথিবীর প্রায় সর্বত্রই গ্রহ-নক্ষত্রাদির কক্ষ হইতে কক্ষান্তর গমন উপলক্ষে উৎসবাদি অল্পাধিক হইত। গ্রহদিগের মধ্যে সূর্যই প্রধান এবং সর্বাপেক্ষা প্রত্যক্ষ; শুধু তাহাই নহে, ইহা নানাভাবে মানুষের ব্যবহারিক জীবনের সঙ্গে জড়িত। ইহাই পৃথিবীব্যাপী বিভিন্ন জাতির মধ্যে সূর্যোপাসনার উৎপত্তির মূল। পূর্বভারত অঞ্চলেও যে অতি প্রাচীন কাল হইতেই সূর্যোপাসনার ব্যাপক অস্তিত্ব ছিল, তাহা জানিতে পারা যায়। বৎসরের মধ্যে সূর্যের চারি বার চারিটি উল্লেখযোগ্য ‘যাত্রা’ বা কক্ষান্তরগমন অল্পাধিক হয়, তাহাদের মধ্যে দুইটি প্রধান ও দুইটি অপ্রধান। সূর্যের প্রধান দুইটি গতি-পরিবর্তন বা নূতন যাত্রার মধ্যে একটি ইহার উত্তরায়ণ ও অপরটি দক্ষিণায়ন। কৃষি সমাজের নিকট সূর্যের উত্তরায়ণ অপেক্ষা দক্ষিণায়নের ব্যবহারিক মূল্য অনেক বেশী; কারণ, তখনই গ্রীষ্মের অবসানে বর্ষার সূচনা হইয়া থাকে এবং এই সময়ের মধ্যেই সমগ্র কৃষিকার্য শেষ করিয়া কৃষিজাত জব্যাদি গৃহে তুলিয়া লওয়া হয়। সেইজন্য এক হিসাবে সূর্যের দক্ষিণ দিকে যাত্রা আরম্ভ হইবার মুহূর্তেই যে সূর্যোৎসব অল্পাধিক হইত, তাহা পূর্বভারত অঞ্চলের সর্বশ্রেষ্ঠ সূর্যোৎসব। গ্রীষ্মপ্রধান দেশে সূর্যের দক্ষিণায়নে এবং শীতপ্রধান দেশে সূর্যের উত্তরায়ণেই প্রধান সূর্যোৎসব অল্পাধিক হইয়া থাকে। সেইজন্য যেদিন হইতে বড়দিন আরম্ভ হয়, পাশ্চাত্য জগতের তাহাই সর্বশ্রেষ্ঠ উৎসবের দিন এবং যেদিন হইতে ‘ছোট দিন’ আরম্ভ হয়, প্রাগার্য ভারতীয় সমাজে তাহাই সর্বাপেক্ষা

উল্লেখযোগ্য উৎসবের দিন ছিল। তাহার প্রমাণ, উড়িয়া হইতে আরম্ভ করিয়া দক্ষিণাত্যের সর্বশ্রেষ্ঠ উৎসব রথযাত্রা। বাংলাদেশেও যে এক কালে রথযাত্রাই অগ্রতম শ্রেষ্ঠ উৎসব ছিল, তাহার এখনও প্রমাণ পাওয়া যায়। এই রথযাত্রা সূর্যের দক্ষিণায়ন উৎসব ব্যতীত আর কিছুই নহে। উত্তরায়ণ পথে অগ্রসর হইতে হইতে সূর্য যখন আষাঢ় মাসে উত্তরায়ণ বিন্দুতে আসিয়া উপনীত হইত, তখন পুনরায় তাহার দক্ষিণায়ন যাত্রার সূচনার মুহূর্ত্তেই রথযাত্রার অনুষ্ঠান হইত। পরবর্তী হিন্দু, বৌদ্ধ ও বৈষ্ণব ধর্মের প্রভাব বশত উড়িয়া ও বাংলায় এই রথযাত্রা জগন্নাথদেবের রথযাত্রা, মাধাই বা মাধবের রথযাত্রা ইত্যাদি বলিয়া পরিচিত হইলেও, ইহা যে মূলত সূর্যেরই দক্ষিণায়ন যাত্রার উৎসব ছিল, তাহা সহজেই অনুমান করিতে পারা যায়।

অয়নের শেষ বিন্দুতে উপস্থিত হইলে সূর্যের প্রতীক্কে রথে স্থাপন করিয়া সেই রথ টানিয়া লইয়া সূর্যের নূতন যাত্রা সুরু করাইয়া দেওয়ার প্রবৃত্তির মধ্যে আদিম সমাজের একটি ঐন্দ্রজালিক ক্রিয়ার পরিচয় পাওয়া যায়। ইহাকে ইংরেজিতে sympathetic magic বলে। আদিম সমাজের ধারণা ছিল, সূর্যের প্রতীক্কে রথে তুলিয়া যাত্রা করাইয়া না দিলে আকাশস্থ সূর্য নূতন যাত্রাপথে অগ্রসর হইতে পারিবে না—তাহাতে নানা অশুভের সৃষ্টি হইবে। সেইজন্ম সূর্যের এই যাত্রা উপলক্ষে সমাজে মহামহোৎসব অনুষ্ঠিত হইত। যদিও গ্রীষ্মপ্রধান দেশে সূর্যের দক্ষিণায়ন যাত্রাই সর্বশ্রেষ্ঠ উৎসব, তথাপি রাশিচক্রে সূর্যের অগ্রাগ্র উল্লেখযোগ্য যাত্রা উপলক্ষেও উৎসবের অনুষ্ঠান করা হইত। সূর্য বিষ্ণুরেখায় অবস্থিত হইলে যখন দিনরাত্র সমান হয়, তখন বঙ্গদেশে যে চড়কোৎসব অনুষ্ঠিত হয়, তাহাও সূর্যোৎসব ব্যতীত আর কিছুই নহে; এই সময়ে সূর্যের যে রথযাত্রা অনুষ্ঠিত হইত, তাহাই বৈষ্ণবপ্রভাব বশত বর্তমানে শ্রীকৃষ্ণের পুষ্পক রথ বলিয়া পরিচিত। মাঘ মাসে দক্ষিণায়ন বিন্দুতে সূর্য অবস্থিত হইলে সূর্যের যে রথযাত্রার অনুষ্ঠান হইত, তাহা এখনও ‘রথখ্যা সপ্তমী’ নামে বাংলা পঞ্জিকাदिতে উল্লেখিত হইয়া থাকে। সূর্যের নব নব যাত্রা উপলক্ষে এই সকল উৎসবের অনুষ্ঠান হইত বলিয়া কালক্রমে দেবতা-বিষয়ক যে কোন উৎসবকেই যাত্রা বলিত। ইহার সঙ্গে অল্প কোন দেবতাকে লইয়া এক স্থান হইতে অল্প স্থানে যাত্রা কিংবা ‘মিছিল ক’রে যাওয়া’র কোন সম্পর্ক নাই। কালক্রমে বাংলা দেশের উপর যখন বৈষ্ণব ধর্মের ব্যাপক প্রভাব বিস্তৃত হইল,

তখন কৃষ্ণবিষয়ক উৎসবাদি এই দেশে প্রাধান্য লাভ করিল, এই কৃষ্ণোৎসবসমূহ কৃষ্ণযাত্রা নামে পরিচিত হইল। যেমন ঝুলন বা হিন্দোলযাত্রা, রাসযাত্রা, দোল-যাত্রা ইত্যাদি। বলা বাহুল্য, রাসযাত্রাও দ্বাদশ রাশির পথে সূর্যের পরিক্রমণই বুঝায়। বৈষ্ণবপ্রভাব বশত সূর্যই এখানে কৃষ্ণ ও দ্বাদশ রাশি দ্বাদশ গোপিকার রূপ লাভ করিয়াছে। পুরীর রথযাত্রাও এখন সূর্যের পরিবর্তে জগন্নাথ-বলরাম-সুভদ্রার রথ বলিয়া পরিচিত হইয়াছে। পূর্ববঙ্গের প্রসিদ্ধ ধামরাইর রথ মাধাইর রথ বলিয়া পরিচিত হইয়াছে। পূর্বে সূর্যের কোন প্রতীক রথাক্রুত করিয়া সেই রথ টানিয়া লইয়া অমুকাকরক ঐন্দ্রজালিক ক্রিয়া (sympathetic magic) দ্বারা সূর্যকে যে নতুন অয়নপথে গতিদান করা হইত, বর্তমানে সেই সূর্যের স্থান কৃষ্ণ কিংবা জগন্নাথ গ্রহণ করিয়াছেন—সূর্যের নতুন যাত্রাপথে রথ টানিয়া লইয়া যাইবার রীতিটি এখন কৃষ্ণ কিংবা জগন্নাথ সম্পর্কেই প্রচলিত হইয়াছে। নতুবা কৃষ্ণ কিংবা জগন্নাথকে আষাঢ়ী শুক্লা দ্বিতীয়া তিথিতে রথে তুলিয়া টানিয়া লইয়া যাইবার আর কোন তাৎপর্য থাকিতে পারে না।

এইখানে আরও একটি বিষয় গভীরভাবে বিবেচনা করিয়া দেখিতে হইবে। যাত্রা শব্দটি প্রকৃতই সংস্কৃত গমনার্থক ‘যা’ ধাতু হইতে উৎপন্ন, কিংবা ইহা উৎসব অর্থবাচক কোন অনার্থ শব্দ হইতেই সংস্কৃতে গৃহীত হইয়াছে! যদি তাহাই হইয়া থাকে, তবে শব্দটির উৎপত্তি মূলে সূর্য কিংবা অগ্নি কাহারও এক স্থান হইতে অগ্নি স্থানে গমনের কোন সম্পর্কই নাই। এই বিষয়ে অনুসন্ধান করিলে দেখিতে পাওয়া যায়, বাংলার পশ্চিম সীমান্তবর্তী ছোটনাগপুরের আদিম অধিবাসী ওরাওঁদিগের মধ্যে যাত্রা নামে একটি অনুষ্ঠান প্রচলিত আছে। ওরাওঁগণ জাবিড়-ভাষাভাষী, ইহাতে শব্দটি মূলত জাবিড় ভাষা হইতে আসিয়াছে বলিয়াও অনুমিত হইতে পারে। এখানে ওরাওঁ জাতির যাত্রা অনুষ্ঠানটির একটু পরিচয় দেওয়া অপ্ৰাসঙ্গিক হইবে না।

ওরাওঁদিগের মধ্যে প্রতিবেশী গ্রামসমূহের অধিবাসী অবিবাহিত যুবক-যুবতীদিগের সমবেত নৃত্যানুষ্ঠানের নাম যাত্রা। এই অনুষ্ঠানের একটি প্রধান সামাজিক মূল্য এই যে, ইহার মধ্য হইতেই প্রধানত যুবক-যুবতীগণ তাহাদের ভবিষ্যৎ বিবাহিত জীবনের সঙ্গী ও সঙ্গিনীর সন্ধান পাইয়া থাকে এবং ইহার ভিতর দিয়া তাহাদের যে পরিচয় ও ঘনিষ্ঠতা জন্মিয়া থাকে, তাহা কালক্রমে বিবাহ-বন্ধনে পরিণতি লাভ করে। সেইজন্য অবিবাহিত যুবক-

যুবতী মাত্রই এই অস্থানটির জন্ত সাগ্রহে প্রতীক্ষা করিয়া থাকে। বহু লোক-সঙ্গীতের মধ্য দিয়া ওরাওঁ যুবক-যুবতীর প্রাণের এই আকৃতি প্রকাশ পাইয়াছে।

বৎসরের মধ্যে যে কোন অবসর সময়ে বিশেষ কোন অঞ্চলের গ্রামসমূহের যে কোন এক কিংবা একাধিক স্থানে যাত্রা নামক এই নৃত্য্যস্থানের আয়োজন হইয়া থাকে। ইহাদের মধ্যে ‘জেঠ যাত্রা’ নামে পরিচিত জ্যৈষ্ঠ মাসে যে নৃত্য্যস্থানের আয়োজন হয়, তাহাই প্রধান। সপ্তাহ কাল পূর্ব হইতেই গৃহে গৃহে এই উপলক্ষে পচাই তৈরী করিবার ধুম পড়িয়া যায়। তারপর নির্দিষ্ট দিনে যুবক-যুবতীগণ পত্র-পুষ্প সুসজ্জিত হইয়া নির্ধারিত যাত্রার স্থানে আসিয়া সমবেত হয়। পার্শ্ববর্তী অঞ্চলের গ্রামসমূহ হইতে আগত নিমন্ত্রিতগণকে বিশেষভাবে আপ্যায়িত করা হয়; এইভাবে এক গ্রাম অল্প গ্রামকে নিমন্ত্রণ করিবার ফলে বিবাহযোগ্য যুবক-যুবতীদিগের মধ্যে পরস্পর পরিচয় স্থাপিত হয়। ভাণের পর ভাণ্ড পচাইর সন্ধ্যাবহার করা হইলে পর সমস্ত রাজি ব্যাপিয়া যুবক-যুবতীদিগের সমবেত সঙ্গীত ও নৃত্য্যস্থান চলিতে থাকে। যে স্থানে এই অস্থানের আয়োজন হয়, তাহাকে সাধারণত ‘যাত্রাটাড়’ বলা হয়। উৎসব-ক্ষেত্রে একটি কাঠের খুঁটি ঘিরিয়া এই নৃত্য্যস্থান হইয়া থাকে, সেই খুঁটিকেও ‘যাত্রা খুঁটিয়া’ বলা হয়। এই নৃত্য্যস্থানের জন্ত যুবক-যুবতীগণ বিশেষ পোষাকও পরিধান করিয়া থাকে, তবে পত্রপুষ্পই অধিকাংশ দেহসজ্জার কাজ করে। দূরবর্তী গ্রাম হইতে নিমন্ত্রিত যুবক-যুবতীগণ রীতিমত শোভাযাত্রা করিয়া নিমন্ত্রণ রক্ষা করিতে বাহির হয়—শোভাযাত্রা-কারীদিগের মধ্যে কেহ পতাকা, কেহ অল্প কোন অভিজ্ঞান সঙ্গে করিয়া লইয়া অগ্রসর হয়। প্রকৃত নৃত্য বা যাত্রা-স্থানটিকে (Jatra-ground) বিশেষ পবিত্র বলিয়া বিবেচনা করা হয়। আস্থানিক ভাবে কতকগুলি নির্ধারিত আচার পালন করিয়া বিভিন্ন দল সেই স্থানে প্রবেশ করিয়া থাকে এবং সমস্ত রাজিব্যাপী অস্থিতি নৃত্য্যোৎসবে তাহাদের সাধ্যমত কৃতিত্ব দেখাইয়া থাকে। যে গ্রামে এই যাত্রার অস্থান হয়, সেই গ্রামের বর্ষায়সী কয়েকজন মহিলা ‘মঙ্গল কলস’ (কব্জা) মাথায় করিয়া লইয়া সেইস্থানে উপস্থিত থাকে। কোন কোন সময় তাহারাও ঐ ভাবে নৃত্য্য যোগদান করে। এই উপলক্ষে বিভিন্ন গ্রামের কর্তৃপক্ষীয় লোকজনও সমবেত হইয়া নিজেদের সমাজিক বিবিধ সমস্তার কথাও আলোচনা করিয়া থাকে।

ওরাও যাত্রার এই বর্ণনা হইতে বুঝিতে পারা যাইবে যে, পশ্চিম বাংলার প্রান্তবর্তী অঞ্চল হইতে যাত্রা কথাটি গিয়া যে ওরাওদিগের মধ্যে প্রবেশ করিয়াছে, তাহা নহে। ওরাওদিগের ইহা একটি বিশিষ্ট সামাজিক অহুষ্ঠান; শুধু সামাজিকই নহে, ইহার মধ্যে ধর্মীয় (religious) সম্পর্কও আছে— বিশেষত ইহার উপরই একটি উপজাতির সামাজিক জীবন প্রতিষ্ঠিত বলিয়া বোধ হইবে; কারণ, ইহার মধ্য দিয়াই তাহাদের সর্বপ্রধান সামাজিক ক্রিয়া বা বিবাহের উপায় হইয়া থাকে। অতএব ইহা বাহির হইতে পরবর্তী কালে অন্তের নিকট হইতে ধার করা প্রথা বলিয়া মনে হইতে পারে না। বাংলা ভাষায় যাত্রা কথা যে অর্থে প্রচলিত আছে, তাহাতে ধর্ম ও আনন্দ এই উভয় ভাবই যুক্ত আছে। অতএব শব্দটি একই ক্ষেত্রে হইতে উদ্ভূত বলিয়াও মনে হওয়া অস্বাভাবিক নহে। এই ক্ষেত্রে শব্দটি মূলত জাবিড় হওয়াও আশ্চর্য নহে, পরে সম্ভবত সংস্কৃতে গৃহীত হইয়াছে।

কেবলমাত্র ওরাও জাতিই নহে, জাবিড়-ভাষাভাষী দাক্ষিণাত্যের বিভিন্ন অঞ্চলের সাধারণ অধিবাসীর মধ্যেও ধর্মোৎসব অর্থে যাত্রা শব্দটির ব্যাপক প্রচলন আছে। দৃষ্টান্ত স্বরূপ উল্লেখ করা যাইতে পারে যে, দাক্ষিণাত্যের গ্রাম্য দেবী মারী বা মারী-আম্মার বাৎসরিক পূজাহুষ্ঠানকে ‘মারীযাত্রা’ বলিয়া উল্লেখ করা হইয়া থাকে। মাদ্রাজ উপকূল অঞ্চলের নিরক্ষর পত্তনবান জাতীয় সামুদ্রিক মংস্রজীবগণ গ্রাম্যদেবতার নৈমিত্তিক পূজোৎসবকে এখনও ‘যাত্রে’ (Jatre) বলিয়া উল্লেখ করে। উড়িষ্যায় সাধারণ লোকের মধ্যে বাংলার গাজনোৎসবের মত যে এক অহুষ্ঠান প্রচলিত আছে, তাহার নাম ‘সাহী যাত্রা’; ওড়িয়া ভাষায় মেলা অর্থে ‘যাত’ শব্দটি ব্যাপকভাবে ব্যবহৃত হয়। সাঁওতাল পরগণার সাঁওতাল ও ভূইঞাদিগের মধ্যেও ‘যাত্রা-পরব’ নামক একটি অহুষ্ঠান আছে; ইহা সাধারণত মাঘমাসে অহুষ্ঠিত হইয়া থাকে। পশ্চিম বাংলার নিম্নজাতির মধ্যে লৌকিক দেবতার উৎসবকে ‘যাত’ বলিয়া উল্লেখ করা হয়। উড়িষ্যা ও পশ্চিম বাংলার জন-সাধারণের মধ্যে প্রচলিত ‘জাত’ বা ‘যাত’ শব্দটি ওড়িয়া ও বাংলা ভাষায় জাবিড় ভাষার দান বলিয়া মনে করা যাইতে পারে। এই সকল দৃষ্টান্ত হইতে ‘যাত্রা’ শব্দটি মূলত জাবিড় ভাষা হইতে আগত বলিয়া মনে করা অসঙ্গত নহে। জাবিড় ভাষা হইতেই সাধারণ উৎসব অর্থে শব্দটি সংস্কৃতেও

প্রবেশ করিয়া থাকিবে। পূর্বেই বলিয়াছি, তাহা হইলে সৌরযাত্রার সঙ্গে ইহার কোন সম্পর্ক কল্পনা করা যায় না। ‘যাত্রা’ শব্দের ব্যুৎপত্তি নির্দেশ করিবার পূর্বে এই বিষয়গুলি গভীরভাবে বিবেচনা করিয়া দেখা প্রয়োজন।

যাত্রার মত নৃত্যগীতানুষ্ঠানকে মধ্যযুগের বাংলায় নাটগীত বলিত। বৈষ্ণব-ধর্মের প্রভাববশতঃ কৃষ্ণ প্রসঙ্গ ইহাতে প্রবেশ করিবার ফলে ইহা কালক্রমে কৃষ্ণযাত্রা নামে পরিচিত হইল। তারপর ঊনবিংশ শতাব্দীতে বাংলার যাত্রা গান গতানুগতিক বিষয় পরিত্যাগ করিয়া নূতন বিষয়বস্তু লইয়া রচিত হইতে লাগিল। তখন ইহাকে নূতন যাত্রা বলিত। মলদময়স্ত্রী এবং বিদ্যাসুন্দরের কাহিনী অবলম্বন করিয়া ‘নূতন যাত্রা’ রচিত হয়। এই যাত্রার মালিনীর নৃত্য একটি বিশিষ্ট লোকপ্রিয় অঙ্গ হইয়া দাঁড়ায়। গোপাল উড়ে এই বিষয়ের প্রথম প্রবর্তক বলিয়া কথিত হয়। ক্রমে অত্যাশ্চর্য বিষয়ক যাত্রার কাহিনীর মধ্যেও অপ্রাসঙ্গিক ভাবে এই নৃত্য ও তৎসম্বলিত সঙ্গীতের প্রবর্তন হয়। ইহার সূত্র ধরিয়া ক্রমে ক্রমে ‘নূতন যাত্রা’র কালুয়া-ভুলুয়া, মেথর-মেথরাণী, ঘেসেড়া-ঘেসেড়ানী, নাপিত-নাপিতানী প্রভৃতির অঙ্গীল নৃত্যগীতাদি প্রবেশ করিয়া ইহাকে রুচির দিক দিয়া বিকৃত করিয়া তুলে। শিক্ষিত মন তখন হইতেই ইহার প্রতি বিরূপ হইয়া উঠে। ঊনবিংশ শতাব্দীর মধ্যভাগে কৃষ্ণকমল গোস্বামী তাঁহার তিনখানি রাধাকৃষ্ণ-বিষয়ক যাত্রা রচনার ভিতর দিয়া প্রাচীন কৃষ্ণযাত্রার আদর্শ পুনঃপ্রতিষ্ঠা করিবার চেষ্টা করেন; কিন্তু ব্যাপক ভাবে সমাজ হইতে মধ্যযুগস্থলভ ধর্মভাব বিদূরিত হইয়া যাইবার ফলে, এই প্রয়াস শেষ পর্যন্ত সার্থকতা লাভ করিতে পারে নাই—প্রায় তাঁহার সঙ্গে সঙ্গেই ইহার ধারাটি লুপ্ত হইয়া যায়। ক্রমেই বৈদেশিক আদর্শে প্রতিষ্ঠিত রঙ্গমঞ্চের প্রভাব সর্বজনীন হইয়া উঠিতে লাগিল এবং তাহার কোন কোন উপকরণ গিয়া ‘নূতন যাত্রা’র মধ্যে প্রবেশ করিল; তখন যাত্রা আর এক নূতন পরিচয় লাভ করিল—তাহা গীতাভিনয়।

কৃষ্ণকমল গোস্বামীর কৃষ্ণযাত্রা-পুনরুজ্জীবনের প্রয়াস ফলপ্রসূ না হইলেও কৃষ্ণযাত্রার অম্লরূপ একান্ত সঙ্গীত-নির্ভর এক শ্রেণীর গীতিনাট্যরচনা সে যুগে আবির্ভূত হইতে লাগিল, তাহা সাধারণ ভাবে গীতাভিনয় নামে পরিচিত। কৃষ্ণযাত্রা একান্ত কৃষ্ণপ্রসঙ্গ-ভিত্তিক, কিন্তু গীতাভিনয়ের মধ্যে সকল শ্রেণীর

পৌরাণিক কাহিনীই অবলম্বন করা হইত। কৃষ্ণযাত্রার সঙ্গীত-সুরে কোন বৈচিত্র্য ছিল না, প্রধানত প্রচলিত কীর্তনের সুরেই ইহার সঙ্গীত আত্মোপাস্ত পরিবেশন করা হইত, বাজ্যযন্ত্রের মধ্যেও মৃদঙ্গ এবং মন্দিরাই ইহার অবলম্বন ছিল। কিন্তু গীতাভিনয়ের সঙ্গীতের ভিতর সে যুগের বিবিধ রাগরাগিণী ব্যবহৃত হইত, দেশী এবং বিদেশী সকল প্রকার বাজ্যযন্ত্র ব্যবহৃত হইত। সুতরাং ইহা কৃষ্ণযাত্রা অপেক্ষা অধিকতর বৈচিত্র্যপূর্ণ হইয়া উঠিল। কৃষ্ণলীলার কাহিনী নিত্যন্ত বৈচিত্র্যহীন এবং শিথিলবদ্ধ ছিল, সুপরিচিত কৃষ্ণপ্রসঙ্গই ইহার উপজীব্য ছিল; কিন্তু বিভিন্ন বিষয়ক পুরাণকে অবলম্বন করিবার ফলে গীতাভিনয়ে অতি সহজেই কাহিনীগত বৈচিত্র্যের সৃষ্টি হইল। বিষয়ের দৈন্ত্য কৃষ্ণযাত্রার যে ক্রটি কারণ হইয়াছিল, তাহা গীতাভিনয়ের মধ্যে দূর হইয়া গেল, ক্ষণিকময় বিষয়বস্তুর পরিবর্তে বিস্তৃততর কাহিনী গীতাভিনয়ের ভিত্তি হইল, ইহাতে কাহিনীর ক্রমবিকাশের ধারা ও চরিত্র সৃষ্টির অবকাশ রচিত হইল। কেবলমাত্র অহৈতুকী কৃষ্ণভক্তির পরিবর্তে সমাজ-জীবনের উচ্চ নৈতিক আদর্শের প্রচার গীতাভিনয়গুলির লক্ষ্য হইল, সুতরাং ইহা সম্প্রদায়-নিরপেক্ষ ব্যাপকতর আবেদন সৃষ্টি করিবার সম্ভাবনা প্রকাশ করিল। কৃষ্ণযাত্রাগুলি সংক্ষিপ্ত রচনা ছিল, কিন্তু গীতাভিনয়গুলি পঞ্চাঙ্ক নাটকের মত সূদীর্ঘ রচনা, অনেক সময় প্রয়োজন অনুসারে অঙ্কের মাত্রা আরও বাড়িয়া যাইত এবং দীর্ঘ সময় ব্যাপিয়া ইহার বিচিত্র ঘটনার প্রবাহ অগ্রসর হইয়া যাইত। সেইজন্য অতি সহজেই কৃষ্ণযাত্রার পরিবর্তে ইহার প্রতি সাধারণের আকর্ষণ দেখা দিল।

একথা পূর্বেই বলিয়াছি, ঊনবিংশ শতাব্দীর মধ্যভাগেই ‘নূতন যাত্রা’ শিক্ষিত জনসাধারণের সহানুভূতি হইতে সম্পূর্ণ বঞ্চিত হইয়াছিল। ইহার প্রধান কারণ, ইহার আঙ্গিকের কোন ক্রটি নহে, ইহার রুচির বিকার। এদিকে কলিকাতার সম্ভ্রান্ত ও ধনী পরিবারের সখের রঙ্গমঞ্চগুলিতে যে সমস্ত নাটক অভিনীত হইতেছিল, তাহাতে সাধারণের প্রবেশাধিকার ছিল না বলিয়া, কোন নূতন কোশল অবলম্বন করিয়া জনসাধারণের মধ্যে নাট্যরস পরিবেশন করিবার প্রয়োজনীয়তাও কেহ কেহ অনুভব করিতেছিলেন। তাঁহারা বুঝিলেন, সর্বসাধারণের মধ্যে নাটকের রস পরিবেশন করিবার পক্ষে নূতন যাত্রার আঙ্গিকই সর্বাপেক্ষা উপযোগী, অতএব ইহারই এক

উন্নত রূপের ভিতর দিয়া তাঁহারা এই উদ্দেশ্য সাধন করিবার জন্ত অগ্রসর হইলেন। ইহার মধ্যে কৃষ্ণযাত্রার ও নূতন যাত্রার গীত অংশকে সংক্ষিপ্ত করিয়া তাহার স্থানে আধুনিক নাটকের অভিনয়ে অংশের প্রাধান্য দেওয়া হইল; সেইজন্য ইহার নামকরণ করা হইল গীতাভিনয়। ইহা প্রাচীন কৃষ্ণযাত্রা কিংবা নূতন যাত্রার অবশুস্তাবী ক্রমপরিণতিরূপে আবির্ভূত হইল না, বরং প্রাচীন যাত্রা ও নূতন যাত্রা উভয়েরই ভিত্তির উপর ইংরেজি আদর্শে রচিত বাংলা নাটকগুলির প্রত্যক্ষ প্রভাবের ফলে সৃষ্ট হইল। আঙ্গিকের দিক দিয়া স্থল দৃষ্টিতে দেখিতে পাওয়া যায় যে, কৃষ্ণযাত্রা হইতে ইহার গীত, নূতন যাত্রা হইতে ইহার নৃত্য এবং তদানীন্তন বাংলা নাটক হইতে ইহার সংলাপের অংশ গৃহীত হইয়াছে। রসের দিক দিয়া ইহাতে প্রাচীন যাত্রার ভক্তি, নূতন যাত্রার আনন্দ ও ইংরেজী আদর্শে রচিত বাংলা নাটকের কারুণ্য একসঙ্গে গৃহীত হইয়াছে। ইহার সঙ্গে ভিতর ও বাহিরের দিক হইতে দেশীয় প্রাচীন ও নূতন যাত্রার যোগ ছিল বলিয়া ইহা এক দিক দিয়া যেমন দেশীয় রস-সংস্কারের অম্লগামী হইয়াছিল, তেমনি অল্প দিক দিয়া ষাঁহারা যুগপ্রভাববশতঃ নূতন রসের অম্লরাগী হইয়া উঠিয়াছিলেন, তাঁহাদের রস-পিপাসা চরিতার্থ করিতেও সক্ষম হইয়াছিল। ঊনবিংশ শতাব্দীর মধ্যভাগ হইতেই কবি, টপ্পা, কীর্তন, পাঁচালী, ঢপ প্রভৃতি সঙ্গীত মৌলিকতার অভাবের জন্ত জনসাধারণের সহানুভূতি হইতে বঞ্চিত হইল। তখন এই সকল বিভিন্ন সঙ্গীতের স্বতন্ত্র সম্প্রদায়গুলির স্বাধীন অস্তিত্ব রক্ষা করাও কঠিন হইয়া পড়িল—ইহারা ইতিপূর্বেই ক্ষুদ্র ক্ষুদ্র বিচ্ছিন্ন সম্প্রদায়ে পরিণত হইয়া কোন প্রকারে আত্মরক্ষা করিতেছিল। তবে প্রায় এক শত বৎসর বাংলার রসিক সমাজের মধ্যে রস বিতরণ করিয়া ইহারা যে রস-সংস্কার গড়িয়া তুলিয়াছিল, তাহা তখনও সম্পূর্ণ-ভাবে দেশ হইতে লুপ্ত হইয়া যায় নাই; অতএব ইহারা অধঃপতনের যে স্তরেই নামিয়া ষাউক না কেন, ইহাদেরও পৃষ্ঠপোষক একটি সম্প্রদায় এদেশে তখনও বর্তমান ছিল। নব-পরিকল্পিত গীতাভিনয়ের মধ্যে এই সকল বিভিন্ন সম্প্রদায়ের বিচিত্র উপকরণগুলি গিয়া প্রবেশ লাভ করিল এবং তাহাতেই এই সকল বিলুপ্তপ্রায় সঙ্গীতের পৃষ্ঠপোষকদিগের রসপিপাসা চরিতার্থ হইল। ইহাতে অষ্টাদশ শতাব্দীর মধ্যভাগ হইতে আরম্ভ করিয়া ঊনবিংশ শতাব্দীর মধ্যভাগ পর্যন্ত বাদ্যালী যে বিভিন্ন প্রকৃতির উচ্চাঙ্গ সঙ্গীতের সাধনা করিয়াছিল,

তাহাদের প্রায় প্রত্যেকটি রূপকেই কোন না কোন উপায়ে রক্ষা করা হইল। অবশ্য কবি-সঙ্গীতের মধ্যে ইতিপূর্বেই এদেশের সমসাময়িক রাগসঙ্গীত সমূহও প্রবেশ করিয়াছিল ; কবি-সঙ্গীতের ধারা খেউড়, আখড়াই, হাফ্ আখড়াই ও তর্জার ভিতর দিয়া যখন সকল বিষয়ে অধঃপতনের শেষ স্তরে নামিয়া গিয়া বিলুপ্ত হইবার উপক্রম করিতেছিল, তখন দেশীয় সঙ্গীতের উচ্চতর ধারাগুলি গীতাভিনয়কে আশ্রয় করিয়া কোনমতে আত্মরক্ষা করিল। অর্থাৎ একটি উৎকৃষ্ট গীতাভিনয়ের আত্মপূর্বিক অমুষ্ঠান শুনিলে তাহাতে সমসাময়িক সকল প্রকৃতির সঙ্গীতের সাক্ষাৎকার লাভ করা যাইত। এইভাবে তদানীন্তন বাংলার বিশিষ্ট সঙ্গীত-সাধনার ধারাগুলি যখন শুষ্ক হইয়া নিশ্চিহ্ন হইয়া যাইতেছিল, তখনই গীতাভিনয়ের মত একটি বিচিত্র রসামুষ্ঠানকে অবলম্বন করিয়া তাহারা কোন প্রকারে বাঁচিয়া গেল ; কারণ, স্বাধীনভাবে আত্মরক্ষা করিবার মত জীবনীশক্তি তাহাদের আর ছিল না। অতএব গীতাভিনয়ের সাহিত্যিক মূল্য যাহাই থাকুক না কেন, তাহা উনবিংশ শতাব্দীর সাধারণ বাঙ্গালীর বিচিত্র রস-সংস্কারের এক শক্তিশালী বাহন হইয়া রহিয়াছে।

বাংলা লৌকিক নাট্যরচনার ক্ষেত্রে গীতাভিনয়গুলি ক্রমে এক নূতন প্রেরণার সঞ্চার করিল, তাহার ফলে যাত্রা-রচনার ধারায় কিছু পরিবর্তন দেখা দিল। গীতাভিনয়ের গীত এবং নৃত্য অংশ ক্রমে আরও সংক্ষিপ্ত হইয়া আসিতে লাগিল এবং তাহাদের পরিবর্তে সংলাপ-অংশ বৃদ্ধি পাইতে লাগিল। ইতিমধ্যে বাংলা সাহিত্যে নাটকের যে বিকাশ দেখা গিয়াছিল, প্রধানত তাহারই প্রভাব বশত গীতাভিনয়গুলি অধিকতর নাট্যধর্মী হইয়া উঠিতে লাগিল। সমসাময়িক বাংলা নাটকের মধ্যে সেক্সপীয়রের ক্রিয়া-বহুল নাটক-গুলির প্রভাব অত্যন্ত সক্রিয় হইয়া উঠিল। তাহার ফলে যুদ্ধবিগ্রহ, গুপ্ত ষড়যন্ত্র, হত্যা, বিদ্রোহ ইত্যাদি বিষয় বাংলা নাটকের উপজীব্য হইল। গীতাভিনয়ের মধ্যে জাতীয় জীবনের আদর্শ প্রচার করাই মুখ্য উদ্দেশ্য ছিল এবং তাহা প্রচার করিবারও একটি সুনির্দিষ্ট ধারা ছিল ; স্তবরাং প্রথমত ইহারা যে আবেদনই সৃষ্টি করুক, ক্রমে ইহারাও বৈচিত্র্যহীন হইয়া উঠিতে লাগিল।

এই যুগে বাংলার সর্বশ্রেষ্ঠ পৌরাণিক নাটকের রচয়িতা গিরিশচন্দ্র ঘোষের আবির্ভাব হয়, তাহার রচিত পৌরাণিক নাটকগুলি দ্বারা সমসাময়িক যাত্রাগুলি প্রভাবিত হয়। তাহার ফলে নূতন একশ্রেণীর যাত্রা রচিত হয়,

তাহা সাধারণভাবে যাত্রা বলিয়া পরিচিত হইলেও পৌরাণিক যাত্রা কথাটি ইহাদের সম্পর্কে অধিকতর সার্থক বলিয়া বোধ হইতে পারে। 'নৃতন' যাত্রার মধ্যে আধ্যাত্মিক ভাবের কোন স্পর্শ ছিল না, ধর্মবোধ-নিরপেক্ষ (secular) আনন্দ ও কৌতুক সৃষ্টিই ইহার লক্ষ্য ছিল ; কিন্তু পৌরাণিক যাত্রার মধ্যে ভক্তি ও বিশ্বাসের ভাবটি আত্মপ্রকাশ করিল। ভক্তির কথা হইলেই কৃষ্ণ-ভক্তির কথা আসিয়া যায় ; কারণ, কৃষ্ণ-উপাসনা অবলম্বন করিয়াই এই জাতির ভক্তির ভাব বিকাশ লাভ করিয়াছে ; সুতরাং পুরাণের যে অংশে কৃষ্ণপ্রসঙ্গ প্রাধান্য লাভ করিয়াছে, পৌরাণিক যাত্রার তাহাই অবলম্বন হইয়াছে। রামায়ণ, ভাগবত, ব্রহ্মবৈবর্ত পুরাণ, হরিবংশ ইত্যাদিই প্রধানত পৌরাণিক যাত্রার ভিত্তি হইয়াছে। বাংলা নাটকের ক্ষেত্রে গিরিশচন্দ্রের পৌরাণিক নাটক রচনার সমান্তরাল ভাবে পৌরাণিক যাত্রা রচনার ধারা অগ্রসর হইয়া গিয়াছে ; ইহা একদিক দিয়া যেমন পৌরাণিক নাটকের অঙ্কুরণের ফল, আবার অগ্র দিক দিয়া বাংলার সমাজের সমসাময়িক যুগের চিন্তা ও সাধনার বাহন। গিরিশচন্দ্রের পৌরাণিক নাটকগুলি নাগরিক জীবনের মধ্যে সমসাময়িক বাংলার সমাজ-জীবনের আধ্যাত্মিক আদর্শ প্রচার করিবার যে ব্রত গ্রহণ করিয়াছিল, পৌরাণিক যাত্রাগুলি বাংলার সুদূর পল্লী অঞ্চল পর্যন্ত পুরাণের বাণী প্রচার করিবার দায়িত্ব গ্রহণ করিয়াছিল। প্রাচীন পল্লীর সমাজ-ব্যবস্থা ভাঙ্গিয়া পড়িবার ফলে যেখানে একদিন চণ্ডীমণ্ডপে কিংবা বারোয়ারী তলায় যে আসর সহজেই জমিয়া উঠিয়া তাহাকে কথক ঠাকুরের মুখে পুরাণ-প্রসঙ্গ সকলে শ্রবণ করিত তাহা তখন বিলুপ্ত হইয়া গিয়াছিল, অথচ পুরাণ শুনিবার যে সংস্কার এদেশের সমাজে গড়িয়া উঠিয়াছিল, তাহা চরিতার্থ হইবার আর কোন উপায় ছিল না ; সুতরাং পৌরাণিক যাত্রাগুলি অতি সহজেই সেই স্থান অধিকার করিয়া লইল। ইহারা বাংলার এক প্রান্ত হইতে অপর প্রান্ত পর্যন্ত জাতিবর্ণনির্বিণেবে বান্ধালী হিন্দু সমাজের উচ্চ নৈতিক আদর্শসমূহ প্রচার করিতে লাগিল। গিরিশচন্দ্র প্রবর্তিত ভাঙ্গা অমিত্রাক্ষর ছন্দের অঙ্কুরণে ইহাদের সংলাপ প্রধানত রচিত হইল, তবে গিরিশচন্দ্রের নাটকের মত অহেতুকী কৃষ্ণভক্তি কিংবা সর্বধর্ম-সমন্বয়বাদ সর্বদাই যে ইহাদের ভিতর দিয়া প্রচারিত হইত, তাহা নহে ; অদৃষ্টবাদ, কর্মফলে বিশ্বাস প্রভৃতির কথাও ইহাদের ভিতর দিয়া শুনিতে পাওয়া যাইত। পৌরাণিক নাটকের

মতই পৌরাণিক যাত্রাগুলিও কদাচ বিয়োগান্তক হইত না, কাহিনী বিয়োগান্তক হইলেও পরিণামে সকলের একটি মিলন দৃশ্য বা 'মেলতা' দেখান হইত। সেই মিলন মর্ত্যলোকে সম্ভব না হইলে গোলোক কিংবা বৈকুণ্ঠ কিংবা শিবলোকেও নির্দেশ করা হইত। পৌরাণিক যাত্রাগুলি অনুসরণ করিলেও বুঝা যায় যে বাংলা নাটক যখন যে ভাব ও রূপ পরিগ্রহ করিয়াছে, যাত্রাও তাহাই অনুসরণ করিয়াছে। কারণ, দেখা যায় যে, বাংলা নাট্যসাহিত্যের ক্ষেত্রেও ভক্তিমূলক পৌরাণিক নাটক রচনার যুগের অবসান হইয়া যখন ঐতিহাসিক ও দেশাত্মবোধক নাটক রচনার সূত্রপাত হয়, সেই যুগেই যাত্রা রচনার ক্ষেত্রেও এক শ্রেণীর নূতন যাত্রার আবির্ভাব হয়—তাহা স্বদেশী যাত্রা নামে পরিচিত।

খ্রীষ্টীয় বিংশ শতাব্দীর প্রথম পাদেই লর্ড কার্জন কৃত বঙ্গবিচ্ছেদের প্রতিবাদ স্বরূপ বাংলা দেশে যে স্বদেশী আন্দোলনের সূত্রপাত হয়, তাহার ফলে বাংলা নাট্যসাহিত্যের লক্ষ্য আমূল পরিবর্তিত হইয়া যায়। একদিন সমাজ-সংস্কার ও ভক্তিভাবের প্রচার ইহার উদ্দেশ্য ছিল, কিন্তু এই সময় দেশাত্মবোধ প্রচার করিতে গিয়া বাংলা দেশের অতীত ইতিহাস হইতে বীর চরিত্রের অনুসন্ধান করিয়া স্বাধীনতা রক্ষায় তাহাদের ত্যাগ, দুঃখ ও আত্মবিসর্জনের কথা ইহাতে নানাভাবে বর্ণনা করা হইতে লাগিল। এমন কি, যে গিরিশচন্দ্র ঘোষ কেবল মাত্র পৌরাণিক নাটক রচনার মধ্যে তাঁহার জীবনের প্রায় সমগ্র অংশই নিয়োজিত রাখিয়াছিলেন, তিনিও তাঁহার চিরাচরিত পথ পরিত্যাগ করিয়া তাঁহার জীবনের সায়াহ্নে নূতন বিষয় লইয়া নাটক রচনা করিতে আরম্ভ করিলেন। এতদ্ব্যতীত দ্বিজেন্দ্রলালের ঐতিহাসিক নাটকগুলিও সমসাময়িক বাংলার সমাজের মধ্যে নূতন উত্তেজনার সৃষ্টি করিল। বাংলার যাত্রাগানগুলি স্বভাবতই ইহার প্রভাব হইতে মুক্ত থাকিতে পারিল না। পূর্বেই বলিয়াছি, সমসাময়িক নাটক হইতেই যাত্রাগুলি সর্বদা প্রেরণা লাভ করিয়াছে; সুতরাং তখন দেশাত্মবোধক নাটকগুলির অনুকরণে যাত্রা রচিত হইতে আরম্ভ করিল। একদিন যাত্রার আসর কেবল মাত্র রাধাকৃষ্ণ, ভীমার্জুনই অধিকার করিয়াছিল, কিন্তু নূতন যুগে প্রবেশ করিয়া ঐতিহাসিক চরিত্রও ইহার লক্ষ্য হইয়া উঠিল। এই ঐতিহাসিক চরিত্রের সূত্র ধরিয়াই ক্রমে ইহাতে সামাজিক চরিত্রের আবির্ভাবের সূচনা দেখা দিল। তখন আর কেবল পৌরাণিক চরিত্র

নহে, এমন কি, ঐতিহাসিক চরিত্রও নহে, আমাদের চারি দিককার সমাজের নরনারীও ইহার মধ্যে আত্মপ্রকাশ করিল। স্বদেশী আন্দোলন ক্রমে স্তিমিত হইয়া যখন মহাত্মা গান্ধীর নেতৃত্বে অসহযোগ আন্দোলনের সূত্রপাত হইল, তখন ইহাতে সাধারণ মানুষের নানা সমস্যার কথাও নানা ভাবে প্রকাশ পাইতে লাগিল। একদিন এই শ্রেণীর যাত্রায় মহাপুরুষের জীবন-কথা কীতিত হইয়াছে, কিন্তু ধীরে ধীরে সাধারণ মানুষের জীবনও ইহার বিষয়ীভূত হইল। এই যুগে একজন শ্রেষ্ঠ যাত্রা-রচয়িতার জন্ম হয়, তাঁহার নাম মুন্স দাস। তিনি বাংলায় সর্বশ্রেষ্ঠ স্বদেশী যাত্রার লেখক। শুধু তাহাই নহে, তিনি সুরগায়ক, উত্তম অভিনেতা ও স্বয়ং যাত্রাদলের পরিচালক ছিলেন। যাত্রাগানের ভিতর দিয়া দেশাত্মবোধের বাণী তিনি বাংলার দূরতম পল্লী অঞ্চল পর্যন্ত পৌছাইয়া দিয়াছেন। কেবল রাজনৈতিক মুক্তি সংগ্রামই তাঁহার যাত্রা রচনার বিষয় ছিল না, সমাজ সংস্কারও তাঁহার লক্ষ্য ছিল। তাঁহার মৃত্যুর সঙ্গে সঙ্গেই স্বদেশী যাত্রার ধারা এক প্রকার লুপ্ত হইয়া গিয়াছে। কেবল মাত্র স্বদেশী যাত্রাই নহে, যাত্রার উপর একদিকে কলিকাতার ব্যবসায়ী রঙ্গমঞ্চ ও অল্পদিকে চলচ্চিত্রের প্রভাব বশত ইহা কালক্রমে সকল বৈশিষ্ট্য হারািয়াছে। তবে যাত্রার অনেক উপকরণ বাংলা নাটকের মধ্যে এখনও বাঁচিয়া আছে।

স্বদেশী যাত্রা প্রচারের সঙ্গে সঙ্গে যাত্রা হইতে ভক্তির ভাব দূর হইয়া গেল, এমন কি, এতদিন পর্যন্ত যে রামায়ণের দলে একজন মাত্র গায়ন ৩৪ জন দোহারের সহায়তায় রামায়ণের এক একটি অংশ দিনের পর দিন পরিবেশন করিয়া যাইত, তাঁহার সেই দল ভাঙ্গিয়া গিয়া রামযাত্রার দল গঠিত হইল। ইহাতে হুহুমানের বেশ ধারণ করিয়া অভিনেতাকে আসরে আবির্ভূত হইতে হইত। ভক্তির ভাব দূর হইয়া গিয়া এখানে কোতুকের ভাব প্রাধান্য লাভ করিল। এইভাবে চণ্ডীমঙ্গলের দল ভাঙ্গিয়া চণ্ডীযাত্রার দল হইল। মনসা-মঙ্গলের কাহিনীরই সর্বাপেক্ষা দুর্গতি দেখা দিল। কাহিনীর কারুণ্য ও উচ্চ নৈতিক আদর্শ বিসর্জিত হইয়া ইহারও যাত্রার রূপ ভাসান-যাত্রা হাঙ্গরসের ভাণ্ডার হইয়া উঠিল। ইহার চরিত্রগুলি অক্ষম অভিনয় ও অযোগ্য বেশভূষা দিয়া কাহিনীকে কদর্থ শৈবালে আচ্ছন্ন করিয়া দিল। অল্পদিনের মধ্যেই শিক্ষিত দর্শকের মন ইহাদের উপর বিরূপ হইয়া উঠিল।

১

পুতুল খেলার বিয়ে, লো সই, পুতুল খেলার বিয়ে,
গায়ে হলুদ দেবো মোরা উলুধ্বনি দিয়ে ।
আমার পুতুলটি বর হবে সই তোর পুতুলটি কনে,
আমার কনের গয়না-গাঁটি নেব গুণে গুণে ।
আমরা বরের মাসিপিসি, লুচি মণ্ডায় হবো খুশী,
আমরা এয়ো করব বরণ বরণডালা মাথায় নিয়ে । —বীশপাহাড়ী

২

জাগো মাধব কৃষ্ণ মুরারি,
কেশী-বিনাশন কংস-নিহাদন, গিরি গোবর্ধনধারী ।
পাতকের তাপে আজ তপ্ত ধরণীতল,
নিভে গেছে পূর্ণের রবিকর নির্মল,
অলস শয়ন ঘোর উঠ ছাড়ি মনচোর ।
তুষিত ধরার মুখে ঢাল অমৃত বারি ।
জাগো, মাধব কৃষ্ণ মুরারি ॥

—ঐ

একটি সাঁওতালি যাত্রার গানও এখানে উদ্ধৃত করা হইল—

৩

হরমেন দিগীলি কাড়া
তিশ্বিন্ সাঙিনীর রাগী দাই, ডাডী কুইগা ।
গাতিজিয়েল কেদা গাতিংরিলে মালা
রাগী দাই, ডাডী কুইগা ।

—ঐ

অর্থ :—একজন জল আনিতে যাইতেছে, জল অনেক দূর । পথে বন্ধুর সঙ্গে
দেখা, সে খুব ভাল আছে । কুয়ের জল যেমন পরিষ্কার তেমনি আমার বন্ধুও ।

৪

আজি ভরা ভাদরে
তরিটি ডুবল আমার অকুল পাথারে ।
ওরে মাঝি, ছুটে আয় তরী যে রে ভেসে যায়,
ঈশানে ধরেছে মেঘ ডাকে গম্ভীরে ।
আজি ভরা ভাদরে..... ॥

—ঐ

৫

এমন মোহন নয়নের জল কোথা হ'তে, বঁধু, আন ।
আমি যে তোমার তুমি যে আমার তা'ত, বঁধু, তুমি জান ॥
এ মধু মাধবী জ্যোছনা নিশীথে

কোথা যাবে প্রিয় প্রেম ঢেলে দিতে,
বেহুয়েতে কেন বাঁধিলে বীণা

বাজাতে যদি গো না জান ॥

—ঐ

৬

কৃষ্ণ কেশব মুকুন্দ মাধব

গোবিন্দ গোপরাজ নন্দন ।

হৃষিকেশ হরি রাসবিহারী

রাধানাথ রাধামোহন ॥

গোকুল বিহারী গোবর্ধনধারী

গোপিকা হৃদয়রঞ্জন ।

গোলকের পতি অগতির গতি

গোকুলচন্দ্র গোপীমোহন ।

নিত্য নিরঞ্জন ব্রহ্ম সনাতন

বিরিঞ্চি-বাস্তিত চরণ ।

পাণ্ডবের নাথ শ্রীপতি শ্রীনাথ

দীননাথ দীনতারণ ॥

—মুর্শিদাবাদ

৭

কেশব করুণা কর করে কৃপা বিতরণ ।

অনাদি অনন্ত তুমি, নরকাস্ত তুমি নারায়ণ ।

কে জানে হে তব তত্ত্ব, ভাব ভেবে ভব চিত্ত,

হইয়াছে উন্মত্ত, তুমি সত্য সনাতন ॥

লীলাময় তব লীলা সকলি স্বপনের খেলা ।

ওরে মূর্খ চেয়ে দেখ—সাতের সময় এসেছে ॥

ধীর কিস্তিতে জগৎ চালন, সখা তাদের সেই নারায়ণ !

ভ্রমের বশে পড়েছিস তুই তোকে বিকারে ধরেছে ॥

—ঐ

৮

কাননে যাইয়া যতনে তুলিয়া গৌথেছি কুসুম মালা ।
 পরাব যতনে, পরাণ-রতনে, জুড়াবে হৃদয়-জালা ॥
 ফুল কুসুম বাস ঢালিবে হৃদয়-জালা তখনি নিভাবে ।
 নয়নে নয়ন চাহিয়া থাকিবে,
 সে দৃশ্য হৃদয় অতি মনোহর যাতনা ভুলিবে বাল্য ॥

—ঐ

৯

হ'য়েছে দিবা অবসান ।
 বহিছে উষ্ণ বায়ু দক্ষ হয় প্রাণ ॥
 আসিছে প্রচণ্ড তিমির, অস্ত যেতেছে মিহির,
 ক্রমু ক্রমু বাজিবে না আর ।
 জলেতে বিশ্ব জন্মিয়া, পুনঃ হয় জলে পতন ।
 কারে দাও রাধাপদ, অতুল স্থখ সম্পদ,
 কারও বা ঘোর বিপদ, বিপদ বারি জনার্দন ॥
 তব ভক্ত পাওবেরা, হইয়াছে পথ হারা,
 তব পদে স্থান দিয়ে কর দুঃখ বিমোচন ॥

—ঐ

১০

(মোরা) তরঙ্গে তরঙ্গে চল, লো সই, সোনার কমল তুলিয়া লই ।
 মুহুর মলয়ে হেলিয়ে ছুলিয়ে জোছনা রাতে জাগিয়া রই ॥
 যতন করে নিয়ে চল যাই আঘাত না পায় তুফানে,
 শিশুর রূপে হার মেনে যায় চাঁদ মামা যে ওই ॥

—মুর্শিদাবাদ

১১

এবার দাবার চাল আচ্ছা হ'য়েছে ।
 চালের চোটে কাল ফণী তোর বেড়েছে ॥
 ঘোড়ার কিস্তী মারবে যখন,
 হবে রে তোর দেহ পতন ।

—ঐ

নিমাই সন্ন্যাস যাত্রা

সূচনা

(স্থান—নিধুবন)

(রাধাকৃষ্ণের যুগলরূপে শয়ন)

বন্দনা

এসো, এসো গো এসো গৌরাজ্জ,
এসো নিতাই, এসো নিতাই, এসো নিতাই,
এসো ছুটি ভাই গৌর নিতাই,
এসো মণির মণি দ্বিজরাজ হে !

আমি পুজিব চরণ এই আকিঞ্চন,
চরণ রাখিব হৃদয় মাঝে ॥

(আমি) পূজা করিব রাঙ্গা চরণ,
কি দিয়ে পুজি, আমার নাই হে পুঁজি ।

(আমায়) দাও হে পুঁজি তবে তো পুজি ॥

একবার হৃদে এসে উদয় হও হে,
আমার বাসনা পুরাও,

দীনহীন কান্দালে ডাকে—বাসনা পুরাও ।

বিবেক—একদিন নিধুবনে কিশোর-কিশোরী মনের স্তখে নিজা যান,
পুষ্পশয্যা 'পরে—মনের কতই না স্তখে,—নিধুবনের মাঝে—একদিন রাধাকৃষ্ণ
তমাল বৃক্ষের নীচে মনস্তখে নিজা যাচ্ছেন । সেই বৃক্ষের উপরে শুকসারী
নামে দুইটি পাখী বাস করত । (প্রস্থান)

শুকশারীর প্রবেশ—(শুক শারীকে বলছে)

শুক—এই দেখ শারী, আমাদের রাধাকৃষ্ণ কেমন ভাবে নিজা যাচ্ছেন !

গীত—শুক

শারী লো, তুই দে গো সাড়া ।

আমার স্তখের নিশি হয়ে যায় সারা ॥

শারী—গীত

শারী—আমার রাই তো জাগে, রাই তো জাগে ।

তোমার কাছরে আগাও আগে ॥

গীত

শুক—জাগে যদি রাই, উঠে না কেন ?

বল, বলছে শারী ।

শারী—উঠবে কেমন করে ?

তোমার কাছ সারারাত্রি চোরের মত ঘুরে ঘুরে,

ভোর বেলায় রাই কুঞ্জে এসে, রাই এর বাহুতে মাথা দিয়ে ঘুমায়—

গীত

তাই উঠতে নারে, রাই আমাদের,

তাই উঠতে নারে, ঘুমের ঘোরে উঠতে নারে ॥

শুক—আমার কাছ তো চোর, তোমার রাই তো সাধু । তবে—

গীত

চোর কি, আর চোর থাকতে পারে, সাধুর অঙ্গ পরশিলে—

শারী—গীত

শুন, শুন, শুক তুমি, আর কিবা পার,

রাধাকৃষ্ণের যুগলরূপ নয়নেতে হের,

এমন যুগল আর হবে না, নয়ন ভরে যুগল হের ॥

শুক—এসো শারী, আমরা রাধাকৃষ্ণের অঙ্গ কুঞ্জবন সাজাইগে ।

(উভয়ের প্রস্থান)

গীত

বিবেক—হেনকালে বিধুমুখী

উঠিলেন কু-স্বপ্ন দেখি

হায় হায় গো ।

ওহে, কাঁদি কাঁদি, কহে প্রভুর পাশে

উঠ, উঠ, প্রাণনাথ, কি হেরিলাম অকস্মাৎ

একাল ওকাল বুঝি যায় ॥

(প্রস্থান)

গীত

রাধা—জাগোনি, জাগোনি, ওহে বঁধু, জাগোনি ।

কেন ঘুমের ঘোরে, এমন জোরে বিভোর হয়েছে ?

কৃষ্ণ—কেন ডাক্ছো প্রিয়ে ? (রাধাকে ছোবার চেষ্টা)

গীত

রাধা—নাথ, আমায় পরশ করো না

দ্বিচারিণী হয়েছি আমি ।

কৃষ্ণ—কিসে, তুমি দ্বিচারিণী হলে প্রিয়ে ?

রাধা—প্রভু, কালরাজে স্বপ্নে কি হেরেছি, শুনবে ?

কৃষ্ণ—কি বল তো ? শুনি,

গীত

রাধা—তোমারি গঠন, আমারি বরণ, মুখে বলে হরি হরি,

প্রেমানন্দে গলি, নাচে বাহু তুলি, প্রভু যান গড়াগড়ি ।

গড়াগড়ি যায় গো, রাই রাই রাই বলে গড়াগড়ি যায় গো ॥

কৃষ্ণ—প্রিয়ে, তুমি স্বপ্নে যা দেখেছো, তার একটি বর্ণও মিথ্যা নয় । গৌর-
রূপে তোমার মন হরণ করে নিয়েছে বলে, তুমি দ্বিচারিণী হওনি । কারণ—

গীত

তোমার কি রাই, মনে পড়ে না,

মানের দায়ে খত্ দিয়েছি ।

রাধা—তা প্রভু, আপনাকে গৌর হতে দেব না ।

গীত

কৃষ্ণ— আমার ধারে ধারে জনম গেলো

চক্রবৃদ্ধি স্রদের হারে । .

পাঠ—তুমি কি করে রক্ষা করবে, প্রিয়ে ?

রাধা—কেন প্রভু !

গীত

আমি খ'তের পৃষ্ঠে ওয়াশীল দেব,

গৌর হতে তোমায় দেব না, বঁধু ।

কৃষ্ণ—তুমি খতের পৃষ্ঠে ওয়াশীল দিতে পার বটে ; তা হলে আমার কর্তব্য
পালন হলো কই ?

গীত

আমি ত্যজি কালরূপ

তোমারই স্বরূপ

ধরিব, অঙ্গেরও কাস্তি ।

আমি কাদিয়া কাদিয়া তব নাম লইয়া
 অশ্রুজলে হবো শাস্তি ॥
 আমার যাবে ব্রজ ভাব হবে প্রেমভাব
 এ দেহ ছাড়িয়া দেবো ।
 আমি ত্যজি বংশীধর হবো দণ্ডধর
 রাখিতে নারিবে কেহ ।
 আমি লয়ে ভক্তগণ, করিব কীর্তন
 লইব সকলের স্নেহ ।
 আমি ক্ষণে ক্ষণে মুচ্ছা হয়ে ধরাতলে, যাব গো গড়াগড়ি ।
 গড়াগড়ি যাব গো—রাই-রাই-রাই বলে,— (উভয়ে প্রস্থান)

প্রথম অঙ্ক

প্রথম দৃশ্য

স্থান—নবদ্বীপ ধাম ।

গীত

বিবেক—ফাক্তনী পূর্ণিমা তিথি, নক্ষত্র ফাক্তনী, শচীদেবীর গর্ভে জন্ম নিল
 গৌর গুণমণি ; জনম নিল রে, শচীর উদরে গোরা । (প্রস্থান)

নিমাই—নিমাই—

গীত

আয়রে আয় নেচে নেচে, হরি বলে আয়,
 ঐ নাম শুধাতে নদে ভেসে যায়,
 অঙ্ক খঞ্জ পতি তোরা, ডুব্বি যদি আই,

গীত

নিমাই— শুন শুন, নিত্যানন্দ, আর হরিদাস,
 সর্বত্র আমার প্রেম করহ প্রকাশ ।
 প্রতি ঘরে ঘরে গিয়ে কর এই ভিক্ষা,
 ভজ কৃষ্ণ, কহ কৃষ্ণ, লহ কৃষ্ণ দীক্ষা ।
 নাম বিলাপ,—প্রতি ঘরে ঘরে নাম বিলাপ ।

ভাই নিতাই, এই পথে আসবে দু-ভাই,
মদে মত্ত হয়ে জগাই আর মাধাই,
তুমি নাম দাও তাদের কানে,
আমি যাই নগর-কীর্তনে । (কিছু পরে নিমাইএর প্রস্থান)

দ্বিতীয় দৃশ্য

(জগাইর গৃহ)

জগা—এই দেখ মাধা, তোরে এখনই বলছি বোতলটি আমায় ছেড়ে দে ।
মাধা—বোতল ছাড়বো কেনরে শালা ? আমার বুঝি মুখ নাই, কেন রে শালা ।
জগা—কি ? ভাইকে শালা ? তোরা তো একটুকু আক্কেল নাই রে, শালা ?
মাধা—আক্কেল না থাকলে মদ খাই কেন রে শালা ? (জগাকে মারিতে উদ্ভত)
জগা—তবে মেরে দেখ না, মাসের কটা দিন যায় ।
মাধা—তবেরে শালা.....,
জগা—আয়রে পালা..... (উভয়ে মারামারি করিতে করিতে পতন)

গীত

নিতাই—হরি বল, হরি বল, ভাইরে,—

কলিযুগে নাম বিনা আর তো গতি নাইরে ॥

জগা—এখানে গোল করে কে আসছেরে ?

মাধা—শালারা বুঝি ভিক্ষা চাইছে ।

জগা—কি ? ভিক্ষা দেব ? এত অপমান ।

ধরতো, শালাদের, মারতো, শালাদের । (উভয়ে অর্ধেক প্রস্থান এবং পুনঃ প্রবেশ)

জগা—দেখ মাধা, নিমাই পণ্ডিতের বাড়ীতে এত বড় একটা মহোৎসব গেল,
দেশশুদ্ধ সব শালাদের নিমন্ত্রণ হলো, আর আমাদের দুই শালার নিমন্ত্রণ নাই ।

মাধা—তবে আমার একটা যুক্তি শুনবে, দাদা ।

জগা—কি যুক্তি বলতো ভায়া ।

মাধা—এই ব্রাহ্মণগুলো মহোৎসব খেয়ে যখন রাস্তা দিয়ে চলে আসবে,
তখন বেটাদিকে ধরে, টিকি ছিঁড়ে সবটুকু বেব করে নেবো ।

জগা—যুক্তি মন্দ নয়, তবে বাকীটুকু খেয়ে বৃন্দ হোয়ে রাস্তার ধারে লুকিয়ে থাকিগে— (বলা মাত্র মাধা মদটুকু খাবে) আমাকে দিলি না ।

মাধা—দিইনি, তবে কাল দেবো । (উভয়ে প্রস্থান)

ব্রাহ্মণ—হেও……বাবা, প্রচুর সেবা, এমন আহার কখনও করি নাই । যেমন না মিহি চালের অন্ন, তেমনি না পাটের শাক । হেও…বাবা । তার উপরে আবার গজা ভাজা । তার উপরে আবার লুচিং চিং গজাং চং পাগড় ভাজা । খেতে এমন না, খেয়ে ফেলেছি শেষে, (উদরে হাত দিয়ে) কাটিতং না হয় তো কাঁচি । হেও…বাবা ।

(জগা ও মাধার প্রবেশ ও ব্রাহ্মণকে মারিতে মারিতে তিনজনের প্রস্থান । ব্রাহ্মণের পুনঃ প্রবেশ)

ব্রাহ্মণ—হেও বাবা, জগা মাধার অত্যাচারে দেশ ছেড়ে বা পালাতে হয় । যেমন না আহার, তেমনি না প্রহার । পালাই বাবা, জগা মাধা আসবে আবার ।

জগা ও মাধার প্রবেশ—জগা—শালারা ব্রাহ্মণ নয়, ব্রহ্ম ধ্যান্ কাকে বলে কিছুই জানে না । আমি সব জাতির হাতে খেতে পারি, যদি মাংস থাকে ।

মাধা—আমারও ঠিক ঐ কথা ।

জগা—হারে, ভাই, কিছু পাসনে ?

মাধা—পেয়েছি ভাই, একটা আধুলি পেয়েছি ।

জগা—তবে না জানি, আরও কিছু বা ছিল ? তবে ধরতো শালাকে, মারতো শালাকে (বলিয়া ব্রাহ্মণকে মারিতে যাইতে উত্তত) ।

গীত

নিতাই—কৃষ্ণ, কৃষ্ণ বলরে তোরা । কৃষ্ণ মাতা কৃষ্ণ পিতা ।

জগা—ছেলেটি দেখতেও বেশ, গাইছেও বেশ ; চিনতে তো পারছি না ।

গীত

নিতাই—আমায় কিরে চিনবি তোরা

চিনে ন'দের বাসী যারা ।

জগা—আচ্ছা ভাই, ভাই তোমার নামটি কি বল দেখি ।

গীত

নিতাই—ন'দে বাসী আমার নিতাই বলে,

প্রেম বিলাই গো দ্বারে দ্বারে ।

জগা—নিতাই, জগাই, মাধাই সব শালাই—ই-ই ভাই নিতাই, হু এক বোতল মদ ধার দিতে পাস ?

নিতাই—হু-এক বোতল কেন ভাই, তোমাদের জন্ম হাজার হাজার বোতল মজুত রেখেছি ।

জগা—তাই না কি ? কখন দেবে ?

মাধা—কখন আবার কি, এখনই চাই ।

নিতাই—এখনই দেবো ।

গীত

নিত্য মদের মাতাল আমি ।

জগাই মাধাই কতই খাবি ?

এনেছি মন ভাও ভরে যতই চাবি, ততই পাবি ।

এ মদের কত যে নেশা, থাকে না রে কোন দিশা ।

যতই খাবি বাড়বে নেশা, এমন মদ তুই কোথায় পাবি !

জগা—দাও ভাই, নিতাই, হু এক বোতল মদ দাও, নেশা যে ছুটে যাচ্ছে ।

নিতাই—ভাই, তোমাদিগকে একটি কাজ করতে হবে ।

জগা—কি কাজ করতে হবে, ভাই ?

গীত

নিতাই—হরিবোল বলে নাচতে হবে—

গোলোকের মদ খেতে হোলে হরিবোল বলে নাচতে হবে ।

জগা—দাও, ভাই, মদ দাও, নেশা যে ছুটে যাচ্ছে ।

নিতাই—হা ভাই, গোলোকের মদ দিয়ে তোমাদের হৃদয় ভরে দিয়েছি ।

আবার কেন ?

মাধা—দেখছ দাদা, শালা ঠাট্টা করছে ?

জগা—হা ভাই, ঠাট্টা করছে ? হুই এক বোতল মদ দাও !

মাধা—এখনই দাও বলছি, নইলে এই বোতল দিয়ে গোলোকে পাঠিয়ে দেবো । (বোতল মারিতে উত্তত)

গীত

নিতাই— আমি কি মরতে ডরাই ?

সর্ব মরণ বিধি হয়ে আমি সেই চরণ নিয়েছি ষার ।

তোদের মুখে হরিণাম শুনি একটিবার,

শুনে জীবন ধন্য করি একবার ।

হরিবল, হরিবল ।

মাধা—এখনই দাও বলছি !

নিতাই—হা—ভাই, গোলকের মদ দিয়ে তোমাদের হৃদয় ভরে দিয়েছি,
আবার কেন ?

মাধা—তবে, এই দেখ,...(বোতলের দ্বারা প্রহার)

গীত

তাই—মেয়েছিস, ভাই ! ভালই করেছিস ! মাধা, একবার হরিবল্‌রে ।

নিমাই—করে এরূপ পাষণ্ড । আমার প্রভু নিত্যানন্দের শিরে রক্তপাত
করেছিস । না—না, আর সহ্য হয় না । এখনই তোদের কর্মের ফল ভোগ
করতে হবে । কোথায় চক্র—কোথায় চক্র ? (চক্রের প্রবেশ)

নিতাই—মেরো না ভাই । ব্যথা লাগে নাই । মাধা মারতে জগা নিষেধ
করে । দৈবাৎ একটু লেগেছে ।

নিমাই—ওরে জগা, নিত্যানন্দকে রক্ষা করেছিস বলে তুই আমায় আজ
হতে কিনে নিলি । আজ হতে তোর প্রেম ভক্তি লাভ হোক ।

জগা—হরিবল । হরিবল ।

মাধা—প্রভু ! আমরা দুজন সমান পাপী, তবে দয়ার বিভাগ কেন ?

নিমাই—ওরে ! জগার চেয়ে তোর পাপ অনেক বেশী । আমা হতে
তোর উদ্ধার হবে না । প্রভুর ত্রীপাদ যদি তোকে দয়া করেন । তবে তোর
মুক্তি হোলেও হতে পারে ।

মাধা—প্রভু ! আমরা দুজন সমান পাপী । তবে দয়ার বিভাগ করছেন
কেন ? (পায়ে ধরিতে উত্তত) ।

নিতাই—ওরে, তোকে আর আমার পায়ে ধরতে হবে না । যদি আমার
পূর্বজন্মের কোন স্মৃতি থাকে, সব তোকে প্রদান করলাম । আজ হতে
তোর প্রেমভক্তি লাভ হোক ।

মাধা—বাহবা ! না ! হরিবল, হরিবল !

গীত

নিতাই ইত্যাদি হরেকৃষ্ণ, হরেকৃষ্ণ কৃষ্ণ, কৃষ্ণ হরে হরে ।
হরে রাম, হরে রাম, রাম রাম হরে হরে ॥

দ্বিতীয় অঙ্ক

স্বরধনীর তীর

প্রথম দৃশ্য

নৈবেদ্য হাতে সখীগণের প্রবেশ

গীত

নিমাই— সখীগণ ! তোরা কার পূজা করিস গো ?
নৈবেদ্যাদি সাজাইয়া কার পূজা করিস গো ?

সখী—আমরা মা মঙ্গলচণ্ডীর পূজা করি ।

গীত

নিমাই— এ পূজাটা আমায় দে । ভজন করব মনের সাধে ।

সখী—হারে, পাগল নিমাই ! ঐ পূজা যদি তোকে না দিই, তবে আমার
কি হবে ?

গীত

নিমাই— তোর বুড়ো পতি হবে লো,
তুই সতীনে ঘর করবি ।

সখীগণ—পাগল নিমাই, আর গাল দিসনে, এই নে ।

গীত

নিমাই— তুই বড়লোকের ঘর করবি, সোনার স্বামী হবে । (প্রস্থান)

দ্বিতীয় দৃশ্য

(জগন্নাথ মন্দিরের বাটির সম্মুখস্থ গঙ্গাতীর)
যমুনার তীরে দু-জন ব্রাহ্মণ ধ্যানমগ্ন উপবিষ্ট

গীত

নিমাই— এই কি ! এই কি ! আমার সেই যমুনে !
খেলা করতাম গোপীদের সনে ।

পাঠ—এই যদি আমার সেই যমুনাই হয়, তবে দাঁড়িয়ে দাঁড়িয়ে ভাবছি কেন ? আমার তাপিত প্রাণ শীতল করবার জন্তু কাঁপ দিয়ে পড়ি ।

গীত

বিবেক— কাঁপ দিয়ে পড়িল ।

স্বরধনীর জলে নিমাই কাঁপ দিয়ে পড়িল ।

স্বরধনীর জল উথলে উঠে লাগল ব্রাহ্মণের পায় গো ।

(ব্রাহ্মণের ধ্যান ভঙ্গ হল)

১ম ব্রাহ্মণ—হঠাৎ স্বরধনীর জলে কাঁপ দিয়ে পড়ল এ ছেলে কে ?

২য় ব্রাহ্মণ—এটা কে চিন্তে পারছি না ?

গীত

এইটা বুঝি সেইটা হবে……আর কে হবে ।

জগন্নাথ মিশ্রের কু-পুত্র নিমাই ।

১ম ব্রাহ্মণ—আরে ভাই, এই ছেলেটাকে চিনেছি, এই ছেলেটা আর একদিন কি করেছিল, জানো !

২য় ব্রাহ্মণ—কি করেছিল, ভায়া ?

১ম ব্রাহ্মণ—আরে……কি করেছিল, ভায়া ! কতকগুলি নাগরী এসে বলে, নিমাই তোকে কলা-সন্দেশ খেতে দেবো । তুমি এক বার নাচো । কলা-সন্দেশ খাবার লাগি নাচিতে লাগল ।

২য় ব্রাহ্মণ—ভগবান উদ্দেশে নিবেদনও করল না ?

১ম ব্রাহ্মণ—নিবেদন-টিবেদন কিচ্ছুই করল না । টক করে গিলে নিলো ।

নিতাই—হা-ভাই, তোমরা কার নিবেদনের কথা বলছ ।

গীত

কারে করবে নিবেদন, নিজে নিবেদনের ধন ।

ব্রাহ্মণদ্বয়—বেটা নিজে নিবেদনের ধন, নিজে নিবেদনের ধন ।

(নিতাইর প্রশ্নান) ।

গীত

ওরে বেটা, লক্ষ্মীছাড়া, নদিয়া তুই হবি ছাড়া

সন্ধ্যা পূজা কিচ্ছু যাত্রা নাই রে তোরা ।

কিছু নাই কিছু নাই ।

ব্রাহ্মণ কুলে জন্ম নিলে, কিছু নাই কিছু নাই ।

১ম ব্রাহ্মণ—আরে, ভাই, জগন্নাথ মিশ্র একজন পবিত্র ব্রাহ্মণ ছিলেন । নিত্য নিত্য গঙ্গাস্নান করতেন, সন্ধ্যা-পূজা করতেন । আর ভাই, এই দুষ্ট ছেলেটা কিছুই করে না । তবে দুষ্ট ছেলে ! তাকে আমরা এই অভিশাপ দিচ্ছি, অশুভ রজনীর মধ্যে ন'দে ছাড়া হতে হবে—লক্ষ্মীছাড়া হতে হবে—যা বেটা,—ছেড়ে চলে যা, বেটা টিকটিকির লেজ, গুবরে পোকার ডিম । বেটা অকাল-কুস্মাণ্ড, বেটা লণ্ড-ভণ্ড । (প্রস্থান)

২য় ব্রাহ্মণ—যা বেটার ছেলে, আমিও তাই বললাম—চলে যা । (প্রস্থান)

নিমাই—হায়রে, ব্রাহ্মণগণ আমায় অভিশাপ দিয়ে গেল না, আমার আশীর্বাদ হল ।

গীত

আশীর্বাদ হল, অভিশাপ নয় আমার আশীর্বাদ হল ।

লক্ষ্মী যেন আমায় ছাড়ে, সেই আশীর্বাদ কর রে,

ছাড়িতে পারি গো, বিষ্ণুপ্রিয়ে গৃহলক্ষ্মী ।

নিতাই—কাঁদছ কেন ? ভাই রে, নিমাই, কাঁদছ কেন ?

পাঠ—ভাই নিমাই ! এ সংসারে তোমার কি অভাব হয়েছে ?

নিমাই—ভাট রে নিতাই ! এ সংসারে আমার কিছুর অভাব হয় নি ।

গীত

নিতাই—অভাব না থাকলে কেও কঁাদে না,

অভাবের জন্ম সকলে কঁাদে, ভাইরে !

নিমাই—ভাইরে নিতাই ! এ সংসারে আমার কোন জিনিসের অভাব নাই বটে, কিন্তু একটি জিনিসের অভাব আছে ।

গীত

যাবরে, যাবরে, কৃষ্ণ ভজনেতে যাব ।

বহুদিনের আশা মনে, কৃষ্ণ ভজনেতে যাব ।

নিতাই—তা তো হবে না ।

গীত

মা' তো প্রাণে বাঁচবে না রে ।
নিমাই, নিমাই, নিমাই বলে ॥
নিমাই বলে প্রাণ ত্যজিবে ।
মা' তো প্রাণে বাঁচবে না রে ॥

পাঠ—তা হবে না—

গীত

আমি বলে যে দেব,
মায়ের কাছে গিয়ে, বলে যে দেব,
তোমার ও সন্ন্যাসের কথা, মায়ের কাছে গিয়ে...

গীত

নিমাই— বলিস না রে মায়ের কাছে গিয়ে ।
আমার এ সন্ন্যাসের কথা, বলিস না রে মায়ের কাছে ।

গীত

শচীমাতা—কি কথা कहिलি ভায়ের সনে
কহিতে কহিতে কাঁদলি ক্যানে ?
ওরে নিতাই, নিতাই আমার কাঁদলি ক্যানে ?
নিতাই— মা গো, কহিতে পরাণ যায়, মুখে নাহি বাহিরায়
তোর শ্রীগোরাঙ্গ, নবদ্বীপ ছাড়িবে, মা !
নিমাই যাবে গৃহ ছাড়ি, সোনার নদে আঁধার করি,
মা তোর নিমাই গৃহেতে রবে না, মা !
মা গো, রবে না, তোর নিমাই গৃহে রবে না ।
তার মনের গতি ভাল দেখি না ।

গীত

শচীমাতা—একটি ছেলে বিশ্বরূপ, বিষয় ছেড়ে হয় বিরূপ,
আমি সেই দুঃখেতে কেঁদে কেঁদে মরি গো ।
আবার তুইও কি ষাবি, বলরে নিমাই,
আবার, তুইও..... ।

শচীমাতা—চল বাবা, তোমার খাবারের ষোঁগাড় করি গে—

(উভয়ে গমনোন্তত, পুনঃ প্রবেশ)

নিমাই— মাগো, কোটি জন্মের ফল ভাগ্য,

বিষয় ছেড়ে হয় বৈরাগ্য,

তেমন ভাগ্য সকলের কি ঘটে, মা !

আমার কবে বা হবে গো ।

(তেমন সৌভাগ্য), আমার কবে বা হবে গো ।

গীত

নিমাই— নিমাইরে কিছু বুঝি নাকো, তুই, সন্ন্যাসী হবি,

যুগে যুগে তুই, মা-বাগে কাঁদালি,—

কলি যুগে কি তাই কাঁদাবি ।

নিমাই—মা' যমুনা হতে জলক্রীড়া করে এসে, আমার বড় ক্ষুধা হয়েছে ।

গীত

শীঘ্র আমায় খেতে দাও, আমার ক্ষুধার জালায় প্রাণ বাঁচে না...

কেশব-ভারতী—মা, এইটা কি নিমাই পণ্ডিতের বাড়ী ?

শচীমাতা—হাঁ বাবা, এইটা নিমাই পণ্ডিতের বাড়ী । কেন, তুমি : কি
চাও, বাবা ?

কেশব-ভারতী—আমি একটুকু স্থান ভিক্ষা চাই, মা !

শচীমাতা—না বাবা, অতিথির স্থান হবে না ।

কেশব-ভারতী—কেন, মা, অতিথির স্থান হবে না ?

শচীমাতা—না, বাবা, আমি অতিথিকে স্থান দেব না । আমার বিশ্বরূপ
বলে একটি পুত্র ছিল । তাকে এক অতিথি এসে চুরি করে নিয়ে গিয়েছে ।
সেই হতে আমি প্রতিজ্ঞা করেছি, কোন অতিথিকে স্থান দেব না ।

কেশব-ভারতী—আমি কি সেই অতিথি ? অশ্রের অপরাধে কি আমি
অপরাধী হব ?

গীত

নিমাই— কর, মা, অতিথি সেবা, পূর্ণ হবে মনস্কাষ ।

কৃষ্ণপদ পেতে যদি, থাকে, মা গো, অভিলাষ ॥

এই অতিথি গৃহে যদি থাকে, মা গো, উপবাস,

পূর্বের সঞ্চিত পুণ্য সকলি হবে বিনাশ । .

শচীমাতা—আমি অতিথিকে স্থান দিতে পারি, কিন্তু তুমি তার সঙ্গে কথা কইতে পাবে না ।

নিমাই—মা ! আমি তাকে আগে কথা বলব্ না । কিন্তু সে যদি কোন কথা বলে, তার উত্তর করব ।

শচীমাতা—এস বাবা, নিমাই, তোমাকে খেতে দিই গে ।

(নিতাই সহ প্রস্থান)

কেশব-ভারতী—নিমাই, তুমি যে সমস্ত কথা আমার সঙ্গে কয়েছিলে সে সব কি ভুলে গিয়েছ ?

নিমাই—না প্রভু ! ভুলি নাই, সমস্তই মনে আছে ।

কেশব-ভারতী—আচ্ছা, তুমি বল দেখি ! আমি চারি যুগে কে ছিলাম ?

গীত

নিমাই— সত্যতে সনকমুনি, নাম ছিল তোমার গো,

ত্রৈতা যুগে বিশ্বামিত্র, জগতে প্রচার গো ।

দ্বাপরেতে গর্গমুনি এ তিন ও মুরতি,

কুলি যুগে হয়েন, প্রভু, কেশব-ভারতী ।

কেশব-ভারতী—এসো বাবা, নিমাই, যত শীঘ্র পার আমার সঙ্গে চলে এসো ।

(প্রস্থান)

তৃতীয় দৃশ্য

শচীমাতার গৃহ

গীত

বিষ্ণুপ্রিয়া— আমি কি অমঙ্গল হেরিলাম গো,

কি অমঙ্গল হেরিলাম ।

অমঙ্গলের চিহ্ন যায় গো জানা ।

আমার থমে পড়ল নাকের সোনা ॥

সোনা হারানো ভাল নয় ।

আমি শুনেছি মা, তোমার ঠাই ॥

শচীমাতা—বোমা, তুমি সামান্য অমঙ্গল দেখে হাঁপিয়ে উঠলে কেন ?

গীত

লাখে লাখে অমঙ্গল, তাহে নাহি গণি,

আমার নিমাই-এর ষাতে মঙ্গল হয় তাহা মাত্র জানি ।

নিমাই যেন শুনে না ।

এ অমঙ্গলের কথা আমার.....।

পাঠ—বোমা, এ অমঙ্গলের কথা যেন, আমার নিমাই শুনে না । আমার
নিমাই-এর বড় ক্ষুধা পেয়েছে, ওকে খেতে দাওগে । (উভয়ের প্রস্থান)

(নিমাই ও বিষ্ণুপ্রিয়া প্রবেশ)

বিষ্ণুপ্রিয়া—প্রভু, পঞ্চপ্রাস করে রয়েছেন, খেলেন না কেন ?

গীত

নিমাই— আমার ব্যাধি হয়েছে,

আমার ব্যাধির জালায় প্রাণ বাঁচে না, ব্যাধি হয়েছে ।

বিষ্ণুপ্রিয়া—প্রভু, এই ব্যাধি কি আপনার নূতন ব্যাধি ?

গীত

নিমাই— ব্যাধি নয়, নূতন ব্যাধি, ব্যাধি আমার জন্মাবধি,

ভাবি আমি নিরবধি, ব্যাধি কিসে যায় গো ?

বিষ্ণুপ্রিয়া—কই, প্রভু, এতদিন তো ব্যাধির কথা বলেন নি ?

গীত

নিমাই— এতদিন ছিল গোপনে, আজ রেখেছে আগুনে ।

ব্যাধি হলো ত্রিদশ ক্ষেত্র, ব্যাধি কিসে যায় গো ?

বিষ্ণুপ্রিয়া—তবে বৈষ্ণ আনতে হবে ?

নিমাই—হাঁ ! ব্যাধি হলে যে বৈষ্ণ আনতে হয়, কিন্তু তুমি যে
মেয়েমাহুষ ।

বিষ্ণুপ্রিয়া—কেন প্রভু ? আপনার বৈষ্ণের ঠিকানা বলে দিলে আমি
যেতে পারি ।

গীত

আমায় বল বল তার ঠিকানা,

তোমার বৈষ্ণর বাড়ি কোথায় ?

গীত

নিমাই— রূপ-নগরে তার ঠিকানা
পূরণ করে যে মনোবাসনা ।

বিষ্ণুপ্রিয়া—প্রভু, সে কতদূর ?

গীত

নিমাই— কার পক্ষে আছে অন্তরে কার পক্ষে বহুদূরে ।
বলিলে, পাই সহজে, না বলিলে পাই না জীবনে ।

বিষ্ণুপ্রিয়া—প্রভু, আপনার বৈষ্ণব থানা কোথায় ?

নিমাই—তলায়—

বিষ্ণুপ্রিয়া—কথাটা ভাল করে বুঝতে পারলাম না ।

গীত

নিমাই— কদম তলায় থানা, বৈষ্ণব কদম তলায় ।

বিষ্ণুপ্রিয়া—আপনার বৈষ্ণব ডাকঘর কোথা ?

গীত

নিমাই— জটীলা-কুটীলার বাড়ী, ডাকঘর হয় তাঁহারি,
আয়ান করে পোষ্ট-মাষ্টারী ।

বিষ্ণুপ্রিয়া—আপনার বৈষ্ণব নাম কি ?

গীত

নিমাই— বাঁকা বৈষ্ণ, নয়ন বাঁকা, ভক্তি বাঁকা, তাঁর সবই বাঁকা ।

তার চুড়াটা বাঁকা, মাথায় আছে পাখীর পাখা—

নয়ন তার ভক্তি বাঁকা ।

বিষ্ণুপ্রিয়া—প্রভু ! আপনার বৈষ্ণব নাম ধাম সবই পেলাম ।

গীত

তবে আমি যাই, তবে আমি যাই, তোমার বৈষ্ণব বাড়ী ।

নিমাই—প্রিয়ে ! তুমি বৈষ্ণ আনতে যাবে তো, কিন্তু—

গীত

আগে দিতে হয় গো,

আমার বৈষ্ণব দরশনি, আগে দিতে হয় গো ?

গীত

বিষ্ণুপ্রিয়া— আগেই দেব—

দরশনি বৈষ্ণব আগেই দেব ।

নিমাই—প্রিয়ে, তুমি বৈষ্ণব দরশনি কী দেবে ?

বিষ্ণুপ্রিয়া—কেন, প্রভু ! হীরে সোনা দিলে কি বৈষ্ণব মিলবে না ?

গীত

নিমাই— মিলবে না গো,

হীরে-সোনায় কেলে সোনায় মিলবে না গো ।

বিষ্ণুপ্রিয়া—তবে কি দিলে মিলবে, প্রভু !

নিমাই—মনের মণি দিতে হবে ।

বিষ্ণুপ্রিয়া—আচ্ছা, প্রভু, তাই দেব ।

গীত

নিমাই— আট আনাতে হয় না... ।

ষোল আনা হইলে... ।

বিষ্ণুপ্রিয়া—ষোল আনাই দেব, প্রভু ।

নিমাই—একজনকে দেওয়া মন অল্পজনকে দিলে কি হয় জান ?

গীত

চৌরাশীতে যেতে হয়,

পর-পুরুষেরে মন দিলে... ।

গীত

বিষ্ণুপ্রিয়া—সে তো আনন্দের কথা গো,

চৌরাশী ক্রোশ বৃন্দাবন যাব... ।

নিমাই—চৌরাশী ক্রোশ বৃন্দাবন নয়, চৌরাশী ক্রোশ নরক ভ্রমণ করতে হবে ।

বিষ্ণুপ্রিয়া—আপনার ব্যাধি শাস্তি করতে যদি আমায় নরকে যেতে হয়,
তবুও আপনার বৈষ্ণব বাড়ী যাব ।

নিমাই—প্রিয়ে ! তুমি একবার যাবে, একবার আসবে । এই দীর্ঘ সময়ের
মধ্যে যদি ... ।

গীত

যদি আমার প্রাণ যায়, তবে বৈষ্ণব এনে ফল কি হবে ?

বিষ্ণুপ্রিয়া—তাইতো, আমি একবার যাব, একবার আসব। এই দীর্ঘ সময়ের মধ্যে যদি আমার প্রভুর প্রাণ যায়, তবে বৈষ্ণব এনে ফল কি হবে?

গীত

তবে তুমি যাও.....।

তোমার বৈষ্ণব বাড়ী...। আর তোমাকে নিষেধ করব না।

নিমাই—(স্বগত)—চক্রধারীর চক্র বুঝতে পা পেয়ে, বিষ্ণুপ্রিয়া আজ চির-জীবনের মত বিদায় দিলেন।

গীত

বিষ্ণুপ্রিয়া আমায় বিদায় দিলে,

চক্রধারীর চক্রে পরে।

নিমাই—যাব তো। যাবার সময় কতকগুলি উপদেশ দিয়ে যাই।

গীত

গৃহকাজে দিও মন।

হরিনাম নিও স্মরণ।

আশীর্বাদ করি আমি যাও, প্রিয়ে, যাও হে,

(আমার), মা যেন কাঁদে না,

নিমাই, নিমাই, নিমাই বলে.....।

বিষ্ণুপ্রিয়া—প্রভু! একদিকে গৃহকাজ, অন্যদিকে মায়ের সেবা, আবার, হরিনাম লওয়া। এতগুলি কাজ আমি কিরূপে করব?

নিমাই—কেন প্রিয়ে?

গীত

তুমি হাতে কর গৃহকাজ, মুখে বল হরি,

অনায়াসে পেয়ে যাবে ভব নদী তরী।

তোমার কোন ভয় হবে না,

হরিনামের গুণে তরে যাবে.....

কোন ভয় হবে না ॥

নিমাই—চল প্রিয়ে, শত আলাপনে রাত্রি অধিক হয়েছে, শয়ন মন্দিরে শয়ন করিবে।

(প্রস্থান)

তৃতীয় অঙ্ক

প্রথম দৃশ্য

নিমাই ও বিষ্ণুপ্রিয়া'র গৃহ

নিমাই—নিদ্রে গো ! নিদ্রে গো ! নিদ্রে গো !

গীত

নিদ্রা— এত রাত্র পরে কেন ডাকলে গো আমায় !

ডাকার মত ডাক শুনে কি ঘরে থাকা যায় !

মহান স্বরে ডাক্ছ তুমি, আর কি রইতে পারি গো আমি,

বল, এখন আমায় বল, কিবা কার্য করি ?

গীত

নিমাই— মহামায়া, আমায় সাহায্য কর ।

যাবার পথে আমায় সাহায্য কর... ॥

নিদ্রা—প্রভু, আপনি যাচ্ছেন পাপী উদ্ধার করতে,

গীত

তবে আমার পত্নী যমরাজের গতি কিবা হবে গো,

গতি কিবা হবে গো ... ॥

নিমাই—সকল পাপীর উদ্ধার হবে না । যে আমায় কেঁদে কেঁদে ডাকবে,
সেই মুক্তি পাবে ।

নিদ্রা—তবে আমার কোন দোষ নাই, প্রভো !

গীত

আমি তারে দিলাম নিদ্রা, কর তুমি সন্ধ্যাস যাত্রা । (প্রস্থান)

গীত

নিমাই— আমি যাই ! প্রাণাধিকে যাই গো ।

যাইগো তোমায় ছাড়িয়ে,

প্রিয়ে, পার যদি মনে রেখো ।

না হয় তুমি ভুলে যেও ।

যাই গো তোমায় ছাড়িয়ে, প্রিয়ে, যাই গো,

হবে কি না হবে দেখা বলিতে পারি না ।

(আমি) যাই গো তোমায় ছাড়িয়ে প্রিয়ে, যাই গো ।
 মায়ার বাঁধন ছাড়া কি গো যায় ।
 যায় যায়, মনে করি ।
 চলিতে না পারি,
 চলে না চরণ কি করি উপায়,
 যাইতে পারিলে পারিব কেমনে,
 মহামায়া আমার পিছনেতে ধায় । (প্রস্থান)

বিষ্ণুপ্রিয়া—কই প্রভো ! কোথায় প্রভো ! এ যে সব শূন্য ।

গীত

বিষ্ণুপ্রিয়া—আমারি প্রভুর পদের নুপুর, সোনারি গলার হার গো !
 আমি এসব দেখিয়া, মরিব জলিয়া, (জীয়েন্তে না রব আর গো) !

পাঠ—হায় নুপুর, তোকে আর কি বলব !

গীত

হার কেন আজ, হার মানিলে,
 হারাধনে হারাইলি....।

পাঠ—হায় ! হার তোকে আর কি বলব !

গীত

হলো না, হলো না, আমার ভাগ্যে, হলো না পতি-পদ পূজা করা.

আমার ভাগ্যে.....

আমি অভাগিনী সারাটি রজনী
 আকুল প্রভুর হইয়া প্রেমেতে বাঁধিয়া, গেল পলাইয়া,
 আমারে ফাঁকি দিয়া । (প্রস্থান)

দ্বিতীয় দৃশ্য

শচীমাতার গৃহ

গীত

নিমাই— মাগো ! মাগো ! মাগো !
 বিদায় চরণে, আর এ জীবন,
 দেখিতে পাবে না বলে,

চলিলাম আমি, তোমারে ছাড়িয়ে,

সন্ন্যাস করি ভ্রমণে ।

শচীমাতা—কোকিল, আর জ্বালাস নে, সারা রাত্রি হরিনাম করে নিমাই
আমার এইমাত্র শুয়েছে । আর জ্বালাতন করিসনে ।

নিমাই—মাগো, আমায় কোকিল ভেবে সাড়া দিলেন, তবে আর একবার
ডেকে দেখি !

গীত

পূর্বোক্ত রূপ

শচীমাতা—এখানে কেন ! ব্রজের কোকিল তুই । তুই এখানে
কেন ?

নিমাই—মা আমায় কোকিল ভেবে বিদায় দিলেন । মায়ের শেষের কাজ
আমি আগেই করি সাক্ষ ।

গীত

নিমাই— সপ্ত প্রদক্ষিণ করি,

আমার পিছের কার্য আগে করি ।

পাঠ—অগ্নি দেবে কে ? লোকে বলবে..... ।

গীত

ঐ নাকি গো নিমের মা !

পাঠ—কাঠ দেবে কে ? প্রতিবেশী । চিতা জলবে কেমন করে ?

গীত

জলিয়া উঠিবে..... ।

রাবণের চিতার মত, জলিয়া উঠিবে ।

পশুপক্ষী আদি সব শুন মোর বাণী ।

কাঁদিলে বুঝাইয়ে রেখো আমার ও মা জননী,

যেন বুঝাইয়ে রেখো..... ।

আমার মাকে ... । (প্রস্থান) ।

গীত

বিষ্ণুপ্রিয়া—উঠ, উঠ, ঠাকুরাণী, নিশি প্রভাত হলো,

কালঘুমে ঘুমাইয়া ছিলাম ।

যাবার কালে না দেখিলাম ।

অভাগিনী করে মোরে প্রভু আমার কোথায় গেলেন ।

শচীমাতা—কেন ? কি হলো, গো বোমা ?

গীত

বিষ্ণুপ্রিয়া—সর্বনাশ হলো গো, নদেপুর আধার করে,

নদীয়ার চাঁদ গেল গো ।

শচীমাতা—বোমা ! নিমাই যখন চলে যায়, তখন তুমি কি করছিলে ?

বিষ্ণুপ্রিয়া—মা, আমি ঘুমাইয়া ছিলাম ।

গীত

শচীমাতা—নিমাইরে, নিমাইরে, ওরে আমার নিমাইরে,

আমি দশমাস দশদিন গর্ভে ধরে,

না করতাম কোলেরে,

তুই হয়ে কেন মরিস্নি বাপ্ ।

বৃকের রস না দিতাম তোরে রে,

তবে আমার নিমাই……(মুছা) ।

নিতাই—মা, উঠ, শোক সংবরণ কর, আমি তোমার নিমাইকে তোমার কোলে ফিরিয়ে এনে দেবই দেব ।

শচীমাতা—এনে দিবি, বাবা !

নিতাই—হাঁ, মা নিশ্চয়ই দেব ।

(সকলের প্রস্থান)

চতুর্থ অঙ্ক

প্রথম দৃশ্য

কাটোয়া—মধুশীলের বাটা

গীত

নিমাই— মধুরে ! মধুরে ! মধুরে !

ওরে মধু কইরে মধু ?

মধু—ডাকে কেডা ? একটু দাঁড়াও, তামাকে দম্টি দিয়ে নিই । কেন ? ডাকছ কেন ?

গীত

তোর লজ্জা কি হয় না !

নাম ধরিয়া, ডাক আমায় ।

নিমাই—মধু ! আমাকে খেউরী করে দিতে পার ?

মধু—হাঁ, আজকাল ঐ ব্যবসাটি ধরেছি । বাস, তামাকে দম্‌টা দিয়ে নিই ।
কড়ি এনেছ ?

গীত

নিমাই—পথের ভিখারী আমি, কোথায় পাব কড়ি ।

গীত

মধু—কড়ি বিনা খেউরী করি না ।

যার নাইকো পয়সা কড়ি, তার কি সাজে বাবুগিরি ॥

নিমাই—দেখ মধু ! তোমায় পার করে দেব ।

গীত

মধু— নেয়ে কামাই না, ভজলোকের নাপিত

আমি নেয়ে (নাবিক), কামাই না ।

পাঠ—তুমি ঘাটের মাঝি নাকি ? তোমার ঘাট কয়টি ?

নিমাই—ঘাট অনন্ত, তার মধ্যে পাঁচটি উল্লেখযোগ্য । শাস্ত, দাস্ত,
বাৎসল্য, মধু ও প্রেম ।

মধু—আচ্ছা, তুমি যদি থাক শাস্তির ঘাটে । আর, আমি যদি থাকি
দাস্তের ঘাটে । তাহলে তুমি কি করে পার করবে ?

গীত

নিমাই— যে জন, হরি হরি বলে দেবে লাড়া

অমনি পাবে ঘাটের স্বরা ।

মধু—কই, কই, খেউরী করে দিই । বাপরে ! এত পুরু চুল তো দেখি
নাই ! আমার ক্ষুর তো চলে না ।

নিমাই—ক্ষুর চলবে কেন রে বেটা. তুই প্রভুর চরণে হাত না দিয়ে, মাথায়
হাত দিয়েছিস ।

মধু—আরে তুমি থাম ঠাকুর । আমার ক্ষুরে যে ধার । এই ব্রহ্মাণ্ডকে

হু ফাঁক করে দিতে পারি। এই দেখ না, আমার গায়ের লোমগুলো কেমন
কচ্ কচ্ করে কেটে যাচ্ছে।

* * * * *

মধু—প্রভু, আমার পূর্ব পুরুষের গতি কি হবে ?

গীত

নিমাই— পিণ্ড দে রে, ও মধু তুই পিণ্ড দে রে।

পূর্ব পুরুষের গতি হবে.....।

মধু—পিণ্ড দিতে কি কি লাগে, প্রভু ?

নিমাই—ধান, দুর্বা, তিল, তুলসী, চন্দন, এই সমস্ত লাগে।

মধু—আমি দেব পিণ্ড।

গীত

মন তুলসী, ভক্তি চন্দন, উপাসনা তিল গো,

নিষ্ঠা স্নাত, শ্রদ্ধা মধু, জ্ঞানেরই ততুল গো,

দিও অক্ষরে নামটি লিখে, পিণ্ড ক'রে দান গো।

ষোল কলাই কলাপূর্ণ, ধাত্ত রূপাদান গো।

গীত

নিমাই— পিণ্ড পূরণ হলো না,

ও মধু! তুই গঙ্গাজল দিলি না।

গীত

মধু— (আমি), দেব গঙ্গাজল গো,

গৌর বলে কেঁদে কেঁদে দেব গঙ্গাজল গো।

নিমাই—মধু রে, তুই গয়াতে পিণ্ড দিয়ে আয়।

মধু—গয়াতে কি আছে, প্রভু ?

নিমাই—গয়াতে, গয়াস্নরের মস্তকে শ্রীবিষ্ণুর পাদপদ্মের চিহ্ন রয়েছে।

সেইখানেতে পিণ্ড দিলে প্রেত মুক্ত হয়।

গীত

মধু— আমার মস্তকে দাও, চরণতরী।

আমি এইখানেতে গয়া করি।

পাঠ—চলুন, প্রভু, গঙ্গার তীরে গিয়ে আপনার খেউরী করে দিইগে। (প্রস্থান)

দ্বিতীয় দৃশ্য

কেশব ভারতীর বাড়ী

নিমাই—প্রভো! এই তো আমি মায়ের কাছে বিদায় নিয়ে এসেছি।
এইবার আমায় মন্ত্র প্রদান করুন।

ভারতী—বাপ্রে নিমাই! শৈশবে সন্ন্যাস নিলে তোমার মা যে প্রাণে
বাঁচবে না।

গীত

নিমাই—কেও দশ, কেও বিশ, কেও প্রভু পঞ্চাশ।

কেও হয় মাতৃগর্ভে বিনাশ।

আমি কাল যদি মরে যাই।

আমার এ জীবন বিফলে যাবে..... (বিফলে যাবে)।

কেশব ভারতী—বাপ্রে। নিমাই! আমি তন্ত্র মন্ত্রে মন্ত্র পাচ্ছি না।

নিমাই—প্রভো! কাল রাত্রে আমি স্বপ্নযোগে একটি মন্ত্র পেয়েছি।
এইটি সন্ন্যাস মন্ত্র বটে কি না, আপনি বলুন.....(কানে কানে)

কেশব ভারতী—এই তো সন্ন্যাস মন্ত্র বটে। এসো, তোমার কানে কানে
বলি। এই নাও, আমার কমণ্ডলু ও দণ্ড, হয়িনাম বিতরণ করে কলির পাণীদের
উদ্ধার করে দিও। দেখ, যেন অসার সংসার ভুলে যেও না। (প্রস্থান)

গীত

নিমাই—

হরিনামের কাকাল আমি,

নগরবাসী আমায় ভিক্ষা দেন গো।

নগরবাসী আমায়.....।

(জগতবাসী একবার হরি হরি বল)

পঞ্চম অঙ্ক

প্রথম দৃশ্য

শান্তিপুর—অর্ধৈত গৃহ

নিতাই ও শচীমাতা ; পরে নিমাই ভিক্ষা করিতে করিতে প্রবেশ।

শচীমাতা—বাবা নিমাই, তোমার এমন বেশ কে করুলে? সে চাঁচর
কেশ কে নাড়ালে? এ কাকাল বেশে কে সাজালে?

নিমাই—মা, আমি সন্ন্যাস মন্ত্র নিয়েছি ।

শচী—তবে কি, বাবা, ঘরে ফিরে যাবে না ?

নিমাই—মা, আমার গুরুদেব সংসার করতে নিষেধ করেছেন । তাঁর কথা অমান্য করতে বলছেন ?

শচীমাতা—না, বাবা, আয়, তোকে কিছু খেতে দিই গে । (প্রস্থান)

গীত

নিমাই—নিতাই—হরে কৃষ্ণ, হরে কৃষ্ণ, কৃষ্ণ কৃষ্ণ, হরে হরে ।

জগৎবাসী একবার হরি হরি বল ।

যাত্রামঙ্গলের গান

বিবাহ অন্ত্যে বধূসহ বরের নিজগৃহে যাত্রাকালীন যে মেয়েলী সঙ্গীত শুনিতে পাওয়া যায়, তাহা যাত্রামঙ্গলের গান ।

১

যত যত নারী দিল মঙ্গল জোকার ।

যাত্রা কৈল বরকন্যা আনন্দ অপার ॥

হাতেতে আরসি মাইজ বান্ধা গামছা দিয়া ।

সোনার চান ঘরে যায় রে নয়া বৌ লৈয়া ॥

দুয়ারে মঙ্গল ঘট চিত্র আলিপনা ।

ধান্ত দুর্বা দই পঞ্চ পল্লবে যোজনা ।

নবরঙ্গে বাণ বাজে মঙ্গল জোকার ।

চিরজীবী হৈয়া থাক সুন্দর কুমার ॥

—মৈমনসিংহ

যুগীষাভ্রা

বাংলা দেশে যুগী বা নাথসম্প্রদায়েয় মধ্যে প্রচলিত যুগী সাধকদিগের আলৌকিক জীবন বৃত্তান্তমূলক আখ্যায়িকা-গীতিকে উত্তর বাংলায় যুগীষাভ্রা বলিয়া উল্লেখ করা হয় । ইহা ‘মাণিকচন্দ্র রাজার গান’, ‘ময়নামতীর গান’, ‘গোপীচন্দ্রের গান’, ইত্যাদি নামেও পুস্তকাকারে প্রকাশিত হইয়াছে । রংপুর

জিলার কৃষকদিগের মধ্য হইতে ১৮৭৩ সনে শ্রম জর্জ গ্রীয়ারসন সাহেব কর্তৃক মাণিকচন্দ্র রাজার গান সংগৃহীত হইয়াছিল। তাহা হইতে সামান্ত অংশ উদ্ধৃত হইল—

১

মাণিকচন্দ্র রাজা ছিল ধর্মী বড় রাজা ।
 ময়নাক বিভা করিল তার নও বুড়ি ভার্ধা ॥
 ময়নাক বিভা করি রাজার না পুরিল মনের আশ ।
 তারপর দেবপুরের পাঁচ কত্থা বিভা করি পুরি গেল মনের হাবিলাস ॥
 আজি আজি কালি কালি বার বছর হৈল ।
 দেবপুরের পাঁচ কত্থা ডাকিনী ময়না কোন্দল লাগিল ।
 দেখিবার না পারি মহারাজ বাগল করি দিল ॥
 সেই ময়নাক ঘর বান্ধি দিল ফেরুসা নগরে ॥
 মাণিকচন্দ্র রাজা বঙ্গে বড় সতী ।
 হাল খানায় খাজনা ছিল দেড় বুড়ি কড়ি ॥
 সেই যে রাজার রাইয়ত প্রজা দুঃখ নাহি পায় ।
 কারও মারুলি দিয়া কেহ নাহি যায় ॥
 কারও পুষ্করিণীর জল কেহ না খায় ।
 আখাইলের ধন কড়ি পাখাইলে শুকায় ॥
 সোনার ভাটা দিয়া রাইয়তের ছাওয়ালে খেলায় ।
 হেন দুঃখী কাকাল নাই যে ধরিয়া পালায় ॥
 পাতবেচা হইয়া রাইয়ত পাত বেচেয়া খায় ।
 জীপুরুষে যুক্তি করি হস্তী কিনিবার চায় ॥
 খড়িবেচা হৈয়া খড়ি বেচেয়া খায় ।
 জীপুরুষে বুদ্ধি করি দালান দিবার চায় ॥
 সেজ্জা রাইয়তের ছিল সরঙ্গা নলের বেড়া ।
 বেতন করি যে ভাত খায় তার ছয়ারত বান্ধা ঘোড়া ॥
 ঘিনে বান্দী নাই পিঙ্কে পাটের পাছড়া ॥

—রংপুর

যোগেশ্বর গান, যোগশাস্ত্রের গান

যোগশাস্ত্র বিষয়ক গানকে যোগের গান বা যোগশাস্ত্রের গান বলা হয়। ইহারা তত্ত্বসঙ্গীতের অন্তর্গত, দেহতত্ত্বের গানের সঙ্গে ইহাদের ভাবগত সাদৃশ্য আছে।

১

খেলিবারে তাস, যদি অভিলাস, ভাবটি তার বুঝে নে এখন।

টেকা এক ব্রহ্ম, লীলায় হরির জন্ম

তার মর্ম এবে করহ গ্রহণ ॥

তিরি ত্রিগুণ ক্রমে হইয়ে প্রকাশ, চৌকা চতুর্ভুজ সৃষ্টির বিকাশ,

পঞ্চা পঞ্চভূত ছক্কা সে অদ্ভুত

ষড়মুখ তারে বলে বুধগণ ॥

সাতায় সপ্ত চক্র, আট কুঠরী আটা

নগ্নায় নবদ্বার যুক্ত এ দেহটা।

দশে দশ ইন্দ্রিয় সদা ভোগপ্রিয় স্থির হয়ে গুন আর বিবরণ।

সাহেব আর বিবি পুরুষ ও প্রকৃতি

লীলার তরে একের দ্বিবিধ মুরতি

গোলাম জ্ঞান গুরু দুই মধ্যে স্থিতি

সবার শ্রেষ্ঠ তিনি বুঝে দেখ মন ॥

তিনের মিলনে বিস্তি তারে কর প্রেম, রঙ্গের হ'লে ইস্তক বিস্তি কয়,

রঙ্গের নগ্নার তখন মূল্য বেড়ে যায়

চৌদ্দ বলে হয় পরিচয় তখন ॥

শিক্ষা গুরু পাশে শিখ ভালভাবে

নৈলে লাভে মূলে সকলেই হারাবে

ছক্কা পাঞ্জা ভূতে সকলই খোয়াবে ইহা সত্যেনের বচন ॥

—মুর্শিদাবাদ

২

প্রথমেতে থাকে বিন্দু জনকের শিরে।

বিলোম প্রবেশে বিন্দু জননী উদরে ॥

একদিনের হইলে বিন্দু শিয়রে বেড়ায় টলে ।
 দু দিনের হইলে বিন্দু রক্তে মাংসে মিলে ॥
 তিন দিনের হইলে হয় ফেনার আকার ।
 চার দিন হইলে হয় দেহের সঞ্চার ॥
 পাঁচ দিন হইলে হয় কাজলের প্রায় ।
 ছয় দিনে রং ধরে বলি সমুদয় ॥
 সাত দিনের হলে হয় দেহের মোহরা ।
 নয় দিনে দুই আঁখি পূর্ণ ষোল কলা ।
 আট দিনে হয় দেহে হাড়ে মাংসে জোড়া ॥
 এক পক্ষে হয়ে যায় যে ঘোরো উজ্জ্বলা—॥
 এক মাসের হইলে গর্ভ জানি বা না জানি ।
 দুমাস হইলে করে লোকে কানাকানি ॥
 তিন মাসের হইলে দেহের ধ্বজা পজা হয় ।
 চার মাসের হইলে শিশু প্রাণ দান পায় ॥
 পাঁচ মাসের শিশু হেলা ঢুলা করে ।
 সাত মাসের হইলে হয় বেদনা উদরে ॥
 আট মাসের গর্ভবতী পাণ্ডুর বরণ ।
 নয় মাসে শুনে কালা ক্ষীর দরশন ।
 দশ মাসের হইলে হয় এখন তখন ।
 দশ দিন দশ দণ্ডে গ্রাসবে নন্দন ॥
 গর্ভশালা হইতে দেহ পড়লো ধরাধামে ।
 গঠিত মানব দেহ আঠারো মোকামে ॥
 আঠারো মোকামে স্থিতি আঠারো দেবতা ।
 পর্বশেষ বর্ণনায় বলি সে বারতা ॥
 চূড়াতে চূড়ামণি ব্রহ্মরঞ্জে স্থিতি ।
 কণ্ঠ মধ্যে মহাবিষ্ণু করেন বসতি ॥
 বক্ষেতে কালাচাঁদ বসে করেন ধ্যান ।
 নাসিকায় দেন নিতাই মধুর আশ্রাণ ॥

কর্ণেতে চৈতন্ত গৌসাই হয়ে সাবধান ।
 আলা জিহ্বায় সরস্বতী জিহ্বায় বলবান ॥
 তার নীচে নদী আছে গয়া গঙ্গার জল ।
 ললাটে কেশব কণ্ঠায় আছে কানাই লাল ॥
 তালুতে নারদ মুনি বাহুতে বলরাম ।
 বক্ষেতে জগন্নাথ পৃষ্ঠেতে শ্রীদাম ॥
 নাভি সৌর মণ্ডল প্রেমের বসতি ।
 লিঙ্গ মূলে মহাদেব দ্বিদলে ভগবতী ॥
 হাঁটুতে শক্তি ধরে পায়ে বহুমতী ।
 আঠারো মোকামের কথা কইতো পার্বতী ॥
 আঠারো মোকামের তত্ত্ব সেই মহাজন জানেন ।
 মানবে মানুষ না মানুষ দেবতায় তারে মানেন ॥
 এ সকল তত্ত্বের কথা কিছুই নাহি জানি ।
 ভক্তিহীন শক্তি শূন্য সতীশচন্দ্রের বাণী ॥

—মুর্শিদাবাদ

৩

মানব দেহটি দেখ নহে সাধারণ ।
 ব্রহ্মাণ্ডপতির একটি মায়া নিকেতন ॥
 মাটি জল, অগ্নি বায়ু আর শূন্য রয় ।
 মুনি ঋষি সাধুগণে পঞ্চভূত কয় ॥
 এ ভূতে সচ্চিদানন্দ থাকে সভা হয়ে ।
 ঘরে ঘরে খেলা করে ক্ষুদ্র অংশ লয়ে ॥
 তার অস্তধানে সবে কেহ নাহি রয় ।
 যে ঘর স্থানেতে তারা করিছে গমন ॥
 অস্থি মাংস চর্ম লোম নাড়ী ধরাতলে ।
 লাল মূত্র শুক্র রক্ত মজ্জা মিশে জলে ॥
 ক্ষুধা তৃষ্ণা নিদ্রা শাস্তি আলস্য আগুনে ।
 ধারণ চালন আর ক্লেপ সঙ্কোচনে
 প্রসারণ আজি করি মিলিবে পবনে ॥

রাগ হেব লজ্জা ভয় মোহ সে গগনে ।
 আত্মজ্ঞানে না লভিলে বুঝে কোন জনে ॥
 আমার আমার বলি মিছে দস্ত করে ।
 এই সব ধারণাতে দগ্ধ হয়ে মরে ॥
 তোমার কি আছে তাই ভেবে বল তুমি ।
 কার সত্তা হয়ে তাই তুমি বল আমি ॥
 চৈতন্য রূপেতে যাবে হৃদে দেখা পাবে ।
 তখনি জানিবে, ভাই, তুমি আমি হবে ॥
 কৃষ্ণানন্দ বলি তবে করিবে স্মরণ ।
 অনাদির আদি সেই নিত্য নিরঞ্জন ॥

—রাজসাহী

‘গোপীচন্দ্রের গান’ নামে যুগীসম্প্রদায়ের যে গীতিকার কথা পূর্বে উল্লেখ করা হইয়াছে, তাহাতে যোগশাস্ত্র সম্পর্কে সুদীর্ঘ তত্ত্বমূলক গীতি-আলোচনা স্থান পাইয়াছে। মধ্যযুগের বাংলা সাহিত্যে ‘গোরক্ষ-বিজয়’ নামে যে নাথ-সাহিত্যের একটি গ্রন্থ মুদ্রিত হইয়া প্রকাশিত হইয়াছে, তাহাতেও যোগশাস্ত্রের ব্যাপক আলোচনা প্রকাশ পাইয়াছে। নাথ-সম্প্রদায়ের মধ্যে ‘হাড়মালা’ নামে একটি যোগশাস্ত্রের গ্রন্থ প্রচলিত আছে। তাহাও কবিতায় লিখিত। ‘গোরক্ষ-পদাবলী’ নামে যে গ্রন্থ দুই খণ্ডে প্রকাশিত হইয়াছে, তাহাতেও যোগশাস্ত্রের বহু গান সঙ্কলিত হইয়াছে। নাথগুরুদিগের বাণীও সঙ্গীতাকারে পরিবেশন করা হইয়া থাকে। দুই একটির নিদর্শন এই প্রকার,

‘নিজা আলিঙ্গনে কাটি গেল সারারাত্রি,
 সংসারেতে সদাকাল বিষয়েতে মতি ॥
 দুই বাহু তুলি গোর্থ করিছে চীৎকার,
 ‘মূলধন হারায়ো না, রে ভাই আমার ॥’

রঙ্

রঙ্ কথাটি লোক-সঙ্গীতে নানা অর্থে ব্যবহৃত হয়। পুরুলিয়া জিলায় এক শ্রেণীর বৈরাগ্যমূলক সঙ্গীতকে রঙ্ বলে। বাঁকুড়া এবং মেদিনীপুর জিলার ঝাড়গ্রাম মহকুমায় রঙ্ কথাটি ধূয়া অর্থে ব্যবহৃত হয়। কোন কোন সময় রঙ্ গান বলিতে নিতান্ত লঘুবিষয়ক তালপ্রধান সঙ্গীত বুঝায়। কোন গুরুত্বপূর্ণ বিষয় সম্পর্কে গান হইবার পর শ্রোতৃমণ্ডলীকে সামান্য একটু সরস অবকাশ দিবার জন্য রঙ্ গান গাওয়া হয়। প্রথম পুরুলিয়া জিলা হইতে সংগৃহীত কয়েকটি সঙ্গীত উদ্ধৃত করা হইতেছে—

১

আগে আগে মড়া পিছে গোবর ছড়া,
যেহেতু তোমার ভালবাসা ধন।
দিন দুই চারি কান্দিবে বিনয় করি,
ও তার মা জননী কাঁদে যাবৎ জীবন।
ও তার চির দিন সুখে যায় জীবন ॥

—কাঁটাদি (পুরুলিয়া)

২

জাননা রে মন, মূদলে ছ'নয়ন,
চারি জন মিলে কাঁধে তুলে নিবে
শ্মশানে তো করে আগমন।
হরি হরি মুখে বলো রে মন,
ও তার চিরদিন সুখে যায় জীবন।

—কুঁকড়ামুড়া

৩

শ্মশানে তো নিয়ে দিবে হে ফেলিয়ে,
লয়ে তখন তুমার কিহে নাই স্মরণ—
চিল ও শকুনি করবে টানাটানি
আনন্দে থাইবে শৃগালগণ।

—ঐ

৪

পথে কাঁটা দিয়ে ডেঁগে পাল হ'ল,
যত বন্ধুগণ তুমারি এই পথ আমারি এই পথ ।
কখনো না দেখা হবে রে মন ।
হরি হরি মুখে বলো রে মন ।

—ঐ

৫

নীলকণ্ঠ ব'লে শুনহ সকলে গুরুপদে কিছু রাখ হে মোরে,
এড়াতে রতন হারালে হে ধন আর বাইরাতে কতক্ষণ ।
হরি হরি মুখে বলো রে মন ।

—ঐ

নিম্নোক্ত গানগুলি নিতান্ত লঘুবিষয়ক, ইহাই ১৬ গানের বিশেষত্ব—

৬

উপর কলির বংশী কাঁটা নাম' কলির পিটালী,
মা ধরাল কোন চাতুরী কোথায় বেলা ডুবালি ।

—অযোধ্যা (পুঙ্কলিয়া)

৭

তবে লাউ ডিঙ্গিলা কারলা ভাজা
আশ নামাই রেখেছি ।
আমি কি মন্দ রেঁধেছি—।
মা গো, ভোমনি রাণী ওই তো ময়লা রাঁধনী.
লাউ ডিঙ্গিলা কারলা ভাজা রেঁধেছি ॥
এক পোয়া মদ খায়ে ভাস্কর মেতেছে,
ভাস্কর ছুঁবে ছুঁবে গো লতাই লেগেছে ।
লাউ ফুলটি সাদা ডিঙ্গিলা ফুলটি লাল,
ভাস্কর ছুঁবে ছুঁবে গো লতাই লেগেছে ॥

—ঐ

কোন গুরুত্ব-বিষয়ক গানের পর আসর জমাইবার জন্তে হাল্কা ধরণের
এই গানগুলো গাওয়া হয় ।

৮

সারী-শুক পাখ পুষেছি বাঁশের খাঁচায় সাজে না,
কোন বায়েনা রঙ তুলেছে ঘরেতে মন থাকে না ।

ঐ

৯

গলে দোলে ফুলমালা হাতে মোহন বাঁশী,
আমি কি রূপে হেরিলাম গো কালো রূপে
শ্রামকে পাসরিতে নারি।

—ঐ

১০

শুন গো প্রেম-সর তব প্রেমে রাগী হয় গো,
সারা নিশি জাগিয়া মোরা কাটাবো দুজনে।
দেখা দিও, ধনি, দেখা দিও নিরঞ্জে।

—ঐ

রঙপাঁচালী

সুদীর্ঘ পৌরাণিক আখ্যানমূলক পাঁচালী গানের পর কিংবা তাহার মধ্যে
মধ্যে লঘু অবকাশ সৃষ্টি করিবার জন্য যে হান্তরসাত্মক গান গাওয়া হয়,
তাহাকে রঙপাঁচালী বলে। মুর্শিদাবাদ জিলা হইতেই এই গান সর্বাধিক
সংখ্যায় সংগৃহীত হইয়াছে।

১

সারগড়িতে ডুবল জাহাজ পিপিলিকার ভয়ে।
কাণ্ড দেখে অবাক হয়ে ভাবি তাই অস্তরে ॥
অধিক কি আর বলব বল, একবারে তলিয়ে গেল,
হাই কপালে হাই ছিল, পড়ল কর্মের ফেরে ॥
কি করিব কোথায় যাব, কোথায় গেলে শাস্তি পাব।
অসম্ভব ঘটল তব দোষ দিব আর কারে ॥
শালিক ময়না ঠিকভাবে আর বুলি বলে না।
আতা কি আর বেদানা হবে তাই দেখ বিচারে ॥
ভেক থাকে যে জলের তলে তার মর্ম ও জানে।
ভরম গিয়ে কমল প্রাণে বসে গুণ গুণ করে ॥
কথাতে পেয়েছি বেটা ও বাবারে যাব কোথা।
গলার দিয়ে ছেঁড়া কাঁথা হাজার টাকার হাঁক ছাড়ে ॥
যাহার কর্ম তাহার সাজে অল্প জনার লাঠি বাজে,
বল্লে যে ওই অল্পায় কথা আজকে যে এই সভার মাঝে ॥

বেড়ের পোহানায় লেজ বেরালে তাকে কি আর কুস্তীর বলে ।

হয় না সমান তেলে জলে জগত মাঝারে ॥

নিমের পাতায় গুলে চিনি মিস কি আর হবে ।

তিক্ত গুণ তার যায় গো বেড়ে জানে সর্বজনে ॥ —মুশিদাবাদ

২

পুরুষ— দুমালা নারকেলের নারু রোজ দুবেলা খায় ।

বাসী হলে উপবাসী রব দুজনায় ॥

নারী— প্রেমে বিসর্গ প'ল উপসর্গ কেন এল,

মন আমার জলে গেল মরি ষাতনায় ।

জানিহে তোমার ছলনা অজানাতো নাই ॥

পুঃ— বিশ্বাস করেছিলাম আশ্বাস দিলে

নিমেষের নিঃশ্বাসে তুমি ভুলে গেলে ।

নারী— পুরুষের মন জানি জানি এক মনই টানাটানি ॥

পুরুষ— তাইতে বুঝি অভিমানী মনে তোমার নাই ॥

বিজনে জীবনের জ্বালা জুড়াব, ভাই ॥

নারী— কত তোমার বয়স হলো আমায় বল খুলে,

তবে তোমায় বাসব ভালো মনে যদি মিলে ।

পুঃ— খাইগো আমি গাঁজাগুলি

শুন শুন রসের কলি

অরসিকে মন মজ্জালি ভেবেছ কি তাই ।

প্রেমের দায়ে ধরেছিল শ্রীমতীর পায় ॥

নারী— ভাব সাগরে ডুবলে খবর কিগো রাখ

নিশার ঘরে মেবে জুড়ে চোখ ধরে কি থাক ।

পুরুষ— তাতে তোমার তা হলে না প্রেমে তোমার থা মিলেনা,

তুমি তো তা হলে না বুঝনা সময়,

বাজে বাজে কেবল দিন বয়ে যায় ॥

পুরুষ— তুমি আমার ছাঁচি পান তোমায় পেলে বাঁচি,

একবার হও কাছাকাছি সারাবে অরুচি ।

- নারী— যেথায় সেথায় মাতায় বলো, প্রেমের মর্বাদা ভুল
নয়ন দুটি ঢল ঢল মন মাতায় ॥
আর রব না, বঁধু, দূরে সরে যায় ॥
- পুরুষ— ভালবাসায় লাগে নাকো কোন ভালবাসা ।
প্রেম কি হয়রে শুধু ষার নাই নিশা ।
খোদা বকস প্রেমে পড়ে জ্বলেছে জ্বর কাহরে ।
- নারী— হরিনামের লহরে ভেসে ভেসে যায়,
মূলেতে ভালবাসি হরিগুণ গায় ।
- পুরুষ— বন্ধের ভালবাসা আশা ভঙ্গ তরে,
প্রেম তরঙ্গে দূরে যায় সরে ॥
- নারী— খল কপোট কর নাকো, আসলেতে মতি রাখ,
পুরুষ— ঘনশ্রামে চিনে না কে একবার ডাক যতুরায় ।
কুমতি বলে হরি হরি হরি বলা চায় ॥

—৬

৩

- নারী— পরের সঙ্গেতে পিরীত করে বেশী দিনতো রয়না ।
মনের কথা মনে মেরে হেরে হই আধখানা ॥
- পুরুষ— শুন বলি, চাঁদের কণা, তুমি আমায় পর ভেব না,
বুঝি আমার রসে মন ভিজে না মিছে দাও গঞ্জনা ।
- নারী— সেদিন তুমি কথা দিয়ে কোথা ছিলে কারে নিয়ে,
করি কি আমি রাত জাগিয়ে, তারতো খবর রাখ না ॥
- পুরুষ— ভুল ভেবোনা, ও প্রেয়সী, ভুলতে নারি মুখের হাসি,
নয়ন দুটি ভালবাসি তুমি আমায় ভালবাস না ॥
- নারী— তুমি আমার প্রেম-কাটারি তোমার বিচ্ছেদে প্রাণে মরি,
রাতে তোমায় ভুলতে নারি দিনে ভাল লাগে না ॥
- পুরুষ— ইলেকট্রিক লাইট জ্বলে বসব দুজনে খাস মহলে ।
তুমি তখন ঘুমিয়ে পড়লে ছেড়ে কিন্তু ছাড়ব না ॥
- নারী— বাজে কথায় দিন কাটালে দিব বলে নাহি দিলে,
সাবান তেলে ফাঁকি দিলে গাছি চুড়ি এলো না ॥

- পুরুষ— এই আকালে যদি বাঁচি তোমার প্রেমে নাই অকুচি,
টটকা ফুলেতে মৌমাছি বসে কিন্তু উড়ে না ॥
- নারী— সাঁওতালী মাগরী নিব তবে কালকে কথা দিব,
তোমার মতো কত পাব অভাব তো হবে না ॥
- পুরুষ— ঘনশ্রাম গায় পঁচালী সুরে তালে ফুটায় কলি,
বদন ভরি বলুন হরি, নারীর সঙ্গ ছাড়ি না ॥ —মুর্শিদাবাদ

৩

- নারী— (পোড়ার) সংসারে মনতো টিকেনা ।
চৈতের খড়ায় শুকিয়ে গেছে মোর জোড়া বেদানা ॥
আজ দেব কাল দেব বলে মাসের পরে মাস কাটিলে,
এবার তুমি বল খুলে দেবে কি দেবে না ?
- পুরুষ— পটোল গেল পচা লেগে, কেবল মলাম রাত্রি জেগে ।
কত খাটি তোমার লেগে, তবু বলতো পেলাম না ॥
- নারী— ওগো, এইটুকু মোর মনের আশা, নেবে নভরি হার কানে পাশা ।
খাঁটি কথা নয় তামাসা, জেনে রাখো না ।
- পুরুষ— এই পটোল তুলিয়ে কানে দেব হুল হুলিয়ে ।
- নারী— সাতই বৈশাখ ভায়ের বিয়ে ঘেন ভুলে যেও না ॥
ঐ তো তোমার স্বভাব ধারা শুধালে দাও মাথা নাড়া ।
একখান কাপড় আঁচল হেঁড়া পরা চলে না ॥
- পুরুষ— বজ্জ ভাল কথা, তোমার দায়ে যাব কোথা,
আমার গাখ, হেঁড়া ছাতা ছায়া মেলে না ॥
- নারী— এখন বিছানা কর কেন ? ঘরে বিছা ভেন ভেন ।
উন ভাতে ক্ষিদে ছনো, খেয়াল রাখো না ॥
- পুরুষ— ঘরেতে মেয়ে সেয়ানা তাইতে-গো দুখান বিছানা,
সেকথা মনে করোনা, আমি তা ভুলতে পারি না ॥
- নারী— কচি পাতায় রস লেগেছে তাইতে মোরে ভুল হয়েছে ।
কোথায় মনে মন মিলেছে, আমায় ভাল লাগে না ॥
- পুরুষ— তুমি আমার শিমূল তুলো, তাইতে আমার মনটা ভুলো ।
তোমার নিষেধ কথাগুলো আমার মনে থাকে না ॥

নারী— লোকের কথায় কাজ কি আছে পাছে-তে গো দেব বিছে,

পুরুষ— সরকারের রিলিফ বেড়িয়েছে, ভাবনা হবে না ॥

এই গরীবের ঘরে এসে, ফুল ফুটালে বার মেসে ।

বাধলে মোরে প্রেমের ফাঁসে, দেখ যেন ফাঁসে না ॥

নারী— শুন আমার বাসনা যত

পুরুষ— থাক এই পর্যন্ত কর ক্ষান্ত ।

নারী— আমার প্রেমের নাইকো অস্ত ।

পুরুষ— তবু ভ্রান্ত গেলনা ॥

কুমারীশের কথা ধর, গুরুপদ অহুসরণা করো,

শঙ্খ চক্র গদাধর কর ভজনা ॥

—ঐ

বোলান ও পালার পাঁচালী শেষ হওয়ার পর শ্রোতাদের মনোরঞ্জনর জন্ত
এই প্রকার রং পাঁচালী গাওয়া হয় ।

৫

প্রথম পণ্ডিত—কলির ব্যাপার দেখে যায় মাথা ঘুরে ।

আবার ষোল আনা উঠে গেল নয়া পয়সা এল সংসারে ॥

তোমাদের নাম কি ?

১ম পণ্ডিত—ও ভাই, আমার নামটি কাঁটা থেকে হয় ।

২য় পণ্ডিত—আমার নামটি ভ্যাড়াকান্ত সর্বলোকে কয় ॥

২য় পণ্ডিত—আমার নামটি তাইরে নারে না গো ॥

৪র্থ পণ্ডিত—আমার নামটি আছে গঙ্গার ধারে ॥

তোমাদের বাড়ী কোথায় ?

১ম পণ্ডিত—ও ভাইরে, আমার বাড়ী ড্যাংগা ডহরে ।

২য় পণ্ডিত—আমার বাড়ী আঁতুর শালায় থাকি যে পড়ে ।

৩য় পণ্ডিত—আমার বাড়ী গো ডহরে গো ।

৪র্থ পণ্ডিত—আমি বলবো না এ আসরে ॥

তোমাদের বৌ কার কি রকম ?

১ম পণ্ডিত—ভাইরে, আমার গিন্নী ঘর আলো করে ।

২য় পণ্ডিত—আমার গিন্নী কয়লার মত ঘর আলো করে ।

৩য় পণ্ডিত—আমার গিন্নী তালগাছের সমান ।

৪র্থ পণ্ডিত—গিন্নি খেয়ে আমায় ফিরার করে ।

তোমাদের কাজ কি ?

১ম পণ্ডিত—ভাইরে, আমি গাধার গা ধোয়াই ভাল ।

২য় পণ্ডিত—আমি গিন্নীর চরণ সাধন করি জেলে যে আলো ॥

৩য় পণ্ডিত—আমি কাজটি করি চৌকিদারী গো ।

৪র্থ পণ্ডিত—আমি কাজ করি শুঁড়ির ধারে ॥

তোমাদের লেখাপড়া কতটুকু ?

১ম পণ্ডিত—ভাইরে, আমি লেখাপড়ায় বড় মন্দ নয় ।

২য় পণ্ডিত—আমি ক লিখিতে কলম করি চুরমার ।

৩য় পণ্ডিত—আমি শিশুমতির টোলে পড়ি গো ।

৪র্থ পণ্ডিত—আমি পড়েছি গো ডহরে ॥ তোমরা কি জাত ?

১ম পণ্ডিত—আমার জাতভাই পায়খানায় ঘোরে ।

২য় পণ্ডিত—আমি জুতো সেলাই করে থাকি বাজারে ।

৩য় পণ্ডিত—আমি হই বোম্বাই ধোপা গো,

৪র্থ পণ্ডিত—আমি বেড়াই গো গঙ্গার ধারে ।

তোমরা কেমন মরদ (বীর) ?

১ম পণ্ডিত—আমি মরদ বড় মন্দ নয় ।

২য় পণ্ডিত—মশার সঙ্গে যুদ্ধ করে ঘরের ভিতর রই ।

৩য় পণ্ডিত—টিকটিকিকে তাড়িয়ে ধরি গো ।

৪র্থ পণ্ডিত—আমায় ইঁহুরে লাথি মারে ॥

তোমাদের দেশের অবস্থা কেমন ?

১ম পণ্ডিত—আমাদের দেশের এমনি রীতি কুলাই নাগো মান ।

২য় পণ্ডিত—আমাদের দেশে জল বেগরে পুড়ে গেল ধান ।

৩য় পণ্ডিত—আমাদের দেশে গম হয়নি গো,

৪র্থ পণ্ডিত—শুকিয়ে মরি হা করে ।

১ম পণ্ডিত—ওগো এই পর্যন্ত সাক্ষ করি গান ।

২য় পণ্ডিত—ঢেলার ভূঁয়ে ছুটরে পড়ে কেটে গেল কাল ।

৩য় পণ্ডিত—আমি ঘূমের ঘোরে ঘুরে বেড়াই গো ।

৪র্থ পণ্ডিত—বাতিকে এলাম আসরে ॥

—বেলডাঙ্গা (মুশিদাবাদ)

- স্ত্রীলোক— পুজার সময় জামাই আনতে হবে ।
 শুন, ওহে খুকীর বাবা, ভাত রাঁধিব তবে ॥
- পুরুষ— পুজার সময় জামাই আনতে বলছো আমায়, স্তন্দরী ।
 এ বছরের ব্যাপার দেখে আমি যে ভেবে মরি ॥
 নতুন জামাই আনলে কি বা খেতে দিবে ॥
- স্ত্রী— এলো জেলো তাজা করে জামাই হাজির কর,
 নইলে তুমি পুজার দিনে বাড়ী হতে সর,
 ভাতের আশা আগে ছাড় পরে কাঁটা খাবে ॥
- পুরুষ— ও মাগি, তুই এমনি ঠাটা চিনিস না আমাকে,
 এইবার কিছু বললে পরে ঠিক করবো লাদনাতে,
 জামাই আনা ভুলে যাবি বলবি না আমাকে ॥
- স্ত্রী— লাঠি নিয়ে আসছো রুখে বলি রে জোয়ানকে,
 কত লাঠি আছে তোমার দেখ না আসিয়ে,
 আমাদের মারিলে পরে ভাল নাহি হবে ॥
- পুঃ— কথা শুনে ধরছে মাথা ঠ্যাটা মাগির জাঁকে,
 বেরা আমার বাড়ী থেকে চাইনে আমি তোকে,
 পাওনি তুমি যাকে তাকে জোর করে ভাত খাবে ॥
- স্ত্রী— তাড়ালে কি যাব আমি ওরে ঠ্যাটা মিনসে,
 পরিণামে কি হবে তোরা একটু ভাবিসনে,
 চলে গেলে জামাই বাড়ী আর আমাকে পাবে ?
 হাত পুড়িয়ে খাবে ॥
- পুরুষ— যা না কেন জামাই বাড়ী কাজ কি আছে তোকে,
 পয়সা থাকলে কত জনা পাব ভাত রাঁধিতে,
 চলে গেলে আফং যাবে ঝগড়া মিটে যাবে ॥
- স্ত্রী— চলে যদি যাব আমি এসব ছেড়ে দিয়ে,
 তবে কেন ওরে মিনসে করেছিলে বিয়ে ॥
 ছাড়া ছাড়ির উপায় নাই আর ছাড়লে কষ্ট পাবে ।

- পুরুষ— বগড়া কাঁটি আর করো না বলি আমি তোমারে,
বগড়া করে চলে গেলে সুখ পাবে না অন্তরে ।
ও সুন্দরী, মনে মনে দেখ একটু ভেবে ॥
- স্ত্রী— জামাই যদি না আনিবে শুন কথা আমার,
থাকবো না আর তোমার ঘরে দেখব মজা এবার,
জামাই যদি না আনিবে আমার আশা ছাড়বে ॥
- পুরুষ— এ দুনিয়ার লীলাখেলা পুরাণের ব্যাপার,
মেয়ের মুখে হাত দিয়ে যায় এমন সাধ্য আছে কার,
তোমার কথা না শুনিলে সুখের আশা যাবে ।
- স্ত্রী— উমাপদ বলে, মিনসে পারবি নাকো তুই আর,
হাত চেয়ে আম মোটা হল কত শত জনার,
কলিযুগে নারী স্বাধীন পুরুষ ভেড়া হবে ॥
- পুরুষ— এটখান থেকে পাঁচালী গান সাঙ্গ করে যাই,
রঙ পাঁচালী বড় হলে রস বসে না, শুন ভাই,
মুখে হরি বলুন সব আমাদের উৎসবে,

পাপ ক্ষয়ে যাবে ॥ —ঐ

৭

কত মজা দেখতে পাবো বাঁচলে কিছুদিন ।
সেদিন দেখলাম চাঁদ্রির ঢাকা এখন কাগজ টিন ॥
বিদ্যাবুদ্ধি বিজ্ঞান বলে, জগৎ ছেয়ে ফেললে কলে ।
গরীব লোকের রুজী মেলে দিন চলা কঠিন ॥
তেলের ঘানি, ঝাঁতা, ঢেকি, উঠে তো সব যাবে ঠিকই ।
আরও যে হবে কত কি হচ্ছে সে লাইন ॥
বাইস্কোপ আর দেখলে টকি, কলের মানুষ হয় ঠিকই ।
বিজ্ঞান বলে শুনছি, শ্রেষ্ঠ রাশিয়া মার্কিন ॥
ছিল ভারত পরাধীনে, হয়ে স্বাধীন এত দিনে,
মনের সাথে স্বস্বজ্ঞানে চালাচ্ছে আইন ॥
ছিলগো জমিদার যত, যম বললেও হত,
ছিল যত নাইক তত, সে ক্ষমতা ক্ষীণ ॥

সর্বনেশে আকাল এসে, কি কাণ্ডটাই করাল দেশে ।
 কল না থাকলে যে গম পিসে, মরতো মা বহিন ॥
 খাবার বলতে আর না ছিল কচুর ঝাল আর রুটি পালো,
 গরীব লোকের মরণ ভাল, দেয়নি কেহ ঋণ ॥
 কচুর ঝাল আর ভিন্ন, বহুদিন মেলেনি অন্ন ॥
 দেহ দুটি অগ্নের জন্ত জলশূন্য ঠিক মীন ॥
 যতই দুঃখ থাক না কেন, কিছুই আর আসে না মনে ।
 মনে হয় রাস্তা দরশনে, দুঃখ স্থখের অধীন ॥
 সতীশের রচনাবলী জানাই হয়ে কুতাজলি ।
 দেন অধমে পদধূলি কি নবীন প্রবীণ ॥
 কমলাকান্ত নামটি ধরি, ডাক নাম হয় পথকুড়ি ।
 বলুন সবে হরি হরি, শেষ হল এ 'মীন' ॥

—ঐ

৮

আয় আয় দেখসে তোরা নূতন বোয়ের গুণটা ।
 বিয়ের রাতে বাসর ঘরে মলে দেয় যে কানটা ॥
 বৌ আমাদের লক্ষ্মী ভালো আসতে মিলতে বাবা মলো ।
 আবার তার বড়দাদা কাণা হল, মায়ের হল দুখটা ॥
 বৌ আমাদের ভাত রাঁধিলে মিশায় না গো জলে চালে ।
 কতকগুলো গলে পুড়ে, কতক থাকে চালটা ॥
 বৌর এমন রন্ধনের ছটা, অম্বলে দেয় পুঁইয়ের ডাঁটা ।
 আবার সজান সাজের ল্যাটাপাটা পায়েসে দেয় ছুনটা ॥
 বৌ আমাদের বাঘের মাসি, ঘুমিয়ে থাকে দিবানিশি ।
 আবার ডাকলে কহে সর্বনাশী, ভাঙিয়ে দিলি ঘুমটা ॥
 এক পক্ষের বৌ হেলা-ফেলা, দু-পক্ষের বৌ গলার মালা ।
 আবার তেজ-পক্ষের বৌ সিকেক তোলা,

পা ধুয়ে খায় জলটা ॥

—মুর্শিদাবাদ

রতন ঠাকুরের পালা

কলিকাতা বিশ্ববিদ্যালয় হইতে প্রকাশিত ‘পূর্ববঙ্গ গীতিকা’ (৪র্থ খণ্ড, ২য় সংখ্যা) ‘রতন ঠাকুরের পালা’ নামে একটি পালা গান প্রকাশিত হইয়াছে (পৃ. ৩২৩—৩৩৭) । ইহাতে রতন ঠাকুরের সঙ্গে এক মালীর কণ্ঠ্যর প্রেমের বৃত্তান্ত বর্ণিত হইয়াছে । প্রথমাংশ এই প্রকার—

চান্দের বাগের ফুল না রে সুরজে দিলাইন দড়ি ।

এই না ফুল দিয়া আমি মালাখানি গাঁথি ॥

গাঁথিতে গাঁথিতে রে মালা, মালা আরে মালঞ্চ উজাড় ।

এই না মালার নাম আমার বসন্তবাহার ।

শতেক না চম্পা ফুলে আরে গাঁখলাম মালা ।

মধ্যে মধ্যে দিছি ফুল কালা না রে ধলা

—মৈমনসিং

রম্য-সঙ্গীত

রঙ পাঁচালী জাতীয় গানকে কোন কোন সময় রম্য-সঙ্গীতও বলে । বলা বাহুল্য রম্যগীতি বলিয়া আধুনিক সঙ্গীতে যে একটি কথা আছে, ইহা তাহা হইতে স্বতন্ত্র ।

ভাই—দাদাগো শোন না, এক সাথে আর থাকব না ।

দাদা—কেন রে তুই পৃথক হবি তাই আমারে বল না ।

ভাই—দুজনাতে যুক্তি এঁটে, তোমরা আমাকে চাও ফাঁকি দিতে,

দাদা—কি ফাঁকি দিলাম তোমাকে কথা খুলে বল না ।

বড় বো—ঠাকুরপোর আর কি দোষ আছে কান ভাঙাছে দিনে রাতে,

ছোট বো—তুমি কেন বাধছ, ওতে ওদের হচ্ছে তাই হোক না ।

ভাই—কেন, দাদা, বৌদির নামে কিনলে জমি গোপনে,

দাদা—একথা তো সবাই জানে বড় বোয়ের টাকায় কেনা ।

বড় বো—বাবার টাকায় কিনলাম জমি তার কেন ভাগ দিব আমি,

ছোট বো—চুলচিরে ভাগ করবো আমি বাবার বললেও ছাড়বো না ।

ভাই—তোমার বিয়েই টাকা নিল, বাবা আজ লাটসাহেব হ’ল,

দাদা—যা বলবে তা আমায় বল নইলে ভাল হবে না ।

বড় বো—তুমি ছটকির ফুঁসে পড়ে বলছ কথা গায়ের জোরে,
 ছোট বো—তুমি ফুঁস দিচ্ছ ভাস্করে শরিক ফাঁকির মন্ত্রণা ।
 ভাই—মোড়লিতেও জুয়াচুরি বলতে তো বাবুগরি,
 দাদা—তোর কাজটি তো বেজায় ভারি মাঠে গিয়েও ঘুম ভাঙেনা ।
 বড় বো—দিনরাত খাটি বিয়ের মত, আমার কিসের গরজ এত,
 ছোট বো—শুধু ধান ভানতে নাড়ার মজবুত পাড় দিতে ভিড় না ।
 ভাই—খরচা করে পড়লে তুমি, সে সব টাকা পাব আমি,
 দাদা—তোর জন্ত দিলাম আমি দুশো টাকা জরিমানা ।
 বড় বো—রেঁধে তোমায় দিলাম খেতে, রাঁধার খরচা হবে দিতে,
 ছোট বো—তোমরা খেলে দুজনাতে আছে একজনের পাওনা ।
 বড় বো—একা খাটলাম তোমার বিয়েই তার মজুরীও নিব ধরিয়ে,
 ছোট বো—তোমার বাপ-মা গেল খেয়ে, তখন তো ওর কেউ ছিল না ।
 ভাই—মগরী আইন আমার কাছে, ভাগ নিব এই মুণ্ডর ভেঁজে,
 দাদা—কথা শোন, ভাই, আমার কাছে ভাগ বাদে যোগ কর না ।

এইবার যোগের কথা বলি শোন, যোগে মিলে অমূল্য রতন ।

যোগ বলে হয়ে বলীয়ান, লাভ করা যায় যে ভগবান,

যে যোগ করে মুনি ঋষিগণ ।

যোগ করে বিয়োগ জয় করে, বলে জানাই প্রকাশ করে,

দেবাদিদেব ভোলা মহেশ্বর ।

সহযোগে বলী যারা, সব কাজই জয় করে তারা,

পরিচিত হয় না কোন দিন ।

এই সহযোগ নাই যাদের, অগ্নেরা কি আর পারে তাদের,

যারা যোগ রাখিছে চিরদিন ।

যোগেতে হয় সংসার গঠন, যোগ ছাড়িলে দেহের পতন,

যোগে যোগ ক্রমে বৃদ্ধি হয় ।

তাই যোগ থেকে ভাগ করলে পরে, ক্রমে যাবে নিম্নস্তরে,

একথাটি মিথ্যা কভু নয় ।

তাই যোগ কর ভাই, যোগ কর ।

ভাগ হলেই বিয়োগ, তারপর যোগ কর ভাই, যোগ কর ।

ভাই—মুখের কথায় হয় নাকো যোগ, কর্ম করা চাই ।

কাম ক্রোধ লোভ মোহাদি, তারা হয় যোগের বাদী,

আগে তাদের দমন করা চাই ।

যোগ করিতে ইচ্ছা যদি, হতে হবে সত্যবাদী,

নিরবধি সৎপথেতে চল ।

তবে ভোগ করবে যোগের ফল, নতুবা সব হবে বিকল—

ভাব কথা আসল কি নকল, এযোগ যোগে যাগে চলবে না,

যোগফলকে সমান রেখো না, যোগে যাগে চলবে না ।

বড় বো—এসো, বোন, আমরা ছুজনে, যোগ করে নিই প্রাণেপ্রাণে ।

ছোট বো—এ যোগ থাকে যেন জন্মে জন্মে, ভাগ যেন আর করো না ।

—মুশিদাবাদ

রয়্যাপী গান

পূর্ববঙ্গের বাথরগঞ্জ জিলায় মনসা-মঙ্গলের পালাগানকে রয়্যাপী গান বলে । রয়্যাপী শব্দটিব উৎপত্তি লইয়া মতবিরোধ আছে । কেহ মনে করেন, রাজ্রিতে এই গান গাওয়া হয় বলিয়া রজনী শব্দ হইতে ইহার রয়্যাপী নামের উৎপত্তি হইয়াছে, আবার কাহারও কাহারও মতে রয়্যাপী যাত্রা শ্রেণীর গান বলিয়া যাত্রার অর্থ যখন এক স্থান হইতে অগ্র স্থানে রওয়ানা হওয়া, সেই সূত্রে ইহার নাম রয়্যাপী গান হইয়াছে । যাত্রাকে পূর্ববঙ্গের কথা ভাষায় রওয়ানা বলে ; সুতরাং যাত্রা গান অর্থেই রয়্যাপী গান শব্দটির উদ্ভব হইয়া থাকিবে ।

রয়্যাপী গান বরিশালের একটি অপরিহার্য পারিবারিক অস্থান । পুত্র-কন্যার বিবাহের পূর্বে যে যাহার সঙ্গতি অমুযায়ী এক মাস, সাত দিন, আড়াই দিন কিংবা অন্তত একদিনের জগ্গ হইলেও রয়্যাপী গানের অস্থান করে । নতুবা বরকন্যার লখীন্দর-বেহুলার পরিণতি লাভ করিতে হয় বলিয়া বিশ্বাস । রয়্যাপী পূজায় মনসা-মঙ্গলের কাহিনীর বিভিন্ন চরিত্রগুলির বিভিন্ন আকৃতির মৃৎপ্রতিমা নির্মিত হয় এবং তাহাদের যথারীতি পূজা হয় । পূজার সময় রয়্যাপী গান হয় । রয়্যাপী গানের ব্যবসায়ী দল থাকে, স্বামী-পুরুষ উভয়ে মিলিয়াই গান করে । গানের বিষয় মনসা-মঙ্গল (মনসা মঙ্গল বা মনসার গান দেখ) ।

রাখালী সঙ্গীত

যে প্রেম-সঙ্গীতের নায়ক রাখাল তাহাকে রাখালী গান বলে । শ্রীকৃষ্ণের গোচারণ লীলা অবলম্বন করিয়া এই গানে অতি সহজেই শ্রীকৃষ্ণের নাম আসিয়া প্রবেশ করে । তবে বাংলার যে অঞ্চলে বৈষ্ণব ধর্মের প্রভাব অল্প, কেবলমাত্র সেই অঞ্চলেই ইহার মানবিক পরিচয়টি সুস্পষ্ট হইয়া উঠিতে পারে ।

১

ঠাকুর বাড়ীর কাল তুলসী আগা ঢলমল করে ।
প্রাণনাথ চাকরি নিয়ে আমার মরণ ।
লক্ষ লক্ষ টাকা দিয়ে করিব ধারণ ॥
আগচোয়ারা চাকচোয়ারা চাকের বাঁধা ঘাট ।
সেখানে কিষ্ট ঠাকুর স্নান করে খেল কদমের গাছ ॥
খেলের আলা বেলের ডালা খেলের চিকিমিকি,
শ্রামনগরে পুছতে গেলাম রাধা বিনোদিনী ॥
কিষ্ট হে ঠাকুর কিষ্ট ভেকুর কিষ্ট লোকের সখা,
সে কিষ্ট না বুঝিলে লোকে বলে ক্যাশা ॥
আর ডাকো না কাল কোকিল শ্রীরাধা রাধা বলে ।
তুমি সদাই ডাক রাধা রাধা আর নাম নাই গোকুলে ॥—রাজসাহী

২

আমি যে গরুর রাখাল মাঠে মাঠে থাকি ।
বাঁশরী বাজায় মোরা পালের গরু বাছুর ডাকি ॥
তুমি ত যে রাজার কন্যা
আমি ত যে গরুর রাখাল মাঠে থাকি ।
বাঁশরী বাজায় মোরা গরু বাছুর ডাকি ॥
জানতে পারলে আমার মাথা কাটবে তোমার বাপেরে ।
পরান কাঁদে, রাখাল বন্ধু রে ॥ —ঐ

৩

প্রাণসখি রে, ঐ শুন, বাবলা বনের ফাঁকে ফাঁকে
বাঁশরী বাজায় কে ।

বাঁশী বাজায় কে রে, সখি,
মাথার বেণী বদল কৈরে তারে এনে দে ।
প্রাণ সখি রে, ঐ শুন কদম্ব তলায় বাঁশী বাজায় কে ।
ঐ বাঁশীর সুরে মোর প্রাণ কাঁদে ॥
তার লাইগা আমার পরাণ পোড়ায় যে ।
প্রাণ সখি রে, পরাণ বঁধুরে কাছে এনে দে ॥ —ঐ

৪

প্রথম দল— কার বেটা কার নাতি
তুমি ছেড়ে দিয়ে যাচ্ছ কুতি ?
দ্বিতীয় দল—উত্তর দেশে কোমাকুসি দক্ষিণ দেশে পান ।
তোমার ভগ্নীক বিয়ে করে ভুলি গেলাম দান ।
খাল পা'লাম, ঝারি পা'লাম, আর পা'লাম গাই ।
গরু চরাণের রাখাল নিব তোমার দুটি ভাই । —ঐ

রাজকন্যা ও আক্ষা বন্ধুর পাল

কলিকাতা বিশ্ববিদ্যালয় হইতে প্রকাশিত 'পূর্ববঙ্গ গীতিকা' (৪র্থ খণ্ড, ২য় সংখ্যা)য় এক রাজকন্যা এবং তাহার অন্ধ প্রণয়ীর কাহিনী গীতিকার আকারে বর্ণিত হইয়াছে (পৃ. ১৮৫—২০৭) । ইহার সৃচনা এই প্রকার—

ভিক্ষা দাও গো, নগরবাসী, তোমরা সকলে ।
খাড়া হইল আক্ষা বন্ধু, রাজার তুল ছয়ারে ॥
ভোর গগনে খইয়া মেঘ রে সিন্দূর তার গায় ।
রাজপক্ষে কোন বা জনে বাঁশীটি বাজায় ॥
দূর গাঙ্গের কূলে খাড়াইয়া আছিল ভালা লিলুয়া বয়ার ।
শুনা সে বাঁশীর গান লাগিল চমৎকার ॥

রাজা তিলক বসন্তের পাল

কলিকাতা বিশ্ববিদ্যালয় কর্তৃক প্রকাশিত, 'পূর্ববঙ্গ গীতিকা' (৪র্থ খণ্ড, ২য় সংখ্যা)য় 'রাজা তিলক বসন্ত' নামে একটি গীতিকা প্রকাশিত হইয়াছে । ইহা

পূর্ব মৈমনসিংহ অঞ্চল হইতে সংগৃহীত। ইহাতে রাজা তিলক, বসন্তের উপর এক অতিথির অভিশাপ এবং পরে তাহা হইতে মুক্তির বৃত্তান্ত বর্ণিত হইয়াছে। প্রথমংশ এই প্রকার—

১

ওরে ও দূরের নদী উজান বইয়া যা।
 উজান বইয়া যারে নদী ভাট্যাল বইয়া যা ॥
 সেই না নদীর পাড়ে আছিল রাজা ভারী মহাজন।
 তিলক বসন্ত নাম রূপে গুণে অল্পপম ॥
 তার কথা শুন দিয়া মন রে, ওরে নদী, উজান বইয়া যা ॥

রাজা রঘুর পালাগান

কলিকাতা বিশ্ববিদ্যালয় হইতে প্রকাশিত ‘পূর্ববঙ্গ গীতিকাব্য’ (৪র্থ খণ্ড, ২য় সংখ্যা)য় রাজা রঘুর পালা নামে একটি পালাগান সংগৃহীত হইয়াছে। ইহাতে মৈমনসিংহ জিলার উত্তরাঞ্চলে অবস্থিত গারো পাহাড়ের নিম্নে স্রসঙ্গ নামক স্থানের রাজা রঘুর বৃত্তান্ত বর্ণিত হইয়াছে (পৃ. ৭৩—৮২)। কাহিনীর প্রথমংশ এই—

১

শুভা আছিল ধামিক রাজা রে, আরে রাজা, বার বাংলার ঘরে।
 রাণীর লাগিল রাজা রে, আরে রাজা, উফর ফাফর করে ॥
 কই গেলা গো কমলা রাণী, এ গো রাণী, ফালাইয়া আমারে।
 আকুয়া তুকি বাইয়া মরি গো, এ গো রাণী, বিচরাইয়া তোমারে ॥

—মৈমনসিং

ইহাতে স্রসঙ্গের রাজা ও তাহার মহিষীর মৃত্যুর পর তাহাদের শিশুপুত্রকে কি ভাবে জঙ্গলবাড়ীর দেওয়ান ঈশা খাঁ হরণ করিয়া লইয়া গিয়াছিলেন, তারপর তাহার গারো প্রজারা এক রাত্রিতে তাহাকে সেখান হইতে উদ্ধার করিয়া লইয়া আসিয়াছিলেন, তাহা বর্ণিত হইয়াছে।

রাণীহাটি, রেণেটি

বাংলা কীর্তন গানের বিশিষ্ট একটি ঢং-এর নাম রাণীহাটি বা রেণেটি। প্রাচীন সপ্তগ্রামের অন্তর্গত রাণীহাটি নামে একটি পরগণা ছিল, সেখান হইতেই

কীর্তন গানের এই রীতিটি উদ্ভূত হইয়া সর্বত্র প্রচার লাভ করে বলিয়া ইহার নাম রাণীহাটি বা রেণেটি বলিয়া মনে করা হয়। বর্তমানে বধমান জিলায় রেণেটি নামক একটি গ্রাম আছে। তাহার নিকটবর্তী অঞ্চলের অধিবাসী বিপ্রদাস ঘোষ এই ধারাটির প্রচলন করিয়াছিলেন বলিয়া ধারণা।

১

তোরা দেখ'সে আসি ব্রজবা'সী ব্রজাঙ্গনা,

এসেছে ঠিক যেন সেই কেলোসোনা।

রাধা রসে পোরা এমন পোরা আর দেখ'বি না,

তেমনি গোরার আঁখির ভুরু, তেমনি রামরস্ভা উরু,

তেম্নি ওর মনচোরা কটি সফু,

যেমন ব্রজে ছিল নন্দ-নন্দন, তেম্নি যত অঙ্গগঠন, কাঁচা সোনা

করে ধ্বনি রা রা রা, যুগল চক্ষে শতধারা,

ধা বলে অধর হ'য়ে পড়ে ধরা,

মুখে হারাই ! হারাই ! ধ্বনি, কি ধন হারায়ে ধনীর এ যন্ত্রণা।

রামপ্রসাদী গান

অষ্টাদশ শতাব্দীর কবিরঞ্জন রামপ্রসাদ সেন রচিত শাক্তপদাবলী যে স্থরে গাওয়া হয়, তাহাকে রামপ্রসাদী স্থর বলে, তাহাকে রামপ্রসাদী গান বা মালসী গানও বলে (পূর্বে মালসী গান দেখ)। আগমনী-বিজয়ার বিষয়-বস্তু লইয়া তিনি যে গান রচনা করিয়াছেন, তাহাকে আগমনী-বিজয়া গানও বলে। তবে রামপ্রসাদী গান বলিতে রামপ্রসাদ (দ্বিজ বা বৈষ্ঠ) রচিত শাক্তপদাবলী মাত্রই বুঝায় (পরে শাক্তপদাবলী দেখ)। তবে রামপ্রসাদের আদর্শ অহুসরণ করিয়া অগ্ৰাণু পল্লী কবিও যে সকল গান রচনা করিয়াছেন, তাহাদিগকেও রামপ্রসাদী গানই বলে। নিম্নে এই শ্রেণীর দুইটি গান উদ্ধৃত হইল।

১

মা আমার সাজাইলে রাখাল, ঘাড়ে গাম্‌ছা হাতে লাঠি মা,
চরাই আমি ছয় ধেনুর পাল, মা, আমায় সাজাইলে রাখাল,
গেদে গেদে ভুসি দিলাম, মা, তাতে দিলাম ছয় ঘড়া জল,

তবু বেড়া ভেঙ্গে খেতে যায়, মাগো, মড়লদের পোয়াল,
মা, আমায় সাজাইলে রাখাল ।

—মুশিদাবাদ

২

আমি কেবল প্রেমভিখারী ।

চাই না স্নকেশা স্নন্দরী নারী ॥

চাই না মুক্তি, চাই না ভুক্তি, চাই না অট্টালিকা পুরী ।

চাই না গুরু বাবুগিরি, চাই না তুচ্ছ জমিদারী ॥

হব না ভূপ, চাই না সুরূপ, চাই না স্নন্দরী কুমারী ।

যদি সে ধন দেহ যায় সন্দেহ যাতে উদাসিনী কোমারী ॥

চাই না পুণ্য, চাই না স্বর্ণ, খাইব অন্ন ভিক্ষা করি ।

চাই না তীর্থ ভ্রমণ যশোকীর্তন, অক্ষয় জীবন চাই না হরি ॥

ব্রহ্মত্ব ইন্দ্রত্ব চাই না, শিবত্ব পদ তুচ্ছ করি ।

দেহ সদানন্দের আনন্দের ধন, মহানন্দের চরণতরী ॥

—ঐ

রামায়ণ গান

রামায়ণের বিষয়-বস্তু অবলম্বন করিয়া পাঁচালীর সুরে যে সুদীর্ঘ আখ্যায়িকা-মূলক গান গাওয়া হয়, তাহাকে রামায়ণ গান বলে । রামায়ণ গানকে শ্রীরাম-পাঁচালীও বলে । আনুষ্ঠানিক ভাবে আসরে একটি ঘট স্থাপন করিয়া একজন মূল গায়ের চামর মন্দিরা হাতে লইয়া এবং পায়ে নূপুর পরিয়া দোহারের সহায়তায় সামাগ্র অভ্যঙ্গি করিয়া মঙ্গল গানের সাধারণ রীতি অনুযায়ী রামায়ণ গান গাওয়া হইয়া থাকে । সাধারণত বাড়ীতে শ্রাদ্ধাদির অনুষ্ঠানে কিংবা দুর্গোৎসবের সময় রামায়ণ গান হয় । কোন কোন সময় বিভিন্ন পালায় বিভক্ত এই গান এক মাসেও শেষ করা হয় । একটু অংশ নিম্নে উদ্ধৃত হইল—

ধুয়া— তোমরা ছই ভাই নবীন ধনুকধারী রে,

লব রে তোদের মা কে ?

পয়ার— রাম—রাম বলে বল, লব ছ'ভাই,

তোমাদের পিতামাতার নাম বটে কি ?

লব—

অকালেতে মা মরেছে বাপে নাহি জানি,

আমার বাপের নাম জানেন বান্দীকি মুনি ।

আমার বাপের সৃষ্টি আমার কল্পের সমান,
 আমার বাপের গায়ের লোম যত দেবগণ ।
 যোগী জপে যোগে যারে ঋষি জপে মনে,
 আমার বাপের নাম জপে এ চৌদ্দ ভুবনে ।
 আমার বাপের নাম নিলে যত পাপ হরে,
 পাপী হয়ে তত পাপ করিতে না পারে ।
 তোমার পাপে পিতা পিতামহ যতজন ছিল,
 আমার বাপের নাম করি পরম ধামে গেল ।
 তারা সবে মুক্তি পাইল আমার বাপের গুণে,
 অশ্বমেধ যজ্ঞ কর কি কারণে ।

রাম—

হেন বাপের বেটা যদি বটে দুইজন,
 রাজ্য অট্টালিকা বিনা কেন কানন ভ্রমণ ।
 তৈল কেন গায়ে নাই উড়িতেছে খড়ি,
 অন্ন বিনা গাত্র মাংস হয়ে গ্যাছে দড়ি ।

লব—

তুমি কেন বনে গিয়াছিলে হয়ে রাজার বেটা,
 স্বর্ণ মুকুট খুলে রাখি আবার ধরিলে জটা ।
 তব পিতা পিতামহের কিবা নাম,
 শুনে তাহাদের কথা कहিলেন রাম ।
 মোর পিতা পিতামহ জানিলা কেমনে,
 লব বলে বাহান্ন পুরুষ জানি রাজাগণে ।
 অজ নামে রাজা ছিল বড় বলবান,
 অজ বলিতে হয় তোমার পিতামহের নাম ।
 বড় বলবান রাজা জান নামের ফলে,
 অজ শব্দে সর্বকালে ছাগলারে বলে ।
 দশরথ তার নাম कहিলেন রাম ।
 লব বলে কোন দশরথ হন তিনি ।
 লোক মুখে বহু দশরথের কথা শুনি ॥
 রাম বলে এক বই দশরথ নাই ।
 কেহ বলে বহু রাম মোরা শুনিতে পাই ॥

এক দশরথের মোরা জানি আত্মমূল ।
 ভৃগুরামের শরা সম বহে মাথায় চুল ॥
 অন্ধ পুত্র সিদ্ধু যেই বিনাশিল শরে ।
 আর দশরথ তার বুদ্ধি হল নাশ ।
 জীর বাক্যে পুত্র বধু দিল বনবাস ॥
 আর দশরথের বুদ্ধি বড়ই পাগল ।
 পুত্রধনে বনে দিল কথার বড রস ॥
 রাজা হয়ে হয়েছিল সে রমণীর বশ ।
 রাম বলে, নাহি বল আমার নন্দন ।
 যমজসম চিত্ররূপ উভয়ে মিলন ॥
 লব বলে, মহারাজ, বিজ্ঞ শিরোমণি ।
 বড়ই আশ্চর্য কথা তব মুখে শুনি ॥
 সূর্য বংশে দশরথ গৌর বরণ ।
 দুই বর্ণে হইল তার চারিটি নন্দন ॥
 পিতৃসম বর্ণ চিহ্ন যদি পুত্র হয় ।
 তবে বুঝি চারি ভাই এক বাপের হয় ॥
 রাম বলে, শিশু হয়ে কটু বল কেনে ।
 আমি ক্রোধ করিলে কে বাঁচে ত্রিভুবনে ॥
 আমার সম জগতে কে আছে বলবান ।
 শিশুকালে তাড়কার বধেছি পরাণ ॥
 লব বলে তাড়কা আইলো বৃদ্ধা জরা ।
 হুঁচট দিয়া পড়ে সেই প্রাণে হইল সারা ॥
 দুর্বল হইল অতি জীবন সংশয় ।
 তার উপর বাণ ছাড়া কর্তব্য না হয় ।
 রাম বলে, করিয়াছি পাষাণে মানবী,
 লব বলে, হায় হায়, আমি তাই ভাবি ॥
 অহল্যা পত্নী যদি পদে তরিয়্যাছে ।
 তৃণ আদি গুল্ম লতা তারা কেন আছে ।
 চৌদ্দ বৎসর দুটি ভাই ভ্রমিল কাননে ।

পাদপ পাথর কত ঠেঁকিল চরণে ॥
 তারা যদি মানব হইত মহাশয় ।
 যত বল তবে সে পতিত মাত্র হয় ॥
 এত যদি প্রাণ দিতে পারহ পাষণে ।
 লক্ষ্মণ পড়িল রণে না বাঁচালে ক্যানে ॥
 রাম বলে, ধনুক ভাঙ্গিলাম সবে জানে ।
 লব বলে, খুঁত ধনু জারিল সে ঘুণে ।
 রাম বলে, বলির বধিহু আমি প্রাণ ।
 লব বলে, চুরি করে হইল বলবান ॥
 রাম বলে, নিবিষ্মে বেঁধেছিহু সেতু ।
 লব বলে, বটে, তাহে নল ছিল হেতু ॥
 রাম বলে, নিবিষ্মে জয়ী লঙ্কা ধাম ।
 লব বলে, নাগপাশে বদ্ধ কোন রাম ॥
 কোন রামে হয়েছিল বিষ বরিষণ ।
 শক্তিশেলে অচেতন সে কোন লক্ষণ ॥
 মন্ত্রণায় বিভীষণ বলে হনুমান ।
 ইহারাই ছিল লঙ্কায় তোমার হল নাম ॥
 রাম বলে, শিশু তোরা না জান কারণ ।
 ইচ্ছা নাহি করি উভয়ের সঙ্গে রণ ॥
 শিশু বলি মোর মনে দয়া উপজিল ।
 হাশ্রু করি দুই ভাই তার উত্তর দিল ॥
 কায়মন-প্রাণ রাখি রাখিব চরণে ।
 রামানন্দে হরিধ্বনি করুন সর্বজনে ॥

—বীরভূম

রামযাত্রা

রামায়ণের কাহিনীকে যাহাতে যাত্রা বা লোকনাট্যের আকারে গীতবাছসহ
 পরিবেষণ করা হয়, তাহাকে রামযাত্রা বলে (যাত্রাগান দেখ) । তাহাতে বিভিন্ন
 চরিত্র আসরে অবতীর্ণ হয় এবং তাহাদের মাধ্যমে শিথিল গল্প সংলাপ এবং
 সঙ্গীতের মধ্য দিয়া কাহিনী অগ্রসর হইয়া যায় । হনুমানের চরিত্র কৌতুক

রসের সৃষ্টি করে। ঊনবিংশ শতাব্দীতে যখন মধ্যযুগের ভক্তিভাব সমাজের হৃদয় হইতে বিদূরিত হইয়া গিয়াছিল, তখনই প্রধানত কলিকাতার নাগরিক সমাজকে অবলম্বন করিয়া রামযাত্রার উদ্ভব হইয়াছিল। বর্তমান যুগে ইহাদের জনপ্রিয়তা ত্রাস পাইয়া গিয়াছে।

রূপবতীর পালাগান

‘মৈমনসিংহ গীতিকা’র রূপবতীর পালাগান নামে একটি গীতিকা (ballad) সংগৃহীত হইয়াছে। ইহার কাহিনী এই—

রামপুরের রাজার নাম রামচন্দ্র; তাঁহার একটি মাত্র কন্যা রূপবতী। বালিকা কন্যা গৃহে রাখিয়া রাজা কার্ধোপলক্ষে মুর্শিদাবাদ নবাব দরবারে গেলেন। বৎসরের পর বৎসর কাটিতে লাগিল, তিনি গৃহে প্রত্যাবর্তন করেন না। দেখিয়া রাণী তাঁহার নিকট একটি পত্র লিখিলেন—কন্যাকে আর অবিবাহিতা রাখা যায় না; দেশে ফিরিয়া তাহার বিবাহের একটা ব্যবস্থা করিবার জন্ত পত্রে তাঁহাকে বিশেষ অনুরোধ করা হইল। পত্র পাইয়া রাজা দেশে ফিরিয়া আসিলেন, কিন্তু তাঁহাকে অত্যন্ত বিমর্ষ দেখা যাইতে লাগিল। জিজ্ঞাসা করিয়া রাণী জানিতে পারিলেন, তাঁহার পত্রখানিই কাল হইয়াছে—নবাব পত্রখানি দেখিতে পাইয়া কন্যাটিকে তাঁহার হস্তেই সমর্পণ করিবার জন্ত আদেশ করিয়াছেন। শুনিয়া রাজার আহার-নিদ্রা দূর হইয়াছে। রাজা প্রতিজ্ঞা করিলেন, পরদিন ঘুম ভাঙিয়া যাহার মুখ প্রথম দেখিবেন, তাহার হস্তেই কন্যাদান করিবেন, তারপর যাহা হয় হইবে। শুনিয়া রাণী মদন নামক তাঁহাদের এক রূপবান্ যুবক কর্মচারীকে পরদিন রাজার শয়ন-গৃহের দ্বারে উপস্থিত থাকিতে বলিলেন। প্রভাতে তাহার মুখই প্রথম দেখিতে পাইয়া রাজা তাহার হস্তে কন্যা সম্প্রদান করিলেন। তাহাদের ভোগের জন্ত একখানি গ্রাম লিখিয়া দিলেন।

এই কাহিনীর একটি পাঠান্তর আছে, তাহাতে ইহার শেষাংশ এইরূপ—নবাবের নির্দেশ মত রাজা তাঁহাকেই নির্দিষ্ট দিনের মধ্যে কন্যা সম্প্রদান করিবেন বলিয়া স্থির করিলেন। রাণী ইহার পূর্বেই একদিন নিশীথরাত্রে গোপনে মদন নামক তাঁহাদের এক যুবক কর্মচারীর হস্তে কন্যাকে সম্প্রদান করিয়া নোকাযোগে সেই রাত্রেই দূরদেশে পাঠাইয়া দিলেন। কিছুদিন পর

মদন তাহার মাতাপিতার সংবাদ লইবার জন্ত দেশে আসিয়া রূপবতীর পিতার লোকজন কর্তৃক ধৃত হইল, রূপবতীকে অপহরণ করিবার অপরাধে রাজা তাহাকে বলি দিবার আদেশ দিলেন। পরে রূপবতীর সঙ্গে তাহার বিবাহ হইয়াছে জানিতে পারিয়া তাহাকে ক্ষমা করিলেন এবং কন্যা-জামাতাকে বসবাসের জন্ত বিস্তৃত জমিদারী লিখিয়া দিলেন। নবাব দরবার হইতে এই বিষয়ে আর কোনও সংবাদ আসিল না।

ইহার রচনা কবিজ-সমৃদ্ধ, একটু নিদর্শন—

আন্ধাইরা নিঝুম রাতি আস্মানে জলে তারা।

মদন আসিয়া দুয়ারে হৈল খাড়া ॥

লাজেতে গলিয়া পড়ে কন্যার মাথার কেশ।

আন্তে ব্যস্তে টানিয়া কন্যা পরে নিজ বেশ ॥

না আসিল পুরোহিত কুল আচরণ।

নিঝুম রাতে করে মায় কন্যা সমর্পণ ॥

রামলীলা ঝুমুর

পশ্চিম সীমান্ত বাংলা অঞ্চলে প্রচলিত যে ঝুমুর গান রামায়ণ কাহিনী ভিত্তিক রচনা, কিংবা রামচন্দ্র যে ঝুমুর গানের নায়ক, তাহাকে রামলীলা ঝুমুর বলে (পূর্বে ঝুমুর দেখ)।

১

শক্তিশেলে যবে পড়িল লক্ষ্মণ,

কাদেন শ্রীরাম রাজীবলোচন,

ভাসেন নয়ননীরে রে,

হায়রে, লক্ষ্মণ কেন রে শয়ন,

মধ্য রণে পারাপারে রে !

গুঠ গুঠ বীর, ধর ধনুক তীর,

দশশিরায় বারে বারে রে।

আজি ফিরে লক্ষাপতি বিনাশিবে,

রিপুরস্তুে কুল-কালিমা ধোয়াবে,

উদ্ধারিবে সীতায় রে ॥

—বাশপাহাড়ী

লগ্নপত্রের গান

১৬—৪

বিবাহের সর্বপ্রথম আচার আনুষ্ঠানিক ভাবে বিবাহের দিন স্থির করা। তাহাকে লগ্ন পত্র করা বা বিবাহের লগ্ন স্থির করা বলে। সেই উপলক্ষে পূর্ববঙ্গে যে গান শুনিতে পাওয়া যায়, তাহা লগ্নপত্রের গান।

১

ভাগ্যবতী জামাইর বাপ পণ্ডিত পাঠাইছে,
সোহাগিনী কন্টার বাপের বাড়ী রে,
দেও, কন্টার বাপ, বিবাহের কবুল।
আছে তোমার বেটি রে, আছে তোমার ভাইস্তু রে,
দেও, কন্টার বাপ, বিবাহের কবুল।
এরে শুইয়া কন্টার বাপ পণ্ডিত ডাকিল রে,
পণ্ডিত ডাক্যা লেখ্যা দিল তার বেটার বিয়া রে।
বইয়া আছে জামাইর বাপ দরবার করিয়া,
পত্র পড়িয়া দেখে তার বেটার বিয়া।

—মৈমনসিং

লাগাড়ে গান

বাংলার পশ্চিম সীমান্ত অঞ্চলের অধিবাসী সাঁওতাল উপজাতির মধ্যে প্রচলিত এক শ্রেণীর গানের নাম লাগাড়ে গান। ইহা বাংলা এবং সাঁওতালি উভয় ভাষাতেই রচিত হয়। ইহা নৃত্যসম্বলিত গান। এই নৃত্যগীত বিশেষ এক একটি গোষ্ঠীর মধ্যে নিজের গ্রামেই অল্পক্ষিত হইতে পারে, গ্রামের বাহিরে গিয়া অন্ত কোন গোষ্ঠীর সঙ্গে মিলিত ভাবে হইতে পারে না। নাচের ভঙ্গি এবং গানের স্বর পাতা নাচের (পূর্বে দেখ) ই মত। নিম্নোক্ত গান কয়টি পঞ্চাশ বৎসর বয়স্ক চরণ কিস্কু নামক একজন সাঁওতালের নিকট হইতে সংগৃহীত।

১

এই বেলা যে এই হইল, আর বেলা যে কিবা হয়,
মনে দেখ ভাবিয়েঁ। হে, দিন দিন সময় চলিল,
পুরুষ বিম্ব কিবা আছে আরাধন।

—বেলপাহাড়ী

২

খাবার দাবার বেলা হইল, মরিবার দিন হইল,
রাধা জীবা মনে বুঝ হে, এই বেলা করিব রোদন,
রাধা জীবা মনে বুঝ হে, এই বেলা…………।

—ঐ

৩

যখন রাণী রাজা ছিল, তখন রাণী শাড়ী শাঁখা
রাজা মরিল রাণী শাঁখা খুলিবে।

—ঐ

৪

কাশীপুর মহারাণী মরিল, বাবারে আগুন দিতে কেউ নাই,
হাতে আছে বালা, কানে আছে সোনা,
আগুন দিলে লিবি রে সোনা।

—ঐ

৫

জামাই যাচ্ছে আগু আগু, তার পিছু বিটি
কাঁদ না কাঁদ বিটি, ঈশ্বরের দিয়া চিঠি, ভগবানের লিখা
আজই তো গুরুবার, আনিতে যাব শুকুরবার।
কাঁদ না কাঁদ বিটি, ঈশ্বরের…………।

—ঐ

৬

দুপহর বেলা হইল, শুরু (শহর) বালি তাতা হৈল,
আমি যাব নাই গো, আমি যাব নাই।
ডাল ভাঙ বিটি ছাঁইয়া কর, ছাতা ধর, ধনি, ধীরে চল।

—ঐ

৭

বারু গেল পুতুরা গেল, সবাই গেল মরিয়্যা
একা জীব নিয়ে যাব, প্রাণ গেলে কিবা রাখে ধরিয়্যা
হে হরি, নিবেদন করি।

—ঐ

৮

মা মরিল ঘরে, বাবা মরিল শহরে,
দিনের বেলা আঁধার হল, বাবারে মরণ কখন দেখি নাই। —ঐ

৯

বাড়ী আছে কাপাস ফুটা, সংসারের লোক দেখে
ঘরে আছে মা মরা, কেউ দেখে নাই।
আমি কাঁদি মা প্রাণ বিকল, আমারই কেউ নাই প্রাণ জুড়াতে।—ঐ

১০

বাবা মরিলে দুখ, মা মরিলে জনমে টুঙর,
আইস গো, মা জনমের মা, দেখা দে, মা, জনমে। —ঐ

১১

দশ কোশ পথ, বাবা, পাঁচ কোশ অন্তরে,
কোন অভাগিনী বাবা, নয়নে জুড়াই।
যারই অভাগিনী, বাবা, মা বাবা নাই রে,
সেই অভাগিনী, বাবা, নয়নে জুড়াই। —ঐ

১২

ঝিপির ঝিপির জল পড়ে, কুলি কাঁদা পানে,
বঁধু হে, তুমি না কি, এত রাত কেনে। —ঐ

১৩

কুলি কুলি যাছ, বন্ধু, কুলি পিঁড়া বসনা,
চোর বশা মারিবে, প্রাণের বঁধু রসিকা লো। —ঐ

১৪

কুলি কুলি যাছ, বঁধু, কুলিতে বসিলে বন্ধু,
মাটিতে বস, তামুক খায়ে যা বন্ধু, হুঁকা খায়ে যা,
তামাক খেয়ে যা, বন্ধু, কালি দিও না। —ঐ

১৫

পথে পথে ষাতে যাতে, পথে পাইলাম ফুল,
ফুল বড় রসিকা, কানে গুঁজে কুলি কুলি, আইলুম আখড়া। —ঐ

১৬

উপর কুলি আখড়া, নামকুলি আখড়া,
মাঝকুলি আখড়া, রকত্ চন্দন গাছ,
রকত্ চন্দন গাছ তো কাটিব, আকড়া তো মিলান করিব । —ঐ

১৭

কাশীপুর মহারাজ রাজার পাঠায় বসনা,
কলম ধর না কলম বিলম (বিলম্ব) কর না । —ঐ

১৮

বেটা যদি হয় তো, নাম দিব হরিলাল,
বিটি যদি হয় তো, বিয়া দিব পুরুলিয়ায়, শহর বাজারে । —ঐ

১৯

(গ্রাম) শিকর কা লোক বাবা, লম্বা লম্বা ধুতিয়া,
বাছি দে গো বাবা, ছাইলা জোয়ান বাছি দা । —ঐ

২০

রাম কঁদে ডালে ডালে, লক্ষ্মণ কঁদে বাঁয়ে ডালে,
সীতা তো কঁদে কোন কুলে,
সীতা তো কঁদেছে রাম রাম । —ঐ

২১

নিম্নোক্ত গানগুলি বাঁশপাহাড়ী ও অগাঠ স্থান হইতে সংগৃহীত—
কলি যুগ পাড়াও হ না ।
মন কে তড়াম কেদা, এটা ডাহার তে ।
নিদায় জু তাহার কান, মারি জু তাহি কান,
মামমি কে তাড়াও লেদা, ধরম দাহার তে নাহা যুগ পাণ্টাও না । —ঐ

২২

রাম কঁদে ভাবে ভার, লক্ষ্মণ কঁদে আগে তার,
সীতা মাইগে কোন কুলে আছে,
সীতা মাইগে আস্তকের বনে গো,
সীতা মাইগে রাবণের অঙ্কে । —বাঁশপাহাড়ী

২৩

কাশীপুর বৈরাগিনী মোটা মালা আনে,
যার গলায় মোটা মালা সাজে গো,
তার নাম গোবিন্দ রাধে ॥

—এ

২৪

দাদা গেল শিকারে, কুকুর কাঁদে বিকালে,
দাদারে, কুকুর বিহু শিকার সাজে না ।

—এ

২৫

কাঁসাই নদীর ধারে-রে, হপন্ হপন্ ধারে-রে,
বাহাওয়া কান্ থারে থার, এনা পেরা মই,
বাহার শিশির ইং চলা আ, সাঙিন্ রাগে তাহে না,
যাহে বাহে বড়ায়া, উনি বাঁহা সিদ্ ।

—এ

অর্থ :—একজন কুটুম একজন মেয়েকে বলিতেছে—কাঁসাই নদীর ধারে ছোট
একটা গাছে থরে থরে ফুল ফুটেছে । সে (মেয়েটা) ফুল পাড়তে চায়—কিন্তু
ফুলের নাগাল পায় না । (ছেলেটা বলল) যে ফুল পাড়তে জানে, সেই ফুল
পাড়তে জানে ।

২৬

কলকাতার বাজারে বিটি মরিল,
কেউ না ফেলিতে মানা,
হাতে আছে চুড়বালা, কানে আছে কানপাশা,
ওনাকে হাতাও গে—
এন রাহ ছুগিডি কায়পে ।

—এ

লাঙলচষার গান

ঝাড়গ্রাম মহকুমার বাঁশপাহাড়ী গ্রামের সংগ্রহ-শিবিরে লাঙল চষার
গান নামে একটি মাত্র গান সংগৃহীত হইয়াছে । ইহা কর্মসঙ্গীতের অন্তর্গত ।
চাষ করিবার সময় এবং অন্ত্রাশ্র সময়ও এই গান গাওয়া হইতে পারে । কারণ,
ব্যবহারিক (functional) সঙ্গীত ব্যতীত আর সকল সঙ্গীতই সকল সময়ই
গীত হইতে পারে ।

কালী গড়া চাষ হতে, উঠ হে রাঙা মাটি হে গো ধনী,
 বাবু ভায়া গামছা গাবায় ।
 গামছারই চটক দেখি, বিব্যায়ে পার্বতী,
 হে গো ধনী ভাল মাটি সঙ্গে চলি যায় ।
 যা লাগে কড়ি বাতি, কিনে দিয়ে শাঁখা-শাড়ী,
 হে গো ধনী পার্বতী, সঙ্গে চলি যায় ।
 ঋণ করি ধার করি, পরাব শাঁখা-শাড়ী,
 হে গো ধনী..... ॥

লাচাড়ী

মধ্যযুগে বাংলার রামায়ণ গান কিংবা মঙ্গলগান গাহিবার একটি বিশেষ সুরের নাম লাচাড়ী। ইহা গান রচনার একটি বিশেষ ভঙ্গি রূপেই ব্যবহৃত হইত। সাধারণত করুণ রসাত্মক ভাবমূলক গীতি মাত্রই লাচাড়ী সুরে গাওয়া হইত এবং বর্ণনাত্মক রচনা পাঁচালীর সুরে গাওয়া হইত। অনেকে মনে করেন, কাহিনীর যে অংশ নাচিয়া নাচিয়া গাওয়া হইত, তাহাই নাচাড়ী বা লাচাড়ী। নাচাড়ী শব্দটিও কেবলমাত্র করুণ রসাত্মক বিষয় বর্ণনাতেই ব্যবহৃত হইত। যাহা নাচিয়া গাওয়া হয়, তাহা স্বভাবতই তালপ্রধান রচনা, তাল প্রধান রচনায় করুণ রস প্রকাশ সম্ভব হয় না। সেইজন্য নাচিয়া গাওয়া হইত বলিয়া ইহাকে লাচাড়ী বলিত, এই কথার স্বীকার করা যায় না। তবে নাচ শব্দটি হইতে লাচ শব্দটির উৎপত্তি হইতে পারে। হ্রস্ব অথবা দীর্ঘ ত্রিপদী ছন্দে লাচাড়ী সুরের গানগুলি লিখিত হইত। তবে যতদিন ইহা গানের উদ্দেশ্যে ব্যবহৃত হইয়াছে, ততদিন ইহার মাত্রাবৃত্ত ত্রিপদী রূপেই ব্যবহৃত হইয়াছে। গানের প্রয়োজন দূর হইয়া গেলে ইহার অক্ষরবৃত্ত ছন্দোরূপ লাভ করিয়া সাধারণভাবে আবৃত্তির কাজে ব্যবহৃত হইত। একটি নিদর্শন নিম্নে উদ্ধৃত হইল—

আহা, প্রভু, প্রাণপতি, কোথা গেলে এত রাতি
 একাকিনী ফেলিয়া আমায় ।
 আজীবনে কোনদিন না করিলে কার্য হেন
 এবে কেন হইলে নিদ্রয় ॥

কারে বা করিব রোষ

সকলি আমার দোষ

অগ্নি দিলাম আপন কপালে ।

কোথা হৈতে আইল নারী

সহেলার বেশ ধরি

সে রাক্ষসী প্রভুরে নাশিল ॥

—বরিশাল

লালন ফকিরের গান

বাউল সাধক লালন ফকির (বাউল দেখ) রচিত গানগুলি মুখে মুখে ব্যাপক প্রচার লাভ করিবার ফলে তাহাদের অমূল্যরূপে লালনের ভণিতা যোগ করিয়াও বহু গান রচিত হইয়াছিল। তাহাতে প্রকৃত বাউলের আদর্শ যে সর্বত্র অমূল্যরূপ করা হইয়াছে, তাহা নহে। লালন ফকিরের নিজের রচিত গান বিভিন্ন প্রতিষ্ঠান হইতে মুদ্রিত হইয়া প্রকাশিত হইয়াছে।

লীলা-কীর্তন .

পদাবলী কীর্তন গান দুইটি প্রধান ভাগে বিভক্ত, নাম-কীর্তন ও লীলা-কীর্তন। যাহাতে কেবলমাত্র রাধাকৃষ্ণের নাম গান শুনিতে পাওয়া যায়, তাহাদের প্রেম-লীলার কোন অংশ কাহিনীর আকারে প্রকাশ করা হয় না, তাহাকে নাম-কীর্তন বলে। যেমন, ‘হরে কৃষ্ণ হরে কৃষ্ণ কৃষ্ণ কৃষ্ণ হরে হরে, হরে রাম হরে রাম রাম রাম হরে হরে’, কিংবা ‘রাধে কৃষ্ণ গোবিন্দ মধুসূদন রাম নারায়ণ হরে’ ইত্যাদি নাম কীর্তন, কিন্তু যে কীর্তন গানে রাধাকৃষ্ণের প্রেম-লীলার বিশেষ কোন কোন প্রসঙ্গ বর্ণিত হইয়া থাকে, যেমন মান, নৌকাবিলাস, মাথুর ইত্যাদি ইহাদিগকে লীলা-কীর্তন বলে। লীলা-কীর্তন মহাজন পদ রচয়িতাদিগের বিশুদ্ধ ধারা পরিত্যাগ করিয়া লৌকিক স্তরেই নামিয়া আসিয়াছিল।

লীলার বারমাসী, লীলা ও কঙ্ক

‘মৈমনসিংহ গীতিকা’য় প্রকাশিত ‘কঙ্ক ও লীলা’ বা ‘লীলার বারমাসী’ গীতিকাটি বিচিত্র নাটকীয় ঘটনায় সমৃদ্ধ। ইহার কাহিনী এই—ছয়মাস বয়সেই শিশু কঙ্ক মাতৃপিতৃহীন হইল। সংসারে দেখিবার কেহ নাই, অবশেষে এক নিঃসন্তান চণ্ডাল-দম্পতি ব্রাহ্মণ শিশুটিকে লালন-পালন করিতে লাগিল।

তাহার যখন পাঁচ বৎসর বয়স, তখন চণ্ডাল-দম্পতিও পরলোক গমন করিল। কঙ্ক দ্বিতীয় বার নিরাশ্রয় হইয়া পড়িল। এইবার গর্গ নামক এক ব্রাহ্মণ-পণ্ডিতের গৃহে তাহার আশ্রয় জুটিল। গর্গের এক কন্যা ছিল, নাম লীলা ; আট বৎসর বয়সে লীলা মাতৃহারা হইল। গর্গ কঙ্ক ও লীলা উভয়েরই মাতাপিতার স্থান অধিকার করিলেন। লীলা যৌবনে পদার্পণ করিল, কঙ্কের প্রতি তাহার অমুরাগ সে আর গোপন করিয়া রাখিতে পারিল না। ইতিমধ্যে গ্রামে এক পীরের আবির্ভাব হইল, কঙ্ক তাহার নিকট যাতায়াত করিয়া অবশেষে গোপনে তাহার শিষ্যত্ব গ্রহণ করিল, তাহার আদেশে কঙ্ক সত্যপীরের পাঁচালী রচনা করিল। কঙ্কের কবি-খ্যাতি সর্বত্র বিস্তৃত হইয়া পড়িল। চণ্ডালের গৃহে পালিত হইয়াছিল বলিয়া কঙ্ককে বিধিমত প্রায়শ্চিত্ত করাইয়া গর্গ সমাজে তুলিয়া লইলেন ; ইহাতে ব্রাহ্মণ-সমাজ ক্ষুব্ধ হইয়া উঠিল, কঙ্কের নামে নানা কুৎসা রটনা করিতে লাগিল। এই সূত্রেই গর্গ শুনিতে পাইলেন যে, কঙ্ক মুসলমান পীরের নিকট দীক্ষা লইয়াছে এবং লীলার প্রতি সুগভীর প্রণয়সক্ত হইয়াছে। শুনিয়া গর্গ ক্রোধান্বিত হইয়া উভয়ের প্রণয়বধ করিবার সঙ্কল্প করিলেন। একদিন কঙ্কের অঙ্গে তিনি বিষ মিশ্রিত করিয়া রাখিলেন, লীলা তাহা দেখিতে পাইয়া কঙ্ককে তাহার পিতার আশ্রয় হইতে পলাইয়া যাইতে বলিল। কঙ্ক লীলার নিকট হইতে বিদায় লইয়া তীর্থভ্রমণে বাহির হইয়া গেল। দিন যাইতে লাগিল, কঙ্কের বিরহ লীলার ক্রমেই দুঃসহ হইয়া উঠিতে লাগিল। গর্গ নিজের ভুল বুঝিতে পারিলেন, কঙ্ককে অনুসন্ধান করিয়া ফিরাইয়া আনিবার জ্ঞা তাঁহার দুই জন শিষ্যকে পাঠাইলেন, ছয়মাস কাল অনুসন্ধান করিয়া তাঁহারা বার্থ মনোরথ হইয়া ফিরিয়া আসিল। দুঃখে বেদনায় লীলা শয্যাগ্রহণ করিল, অবশেষে মৃত্যুর কোলে আশ্রয় লইল। কঙ্ক যখন ফিরিল, তখন শ্মশানে লীলার দেহ ভস্মীভূত হইতেছে। গর্গকে সঙ্গে লইয়া কঙ্ক পুনরায় তীর্থের পথে বাহির হইল।

বিপ্রপুত্র ছিল এক দরিদ্র ব্রাহ্মণ।

ভিক্ষাবৃত্তি করি করে জীবন যাপন ॥

গুণরাজ নাম তার ভার্য্যা বহুমতী।

পতিব্রতা সেই নারী অতি ভক্তিমতী ॥

সারাদিন ভিক্ষা মাগি ছুয়ারে ছুয়ারে ।
 সঙ্কটকালে ফিরে বিপ্র আপনার ঘরে ॥
 এই মত নিতি যাহা করায় অর্জন ।
 ইতে কোনমতে করে জীবন ধারণ ॥
 সংসারেতে ভার্যা ভিন্ন কেহ নাহি ছিল ।
 কিছুদিন পরে এক পুত্র জনমিল ॥
 কেমনে পালিবে পুত্রে না দেখে উপায় ।
 কেউ নাহি চায় পুত্র কেউ নাহি পায় ॥

লেটো গান

পশ্চিম বাংলার এক শ্রেণীর জনপ্রিয় লোক-সঙ্গীত লেটো গান, ইহাকে লাটু গান, লোটার গানও বলে । সংস্কৃত ‘নাটক’ শব্দ হইতে লেটো কথাটির উৎপত্তি হইয়া থাকিবে । কারণ, ইহার মধ্যে নাটকীয় ভঙ্গীতে বিষয় পরিবেশন করা হয় । অনেকে মনে করেন, সংস্কৃত নাটকের ইহা আদি রূপ ।

লেটো গান অনেকটা তর্বা গানের মতই, দুই দলে বিভক্ত হইয়া এই গান গাওয়া হয়, খানিকটা উত্তর প্রত্যন্তরের ঢংএ । স্থানীয় জনমনকে এক বিশেষ উদ্দেশ্যে উদ্বুদ্ধ করিবার জগ্গ হাসি, কোতুক ও উপদেশের ছলে লেটো গান গাওয়া হয়, ইহার অধিকাংশ বিশেষ তত্ত্বমূলক ; কতকটা বাউলের মত প্রচ্ছন্ন যুক্তিসম্বিত ধর্মীয় ভাবে পরিষ্কৃত ।

লেটো গান সাধারণত মুসলমান ধর্মপ্রচারক গোষ্ঠীর ধর্মীয় সঙ্গীতরূপেও ব্যবহৃত হইত । বর্ধমান জিলার চুকাণিয়া গ্রাম বহুকাল ধরিয়াই হিন্দু মুসলমানদের মাতৃভূমি । কাজি, মাজি, মুমন্তল (মুন্ডি) ও ভট্টাচার্য সম্প্রদায় ইহার অধিবাসী । এই অঞ্চলের লেটো গানের প্রচারক ছিলেন কাজি সম্প্রদায়, তাঁহারাই লেটো গানের প্রচার করেন ঊনবিংশ শতকের পঞ্চম দশকে । গ্রাম তখন জনবহুল হইয়া উঠিয়াছে—ইতিমধ্যে এখানে কয়লার খনির সন্ধান পাওয়া গিয়াছে ।

এই অঞ্চলে মুসলমান সম্প্রদায়ের মহরম উপলক্ষে গাজন গান ব্যাপক প্রচলিত ছিল । ইহাদেরই যৌথ মিলনের ফলশ্রুতি স্বরূপ লেটো গানের উদ্ভব হইয়াছে, বলা যাইতে পারে । লেটো গানের প্রাথমিক গোষ্ঠীভুক্ত

কবিসম্প্রদায়ের মধ্যে কাজি বদলে করিম, কাজি ফজল আহম্মদ সিদ্দিকী প্রমুখ কবিরা খুব বেশী শিক্ষিত ছিলেন না। তবু তাঁহারা উর্দু আরবী, পার্সী ভাষাশিক্ষায় ইসলাম ও পারশ্বদর্শনের স্বাদ গ্রহণ করিয়াছিলেন, লেটো গানে তাহারই প্রভাব পড়িয়াছে। ইহারা ছিলেন কাজী নজরুল ইসলামের পূর্বপুরুষ। বর্তমানে ধর্মতত্ত্বের প্রভাব খণিকটা ক্ষীণ হইয়া দেহতত্ত্ব-রঙের গান ইত্যাদি আসিয়াছে। ধর্মের কথাতে কতকটা হিন্দু সহজিয়াদের মতের সঙ্গে মিল পাওয়া যায়।

সাধারণত অগ্রহায়ণ মাসের শেষ দিকে লেটো গানের দল বাহির হইয়া পড়ে। তখন নানা উৎসব-মেলা ইত্যাদি হয় এবং সেইখানে ইহাদের আসর বসে। দীর্ঘ সময় ব্যাপিয়া উত্তর-প্রত্যন্তরের মধ্য দিয়া কবির লড়াই জাতীয় গানগুলি রাতের বিস্তৃত অবসরেই জমিয়া উঠে।

১

সেদিন কেমন ভাবলি না রে মন,
সেদিন তোরা জীবন যাবে রে মন।
আইনের আসামী—আসিবে জমাদার,
কোনদিন এসে তোরা করিবে গেলেপ্‌দার।
সেদিন তোরা নাই নিস্তার কেমনে হবি পার।
পারেরই ভাবনা ভাবলি না রে মন ॥
সে দশা দেখে তোমার এগানা বেগানা,
লেপ বালিশ কেড়ে লয়ে ধুলায় দেবে বিছানা,
কোথা আমিরাণা কোথা বালাখানা।
খাট পালং বিছানা পড়ে রবে,
আপ্ত বন্ধু যারা, কেঁদে হবে সারা,
দিবে গোবর ছড়া—দিবে তেড়ে।
'রবে' কার 'রবি' কার বসিবে গলেতে,
শীত্ৰই বাহির করিবে তুলসী তলাতে।

—মুর্শিদাবাদ

২

কেমন করে রাজ দরবারে যাবে বল না।
(ও মরি যাই) কেমন করে যাবে বল না ॥

জমিদারের আমলা যারা,
হাল খাজানা লেবে তারা,
বাকী তো ফেলবে না তারা,
কড়াতে ক্রান্তি ছাড়বে না ॥

(ও মন) পাঁচ কলেমার পেরেক মার
পঞ্চ কাঠের নৌকা গড়
তবেই, মন, তুই হবি পার ॥

—এ

৩

বিদায় দাও গো, মা জননী, জন্মের মত যাই চলে,
যার ছেলে সে নিলে কেড়ে
এখন নয় তো তোমার ছেলে ॥
দশ দিন দশ মাস গর্তে ধরে
আছিস. মা, তুই রণে মরে;
পেলে পুষে মাহুষ করে
যার ছেলে সে কেড়ে নিলে ॥
গাঁ গেরাম সব জুটে পুটে
বানাবে ঘর মাটি কেটে
কাঁচা বাঁশকে কেটে কুটে
মা, করে দিবে জারেজার ।

আসবে তখন ও পারের চিঠি
কাঁচা বাঁশের বাঁধবে খাটি
আশে পাশে বেটা বিটি ধরাবে কাঁদন ।

—এ

৪

ওরে, আর কতদিনে ফুটবে. হরি, কণ্ঠের বিহার ফুল ।
দাঁত ভাঙ্গিল বয়স গেল ধল হল মাথার চুল ॥
কণ্ঠ বলে, ভাইরে রসিক কণ্ঠ,
বিহা করিস না পাবিরে কষ্ট,
ভজগা মন গিয়ে রাধাকৃষ্ণ, ভবপারের ভাবনা ।
ঘোর কলিতে ক'রে বিহে এত লাঞ্ছনা ।

কণ্ঠের বিহার পাঙ্কী সোজা,
 আগে পিঠে কাঠের বোঝা, দেখে যা মজা,
 বাড়ীতে যেয়ে মাকে বোঝা,
 আমার মা কেঁদে হল আকুল ॥

—এ

৫

ভবে এসে রইলি বসে বাড়ী ফিরে যাবি না ॥
 ভিতরী কামেজ উপরে কোট পায়ে তোমার ইংরাজী 'বোট'
 মুখে তুমি লাগিয়ে চুরুট বাড়ীতে নুন ব্যাগেরে শাগ সিজি না ॥
 হাটু বলে ও দিনকানা হাটের সয়দা তুই চিনলি না,
 পুঁজি নাই তোর ষোল আনা কিসে পার হবি বল না ॥

—এ

৬

ওহে দানা, করি মানা গোরব করো না,
 ওরে দানা, দানা কর বটে ছুরি মার অমন পেটে,
 নইলে তোর ভবের হাটে যাওয়া হবে না ॥
 দেখ যত জোয়ার নারী, বুনছে কত ঢাকাই শাড়ী, আর চার থানা ॥
 ম'লে তোমায় ফেলে দিব 'কাফন' দিব না ॥

—এ

৭

ওগো সই, বেলা গেল সন্ধ্যা হল ভবের দোকান তোল, সই ॥
 রাস্তার সামান কি কি নিলি আর তোমাদের বেলা কই ॥
 মনোহরার ঐ দোকানে, রং দেখে ভুলেছ মনে,
 রং এর জিনিষ নিছ কিনে মাটা হবে তা হুদিন বই ॥
 সোনার গহনা তোমার বেশী দামের জিনিষ ঐ ।
 কালে কালে নিবি গলে কখনও না হবে ক্ষয় ॥
 কখনও পড়িবি দুখে, লোকে টাকা দিবে ডেকে,
 দিন যাবে তোর অনায়াসে বসে খাবি চিঁড়ে দই ॥

—এ

৮

নবী মেরাজেতে দোস্তের সাথে চললেন মোলাকাতে ॥
 দেখে বেহেস্তের বাজার খুসী হলেন পয়গম্বর ।
 দোজখ দেখে লাগিল কান্দিতে ॥

শোন গো জলিল, জোববার নির্বোধ ওষ্মত আমার,
 দোজখ জালা পারবে না সহিতে ॥
 তবে নূর নবীজী পয়গম্বর বোবুরাকে হয়ে সোওয়ার
 এক নজরে উঠলো আসমানেতে ॥
 সরবতের পিয়ালা হাতে সত্তর হাজার হরপরী,
 দাঁড়িয়ে সারি সারি নূরের বাতি জলতেছে হাতে ॥
 তবে নবীজী ভবে এলো মোলাকাত সাক হ'লো
 মিলন হলো এবার দোস্তের সাথে ॥
 ওস্তাদ কয় চমৎকারী, আমতলায় আমার বাড়ী,
 চিরদিন স্মরণ করি তাতে ॥

—ঐ

৯

ভব নদী তরাবি যদি কিস্তী কর তৈয়ার,
 একিন মনে আনো ইমান কলমা কর সার ॥
 ভব নদীর তুফান ভারী, শুনে ভয়ে কেঁপে মরি,
 সাঁতারে পার হতে নারি অকুল পাথার ॥
 ইমানের কিস্তি বান্ধ, ভাই, চারিটা কলেমা তক্তায়,
 ১৩০ শেষ মার ভাই, লোকের মাঝার ॥
 তোরা ঈমান ছেড়ে নদী পার হবি সাঁতারে,
 ডুবে যাবি ঘোর পাথালে বেইমানে বদকার ॥
 কেটে ঈমান গাছের গোড়া, পাতায় পানি ঢালে এরা,
 আজাজিলের দশা তোরা দেখরে ছুরাচার ॥
 যত সব নামিজের বেটা কপালে লিয়াছে ঘট
 শুরুবার ও আঁচল আঁটা মন শিরনী খাবার ॥
 ইলিয়াশ ওরে মোমিন, দেশকে আগে করগা একিন
 ইমান বিনে হতে কঠিন কেমনে হবি পার ॥

—বীরভূম

১০

নামাজ বিনা ইমান তোদের যাবে অকারণ,
 বেনামাজির বসতখানা দোজখের আগুন ॥

তেল বিনেতে বাতি যেমন, নামাজ ছাড়া ইমান তেমন,
 নামাজ ও ইমানের প্রথম হাদিসের বচন ॥
 যে ছাড়িল রোজা নামাজ, ইমান তাদের গেলো মুজ
 দেখরে আপন মনে বুঝে ॥
 ইমান ও নামাজের গোড়া, মাথা তাহার কলমা পড়া,
 পুছে দেখ গ্যা ওরে ভেড়া আলেমের কারুণ ॥
 ইমান হল নামাজ ছাড়া, কোন হাদিসে দেখলি তোর,
 কথা বলিস না দলিল ছাড়া সরার সদন ॥
 ইলিয়াশ কয় কাতরেতে, চল মোমিন নামাজেতে
 ভুলো না ওদের কথাতে যত মোমিনগণ ॥

—ঐ

১১

কাটা গাছে জল ঢালিলে মেওয়া ফলে না,
 কেটে ইমান গাছের গোড়া পাতায় পাতায় জল ঢালে এরা ।
 মিছা কলমা নামাজ পড়া সরা জানে না ।
 নামাজেতে সেজদা দিতে মন যায় এদের হাতী কিনতে
 ইটু পেড়ে আনমনেতে করে ভাবনা ।
 লব পড়ায় আর উঠে বসে এলো-মেলো মাথা ঘুমে
 কুকু যায় আর মুচকি হেঙ্গে খোদা দিলে না ।
 একিন ইমান করে খাঁটী ঘটায় মনের ময়লা মাটি
 গোর আজাবে পাবে মুক্তি নেলে পাও না ।
 মুনকির পুছবে হিসাব বেইমানে দেহ জওয়াব
 কেবা তেরা ছিল রব মাবুদ কোন জনা ।
 ইমান না থাকিলে পরে জওয়াবেতে যাবে হেরে
 কোন বাবা তোর রাখবে ঘেরে কোরার যাতনা ।
 মন দিয়ে ছুনিয়ার করে মাথা ঠোকে নামাজ পড়ে
 সে নমাজ তোর আঁধার গোরে পানহা দিবে না ।

—ঐ

১২

ভবের গতিক নাইরে ভালো, সৎ পথে চলো !
 পঞ্চ মাণিক ৩০ মতি গলাতে তুলো ॥

নবীর সরিয়ত ধরা পঞ্চ অস্ত্র নামাজ পড়া
 . তবেই পাবে ভেষ্ট, ধরো মোমিন সকলে ॥
 নামাজ রোজা না পড়িলে জিন্দেগী যাবে বিফলে
 নামাজ বিনে পরকালে হবে মুস্কিল ॥
 জম জম নামাজ ছেড়ে কি দুর্গতি হ'ল গোরে
 দোবারা বেঁচে সংসারে নামাজ পড়িল ॥
 কেরাউন হামান কমিনা পড়িলে সে পঞ্চ গেনা
 হাদিশ খুলে দেখ মোমিন কি দশা হল ॥
 দেখ এই নামাজের বলে পার হইবে সরু পুলে
 ইলিয়াশ কয় মায়াজালে ৩৬ না ভুলে ॥ —ঐ

১৩

কেন দানাকে নিন্দা কর অকারণ ।
 দানা না থাইলে তোদের জীবন্তে হত মরণ ॥
 যখন দানা বিনেতে প্রাণে মরবি তোরা ক্ষুধাতে
 কাপাস পড়ে পরনেতে কি গুণ আসিবে তখন ॥
 খেয়ে যে দানার তরে সংসারে বেড়ায় ফুটানী করে
 সেই দানাকে নিন্দা করে পেঁদির বেটা কয়েকজন ॥
 মোমিন লোক মৌলে পরে দানা খায়রাত করে ফকিরে
 নেকি পেয়ে দানার জোরে বেহেস্ত যাবে সে জন ॥
 ১২৪০ সালে দানা হয়নি দক্ষিণ অঞ্চলে
 দানা না পেয়ে সকালে কত জনা হল খুন ॥
 কহে হীন ইলিয়াশ তখনও ভবেতে ছিল কাপাস
 এত লোক খেয়েছে হতাশ করেছিল কবা শুন ॥ —ঐ

১৪

কাপাসেরও যতন কর ও ভাই মোমিনা,
 কাপাস তোমার সঙ্গের সাথী ভেবে দেখলি না ॥
 শাড়ী ধুতি চাদর বানায়, কত আদর করে আঁমায়,
 বালিশ তোষক হই বিছানা গেরদা চোকোনা ॥

মোমিন লোকও মৌলে পড়ে, কাপাসেরও দয়কার করে,
 আমার মাছ এ সংসারে ভেবে দেখ না ॥
 কাপাস তোমার সঙ্গেই সাথী, কাপাস বিনে নাই রে গতি,
 ইলিয়াশের এই মিনতি কাপাস ছেড়ো না ॥

—ঐ

১৫

দানাহারা দিন-কাণারা বাঁচবি কি করে ।
 অনাহারে মরবি দেখিস দানা বেগারে ॥
 হায়, কত জন দানার লেগে ছারে ছারে ভিক্ষা মাগে,
 কষ্ট পায় সে বিনা রোগে দানার খাতেরে ॥
 কেন্দে সে বলে বাণী দানা দাও গো, মা জননী,
 বেঁচে থাক তোর গুণমণি খয়রাতের জোরে ॥
 কাপাস তো থাকে পরণে ছিঁড়ে ছিঁড়ে খায় না কেনে ?
 কাপাস থাকতে কি জন্তেতে ক্ষুধাতে মরে ॥
 কাপাসে করিয়ে রুজি মরদ তোরা হয়েছি বুঝি,
 কাপাসের দুধ খানি বুঝি থেকে আঁতুরে ॥
 দানার দিকে হাত বাড়িয়ে ঠোকনা দিব তোদের পায়ে
 কেড়ে নিব দানার আলে ছ'কানে ধরে ॥
 নিন্দা কর না এ সভাতে লজ্জা কি লাগে না খেতে
 কাপাসের বিচি দিব খেতে তোমারে ॥
 নবীজীর পদতলে হীন ইলিয়াশ বলে
 দানা ধনকে দাওগা গণে বাঁচবি সংসারে ॥

—ঐ

১৬

তাহার লাগি ভাবি, হে বন্ধু, বসে গভীর রাতে,
 একলা আছি ঘরে জোটে নাই মোর সাথে ।
 সারা জীবন ব্যথায় ভরা, তবু প্রিয় দেয় না ধরা,
 মরি আমি ঐ হুখে গো নিজা নাই আঁখিতে বসে গভীর রাতে ।

—মুশিদাবাদ

১৮০৯

১৭

ঐ যে নিশি হোল ভোর ডাকছে কোকিল চালে বসে ঐ ।
 ডালে বসে ডাকছে কোকিল নাথ এল কই ॥
 আর বেশী জোরে দিস না ঝাড়া যামিনী ফুল যাবে ঝরা
 যামিনী তোর চক্ষের মণি আঁচল পেতে রই ।
 পরের সোনা দিস না কানে, কেড়ে নেবে হেঁচকা টানে,
 কেড়ে নেবে হেঁচকা টানে জান না হে, সই ।

—ঐ

১৮

আমার নাম রসিক মাতাল জানেন সকলে,
 পেট ভরে মদ খাই শুঁড়ির কান মলে ।
 দু'চার পয়সা পেলে ফেরি, চলে যাই শুঁড়ির বাড়ি,
 ঘরেতে না চডুক হাঁড়ি মরুক মাগ ছেলে ।
 ওরে ওরে ও ভাই শুঁড়ি, শুননা রে তোর পায়ে ধরি,
 ধারে মাল আজ দে এক হাঁড়ি নইলে জীবন যাবে অকালে ।

—ঐ

১৯

তুমি এস না ফিরে যাও ও কালো সোনা ।
 রাজকুমারী মান করেছে তোমার আসিতে মানা ॥
 জানি না কার কুঞ্জে ছিলে প্রভাতে জাগাতে এলে ।
 সারা নিশি কুঞ্জ ঘারে সয়েছো তো গঞ্জনা ॥

—ঐ

২০

বল দেখি সই, শ্রামের বাঁশীই ধরে কত গুণ ।
 বাঁশী যে শুনেছে, সেই মজেছে তার কূলে ধরেছে ঘুণ ॥
 বাঁশীর স্বরে তুষারাকারে দ্রব হয় পাষণ ।
 কদম্ব হয় বিকশিত যমুনা বহে উজান, যমুনা বহে উজান,
 বাঁশীর স্বরে পুলক ভরে ভ্রমর করে গুণ্ গুণ্ ॥
 বাঁশীর স্বরে পশুপাখীর হরে সবার মন ।
 গাছের পত্র করে নৃত্য তুলিয়া আপন, তুলিয়া আপন ।
 মৃদুমন্দ বহে পবন শীতল হয় দীপ্ত আগুন ।
 আমারও গিয়াছে সখী জীবন যৌবন ধন ॥

রাধা রাধা বলে বাঁশী বাজে অমৃক্ষণ, বাজে অমৃক্ষণ ।
 বাজুক তাহে নাই মানা, (বাঁশী) না না শুনিলে পায় বেদনা,
 (আমার) কাছে থাকলে গুরুজনা লাজে হয় মুখটা চুণ । —বীরভূম

২১

ও হতভাগা কপাল আমার ভাই,
 শিশু রেখে মারা গেলেন মা, দেখতে পেলাম না ।
 জন্মদিনে বাবা মলেন দেখতে পেলাম না ।
 রাণীগঞ্জে ও গেলাম আমি চাকরী করিতে,
 ছজন মিলে করলে চুরি আমায় কাঁদাতে ।
 শেষে পুরলে আমার তড়িঘড়ি কয়েদখানাতে
 ও হতভাগা কপাল আমার ভাই ।
 যে করেছে লালন পালন মা,
 তাকে আমি দেখতে পেলাম না ।

—এ

২২

সে ত ভাসায় ফুল জলে, আমার ভাসে কুল গো ।
 ঐ পাহাড়ে বাজে বাঁশি, সে কি আমার মনের ভুল গো ॥
 বারে বারে করি মানা, উড়ে যাবার নাইরে ডানা,
 তুমি বুঝ না হে মোর বেদনা, পরাণ আমার আকুল গো ॥ —বীরভূম

২৩

হায় টাকা, হায় টাকা, হায় টাকা রে,
 তুমি বিনে ছনিয়াটা সব ফাঁকা রে ।
 তুমি উড়াতে শিখাছ মোরে
 চড়িতে শিখাছ রে... ..
 তুমি বিনে ছনিয়াটা সব ফাঁকা রে ।
 তুমি কুলের বধূর মন ভুলাতে ওস্তাদ হে,
 তুমি পকেটে থাকিলে পরে
 তুমি সরম ভরম সব ঢাক রে ॥

—এ

২৪

হরি কে জানে তোমার লীলা
তুমি ত্যজে গয়া কাশী, হ'লে শ্মশানবাসী,
মন কর উদাসী জপ হরিমালা ।
শুন শ্রোতাগণ করি নিবেদন
রাণীগ্রামে আজ পড়েছি যখন ।
হরি কে জানে তোমার লীলা
তুমি ত্যজে গয়াকাশী হ'লে শ্মশানবাসী
মন কর উদাসী জপ হরিমালা ॥

—ঐ

২৫

আলিমা মন শুদ্ধে বঁধরে ইমান,
পাঁচটি স্মৃতি লয়ে হাতে, তিরিশটি পাক দিও তাতে,
জল দিলে ভিজবে না গো, রৌদ্রে দিলে শুকাবে না ।
কবে হ'বে তৈয়ার বাড়ী, কাঁচা বাঁশের বাঁধবেন গাড়ী,
লয়ে যাবে তাড়াতাড়ি ঢেকে ঐ চাঁদ বদন ॥
মা কাঁদেন মোর বাছা বাছা, ভগ্নী কাঁদে ভাই আমার,
পরের বিটী নারী কাঁদে গো, কি গতি হ'ল আমার ॥

—বীরভূম

উপরে উদ্ধৃত সব কয়টি গানই যে লেটো গান বা লাটু গান কিংবা লেট্যা
গান এমন মনে হয় না, তবে সবগুলিই এই নামেই সংগৃহীত হইয়াছে ।

শব্দ গান

প্রধানতঃ মুর্শিদাবাদ জিলা হইতে সংগৃহীত এক জেগীর তত্ত্বমূলক গানের নাম শব্দগান। কেন ইহার এই নাম তাহা বুঝিতে পারা যায় না।

১

বেশ বেশ আলুখা মজার ছবি গড়লেন দীননাথ ছুতার।
 স্বর্গ মর্ত পাতাল আদি রেখেছেন ছবির মাঝার ॥
 ছবির মধ্যে সাত সমুদ্র অষ্ট খণ্ড চার বাজার।
 সেই বাজারে বিরাজ করে কোন কারীগর নিরস্তর ॥
 ছবির মধ্যে হুন্নবিজী ইমাম হোসেন রোশনদার।
 আছে হজরত আলী আর ফতেমা, করছেন গো দুজনেই বিচার ॥
 ছবির মধ্যে 'আওনপানি' ধুমথালে উঠিছে জল।
 বিনা মেঘে জল বরিষণ জোয়ার বয় সচরাচর ॥
 ভূগোল বলে পাঁচ মজাহাব রেখেছেন ছবির মাঝার।
 উহার চার মজাহাব জাহের আছে এক মজাহাব শুনরে, মন আমার ॥

—মুর্শিদাবাদ

২

আমি কার হিল্লায় দাঁড়াব বলো, ভূতের বেগার খাটা হলো।
 এলি তো মাতা জন্মের দাতা এ জগতের পালন কর্তা,
 আমার পূর্ব জন্ম ছিল কোথা, হেথায় আমায় কে আনিল ॥
 বেটাঝেটি স্ত্রীপরিবার, দম ফুরালে সব হবে পর,
 আমার দম ফুরালে সব অন্ধকার, আমি কার তার ঠিকানা না হলো।
 সঙ্গে আছে মন পাগলা, ভুলে না সে ঝুলনা তালা,
 মালিককে করিয়া ধূলা ভবের হাটে হরিলুট দিল ॥
 ভূগোল বলে, হায় কি করি, বাকমারি ছুনিয়াদারী,
 আমি কারে শুধাই কারে ধরি, আমার স্থায়ী বাড়ী কোথায় বলো ॥ —ঐ

৩

আমি পেটের দায়ে খুন হয়ে মলাম ।
 পেট হয়েছে চিন্তা গারদ, পেট হলো জকো কালাম ॥
 কতজন ভদ্রলোকে লেখাপড়া শিখে,
 কেবল সে পেটের দায়ে করে চাকুরী কাম ।
 এক চোখ দু চোখ করতে করতে, দিবানিশি নাই বিরাম ॥
 হায়রে, এই পেটের আশে, পড়িয়া রিপূর বশে,
 মাতিয়া রঙ্গরসে স্থখে ভুলিলাম ॥
 পেটে পেটে হয় উৎপত্তি, পেট নিয়ে থাকবো কতি,
 পেট নিয়ে নিন্দা ভীতি সংসারে,
 হয়ে কামে মত্ত অবিরত মহামুনি হারাম ।
 পেটে পেটে আশা যাওয়া, পেটেতে জন্ম নিলাম ॥
 নামাজের সময় হলে, আল্লাহো আকবর বলে
 বুকেতে তকবির বেঁধে মুখে খোদার নাম ।
 আমার মন নয়ন রয় পেটের চিন্তায়,
 চিনলাম না মনজিল মোকাম ॥
 কাপ্তান কয়, কি করিলাম, পেটের চিন্তায় দিন ফুরাম ।
 গুরু চিন্তা করবো কখন সময় না পেলো,
 আমার মুনসিব চাঁদের চরণ সাধন জন্মাবধি না পারলাম ॥ —এ

৪

এমন চাষা বুদ্ধি নাশা তুই,
 কেন চিনলিনারে আপন ভুঁই ।
 তোর এই মানব দেহ পাকা ধানে,
 লেগেছে চটা বাবুই ॥ এমন...
 তুই ভাল করে করলি কিষানী,
 মানব দেহ চৌদ্দ পোয়া লাল জমিখানি,
 তাতে জন্মেছিলো ভক্তি ফসল
 থেয়ে গেল সব হিংসা-চডুই ॥ এমন....

চেতন বেড়া উপড়ে পড়েছে,
 আলগা পেয়ে সে সব ফসল খেয়ে গিয়েছে ।
 এখন গৌঁফ ফুলায়ে বসে আছো, ও মন,
 তোর মাচা ভরা বিঘ্ন পুই ॥ এমন.....
 মসিনা মটর কুটে ভাতুড়ে,
 কেন ভালো করে ভুঁইয়ের আলে বাঁধলি না কুঁড়ে ।
 এখন চিন্তা জরে মরবি পুড়ে, ও মন,
 পেটেতে হবে পিলুই ॥ এমন.....
 তোর ফসল গেল, ঘটলো বিষম দায়,
 ঠেকুবি যেদিন দেখবি সেদিন নিকাশের সময়,
 কাপ্তান বলে আমি কুবীর পদে মনকে থুঁই ॥ এমন... —ঐ

৫

নবীজীর তরীক ঠিক কর সবে,
 নবীর তরীক ছাড়া হবে যারা মূনাফেক হয়ে যাবে ॥
 শুন বলি, নবীর তরীক কারে কয়,
 জানিবে ঠিক পড়লে পরে শুধু নামাজ রোজা নয় ।
 আদায় করলে রোজা নামাজ, তার তরীকের হবে না কাজ,
 নবীকে কয় খোদা বেনওয়াজ দেখ কোরাণ কিতাবে ॥
 খোদা আপন মনে খোস্‌দিলেতে জিব্রাইলকে তিন জিনিষ দেয়,
 জিব্রাইল লয়ে মক্কায় গিয়ে নবীর হাতে দিয়ে কয়,
 আছে জহর আতর, মধু নাজেল হল তোমার উপর ।
 বিচার করে দেলের ভিতর বুঝিয়া তাই খাইবে ॥
 ইয়ারগণকে ডেকে নবী আতর মধু দেয়,
 আআনুখের জন্ত নবী জহর শিশি নিজে খায়,
 জহরের আতশ লাগিল নাফরি প্রাণ পুড়ে গেল,
 কাম ক্রোধ দূর হইল ঐ জহর খাবে সবে ॥
 শরিয়ত আর মারফত ফাঁকে রাখিবে,
 প্রকৃতিকে সঙ্গে লয়ে প্রকৃত হয়ে রবে ।

অধীন বাহার ভেবে বলে, হিংসা, নিন্দা দূর করিবে,
তবে তরীক ঠিক হইবে নবীজীর ওস্তত হবে ॥

—ঐ

৬

কার এমন বিপদ হল দুনিয়ায়,
কোন শহরে কার রমণী ভেসে যায় দরিয়ায় ॥
সে রমণী গর্ভ ছিল ভাসতে ভাসতে সন্তান হল দরিয়ায়,
মরি, হায়, আহা হা ...

ভাসতে ছিল তক্তা পরে, তক্তাতে স্ন বাতাস ধরে,
যায় তক্তা ধীরে ধীরে ঝোড়ায় তক্তা বেঁধে যায় ॥
সে রমণী মারা গেল, ছেলের ভাগে হায়, কি হল,
বলিতে বুক ফেটে যায়, আহা মরি হায় আহা.....
কে করে তার লিগাবানী, কে তার আহার জোগায়,
মরি, হায়, আহা.....

এক বাঘিনীর বাচ্ছা মরে দুগ্ধতে প্রাণ ছটফট যায়,
প্রাণের পিপাসায় তখন দরিয়ায় পানি খেতে যায় ।
ছেলের মুখে দুধ পড়িল, বাঘিনীর জানে আরাম হল,
মুখে করে তুলে আপন বাসা চলে যায় ॥
রবিয়ল চাঁদের এই রচনা গোকুলের পুরাও বাসনা,
এ কথা কেউ মিথ্যা জেনো না হৃদিসে তা শুনা যায় ॥

—ঐ

৭

ধর গা চেতন মুরশিদ, ঘুমাশ নারে মন,
তুই ঘুমের ঘোরে পড়বি ফেরে সকল হবে অকারণ ॥
কথা ধর নেকী কর, এ দুনিয়ার পরেতে,
মরে গেলে পস্তাবে খালি হাতে গোরেতে ।
মরি হায়, আহা হা.....

গোর হতে উঠাবে আমল নামা হাতে দিবে,
তখন বিচার হবে রীতিমত কি জবাব দিবি ।
এক সূর্যের বারো মুখ ল্যাজভর আসিবে,
এই দুনিয়া পুড়ে তামার বরণ হইবে ।

মরি হায়, আহা হা... ..

কথার মত কথা লও সে কথাতে পাবি মজা,

সাজা দিবে অতিশয় । মরি হায়, আহা.....

তাইতে বলি, ও ক্ষেপার মন, দিনে রাতে হও পাঁচ বার চেতন,

তখন বিচারে পাবি অমূল্য ধন হাসরের দিনে তখন ।

নফছি নফছি ফুকারিবে, হায়, নছিবে কি বা হবে,

নবীগণ কইছেন ভেবে মুসাহক লাজে কয় এখন ।

—ঐ

৮

এস হরি বস আমার হৃদয়াসনে,

অমি ধোয়াব তোমার চরণ নয়ন-সিঞ্ঝনে ।

আমার দেহভাণ্ডে যত আছে ধন,

দিব তোমায় করি এই নিবেদন ।

আমি চাইনে জগতে পৃথক্ বলিতে আপন বলিতে জীবনে,

পিতৃভক্তি কুশণ্ডি করি প্রেম-চন্দনে সঞ্চিত করি,

মুখে হরে কৃষ্ণ কৃষ্ণ বলে দিব অঞ্জলি তোমার চরণে ॥

—যশোহর

৯

এসো হে গৌর চন্দ্র নিত্যানন্দ দয়া করে ।

অধমে ডাকিছে, প্রভু, এসো হে আসরে ॥

এসো হে গৌর গদাধর গৌর গলার হার ।

গৌর আমার পরণের সাড়ী দেখতে চমৎকার ॥

ও সে হাল মাকড়ি সখের চুরি দোল কা দোল কানের দোল ॥ —ঐ

১০

কেন এলো না জামাই ব্যাটা মিথ্যা চাল কুটা ।

আমি ঐ পাড়াতে দেখে এলাম গো বড় পিঠার লেগেছে ঘটা ।

রাঁধতাম পাঁচখানা তরকারি, তাতে দিতাম ফুলবড়ি,

আঁধসা আর কলাভাজা পটল চড়চড়ি ।

মাছের ঝোলে দিতাম আমি গো কস্তি পেড়ে পুঁই ডাঁটা ;

আমি বড় দুখিনী, এলো না যাহুমণি,

কল্যা দিয়ে পুত্র পাব শাস্ত্রেতে শুনি ।

এলে লাল বরাতের পিরাণ দিতাম গো,

একটা দিতাম মাথার কম্ফেটার ॥

—ঐ

১১

পতিত অতিথ সেবায়, ভবে চাঁদ গোর হয়েছে কানাই ।

জাতিভেদ নাই ভেদাভেদ, মজেছে ছল্লাতলায় ॥

অতিথের প্রেমমাধুরী নীলমণি রাই কিশোরী, ভবপাথারে সাঁতরায় ।

তরাতে পতিত পাবন, স্বর্গ মর্ত গোবর্ধন, কীর্তি খেলে দয়াময় ॥

কাউকে রেখেছেন স্নেহে, কাউকে রেখেছেন দুঃখে, কাউকে করেন

নিরাশ্রয় ।

কাউকে রাখে ভুখা ফাঁকা, কাউকে সে দেয় না দেখা, অধরা নলিতে কয় ॥

ভবে এই কলিযুগে, স্নেহী দেখে দুঃখী শোকে, হায়, বলে কৃষ্ণরাধায় ।

স্নেহী দুঃখী বাসেনা, কৃষ্ণ প্রেমে মজেনা, সে জনা কি মানুষ হয় ?

অতিথির মাতাপিতা, নারায়ণ জগৎকর্তা প্রেমআত্মা করুণাময় ।

দুখ দুঃখী শাস্তি দিতে ব্রহ্মা বিষ্ণু বৈরাগীতে, শ্রীকৃষ্ণ গোরাক্ষ হয় ॥

সব জীবের ভব জালা, তরাতে ঐ শ্রামকাল, ধরে লীলা জগৎময় ।

অন্বেষণ কে করে তা, করে গেছে কর্ণদাতা, অতিথ সেবায় কৃষ্ণ পায় ॥

মানবের মন ছলিতে, নারায়ণ এ জগতে, নানা মূর্তিতে বেড়ায়,

দেখরে মন সেবলে, অতিথে কৃষ্ণ ফলে, লভা হবে দয়াময় ॥

মন তুই ভূমধ্য সাগর, নীচে শিকড় গহ্বর, ভাণ্ড ফণী দেখ তায় ।

ইচ্ছা ভোগ যতই দিবে, সব পাতালে পড়িবে, ছক্কা দান তো ফাক্কা যায়,

গোলাপ চাঁদ গোপাল ধরে, ভাসে ভব পাথারে, উজান চেউয়ে কৃষ্ণ রয় ।

জয় রাধা রয় ভাটুতে, দেখরে মন মৃণালেতে, তে ধারায় তরঙ্গ বয় ॥—ঐ

১২

কে তোমার দয় স্তমারে, ঠিক দিয়ে মন দেখ দেখি ।

আসে যায় করুণাময়, সব জীব সমীকরণ পাখি ॥

চলো চলো ত্রিবেণীতে, তরঙ্গ বয় তিন ধারাতে ।

দেখতে পাবে স্বচক্ষেতে, যুগল কৃষ্ণ রাধা লক্ষ্মী ॥

মুখে বল, আমার আমি, কেউ কারো নয় স্বার্থ স্বামী,

সর্বস্ব অপরের তুমি, যখন উড়ে যাবে পাখি ॥

লক্ষ জন্ম করলে ভ্রমণ, সে সময় বা ছিলে কেমন ॥
 পেয়ে এখন মানব জন্ম, সে দিন ভুলে গিয়েছ কি ॥
 ধন যৌবন তো নিশির স্বপন, ভোতি লীলা ভিলকি মতন,
 যখন তুমি পাবে চেতন, তখন তোমার সকল ফাঁকি ॥
 ধন সম্পত্তি ভব আশা, কোন ঘড়ি কি হবে দশা,
 যতই হবে ততই আশা, রাজ্যের রাজা হইবে কি ॥
 অতিথি বেশ নারায়ণ ধরে, যাচাঞা করে মালদ্বারে,
 ফিরে চায়না যে জন তারে, সে জনা বঞ্চিল নরকী ॥
 কে কদিন থাকবে ভবে, হঠাৎ যমদূতে ধরিবে,
 মালধন তো সব পড়ে রবে, পরিণাম হবে ঠকঠকি ॥
 শাস্ত্র বেদে মধু পুরা, শ্রমদক্ষ অলি যারা,
 মধুপুষ্পে রত তারা, পুরছে আপন আপন চাকী ॥
 স্ত্রযোগে স্ত্রদিন বয়ে যায়, মালধনে কি পরিত্রাণ পায়,
 মজলি না মন অতিথ সেবায়, বেদশাস্ত্রে তা জান না কি ॥
 যদি আশা স্বর্গবাসী, নারায়ণ অতিথি সম্রাসী,
 তার সেবায় যে প্রেম প্রেয়সী, স্বর্গের রাজ্যে তার অভাব কি ॥
 গোলাপ চাঁদ গোপালে বলে, দমঘড়ি মৃণালে চলে,
 হঠাৎ ঘড়ি বন্ধ হলে, লড়বে না তখন ধুকধুকী ॥

—ঐ

১৩

চড়ে ইংরেজের গাড়ীতে তোর প্রয়োজন ।
 শোনরে অবোধ মন, শ্রীগুরুর পাদপদ্ম গাড়ীর আগে ।
 তুচ্ছ কলের গাড়ী কোথায় লাগে, শীঘ্র চড় অহুরাগে ।
 যাবে নিত্য বৃন্দাবন ॥
 গাড়ীর প্রথম ক্লাসে হরিনাম দুই অক্ষর, যদি ইচ্ছা করে,
 চড় গাড়ী চাইনে টাকা মাণ্ডল কড়ি,
 আশুন পানি নাইকো দড়ি গাড়ীতে ।
 অমনি গাড়ী চলে হাওয়াতে ।
 গাড়ী গোড়েছে অনল কাল, জলে স্থলে অমনি চলে,
 চৌদিকেতে আপনি চলে, লাইন নাই তার নিরূপণ ।

গাড়ীর দ্বিতীয় ক্লাসের কথা বলি শোন,
 রেখে শিক্ষাগুরুর পদে মতি, গ্রহণ কর কাম গায়িত্রী,
 মনে প্রাণে ঐক্য করে সাধনা ।
 আছে গাড়ীর ভিতর চার রং পোড়া
 প্যাসেঞ্জার তার পান যে ধরা,
 পীতাম্বর তার সঙ্গে পরা, গাড়ী চালায় সর্বক্ষণ !
 গাড়ীর তৃতীয় ক্লাসে প্রকৃতি আশ্রয়,
 গাড়ীর মুখ রয়েছে তালার আঁটা, চড়তে লাগে বিষম নেটা,
 সিক ঝোলান নিক্তির কাঁটা তার ভিতর,
 হাসেন ঘড়ি আনতেছে গাড়ির খবর ।
 ইঞ্জিন পাতা হচ্ছে সেই মহাজন, নানা দ্বারে বয় যে পবন ।
 এই গাড়ির কল জানে যে জন হাতে তার চৌদ্দ ভুবন ।
 গাড়ীর চতুর্থ ক্লাসে মঞ্জুরি আশ্রয়, রাধাকৃষ্ণ যুগল সেবা
 মনে প্রাণে রাত্রি দিবা এই গাড়ির কল জেনে কর চলাচল ।
 আবার মোক্ষ গাড়ি চালাই দেখ সেই একজন ।
 আমার গোসাই গুরুচাঁদে বলে, চৌদ্দ ভুবন একটি কলে,
 দুই চাকাতে গাড়ী চলে চালায় বসে মন-পবন ॥

—এ

১৪

মন ময়না কেমন ভিয়েনদার জানবোরে এবার ।
 হরিভক্তি রসে ভিয়েন করা, যুক্তি কর মালোদ্ধার ॥
 তোর দেহ খুলিতে, সাধন-চিনি দে তাতে,
 ওরে মনোযোগের অনযোগের হাতা নে হাতে ।
 কর নিরবধি শ্রবণাদি নাড়া চাড়া বারম্বার ।
 বৈরাগ্য অনলে, রিপু কেমন ॥
 উদয় রবি হয় না সে দেশে, কারণ বারি তুফান ভারি, মুক্তিকা ভাসে ।
 সেথা খোড়ায় চলে পাথর বোলে, শূন্য করে আকর্ষণ ।
 বসনেতে বহি বাঁধা রয়, হস্ত হীন ঘোর সংগ্রামে যুদ্ধ করে জয় ।
 কাঙাল গোপাল শুনে মনে প্রাণে গোবিন্দের ধরণে চরণ ।

—এ

১৫

আহা মরি, নীচে পদ্ম উদয় জগৎময় ।
 আসমানে রয় চাঁদ চকরা তাদের কেমন করে যুগল হয় ॥
 নীচে পদ্ম দিবসে মৃদিত আসমানেতে চন্দ্র উদয় তখন বিকশিত ।
 এদের দুয়েতে এক যুগল আত্মা রে, চন্দ্র লক্ষ যোজন ছাড়া রয় ॥
 পদ্ম কাস্ত শাস্ত দাস্ত যে, সে মালীর সঙ্গে পরম রঞ্জে ভাব করেছে ।
 সে মালী কেমনে সাজিয়ে ডালি রে, মালী বসে আছে দরজায় ।
 গুরু চন্দ্র শিষ্য পদ্ম যে তারে তারে তার মিশায় গেঁথে রেখেছে,
 খ্যাপা মদন বলে, তেমনি হলে রে, তবে যুগল মিলন দেখা যায় । —ঐ

১৬

আছে পুণিমায় চাঁদ মেঘে ঢাকা ।
 মেঘ না কাটিলে চাঁদের পাবি না দেখা রে, পাবি না দেখা ।
 যখন মেঘ তোর কেটে যাবে, তখন চাঁদের উদয় হবে ।
 জ্ঞানচন্দ্রে দেখতে পাবে চাঁদে চাদে মাথা চোখা ।
 মেঘের কোলে চাঁদ রয়েছে, চাদের কোলে বিছাৎমালা ।
 মেঘ কেটে চাঁদ উদয় করা সেটা কিন্তু লেখা জোখা ।
 মদন বলে অন্ধকারে বন্ধ হয়ে রইলাম একা,
 যার হয়েছে গুরুর রূপা সেই পেয়েছে চাঁদের দেখা । —ঐ

১৭

সোলা ডুবে পাথর ভাসে, হরিনামের নিশানা,
 নাগের সঙ্গে নেউলের পিরীত সুরীত হোলে যায় জানা ।
 অষ্টমীতে একাদশী, বিধবা রইল বসি,
 পূর্ণ শশী উদয় আসি নিত্য করে ছলনা ।
 থাইলে যে গর্ত হয়, না থাইলে পাপের উদয়,
 রূপা করি, হে দয়াময়, আমাকে তাই বল না,
 জননী উদরে পতি, সতী হলো গর্ভবতী,
 সে সতীর নাহঁকো গতি, উপপতি করে না ।
 পতি যায় সদা বিদেশে, নিতাই রমণ করে গো সে,
 সে সতী সত্যই প্রসবে পতির হলো ঘোষণা ।

ছয় আঙুল মাথা, সে মলে গোর দিবে কোথা,
বল দেখি এসব কথা ওহে মহাজন ।
সে ছেলের যে নাটকো মরণ, মলে হবে করণ কারণ,
রতিলালের এই নিবেদন যুগল বাসনা ।

—মুর্শিদাবাদ

১৮

আমার মন-মাঝি, শ্রীগুরু কাণ্ডারী তরীতে বসাও,
দেখি আছা নদীর বিষম পাথার পাছে এ তরী ডুবাও ।
সেই ত্রিপর্ণের খালে বিষম তরঙ্গে জলে
মরবি ডুবে খাবি খেয়ে, বাঁচবি রে তুই কার বলে ।
তাই বলছি তোরে বারম্বারে চেতন গুরু সঙ্গে নাও ।
তরীর বিচিত্র গঠন বোঝাই আছে রত্ন ধন,
খুব হুঁসিয়ারে, প্রেম নগরে সহজে যাওরে মন ।
সেখা গেলে পরে, পটুবে দরে, ওজন সূক্ষ্ম উচিত তাও ।
যারা বেচে মন ধনে রত্ন মাণিক কি চেনে,
তাদের সঙ্গে সওদাগরি পটুবে কেমনে ।
তাদের পূঁজি নাস্তি বোঝাই কিস্তি, ফোরাতে কি জানে, ভাই ।
আছে মণি বাঁধাঘাট দ্বারে মুকুন্দ কপাট,
চার চন্দ্রে সহরে ফেরে মাঝখানে সে লাট ।
গেলে দেখতে পাবে সূফল হবে, যদি সব জালা মেটাও ।
গোবিন ভাবছে বসিয়ে, সঙ্গের সঙ্গী না পেয়ে
সঙ্গী পেল এতদিনে পৌছিলাম গিয়ে ।
এসব কারবারিদের কারবারি দেখে, যেতে ইচ্ছা নাই কোথাও । —ঐ

১৯

বাজা নারীর ছেলে ম'ল করি কি উপায় ।
মরা ছেলের কান্না শুনে মোল্লাজী পালায় ॥
দাইমা মেরে ফয়তা সারে, নাপিত মেরে শুদ্ধ করে,
মোল্লা ডেকে ছেলের কল্লা কেটে ওগো জানাজা পড়ায় ॥
ছেলে মরা তিন দিন হলো, ছেলের বাবা জন্ম নিল,
জন্ম নিয়ে কি ফল তাহার পায় ॥

তোরা কে যাবি আয় মড়ার সাথে,
মড়া দেখে মড়াতে হাসে,
অধীন কোরবান্ ভেবে বলে মড়ায় মড়া খায় ॥

—ঐ

২০

আমি বেড়াই রে পাগলের বেশে ।
আমি কুলকিনারা পাব কিসে ॥
সমুদ্রে তিনটি জেলে, মাছ মাରେ সে খেপলা ফেলে,
মাছ মাରେ সে ট্যাংরা বেলে, ও তার মাছ মাঝা কুপা দোষে ॥
সমুদ্রে নাইকো তড়া, ভেবে পায় না আগাগোড়া,
আলোকলতার গোড়া ছাড়া রে ও তুমি বনে থাক কিসের রাসে ॥
একবার গঙ্গা একবার যমুনা, নিগূঢ় তত্ত্ব তাও পেলাম না,
ইহার কোন ধার নোনা, কোন ধার সোনা গো,
ইহার কোন ধারে জীব রসে ভাসে ॥
সমুদ্রে জোয়ার এলে, উজান কি তাই ভাটোয় চলে,
ও নবীন ভূগোল ভেবে বলে গো ইহার কেডা মান দিবে বলে ॥ —ঐ

২১

লা এ লাহা ইল্লাহর গাছে ফুটেছে এক ফুল,
ফুলের ছটায় জগৎ লুটায় নামেতে রশ্মল ॥
সে ফুল জগতের মূল, ও সে চাঁদ সমতুল,
আসমানেতে তার গোড়ারে ভাই, পাতালে তার মূল ।
তার রূপে জগৎ কাঁপে চৌদ্দ ভুবন হয় আকুল ॥
চারি রঙ্গে গাছটি উঠেছে, পাঁচটি শাখা তার আছে,
পাঁচটি শাখায় পাঁচ রঙ্গের, ভাই, ফুল ফুটেছে ।
কত দেবতা হল পাগল পীরওলি খোদার মকবুল ॥
সেই গাছের তিনটি মূল, আল্লাহ্ নবী মহম্মদ রশ্মল,
ফুলের মূলে বসে থাকে মালেক মওলা দিচ্ছে সদায় বুল ।
সে যে লহ্ মাফুজের গাছ ইল্লাহর বোঁটায় ইল্লাহর ফুল ॥

ভেবে নইমুদ্দিন কয়, যে দিন ফুল ফোটে, ভাই,
 দুই ফুলেতে একা হয়ে ময়ূর নেচে যাই,
 সে ফুল কেউ পায়, কেও না পায়, আল্লা করে যমুনার ফুল ॥ —এ
 নিম্নোক্ত গানটিতে বাউল লালন ফকিরের ভণিতা পাওয়া যাইতেছে, কিন্তু
 তাহা সত্ত্বেও গানটি তাহারই রচিত কি না, এই বিষয়ে সন্দেহের অবকাশ আছে ।

২২

বল, কি করে নামাজ আদায় হয় ।
 গুরু, সত্য করে বল আমায় ॥
 একশো তিরিশ ফরজ মশলা
 তার ভিতরে বিষম ঘোলা
 কোন ফরজটা পাব আল্লা ?
 আমি যারে শুধাই সেই নারে কয় ।
 সাত জনাতে জামাত হল,
 একজনা তার ইমাম ছিল,
 দু'করাত তার নামাজ হল,
 বাকী এক রাকাতে এমাম মারা যায় ॥
 মুক্তাদিগণ ভাবছে বসে, বাকী পড়বে নাকি মাটি দিবে,
 কোন ফরজটা আগে হবে,
 দরবেশ লালন ভেবে তাই নারে কয় ॥

—এ

২৩

শেষের দিনে সেজন বিনে কে তোরা আপন হবে রে ॥
 যে মাথাতে কাটছো তুমি বাঁকা আলবোট টেরি ।
 সে মাথা তোরা আশান ঘাটে যাবে গড়াগড়ি রে ॥
 যে গায়েতে মাখছ তুমি আতর গোলাপ সাবান রে ।
 সেই গায়ে তোরা জেলে দিবে বন্ধুলোকে আগুন রে ॥
 যে মুখে খাচ্ছ তুমি চিনি মণ্ডা মাখন রে ।
 সেই মুখে তোরা তুলে দেবে বন্ধুলোকে আগুন রে ॥
 ভাই কাটে ঝাড়ের বাঁশ বন্ধুকাটে দড়িরে,
 চার জনাতে কাঁধে করে বলে হরি হরি রে ॥

মা কাঁদে, বাবা রে বাছা, ভগ্নি কাঁদে, ভাই ।

পরের বেটি ঘরে কাঁদে আমার কেহ নাই রে ॥

—মুর্শিদাবাদ

২৪

এস হে, গৌরচন্দ্র, নিত্যানন্দ সঙ্গে করি ।

মনের আনন্দে দুই বাছ তুলে সংকীর্ণনে নৃত্য করি ॥

ভুবনমোহন গৌরা মনোহরের মনোহরা ।

রাধার প্রেমে হয়ে বিভোরা ধুলায় দিচ্ছে গড়াগড়ি ।

যে ডাকেরে গৌর বলে, ভয় কিগো তার ভবের কুলে ।

চাঁদ গৌরকে চক্ষে হেরে মানব জনম সফল করি ।

নন্দের চাঁদ নদে ছেড়ে এসে ভক্তের হৃদ-মন্দিরে ॥

দ্বিজ ভূষণে বলে, অস্তিম কালে পাই যেন রাঙ্গাচরণ তরী ॥ —ঐ

২৫

মন বাঁধা রয়েছে আমার রইলো কেবল গামছাতে ।

এইবার ঘরে স্মৃতি তাঁতীদের ঐ তাঁতে যাবো ।

ভাল ভাল গামছা হবো রব নারীর বুকেতে ।

এইবার মরে মাটি হবো, কুমোরদের ঐ চাকে যাব ।

ভাল ভাল কলসী হবো রব নারীর কাঁখেতে ।

এইবার মরে সোনা হব, স্বর্ণকারের ঘরে যাব,

ভাল ভাল হার হব রব নারীর গলেতে ।

—ঐ

২৬

গৌর, তোমায় ভঞ্জে হলাম নাচের ভিখারী ।

নামাবলী কমণ্ডলু বহাতে আর না পারি ॥

গৌরাক্ষ নাম যে জন লয়, তার দুঃখ সর্বদায়,

ঘরবাড়ী ছাড়া যে দিয়ে গাছতলায় বসায় ॥

গৌরাক্ষ নবীন বয়সে কাঞ্চালের বেশে,

মাখামাখি কিসের তরে আর কাঁচা রসে ।

এস গৌরহরি, তোমার না দেখলে মরি,

জীবন যৌবন যা কিছু ধন সবই তোমারি ॥

—ঐ

২৭

যারে জগতে করে সাধন—হিন্দু কি ষবন ।
 আমি কোরাণে পুরাণে শুনিতে পাইনি কোথাও নিদর্শন ॥
 মুসলমানে একিন দিলে খোদার নামে আজান দিলে,
 খুসী হালে তাই করে জবণ,
 হিন্দুর পূজা বড় মজা, নৈবেদ্য পুষ্প চন্দন ॥
 কোনভাবে সে কখন ফিরে, জনমেতে দেখি নাই তারে ।
 তিনিই কালী তিনিই কৃষ্ণ রে তিনিই মাণিক মুক্তারন ॥
 এক মাটি এক আগুন পানি, এক হাওয়া দিবারজনী ।
 ও চাঁদ কুবীর বলে ষাছুবিন্দু বলে রে ধর গা গুরুর চরণে ॥ —ঐ

২৮

আর কতদিন থাকব বসে তোমার আশাতে ।
 কতটুকু ছাড়াছাড়ি তোমাতে আর আমাতে ॥
 তুমিই তো দূরে থাকো, আমি তত পাই হে দুঃখ ।
 তুমি যত ভালবাস, পারি না ভালবাসিতে ॥
 রাধাশ্রাম কয় মনে মনে, প্রাণ সঁপেছে রসিক জেনে ।
 ঠেলো না রাক্ষা চরণে ঠেলো না চোর আসিতে ॥ —ঐ

২৯

এমন দুর্লভ মানব জনম পেয়ে,
 হরি না ভজিলাম, আশায় মজিলাম,
 যা কিছু বলে এলাম গেলাম ভুলিয়ে ॥
 ময়দা বাজারে ময়দা হবে কি, ছয় জনা গাঁট কাটা জুটে খেলছে ফাঁকি ।
 সেই অবধি পড়লাম ফাঁকি, আঁথির গজের রাজা গেলরে বয়ে ॥
 নবদ্বীপ ধাম হতে যে পুঁজি এনেছিলাম,
 দেবগ্রামের তোলা দিতে আসলে হারালাম ।
 আছে বিক্রমপুরের হাট কি দিয়ে করিব আর,
 সেই হতে দুর্দশায় নিল ফিরিয়ে ।
 ঢাকা হইতে যেদিন হইল আসা,
 বলেছিলাম ভজব হরি, করগো খোলসা ॥

১৮২৬

রংপুরের রং তামাসা, তা দেখে হল নিশা ।

সেই অবধি চুর্দশায় নিল ঘিরিয়ে ॥

—এ

৩০

তোমার তার কে বসে করতেছ হে মাল গুজারী ;

ও চাঁদ গৌর হরি ।

আমার সঙ্গে ছিল ছয়জন প্রেমের মহাজন,

তারাই করলো জুয়াচুরি ॥

সময়ে নাই বর্ষা বিন্দু, অসময়ে বর্ষা ভারি,

জমির ছয় দিকে ছটা ঘাস ছিটেছে, কেমন ক'রে আবাদ করি ।

মহাজনের দেনা ধারি, দেনার জ্বালায় প্রাণ বাঁচে না,

আমি হিসাব করে দেখছি বসে, কোনদিন করবে শমন জারী ॥

গৌসাই প্রেমানন্দ বলে, কোন ধারেতে রাখবেন দাঁড়ি ।

মন বলেছেন. দয়া করে যেকোনো যাবেন গৌরহরি ॥

—এ

নিম্নের গানটিতেও লালন ফকিরের ভণিতা পাওয়া যাইতেছে । সে কোন প্রকার তত্ত্ব-সঙ্গীতে লালনের ভণিতা ব্যবহার করিবার রীতি তাঁহার ব্যাপক জনপ্রিয়তাই নির্দেশ করে ।

৩১

গুরু, দোয়ায় তোমার মনকে আমার নাওগো স্থপথে ।

তুমি দয়া না করিলে গুরু তরব কি মতে ॥

তুমি যারে হওগো সদয়, সে তোমার সাধনে পায় ।

দেহের বিবাদীরা তফাতে যায়, তোমার কুপাতে ॥

যজ্ঞ যন্ত্রী যেমন বাজাও, তেমনি বাজে তেমন,

তেমনি করে আমারি মন গেল তোমার হাতে ॥

জগাই মাধাই দস্তি ছিল, নামের গুণে তরে গেল ।

লালন খ্যাপা পড়ে রইল তোমার আশাতে ॥

—এ

৩২

সখাসখী, তোরাই যা, আমি আর যাব না পাণ-ঘরে ।

বারে বারে কৃষ্ণনিন্দা সহি বল গো কি করে ॥

ননদিনী বাক্য রসি, পাঞ্জর কেটে হিয়ায় বসি ।
 ডুবলো আমার প্রেম-কলসী, শ্রামকলঙ্ক সাগরে ॥
 ননদিনী, বল বল, যার রাধা তারিহ হলো ।
 ক্যাপা বলে, হায়, কি হলো, এসে ভব সংসারে ॥

—ঐ

৩৩

আমায় দে গো মোহনচূড়া বেঁধে ।
 আমি কেন কেঁদে মরি, ক্লম্বরূপ ধরি দাঁড়াব চরণ ছেঁদে ॥
 এমনি করে একদিন মথুরাতে যাব, হয়ে ক্লম্ব রাধিকারে সাজাব,
 ও দুঃখ জানিনা জানিনা জানাব জানাব কত জালা শ্রাম-বিচ্ছেদে ॥
 এমনি করে একদিন লুকাব গোপনে,
 ভুলেও শ্রামকে দেখা না দিব শয়নে স্বপনে,
 বেলা অবসানে মদনমোহনে, আনিব মান-শরে বেঁধে ॥
 মান ধরে যেদিন ঘটবে প্রমাদ, বসনে ঢাকিয়ে রাখিব বদন চাঁদ ।
 নীলকণ্ঠ বলে, মেগে নিব অপরাধ, ধরিয়া যুগল পদে ॥

—ঐ

৩৪

ধনী, নত ভাবে বিচ্ছেদ কেনে ।
 হেঁট করে মাথা, কণ্ডনা কেনে কথা, বদন ঢাকলে, ধনী, নীল বসনে ॥
 বল বল, ধনী, বিচ্ছেদের কারণ, কিসের জন্তে শ্রাম ধরেছিল চরণ,
 ও কাল আসবে বলে কাল এলো সকালবেলা, সেই অপরাধে ধরি চরণে ॥
 অধিক ভাবে ধনী অধিক বিচ্ছেদ হয়,
 কথা সত্য বটে কথা মিথ্যা নয় ।
 পরের সঙ্গে স্থখ চিরদিন না রয়, আপ্ত বিচ্ছেদ হলে থাকবে মনে ॥
 বলো বলো, ধনী, বিচ্ছেদের ফাঁসী,
 করে লয়ে বাঁশী চলেন কালো শশী ।
 কাদিতে কাদিতে মথুরাতে আসি, নিধন করলো সেই কংসধনে ॥

—ঐ

৩৫

হরি, দুঃখ দাও যে জনারে ।
 ও যার অদৃষ্টে নাই স্থখ, বিধাতা বিমুখ, স্থখ নাই তার ত্রিসংসারে ।

অগ্রে যার ঘরে প্রবেশ করে ব্যাধি, আগে মরে তার পুত্র পৌত্রাদি,
 কহা কি জামাতা দৌহিত্র থাকে যদি, পোষ্য পুত্র নিলে মরে ॥
 বাণিজ্যের আশে গেলাম পরদেশে,
 থাটী রূপো সোনা কিনলাম মেজে ঘষে ।
 কপালক্রমে হলো তামা দস্তা সিসে হিরে বিকায় জিরের দরে ॥
 যার যখন কপালে ধরলো হে আশুন,
 জলে করলে ঘর, তাতেও লাগে আশুন,
 পুড়ে কোঠাবাড়ী, ছুটে টালি চূণ, লোহার তীরে ঘুণ ধরে ॥
 ক্ষেত্রে না হয় শস্ত, বৃক্ষে না হয় ফল,
 দুগ্ধবতী গাভী দুগ্ধহীন সকল,
 সরোবর নদী শুকায়ে যায় জল, জল বিনে মৎস্ত মরে ॥
 কোথা থেকে পাপ ঋণ জুটে,
 ঋণের দায়ে বিকায় বাড়ী বাস্তুভিটে,
 নীলকণ্ঠ তখন বেড়ায় ছুটে ছুটে খেটে খুটে তখন পেট না ভরে ॥

—মুশিদাবাদ

৩৬

আমি নেমেছি অগাধ জলে কাতলা মারিতে ।
 কাতলা অতি মাতলা হয় ভারি,
 ঘর বুলতে খালে ঢুকে ।
 আ মরি মরি, ও তোর কানখার ভিতর, হানলি আমারে ।
 তোকে লাথিয়ে তুলবো ডাঙ্গাতে নেমেছি অগাধ জলে ।
 কাতলা মারিতে ওগো বঠির চোটে, কাটি বসিয়ে,
 তোর প্যাটাকাটা বার করিয়ে পেটটিকে চিরি ।
 ও তোর প্যাটাকাটা বার করিয়ে হায়গো মরি ।
 তোকে বোম ফুটাবো লাথিতে ॥

—এ

৩৭

ওই ওরে ঘর করেছি প্রথম চৌদ্দ ভুবন জোড়া,
 আড়ের দিকে বানিয়েছি ঘর, আড়ের দিকে বানিয়েছি ঘর ।
 আড়ে সাড়ে তিন কড়ারে ।

ওরে সকলে ধর বাগাইয়াছে, এরা চামর খ্যাড়ে ঘর ছেড়েছে,
কোন বাড়োই হাঁচ কেটেছে,
নাইকো ছররা বররা, ও ঘরের গোড়া আঁটা,
দিয়াল ফাটা শুধু চামের আড়া ।
ঐ দেহের মধ্যে সপ্ত সাগর, ইহার কোন কিনারায়
গহীর জলের, লোটাছে মরছে মাগোর,
দিইয়া কিচা লড়া, ঐ হে কুবীর বলে,
কি সাধনে পাইহে চরণ খোড়া,
ঐ যে ঘর করেছি প্রথম চৌদ্দ ভুবন জোড়া ॥

—ঐ

৩৮

ওগো আজব শহর নহর, বানাইল কোন জন ।
সেই শহরে খোলা তাল। সেই শহর কেউ দেখলে না ।
কোমন দিয়ে চোর সাজায়ে ।
সেই শহরে দেয় হানা, চোরে নিলে রত্ন ধন,
কেউ ছিল না সচেতন ।
ওরে, কোমন দিয়ে নিয়ে গেল,
সেই শহরের বস্তু ধন ।
আমার মন, আজব শহর বানাইল কোন জন ॥
আর সেই শহরের আতায় নদী কোন বিধাতা ধায় রে,
আর কোন বিধাতা সীতার দিতে হাবু ডুবু যায় রে ।
ও পাহাড়ে তীরপিনি, ওগো মাহাজ গয়রিণী,
তলায় পড়ে খায় খাপি, ব্রহ্মা, বিষ্ণু, মহেশ্বর এই তিন জনে,
আজব শহর বানাইল কোন জন ।
সেই শহরে রথ চালাইছে, দুই জনা তার সারথি,
ওগো দুইজন। তার সহকারী, দুই ধারে জালাই বাতি,
আসা যাওয়া হচ্ছে পথে, ভজন কঠিন হয় না তাথে,
ঐ আপনি যেয়ে তাহার হাতে আপনা আপনি দেয় মরণ, দেয় মরণ,
আজব শহর বানাইল কোনজন ॥

—ঐ

৩২

মন আমার, দেহের নদী, যতই বাঁধি ।
 বাঁধলে বাঁধা ঠিক মানে না ॥
 নদীর বহন্ত ছিল, লা ফলিত,
 ওগো, ঝড় বাতাসের ভয় ছিল না ।
 সেই নদী শুকায়ে গেছে,
 ও খ্যাপার মনরে আমার ।
 তলায় পড়েছে তবু নদীর শ্রোত মরে না ।
 মুনি মহাস্তর বলে, নদীর কূলে ভাই রে,
 বসত করা আর হল না ।
 সেই নদীর পাওড়া ভেঙ্গে ।
 ও খ্যাপার মনরে আমার,
 সেই নদীর পাওড়া ভেঙ্গে
 যাচ্ছে চলে, মূর জাঁই কুমীরের থানা ।
 সেই নদী শুকায়ে গেছে, তলায় পড়েছে
 তবু ও নদীর শ্রোত মরে না ॥

—ঐ

৪০

এক গাছের ঐ চল্লিশ ডালো,
 দশ ডালো তার গায়ের হ'ল ।
 কেনই বা গায়ের হ'ল, হাদীশ কোরান খুলে বল ।
 খোদার কুদরত হতে, প্রেমের গাছ হয়েছে দেখ ।
 সেই গাছেরো পাকে পাকে,
 উড়ছে বুলবুল তার ঝাঁকে ঝাঁকে ।
 খোদার কুদরত হতে প্রেমের গাছ হয়েছে দেখ,
 জমিরুজ্জা আর খবিরুজ্জা, প্রেম করেছেন খলিলুল্লা
 সেই প্রেমোতে মধুমাখা ।
 কোন ফুলে তার মধু মাখা, কোন ফুলে তার মধু মাখা ।
 খোদার কুদরত হতে প্রেমের গাছ হয়েছে দেখ ।
 সেই গাছের ঐ পাতে পাতে, নাম লেখা তার খতে ॥

—ঐ

৪১

ওরে, কেমন করে তুই কবরেতে থাকবি রে, মন, একেলা ।
 কবর যদি করবি আলো নমাজ পড় পঞ্চ বেলা,
 তবেই পাবি নূরের আলো হাসরের বেলা ।
 মদন সা ফকিরে রে বলে, নামাজ রোজা করলে পরে,
 আখেরেতে যাবি তরে নিদানের বেলা ।
 রে মন, থাকবি একেলা ।

ওরে মন, তোঁর বাপ দাদা যা,
 করছে তাই কর, দিয়া দিয়াসালাই সিগারেট বিড়ি,
 অপব্যয় তোঁর পয়সা কড়ি, ছিলুমেতে তামাক পুরি,
 চকমকিতে সারো, তোঁর বাপ দাদা, যা করেছেন তাই কর ।
 মোটা কাপড়, মোটা ভাত, কাজ কি তোমার বিলাসিতে,
 চরখায় কোরে সূতা কেটে নিজের কাপড় বুনে পর ।

৪২

মেহেরাজের কথা বাজে ফজরে,
 কোন পায়গম্বর খোদায় দেদার, যায় আসে বাহুভরে,
 তবে এক লক্ষ নয় হাজারের রাস্তা, যেতে হবে, সাঁই, দেদার,
 নিশিরাতে গেলেন বেগে, কথা হল নবুই হাজার,
 পৌষটি বৎসরের রাস্তা, গেলেন এলেন কইলেন কথা ।
 গরম ছিল বিছান কাঁথা, শিকল লড়ে ছুয়ারে ।
 তবে নাপিত শুনে, ভাবে মনে, মিছা কথা সমুদয়,
 নবীজীকে ইনকার কোরে, রাস্তা বেয়ে চলে যায় ।
 সেই সময় এক মেছোর মেয়ে,
 মংশ নিয়ে যেতেছিল, তার কাছে মংশ নিল,
 মূল্য দিয়ে তাহারে, মেহেরাজেরফজরে
 তবে মংশ লয়ে, আলয়ে গিয়ে দিল আপন বিবিকে ।
 কুটো তুমি চল্লাম আমি, যমুনায় চান করিতে ।
 তেলের বাটী গামছা হাতে চল্ল নাপিত চান করিতে ।

নাপতান লাগল মাছ কুটিতে,
 দেখিল তাই নজরে, মেহেরাজের.....ফজরে ।
 আর তবে তেলের বাটী ডাঙ্গায় রেখে নামল নাপিত জলেতে,
 ডুব দিয়ে নারী হল, রূপসী হয় দেখিতে,
 সেই সময় এক যুবক এলো, সগুদাগরের নৌকায় ছিল,
 নৌকাতে তাহারে নিল, চলিল দেশান্তরে ।
 তবে ঘুরিতে ফিরিতে তাদের বার বৎসর গুজরাইল,
 সেই নাপিত ল্যাপতানি সেজে তিনটি গর্ভ ধরিল ।
 ব্যাপার কোরে ঘুরে এলো, সেই ঘাটে উপস্থিত হল ।
 তেলের বাটী ডাঙ্গায় ছিল, দেখিল তাই নজরে ।
 তবে তেলের বাটী ডাঙ্গায় দেখে, কাঁদে নাপিত বারে বার,
 হাতে ধরি মিনতি করি, আমিতো যাবো না আর ।
 পায়ের ঠুরী মেরাছিল, অমনি গিয়ে জলে পড়িল,
 নারীর কায়্য বদলে গেল, পুরুষ হয় পলক ভরে,
 ডাঙ্গায় উঠে কাপড় চিপে, তেলের বাটী লয় হাতে,
 ভয়েতে মোর অঙ্গ কাঁপে, কেমনে যাব বাড়ীতে ।
 নাপিত তখন বাড়ী গেল, নাপতানি সেই মাছ কুটছিলো,
 তখনি খেয়াল হল, কি বলিলাম পায়গম্বরে ।
 তবে নাপিত বলে, ও লাপতানি, কুটা কেন হল না মাছ,
 তুমি যেমন গেলা, তেমনি এলা, ভারি তোমার কথার ছাঁট ।
 সেই ঘড়ি খেয়াল এল, নবীর পায়ের উপর পড়ল ।
 তরী থিঁচে মুরীদ হল, হাবোল কয় খোস অস্তরে ॥ —মুশিদাবাদ

৪৩

মন, তুই যদি আজ ফকির হবি রে,
 প্রেমের ধন খরিদ কর নিজ মেয়ে হইয়া রে ।
 মুনোরে নদীর এপার ছিলি উপার গেলি,
 আবার কেন সঁাতার লইলি রে ।
 এই নদীর ও নোনা পাণি, পুরুষ খেয়ে বলেরে,
 মন, তুই যদি আজ ফকির হবিরে ।

প্রেমের ধন খরিদ কর নিজ মেয়ে হইয়া রে ।

মনোরে, মেয়ে হোছে তরুলতা,

এক স্মৃতিতে আছে গাঁথা, সেই অশান্তিকে শাস্তি করে,

প্রেম ফলটি খোইয়ারে ; মন, তুই যদি আজ ফকির হবিরে,

প্রেমের ধন খরিদ কর নিজ মেয়ে হইয়া রে ।

(মনোরে) মেয়ের হাতে তিনটি ফুল, দেখে পাষণ হয় আকুল,

মেয়ে সদাই খেলে চক বাজারে, প্রেমের পুঁখুল হইয়ারে ।

মন, তুই যদি আজ ফকির হবিরে ॥

—ঐ

৪৪

তোরা, আয়, কে যাবিরে নিতাই গোরার হাঁসপাতালে নদীয়াপুরে,

নিতাইবাবু সিভিল মার্জন অঁধিত গৌসাই আছে কপাউগার ।

পথ্য বলে দিচ্ছেন বাবু, হরি নাম হৃদ্ধ সাবু,

সাবুর সঙ্গে পাতি নেবু ভব সংসারে ॥

তোরা, আয়, কে যাবিরে নিতাই গোরার হাঁসপাতালে ॥

—ঐ

৪৫

শব্দ গানের প্রতিটি ছন্দ, প্রতিটি বাক্য মাহুষের চলার পথে সতর্কতার অভয়বাণী । আপাতদৃষ্টিতে গানগুলিকে নিতান্ত হালকা মনে হয় ; কিন্তু মানব-জীবনের নানা বাধা-বিঘ্ন, অগ্রায় কার্যকলাপের বিরুদ্ধে উপদেশ ও ভাল মন্দের সমালোচনার মূল সুরটি এই গানের প্রতিটি ছন্দে প্রবাহিত ।

ওরে মন-জ্বলে, কেন মরছ মিছে জাল ফেলে ।

নাড়া চাড়া গুলি ঝাড়া এই ছিল মোর কপালে ॥

মাছ ধরতে বাসনা জাল ফেলতে শিখলি না ;

জল দেখে জাল জড়িয়ে পড়ে ছড়িয়ে পড়ে না ।

তুমি কিনা রাতে মারছ খেওয়া, মাছ রইল অগাধ জলে ।

সে জালের চৌষটি ঘাই, তার একটি ভাল নাই,

ভজন সাধন পূর্ণকারী একটি দেখতে পাই ;

হরিনামের জীর্ণ স্মৃতি ছিঁড়ে যায় গো টান দিলে ॥

—ঐ

৪৬

আজ আমার কাদা মাখা সার হ'লো ।
 মাছ ধরব বলে এলাম জলে ভক্তির জাল ছিঁড়ে গেল ॥
 পঞ্চভূত লাগলো পিছে, মাছ ধরার পাঁচ বেঁধেছে,
 ভয়ে প্রাণ শুকিয়ে গেছে উপায় কি তাই বলো ॥
 কপাল গুণে পেয়েছি কতককগুলো ॥
 কুসঙ্গ সঙ্গে নিলাম, কি ক্ষণে মাছ ধরতে এলাম,
 খ্যাপা খালুই হারালাম, হায়, কি আমার হলো,
 আমি বিল ছেঁচে পাই চাঁদা পুঁটি বক চিলে লুটে নিল ॥

৪৭

গৌরলীলার বাজারে অবাক যাই হেরে ।
 হুঁচের ছিত্র মজার কথা, ভাই, পার করে গজবরে ॥
 একটা সজনে গাছেতে, জোড়া আম ধরে আছে,
 আমের ভিতর জামের চারা, ভাই, জাম ধরে তাতে ।
 তার ভিতর এক মায়া নদী, হেম নদীতে প্রেম বাড়ে ॥
 সাপে, নেউলে, ইন্দ্রে, বিড়ালে,
 এক ঘরেতে বাস করে, ভাই, একই মিলে ।
 তা দেখে এক মরা হাঁসে মুখে, হা গোবিন্দ, রব করে ॥ — ঐ

৪৮

অতি যত্ন করে রাখলাম চুল গো গোছে পেলাম না ।
 গোছে যদি পেলাম চুল গো বাঁধতে সময় পেলাম না ॥
 চুলের জন্তু দিলাম টাকা, তবুও চুল হলো না বাঁকা,
 গালি দিবে কাকা ;
 কাকা ক্ষমা দিতে পারে কাকী দিবে গঙ্গনা ॥
 কোলকাতার ঐ আমলা মেথি আনাইব রাতারাতি,
 বাঁধবো গো বুঁটি,
 খোঁপা তুলে বাঁধলাম বুঁটি শ্রাম কাঁলাচাঁদ এলো না ॥ — ঐ

৪২

মাটিকে খাটি জানরে, মন, কেন ভাব অকারণ ।
 এই মাটিকে খাটি জান্লে মাটি হয় অঙ্গের ভূষণ ॥
 ছিলে বাবার মস্তকে এলে মায়ের উদরেতে,
 আর কবর আছে, বাছা, তোর ঐ মাটির ভিতরে ।
 এই মাটিতে কাশী গয়া এই মাটিতে বৃন্দাবন ॥
 আছে মক্কা মদিনা তার পিছনে থানা,
 দমের ঘরে হাওয়ার নিবাস, তাও কি জাননা ।
 মলম চাঁদ ফকিরে বলে মাটির কর গা অশ্বেষণ ॥

—ঐ

৫০

বাজল বাঁশী, চল, নাগরী, রেল দেখে আসি ।
 রেলের ধারে বাড়ী গো যাদের, তারা পড়েছে ফেরে,
 ছেলেপিলে সব সামাল রেখো, ভাই, যাবে যে মরে ।
 বিধি কি লিখেছে কার কপালে তাই ভাবি দিবানিশি ॥
 গাড়ী তৈয়ার করলে কে, দেশে ইংরেজ এসেছে,
 তারে তারে যোগ লাগায়, ভাই, গাড়ী চালাচ্ছে ।
 গাড়ী সকল রাস্তা টিমে চলে পাগ্লা কহে দমবেশী ।

—ঐ

৫১

বলব না, ভাই, সাধন ভজন, ভয় করে মনে,
 বললে বুঝে রসে মজে, এমন মানুষ পাবে না কোনখানে ।
 ব্রজের সমপদ রাধারানী, যার প্রেমে গোবিন্দ প্রেমী,
 রাণী তাকেই বলে রজকিনী জগতের রসিকগণে ॥
 কিছু কই সাধকের সঙ্কান অমুভবা নন্দ যিনি স্বয়ং ভগবান ॥
 তারি কত্তা কত্তার কত্তা কবিরাজের বর্ণনা ॥
 ভজন কথা বলছি এবার শুন মন দিয়ে,
 কণার রানী কৃষ্ণের উদয় ভাঙ্গা অন্তরে
 সর্বমোহন শ্রীকৃষ্ণ কোন কৃষ্ণ ধাতুর অর্থ সেইখানে ॥
 দ্বিজ হরেকৃষ্ণ কয়, কর রাধা পদাশ্রয়

হরে ধরা করিনি, সে কথা মিথ্যা নয়,
হলো রাধার দয়া তবেই বাস হবে বুন্দাবনে ॥

—ঐ

৫২

ওরে অবোধ মন, বিবাহের কারণ
অকারণ কেন হতেছ উত্তল ॥
তোমার বিয়ে হবে, যবে বৈজ্ঞ আসবে যাবে,
নাড়ী ধরে দেখবে রোজ ভূবেলা ॥
পাড়া প্রতিবেশী বরষাত্রী যাইবে,
বাড়ী এসে তারা নিম্ন মাত্র খাইবে
শৃগাল কুকুরের বাসর জাগাবে,
খ্যাক খেঁকী হবে তাদের শোলোক বলা ॥

—ঐ

৫৩

ভয় করো না, ভোলা মন, থাকবে মনের স্থখে ।
চিন্তা জর ছেড়েছে যখন ঘিরবেনা বিকার তোকে ॥
হয়েছে ঋতুর সমতা, সে-যে খুব স্থখের কথা,
‘টনিক’ খেয়ে সবে চলে শক্তিহীনতা ॥
শরীরে শক্তি পেলে যাবে চলে বুন্দাবন অভিমুখে,
বলে দিই ঔষধের দোকান
বাজারের মাথায় দোকান
অন্নপূর্ণা ফার্মেসী সেই দোকান, দোকান থানির নাম,
দোকান যাবে যখন চাইবে তখন রসবিন্দু টনিকে ॥

—ঐ

৫৪

গোবিন্দ আনন্দ মনে ।
বিরাজিত একমনে ॥
কালুর রামে বৃষভাস্থ স্থতা
তমালে বেড়ান কমলতা ক্ষণপ্রভা নবঘনে ॥
আহা, মরি মরি, কি রূপ-মাধুরী তুলনা নাহি ভুবনে ।
কিশোর-কিশোরীর মিলন দেখে
শুক সারিগণে করিছে স্থখে প্রেমরাগ আলাপনে ॥

—ঐ

৫৫

একবার এস, গৌর গুণমণি ।
 আমি মনের সাথে পূজব রাঙা চরণ দুখানি ॥
 এস নিত্যানন্দ সনে, গদাধরে নিয়ে বামে,
 সন্মুখে, অর্ধেত প্রভু, দাঁড়াও হে আপনি ।
 শ্রীরামাদি ভক্তবৃন্দ হইয়ে পরমানন্দ,
 আমি পড়ি গিয়ে চরণ তলে লোটায়ে ধরণী ॥
 আসিয়া অবনীতলে কত পাণী তরাইলে,
 দীন বিষ্ণু বলে, থাকবো পড়ে একাকী হে আমি ॥

—ঐ

৫৬

গুরু গো, কি হবে উপায়,
 তোমার ভক্তে যদি ব্রজনাথে ব্রজে যেতে হয়,
 বাস করেছি মায়াপুরে আছে বাঁকা নদীর কাঁটা ঘিরে,
 কেমন করে যদি উপরে ভাবছি বসে তাই ॥

—ঐ

৫৭

বলব না, ভাই, মনের কথা থাকুক মোর মনে ।
 মনের কথা বলে লোকে, পাগল সাজি কেনে ॥
 কি মজা তার ভবের বাজার, নায়ক যাহার মন,
 সেই বাজারে বাজার কর কেমন ভুলের ভুলে ॥

—ঐ

৫৮

মিছে তুই করলি সাধন, ও ভোলা মন ।
 পিছন ফিরে দেখলি না ॥
 কাঁদিস তুই যাদের তরে, তারা আর চায়না তোরে,
 পড়লি তুই বিষম ফেরে, ও তোর আপন ভাল দেখলি না ॥

—ঐ

৫৯

জয় রাধা রাধা রাধা বলে কে বাঁশীতে করে গান ।
 বাঁশীর স্বরে রইতে নারী গেল কুলমান ॥

থাকি আমি গৃহকাজে, সদাই বাঁশী বাজে,
চল মন দেখি আসি, ললিতা ত্রিভঙ্গ কতই করে রঙ্গ,
কুলবতীর কুলে থাকে না পরাণ ॥

৬০

গৌর প্রেমানন্দে হরি বলরে বদন ভরে ।
ওরে যেমন কলি তেমনি নাম ভাই কালের ভয়ে যাবে দূরে ॥
চৌরাশী জনম ভ্রমণ করিয়ে, সাধের মানব জনম পেয়ে,
কি বলে এলি জঠরে কর রে সমরণ ॥
তখন বলেছিলে ভজব হরি, আমি থাকব না তোমায় ভুলে ॥ —ঐ

৬১

প্রেম প্রেম সবাই বলে, প্রেম কাহাকে বলে, ভাই ।
সুধাইব প্রেমের কথা, যদি কোথাও প্রেমিক পাই ॥
কেউ বলে প্রেম অতি সরল,
কেউ বলে প্রেম মাথা গরল,
কেউ বলে তুষের অনল, ধিক ধিক জলে হিয়ায় ॥
কেউ বলে প্রেম পরশমণি,
কেউ বলে প্রেম দুখের খনি,
প্রেম কাউকে করে পাগলিনী
কারো প্রেমে দুকূল যায় ॥ —ঐ

৬২

করি কি, ওগো বৃন্দে, বল চলাচল আমরা রাই ॥
না নিলে ভূমণ্ডলে, কার কাছে কি যাব বল ।
আসতে আসতে নিশি হল, ভোর হল তোদের কাছে,
চোর পুরুষের কত জালা, রাখনা খবর
আমি জগতের মন জোগাই ; বৃন্দে, তাইটে পেলাম প্রতিফল ।
রাধা রাধা বলে সর্বদাই, আমি বাঁশরী বাজাই,
খেতে শুতে দিনে রাতে রাধার গুণ গাই ॥ —ঐ

৬৩

কি চিন্তা কর, ধনি, হরি হরি কর ধনি,
চল, হেরি গো, হরি হরি, যে বিপদ আমার,
চিন্তিলে চিন্তা হরে, চিন্তা তাদের বিপদ হরে
সজনি, চিন্তা জরে ঔষধ শ্রাম চিন্তামণি ॥

—ঐ

৬৪

ও সাঁই, কুদরতের ধনি কুদরত কামিনী,
আপন কুদরত তুমি বুঝ আপনি ॥
তোমার রূপের মহিমা কে করিবে সীমা ।
তুমি নূরের দীপ জালাও দিবা রজনী ॥
তোমার কুদরত দেখি বড় রসিক নাই তার জোড়া ।
কেও মেলেনা তরা কেও মেলেনা শুনি ॥
এমন ক্ষুদ্র জনাকে তারে দিল কে রূপের ঝিকিমিকি,
খেলে পিছনে ।

—ঐ

৬৫

মায়া গঙ্গা যমুনা সরস্বতী ।
মাসে মাসে জোয়ার আসে ত্রিপিণি সংহতি ॥
যেদি নদী হয় উতলা তিন মায়ের থেলা,
একজন কালী একজন কৃষ্ণমালী
মাতা সেইদিন ধরাতে ধরলে হায় গোরাক্ষ মুরতি ।
মায়ের গুণ কেবা জানতে পারে কিঞ্চিৎ জানে মহেশ্বর ।
শিরে পশুপতি রাধারাগী শমন শয্যা সামর্থী তিন রীতি ॥
রসিক মেয়ে গোপন থাকে, ঘরে বসে জগত দেখে,
সতী হয়ে ধর্ম রাখে লয়ে উপপতি ।
তার সাক্ষী দেখ গোপের মেয়ে গোকুলে বসতি ॥
এবার মরে মেয়ে হব, প্রেম সাগরে ঝাঁপ দিব,
মহাদেব সঙ্গে জেনে নিব প্রেমের রীতিনীতি ।

—মুশিদাবাদ

নিম্নোক্ত গানটির আর একটি পাঠ পূর্বে উদ্ধৃত হইয়াছে—

৬৬

মেহেরাজের কথা বাজে ফজরে ॥
 পয়ত্রিশ হাজার বৎসরের রাস্তা গেলাম এলাম হল কথা ।
 গরম ছিল বিছানা কাঁথা শিকল নড়ে দুয়ারে ॥
 এক নাপিত শুনে ভাবছে মনে মিথ্যা কথা সমুদয়,
 নবিজিকে ইনকার করে রাস্তা বেয়ে চলে যায় ।
 সেই সময় এক জেলের মেয়ে মৎস লয়ে যাচ্ছে চলে ।
 একটি মৎস নিল কিনে মূল্য দিয়ে তাহারে ॥
 মৎস লয়ে আনয় গিয়ে দেয় নাপতানির হাতে ।
 তুমি মৎস কুট, যাচ্ছি আমি যমুনা় স্নান করিতে ।
 তেলের বাটি গামছা হাতে নাপিত গেল স্নান করিতে ।
 ডুব দিল নারী হল রূপসী হয় দেখিতে ।
 সেই সময় এক যুবক এল, সগুদাগরি কাজে ছিল,
 জাহাজেতে তুলে নিয়ে যায় সে দেশান্তরে ॥
 ঘুরিতে ফিরিতে তাহার বার বৎসর গুজরাল ।
 সেই নাপিত নাপতানি হয়ে তিনটি গর্ত ধরিল ।
 ফিরতি পথে সেই ঘাটেতে তেলের বাটি ডাঙ্গায় দেখে কাঁদে
 নাপিত বারেকার,
 পায়ে ধরি বিনয় করি আমি ত যাব না আর ।
 সেই সময় সগুদাগর ক্রোধে জলিয়া উঠিল ।
 পৃষ্ঠ দৃষ্ট করে কিল গদাগদ মারিল ।
 পায়ের লাথি ষেই মারিল অমনি জলে পড়েছিল ।
 নারীর কায় পলট হল, পুরুষ হয় পলক ভরে ॥
 গামছা চিপে ডাঙ্গায় উঠে, ভয়েতে তার অঙ্গ কাঁপে,
 কেমনে যায় বাড়ীতে ।
 বাটি গিয়ে দেখছে সেথায় নাপতানি সেই মাছ কুটিছে ।
 নাপতানিকে বলে হৈকে কুটা কেন হয়নি মাছ ।
 যেমন গেলে তেমন এলে ভারি তোমার কথার ছাঁট ।

সেই সময়ে খেয়াল হইল, গিয়ে নবির পায়ের উপর পড়ল,

তরিদ খিঁচে মুরিদ হল, আলোপ খোম হয় অন্তরে ॥ —মুর্শিদাবাদ

পয়গম্বর হজরত মোহাম্মদ খোদার নির্দেশে মেরাজ শরীফ গমন করিয়াছিলেন। খোদার দরবারে খোদার সহিত ২০ হাজার কথা সমাপনান্তে তিনি পুনরায় পৃথিবীতে ফিরিয়া আসেন। হজরত মোহাম্মদ ফিরিয়া আসিয়া দেখিলেন যে তিনি যে দরজাটি ভেজিয়ে দিয়ে গিয়েছিলেন, তাহার কড়াটি তখনও নড়িতেছে। এই ঘটনা শুনিয়া এক নাপিত বিশ্বাস করিতে পারে নাই এবং হজরত মোহাম্মদকে অপমান করিয়াছিল। খোদার শাস্তি স্বরূপ নাপিত তাহার জীবনের আলৌকিক ঘটনার মাধ্যমে হজরত মোহাম্মদের ঘটনা যে সত্য ছিল, তাহা অস্বাভাবন ও বিশ্বাস করিতে সমর্থ হয়। ইহাই গানটির মূল বিষয় বস্তু।

৬৭

আমার মন যাবিরে ভ্রমণে, কৃষ্ণ-অনুরাগের বাগানে।

সেখা যাবি প্রাণ জুড়াবি আনন্দ সমীরণে ॥

সেই বাগানে দুজন মালী, একজন উড়ে একজন বাঙালী।

সে যে নাড়ে চাড়ে সেচে পানি গাছ বাড়ে সুষতনে ॥

তার মধ্যে জলে সাঁতার খেলে হংস আর হংসী।

ইহার কোটা জন্মে পিপাসা যায় বিন্দুমাত্র জলপানে ॥

সেই বাগানে চৌদিকে বেড়া, আছে শূন্ত পর খাড়া,

নেহাজ করে দেখ দেখি মন, তার মেলে না গোড়া।

শিব ব্রহ্মা রয়েছে খাড়া বাগান প্রবেশ করবার সন্ধানে ॥

ভেবে কুবির চাঁদ কয়, বাগান কিবা শোভাময়,

সেই বাগানে গেলে পাপীর অঙ্গ শীতল হয়,

যদি যেতে চাও, মন, সেই বাগানে ;

ভাব রাখ মালীর সনে ॥

—৬

৬৮

ও আমার প্রাণ-বন্ধুরে, তোরা ধর গো ধর।

এখনও তো জেনে, রাখে, তাওতো জান না,

আমরা তোমার আছি সহায় কিসের ভাবনা ॥

যা গো যা তোরা যা সম্বরে,
 এখনও তো যায়নি বন্ধু আছে পথও মাঝারে ।
 খাঁচা আমি গড়েছিলাম পাখীরও তরে,
 সাধের খাঁচা শূণ্য করে পাখী গেল যে উড়ে ॥
 স্বদেশ ছাড়িয়া বন্ধু গেল বিদেশে ।
 ও শ্রীহরি গেল অমূল্যেরে পাগল করিয়ে ॥

—মুর্শিদাবাদ

৬২

ওরে ও মন কাণ্ডারী, এই দেহতরী,
 তুমি ভবসিন্ধু দিবা পাড়ি হয়ে খুব হ'শিয়ারী ।
 ভবসিন্ধুর মাঝখান তোমার আছে তরীখান ।
 উঠবে যখন সে ঘোর তুফান খণ্ডদ্বাবে চোবান ।
 থেক তুমি খুবই সাবধান, ঢেউ বুঝে বেও তরী ।
 তরীর বলি বিবরণ কি ভাবে করেছে গঠন,
 ২০৬ খানা তক্তা একই করেছে যোজন,
 তাতে জোলুই পেরেক মনের মতন মেরেছে শক্ত করি ।
 তরী করেছে তৈয়ারী তার যাই বলিহারী,
 ভাঙ্গিলে মেরামত করার নাইকো মিস্ত্রী ।
 ধন্য তাহার কারিগরী, ধন্য সে জন মিস্ত্রী ।
 আছে ২ জন চড়নদার, তাদের বুদ্ধি চমৎকার,
 একজন রয় মালিক সেজে, দুজন সহায় তার ।
 এদের উপর নৌকার সব ভার, বাকী ছয় জন হয় দাঁড়ী,
 ছয় জন টানে ছয় দিকে দাঁড় ফেলে, একে একে
 স্নযোগ পেলে তারা ছয় জন ডুবায় নৌকাকে ।
 মালিক যদি ঠিক না থাকে, মেরে দিবে এ তরী ।
 বোঝাই আছে রত্নধন, শুন ও মালিক স্নজন,
 মালের উপর রাখবে নজর সদা সর্বক্ষণ ।
 বজায় রেখে তোমার মূলধন করিবে মাল বিক্রি ।
 তরী চালাবে পালে, তুমি বসে থেকে হালে,
 দাঁড়ী ছয় জন আটক রাখ সংযম-শৃঙ্খলে ।

পড়লে ওদের মোহজালে ঘটাবে বিপদভারী ।
 তুলে হরিনামের পাল, তুমি বাগিয়ে ধর হাল,
 তবে পাবে কুলের নাগাল হবে না বানচাল ।
 থাক তুমি হয়ে সামাল, টান রাখ ভক্তির দড়ী ।
 তরী বাইছে ভাড়াতে, লাভালাভ হচ্ছে যা,
 তাতে এক জন হিসাব রাখছে বসে লিখে খাতাতে,
 ও তা ভাগ করবে দাঁড়ী পাক্সাতে সে যে পাকা মহরী ।
 ও দীন সুশীল কুমার কয়, দেহতরী বাওয়া দায়,
 ভবনদীর মাঝে পড়ে হাবু ডুবু খায় ।
 কখন তলিয়ে যায় এই ভাবনায় আছি দিব্যশর্বরী ॥
 গুরু চরণ বাখানি, সাক্ষ হয় সঙ্গীতখানি ।
 সভাজনে চাঁদ বদনে দেন হরির ধনি ।
 সবে ধরুন এই তরঙ্গী, তরিয়েন ভবপাড়ি ॥

—এ

৭০

বৃষ্ণে নারি কারিকুরি গাঁছ আছে তার গোড়াটি নাই ।
 ভাল কত তার শত শত, কত রঙ ধরে পাতায় ॥
 পাতার কথা বোলবো কি, ভাই, পাতায় বোঁটায় মিলন তার নাই ।
 পাতায় পাতায় ফাঁক পেলে খায়, পাতা আছে কালিখানায় ॥
 ব্যোমকেশ বলে শোন ছন্দ, গাছের গোড়ায় ফিকির ফন্দি,
 না জেনে মন জানে বন্দী, কাদি বসে সেই গাছতলায় ॥

—এ

৭১

ধর্ম মাছ ধরবো বলে, নামলাম জলে ভক্তিজাল ছিঁড়ে গেল ॥
 মাছ ধরায় ফের ঘটেছে, ছ'টা ভুল লাগলো পিছে ;
 ভয়ে প্রাণ শুকায়ে গেছে আর কিবা হবে বল ॥
 আমি প'লাম পাকে দারুণ পাকে আমার বলবুদ্ধি চুলোয় গেল ।
 কি ক্ষণে বিল গাবালাম, কুসঙ্গে জাল নামালাম,
 ক্ষমায় খালুই হারালাম, আর কিবা হবে বলো ।
 আমি হিংসা, নিন্দা, গুগলি ঘুনী সে মাছ পেয়েছি কতকগুলো ॥

এ ধর্ম সত্যবিলে, সুরসিক বাগ্‌দী জেলে,
 শুধু রাগ-সিক্‌টি জালে আনন্দে মাছ ধরলে ভাল ।
 আমি বিলম্বে পাই চাঁদা, পুঁটী ; সে মাছ, বকচিলে লুটে খেল ॥
 গৌশাই কুবেরে ভাষে, হতো তোর গদীতে বসে
 কহে আজ বিন্দুদাসে একবার হরির নাম নিলে না, ওয়ে বোকা । —ঐ

শারদোৎসবের গান

শরৎকালীন দুর্গোৎসব উপলক্ষে প্রধানত গ্রামে গ্রামে প্রথমত আগমনী,
 তারপর বিজয়া গান শুনিতে পাওয়া যায় । প্রথমোক্ত গানটি গ্রাম্য কবির
 রচিত বিজয়া গান ।

(ওগো) বিদায় দাও জননী আমারে ।
 আমারে লইতে ডুলী লেগেছে দ্বারে ॥
 (মাতা) বলো না, বলো না, উমা, ও কথা বলো না ।
 জীবন থাকিতে বিদায় দিতে তো পারবো না ॥
 (ঐ) তোমারে এনেছি, গৌরী, সম্বৎসরও পরে ।
 তোমারে বিদায় দিয়া থাকি কি প্রকারে ॥
 (উমা) বলো না বলো না—ও কথা, বলো না বলো না ও কথা,
 আমারে দিয়ে ব্যথা ।
 বলো না মোরে ওমা জননী ॥ —মুশিদাবাদ

২

আশার স্বপন কি, মা, সফল হবে না, মোর পূজা কি নেবে না ।
 তোমার আশে নয়ন ভাসে, চরণে কি স্থান দেবে না ॥
 মন মন্দিরে তোমা লাগিয়ে, নানা ফুল রাখি সাজিয়ে,
 কি দোষ পেয়ে দেখো না চেয়ে অবোধে কি কমা দেবে না ॥
 কাকুতি মিনতি ধরি ছুটি পায়, নিরাশা করে না আশায়,
 মন্দিরও মাঝে মোহন সাজে, এসে তুমি দাঁড়াও, মা ॥ —ঐ

শিবের গান

১

শিবের গান অত্যন্ত প্রাচীন। শিব সম্পর্কিত নানা লৌকিক কাহিনী ইহাদের মধ্যে গীত হয়।

বম্ বম্ বম্ ভোলা, ভোলার নামটি জপ্লে পরে যাবে ভবজালা,
ভোলা গাল বাজায় আর বাজায় বগল, সকল লোকে বলে পাগল,
তার কণ্ঠের ভিতর হলাহল গলায় হাড়ের মালা।
ভোলার জটার ভিতর মন্দাকিনী, কুলু কুলু করছে ধ্বনি,
শিরোপরে ভুজঙ্গিনী করিতেছে খেলা।
ওরে, জ্ঞান নাই তিনকড়ি তুই বুঝবি কি তার লীলা,
কাশীতে রাজ-রাজেশ্বর বামে গিরিবালা।

—বাঁকুড়া

২

ওগো ও মেনকা, মাথায় দে গো ঘোমটা,
কত কালের হবে বুড়া, কেউ না জানে তাহার গোড়া,
যার অল্পচর কপাল পুড়া, জপ্লে তারি নামটা।
চুল পেকোছে দাঁত ভেঙ্গেছে, তবু বিয়ের সাধ না গেছে,
মাথায় জটা জিশূল হাতে ঠিক ভিখারীর ঢংটা।
ওযে ভস্ম মাখে সর্বাঙ্গেতে চেপো বেড়ায় বলদেতে দেখ্‌লো,
মাথায় জটা জিশূল হাতে ঠিক ভিখারীর ঢংটা।
ও তোঁর জামাই-এর কপালে আশুন, নিপুণটা সব গাঁজায় আশুন,
কিন্তু শিবের স্বভাব করুণ সাধাসিধা মনটা।
মোটা সোটা জামাই যেমন, রূপের গিরিবালাও তেমন,
আ মরি, সেজেছে যেমন হাতীর গলায় ঘণ্টা।
এবার সিদ্ধি ঘুঁটে যাবে গোঁরীর দমটা ॥

—তিলুড়ী (বাঁকুড়া)

৩

আদি অনাদি চিরজনম ভবসাগর তারণ নাদ বিন্দু শিব মহাশুক,
রায় নাম জপ সদা পঞ্চাননে কোটি কল্প বিগত অধিষ্ঠানে,
নন্দন কানন পরিহরি প্রথমাধীশ্বর আশানচারী
প্রণামি শিব শ্রীচরণে।

কুললাজ মান ভয় সব ত্যেজে শ্রীচরণ রজে যেন মন মজে,
রহে মত্ত ধরা নামে রতিমতি প্রণমামি শিবং শিব দীনগতি ॥ —ঐ

৪

এই সময় একবার ভাবরে, মন, ভোলা ।
সিন্ধের ঝোলা মাপের মালা, সে ধন সঙ্গে রবেরে তোলা,
এ সময় একবার ভাবরে মন, ভোলা ।
ভোলার দয়া চাও যদি, মন, সার কররে গাছের তলা ।
সর্ব তীর্থময়ী গঙ্গা ভোলার আছে রে তোলা ।
জন্মিলে মরণ আছে, তাইতে আর নাইরে বেলা ।

শিলারির গান

পূর্ব বাংলার এক জেগীর ব্যবসায়ী ওঝা ঐক্সজালিক মস্ত বলিয়া ধানক্ষেত
কিংবা বাড়ীঘরকে শিলাপাত হইতে রক্ষা করিয়া থাকে বলিয়া মনে করা হয় ।
তাহাদিগকে শিলারি বা হিরালি বলে । তাহাদের গান সাধারণত মস্তের মত,
আবৃত্তিকালে কিছু কিছু শুনিতে পাওয়া যায়, কিছু কিছু শুনিতে পাওয়া যায়
না । ইহাদের গীতিগত কিংবা সাহিত্যগত কোন গুণ নাই । তবে যত্যা
হিরালির আত্মদান বিষয়ক একটি পালাগান পূর্ব মৈমনসিংহ অঞ্চলে প্রচলিত
আছে, তাহাকেও হিরালির গান বলে । ক্ষুদ্র পালাগানটিতে কি ভাবে মস্ত
উচ্চারণ করিয়া যত্যা হিরালি নিজের উপর সমগ্র শিলা আকর্ষণ করিয়া লইয়া
নিজের জীবনের বিনিময়ে কৃষকের পাকা বোরো ধানকে রক্ষা করিয়াছিল,
তাহা বর্ণনা করা হইয়াছে (বাংলার লোক-সাহিত্য, ১ম খণ্ড, ৩য় সং, পৃঃ
৬৬০-৬৪ দৃষ্টব্য) : তাহার কিছু অংশ এই প্রকার—

বারই বৈশাখের বেলা হৈল তিন পহর ।

সাজিল বিষম দেওয়া মাথার উপর ॥

হাইড়া কুণায় গুড়্ গুড়্ ডাকে মাড়ি মিত্তিকা লড়ে ।

আসমান হৈয়াছে কালা হিল নাকি পড়ে ॥

গুড়্ গুড়্ গুড়্ হিলের গৈড় পশুপক্ষী কান্দে ।

আজ্জার হৈল দেশ কেউর না পরাণ বাজে ॥

হাওরে চাহিয়া দেখা মাথাত দিয়া হাত ।

সকলের এক চিন্তা কি করে বরাত ॥

—মৈমনসিংহ

শীতলা পূজার গান

যশোহর জিলার রাজঘাট অঞ্চল হইতে সংগৃহীত শীতলা পূজার গান সম্পর্কে স্বর্গত গুরু সদয় দত্ত (প্রবাসী, কাতিক, ১৩৪০ সনে) লিখিয়াছেন, ‘যেদিন শীতলার পূজা হবে, তার তিন বা পাঁচ কিংবা সাত দিন আগে থেকে যে গৃহস্থ মানত করেছেন, তিনি অধিবাসের আয়োজন করেন। পাড়ার বয়স্কা মেয়েদের এই উপলক্ষে নিমন্ত্রণ করা হয়। মানতকারিণী সে দিন উপবাসে থাকেন। মেয়েরা সমবেত হলে উলুধনি সহকারে সকলে ঘাটে যান। মানতকারিণী কুলার উপর একটি পিতলের ঘট রেখে ঘট ও কুলা মাথায় করে জলে ডুব দেন। ঐ জল ভরা ঘট ও কুলা ঘাট থেকে মাথায় করে এনে ঘরের মধ্যে ঘটস্থাপনা করেন। তারপর সমবেত মেয়েরা সেই ঘরের মধ্যে সমস্ত রাত্রি জাগরণ করেন। জাগরণের সময় সমষ্টি-গীত হয়ে থাকে। প্রথমে হয় বন্দনা গান—’

প্রথমে বন্দিলাম আমি শ্রীগুরুর চরণ

—আমার মানেক ও ধন, আমার, আসরে কর রে আগমন।

তারপরে বন্দিলাম আমি শ্রীহরির চরণ—’ইত্যাদি। —যশোহর

শীতালং শাহের গান

সুফী সাধক শীতালং শাহ শ্রীহট্ট জিলার অধিবাসী ছিলেন। তাঁহার বহু গান সেই অঞ্চলের লোকের মুখে মুখে আজিও প্রচলিত আছে। তিনি বহু মারফতি বা ভক্তিমূলক এবং মুশিখা বা গুরুবাদী গানের রচয়িতা। ব্যক্তি-বিশেষের রচনা হইলেও ইহারা বহুল প্রচারের জন্য লৌকিক স্তরে নামিয়া আসিয়াছে। ইহারা বর্তমানে লোক-সঙ্গীতেরই অন্তর্ভুক্ত।

১

দেখ তোার সুয়ামী পদে দিয়া মন, নারীগণ ;

দেখ তোার সুয়ামী পদে দিয়া মন ॥

ভাগ্যমতী সেই নারী তারার চরকায় বসতি,

ও তারা অতি ভাগ্যমতী, হায় হায় ।

ওরে চরকার সনে তাল কাটিয়া
 নাল কাটিও অলুক্ষণ, নারীগণ ॥
 নারীর সঙ্গতি গীত চরকা আর স্ফায়ী ।
 ও তারা ভজে দিবামামী, হায় হায় ।
 ওরে চরকার তালে হা হু জপি,
 পাইয়া বসে স্ফায়ীর মন নারীগণ ॥
 শীতালং ফকিরে কয় সূতা বড় ধন,
 সূতায় গাঁথা যায় রতন, হায় হায় !
 ওরে চরকা হৈতে মন ছাড়াইলে
 সূতা কাটে টনাটন, নারীগণ ॥
 দেখ তোর স্ফায়ী পদে দিয়া মন ॥

—ত্রিহট

শীতলা মঙ্গল গান

বসন্ত বোগের অধিষ্ঠাত্রী দেবীর নাম শীতলা । তাঁহার মাহাত্ম্য প্রচার করিয়া যে আখ্যায়িকা-গীতি রচিত হইয়াছে, তাহাই শীতলা মঙ্গল গান নামে পরিচিত । মেদিনীপুর অঞ্চলের কয়েকজন কবি শীতলার মাহাত্ম্য বর্ণনা করিয়া লিখিত ভাবে কয়েকটি পাঁচালী রচনা করিয়াছেন, তাহা শীতলা মঙ্গল গান নামে পরিচিত । তাহাতে শীতলার উৎপত্তি সম্পর্কে বলা হইয়াছে—

১

করিল পুত্রোষ্টি যজ্ঞ নহুয বাজন ।
 কত মূনি ঋষি আইল কে করে গণন ॥
 নিবিস্নে করিয়া যজ্ঞ দিলেক আছতি ।
 হইলেক পূর্ণ যজ্ঞ শাস্ত্র মতি ॥
 যজ্ঞপূর্ণে নিভাইল যজ্ঞের অনল ।
 তাহে জনমিল এক কণা সমুজ্জল ॥
 মন্তুকে ধরিয়া কুলা বাহির হইল ।
 দেখি প্রজাপতি তারে যত্নে সুধাইলা ॥
 কে তুমি স্তন্দরী কণা কাহার গৃহিণী ।
 কি হেতু অগ্নিতে ছিলা কহ সে কাহিনী ॥

দেবী কন, অগ্নিকুণ্ডে মম জন্ম হইল ।
 কোথা যাই কি করিব পরাণ বিকল ॥
 জীবন করিয়া ত্রাণা কহিলা বচন ।
 যজ্ঞ শীতলের কালে তোমার জন্ম ॥
 সেহেতু শীতলা নাম তোমার হইল ।
 মম বাক্যে বাহ তুমি শীঘ্র ভ্রমণল ॥

শীতলা দেবীর কাহিনীটি উড়িষ্যা হইতে বাংলাদেশে আসিয়া প্রচারিত হইয়াছে বলিয়া জনশ্রুতি প্রচলিত আছে—

২

শীতলার জাগরণ পালা বঙ্গভাষায় ।
 নাহি ছিল কোন দেশে স্মৃশ্চলায় ॥
 অনেকের ইচ্ছা দেখে মনেতে ভাবিয়া ।
 উড়িষ্যা হইতে পুঁথি আনি মাঙ্গাইয়া ॥
 উড়িষ্যায় লিখেছিল দ্বিজ নিত্যানন্দ ।
 নানাবিধ কবিতায় করিয়া স্ফুন্দ ॥
 দেখিয়া সন্তুষ্ট চিত্তে ব্যয় করি অর্থ ।
 বাঙ্গালা ভাষায় দিলাম করিবারে অর্থ ॥
 শিবনারায়ণ সিংহ উড়িষ্যায় নিপুণ ।
 গীতছন্দে এই পুঁথি এই করিল রচন ॥

শীলাদেবীর পালাগান

কলিকাতা বিশ্ববিদ্যালয় হইতে প্রকাশিত ‘পূর্ববঙ্গ গীতিকা’র চতুর্থ খণ্ড, ২য় সংখ্যায় ‘শীলা দেবী’ নামে একটি পালাগান মুদ্রিত হইয়াছে। ইহা জিপুরা জিলা হইতে সংগৃহীত। কাহিনীর নায়ক এক মুণ্ডা জাতীয় লোক। অরণ্যচারী নিরাশ্রয় মুণ্ডা একবার এক বামুন রাজার দেশে আসিয়া উপস্থিত হইল। সেখানে সে আশ্রয় পাইল। সে রাজার কতোয়াল নিযুক্ত হইল। রাজার শীলা নামে এক পরমা সুন্দরী কন্যা ছিল। কন্যার জন্ম রাজা পাণ্ড সন্ধান করিতে লাগিলেন। একদিন মুণ্ডা রাজ দরবারে আসিয়া রাজার নিকট রাজ কন্যার পাণি-প্রার্থনা করিল। শুনিয়া রাজা ক্রোধে উন্নত হইয়া গিয়া তাহাকে

কারাগারে বন্দী করিলেন। রাত্রিযোগে কারাগার ভাঙ্গিয়া জঙ্গলী মুণ্ডা জঙ্গলে পলাইয়া গেল। তারপর দলবল সংগ্রহ করিয়া কিছুকাল পর আসিয়া বামুন-রাজার প্রাসাদ আক্রমণ করিল। রাজা পলাইয়া গেলেন। প্রতিবেশী এক রাজার রাজধানীতে গিয়া আশ্রয় লইলেন। সেই রাজ্যের রাজপুত্র শীলার নিকট আশ্রয়নিবেদন করিল। কিন্তু রাজকন্যা শীলা বলিল, আমার পিতা প্রতিজ্ঞা করিয়াছিলেন, মুণ্ডাকে যে বাঁধিয়া আনিতে পারিবে, তাহার নিকটই তিনি আমাকে বিবাহ দিবেন। রাজপুত্র মুণ্ডার বিরুদ্ধে যুদ্ধযাত্রা করিল। মুণ্ডাকে পরাজিত করিয়া স্বদেশে ফিরিয়া আসিল। তাহাদের বিবাহের আয়োজন হইল, কিন্তু বিবাহের রাতে মুণ্ডা দলবল সহ রাজপুরী আক্রমণ করিল। রাজকুমারকে তীর বিদ্ধ করিয়া বধ করিল। বামুন রাজা এইবার ত্রিপুরারাজের শরণাপন্ন হইলেন। ত্রিপুরারাজ সৈন্ত সামন্ত দিয়া তাহাকে সাহায্য করিলেন। মুণ্ডা পরাজিত হইয়া প্রাণদণ্ডে দণ্ডিত হইল।

শীলাদেবী পালাগানের প্রথমংশ এই প্রকার—

বাড়ী নাই ঘর নাই জঙ্গল্য মুণ্ডা রে ফিরে দেশে দেশে।

দৈবেত আনিল তারর ভালা বামুন রাজার দেশে রে ॥

দুহুনা জঙ্গল্য মুণ্ডারে—

মাও নাই বাপ নাই জঙ্গল্য মুণ্ডারে ফিরে বাড়ী বাড়ী।

দৈবেত আনিল তারর ভালা বামুন রাজার বাড়ী রে,

দারুণ জঙ্গল্য মুণ্ডারে।

জঙ্গলেতে জনম মুণ্ডারে, জাতিত জঙ্গলিয়া।

দরবারে খাড়াইল মুণ্ডা ছেলাম ত জানাইয়া রে।

শোক-সঙ্গীত

ইংরেজিতে যাহাকে Funeral song বলে, বাংলায়ও সেই জেগীর গান প্রচলিত আছে, ইহা সাধারণত শ্মশান-যাত্রার সময় গাওয়া হয়—

১

কত সাধের বিয়ে বউ গেল মরে

মরণকালে কিছু বলে গেল না।

বউ-এর মাথা বাঁধা দড়ি যায় গড়াগড়ি
 তুলে লিতে মন সরে না ।
 বউএর হাতে চুড়ি ভেঙ্গে দিত মুড়ি
 তাইত' গো মন সরে না । —বেলপাহাড়ী (ঝাড়গ্রাম)

২

সারাদিন কাটিবে স্নাতা রাইত কাটাইব তালে মালে
 বুঝিবে মরণকালে,
 মা কান্দে হিতানে বসি বন্ধু পাশাপাশি,
 ঘরের রমণী কান্দে ঘাইয়ম কোনখানে,
 বুঝিবে মরণকালে ।
 আইব শমন লইব টানি হাত মারিব নিজ কপালে,
 ও ভাই বুঝিবে মরণকালে ॥ —চট্টগ্রাম

৩

ওরে গোলাপ গাছের ফুল,
 ডালপাতা মোর জমিনে নিল দরিয়ার কুল ।
 ওরে গোলাপ গাছের ফুল ।
 মকাত্তে গাছের গোড়া মদিনাতে মূল ।
 ওরে গোলাপ গাছের ফুল,
 গাছের আদম স্মৃত পাতার নাম রুসুল ।
 ডালপাতা মোর জমিনে নিল দরিয়ার কুল
 ওরে গোলাপ গাছের ফুল ॥ —বেলপাহাড়ী

৪

আশানমাত্র নাম, আশান বড় স্থখের স্থান
 আশানে স্থখ হুংখ সকলি সমান ।
 আশানেতে গেলে থাকে না যাতনা
 সেইত আশান সাধনের স্থান যে
 আশানেতে নাই মান অভিমান, এই যে দেখিছ উচু নীচ ভাব,
 আশানেতে গেলে হবে সমভাব ।
 ব্রাহ্মণ চণ্ডালে হবে সমভাব আশান ধামের এমন গুণ রে ।

সেই শ্রাশান ভূমি শাস্তির আগার,
 শ্রাশানেতে কবে যাবে মন আমার ।
 এই ভব-জালা সহ হয় না, আর বল শ্রাশানেতে কবে করিবে গমন ।
 আমি কৃষ্ণময় জগৎ দেখি ।
 কৃষ্ণ মূল শাখা শিথিপুচ্ছ শাখা
 কৃষ্ণ রূপে মাখামাখি ।

—বাঁশপাহাড়ী (ঝাড়গ্রাম)

শোলোক গান

পুরুলিয়া জিলার কুইলাপালের নিকটবর্তী এক গ্রাম হইতে ১৯৬৭ সনে সংগৃহীত এক জেগীর গান শোলোক গান বলিয়া উল্লেখিত হইয়াছে । কেন যে ইহাদের এই নাম, তাহা বুঝিতে পারা যায় না ।

১

সরু ধুতি পরিতে নারি বাঁধিব মাথার কেশে
 এত পীরিতি চমৎকার ।
 ফুলে ফলে কত ভেঙ্গেছে ডাল
 হেদে হে নাগর, ডালিম নাগর, আমাদের পাড়া যাবে,
 ডসর ডালিম তুলে দিব ছাদে বসে বসে থাকে ।

—লাইলামডি (পুরুলিয়া)

২

কুয়াতে পড়িল ঝারি তুলতে নারি ও কুলবালা,
 পীরিতি ভাব জান ত, আসবে দুবেলা ।
 আসবে যাবে সাবধানে, পাড়ার লোক না জানে,
 পাড়ার লোকে দিচ্ছে পাহারা, কেউ না পড়ে ধরা ।
 আক বাড়ীয়ে গাঁদার গুহুর ছোলা বাড়িয়ে কে রে,
 দিদির ভাতার গোরাচাঁদ ধরা পড়েছে ।
 আর মার না আর ধর না পায়ে দিও না বেড়ি,
 কাটনা কাটি শোধব আমি চৌকিদারের কড়ি ।

—ঐ

৩

তালগাছটি এড়িবেড়ি নাম দিয়েছে ঢাকাই শাড়ী,
শিশিরে ভিজল শাড়ী আজ তুমাকে ছাড়াছাড়ি । —ঐ

৪

অগ্গে দিব সগ্গে দিব সজ্জে শুব না,
কথা কইব কি ওরে গায়ের গয়না না হলে ।
পান খায়েছি বল খেলেছি দাঁত করেছি ছোলা,
বন্ধুর লাগে হার গেঁথেছি কুড়চি ফুলের মালা । —ঐ

৫

ধনে লারচার কর, কল্লে, হাতে পাকা পান,
বুকেরি ডালিম দুটি বামুনকে কর দান ।
কি বললে, বামুন ঠাকুর, তোমার কথাই মানে,
বার বছর বিব্যা হল সোয়ামিনে জানি না । —ঐ

৬

তালগাছে লাল গামছা কদমগাছে বুড়ি,
ছোট ঠাকুরের ঠমক দেখি, মনে হয়, এমনি ভাতার করি । —ঐ

৭

জলের ভিতর মুড়ন গাছটি ভোমরে বিঁধেছে,
এমন সুন্দর গায়ে বেথ (ব্যথা) দিয়েছে । —ঐ

৮

জোড় পাতটি লড়েচড়ে, দিদির ভাতার গয়না গড়ে,
আমার ভাতার লক্ষীছাড়া, খনে খনে যায় টেমনি পাড়া,
টেমনি পাড়ায় কি কর, গামছা পেড়ে তামশা কর
তাইতে পাশা বনবন করে । —ঐ

৯

উত্তর দিকে কলাগাছটি পশ্চিমদিকে মোছা,
আমার বঁধু দাঁড়াই আছে সরু ধুতির খোঁছা ।
সরু ধুতির খোঁছায় ধরব মানবাজারের শ্রাম । —ঐ

১০

তেরে কেটে কি চাবিকাঠি
লাইলামভির মাইয়া বটি স্থলটি বন্দ,
কাঁচি ডালিমে হাত দিও না, তের টাকা দন্ড । —ঐ

১১

সইদাপুরের ময়দা বঁধু, বাগবাজারের ঘি,
আমি লুচি ছেকেছি ।
কাগ্কে বগ্কে দিব তোমায় দেব না,
টাকা লিব কথা কইব সঙ্গে শুব না । —ঐ

১২

ভাতার ভাতার পুই পাতা, ও ভাতার তুই শুস কোথা,
আসবে খানেক রাত করে, ডালিম বিছাই যুত করে,
আমার ডালিমে হাত দিও না, তিরিশ টাকা দন্ড ।
ডালিম ভেঙ্গে যাবে গো রট করে.
গড়তে লারবে সট করে । —ঐ

১৩

কপাটের টিকটিকিটি না খেলা, সে ত সব মোজার বেলা,
এক বালিশে দু মাথা,
আলো জ্বলে পান খাও কোথা ।
উচ্চ পাতা তারে গাঁথা তারে বিছানা,
আমি পুস্কারা পাখি আমি কেমনে রাখি । —ঐ

১৪

ও নাগ, মারিস না মরে যাব হে,
বাঁচে থাকলে কোল ভরে শুব হে,
ধাইরাইয়া যাব শশুর ঘরে ইস্তফা দিব হে । —ঐ

১৫

কালো জলে কুঁচলা তলে ডুবলো সনাতন,
কোথা গিছেলো সোনার ধন ।
আজ সারাদিন কাল সারাদিন পাইনি দরশন ॥

জ্যোন্ত জোড়া খুজখুজানি বিরি কলাইর ডাল,
কোথা গিছেলে, বঁধু, কাল।
তোমার ঢেমনে দিচ্ছে গাল, দেখ ঢেমনে গাল,
আমি বুঝাই দিব গাল।

—ঐ

১৬

আঠারোটা বেটা রোতে আরো খুঁজো পাটরাণী,
কাশীপুরের রাজা তুমি নামটি তোমার লালমণি।

—ঐ

১৭

হায়সলিক (হেসেল) ঘরে টিকটিকি,
হাত বাড়ালে কালা রে, পা নামা যেমন সিকিটি।
আম পেড়ে দে ভালবাসা পা নামা জল খাবার মত,
নদী ধারে আন রতন (বাগান)
আম পাড়বে কালা রে, পা নামা জল খাবার মত।

—ঐ

১৮

যা বলছে বলুক লোকে, ঘরের দেওর পরের কি,
সঙ্গে শোবার লজ্জা কি, ঘরের দেওর পরের কি।

—ঐ

১৯

কাটাশ পারে বাংলা পান, পুরুষ হয়ে তুমি কর মান,
মান করেছ বেশ করেছ।
তোমার মত মলিন ছোকড়া, মিলায়ে নেব রাস্তাতে।

—ঐ

২০

তলি তলাতে তরুলতা, চোখ ঠারঠারি কিসের,
টাকা দিয়ে পরব শাঁখা, পিরিত রাখিব চিরকাল,
গোল মরিচের ঝোল।

—ঐ

২১

তাল তলাতে নাগের বাড়ী, নাগ দিল ঢাকাই শাড়ী,
শিশিরে ভিজিল শাড়ী, আজ নিলাম ছাড়াছাড়ি।

—ঐ

২২

ভালবাসায় বলেছিল রেট গড়ায়ে দেব,
তোমার সঙ্গে ভাব নাই রেট কেন লেব। —ঐ

২৩

চাবি গো চাবি, কলকাতায় নাচতে যাবি,
একশ টাকা বেতন পাবি। —ঐ

২৪

খেজুর গাছে কাজল লতা, কিছু কি দিয়া রেখেছ,
হাতে পায়ে জল শুকাই নাই আবার এসেছ। —ঐ

শ্রীকৃষ্ণকীর্তন

বাসলী সেবক অনন্ত বড় চণ্ডীদাসের ভণিতায়ুক্ত একখানি প্রাচীন পুথি ঝাঁকুড়া জিলা হইতে আবিষ্কৃত হইয়া বঙ্গীয় সাহিত্য পরিষৎ হইতে ‘শ্রীকৃষ্ণকীর্তন’ নামে প্রকাশিত হইয়াছে। ইহা খ্রীষ্টীয় চতুর্দশ শতাব্দীর রচনা বলিয়া পণ্ডিতগণ অল্পমান করিয়াছেন। ভাষা এবং লিপির প্রাচীনতা হইতেই পণ্ডিত দিগের মধ্যে এই ধরনের সৃষ্টি হইয়াছে। ইহা হইতে মনে হয়, পদাবলী রচয়িতা দ্বিজ চণ্ডীদাসের তিনি পূর্ববর্তী কবি। সম্ভবত চৈতন্যদেব ইহারই পদ আশ্বাদন করিয়াছিলেন বলিয়া তাঁহার জীবনীকারগণ উল্লেখ করিয়াছেন। কিন্তু প্রকৃতপক্ষে ইহা একখানি প্রাচীন কৃষ্ণযাত্রার পুঁথি। ইহাতে আধুনিকতম কাল পর্যন্ত ঝাঁকুড়া জিলার বিভিন্ন গ্রামাঞ্চলে প্রচলিত কৃষ্ণযাত্রারই মত তিনটি চরিত্র আছে—শ্রীকৃষ্ণ, রাধা এবং বড়াই। ইহাদের গীতি সংলাপের মধ্য দিয়া কাহিনী অগ্রসর হইয়া গিয়াছে। স্মরণ্য ইহাই মনে হওয়া স্বাভাবিক যে, ইহা লোক-নাট্যের (folk drama) একটি অতি প্রাচীন নিদর্শন। তবে ইহা লিখিত হইয়াছিল, এই পর্যন্তই। লিখিত হওয়া সত্ত্বেও ইহার লৌকিক গুণ যে ক্ষুণ্ণ হইয়াছিল তাহা নহে। তবে ইহার সম্পর্কে একটি কথা আছে। শ্রীকৃষ্ণের জন্ম হইতে শ্রীরাধার বিরহ পর্যন্ত ঘটনা ইহাতে বর্ণিত হইয়াছে। লৌকিক উপাদানই এই বর্ণনায় প্রাধান্য লাভ করিয়াছে এ’ কথাও সত্য; তথাপি দেখা যায় যে, ইহার মধ্যে মধ্যে কবি তাঁহার স্বরচিত সংস্কৃত শ্লোক বোগ করিয়াছেন এবং গীত-গোবিন্দের কয়েকটি পদের অল্পবাদ ইহার অন্তর্নিবিষ্ট

করিয়া দিয়াছেন। ইহাতে ইহার লৌকিক গুণ ক্ষুণ্ণ হইয়াছে বলিয়া মনে হইতে পারে। তারপর ইহাতে বড় চণ্ডীদাসের যে ভণিতা যুক্ত হইয়াছে, তাহাও লোক-সাহিত্যের রীতি বিরুদ্ধ। সুতরাং লোক-সাহিত্য বলিয়া ইহা কতদূর গৃহীত হইবার যোগ্য ?

চৈতন্য পূর্ববর্তী কৃষ্ণপ্রসঙ্গে সমাজের সাধারণ স্তরে ইহার লৌকিক উপাদানই প্রাধান্য লাভ করিয়াছিল একথা সত্য। তবে ইহাও স্বীকার করিতে হয়, জয়দেব তাঁহার গীতিগোবিন্দ কাব্যে লৌকিক উপকরণকে প্রাধান্য দেন নাই। রাধার উল্লেখ তাহাতে থাকিলেও মূলত কাহিনীতে শ্রীমদ্ভাগবতেরই ধারা অনুসরণ করা হইয়াছে। গীতি-গোবিন্দ রচনার দুই শতাব্দী ব্যবধানে রচিত হইয়া শ্রীকৃষ্ণকীর্তনের মধ্যে যে লৌকিক উপকরণের এত আধিক্য দেখা গেল, তাহার কারণ কি ? মনে হয়, লৌকিক স্তরে এই দেশের সাধারণ জন-সমাজের মধ্যে যে সকল প্রেম-কাহিনী প্রচলিত ছিল, তাহা নব প্রবর্তিত রাধাকৃষ্ণের প্রেম-প্রসঙ্গ অবলম্বন করিয়া একটি কেন্দ্রীয় ঐক্য সূত্রে বিধৃত হইবার ইহাতে স্বযোগ লাভ করিয়াছিল। যদি তাহাই হয়, তবে ইহা লোক-সঙ্গীতের অন্তর্ভুক্ত হইতে কোন বাধা নাই। সংস্কৃত শ্লোকগুলি ইহার লোক-সাহিত্য হইবার পক্ষে কোন অন্তরায় সৃষ্টি করিতে পারে নাই ; কারণ, ইহার কাহিনীর অন্তর্নিবিষ্ট হইতে পারে নাই। বিচ্ছিন্ন ভাবেই কাহিনীর মধ্যে ইতস্ততঃ বিক্ষিপ্ত হইয়া আছে। লৌকিক কাহিনীকে একটি পৌরাণিক আভিজাত্য দিবার প্রয়াসে ইহাদিগকে ইহার অন্তর্ভুক্ত করা হইয়াছে, ইহা ব্যতীত ইহাদের আর কোন উদ্দেশ্য নাই।

তারপর ভণিতার কথা বিচার করিলেও দেখা যায়, অনেক সময় রচনায় ভণিতা থাকিলেই তাহা লোক-সাহিত্যের ক্ষেত্র হইতে বিচ্যুত পারে না। কারণ, রচনার মধ্যে ব্যক্তি প্রতিভার কোন স্পষ্ট স্বাক্ষর যদি অনুভূত না হয়, তবে ভণিতা থাকিলেই তাহা লোক-সাহিত্য হইবার পক্ষে কোন বাধা হয় না। এখানেও দেখা যায়, প্রচলিত একটি রচনা ছীতি এবং ভাব-ধারা অনুসরণ করিয়াই অনন্ত বড় চণ্ডীদাস নামক কোন ব্যক্তি পদগুলি লিখিয়াছিলেন ; সমাজের মুখ চাহিয়াই ইহা রচনা করিয়াছিলেন বলিয়াই ইহা সামগ্রিক ভাবে সমাজের সাহিত্য রূপে গৃহীত হইয়াছিল। তারপর চৈতন্যদেবের আবির্ভাবের পর সমাজে ক্রটির পরিবর্তন হইয়াছে ; সেইজন্য সমাজ ইহা আর রক্ষা করিতে

পারে নাই : কিছু কিছু শোধন করিয়া পরবর্তী কালেও গ্রহণ করিয়াছে ; অধিকাংশ অংশই পরিত্যাগ করিয়াছে । সেইজন্ত পুঁথিখানি যোড়ীয় বৈষ্ণব সমাজে স্থান পায় নাই । কিন্তু লোক-সমাজে যে ইহার ধারা অব্যাহত ছিল, তাহা ইহার বিভিন্ন অংশ যে ভাব সংগৃহীত হইয়াছে, তাহা হইতে বুঝিতে পারা যায় । জয়দেবের গীত-গোবিন্দের অনুবাদ কোন কোন স্থানে যে ইহার অন্তর্নিবিষ্ট হইয়াছে, তাহাতে কি ইহার লৌকিক ধর্ম বিনষ্ট হইয়াছে ? তাহাও মনে করা যাইতে পারে না । কারণ, জয়দেবের অনুবাদ ইহাতে দুইদিক হইতে আসিতে পারে । প্রথমত প্রচলিত একটি মত এই যে, জয়দেব তাহার ‘গীত-গোবিন্দ’ দেশীয় ভাষায় প্রথমে রচনা করিয়াছিলেন, পরে লক্ষণসেনের রাজসভার প্রভাব বশত সংস্কৃত অনুবাদ করিয়াছেন । যদি তাহাই হয়, তবে শ্রীকৃষ্ণকীর্তনে প্রাপ্ত গীতগোবিন্দের দেশীয় ভাষার পদগুলি লোকমুখে প্রচারের ভিতর দিয়া আসিয়াছে । নতুবা ইহাকে একটি বহিমুখী আভিজাত্য দিবার জন্ত গীতগোবিন্দের কয়েকটি শ্লোকের বাংলা অনুবাদ ইহার অন্তর্নিবিষ্ট হইয়াছে । বিশেষত অনুবাদগুলি কাহিনীর ধারায় যে এবিচ্ছেদ হইয়া আছে, তাহা স্বীকার করিতে পারা যায় না । মনে হয়, একটি প্রাচীন প্রচলিত কৃষ্ণযাত্রাকে ইহাতে অনন্ত বড়ু চণ্ডীদাস নামক কোন ব্যক্তি লিখিতভাবে কৃষ্ণযাত্রার একটি নূতন রূপ দিয়াছিলেন । ভাগবত বহির্ভূত যে সকল কাহিনী ইহাতে বর্ণিত হইয়াছে, তাহা লৌকিক-স্তর হইতেই উদ্ভূত হইয়াছিল । তখন লোক মুখে মুখে এই সকল বিভিন্ন কাহিনী প্রচলিত ছিল । অনন্ত বড়ু চণ্ডীদাস বিচ্ছিন্ন লৌকিক কাহিনীগুলিকে একসূত্রে গাঁথিয়া দিয়া মালাকারের কাজ করিয়াছেন মাত্র । সুতরাং ইহাকে বাংলার কৃষ্ণযাত্রার প্রাচীনতম নিদর্শন বলিয়া গ্রহণ করা যাইতে পারে ।

‘শ্রীকৃষ্ণকীর্তন’ পুঁথিটি নিম্নলিখিতভাবে বিভিন্ন খণ্ডে বিভক্ত :

জন্ম খণ্ড, তাম্বুল খণ্ড, দান খণ্ড, নৌকাখণ্ড, ভার খণ্ড, চত্র খণ্ড, বৃন্দাবন খণ্ড, কালিয়া দমন খণ্ড, যমুনা খণ্ড, হার খণ্ড, বালখণ্ড, বংশীখণ্ড, রাধাবিরহ । ইহাতে একমাত্র জন্মখণ্ড বাতীত শ্রীমদ্ভাগবতের ঐতিহ্য আর কোথাও গৃহীত হয় নাই । জন্মখণ্ডের মধ্যেও লৌকিক উপাদান প্রাধান্য লাভ করিয়াছে । সুতরাং ইহাতে গীতগোবিন্দের ধারাও অনুসরণ করা হয় নাই । উপরোক্ত খণ্ডগুলির প্রত্যেকটি এক একটি মূলতঃ লৌকিক স্বাধীন প্রেমকাহিনী ছিল, কালক্রমে

নায়ক-নায়িকার স্থলে রাধাকৃষ্ণের নাম গৃহীত হইবার ফলে কাহিনী একনৃত্তে গ্রথিত হইয়াছে। ইহার ভাষা খৃষ্টীয় চতুর্দশ শতাব্দীর রাঢ়ের ভাষা বলিয়া স্বীকৃত হইয়াছে। বাংলার লোকগীতির ভাষার প্রাচীনতম নিদর্শন রূপে এখানে তাহা হইতে কিছু উদ্ধৃত করা যায়—

১

দধি দুধে পসার সজা আঁ।
 নেত বাস ওহাড়ন দিআঁ ॥ ল রাধা ॥
 সব সখি জন মেলি রঞ্জে।
 এক চিত্তে বড়ায়ির সঙ্গে ॥ ল রাধা ॥
 নিতি জাএ সর্বাক সুন্দরী।
 বন পথে মথুরা নগরী। ল রাধা ॥ ৫ ॥
 একদিনে মনের উল্লাসে।
 সখি সমে রস পরিহাসে ॥
 আগু গেলি মত্তর গমনে।
 বড়ায়িক না করি যতনে ॥
 বকুল তলাত গোআলী।
 বড়ায়ির পশ্চ নেহালী ॥
 বসিলী মাথাতে দিআঁ হাথে।
 বড়ায়ি চলিলী আন পথে ॥
 রাধিকা গুণিআঁ মনে মনে।
 বড়াইর বিলম্ব কারণে ॥
 বন মাঝে পাইল তরাসে।
 গাইল বড়ু চণ্ডীদাসে ॥

—(তাহুল খণ্ড)

রাধাকৃষ্ণ প্রসঙ্গের লৌকিক ধারা যাহা হইতে ‘শ্রীকৃষ্ণকীর্তন’র জন্ম হইয়াছে, তাহা যে আজ পর্যন্ত বাংলার লোক-সঙ্গীতে সজীব রহিয়াছে, নিম্নোক্ত পদগুলি তাহার প্রমাণ।

দধি বিক্র ছলে যান শ্রাম-গরবিণী,
 কৃষ্ণ-দরশনে যায় সঙ্গেতে গোপিনী।

কমলিনী চলিলেন মথুরার হাটে,
 নাবিক হয়েছেন কৃষ্ণ যমুনার ঘাটে ।
 সন্ধেতে বড়াই ছিল কাজে বড় পাকা,
 নাবিক ও'পার বুঝি ঐ যায় দেখা ।
 নাবিক বলিয়া ডাক দিল যত সখী,
 ত্বরায় আনিল তরী শ্রাম কমল-আঁখি ।
 কে গো তোমরা কোথা যাবে কাহার রমণী,
 পরিচয় দাও মোরে সবিশেষ শুনি ।
 পরিচয় পেয়ে ছল করেন কমল-আঁখি ।
 ঢাকা খুল বসন তুল পসরায় কি দেখি ।
 ললিতা বলেন, ইত বড় মজার কথা,
 কড়ি দিয়ে পারে যাব দেখাই কি কাজ ।
 ললিতা বলেন, ইত বড় মজার কথা,
 দধি ছানা না বিচালে কড়ি পার কোথা ।
 আসিবার কালে তুমি যত কড়ি চাও,
 হাট বেলা বয়ি যায় পার করে দাও ।
 শ্রীকৃষ্ণ বলেন, ক্ষতি নাইকো স্তন্দরী,
 কেমনে হব যে পার অতি জীর্ণ তরী ।
 একে একে পার যদি হইতে পার সবে,
 ভাঙ্গা নায়ে পার আমি করে দিব তবে ।
 স্বীকার করিয়া গোপী চাপিলেন নায়,
 পরথম থেয়াতে রাধা বিনোদিনী যায় ।
 মাঝেতে লাগাইয়া তরী রঙ্গ করেন হরি,
 তরঙ্গ হইল বড় সামলাইতে নারী ।
 গোর অঙ্গে নীল শাড়ী পরেছ বড়াই,
 সাজিল দারুণ মেঘ তাই তো ডরাই ।
 খুলহ আছে যত অঙ্গের অলঙ্কার,
 কাল অঙ্গ ভারে তোমার তরী ডুবে যায় ।

ধীরে ধীরে খুলে রাধা অঙ্গের ভূষণ,
 হাসছেন রসিক কৃষ্ণ মুরলীবদন ।
 নীল শাড়ী খুলে আমি তাই নাহি দায়,
 কাল অঙ্গের ভারে তোমার তরী ডুবে যায় ।
 শ্রীকৃষ্ণ বলেন, মেঘ ধরেছে উত্তরে,
 ঐ মেঘের তরে জল হইলেও হৈতে পারে ।
 এমন সময়ে জল ঝড় বৃষ্টি হৈল,
 ছলকে ছলকে জল নোকায় উঠিল ।
 অকুল মাঝারে কাল ডুবাইল তরী,
 শ্রাম চাঁদ রাই চাঁদ যমুনার মাঝে,
 নীল পদ্ম লাল পদ্ম, আ মরি কি সাজে !
 জললীলা সাজ কর ত্রিভঙ্গ কানাই,
 মাথাতে ঢালিব দধি এস হে নাগর ।
 বড়াইয়ের করে রাণী করে সমর্পণ,
 এই মতে লীলা করে ব্রজের নন্দন ॥

—বাঁশপাহাড়ী (মেদিনীপুর)

২

একদিন শ্রাম সঙ্গে মনরঞ্জে রঙিনী রাধে,
 হয়ে প্রেমানন্দে মত্ত করির প্রায়
 মাধুর্য প্রেম-লহরী খেলায় ।
 সঙ্গে পূর্ণমাসী ভগবতী নিত্যলীলা
 করে যার সহায় ।

তখন সঙ্গিনী গণে বলে আমার সব আশা হইল নিরাশ । —ঐ

৩

তখন হয় কেমন রাই সঙ্গে শ্রাম অঙ্গেতে মিলন ।
 ঐরূপ তাড়িত জড়িত যেন উজ্জল বিদ্যুত বরণ ।
 হেরে মন হয় উতল। কুচিন্দু কিরণ
 ঐরূপে দেখিতে দেখিতে হইল হরিত বরণ ।
 ও-বে দশভুজা এক নারী বাঁকা ত্রিনয়ন ।

তাহার দশ করে অসিধরে সিংহপৃষ্ঠে হয় আরোহণ ।
 সাজিলেন শ্রাম হৈমবতী সঙ্গে লক্ষ্মী সরস্বতী বামে গজানন ।
 তাতে প্রবৃত্তি নিবৃত্তি পেয়ে রাই করে সাধ্য সাধন ।
 তখন বৃন্দে কয় একি সাজ সাজলে রসময়—
 তুমি অনাদি অনিত্য প্রভু জগৎ বিভূ বিশ্বময় ।
 হায় পুরুষ-প্রকৃতি এমন কেশ কোথায় হয়
 জানি এক ব্রহ্মা দ্বিতীয় নাস্তি শিবশক্তি মিথ্যা নয় ।
 তুমি অখিল পুরুষোত্তম নাহি এ শ্রাম লয় প্রলয় ॥
 সত্যযুগে অবতরে বটপত্র করে আশ্রয়—
 আবার ত্রেতাযুগে রামরূপেতে করিলে দিগ্বিজয় ;
 যেয়ে জনক রাজার লক্ষ্য বিদ্ধ নীতা সাজে পরিণয় ।
 আবার দ্বাপরেতে বৃন্দাবনে শ্রীমন্দের তনয় ।
 একদিন কৃষ্ণকালি বনমালি হয়েছিল আয়ন ভয়
 আজ কার ভয়ে প্রাণ কালিয়ে এমন ভাব উদয় ।
 হৈয়ে শৈলবাল চিকণকাল কোথা ভোলা মৃত্যুঞ্জয়
 একি সাজ সাজলে রসময় ।

—এ

৪

হরি হে কি লীলা কৈল্লৈ চমৎকার—
 হৈলে যোগেশ্বরী যোগরূপিনী লীলা নিত্যকারিণী
 চম্পকিনী সাক্ষাতে তোমার ।
 নারায়ণ ভয়ে গুণমণি হৈলে শিব সিমস্তিনী
 মহিষমর্দিনী ভীমাকার ।
 সেদিন এক করে অসি ধৈরে নরমুণ্ড মালা পরে
 জীবন ভিক্ষা দিয়েছ রাধার ॥
 অঙ্কুর ভয়ে মনে করি দশ করে অসি ধরি
 গৌরী তীর্থে হইলে অধিষ্ঠান ।
 কোটিকল্প বাহু সিদ্ধি তুমি শক্তি ভক্তি হৃদি আজ
 কিরোরিকি বর পেলে দান ।

যেদিন অনন্ত শয়নে ছিলে কমলিনী পদ সেবিলে
 শ্রীমুখে শ্রাম কৈল অঙ্গীকার ।
 তুমি জন্মিয়ে দৈবকীর ঘরে মা বলিবে যশোধারে
 রাধা হবে প্রেমের ভাণ্ডার ।
 তাতে ত্রিভুজ মুরলী ধরি রাই বলে বাজায় বাঁশরী
 প্রাণ আকুল কইলে গোপিকার ।
 কইরে নিভৃত সঙ্কেত বনে রসকেলী যে যে স্থানে
 মিলাইয়ে রসের প্রেম বাজার ।
 সে সব কথা ভুলে শ্রামরায় দেখাইলে ভোজবাজী
 প্রায় অবলা কি বুঝিবে চাতুরী,
 বল সত্য তত্ত্বকথা, প্রাণে আর দিও না ব্যথা,
 দেখাও শ্রামরূপের মাধুরী ।
 তোমায় যে যে ভাবে ডাকে হরি
 হায়রে প্রিয় ভক্ত জেনে দেও তারে চরণ তরি ।

—ঐ

৫

গেল মথুরাতে অকুরেরই রথে প্রাণনাথ মোর কহিল আই সবে বলে
 আমি জলে মরি তার বিচ্ছেদ অনলে ।
 আমার ফুরাইল আশাব্রত কত কাল হইল আকুল পাথারে
 জন্মের মতন ভাসাইল ॥
 আমার শ্রামচাঁদ বিহনে ও প্রাণে মৈলেম, গো সই,
 আমার মনের দুঃখ কারে বা কই ।
 ছিলেন কৃষ্ণ ধনে ধনী কৃষ্ণ প্রেমে কাঙালিনী,
 ও সোহাগিনী সই ।
 এখন হারিয়ে সেই গুণমণি আমাতে আর আমি নই
 দুঃখ কারে বা কই ।
 কৃষ্ণপ্রেমে মজে যার মন, বিচ্ছেদে তার কষ্ট কেমন,
 ও জানে সেই জন, সই ।
 দিলাম চরণে তার জীবন যৌবন বিচ্ছেদ বেদন কেমন, সই,
 জানি কৃষ্ণ কই ।

—ঐ

হায়রে তোরে বলবো কি, সখি, আমায় ছেড়ে গেছে কমল আঁখি,
 আমার প্রাণ কাঁদে চেয়ে দেখি আছে নীরব হয়ে কোকিল পাখি,
 বৃন্দাবনে শোভা আছে আর বাকী আমি কৃষ্ণ বিনে শূন্য দেখি,
 যদি না পাই সেই কমল আঁখি তবে কাজ কি এই জীবন রাখি !
 এ ব্রজপুরে কেবা প্রেম করে কার বা এমনি হয় ।
 আমি অভাগিনী কৃষ্ণ কলঙ্কিনী ব্রজাঙ্গনা মোরে কয় ।
 আগিলা ঘাটেতে আমি স্নান করি পাছিলা ঘাটেতে নয়
 আমার অঙ্গের জলে পরশ করি সঁাতার বইয়ে যায় ।
 আমার কান্থ বিনে আর কে আছে, আমি দাঁড়াব আর কার কাছে ।
 প্রাণ যায়, সখি, তোরা দে আমায় বিদায় ।
 আমি কৃষ্ণ ত্যাগি হলাম ব্রজে এ সাজে কি সাজে গো আমায়,
 শুনলেম কৃষ্ণধনের ধনী কৃষ্ণপ্রেমের কাঙালিনী জানে গো ধনী ।
 আমার খুলে মাথার বেণী সাজায়ে দেও গঙ্গা মুক্তিকায়,
 আমার কাজ কি মিছে অলঙ্কারে সাজিয়ে দেখাবো কারে খুলে দে দ্বারে ।
 যদি বন্ধু আসে ফিরে যতন করে রাখব রাঙা পায়,
 আমার বন্ধু গেছে যে পথে আমায় নিয়ে চল সে পথে ধর দুই হাতে ।
 যদি পদ চিহ্ন পাই দেখিতে রাখব হৃদয় অন্তরে ।
 আমার মনের দুঃখ কার কাছে জানাব গো বন্ধু বিনে,
 আমার মনের দুঃখে দুঃখী জগতে আর কে আছে গো ।
 আমি ভালোবেসে কার বামে দাঁড়াব, গো সই ।
 কার গলে বা দিব গো বনফুলে কারে বা সাজাবো
 প্রাণে যে মহলেম, গো সই, কৃষ্ণ বিচ্ছেদ দাবানলে ।
 চিত্রপটে রূপ দেখাইয়ে শঠেরে প্রাণ সঁপেছিলাম,
 আসিবে বলে চইলে গেলে ফিরে বন্ধু না আসিল,
 শুইলে স্বপন দেখি জাগিলে না দেখি সখি ॥
 শুন সখিগণ আমার বচন প্রাণ যাওয়ার সময় হইল,
 যমুনার ঘাটে তমালের নিকটে আমারে লইয়া চল ।
 যমুনার মাটি অঙ্গেতে লেপিয়ে কৃষ্ণনাম লিখিগো তায় ।

সর্ব সখি মিলে হরি হরি বলে যখন প্রাণ যায় ।

হরিনাম শুধাইও কর্ণমূলে ।

না ভাসাইও জলে, না পুড়াইও অনলে বেঁধে রেখো তমালের ডালে ।

যখন শিশুকালে ধূলা খেলে আমি প্রাণ সঁপেছি সেই বেলা ।

যদি প্রাণনাথ আমার আগবে ফিরে সবে কইলো তারে,

যেন অস্তিমে স্থান দেয় চরণ কমলে ।

—মুশিদাবাদ

৭

নিরুজ্বল শূন্য কইরে ত্যজ্য কইরল অধমেরে কোথা গেল রাধিকা আমার,

দেখা দাও গো, রাইকিশোরী, নইলে আমি প্রাণে মরি, দাবানলে

জলিতেছে জীবন ।

নইলে ব্রজ ছেড়ে যাব বিষ খেয়ে প্রাণ ত্যজিব তোমার যদি না পাই দরশন,

রাধা আমার প্রেমের গুরু বাঙ্কাসিদ্ধি কল্পতরু জগতগুরু বলে সকলে ;

অন্তর্দ্বয় পরমানন্দ নিত্যস্থিতি চিত্তানন্দ আনন্দ অংশে আহ্লাদিনী বলে ।

স্থান করিয়ে করি ধ্যান মূলমন্ত্র শ্রীরাধার নাম তর্পণ করি রাধাকুণ্ডের জলে ।

হারাইয়ে চিরনিধি সদায় দিবসরজনী প্রাণ আমার কাঁদে রাধা বলে,

গিয়ে রাধার কুঞ্জজলে, প্রাণ ত্যজিব রাধা বলে,

এই যে, বিধুমুখি, আমায় কর স্নখী, আর আমায় দিও না ফাঁকি,

ও দ্বিজকালী কয় পদে রেখো ও বংশীধারী ।

—ঐ

শ্রামাসঙ্গীত

পশ্চিম বাংলায় রামপ্রসাদ সেন এবং পূর্ববাংলায় দ্বিজ রামপ্রসাদের শ্রামা বিষয়ক পদ অল্পসংখ্যক করিয়া পশ্চিম এবং পূর্ব বাংলায় অসংখ্য শ্রামাবিষয়ক পদ রচিত হইয়াছিল । লোক-সঙ্গীতের সাধারণ নিয়মামুযায়ী ইহাদেরও রচয়িতার নাম অজ্ঞাত । কিন্তু তাহা সত্ত্বেও ইহাদের মধ্যে অনেক সময় স্বগভীর ভক্তির স্পর্শ অনুভব করা যায় ।

১

সাংখ্য দর্শনে,

সকলই শক্তির উপাসক শক্তি ছাড়া আছে করে,

মহাকাল মহাকালীর পদতলে আছে পড়ে ।

বৃন্দাবনে নন্দের নন্দন সে ধইরাছে রাধার চরণ,
বল দেখিরে কি আকিঞ্চন অই রমণীর শ্রীচরণে । --মৈমনসিং

২

কালসাপিনীর কোলে ঘুমাও দিবা রজনী ।
মাঝ ঘরে করেছে বাসা তারে জান নি ।
শিবের মাথায় উদয় কাল, কালের মাথায় নন্দলাল,
কেন সাপের ভয় করে না কারণ জান নি ।
সাপের মস্ত্র জানে যারা, সাপিনী নাচায় তারা
পাগল কয় বিষে ধরে না, জাগিলে কুণ্ডলিনী । —ঐ

৩

আত্মশক্তি মহামায়া
কে জানে মা তোর মহিমা ওগো মা মাগো,
তোমার চরণে কোটি নমস্কার গো ওগো মা ।
অসুর জিনিয়ে মাতা, রক্ষা কইলেন দেবতা,
সংহার করিলে মহিষাসুর গো, ওগো মা ।
তুমি গো মা বিশ্বেশ্বরী জগৎ জননী,
তোমার চরণতলে ভোলানাথ গো,
অধম গিরি কাতর প্রাণে ডাকে তোমায় সমাদরে, মাগো,
ওগো অস্তিমকালে চরণে দিও স্থান গো, ওগো মা,
মহিমা কে জানে তোর । —বেলপাহাড়ী (বাড়গ্রাম)

৪

শরণ লইলাম জীবণ মরণে চরণে তোমার শ্রামা মা ।
একবার দেখা দে গো দীন জননী দিন ফুরায়ে যায়, মা ।
আর কিছু ধন চাইনা মা বারেক হেরিতে চাই ।
জনমের সাধ মিটাব জননী কোলে যদি এবার যেতে পাই ।
বিতর তনয়ে করুণা লেশ কর দুঃখ হারা,
দুঃখেরী শেষ আর কত কৃত করমেরি দোষে
মরণ যাতনা সহিব, মা । —মুশিদাবাদ

৫

আর কবে দেখা দিবে, মা, হর মনোরমা ।
 ফুরাইল, মা, ভবের খেলা আই মা আই এই বেলা ।
 দিন দিন তহু ক্ষীণ আঁখি দুটো হয় হীন ।
 এখন না এলি শ্রামা, পরে কি আসবি, মা ।
 আর কবে দেখা দিবে, মা, হর মনোরমা
 খাওয়ায়ে পরায়ে, মা, করেছে বহু যতন, আছ বট,
 জানি শ্রামা দেখিনি, মা, তোরা রূপ কেমন ।
 সম্ভানের চোখে ঠুলি, তুমি দিলে মা কালী ।
 কালী ভেবে হলেম কালী, কালী কি করলি শ্রামা
 আর কবে দেখা দিবে মা, হর মনোরমা ।

—এ

৬

পরমা বৈষ্ণবী তুমি কালী করুণাময়ী ।
 তবে কেন ভালবাস ছাগ ও বলি ॥
 করুণাময়ী পরমা বৈষ্ণবী তুমি ।
 রাজার কুমারী হয়ে কেন বেড়াও নেংটা হয়ে,
 লোক-লাজে দিয়ে জলাঞ্জলি ॥

—এ

৭

মাগো, কেন নেংটা ফের,
 বসন ভূষণ নাই, মা, তোমার রাজার মেয়ে গুমর কর ।
 এই কি গো তোরা কুলের ধর্ম পতির উপরে চরণ ধর ।
 মাগো, কেন নেংটা ফের ।
 আমরা সবাই মরি লাজে একবার, মা গো, বসন পর ।
 মাগো, নেংটা ফের ।

—এ

৮

আ মরি কি লাজের কথা মিনসার উপর মাগী ।
 পদতলে পড়ে আছে অদ্ভুত এক যোগী ।

নয়নে না দেখে চেয়ে সব আছে জ্বব হয়ে ।

এমনি সর্বনাশী মেয়ে লজ্জা সরম ত্যাগী ।

আ মরি, কি লাজের কথা মিনসার উপর মাগী ।

—ঐ

৯

আমার মন-ভ্রমরা বেড়ায় মেতে কালী নামের কমল ছুঁয়ে

কালী কালী জপ কর মন মনের কালী যাবে ধুয়ে ।

কালী আমার নামে কালো, কালী নামে জগত আলো ;

আমার ভক্তি-জবা আপনি ফোটে রাঙা পায়ে পরালে পায়ে ॥

সংসার ভাবনা আমার সঁপেছি ঐ পদে শ্রামার,

যেমন মায়ের কোলে ।

শিশু আনন্দে মার কোলে শুয়ে ॥

—মুর্শিদাবাদ

১০

যে দুখে কাটে গো দিন, মা তারা, যে দুখে কাটে গো দিন ।

দুখ যায় না, দুগ্গে, নানা উপসর্গে পরিবার বর্গে পরিশোধে ঋণ ॥

মনে করি দিব নাটশালাতে তাহা, সর্ব কাণ্ড মূনি সর্ব চণ্ডী মেলা,

হতে চায় না, মাগো, শালপাতার চালা ।

বিষম জ্বালায়ে জ্বালা জুটল কঠিন ।

যে দুখে কাটে গো দিন.....।

মনে করি দিব ঝাড় গেলাসের বাতি,

হতে চায় না, মা, গো প্রদীপে শক্তি ।

কেরোসিনের তেল নিয়ে আলো জ্বলে

লাল ধোঁয়ায় মায়ের বদন মলিন ॥

—বাঁশপাহাড়ী (ঝাড়গ্রাম)

১১

মাইয়ার চরণ ভজ সব ভাই জীবের আর গতি নাই ।

জলে মাইয়া, স্থলে মাইয়া, অনলে অনিলে মাইয়া বহুমতী মাইয়া ;

(হা রে) ব্রাহ্মাণ্ড উজাড়ি মাইয়া দেখি সর্ব ঠাই ॥

মাইয়ার চরণ ভইজে হরে, গঙ্গা রাখলেন জটায় ভরে,

কালী বক্ষোপরে ;

কৃষ্ণ ভজে চরণ ধরে আশ্রয় জ্ঞান কর, গো রাই ॥

—ঢাকা

ষষ্ঠীর পাঁচালী

ষষ্ঠী দেবীর মহাত্ম্য কীর্তন করিয়া কয়েকটি ক্ষুদ্রাকৃতি পাঁচালী রচিত হইয়াছিল, দুই একটি সামান্য বৃহাদায়তন লাভ করিয়া অপ্রধান মঙ্গল কাব্যের মধ্যেও স্থান লাভ করিয়াছে। রচনার দিক দিয়া ষষ্ঠীর পাঁচালী যেমন বৈশিষ্ট্যহীন, কাহিনীর দিক দিয়াও তেমনই। বিভিন্ন ষষ্ঠীর মধ্যে অরণ্য ষষ্ঠীর পাঁচালীটিই একটু বিশেষ জনপ্রিয়তা লাভ করিয়াছিল, কিন্তু কাহিনীর গুণে তাহা পায় নাই, বরং বাংলার পারিবারিক জীবনে জামাতার যে একটি বিশেষ স্থান আছে, সেই গুণেই ইহার একটু ব্যাপক প্রচার হইয়াছিল। অরণ্য ষষ্ঠী উপলক্ষেই বাঙ্গালীর গৃহে জামাতার অর্চনা হইয়া থাকে। ইহার রচনা সাধারণ পাঁচালীরই মত—

১

পর্বত প্রমাণ যদি গৃহে ধন রহে ।
অপুত্রীর মৃত্যুকালে রাজা সব লভে ॥
কাণা খোঁড়া হইয়া যদি পুত্র থাকে ঘরে ।
মৃত্যুকালে অবহেলে পিণ্ড দান করে ॥

ষষ্ঠী ব্রতের গীত

পূর্ব বাংলায় অরণ্য ষষ্ঠী ব্রত উপলক্ষে মেয়েলী গীত শুনিতে পাওয়া যায়। সাধারণত জামাতা এই উপলক্ষে গৃহে আসিলে গীত গাহিয়া তাহার সস্বধনা জ্ঞাপন করা হয়। গানের সুর সাধারণ মেয়েলী আনুষ্ঠানিক গানের সুর এবং বিষয় ষষ্ঠীদেবীর মাহাত্ম্য।

ষষ্ঠীমঙ্গল গান

বহু প্রাচীনকাল হইতেই বাংলার সমাজে স্মৃতিকা গৃহে শিশুর জন্মের বর্ষ দিবসে ষষ্ঠীদেবীর পূজা প্রচলিত হইয়া আসিতেছে। খ্রীষ্টীয় ষোড়শ শতাব্দীর মধ্যভাগে বৃন্দাবন দাস কর্তৃক রচিত ‘চৈতন্যভাগবতে’ চৈতন্যদেবের জন্মের বর্ষ

দিবসে অনুষ্ঠিত ষষ্ঠীপূজার বিস্তৃত বর্ণনা পাওয়া যায়। বস্তুতঃ ইহার বহু পূর্ব হইতেই ইহা সমাজে প্রচলিত হইয়া আসিতেছে। স্মৃতিশাস্ত্রাদিতে ইহার বিধান রহিয়াছে। এই বিষয়ে বাংলার প্রতিবেশী কোন কোন আদিম সমাজের সঙ্গে বাংলায় অনুষ্ঠিত আচারসমূহের আশ্চর্য রকম ঐক্য দেখিতে পাওয়া যায় ; মনে হয়, ইহাদের মধ্যে পরস্পর সম্পর্ক রহিয়াছে।

ষষ্ঠীদেবীর মাহাত্ম্য কীর্তন করিয়া মধ্যযুগে যে মঙ্গলগান রচিত হইয়াছিল, তাহাকে ষষ্ঠীমঙ্গল গান বলে। ইহার একটি কাহিনী এই প্রকার—

একদিন স্থলোচনাকে ষষ্ঠীদেবী জিজ্ঞাসা করেন ; কোথায় গেলে তাঁহার পূজা প্রচারিত হইবে। স্থলোচনা বলিলেন, দিলীপনগরে জয়সিংহ নামে এক রাজা আছেন, তাঁহার সাত রাণী, কিন্তু পুত্রকন্তা নাই। বৃদ্ধা ব্রাহ্মণীর বেশ ধরিয়া তুমি ভিক্ষা করিবার ছলে রাজ্যের কাছে যাও এবং রাজ্যের নিকট পূজা চাহিয়া লও ; রাজা অস্বীকৃত হইলে ঘাটের কূলে অপেক্ষা করিও, ছোটরাণী ঘাটে আসিলে তাহাকে পুত্রবর দিও। এইভাবেই রাজবাড়ীতে তোমার পূজা প্রচারিত হইবে। ষষ্ঠীদেবী তাহাই করিলেন। রাজা রাজসভা হইতে তাঁহাকে বহিষ্কৃত করিয়া দিলে তিনি ঘাটের কূলে ছোটরাণীর সঙ্গে সাক্ষাৎ করিয়া তাঁহাকে বর দিতে চাহেন। ছোটরাণী বলিলেন, ‘আমার কোনও ধনের অভাব নাই, আমি তোমার নিকট কি বর চাহিব?’ তখন ষষ্ঠীদেবী বলিলেন, ‘সকল ধনের শ্রেষ্ঠ ধন পুত্র, তাহাই তোমার নাই,

পর্বত প্রমাণ যদি গৃহে ধন রহে।

অপুত্রীর মৃত্যু কালে রাজা সব লহে ॥

কাণা খোঁড়া হইয়া যদি পুত্র থাকে ঘরে।

মৃত্যুকালে অবহেলে পিণ্ড দান করে ॥’

ছোটরাণীকে ষষ্ঠীদেবী পুত্রবর দিলেন। যথাসময়ে তিনি এক পুত্র প্রসব করিলেন, ইহাতে অগ্ন্যগ্ন রাণীগণ ঈর্ষান্বিত হইয়া তাঁহার শিশু পুত্রকে জলে ফেলিয়া দিলেন। রাজাকে মিথ্যা করিয়া সংবাদ দেওয়া হইল যে, ছোটরাণী ইট, কাঠ, মুড়া ঝাঁটা প্রসব করিয়াছে। রাজা ক্রুদ্ধ হইয়া ছোটরাণীকে বধ করিতে উত্তত হইলেন, কিন্তু পাত্রমিত্রের কথায় শেষ পর্যন্ত তাঁহাকে বোড়াশালে বল্লিনী করিয়া রাখিলেন। ষষ্ঠীদেবী ছোটরাণীর সম্মুখে আবির্ভূত হইয়া তাঁহাকে আশ্বাস দিয়া বলিলেন,

বেঁচে আছে তব পুত্র জলের ভিতরে ।

এস বাছা হুঙ্ক দিয়া আসিয়ে সত্বরে ॥

রাণী যষ্ঠীদেবীর কথায় আশ্বস্ত হইয়া শিশুকে স্তন্যপান করাইয়া আসিলেন । যষ্ঠীদেবী ছোটরাণীকে নানা অলঙ্কারে সজ্জিত করিয়া পুনরায় ঘোড়াশালে পৌছাইয়া দিয়া গেলেন । এ সংবাদ শুনিয়া রাজা ছোটরাণীকে দ্বিচারিণী বলিয়া সন্দেহ করিয়া হত্যা করিতে উদ্যত হইলেন । তারপর রাণীর অস্থানে তিনি সরোবরে গিয়া যষ্ঠীদেবীর সাক্ষাৎ পাইলেন । দেবী তখন সাতটি শিশু হইয়া আবির্ভূত লইলেন ।

ডালেতে বসিয়া যেন পক্ষী কবে রা ।

সেই মত শব্দ করে পাইয়া নিজ মা ॥

শিশুদের দেখিয়া রাজা পরম বিস্মিত হইলেন । যষ্ঠীদেবী করুণাপরবশ হইয়া তাঁহার অবশিষ্ট ছয়টি রাণীর এক একজনকে এক একটি করিয়া ছয়টি শিশু উপহার দিলেন । সেই হইতেই দিলীপনগরে যষ্ঠীপুজা প্রচারিত হইল ।

সঙের গান

উৎসব উপলক্ষে সঙের শোভাযাত্রা বাহির হইবার প্রথা এই দেশে অত্যন্ত প্রাচীন। ঢাকা জম্মাষ্টমী শোভাযাত্রায় সঙের গান ও নাচ প্রসিদ্ধ ছিল। কলিকাতার জেলে পাড়ার সঙের মুখে নৃত্য-সম্বলিত নানা কৌতুককর গীতি-কাহিনী শোনা যাইত।

১

হঁকো স্বর্গ, হঁকো ধর্ম, হঁকোহি পরমন্তু :।
 সর্ব দেবতা ত্যজিয়া ভজ হঁকো ত্রীপাদপদ্ম ॥
 হঁকো যার নাইরে, ভাই, এই সংসারে।
 গলায় দড়ি লেগে সে গিয়ে ভূত কাঠির ঝাড়ে ॥
 হঁকোর লাল রং, কলকে কেন সাদা।
 এমন হঁকো যার নাই সে হ'ল গাধা ॥
 ধান ধন না থাকলে চাইলে ভিক্ষা মিলে।
 হঁকো ধন না থাকলে কোথাও নাহি মিলে ॥
 কহিয়ে সাধু মধুর রসের বাগী।
 হরে হরে হরে ॥

—বীরভূম

২

মজার সার্কাস দেখে যা টিকিট ছ' আনা।
 হরেক রমক দেখতে পাবি পয়সা লাগবে না ॥
 ওরে আমার কান্দির আদা, বেরিয়ে এস সোনা গোদা।
 সোনা গোদা দেখুন সকলে, থাকেন ইনি মাঠের আলে,
 আব্বার কাঁকড়া পেলে শালা
 ব্যাটা কিছুই খায় না।
 ওরে আমার কনক চাঁপার ফুল, বেরিয়ে এস গন্ধ গোকুল।
 গন্ধ গোকুল দেখুন দেখুন সকলে।
 থাকেন ইনি গাছের ডালে।

আবার গুড় পেলে শালা, ব্যাটা কিছুই খায় না।
 ওরে আমার আশমানের বাগান, বেড়িয়ে এস বীর হুহুমান।
 হুহুমান দেখুন সকলে, থাকেন ইনি গাছের ডালে।
 আবার শশা কুমড়া পেলে পরে আর কিছু খায় না।
 ওরে আমার হেলেকার শাক, বেড়িয়ে এস চিতা বাধ।
 চিতা দেখুন সকলে।
 থাকেন ইনি মোর জন্মলে।
 আবার গরু ভেড়া পেলে পরে ঘাড়টা রাখে না। —ঐ

৩

ও তোরা দেখে যা, দেখে যা, নূতন তাঁতির তাঁত বোনা।
 মাকু করে আনাগোনা।
 চার ধারেতে চারটা খুঁটি, আছে তারা আঁটাআঁটি,
 তাতে আছে শরের কাঠি চার খানা।
 ও তোরা, দেখে যা, দেখে যা, নূতন তাঁতীর তাঁত বোনা। —ঐ

সংকীৰ্তন

কীর্তন শব্দটি ওরাওঁ আদিবাসীর ভাষায় বিশেষ এক শ্রেণীর নৃত্য-সম্বলিত গীত অর্থে প্রচলিত আছে। প্রাচীন ভারতীয় সঙ্গীতশাস্ত্রে কীর্তন নাম নাই। মনে হয়, কীর্তন কথাটি বিশেষ এক প্রকৃতির গান অর্থে বাংলা দেশেও প্রচলিত ছিল। খ্রীষ্টেতত্ত্বদেব জনসাধারণের মধ্যে নিজের ধর্ম প্রচার করিবার জন্য জনসাধারণের মধ্যে প্রচলিত একটি গীত-রীতিই যে অবলম্বন করিয়াছিলেন, তাহা মনে করা নিতান্ত স্বাভাবিক। কালক্রমে ইহাকে আদিবাসীর গীতরীতি হইতে পৃথক্ করিবার জন্য বৈষ্ণব সমাজ ইহার সংকীৰ্তন নামকরণ করিয়া থাকিবেন। আদিবাসীর কীর্তন কথাটির সংস্কৃত রূপ সংকীৰ্তন। মহাপ্রভুর সময় হইতেই কীর্তনের পরিবর্তে সংকীৰ্তন নামটি গৃহীত হইয়াছিল মনে হয়। তথাপি প্রাচীনতর কীর্তন নামটিও পরিত্যক্ত হয় নাই। তবে আদিবাসীর কীর্তন হইতে বৈষ্ণবের সংকীৰ্তন যে ব্যাপক অল্পশীলনের ভিতর দিয়া কালক্রমে রূপান্তরিত হইবে, তাহা নিতান্তই স্বাভাবিক। নাম কীর্তনকেই

সাধারণত সংকীৰ্ত্তন বলে। (সংকীৰ্ত্তনের উদ্ধৃতির অল্প নামকীৰ্ত্তন বা কীৰ্ত্তন দেখ।) 'চৈতন্ত-ভাগবতে' সংকীৰ্ত্তনের এই নিদর্শনের উল্লেখ আছে—

শিষ্যগণ বোলেন, কেমন সংকীৰ্ত্তন।

আপনি শিখায় প্রভু শ্রীশচীনন্দন ॥

(কেদার রাগ)

হরয়ে নমঃ কৃষ্ণ ষাদবায় নমঃ ।

গোপাল গোবিন্দ রাম শ্রীমধুসূদন ॥

দিশা দেখাইয়া প্রভু হাতে তালি দিয়া ।

আপনি কীৰ্ত্তন করে শিষ্যগণ লৈয়া ॥

সত্যপীরের পাঁচালী

বাংলা দেশে লৌকিক দেবদেবীর মাহাত্ম্যসূচক যত পাঁচালী প্রচলিত আছে, তাহাদের মধ্যে সত্যপীর বা সতানারায়ণের পাঁচালীরই সর্বাধিক প্রচার হইয়াছিল। ইহার উদ্ভব যে খুব প্রাচীন, তাহা বলিতে পারা যায় না ; কারণ, খৃষ্টীয় অষ্টাদশ শতাব্দীর পূর্ববর্তী ইহার কোনও পুঁথিই পাওয়া যায় না ; কিংবা প্রাচীন এবং মধ্যযুগের সাহিত্যেও সতানারায়ণের কোনও উল্লেখ দেখিতে পাওয়া যায় না। স্বল্পপুরাণের এক স্থলে সতানারায়ণের উল্লেখ আছে সত্য, তবে তাহা যে পরবর্তী প্রক্ষেপ, তাহা অনেকেই স্বীকার করিয়া থাকেন। অতএব মনে হয়, খৃষ্টীয় সপ্তদশ শতাব্দীর কোন অলৌকিকতা নিক মুসলমান ফকীর বা পীরকে অবলম্বন করিয়া তাঁহার সমসাময়িক কাল কিংবা তাঁহার তিরোধানের অব্যবহিত পরবর্তী কাল হইতেই এই পাঁচালীগুলি রচিত হইতে আরম্ভ করে। এই পর্যন্ত অজস্রসংখ্যক ফলে যতদূর জানা গিয়াছে, তাহাতে মনে হয়, ভৈরবচন্দ্র ঘটক নামক একজন কবি রচিত সতানারায়ণের পাঁচালীই প্রাচীনতম। অতএব অষ্টাদশ শতাব্দীর প্রারম্ভ হইতেই সতানারায়ণের পাঁচালী রচনার কাল নির্দেশ করা যাইতে পারে।

মুসলমান কঠক বঙ্গবিজয়ের সঙ্গে সঙ্গেই উত্তর ভারত হইতে মুসলমান পীর দরবেশগণ বাংলা দেশে আসিয়া প্রবেশ করিতে আরম্ভ করেন এবং রাষ্ট্রশক্তির সহায়তায় তাঁহারা এ দেশের সমাজের জনসাধারণের মধ্যে মুসলমান ধর্ম প্রচারে নবোন্মোচন হ'ন। রাষ্ট্রশক্তির সাহায্যপুষ্ট এই দল মুসলমান ফকীরদিগের

প্রতি হিন্দু জনসাধারণের দৃষ্টি স্বভাবতই আকৃষ্ট হয়, কিন্তু তাঁহাদের প্রতি তাঁহাদের যে অবিস্মৃত অন্ধাভাবই উদয় হয়, এমন কথা বলিতে পারা যায় না— অন্ধাভাবটি এখানে ছিল গোণ, যে ভাবটি এখানে মুখ্য হইয়াছিল, তাহা ভয়। আত্মশক্তিতে মানুষ যখন বিশ্বাস হারায়, তখনই দৈব শক্তির উপর তাহার নির্ভর করিবার প্রবৃত্তি জাগিয়া উঠে। মুসলমান রাজশক্তি কর্তৃক শাসিত বাংলার হিন্দু সমাজ সে দিন আত্মশক্তিতে বিশ্বাস রক্ষা করিবার সকল প্রকার অবলম্বন হইতে বঞ্চিত হইয়া একান্ত দৈব নির্ভরশীল হইয়া উঠিয়াছিল, সাহিত্যের ভিতর দিয়াও বাঙ্গালী সমাজের এই মনোভাবের প্রতিক্রিয়া দেখা দিল—শাহার ফলেই মধ্যযুগের বাংলার মঙ্গলকাব্যগুলি রচিত হইয়াছিল। সত্যপীর বা সত্যনারায়ণের পাঁচালীর মধ্যেও সেইজন্ত মঙ্গল কাব্যের অন্তরগত বৈশিষ্ট্যের পরিচয় পাওয়া যায়। মঙ্গলকাব্যগুলি খৃষ্টীয় চতুর্দশ শতাব্দী হইতেই রচিত হইতে আরম্ভ করিয়াছিল, চারিশত বৎসর ব্যাপী বাংলার হিন্দু সমাজের উপর ইহা যে সুগভীর প্রভাব স্থাপন করিয়াছিল, তাহারই বহুদূর আর একটি সাময়িক প্রতিক্রিয়া রূপেই অষ্টাদশ শতাব্দীতে সত্যনারায়ণের পাঁচালীগুলিও উদ্ভূত হইয়াছিল। চৈতন্য ধর্ম প্রবর্তিত হইবার পর হইতে সমাজে শ্রীকৃষ্ণ বা নারায়ণের উপাসনা বহুল প্রচার লাভ করিয়াছিল। দেশের বহু ক্ষুদ্র ক্ষুদ্র ধর্ম সম্প্রদায় শ্রীকৃষ্ণ বা নারায়ণকে তাহাদের আরাধ্য দেবতারূপে গ্রহণ করিয়াছিল; পঞ্চোপাসক হিন্দু সম্প্রদায়ের মধ্যেও নারায়ণের উপাসনা একটি বিশিষ্ট স্থান লাভ করিল। অতএব এই যুগে সত্যপীর সত্যনারায়ণ রূপে হিন্দুর গৃহে পূজা লাভ করিতে লাগিলেন। ইহার বিজাতীয় সকল উপকরণ নারায়ণের নামে শোধিত হইয়া হিন্দুর দেবমন্দিরে ইহা নিঃসঙ্কোচে প্রবেশধিকার লাভ করিল।

বাংলা দেশ প্রাচীন কাল হইতেই ধর্ম সমন্বয়ের দেশ। কুন্তিবাস বিষ্ণুর অবতার শ্রীরামচন্দ্রকে দিয়া শান্তদেবী চণ্ডীর পূজা করাইয়াছেন, বৈষ্ণবগণ শ্রীকৃষ্ণের হলাদিনী শক্তি শ্রীরাধিকাকে দিয়া কৃষ্ণকালীর উপাসনা করাইয়াছেন। শ্রীচৈতন্যের প্রেমধর্ম সমাজের বহু সঙ্গীর্ণতা ও ছোট বড়র পার্থক্য দূর করিয়া দিয়াছে। মুসলমান ধর্মও রাষ্ট্রীয় শক্তির সহায়তায় যখন দেশের উপর আপনার একচ্ছত্র প্রভুত্ব স্থাপন করিবার প্রয়াস পাউয়াছে, তখন তাহার সম্মুখ হইতে পলাইয়া গিয়া আত্মরক্ষা করিবার পরিবর্তে সে তাহার সম্মুখীন হইয়া মুসলমান

ধর্মের মৌলিক উপাদানগুলিকে নিজের ধর্মের মধ্যে স্বাক্ষরিত করিয়া লইয়াছে। খৃষ্টীয় অষ্টাদশ শতাব্দীতে এই ধর্মসম্বন্ধের আদর্শ সকল দিক হইতেই পূর্ণতা লাভ করিয়াছিল এবং তাহারই অবশ্যজ্ঞাবী ক্রমপরিণতিরূপে আমরা ঊনবিংশ শতাব্দীতে দক্ষিণেশ্বরের মূর্তিমান্ বেদান্ত রামকৃষ্ণ পরমহংস দেবকে লাভ করিলাম; বাঙ্গালীর সর্বধর্মসম্বন্ধের সাধনা তাঁহার মধ্যেই চরম সার্থকতা লাভ করিয়াছে। সত্যনারায়ণ উপাসনার মধ্যেও হিন্দু ও মুসলমান ধর্মের সমন্বয় সাধনের একটি প্রয়াস দেখিতে পাওয়া যায়। কিন্তু এই প্রয়াসের মৌলিক উদ্দেশ্য যাহাই থাকুক না কেন, অল্পদিনের মধ্যেই হিন্দু সমাজ তাহা বিন্ধিত হইয়া সত্যনারায়ণের উপাসনাকে নিজের ধর্মচরিত্রের অঙ্গীভূত করিয়া লইয়াছিল। বাংলার সামাজিক ইতিহাসের গবেষকদিগের মধ্যে ইহার যে তাৎপর্ষ্যই অঙ্গীভূত হউক না কেন, হিন্দুসমাজের নারায়ণোপাসনার মধ্যেই ইহার পরিণতি আজ স্পষ্ট হইয়া গিয়াছে। সত্যনারায়ণের নামে ভগবানের অহৈতুক কল্পণা শক্তির উদ্বোধনই আজ এই উপাসনার লক্ষ্য হইয়াছে।

সত্যনারায়ণের পাঁচালী বাংলার জনশ্রুতি মূলক (traditional) সাহিত্যের অন্তর্গত। যে কবিই ইহা বাংলার যে অঞ্চলেই সর্বপ্রথম রচনা করুন না কেন, তাহা আজ বাংলার সর্বত্রই যে কেবল মাত্র প্রচার লাভ করিয়াছে, তাহা নহে, ইহার মৌলিক বৈশিষ্ট্যও সর্বত্রই সমান ভাবে রক্ষা করিয়াছে। সত্যনারায়ণের পাঁচালী সত্যনারায়ণের পূজা উপলক্ষেই পুরোহিত কিংবা তাঁহার সহকারী কর্তৃক আবৃত্তি করা হয়—এই আবৃত্তি পূজাচারেরই (ritual) অন্তর্ভুক্ত। সেই জন্যই মৌলিক কাহিনীতে ইহার কোন পরিবর্তন সাধন সম্ভব হয় নাই। তবে শত শত কবি আড়াই শত বৎসরের অধিককাল যাবৎ এই বিষয় অবলম্বন করিয়া পাঁচালী রচনা করিয়া আসিতেছেন। অষ্টাদশ শতাব্দীর দুইজন প্রসিদ্ধ বাঙ্গালী কবি রামেশ্বর ভট্টাচার্য এবং ভরতচন্দ্র রায়ও এই বিষয়ক পাঁচালী রচনা করিয়াছিলেন; কিন্তু তাহা সত্ত্বেও এই দুইজন কবির রচনা সমগ্র সমাজের এই বিষয়ক পাঁচালী রচনার ধারা রুদ্ধ করিয়া দিতে পারে নাই; দেশের বিভিন্ন অংশে বিভিন্ন কবি বিভিন্ন সময়ে একই বিষয় অবলম্বন করিয়া পাঁচালী রচনা করিয়াছেন। এই সকল রচনার ভিতর দিয়া একই মনোভাবের অভিব্যক্তি দেখা দিয়াছে। অতএব বাংলা সাহিত্যের সামগ্রিক পরিচয়ে ইহাদের যে স্থানই থাকুক না কেন, বাংলার আঞ্চলিক রস ও আধ্যাত্ম পরিচয়ে যে ইহাদের মূল্য

নিভাস্ত অকিঞ্চিংকর নয়, তাহা স্বীকার করিতেই হয়। পাঁচালীর কিছু নিদর্শন দেওয়া গেল—

একদিন নারায়ণ কমলা সহিত ।
 কোতুকে বৈকুণ্ঠে বসি প্রেমে পুলকিত ॥
 সরস আবেশে হাসি মুছ মুছ স্বপ্নে ।
 শশীমুখ চুপি প্রভু কহেন লক্ষ্মীরে ॥
 কলিযুগে সত্য সেবা করিব প্রচার ।
 সেবিলে সবার হবে সুখ পারাবার ॥
 লক্ষ্মী কন নিবেদন শুন প্রাণেশ্বর ।
 বাসনা সত্যের তত্ত্ব শুনিতে সম্মত ॥
 শয়নে স্বপনে কভু না শুনি ভ্রমণে ।
 সত্য কহ সত্য সেবা কেমন বিধানে ॥
 প্রভু কন মোর নাম সত্য ভগবান ।
 একান্তে সেবিলে অস্তে দেই দিব্যজ্ঞান ॥
 সত্য জ্ঞেতা আপরেতে বিবিধ বিধানে ।
 মহর্ষি দেবর্ষি সবে পূজিছে যতনে ॥
 সেই লীলা কলিকালে প্রকাশিব সব ।
 সেবিলে সবার হবে সুখের উদ্ভব ॥
 এতেক প্রকাশি নিজ প্রেয়সী তুষিয়া ।
 অবিলম্বে গেলা প্রভু বিদায় লইয়া ॥
 আত্মকীৰ্তি জানাইতে অতি দ্রুত গতি ।
 বিপ্ররূপ ধরি মর্ত্যে করিলেন গতি ॥
 দৈবের নির্বন্ধ কার্য হয় সংঘটন ।
 পথেতে মিলিল এক ব্রাহ্মণ নন্দন ॥
 দীন হীন পরিধান মলিন অশ্বর ।
 গাত্রে যজ্ঞসূত্র দোলে ক্ষীণ কলেবর ॥
 অনাহারে শরীরেতে বিহরিছে হাড় ।
 বিকৃত আকৃতি কাস্তি অতি চমৎকার ॥

কানীপুর বানী সদানন্দ নাম ধরে ।
 নিরানন্দ ভাবে দুঃখ-সিদ্ধ মাঝে ফিরে ॥
 অতিকষ্টে ষষ্টিপন্ন করিয়া নির্ভর ।
 আচস্থিতে উপস্থিত প্রভুর গোচর ॥
 প্রভু কন কেন হেন দেখি বিড়ম্বন ।
 কোথায় চলেছ তুমি কাহার নন্দন ॥
 বিপ্র বলে ভিক্ষা তরে ফিরিছি নগরে ।
 মুষ্টি ভিক্ষা করি নিত্য পালি পরিবারে ॥
 দুঃখের নাহিক পার কি কব দুর্দশা ।
 ক্ষুধা হইলে নারীপুত্রে কহে কটুভাষা ॥
 সর্বদা কলহ হয় নাহি নিবারণ ।
 কল্যাণ ছন্ন সদা অন্নের কারণ ॥
 ছুর্ভাগা আমার নাম সর্বদেশ ভরি ।
 ছরস্তু দৈন্তের দায়ে মৃত্যু চিন্তা করি ॥
 তথাপি না যায় প্রাণ কি করি উপায় ।
 পরম পাতকী আমি বিশ্ব পায় পায় ॥
 শুনিয়া দুঃখের কথা দীন দয়াময় ।
 অভয় প্রদান করি হইলা সদয় ॥
 আমার বচন শুন ব্রাহ্মণ কুমার ।
 সত্য সেবা কর শীঘ্র যেয়ে নিজাগার ॥
 সর্বদুঃখ ঘুচে হবে সুখ অমুষ্ঠান ।
 পরকালে নিষ্কটকে বৈকুণ্ঠে স্থান ॥
 শুনিয়া ব্রাহ্মণ স্তুত অতি সকাতরে ।
 বলে প্রভু সত্য সেবা কোন উপহারে ॥
 প্রভু কন শুন ওহে দ্বিজের নন্দন ।
 সোয়া পরিমাণে হয় তাঁহার অর্চন ॥
 আতপের গুঁড়ি আর সুগন্ধ কদলি ।
 কাঁচা দুগ্ধ ইক্ষুরস সুরস সকলি ॥

মন বা সেয়েতে তার নাহি নিরুপণ ।
 সাধ্যমতে একচিত্তে করিবে পূজন ॥
 এত বলি অন্তর্ধান হইল তথায় ।
 অবাক হইয়া বিপ্র চতুর্দিকে চায় ॥
 ভাবিয়া চিস্তিয়া গেল ভিক্ষার কারণ ।
 মাগিয়া পাইল দ্বিজ অনেক রতন ॥
 অন্তরে পরম তুষ্ট হইয়া একান্ত ।
 গৃহে গিয়া গৃহীণীকে জানায় বৃত্তান্ত ॥
 শুনি সব সুখোন্মত্ত আনন্দ বাড়িল ।
 বিপ্রনারী নারী সঙ্গে মঙ্গল করিল ॥
 কুটুম্ব বান্ধব ইষ্ট দ্বিজ অপ্রমিত ।
 সত্যের মাহাত্ম্য শুনি আসি উপস্থিত ॥
 সবে মিলি সভা করি মিলিয়া আসনে ।
 সন্ধ্যাকালে সত্য সেবা করে প্রাণপণে ॥

—এ

নিম্নোক্ত গানটি একদিন পীরের গান—

২

নাশা দিয়া গোর বাহারে যায় নানান রজিয়া ।
 একদিল চলিয়া যায় সোলেমান গুহরী গায়,
 লোকে বলে বাঙলা ফকির ॥
 একদিল চলিয়া যায়, তাল গাছও দেখিতে পায়,
 আশা বনে হাতে তোলে লয় ॥
 একদিল চলিল পথে, ছ'কুড়ি ছয় বাঘ সাথে,
 বাঘের ভয়ে ভাঙিল নগর ॥
 একদিল চলিয়া যায়, রাজা চরণ খড়ম পায়,
 হাতে আশা বগলে কোরাণ ॥

—এ

নিম্নোক্ত গানটি সত্যপীরের—

৩

আর কাঁদনা সত্যপীরের মা, ধরিয়ে ছ'ধানি পা,
 বাবাকে বুঝিয়ে রাখ ঘরে ।

কি ও আহা বাবাকে বুঝিয়ে রাখ ঘরে —
 কাঁদে সত্যপীরের মা মায়ের ধরিয়ে দু'খানি পা
 বাবাকে বুঝিয়ে রাখ ঘরে ।
 আর গগনে দ্বিপ্রহর বেলা, তাতিল পথের ধূলা
 কেমনে যাইব বনবাসে ॥

—ঐ

নিম্নোক্ত গানটি গাজীপীরের—

৪

প্রথমে ছুটিল ডিঙ্গা নাম ফরমান,
 দল শিউলী কেটে ডিঙ্গা করিছে ময়দান ।
 তারপরে ছুটিল ডিঙ্গা আল্লার আরমান,
 ওরে যেই ডিঙ্গাতে বোঝাতে করিলে কেতাব আর কোরাণ
 তারপরে ছুটিল ডিঙ্গা নামে এই কালী—
 ওরে বুঝতে বুঝতে চলে ডিঙ্গা বৈঠায় না পায় পানি ।
 তারপর ছুটিল ডিঙ্গা নামে এই মনা ।
 এরে যার গলায় সত্য নাইরে লক্ষ মন সোনা ।
 তারপর ছুটে ডিঙ্গা নামেতে সলার ।
 ওরে আকাশেতে চলে ডিঙ্গা পাতালে গলায় ।
 তারপরে ছুটে ডিঙ্গা নামেতে হাজারী,
 আরে আগে লয়ে দেওয়ান খানা
 পিছেতে কাছারী ।
 তারপরে ছুটে ডিঙ্গা নামে ইলসা পেটা,
 মাল ও খায় বোকায় করে ডিঙ্গা কেটে বনে মাটি ।
 ও কি হল, হল মোর আল্লাজী জয় জয় বল্যা মাণিক মাঝি
 ডিঙ্গা ছেড়ে দিল ।
 আনন্দেতে সপ্তডিঙ্গা উজ্জানেতে চলিল ॥
 ওকি হল ওকি হল মোর আল্লাজী ।
 তিন দিন ও তিন রাত্রি ডিঙ্গা উজ্জানেতে চলিল ॥
 হিম্মান সওদাগর ডেকে মাণিক মাঝিকে বলিল,
 কত দূরও এলোগো, মাঝি, বল সত্য করে,

মাণিক মাঝি বলে ছয় মাস হবে আত্মমানিক,
 হিম্মান সওদাগর বলে শুন মাঝি ওরে তুমি,
 এই ঘড়িতে সপ্ত ডিঙ্কা লাগাওরে তুমি ।
 নিশিও প্রভাত হল কোকিলে দিলে রা,
 সেরজা হাত সেরজা পতিরী ঝেড়ে তোলেন গা ।
 সওদাগর বলে শুন ভারি মাঝি, বনে কাঠ কাটিতে যাও ।
 শুনিয়া যে ভারি মাঝি দা কুড়োল লয়ে যায় ।
 মরা বৃক্ষ দিল বলে সকল দেখিল নজরে ।
 হঠাৎ দেখে সে বৃক্ষ জীবিত হয়ে গেছে,
 চল চল তাড়াতাড়ি বৃক্ষের তলায় যাব,
 কি গুলি বান্দা আছে নয়নে দেখিব ।
 দূর থেকে নয়ন যায় সকলে দেখিল,
 সেখান থেকে আদায় করে কথা বলিতে লাগিল ।
 ফকির নাইরে ফকির নাইরে আছে আল্লার গুলি,
 কত অধম তোরে যাবে পেয়ে পথের ধূলি ।

—৬

৫

সত্যপীর মাণিকপীর রাজ্য অধিকারী,
 তানার নামে বীণা লইয়া ফিরি বাড়ী বাড়ী ।
 গৃহস্থ সকলে দেন চাউল আর কড়ি,
 পীরের নামে দিবেন ডিঙ্কা স্বর্ণখালা ভরি ।
 সোয়া সের চাউল দিবেন সোয়া পয়সা কড়ি,
 পাঁচগুণ পান দিবেন পঞ্চসুপারি ।
 সত্যপীর মাণিকপীর তানা দিবেন বর
 মাল্যাপীড়া চলে যাবে রোকাম সহর ॥

—৬

সন্নমালার পালা

‘সন্নমালা’ নামে একটি অসমাপ্ত পালাগান কলিকাতা বিশ্ববিদ্যালয় হইতে প্রকাশিত ‘পূর্ববঙ্গ গীতিকার’ ৪র্থ খণ্ড, ২য় সংখ্যায় মুদ্রিত হইয়াছে । ইহা পূর্ব

মৈমনসিংহ অঞ্চল হইতে সংগৃহীত। ইহার নায়িকার নাম সরমালা বাঃ
স্বর্ণমালা। কাহিনী ষতটুকু পাওয়া যায়, ততটুকু এই—

রাজার একমাত্র কন্যা স্বর্ণমালা, যা বাগের আদরের সীমা নাই। দৈবক
আসিয়া জানাইল, কন্যা অলঙ্কারী, ইহাকে অরণ্যে বিসর্জন দাও। নতুবা
তোমার সর্বস্ব যাইবে। রাজা তাহাই করিলেন। সেখান হইতে এক সদাগর
বাণিজ্য করিতে যাইবার পথে তাহাকে তুলিয়া লইল। বাড়ীতে ফিরিয়া
তাহাকে বিবাহ করিল। কিন্তু সর্পাঘাতে সদাগরপুত্রের মৃত্যু হইল।

কাহিনী এখানে খণ্ডিত। প্রথমাংশ এই প্রকার—

কথায় :—

উজলা মানিক, উজলা মানিক
জন্ম লৈল রাজার ঘরে দিনে দিনে বাড়ি ॥
চান সুরজ তার মায়ের বুক জোড়া
চান সুরজ তার বাপের আঁখির তারা।
ঘরখানি আলা দুয়ারখানি ঝালা,
মায় বাপে রাখে নাম সরমালা।

হুরে :—

আর ভাইরে ভাই—
আস্তিশালার আছে ওরে আস্তি ভাল কথ্য,
ঘোড়া না শালে ঘোড়া।
ডাকে নামে ছিলাইন, ওগো রাজা, ভাল,
পূব দেশ জোড়া না রে—
আরে ভাই, ধামায় মাপ্য ধন রাজার ভাণ্ডারে ত আছেরে।
বংশে বাস্তি দিতে রাজার এক পুত্র নাহিরে ॥

সমসাময়িক গান

সমসাময়িক বিষয়বস্তু লইয়া যে সকল গান রচিত হয়, তাহাদিগকে সম-
সাময়িক গান কিংবা সমসাময়িক ঘটনামূলক গান বলা যায়। ইহার কাব্য
কিংবা গীতিগুণ বজ্রিত।

১

পেপার মিলের আজব কারখানা রে—চন্দরখোনা,
রাজামাটির এলেকাতে পাকিস্তানের গবরমেণ্টে,
পাহাড় কাড়ি কিছু রায় না।
পাকিস্তানের দয়া হইল কারখানা খুলি দিল।
গরীব লোকের অভাব রায় না,
লাখে লাখে লোক আসি, কাজ পাইয়া হইল খুসী ;
জীপুত্র আর ভাতে মরে না।
পেপার মিলের কারবার ভারী, রাইজ জন্মেতে ইলেক্টারী,
বাঁধ দিয়ে যে নদীর বিছথানায়।
দ্বিজেন্দ্র আর জব্বর মল্লিক, তারা বুঝে গরীবের দুখ।
ডেলি বেতন বাকী রাখে না। —চট্টগ্রাম

২

দেশের খোষখোর, আর ফোষকোর যত আছে, সব জীয়েন্তে মরা।
বেয়ানে ঘুমতুন উড়ি পরর কামত যাই।
হারাদিন মজুরি করি, দিনর বেতন ন পাইলাম,
আজুয়া দিত্ ন পারজম তোরে,
দশ টেক্যার নোটে নাইরে ভানরা।
বাড়ীত যাই ভাত কিদি খাইন্ ?
বেয়ানে থাই যে মরিচ ভণ্ডা, বিয়ালে কি খাইয়ম ?
আবার ভাই, চইলের লাই যাতে,
বোঁ যে শাড়ীর লাই করগে যে ইসারা।
কাণ্ডের দোয়ানে গিই হই গেলাম বেহোশ,
পিছদি আছিল গরাকটা, আস্তে দিয়ে পোচ।
যখন পিচ মিক্যা ফিরি চাইলাম,
কয় যে চোয়ার মাইরজম তোরে ইত্যরা।
ঝাপটা মারি, বাড়াই ধরি কি কইলাম ভাই,
পইট্যা থানা গিই, উগ্যান মোওন্দমা দিলামরে জোটাই। —এ

সহজিয়া গান

আদি-মধ্যযুগের বাংলাদেশের একটি ধর্মমতকে সহজিয়া বলিত। ইহার সাধনার নাম সহজিয়া সাধনা। ইহার সাধককে পরকীয়া প্রেমের সাধকও বলিত। সহজিয়া সাধন ভক্তের গান সহজিয়া গান। চণ্ডীদাসের নামে এই প্রকার বহু গান আরোপ করা হয়। রাম্মী নাম্নী তাঁহার একজন রজকিনী সাধন সঙ্গিনী ছিলেন বলিয়া সাধারণের বিশ্বাস তিনি পরকীয়া সাধক ছিলেন।

সহজ সহজ

সবাই কহয়ে

সহজ জানিবে কে।

তিমির অন্ধকার

যে হইয়াছে পার

সহজ জেনেছে সে ॥

চান্দ্রের কাছে

অবলা আছে

সেই সে পীরিতি সার।

বিষে অমৃতেতে

মিলন একত্রে

কে বুঝিবে সরম তার ॥

বাহিরে তাহার

একটি দুয়ার

ভিতরে তিনটি আছে।

চতুর হইয়া

দুইকে ছাড়িয়া

থাকিবে একের কাছে ॥

সহেলার গান

সই পাতানো শুধু বাংলার সমাজ-জীবনে নহে, বাংলার প্রতিবেশী আদিবাসী সমাজেরও একটি বিশেষ অঙ্গাঙ্গী। এই উপলক্ষে বাংলার বিভিন্ন অঞ্চলে বিভিন্ন প্রকার অঙ্গাঙ্গী হইয়া থাকে, সঙ্গীত ইহার একটি বিশেষ উল্লেখযোগ্য অঙ্গ। নিম্নে কয়েকটি মাত্র এই শ্রেণীর গান উদ্ধৃত হইল। ইহাদিগকে সহেলার গান বলে—

১

লজ-ফুলের মালা রে বেদিনী সইয়ের গলে।

সীথার সিন্দুর বদল করে, তানা দুইয়ে সইয়ে।

হাতের শঙ্খ বদল করে, তানা ছুইয়ে সইয়ে ।

আয়না কাকই বদল করে, তানা ছুইয়ে সইয়ে

—মৈমনসিংহ

২

চলিলা কমলা গো—সহেলা পাতিবারে ।

চিড়া-গুড়া লৈল কমলা, ডাইলারে ভরিয়া ॥

কলা চিনি লৈল কমলা, ডাইলারে ভরিয়া ।

পান সবারী লৈল কমলা, বাটারে ভরিয়া ॥

পুষ্প দুর্বা লৈল কমলা, সাজিরে ভরিয়া ।

—ঐ

৩

একজন সই অপর সইএর বাড়ীতে রওনা হইবার সময়ে মেয়েরা গান ধরে—

সই সই বলিয়া সই নি

আছ ঘরে গো,

বেদিনী, আগো, সই গো ।

সইএর বাড়ীতে সইএ ঘাইতে

পন্থে হাঁটু পানি গো,

বেদিনী, আগো, সই গো ।

সইএর কাছে কইঅ খবর,

জানাল বাইছ্যা দিত গো,

বেদিনী, আগো, সই গো !

সইএর বাড়ীতে সইএ ঘাইতে

রইদে কষ্ট পাইলাম গো,

বেদিনী, আগো, সই গো !

সইএর কাছে কইঅ খবর,—

ছত্র লইয়া আইত গো,

বেদিনী, আগো, সই গো !

খিড়কি ছুয়ার, বেতের বান্ধ,

সই পলাইল ঘরে গো

বেদিনী, আগো, সই গো !

সইএর কাছে কইঅ খবর,

বাইর কইরা দিত গো,

বেদিনী আগো, সই গো !

—ত্রিপুরা

৪

যান গৌরী বাপের বাড়ি কোপ করিয়া হরে,

অঙ্গের বসন তার উড়াল ঝড়ে ।

তা দেখি ব্রহ্মার বীর্ষ চলিল সাগরে,

যতনে রাখিল বিধি শঙ্কর ভিতরে

যখন করিল হরি সাগর মন্থন,
সেই তেজে কালকুটি তোমার জনম ।
তোরে হৃদ্যকার সেই আশ্রয় শিবাই,
মাথা হেঁট ছেড়ে বিষ উপরে বিষ তোরে হরের দোহাই । —ঐ

সাক্ষী গান

সাক্ষী গান সাধারণত তরজার মত । মনসা পুজার ঘণ্টের জল আনিতে যাওয়ার সময় দুইটি দলের মধ্যে এক পক্ষ অপর পক্ষকে প্রশ্ন করে । উত্তর দ্বাণে সক্ষম হইলে তবেই অপর দল ঘণ্টের জল লইয়া যাওয়ার অমুমতি পায় ।

ইহা ঝাড়গ্রাম মহকুমার সাপের ওঝাদের মধ্যে প্রচলিত ঝাঁপান অমুষ্ঠানের একটি অঙ্গ । গুণী বা ওঝাদিগকে লইয়া ঝাঁপানের শোভাযাত্রা যখন গ্রামের পথ দিয়া অগ্রসর হয়, তখন পথিপার্শ্বস্থিত ওঝার আর একটি দল, মনসা ও সর্পচিকিৎসা-বিষয়ক কতকগুলি প্রশ্ন দ্বিজ্ঞাসা করে, অল্পদল তাহার জবাব দিয়া পথে অগ্রসর হয় ।

১

প্রশ্ন— কোথা হতে এলে, ভাই, কোথায় তোমার থিতি,
কোথায় পাইলে স্নানর মুরতি,
কেবা তোমার আদি গুরু কেবা তোমার মাতা !

উত্তর— স্বর্গ হতে এলাম ভাই মর্ত্যে আমার থিতি ।

পিতার শরীরে আমার হইল উৎপত্তি ॥

মাতার শরীরে দুই হস্ত পা ।

ব্রহ্মা আমার আদিগুরু গৌরী আমার মা ॥

এই সাক্ষীর উত্তর বলে দিলাম আমি ।

ঘরে গিয়ে পুরাণ খুলে বিচার কর তুমি ॥

লক্ষ্মীকান্ত চরণে আমার অসংখ্য প্রণাম ॥

বাজুক বিষম ঢাক চলুক ঝাঁপান ।—বেলপাহাড়ী (মেদিনীপুর)

২

প্রশ্ন— শুন শুন, গুণিগণ, করি নিবেদন ।

অকস্মাৎ এক কথা হইল স্মরণ ॥

কেবা বাও তুমি, ভাই, বারি লইয়া ।
 এক কথা জিজ্ঞাসিব বাও হে বলিয়া ॥
 পিতা মুখে শুনিয়াছি অপূর্ব কাহিনী ।
 কি হইতে মনসার এক চক্ষু কাণী ॥
 ইহার উত্তর যদি না বলিতে পার ।
 হরি-হর শব্দে তোমরা সাথী গাইতে নার ॥

উত্তর— শুন শুন, গুণিজন, করি নিবেদন ।
 যে সাথী কহিলাম উত্তর করহে শ্রবণ ॥
 পদ্মপাতে জলপান পদ্মার কুমারী ।
 অ-ঘোনি-সম্ভবা তিনি শিবের নন্দিনী ॥
 একদিন বিশ্বনাথ ভাবিল অন্তরে ।
 মনসাকে লয়ে যান আদর করে ॥
 মনসাকে দেখে দেবী কোপ করিলেন ।
 ত্রিশূল আঘাতে চক্ষু ফোটাইলেন ॥
 সেই হইতে মনসার বাম চক্ষু কাণী ।
 সাথীর উত্তর বলে দিলাম আমি ।
 ঘরে গিয়ে পুরাণ খুলে বিচার কর তুমি ॥

—এ

৩

একদিন কংস রাজ সভাতে বসিল,
 দূত গিয়ে কৃষ্ণচক্রে ধরিয়ে আনিল ।
 কংস রাজা বলে, কৃষ্ণ, শুন মন দিয়া
 কালিদ হইতে আন কমল তুলিয়া ।
 তাহার উপরে হরি ছাড়েন সিংহনাদ,
 সে শুন কালি নাগে পড়েছে প্রমাদ ।
 মুখ বিস্তারিয়ে কালি ধাইল সত্তরে
 শ্রীমন্দের নন্দন কৃষ্ণকে পুরিল উদরে ।
 বলরাম বলে, দাদা, বন্ধ কেন হও ?
 তোমার সেবক গরুড় তারে স্মরণ কর ।

বলরামের বাক্যে কৃষ্ণের হইল চেতন,
 গরুড় গরুড় বলি কৃষ্ণ করিল স্মরণ ।
 কুশল স্বীপের মধ্যে গরুড়ের আসন টলিল,
 আসন টলিতে গরুড় ধেয়ানে আনিল ।
 ধেয়ানে যে আনিল গরুড় সর্ববিবরণ,
 কালিদে কালি নাগ গিলছে নারায়ণ ।
 এক পঙ্খ করে গরুড় কালিদ বাঙ্কিল,
 আর এক পঙ্খ করে গরুড় কালিদ ছিচিল ।
 সাত তাল জল গরুড় করিলে ছেচনি
 কর্ণ পাতে শুনে গরুড় নাগের সংশনি ।
 এক ক্ষুদ্র সাপিনী গিয়ে কালিনাগে কয়,
 কোথা হইতে মহাবীর গরুর এলো কালিদয় ।
 গিলেছিল কৃষ্ণচন্দ্রে উগাড়িয়া দিল,
 বিনয় করিয়া কালিনী ধরলো তার পায় ।
 হর বিষ চাও ফিরে, ভাই, বিষের নাম গাই,
 চাইতে চূড়ার পানে আর বিষ নাই ।

—ঐ

নিম্নোক্ত সাখী গানটি বিষ ঝাড়ার মন্ত্র; তথাপি ইহাতে একটু কাব্যের স্পর্শ আছে—

৪

চিনি চিনি করে, বিষ, ক্যাহা যাও তুমি ।
 ফটক বরণ বিষ পান করি আমি ॥
 জঙ্গ বিজঙ্গ, ভাই, পলা ছিল বাজী,
 বত্রিশ দস্তের খালেন সাপা বিষ করিলাম পান ।
 ধুলায় তো লিটিপিটি সন্ন বিষের জালা,
 ভবান কাটিয়ে উড়িয়ে পালা ।
 না চলে মেদিনী কম্পে বিষের তলা ভরা,
 নাম নাম বৃষ্টি ঘামুক খবর ।
 কুথা চণ্ডী, বিষহরি, বাশিবৃক্ষ মূলে
 একবার এখানে আসিও ।

১৮৮২

সন্তানে না দেখিয়া, ভাই, আসে তাই আসে গুরুর সন্ধান,
 আকাশে নাচিছে নাগিনী যত মনসার ভাসানে ।
 অরৎকার ছিলেন জানিয়ে মহিম মণ্ডলে,
 অন্তাদে বাঁধিয়ে ফেলে সাগরের জলে ।
 কুজ্ঞান বিজ্ঞান কাটি করে থানি থানি,
 ভয়ে সাপাধাপা বলে করে আগুয়ান ।
 মাতা কুজুবুড়ি ধীরে ধীরে আসে,
 বেহুলা কান্দে নিজের চক্ষের জলে ভাসে ।
 আয় আট আয় হরি বিষহরির কি,
 গরুড় মনসার দোহাই তোরে সিদ্ধি কামাক্যার আজায়,
 শীত্র আয় শীত্র আয় ।

—৬

৫

প্রশ্ন— কোথা হতে আসে, ভাই, হাতে শিক্ষা লাঠি,
 কোন গুরুকা শিষ্য তুমি কোন গুরুকা লাতি ।
 উত্তর— দক্ষিণ হতে আসে, ভাই, হাতে শিক্ষা লাঠি,
 শিব হোয়ে কমললোচন কা লাতি ।

—৭

৬

প্রশ্ন— পশ্চিম হতে আস, ভাই, পূবে চলে যাও,
 কাহার মন্দিরে তুমি ভিক্ষা করে খাও ।
 কোথায় তোমার ঘর দরজা কোথায় তোমার বাড়ী,
 কিবা তোমার নিজ নাম কিবা তোমার জাতি ।
 চলিয়া সবার মাঝে রাখছে থেয়াতি ।
 সাথীর উত্তর যদি না বলিতে পার,
 হরি হর শব্দে তোমরা সাথী গাইতে নার ।
 উত্তর— শুন শুন, গুণিগণ, করি নিবেদন,
 যে সাগী কহিল উত্তর করহে শ্রবণ ।
 পশ্চিম হতে আসি, ভাই, পূর্বে চলে যাই,
 শিবের মন্দিরে আমি ভিক্ষা করে খাই ।

এগ্রাম সেগ্রাম বলি গণ্ডাপালে বাসা,
 কেবল মাত্র মোর মনসা ভরসা ।
 নিজ নাম ঘনশ্রাম শুন সর্বজনে,
 পিতার নাম রাধানাথ কহিহু একপে ।
 শিক্ষাগুরু লক্ষ্মীকান্ত কহিহু এখন,
 তাহার চরণ বন্দি সভার ভিতর ।
 মাহাতো মোর জাতি বলিয়া সবার মাঝে রাখিহু খেয়াতি ।
 সাথীর উত্তর বলে দিলাম আমি,
 ঘরে গিয়ে পুরাণ খুলে বিচার কর তুমি ।
 মা মনসার চরণে অসংখ্য প্রণাম ।
 বাজুক বিষম ঢাক চলুক ঝাঁপান ॥

—৬

পূর্বেই বলিয়াছি, সাথীগান পূর্বে ঝাঁপান বা সর্পবিজ্ঞা-বিশারদদিগের বার্ষিক সম্মিলন উপলক্ষেই গীত হইত । গুণী বা ওঝাদিগকে লইয়া তাহাদের শিষ্যগণ যে শোভাযাত্রা করিত, তাহা গ্রামের পথে কিছুদূর অগ্রসর হইলে অগ্র এক সম্প্রদায়ের শিষ্য তাহাদিগকে সঙ্গীতের ভিতর দিয়া প্রস্থ করিত, সঙ্গীতের ভিতর দিয়াই তাহার জবাব দেওয়া হইত । ঝাঁপান উপলক্ষে যে সকল অন্ত্যস্ত সঙ্গীত শোনা যায়, তাহা প্রধানত সাহিত্য-গুণবিবর্জিত । উত্তর প্রত্যন্তর ব্যতীতও সাথীগান কিছু কিছু শোনা যায়—

৭

সীতার সনে রঘুনাথ পঞ্চবটীর বনে,
 জানকীর সহিত রাম বসিলেন একাসনে ।
 খেলিছেন রাম পাশা সারি ।
 হেনকালে রাইক্স মেয়ে এল সেইখানে ।
 নাম তার সুর্পণখা চাউনি বাঁকা কানে মদন কড়ি,
 কঁচি (কুচি) করে পরে আছে কমলা পাড়ের শাড়ি ।
 দেখায় যেন মেঘের মালা নীল কিনারা,
 তায় দিয়েছে কৌচা লব্ধ হয়ে পড়ল মাগীব রাম কদলের মোচা ।
 মাগীর ঠম ঠমকা আড়ে ঘোমটা আড় নয়নে চায়,
 বুকের উপর পীর পয়দা মুক্তা বেড়া তায় ।

তিনি যেন তিলোত্তমা সত্যভামা উর্বশী মেনকা,
 মেয়ে রূপে নররূপে হলেন সূৰ্পণখা ।
 এলেন রামের কাছে মধুর ভাবে জোড় করি হাত,
 একটি নিবেদন শুনহে, ওহে রঘুনাথ,
 আমি তায় অল্পকালে ত্রতছলে ছাড়িয়ে বসতি,
 দেশে দেশে খুঁজে পাই না মনের মত পতি ।
 ইহা যদি মনে লাগে তাহার আগে কি করিতে পারে ।
 খেলিব রসের খেলা হয়ে একজ্বিত,
 থাকিব নীলকমলে চাপার তলে,
 সীতার সনে প্রয়োজন নাই তোমায় আমায় জোড় ।
 ঐ কথা শুনে দৌড়ে গিয়ে ধরল লক্ষ্মণ সূৰ্পণখার জটে ।
 গোটা দুই পাক দিয়ে ভূমে ফেলে টুটে নাক কান ।
 নাক ভেঙা নাকে শোভা, টুটে গেল কান ।
 উঠেছে গুপ্তাচুড়ী ভেড়া দৌড়ি যেন উদাম সাড়ী,
 জানকী হাসিয়ে বলে, কি হল লো রাড়ী,
 আহা, কেনে বা আইলাম মান হারাইলাম পঞ্চবটীর বনে ।

—ঐ

৮

প্রশ্ন— কুখা হোতে এলেন তুমি কুখায় তোমার স্থিতি,
 কাহার দুয়ারে তুমি করেছেন বসতি ।
 কাহার দুয়ারে তুমি বাড়ী করেছ আশা ।
 কোন কূলে জন্ম তোমার কোন গ্রামে বাসা ।
 উত্তর— উত্তর থেকে এলাম আমি দক্ষিণে চলে যাই,
 শিবের দুয়ারে গিয়ে ভিক্ষা মেগে খাই ।
 ধর্মের দুয়ারে আমি বাড়ী করেছি বাসা,
 শূঁড় কূলে জন্ম আমার নিজ কূলে বাসা ।

৯

সাথী শুন সাথী, নাথ, গোকুলের কথা,
 পঞ্চ অবতারে কৃষ্ণের জন্ম হলো কোথা ।

জন্ম হলো এথা সেথা দৈবকীর ঘরে,
 বাহুদেব তুলে নিল গোকুল নগরে ।
 গোকুল নগরের লোক বলে হরি হরি ।
 পুষ্প দেখে কাঁপ দিলেন মুকুন্দ মুরারি ।
 বিষজল ছিল, ভাই, অমৃত জল হ'লো ।
 তা দেখিয়ে গরুড় বীরকে স্মরণ করিল ।
 দেখ দেখ, গরুড়, বীর দেখ দুটি আঁখি ।
 এখন ধরেছি সখা, নাহি মানে সাখী ॥
 এলেন সুপতি ভাই বেলের সে পাতা ।
 তা দিয়ে পড়াইব কুস্ত্রানের মাথা ।

—৬

১০

পঞ্চবটীর বনে রাম বান্ধি কুড়াগানি ।
 কাল হইয়ে এলো রামকে সোনার হরিণী ।
 ঐ মৃগ দেখতে পায় জানকী নন্দিনী ।
 ঐ মৃগ ধরে দাও হে, রাম রঘুমণি ।
 ধরিতে নারিব মৃগ, মেরে দিব আমি ।
 দুর্জয় গাঙীব ধনু লয়ে রাম চলিলেন শিকার ।
 আগে আগে যায় মৃগ পশ্চাতে শ্রীরাম ।
 নাচিতে নাচিতে মৃগ গেল দূর বন ।
 গাছের আঁড়ে থেকে থেকে মৃগ খেলেন বাণ ।
 বাণ খেয়ে ডাকে মৃগ, কোথা রে লক্ষ্মণ ।
 লক্ষ্মণ লক্ষ্মণ বলে কান্দিতে লাগিল ।
 সেই বাক্য শুনতে পেলেন জনক-নন্দিনী ।
 সঙ্কটে পড়িয়ে রাম হে ডাকেন লক্ষ্মণ ।

—৬

সাপুড়ের গান

ব্যবসায়ী বেদে এবং বেদিনীরা যে গান গাহিয়া সাপের খেলা দেখায়,
 তাহাকে সাপুড়ের গান বলা যায় । বাংলা দেশে এই উপলক্ষে সাধারণত
 মনসা-মঙ্গলের কোন কোন অংশও গীত হয় ।

১

ম্যাড় ভাসাও, মা, ভাসাও বলে কাঁদছে বেহুলা গো,
চম্পানগরে ছিলেন লোহার বাসর ঘরে গো ।
ম্যাড় ভাসাও, মা, ভাসাও বলে কাঁদছে বেহুলা গো,
সুতার সঞ্চার হ'য়ে কালিনাগ বাসরে সামাল গো ।
বাসরে সামাই কালিনাগ ভাবে মনে মনে গো,
এমন সোনার লখিন্দর দংশিব কেমনে গো,
ম্যাড় ভাসাও, মা, ভাসাও বলে, কাঁদছে বেহুলা গো ॥ —ঐ

২

সোনার কাগা রে, মাকে গিয়ে বল,
সোনার বেহুলা তোমার জলে ভেসে গেল ।
কলার ম্যাড় কাটিয়ে ভেলা গঙ্গায় ভাসিল,
সাপ বলে সাপিনীয়ে শুনগো কুলের কথা,
সোনার বেহুলা তোমার জলে ভেসে গেল ।
বিষে অঙ্গ জড়জড় সোনার লখিন্দর,
সোনার বেহুলা তোমার জলে ভেসে গেল ॥ —ঐ

৩

কতদিন থাকবি, মা, গঙ্গার জলের উপরে ?
সাপা বলে সাপিনীকে শুনগো কুলের কথা,
কতদিন থাকবি, মা, গঙ্গার জলের উপরে ? —মুশিদাবাদ

সাঁওতালি গান

পশ্চিমবাংলার সাঁওতাল জাতি বিভিন্ন উৎসবে যে বাংলা গান গাহিয়া থাকে, তাহার পরিচয় বিভিন্ন নৃত্যগীত উৎসব উপলক্ষে বিভিন্ন স্থানে দেওয়া হইয়াছে । এখানে সাধারণভাবে আরও কতকগুলি বাংলা গানের উল্লেখ করা হইল ।

১

জিলাপী কিনি বাতাসা কিনি
কলের জল খাইয়ে রেল চাপি ব ।

খড়গপুর বাড়ীরে, লারাগ, খুঁড় ডাকিল,
হাওড়া যাতে রে, লারাগ, বেলা উঠিল ।
চাল চিড়া বাঁধরে, লারাগ, বিদেশে খাব । —বাঁশপাহাড়ী

২

কুথায় তোমার, ভাই, ঘরবাড়ী
কুথায় তোমার, ভাই, খন্তরবাড়ী,
টুস কুটুরী হাঁড়িয়া গোদান ঘরবাড়ী
গাড়া ধারে বিয়া খন্তরবাড়ী ॥ —বেলপাহাড়ী

৩

বেগুণ বাড়ীর ভিতরে ।
কে রে বাঁশী বাজায় রে ।
আখড় দুব ঘাস সরে না ।
আপনার মন সরে না ॥ —ঐ

৪

উপর কুলি বাপের ঘর নাম কুলি খন্তর ঘর !
জলকে যাবার বেলায় ডাকিও, বিড়াকুল, মনে রাখিও । —ঐ

৫

কুলি কুলি কুড়ায় বলে চাপার কলি ।
চাপার কলি আতনা সুন্দরী, খোঁপায় আছে কলি । —ঐ

৬

ইন্দুরে কুটুম আইল,
ঘরে নাই কিছু খেতে কি দিব গো,
একটি পান খিলে ষোলটি গুয়া গো হাতে হাতে ।
হাতে হাতে ওগো মাধরাইয়া দিব গো,
ইন্দুরে কুটুম আইল । —ঐ

৭

কি হয়, আমার ইকটি বিটি লো
ষতনে খোঁপা বাঁধিলো গো,
বাঁ হাতে তেলের বাটি দাইন হাতে আয়না চিরুণী,

হায়, আমার সাথের বিটি গো,

শুভ বলে সিঁদুর ঘষি গো ॥

—৬

৮

তুমি, দাদা, বড়রে, হামি, দাদা, ছোটরে,

মাকে জলখি কেন মার ;

মায়ের মত ধন কোথায় পালে রে,

ছাতির উপর দুধ হে পিয়ালে ।

—সাঁওতাল পরগণা

৯

উপর কুলি আকড়া নেমু কুলি আখড়া ।

এত দিন কুখা ছিল গুরুজন আকাশম বেরিজল ।

—৬

ভাবার্থ—সর্বজ্ঞই নাচগানের উৎসব চলিয়াছে, কিন্তু হে আমার সঙ্গীতজ্ঞ প্রিয় সখী,—আমি বহু দিন ধরিয়া তোমার সহিত নাচগানের আনন্দ হইতে বঞ্চিত আছি । ওগো নিষ্ঠুর, এত দিন তুমি কোথায় ছিলে ?

১০

আমাছে ছেড়িয়ে তুমি গেলি গো বিদেবন বিদেশ,

কই ঢোলি গো দুলানের ঘর

কই পেলি গো দুলানের ঘর ।

তুমার মন আমার মন একই মন ছিলো গো,

আমাকে ছেড়িয়ে তুমি গেলি গো বিদেবন বিদেশ,

কই পেলি গো দুলানের ঘর ॥

—৬

সারি গান

সাধারণত এক সঙ্গে সকলে মিলিয়া যে গান গাওয়া হয়, তাহাকেই সারি গান (group song) বলে । এক সঙ্গে নৌকা বাহিবীর সময় এই গান গাওয়া হয় । ভাটিয়ালি গানও সারি গানের মত নৌকার মাঝি গাহিয়া থাকে ; কিন্তু যে মাঝি নৌকায় ভাটিয়ালি সুরে গান ধরে, তাহার হাতে কোনও কাজ থাকে না, সে এক হাতে বৈঠা কেবলমাত্র ধরিয়া রাখিয়া নদীর ভাটিতে নৌকা ছাড়িয়া দেয়, ভাটার টানে নৌকা আপনা হইতে ভাগিয়া চলে, মাঝির অঙ্গ সঞ্চালন দ্বারা বৈঠা চালাইতে হয় না । কিন্তু যে মাঝি সারি গান গাহে, তাহার

বৈঠা তাহার আর কয়েকজন সহকর্মীর বৈঠার সঙ্গে তালে তালে জলের মধ্যে পড়ে, তারপর তাহাদের নিজেদের বাহুর শক্তিতে সেই জল ঠেলিয়া তাহারা নৌকা লইয়া অগ্রসর হয়, জল হইতে বৈঠা তুলিয়া আবার জলে ফেলিবার পূর্বে নৌকার বাতায় (edge) একবার করিয়া বৈঠা দিয়া সজোরে আঘাত করে, তাহাতে তাল বা rhythm রক্ষা পায়। সারি গানে এই ভাবে কোন না কোন উপায়ে তাল রক্ষা করিবার আবশ্যক হয়। ভাটিয়ালিতে এই তাল নাই ; সুতরাং তাহা রক্ষা করিবারও কোন দায়িত্ব নাই।

নৌকার মাঝিরা বৈঠা বাহিবার কিংবা দাঁড় টানিবার কার্য ব্যতীত তাহাদের সমবেত কণ্ঠে গীত যে কোন সঙ্গীত প্রাচীন কাল হইতেই সারি গান বলিয়া উল্লেখ করা হইয়া আসিতেছে ; যেমন খ্রীষ্টীয় পঞ্চদশ শতাব্দীর কবি বিজয় গুপ্ত লিখিয়াছেন,

চারিদিকে বেড়িয়া মদন করে খাড়ি ॥ —মনসা-মঙ্গল

ইহার পূর্বে বাংলা সাহিত্যে এই শব্দটির এই অর্থে ব্যবহৃত হইবার কোন নিদর্শন পাওয়া যায় না। ‘শ্রীকৃষ্ণকীর্তনে’ এই অর্থে শব্দটি ব্যবহৃত হয় নাই। তৎপূর্বে ‘বুদ্ধগান ও দোহা’য় শব্দটি একবার পাওয়া যায় সত্য, যেমন—

আলি কালি সেনি সারি স্থনিয়া।

গঅবর সমরস সান্ধি গুণিয়া ॥

অর্থাৎ আলি কালি অর্থাৎ স্বরবর্ণ ব্যঞ্জনবর্ণ এই দুইটিকে বীণার ছড়ি বা ছড় জানিলাম।

এখানে সারি অর্থ ছড় বলিয়াই মনে হইতেছে। সারি গানের সঙ্গে ইহার কোন সম্পর্ক আছে বলিয়া মনে হয় না। তবে গানের সঙ্গে সম্পর্ক এবং একাধিক বিষয়ের উল্লেখ হইতে সারি গানকেও ইহাতে লক্ষ্য করা হইতে পারে। খ্রীষ্টীয় পঞ্চদশ শতাব্দীতে বিজয় গুপ্তের মনসা-মঙ্গল রচনাতেই ইহার এই অর্থে সুস্পষ্টভাবে সর্বপ্রথম উল্লেখ দেখা যায়।

মনসা-মঙ্গলের কবি বিপ্রদাস পিপ্লাইও লিখিয়াছেন, চাঁদ সদাগর যখন বাণিজ্য যাত্রা করিয়াছেন, তখন—

পুজিল বেতাই চণ্ডী চাঁদ দণ্ডধর।

হরষিতে সারি গায় নায়ের নফর ॥

বিপ্রদাস পিপ্লাই খ্রীষ্টীয় পঞ্চদশ শতাব্দীর লোক বলিয়া কেহ কেহ মনে

করিয়েছেন, যদি তাহাই সত্য হয়, তবে নৌকা বাইচের গান কথার ব্যবহার বাংলা সাহিত্যে এই প্রথম। কিন্তু বিপ্রদাসের এই রচনা আধুনিক।

ক্রমে মধ্যযুগ হইতেই সারিগান মাঝিদের গানরূপেই পরিচিত হইল। যেমন খ্রীষ্টীয় সপ্তদশ শতাব্দীর কবি দ্বিজ বংশীদাস লিখিয়াছেন—

চৌদ্ধ ডিঙ্গা বাহিয়া যায়,

পাইক সবে সাইর গায়।

—মনসা-মঙ্গল

সমবেত কর্মসঙ্গীত (work song) মাত্রই সারিগান হইলেও কালক্রমে এই শব্দটির অর্থ সঙ্কুচিত (contraction) হইয়া কে-ল মাত্র নৌকার দাঁড় কিংবা বৈঠা টানিবার সময় গেষ সমবেত সঙ্গীতকেই সারিগান বলিয়া উল্লেখ করা হইয়া থাকে। আমরা এখানে ব্যাপক অর্থেই শব্দটি ব্যবহার করিব।

সারিগানের সঙ্গে নৌকা এবং নদনদী বিল হাওরের সম্পর্ক আছে বলিয়াই পূর্ব এবং নিম্নবঙ্গে ভাটি ও জলাভূমি অঞ্চলের মধ্যে ইহা সীমাবদ্ধ। মধ্যযুগে বাংলার ইতিহাসে যে বারভূইঞার উল্লেখ পাওয়া যায়, তাহাদের অধিকাংশই পূর্ব এবং নিম্নবঙ্গে স্বাধীন ভাবে নৌবল রক্ষা করিতেন। বশোহরের রাজা প্রতাপাদিত্যের যে এক শক্তিশালী নৌবাহিনী ছিল, তাহা ইতিহাস হইতেই জানিতে পারা যায়। এই প্রকার চন্দ্রদ্বীপের রাজা রামচন্দ্র, বিক্রমপুরের চাঁদ এবং কেদার রায়, কিশোরগঞ্জের ঈশা খাঁ মনসদ আলি, জুঙ্গের রাজা রঘু ইত্যাদি প্রত্যেকেরই নৌবহর ছিল। দিল্লীশ্বর জাহাঙ্গীরের সেনাপতি ইসলাম খাঁ যখন মুঙ্গের হইতে বাংলা স্বেচার রাজধানী ঢাকায় স্থানান্তরিত করিয়া লইয়া মগ জলদস্যুদিগকে বধবস্ত করিবার কার্যে আত্মনিয়োগ করিয়াছিলেন, তখন তিনি এক বিপুল নৌবাহিনী গঠন করিয়া তাহা দ্বারাই নিম্নবঙ্গে অত্যাচার রত মগ জলদস্যুর শক্তি সম্পূর্ণ বিধ্বস্ত করিতে সক্ষম হইয়াছিলেন। ইহাদের নৌবলের প্রধান অঙ্গ ছিল দীর্ঘাকৃতি এক প্রকার ছিপ নৌকা; তাহা দৈর্ঘ্যে অনেক সময় একশত গজ এবং প্রস্থে মাত্র দুই তিন গজ হইত। ইহার দুই ধারে দুই সারি করিয়া পঞ্চাশ হইতে প্রায় একশত সশস্ত্র মাঝি থাকিত, ইহারা বৈঠা দিয়া জল টানিয়া টানিয়া ক্ষিপ্ত গতিতে অগ্রসর হইয়া শত্রুদিগের উপর আক্রমণ এবং প্রতি আক্রমণ চালাইত। পূর্ব ও নিম্নবঙ্গে স্বাধীন ভূস্বামিগণ প্রায় প্রত্যেকেই সারা বৎসর ব্যাপিয়াই এই জেগীর ছোট বড় নৌবল রক্ষা করিতেন। যুদ্ধের সময় ব্যতীত উৎসবে পার্বণে এই সকল রণতরী অনেক সময়

একত্র সমবেত হইয়া নদী, হাওর কিংবা বিলের মধ্যে বাইচের (race) প্রতিযোগিতার অনুষ্ঠান করিত; প্রধানত তাহা অবলম্বন করিয়াই সারি গান উৎপত্তি ও বিকাশ লাভ করিয়াছে। ক্রমে নৌযুদ্ধের প্রয়োজনীয়তা লুপ্ত হইয়া বাইবার সঙ্গে সঙ্গে ইহা সামাজিক জীবনের নানা উৎসবে পার্বণে এবং সম্পন্ন লোকের সৌখীনতায় ব্যবহৃত হইতে লাগিল। এই ভাবে বাংলার রাজনৈতিক জীবনের ইতিহাসে তাহার নোশক্তির উত্থান পতনের সঙ্গে সারি গানের সম্পর্ক জড়িত হইয়া রহিয়াছে।

সারি গানের প্রধান বিশেষত্ব এই যে, ইহা যে কেবল তালযুক্ত তাহাই নহে, ইহার তাল অত্যন্ত বৈচিত্র্যপূর্ণ। লোক-সঙ্গীতের মধ্যে তালের একটি প্রধান দোষ এই যে, অনেক সময় ইহা একঘেয়ে হইয়া উঠে; কিন্তু সারি গানের তাল যেমন বিচিত্র, তেমনই সমৃদ্ধ। সারি গানের একমাত্র লক্ষ্য তাল—ভাবও নহে, বিষয়ও নহে। তালই ইহার প্রধান আকর্ষণ। কর্ম-সঙ্গীত মাত্রই ভাব-গভীরতাহীন; যেখানে শারীর ক্রিয়া প্রধান অবলম্বন হইয়া উঠে, সেখানকার সঙ্গীতের মধ্যে ভাবের দিক দিয়াই হউক, কিংবা রসের দিক দিয়াই হউক, নিবিড়তা দেখা দিতে পারে না; বহিমুখী শারীর ক্রিয়া দ্বারা অন্তর্মুখী ভাব যেমন বিক্ষিপ্ত হইয়া পড়ে, তেমনই ইহার আশ্রিত রসও বিক্ষিপ্ত হইয়া যায়। সেইজন্য সারি গান রচনার দিক দিয়া যেমন শিথিল বন্ধ, তেমনই ভাবের দিক দিয়াও অত্যন্ত তরল। বাংলাদেশে ‘কান্না ছাড়া গীত নাই’। সারি গানের সম্পর্কেও একথা সত্য, সারি গানও প্রধানত রাধা-কৃষ্ণের বিষয় অবলম্বন করিয়াই রচিত হইয়া থাকে। ইহাদের প্রেম বিষয়ের মধ্যে যেমন গভীরতা থাকে না, তেমনই কোনও আধ্যাত্মিকতার ভাবও প্রকাশ পায় না। কিন্তু গতি ও ক্ষুদ্র তালই ইহার প্রধান লক্ষ্য থাকে বলিয়া ভাবের দিক দিয়া ইহা নিতান্ত তরলায়িত হইয়া উঠে, ভাটিয়ালির সঙ্গে এইখানেই ইহার পার্থক্য দেখা যায়। দৃষ্টান্ত স্বরূপ নিম্নোক্ত সঙ্গীতটি উল্লেখ করা যায়। ইহার মধ্যে রাধাকৃষ্ণের প্রসঙ্গ এবং প্রেমের বিষয় উভয়ই আছে সত্য, তথাপি কোন বিষয়ই ইহাতে গভীরতা লাভ করিতে পারে নাই, তাহা লক্ষ্য করিলেই সহজে বুঝিতে পারা যাইবে।

শুন, ললিতে, কই তোমারে শ্রাম-পীরিতের লাঞ্ছনা।

হায়, পীরিত আমারে ছাইড়ে না ॥

পীরিত রতন পীরিত ঘটন গো, হায় গো, পীরিত গলার হার ।

পীরিত কইরা যে জন মরে সফল জীবন তার ॥

এক পীরিতি কইরাছিল গো, হায় গো, রাধের সনে কাহ্ন ।

কোন যুগে করছিল পীরিত আইজও বুঝে তহু ॥

এক পীরিত কইরাছিল গো, হায় গো, রাধে কইতো পারে ।

নন্দের ছাইল্যা ভাইগ্‌না লইয়া ফিরছিল বনে বনে ॥

হায়, পীরিত আমারে ছাইড়ে না ॥

ইহাতে পীরিতি বা প্রেমের কথা থাকিলেও, এই প্রেমে গভীরতা নাই, কেবল কৌতুক আছে। আধ্যাত্মিকতা নাই, কেবল ব্যঙ্গ আছে; ইহা চণ্ডীদাসের ‘পীরিতি রতন’ নহে ।

সারি গানের অশ্লীলতার অপবাদ অত্যন্ত প্রাচীন। রেভা: মর্টন বাংলা প্রবাদের সে সংগ্রহ প্রকাশ করিয়াছিলেন, তাহাতে সারি গান সম্পর্কে নিম্নোক্ত প্রবাদটি গ্রহণ করা হইয়াছিল—

গঙ্গায় সারি গাইলে গঙ্গা হয় না ছুটে ।

ছুষ্টের গুণ গাইলে ছুটে হয় না শিটে ॥

তিনি সারি গান অর্থে obscene song বলিয়া অমূল্যবাদ করিয়াছেন। সারি গানের ভাব নিতান্ত তরল, তবে সর্বদাই অশ্লীল নহে। আর একটি দৃষ্টান্ত উল্লেখ করা যায়—

ও রায়কিশোরী, তোর সনে মোর কথা ছিল কি ?

ঐ কাল জলে চান করাব সই,

ও সইরে ডাল ভাজিয়া বাতাস করি ।

তোর সনে মোর কথা ছিল কি ?

বেড়াই আমি তোমার লাগে,

অন্নধারী হলাম সখী, তোমার লাগে,

ঘুরছি আমি রাত্রিদিনে করুছ কেন চাতুরী ?

তোর সনে মোর কথা ছিল কি ?

সারি গান নৌকা বাইচের গান বলিয়া রাধাকৃষ্ণের প্রসঙ্গের মধ্যে যেখান নৌকায় যমুনা পারাপারের বিষয় আছে, তাহা অবলম্বন করিয়াই প্রধানত ইহা রচিত হয়। কৃষ্ণসীতার মধ্যে নৌকাখণ্ড এবং পারখণ্ড বা নৌকাবিলাস একটি

উল্লেখযোগ্য প্রসঙ্গ ; তাহারই একটি নিতান্ত লৌকিক রূপ অধিকাংশ সারি গানেরই বিষয় হইয়াছে । যেমন—

আরে ও কানাই, পার করে দে আমারে ।

আজিকার মথুরার বিকি দান করিব তোমায়ে ॥

তুমি ত সুন্দর, কানাই, তোমার ভাঙ্গা না ।

কোথায় রাখব দইয়ের পসরা, কোথায় রাখব পা ॥

শুন কানাই বলে তখন, শুন রসবতী ।

ভরা কালে ভরা গাঙ্গে, কেন এলে যুবতী ॥

আগা নায়ে রেখে দই মাঝখানাতে বস ।

ফুটিক ফুটিক ফেল জল, লজ্জায় কেন ভাস ॥

সর্ব সখী পার করিতে নেব আনা আনা !

রাধিকারে পার করিতে নেব কানের সোনা ॥

বাইচের নৌকার গতি সকল সময় সমান থাকে না ; ইহা কখনও মধুর গতিতে চলে, তখন গানের তাল মধুর হয় ; যখন ইহা দ্রুত গতিতে চলে, তখন ইহার তাল দ্রুত হয় । নৌকার গতি দ্বারা ইহার তাল অনেক সময় নিয়ন্ত্রিত হয় । বিভিন্ন নৌকার সঙ্গে প্রতিযোগিতা যখন একেবারে শেষ সময় অর্থাৎ finishing point-এ আসিয়া পৌঁছায়, তখন তাহাতে আর কোনই গান থাকে না, কেবল প্রবল উত্তেজনামূলক উচ্চ ধ্বনি (yell) শুনিতে পাওয়া যায় । অনেক সময় প্রবল এই উত্তেজনার মুখে তালও সম্পূর্ণ বিসর্জিত হয় ; সুতরাং অন্ত্য গানের যেমন একটি সুনির্দিষ্ট ধারা আছে, ইহার তেমন নাই । বাইচ খেলায় মাঝির মেজাজ ও প্রয়োজনীয়তা অহুসারে ইহার তাল ও সুর সর্বদাই নিয়ন্ত্রিত হইয়া থাকে এবং বাইচের উত্তেজনা যখন প্রবলতম হইয়া উঠে, তখন গান সুর এবং তাল সকল কিছুই বিসর্জিত হইয়া কেবল এক উচ্চ কোলাহল ব্যতীত তাহাতে আর কিছুই শ্রুতিগোচর হয় না ।

দেশ দেশান্তরের কর্ম-সঙ্গীত (work-song) মাত্রেরই ইহাই বিশিষ্ট রীতি । এই বিষয়ে পাশ্চাত্য লোক-সঙ্গীত বিশারদ T. C. Brakeley উল্লেখ করিয়াছেন—The rhythmic character of the songs is largely dictated by the nature of the work they accompany. The broad division of rhythm by tasks are clearly shown in

the sea chanteys. If the work requires a heavy blow or pull, particularly when the efforts of a group must be pooled to accomplish something beyond the strength of an individual, the works may be sung fairly slowly but in strongly accented rhythm, each stress signalling the moment of effort. অর্থাৎ কর্মের প্রকৃতি অনুযায়ী এই শ্রেণীর সঙ্গীতের তাল নিয়ন্ত্রিত হইয়া থাকে। সমুদ্রে নৌকার বাইচ খেলিবার সময় যে গান গাওয়া হয়, তাহাদেরই মধ্য দিয়া কর্মসঙ্গীতের তালের বিভিন্ন বিভাগগুলি সুস্পষ্ট ভাবে অনুভব করা যায়। বহু ব্যক্তি বিপুল শক্তিদ্বারা এক সঙ্গে যদি কিছু আঘাত কিংবা আকর্ষণ করে, তখন গানের তাল মন্থর হয়, কর্মের গতি যখন তীব্র ও দ্রুত হয়, তখন তালও সেই পরিমাণে তীব্র ও দ্রুত হয়।

বাইচের নৌকাগুলি যখন গ্রাম হইতে প্রতিযোগিতার ক্ষেত্রের দিকে যাত্রা করে, তখনই ধীর মন্থর গতিতে গান গাহিতে গাহিতে অগ্রসর হইয়া থাকে। প্রতিযোগিতায় জয়লাভ করিয়া যখন কোন বিজয়ী নৌকা ধীর মন্থর গতিতে স্বগ্রামে ফিরিয়া আছে, তখন মুহূর্তালের এক প্রকার সঙ্গীত শুনিতে পাওয়া যায়—

জয় দেগো, রামের মা, তোর গোপাল আইল ঘরে,
 ধাত্তা দুর্বা বরণ কুলা, দে গো, ঐ গলুয়ার কপালে।
 নড়িয়া চড়িয়া তোমার গোপাল নে যাও ঘরে ॥
 সাত সাগরের পার থিকা যে আনছে বরণ মালা,
 দুধের বাটি ক্ষীরের নাডু আনো থালা থালা ॥
 যেই দেবতার দয়াল আসে তোমার গোপাল ঘরে।
 সেই দেবতা পবন ঠাকুর পেলাম যাই তারে ॥

পূর্ব এবং নিম্ন বাংলায় বৎসরের বিশেষ বিশেষ দিনে নৌকা বাইচের জন্ত বিশেষ বিশেষ কতকগুলি স্থান বহুকাল যাবৎ নির্দিষ্ট হইয়া আছে, বিশেষ উৎসব উপলক্ষে শত শত বাইচের নৌকা সেখানে আসিয়া সমবেত হয়। বর্ষার জলে চারিদিক প্রাবিত হইয়া সেই সকল স্থান সমুদ্রের মত মনে হয়, ইহাই বাইচ খেলার প্রশস্ত স্থান। সেই উন্মুক্ত জলরাশির উপর, চলন্ত ছিপের মধ্যে বাহুর শক্তি দ্বারা বৈঠা টানিতে টানিতে এক এক ছিপের মধ্য হইতে

পঞ্চাশ হইতে শতাধিক মাঝি এক সঙ্গে তালে তালে সারি গান গাহিয়া থাকে। স্বতরাং ঘরের মধ্যে বসিয়া যে পল্লী-সঙ্গীত গীত হয়, তাহার প্রকৃতি ইহা হইতে স্বতন্ত্র হইবে, ইহা নিতান্ত স্বাভাবিক।

হিন্দুর দুইটি প্রধান উৎসব উপলক্ষে গোষ্ঠীগতভাবে পূর্ব ও নিম্নবঙ্গে প্রধানত নৌকা বাইচের প্রতিযোগিতা হইয়া থাকে, তাহা মনসার ভাসান এবং বিজয়া। বিজয়ার ভাসানের সময় অনেক বিল ও হাওরের জল শুকাইয়া যায়; কিন্তু মনসার ভাসানের দিন অর্থাৎ জ্রাবণ সংক্রান্তির পরবর্তী দিন ১লা ভাদ্র তারিখে ভরা বর্ষায় ইহার যে অনুষ্ঠান হয়, তাহাই বৃহত্তম। ইহা ছাড়া বিশেষ কোন উৎসব ব্যতীত এবং অগ্ন্যন্ত্র অবকাশ মতও মধ্যে মধ্যে বাইচের প্রতিযোগিতা হয়, তবে তাহা এত ব্যাপক আকার লাভ করিতে পারে না।

পূর্ববাংলার সারিগানের মধ্যে রাধাকৃষ্ণের প্রসঙ্গ প্রাধান্য লাভ করিলেও অগ্ন্যন্ত্র সমসাময়িক ঘটনা অবলম্বন করিয়াও তাহাতে সঙ্গীত রচিত হইয়া থাকে। কিন্তু ভাবের দিক দিয়া নিতান্ত অগভীর এবং রচনার দিক দিয়া শিথিল বলিয়াই ইহারা কোন স্থায়ী আবেদন সৃষ্টি করিতে পারে না; রাধাকৃষ্ণ বিষয়ক সঙ্গীতই হোক, কিংবা অগ্ন্যন্ত্র সমসাময়িক বিষয়বস্তু অবলম্বন করিয়া রচিত সঙ্গীতই হউক, এক বৎসরের সঙ্গীত পরের বৎসরেই আর শুনিতে পাওয়া যায় না, নূতন বৎসরের জন্ত নূতন সঙ্গীত মুখে মুখে রচিত হয়, বৎসরের প্রয়োজন মিটিয়া গেলে বাসি ফুলের মত তাহা সমাজ-মানস হইতে পরিত্যক্ত হয়।

কিন্তু দক্ষিণ বঙ্গ বিশেষত যশোরের সারি গানগুলির একটু বিশেষত্ব আছে। সেখানকার নদনদী বিল খালের জল পূর্ববাংলার বর্ষার জলের মত এত দ্রুত শুকাইয়া যায় না; সেইজন্ত বিজয়া দশমীর নৌকা বাইচই সেখানে প্রধানতম নৌকা বাইচের উৎসব। বিজয়ার মধ্য দিয়া যে একটু বাস্তব জীবনের বেদনার স্পর্শ আছে, মনসার ভাসানের মধ্যে তাহা নাই। কারণ, মনসা দেবীর ভাসানের মধ্যে মানবের চোখে অশ্রু দেখা যায় না; কিন্তু বিজয়া দশমীতে আমরা যে প্রতিমা বিসর্জন করি, তাহা দেবী প্রতিমা হইলেও মানব-কল্পা রূপে তাঁহার আগমন বলিয়াই আমরা অনুভব করি। সেইজন্ত ইহার ভাসানের সঙ্গে একটু বেদনাবোধের সংমিশ্রণ হইয়াছে। ইহার ভাব পূর্ববাংলার সারি গানের মত এত তরল কিংবা ইহার রচনা এত শিথিলবদ্ধ নহে। একটি দৃষ্টান্ত দেওয়া যায়—

সোনার কমল ভাসিয়ে জলে আমার মা বুঝি কৈলাসে চলিল ।
 ইঁস ম'ব দিয়ে, মাগো, কল্লেম তোব পূজা,
 কোথায় ফেলে গেলে এ'সব, ও মা, দশভুজা ।

(সোনার কমল)

মাগো, কার বাড়ী গিয়েছিলে, কে করেছে পূজা,
 কার জনম করলে সফল হয়ে দশভুজা ।

(সোনার কমল)

বাংলার সুপরিচিত কাহিনী নিমাই সন্ন্যাস ; ইহার সুরও বেদনারই সুর,
 বজ্রার বেদনাবোধের সঙ্গে ইহারও সুর এবং ভাবগত একটু সম্পর্ক আছে ;
 সেইজন্ত এই অঞ্চলের সারি গানের মধ্যে নিমাই সন্ন্যাসের প্রসঙ্গও শুনিতে
 পাওয়া যায়—

কেমনে বাঁচিবে তোর মা,
 আরে, ও নিমাই, সন্ন্যাসেতে যেও না ।
 যখনে জন্মিলে, নিমাই, নিম তরুতলে,
 আমি বাছিয়া রাখিলাম নাম, নিমাই চাঁদ তোমায়ে ।
 সন্ন্যাসী না হইও, নিমাই, বৈরাগী না হইও,
 ঘরে বসে কৃষ্ণনাম আমায়ে শুনাইও ।

সারি গান সুস্পষ্ট তালযুক্ত সঙ্গীত বলিয়া অনেক সময় ইহার সঙ্গে অতি
 সহজে নৃত্যও যুক্ত হইয়া থাকে । তবে যাহারা বৈঠা টানে, তাহাদের দ্বারা নৃত্য
 সম্ভব হয় না, নৌকার সম্মুখ ভাগের বিস্তৃত গলুইয়েব উপর দাঁড়াইয়া বৈঠার
 তালে তালে অনেক সময় এক কিংবা একাধিক ব্যক্তি নৃত্য করিয়া থাকে । কিন্তু
 নৌকা যখন স্বাভাবিক গতিতে চলিতে থাকে, তখনই এই নৃত্য সম্ভব,
 প্রতিযোগিতার মুখে নৌকা যখন ক্ষিপ্ত গতিতে অগ্রসর হইতে থাকে, তখন
 তাহা কদাচ সম্ভব নহে । চলন্ত ছিপের উপর এই নৃত্যের মধ্য দিয়া উচ্চ কোন
 গুণ প্রকাশ পাইতে পারে না ।

সারি গানের বাগধঙ্গ ঢোলক এবং কঁাসি ; অনেক সময় কঁাসি দেখা যায়
 না, কেবলমাত্র ঢোলকেই কাজ চলিয়া যায় । কিন্তু বাগ কিংবা নৃত্য
 কিছুই ইহার মুখ্য নহে । বৈঠা দ্বারা ইহাতে যে তাল রক্ষা করা হয়, তাহা বাগ
 এবং নৃত্যের তাল ছাপাইয়া যায়, অথবা বাগের প্রয়োজনীয়তা কেহই অনুভব

করিতে পারে না। এই বিষয়ে একজন বিশিষ্ট পাশ্চাত্য লোক সঙ্গীতবিদ বলিয়াছেন—‘The only accompaniment to most work-songs is the beat of implements flails, pestles, axes, and sledge hammers—the tinkle of animal bells, the clack of heddles, the heavy tread of feet or the sharply expelled breath or grunt of the workers as the stroke falls. Yet for some tasks and in some countries instruments have been used to liven the song or pace the work—the bagpipe for harvesting in England, drum and rattle in the Dominion Republic, conchshell trumpet, flute for Greek oarsman, banjo for American plantation works.’

বাংলার লোক-সঙ্গীত একটু একঘেয়ে এবং মেয়েলী ভাবাপন্ন হইলেও, তাহাতে যে কিছু কিছু ব্যতিক্রম আছে, সারি গান তাহার নিদর্শন। সারি গানের মধ্যে কোন কোন সময় পৌরুষ ভাবের একটু স্পর্শ অনুভব করা যায়, তবে একথা সত্য, জারি গান কিংবা অন্যান্য যুদ্ধসঙ্গীতের মত তাহা তত উচ্চ গ্রামে পৌঁছিতে পারে না; কারণ, রাধা-কৃষ্ণের প্রেম এবং বিজয়ার বেদনার অনুভূতি বিষয়ের দিক দিয়া মুখ্যত ইহার অবলম্বন হইয়াছে; প্রেম এবং বিচ্ছেদের মধ্যে বীররসের স্পর্শ দান করা সম্ভব নহে।

সারি গানেরই একটি নিত্য আধুনিক অধঃপতিত রূপ ছাত পেটানোর গান। নদীমাতৃক বাংলাদেশের পূর্ব রূপ আজ আর নাই। অধিকাংশ ক্ষেত্রেই নদনদী হাওর খাল বিলগুলি মজিয়া গিয়াছে, সারি গানের প্রয়োগের ক্ষেত্রেও সেই অনুযায়ী সঙ্কুচিত হইয়া আসিয়াছে। আধুনিক নাগরিক জীবন প্রতিষ্ঠার সঙ্গে সঙ্গে একটি নূতন কর্ম দেখা দিয়াছে। পাকা গৃহনির্মাণে ছাত পিটানো একটি প্রয়োজনীয় সমবেত কর্ম। বিশেষত বৈঠার তালে তালে যেমন মাঝিরা বাইচের নোকা বাহিয়া থাকে, ছাত পিটানোর সময়ও তেমনই ছাত পিটাইবার সরঞ্জাম বা কর্ণিকটি তালে তালে ফেলিয়া অরূপ তাল রাখা হয়। কর্মের এই বহিমুখী ঐক্য আশ্রয় করিয়াই ছাত পিটানোর মধ্যেও সারি গানের রূপটি গিয়া প্রবেশ করিয়াছে। এখানে উদার জলরাশির সেই উন্মুক্ত বিস্তার নাই, অবরুদ্ধ নাগরিক পরিবেশের কদর্ঘ সঙ্কীর্ণতা আছে, তাহার ফলে ভাবে ও ভাষায় ছাত পেটানোর গানগুলি কদর্ঘ রূচির পরিচায়ক হইয়া উঠিয়াছে।

পুরুষ একটি ঔষসাধ্য কর্ম সম্পাদন করিবার সঙ্গে সঙ্গে সারি গান গাহিত ; কিন্তু বাহারা ছাত পিটায়, তাহাদের অধিকাংশই জীলোক, তাহাদের কর্ম ঔষসাধ্য নহে, বরং নিতান্ত অলস প্রকৃতির ; একজন মাত্র পুরুষ মূল গায়ন, প্রকৃত কর্মের সঙ্গে কোন সম্পর্ক স্থাপন না করিয়াই বেহালা বাজাইয়া সঙ্গীত পরিচালনা করিয়া থাকে। কিন্তু সারি গানের একজন মূল গায়ক বা পরিচালক থাকিলেও সেখানে সে কর্মী এবং গায়ক, সকলের স্থানই সেখানে সমান। নিষ্ক্রিয় গায়ক সেখানে কেহ নাই। স্মরণ্য দেখা যাইতেছে যে, উভয়ের ক্ষেত্র পৃথক হইয়া গিয়াছে। সেই জন্ত যদিও একের অল্পকরণে অপরের সৃষ্টি হইয়াছে, তথাপি একের অভাব অন্নের দ্বারা পূর্ণ হইতে পারে নাই।

কর্ম-সঙ্গীত তাল-প্রধান সঙ্গীত বলিয়া ইহাতে কোন স্থায়ী রসগত আবেদন প্রকাশ পাইতে পারে না। সেইজন্ত প্রাচীন সারি গানের সন্ধান পাওয়া যায় না। ইহা সাময়িক প্রয়োজনে আবেগ ও উত্তেজনার মুহূর্তে রচিত হয়, উত্তেজনা এবং প্রয়োজনীয়তা দূর হইয়া যাইবার সঙ্গে সঙ্গেই ইহা বিলুপ্ত হইয়া যায়। ঔষ-সঙ্গীত মাত্রেরই ইহা বৈশিষ্ট্য হইলেও সারি গান বা নৌকা বাইচের গানে এই বৈশিষ্ট্য সর্বাধিক পরিমাণে প্রকাশ পাইয়া থাকে। নতুবা ধান ভানার গানও ঔষ-সঙ্গীতেরই অন্তর্গত, ইহা জী-সমাজে প্রচলিত বলিয়া ইহার মধ্যে গার্হস্থ্য জীবনের যে সরস চিত্র অনেক সময় প্রকাশ পায়, তাহার ভিতর দিয়া ইহাদের একটি সর্বজনীন আবেদনও সৃষ্টি হয়। ধান ভানার গান সারি গানের মত উত্তেজনার মুহূর্তে সৃষ্ট নহে, বিশেষত প্রায় সমস্ত বৎসর ধরিয়াই ইহাদের ব্যবহার চলে ; সেই জন্ত ইহাদের পক্ষে অন্তত কিছুকালের জন্ত স্থায়িত্ব লাভ করা সম্ভবপর হয় ; কিন্তু সারিগান কেবলমাত্র মুহূর্তের প্রয়োজন সিদ্ধ করিয়াই লুপ্ত হইয়া যায়। নারী রক্ষণশীল বলিয়া সে তাহার সৃষ্টিকে যে ভাবে রক্ষা করে, পুরুষ সর্বদাই অগতিধর্মী বলিয়া সে তাহার সৃষ্টির উপর কোন গুরুত্ব আরোপ না করিয়া কেবলমাত্র প্রয়োজনীয়তার ক্ষুধা মিটাইয়াই সমুখের দিকে অগ্রসর হয়। সারি গানে নারীর কোন অধিকার নাই, ইহার ক্ষেত্র চিরকালই পুরুষের অধিকারভূক্ত। এমন কি, কোন কোন লোক-সঙ্গীতের ক্ষেত্রে যে দেখা যায়, পুরুষ কালক্রমে নারীর গীতগুলি গ্রহণ করিয়াছে, সারিগান সম্পর্কে তাহাও দেখা যায় না, ইহা পুরুষেরই চির অধিকারভূক্ত ; সেইজন্ত ইহার বহির্মুখী একটি পরিচয় থাকিলেও অন্তর্মুখী কোনও সম্পদ নাই।

একান্তভাবে বিশেষ একটি কর্মের সঙ্গে সংশ্লিষ্ট বলিয়া সারিগান বাংলা দেশের মধ্যেও ব্যাপক প্রসার লাভ করিতে পারে নাই। এমন অনেক কর্ম আছে, যাহা সমস্ত বাংলা দেশব্যাপীই প্রচলিত, যেমন ধান ভানা ; সেই সূত্রে ধান ভানার গানগুলি যেমন এক অঞ্চল হইতে অগ্র অঞ্চলে প্রসার লাভ করিয়াছে, নৌকা বাইচ পশ্চিম এবং উত্তর বঙ্গে প্রচলিত নাই বলিয়া সারি গান সেই অঞ্চলে প্রসার লাভ করিতে পারে নাই ; অথচ সারি গান যে বাংলার আঞ্চলিক সঙ্গীত, তাহাও নহে ; কারণ, পূর্ব বাংলার বিভিন্ন অঞ্চলেই যেমন ইহার প্রচলন আছে, তেমনই নিম্ন বঙ্গ বিশেষত যশোহর এবং খুলনা জিলার নদনদী প্রাবিত অঞ্চলেও ইহার তেমনি প্রচলন রহিয়াছে। অনেক সময় সর্বজনীন আধ্যাত্মিক কিংবা প্রেমমূলক কোন ভাবের বাহন হইলেও লোক-সঙ্গীত এক অঞ্চল হইতে অগ্র অঞ্চলে প্রসার লাভ করিতে পারে। কিন্তু সারি গানে কোন আধ্যাত্মিক সুর দানা বাঁধিতে পারে নাই, রাধাকৃষ্ণের নাম ইহার মধ্যে থাকিলেও ইহা ভক্তিচন্দনে সুরভিত নহে। স্তরং স্থায়ী কোন আবেদন সৃষ্টি করিবার যেমন ইহার কোন শক্তি নাই, তেমনি ব্যপক প্রচার লাভেরও ইহাদের সুযোগ হয় নাই ; বিশেষত যে কর্মের সঙ্গে ইহা অপরিহার্যভাবে সংশ্লিষ্ট, তাহার ক্ষেত্রেও নিতান্ত অপরিসর বলিয়া ব্যাপক প্রচার লাভে ইহার অস্তরায় সৃষ্টি হইয়াছে।

নৌকা বাইচ এবং সারিগানে যে প্রতিযোগিতার ভাবটি আজও প্রকাশ পাইয়া থাকে, তাহাতে সারি গানকে মধ্য যুগের যুদ্ধ-সঙ্গীতের অবশেষ বলিয়া মনে হওয়া স্বাভাবিক নহে। সমাজতত্ত্ববিদগণ বলিয়াছেন, প্রতিযোগিতামূলক যে কোন সামাজিক ক্রিয়া প্রাচীন গোষ্ঠী-সংগ্রামের অবশেষ মাত্র। সারিগান সম্বন্ধেও তাহাই মনে হইতে পারে। তবে যুদ্ধ-সঙ্গীতের মধ্যে যে বীররস আমরা স্বাভাবিক ভাবেই আশা করিয়া থাকি, ইহার মধ্যে তাহার কোন অস্তিত্ব নাই। কোন কোন সময় প্রতিযোগিতায় অবতীর্ণ এক পক্ষ অগ্র পক্ষের বিরুদ্ধে সারি গান রচনা করিয়া তাহার ভিতর দিয়া কুৎসিৎ আক্রমণ করে। সকল সমাজেই বাহ্যুদ্বেষ ক্রমে বাগ্মুদ্বেষ পরিণত হইয়াছে, ইহাতেও তাহারই পরিচয় পাওয়া যায় ; তবে ইহাদের মধ্যে যে বাগ্মুদ্বেষ অবতারণা হইয়া থাকে, তাহা প্রায়শই কুৎসিৎ গালিগালাজে পর্যবসিত হয় মাত্র, ইহাতে ইতর মনোবৃত্তি প্রকাশ পাইলেও, বীররসের লেশমাত্র অবশিষ্ট থাকে না।

সারি গান কর্মসঙ্গীতের অন্তর্ভুক্ত হইলেও ইহার সঙ্গে যে কর্মের সংশ্লিষ্ট রহিয়াছে, তাহা সামাজিক কিংবা ব্যক্তিগত জীবনে অপরিহার্য নহে। ইহার কর্ম অবসর মুহূর্তের বিলাসমাত্র ; বিশেষত দুইটি প্রধান উৎসবের সঙ্গেও ইহার সম্পর্ক আছে ; তাহাদের কথা পূর্বেই উল্লেখ করিয়াছি, তাহাদের একটি মনসার ভাসান, অপরটি বিজয়া দশমী। সুতরাং নোকায় বৈঠা বাহিবার কর্মের সঙ্গে ইহাতে উৎসবেরও একটু যোগ রহিয়াছে। সেই দিক হইতে আনুষ্ঠানিক বা festival song-এর সঙ্গেও ইহার সম্পর্ক আছে বলিয়া বিবেচিত হইতে পারে। তারপর কেবলমাত্র বর্ষাকাল ব্যতীত এই সঙ্গীতের অনুষ্ঠান হইবার উপায় নাই ; কারণ, ইহার সঙ্গে জীবনের অবসর এবং বর্ষার জলরাশির বিস্তার উভয়েরই এক সঙ্গে সংযোগ থাকার প্রয়োজন হয়। কিন্তু ধান ভানার গীত কিংবা অন্যান্য কর্মসঙ্গীতের সীমা এত সঙ্গীর্ণ নহে, ইহাদের প্রয়োগ বৎসরের বিশেষ কোন কোন সময়ে ব্যাপক হইলেও, সমগ্র বৎসর ব্যাপিয়াও সম্পূর্ণ লুপ্ত হইয়া যায় না। সেইজন্ত বৎসরের প্রায় সকল সময় কিছু কিছু তাহা শুনিতে পাওয়া যায়। কিন্তু সারি গান নানা কারণে কচিং শুনিতে পাওয়া যায়। কেবলমাত্র ছাত পিটানোর গানে তাহার সুর এখনও সহরের আকাশে বাতাসে আর্তনাদ করিয়া মরিতেছে।

১

শ্রাম রূপ সাজাইয়া দে গো ললিতে,

শ্রাম রূপ সাজাইয়া দে ॥

আনিল বেসরের কাঁপি খুলিল ঢাকুনি।

দশ নউথে বাছিয়া লইল আবেল কাঁকইখানি ॥

একেত আবেল কাঁকই চন্দনের ফোঁটা।

আঁচুরিয়া মাথার কেশ কল্ল গুটা গুটা ॥

আঁচুরিয়া মাথার কেশ বাঁয় বাঙ্কিল খোঁপা।

খোঁপার উপর তুল্যা লইল গন্ধরাজ আর চাপা ॥

সেই খোঁপা বাঙ্কিয়া কচা খোঁপার পানে চায়।

দিলমন নাইসে খুসী অইলে খুয়াইয়া ফালায় ॥

তারপরে বাঙ্কিল খোঁপা, খোঁপার নাম কেও।

খোঁপার মধ্যে লটকিয়া রয়েছে বিয়াল্লিশ গুণা দেও ॥

বিয়াল্লিশ গণ্ডা দেও নারে বিয়াল্লিশ গণ্ডা মাছি ।
 তবুত কত্তার কেশ না হৈল এক গাছি ॥
 সেই খোঁপা বাক্সিয়া কত্তা দিলে খুসী হইল ।
 এক ছুই কর্যা সাড়ি পৈরাইতে লাগিল ॥
 পরথমে পৈরাইল সাড়ি নামে মুক্তামণি ।
 সাত রাজার ধন লাগ্যাছে সাড়ির গাঁথুনি ॥
 সেই সাড়ি পৈরাইয়া কত্তা সাড়ির পানে চায় ।
 দিলমন নাইসে খুসী অহৈল দাসীরে পৈরায় ॥
 চাটগাঁও, সোনারগাঁও, হরিপুর মধুপুর লেখছে থরে থরে ।
 কত পক্ষীর নাম লেখ্যাছে সাড়ীর কিনারে ॥
 দইগল খঞ্জন লেখ্যা থইছে যার বুক কালা ।
 কুসুম পক্ষী লেখ্যা থইছে রাও শুনিতে ভালা ॥
 কুঁড়া কুঁড়ি লেখ্যা থইছে টুল্লব্ টুল্লব করে ।
 কানি বগা লেখ্যা থইছে গাল ফুলাইয়া মরে ।
 সাড়ির মধ্যে লেখ্যা থইছে হাঁসা হাঁসীর জোড়া ।
 সাড়ির মধ্যে লেখ্যা থইছে টাডি টাঙ্গন ঘোড়া ॥
 সাজিয়া পারিয়া কত্তা মুখে দিল দিল পান ।
 ঘরু তনে বাহির অহৈল পুন্নু মাসের চান ॥
 সাজিয়া পারিয়া কত্তা ঘরের বাইরি অহৈল ।
 চান সুরজ লজ্জা পাইয়া আবরে লুকাইল ॥

—ঐ

২

কোন কোন অঞ্চলে নৌকা ছাড়িবার পূর্বে মাঝিরা এই গান গাহিয়া থাকে—

গুরুমান, পথ চেন কেন বেড়াও ঘরে,
 হাট করতে এসেছ, বান্দা, ভবের হাটুরে ।
 ভবের হাটে এসে, বান্দা, বেচ কেন থাও,
 আলিস্তি কর না, বান্দা, আল্লার নাম নাও ।

—খুলনা

৩

বাইচ খেলায় হারিয়া গেলে মাঝিরা কোন কোন অঞ্চলে গাহিয়া থাকে—

নিমাই সন্ন্যাসের কথা মায় যেন শোনে'না,
আমি যাবো ঐ বৃন্দাবনে, আমার মা যদি শোনে,
তখনে পরে শচীরাগী বাঁচবে না প্রাণে ।

আমি মায়ের একা পুত্রধন—

আমি বিহনে মায়ের এ সংসার সংসারের জীবন ।

আমার মায়েরে তোমরা করো সাঙ্গনা । —ঢাকা

যখন বাইচ খেলা শেষ হইয়া যায়, গৃহাভিমুখে ফিরিবার জন্ত মাঝিরা প্রস্তুত
হয়, তখন কোন কোন অঞ্চলে তাহারা এই গানটি গাহিতে থাকে—

লোহার সনে কাঠের পীরিত গো হায় গো, জলে ভাসে দুই জনা,
জলের সনে মাছের পীরিত জল বিনে প্রাণ বাঁচে না,
হায়, পীরিত আমারে ছাইড়ে না । —মৈমনসিংহ

৪

দিশা—ঝুম ঝুম নেফুর বাজে

রাধার পায় লো,

জল ভরিবার সাধ নাই ॥

বয়াত—রাধিকা জলেতে যায় গো, হীরার কলসী লইয়া,

কিঞ্চ ঠাকুর পাছে চলে মুরলী বাজাইয়া ॥

রাধিকা জলেতে যায় গো, মেঘে কৈরল ঘোর ।

চলিতে না পারে রাধে চরণে নেফুর ॥

রাধিকা যায় জল ভরিতে মেঘে কৈরল আন্ধি ।

কাষের কলস ভাইক্যা গেল, হাত রইলো কাঙ্ক্ষি ॥

জল ভর সুন্দরী, কইনা, জলে দিছ ঢেউ ।

একেলা ভরিছ জল নাকি সঙ্গে আছে কেউ ॥

জল ভরি সুন্দরী, কইনা, জলে দিছি ঢেউ ।

একেলা ভরিছি জল সঙ্গে নাই যোর কেউ ॥

জল ভর সুন্দরী, কইনা, জলে দিছ মন ।

কাইল যে করছিল সত্য আছেন অরণ ॥

জল ভরি স্তম্ভরী, কইনা, জলে দিছি মন ।
 কালি যে করছিলাম সত্য আছে তো স্মরণ ॥
 জল ভরি স্তম্ভরী, কইনা, কলসী কর কাইত ।
 আমি যে জিজ্ঞাসা করি তুমি কোন জাইত ॥
 জল ভরি স্তম্ভরী, কইনা, কলসী করি কাইত ।
 আমি তো গোয়ালার মাইয়া তুমি কোন জাইত ॥
 তুমি তো গোয়ালার মাইয়া আমি বরাক্ষণ ।
 আমার সঙ্গে করতে আলাপ কিসের লাজ-শরম ॥
 কলসী ভরিয়া রাধে থইলো তরুতলে ।
 তরুর ফুল ঝরিয়া পড়ে কলসীর মাঝারে ॥
 আগে যদি জানতাম রে, তরু, পরবে ঝরিয়া ।
 শাড়ীরো আইঞ্চলে রাখতাম কলসীর মুখ ঢাকিয়া ॥
 কলসী ভরিয়া জলে থইলো সরাই পথে ।
 সেই কলসী ভাঙিয়া ফাল্গো বিনন্দ রাখওয়ালে ॥

—এ

৫

দিশা—বাঁকা গ্রাম, তোর বাঁশীর গানে জগৎ ভুলাইলে ॥
 বয়াত—বাঁশী দে বাঁশী দে, কচ্ছা, বাঁশী দে আমারে ।
 বাঁশীর লাগি করব ক্রন্দন গোকুল মাঝারে ॥
 বাঁশের দেশে থাক রে, কালা, বাঁশের কিবা দুখ ?
 আষ্ট আঙ্গুল বাঁশীর লাইগ্যা কালা করল্যা মুখ ॥
 বাঁশীটি বাজাইয়া কুঞ্চ থইল কদম ভালে ।
 লিলুয়া বয়ারে বাঁশী রাধা রাধা বলে ॥
 রাধার বস্ত্র কানাইর বাঁশী থইয়া নামূল জলে ।
 বস্ত্র নিল চিকণ কালায়, কলসী নিল সোতে ॥
 আষ্ট আঙ্গুল বাঁশের বাঁশী মধ্য দিয়া ছেঁদা ।
 নাম ধরিয়া বাজে বাঁশী কলঙ্কিনী রাধা ॥
 আষ্ট আঙ্গুল বাঁশের বাঁশী জলে ভাইস্তা যায় ।
 বালুচরে ঠেইক্যা বাঁশী রাধার গুণ গায় ॥

—এ

নোকা বাইচের সঙ্গে জল ও নদীর সম্পর্ক আছে বলিয়াই ইহাতে নদনদীও

জলের ঘাটের চিত্রগুলি সহজেই আগিয়া উঠে । পরবর্তী একটি গানে যমুনা-
স্নানে আসিয়া শ্রীরাধিকা কি ভাবে নিজের বস্ত্রখণ্ড শ্রীকৃষ্ণের হাতে হারাইয়াছেন,
তাহার সরস বর্ণনা পাওয়া যায় ।

৬

সকলে—মায় কান্দে, নিমাই চান সন্ন্যাসে যায় রে ॥

বয়াতি—শচী মায়ের কান্দনেতে বিষ্ণের পত্র ঝরে ।

সকলে—নিমাই চান সন্ন্যাসে যায় রে ।

বয়াতি—যখন জন্মিলে রে, নিমাই, নিমতরুর মূলে,

হইয়া কেন না মরুছিলে, না লইতাম কোলে ॥

সকলে—নিমাই চান সন্ন্যাসে যায় রে ।

বয়াতি—আগে যদি জানতাম রে, নিমাই, যাইবে রে ছাড়িয়া ।

এমন অল্পকালে তোরে না করাইতাম বিয়া ॥

সকলে—মায়ের তুল্লভ চান গেল কোথাকারে ।

অভাগিনী বিষ্ণুপ্রিয়া, নিমাই রে, দিয়া গেল কারে ॥

—ঐ

৭

সকলে—ও সই যাবেনি গো যমুনায় জল আনিবার ছলে ।

কি রূপ দেখিয়া আইলাম কদম্বের মূলে ॥ ও সই...

বয়াতি—একদিন রাধে স্নানের বেলায় কি না কাম করিল ;

দেখ, সোনার কলসী কঁাকে লইয়া যমুনাতে গেল ॥

সকলে—ও সই, কি রূপ দেখিয়া আইলাম কদম্বের মূলে ।

বয়াতি—কাহার পিঙ্কন লাল নীল কাহার পিঙ্কন সাদা,

সুন্দর রাধিকার পিঙ্কন কৃষ্ণ নামটি লেখা ।

সকলে—ও সই, যাবেনি গো যমুনায় জল আনিবার ছলে ।

বয়াতি—জলের ঘাটে গিয়া রাধা কি না কাম করিল,

দেখ, বসনখানি রাইখ্যা পাড়ে জলেতে নামিল ॥

সকলে—ও সই, যাবেনি গো যমুনায় জল আনিবার ছলে ।

বয়াতি—সখীগণ সঙ্গে রাধা জলকেলি করে,

কলসী গেল স্নতে ভাইশ্রী বসন নিল চোরে ।

গলা পানিত থাকিয়া রাধা বসনখানি চায়,
কাল বলে এইরূপে কি বসন দেওয়া যায় ।
সকলে—ও সই, যমুনায় জল আনিবার ছলে ।
বয়াতি—কোমর পানিত থাকিয়া রাধা চাহিল বসন ।
শ্রাম বলে, রাধে, তোমার নাই কি সন্নয় ?
সন্নয়ে ভরমে কি হইবে—

তখন হাঁটু জলে থাকিয়া রাধা চাইল বসনখানি,
কৃষ্ণ বলে, দেখি তোমায় তীরে আইস, ধনি !
তীরে উঠিয়া রাধা বলে বসন দাও, হে শ্রাম,
কৃষ্ণ বলে আগে রাধে যৌবন কর দান ।
সকলে—ও সই, যাবে কি গো যমুনায় জল আনিবার ছলে । —ঐ

৮

যখন নৌকাগুলি ঘরে ফিরিয়া আসে, তখনকার গান—
মায়ের কথা মনে হইল রে লক্ষণ, ভাই,
চল আমরা দেশে যাই ।
হেঁহইয়া হো । হেঁহইয়া হো ॥ —ঐ

৯

জল ভরিতে যাইস্ না কদমতলা দিয়া ।
কানাইয়া পাইতাছে ফান পীরিতির লাগিয়া ॥ —ঐ

১০

যা গো, বৃন্দে, মথুরাতে শ্রামকে আনিতে ।
একবার আইনে দেখা, দূতী, আমার জীবন থাকিতে ।
কাল আসবে বলে বন্ধু আমার গেল এই পথে,
পন্থ চাহিতে অন্ধ হইলাম, সখি, আসার আশাতে । —ঐ
নৌকা লইয়া যাত্রা করিবার গান—

১১

যাত্রা করাইয়া দে শুভরাগী,
কালীদেহে যায় কৃষ্ণ বাজাইয়া মুরলী ।
হেঁহইয়া হো ! হেঁহইয়া হো !! —ঐ

১২

বিজয়ার দিন যশোহর অঞ্চলে এই প্রকার সারিগান শুনা যায়—

হা রে ও মাঝি, বসে ভাবছ কি ।

ধান দুর্বা লয়ে হাতে দাঁড়ায়ে আছে ঝি ॥

ভালো ছুদে চিনি দিয়ে রামসাগরের ধারে ।

তারাদেবী রাণীর মেয়ে দাঁড়ায়ে পথের ধারে ॥ —যশোহর

উত্তর বাংলায় নদনদীযুক্ত অঞ্চল হইতেও কয়েকটি সারি গান সংগৃহীত হইয়াছে । ইহাদের মধ্যে রাধাকৃষ্ণের নাম বিশেষ একটা শুনিতে পাওয়া যায় না—

১৩

হো, ঐ দেখ্ কে যায়রে,

নিশান টাঙাইয়া নাও বাইয়া,

জিজ্ঞাস কইরা জাথ তারে কোন্ বা দেশী নাইয়া ।

বাইছালী খেলাইয়া মধুর সুরে যায় গান গাইয়া,

নিশান টাঙাইয়া নাও বাইয়া ।

ছাড়ছে তরী তাড়াড়াড়ি, কোন্ বা জাশ বলিয়া,

কোন্ জাশ হইতে কোন্ জাশে নাও লাগাবে বাইয়ারে,

নিশান টাঙাইয়া নাও বাইয়া ।

নিজা নাই বিজাম নাই ভাত পানি না খাইয়া,

বিনা পয়সায় ব্যাগার খাটে কোন বা সে সুখ পাইয়ারে,

নিশান টাঙাইয়া নাও বাইয়া ।

দেখিয়া নাওখানি কহে মজিদ মিঞা

নাওরে বানিশ দিছে, রং লাগাইছে

চমকিবার লাইগারে,

নিশান টাঙাইয়া নাও বাইয়া । —রাজসাহী

১৪

এই গানটির মধ্যে একটু আধ্যাত্মিক সুর শুনিতে পাওয়া যায়, তবে ইহাতে নোকা, মাঝি ইত্যাদির চিত্র আছে—

আমার একা যেতে ভয় করে,
 চলরে, গুরু, হুঁজন যাই পারে ।
 আমার এ দেহ পাষণের সমান,
 গুরু এসে মস্ত দিয়ে করল ফুলবাগান ।
 (চল হুঁজন যাই পারে) ।

বাগানে ফুল ফুট্যাছে, বাস ছুট্যাছে,
 সৌরভ ছুট্যাছে রে,
 ও তাতে অধর চাঁদ বিরাজ করে,
 চলরে, গুরু, হুঁজন যাই পারে ।
 আগে দেহের স্বভাব ছাড়, বাহির ভিতর সমান কর,
 স্ত্রজন মাঝির সঙ্গ ধর, নিবেন নৌকায় তুলে ।
 মায়ার খেলা ছাড়রে মন, বেলা যায় তোর বহিয়া ।
 চৌষট্টি বছরের পাড়ি, বেলা আছে দণ্ড চারি,
 বেলা শেষে বসবে নবি আসবে ঘাটে বসে আয়,
 মায়ার খেলা ছাড়রে, মন, বেলা যায় তোর বহিয়া । —দিনাজপুর

১৫

উজান মুখে চালাও তরী দরিয়ায়,
 ওরে ঈশান কোণে ম্যাঘ উঠ্যাছে রে
 লাওয়ার বাদাম লিলে তায় !
 (হারে) বাউরী বাতাস লাগে আইশা
 কালাপানীর গায়
 লাওয়ার বাদাম লিলে তায় ॥

(ওরে) ঢেউয়ের বুকে হালের দড়ি ছিঁড়ল বুঝি হায়,
 (ওরে) গুরুর নামে সিনী দিব রক্ত পীরের দরগায় । —ঐ

কিন্তু পূর্ববঙ্গে প্রচলিত সারিগানের মধ্যে রাধাকৃষ্ণের চিত্র ব্যতীত বিশেষ
 আর কোন চিত্রই নাই—

১৬

যা গো বৃন্দে, মথুরাতে, শ্রামকে আনিতে,
 একবার আইনে দেখা, দূতী, আমার জীবন থাকিতে ।

কাল আসবে বইলে বন্ধু আমার—ও গো, গেল ঐ পথে,
আমি পন্থ চাইয়া অন্ধ হইলাম, সখি, শ্রামের আশাতে ।
আমি কারে বা দেখাব হৃৎ হৃদয় চিরিয়া,
আমার সোনার অঙ্ক মলিন হইল ভাবিয়া চিস্তিয়া ।
রাজার ঝিয়ারি আমি থাকি বিগিনে বসিয়া,
শান্তুড়ী ননদী ডাকে শ্রাম-কলঙ্কী বলিয়া ।

—ঐ

১৭

স্বল বল বল বল, ভাই,
কেমন আছে কমলিনী রাই ;
যার কারণে বৃন্দাবনে, রে স্বল,
কান্দিয়া সদা বেড়াই ।
ডুবেছিলাম মান-সায়রে
সাধিলাম রাইএর চরণ ধরে,
নয়ন তুলে চাইল নাকো রাই,
আমার যত মথলা
সব হল বিদূর, রে স্বল—
আমি জন্মের মত বিদায় চাই ।

—মৈমনসিংহ

গৃহস্থামীর ঘাট হইতে নোকা যাত্রার কালে পূর্ব মৈমনসিংহ অঞ্চলে
সাধারণত গীত হয়—

১৮

যাত্রা করাইয়া দে, মা, কালীদেয়ে যাই গো,
চুড়া বান্ধিয়া দে ।
চুড়া বান্ধিয়া দে, ধড়া পরাইয়া দে,
শিঙ্গা রবে বলাই দাদা বলিছে ডাকিয়া,
সকাল কইরা আয় রে, কানাই, ক্ষীর ননী লইয়া ।

—ঐ

নিম্নোক্ত গানগুলি সাধারণত যখন কোন প্রতিমা বিসর্জন দেওয়া হয়,
তখনই গাওয়া হইয়া থাকে । নদীতে নোকার উপর প্রতিমা তোলা হয় এবং
একতায় বাজাইয়া দলবদ্ধভাবে এই গান গাওয়া হয় ।

১৯

কোথায় আছ, নবীন কাণ্ডারী ।
 যমুনাতে পায় করিতে আন পারের তরী ॥
 সকালে এসেছি মোরা যত ব্রজনারী ।
 হাজার ডাকে রা করো না বুকের পাটা ভারী ॥
 এবার কোথায় আছ নবীন কাণ্ডারী ।
 ছানা, মাখন বেচব বলে এলাম তাড়াতাড়ি ।
 বাজার বেলা বয়ে যায়, তাইত ভেবে মরি ॥
 এবার কোথায় আছ নবীন কাণ্ডারী ॥
 এবার সামাল সামাল হেলে, দাদা, হাল যেন ঠিক থাকে ।
 ভাইরে পশ্চিমে উঠেছে ও মেঘ তুফান ঘন ভারি ।
 এঁটে মেরো হালে খাবা, গেয়ে গানের সারি ॥ —মুর্শিদাবাদ

এই গান প্রতিমা বিসর্জনের সময় নৌকায় চড়িয়া একজন দাড়ি গাহিয়া যায়, আর কয়েকজন দোহার গানের প্রথম পদ গাহিয়া যায় । তারপর মূল গায়ের একের পর এক অন্তরা গাহিয়া যায়, গায়ক পার্শ্ববর্তী অঞ্চলের অবস্থা বিশ্লেষণ করে, কাহারও গুণগান করে, কাহারও দুর্নাম করে । মুর্শিদাবাদ অঞ্চলে দেব-দেবতার সম্বন্ধে বা ঐতিহাসিক বিষয়বস্তু লইয়াও এই গান রচিত হয়, তবে এই গান প্রধানত নৌকার দাড়ি মান্নিগণই গায় ।

২০

ও ভাই, পুলিন্দাতে বেজেছে ঢোল,
 লাগল হট্টগোল, চল সঙ্গিনী, নৌকা বেয়ে কিসের কলরোল ॥
 মনোহর মণ্ডল ভাবছে বসে টাকা বাড়বে কিসে ।
 গড়গড়াতে তামাক টেনে খুকুর খুকুর কাশে ॥
 অন্নদা ওঁই ভাবছে বসে বাঁচা হল দায়,
 ডাকাত ভয়ে বন্দুক নিয়ে সদাই জেগে রই ।
 ও ভাই, পুলিন্দাতে বেজেছে ঢোল কিসের কলরোল ॥
 ও পাড়ার ওঁই পেনী বাবু হয়েছে কাবু,
 টুপা পানির মধ্যে পড়ে খাচ্ছে হাবু-ডুবু ।

ও ভাইরে.....কিসের কলরোল ।
 শিশু দন্তের বাড়ছে ভুঁড়ি হচ্ছে কোলা ব্যাঙ,
 সূর্য দে ব্যাপার দেখে লাফায় তিড়িং তাং ।
 ও ভাইরে.....কিসের কলরোল ।
 ধর্মরাজের পূজা দিতে বাঁধলো হট্টগোল,
 ঠুনকো মুড়োল ঠাকুর চরণ হয়েছে পাগল ॥
 রামনাথপুরের মদনমোহন ক্ষুদ্র মুখে কয়,
 আমাদের এই রঙ্গরসে না ধরবেন ভুল, মহাশয় ॥
 ও ভাইরে, পুলিন্দাতে বেজেছে ঢোল লাগল হট্টগোল ।
 চল, সজনী, নৌকা বেয়ে কিসের কলরোল । —মুর্শিদাবাদ

রাজসাহী হইতে সংগৃহীত নিম্নোক্ত গানটিতে নাটোরের রাণী ভবানীর
 কণ্ঠা তারাদেবীর নাম শুনিতে পাওয়া যাইতেছে—

২১

ওরে, ও মাঝি ! বসে ভাবিস্ কি ।
 ধানদূর্বা লয়ে হাতে দাঁড়িয়ে আছে ঝি ॥
 খাঁটি দুধে চিনি দিয়ে রামসাগরের পারে ।
 তারা দেবী রাণীর মেয়ে দাঁড়িয়ে পথের ধারে ॥
 দশভূজা করে পূজা প্রসাদ লয়ে হাতে ।
 দশমীর আরতি দিতে দাঁড়িয়ে আছে পথে ।
 —রাজসাহী (নাটোর)

২২

তুমি ও যে সুন্দর, কানাই, আমি তোমার মামী ।
 কোন সাহসে বল রে, কানাই, জল ফেলাব আমি ॥
 তুমি ও যে সুন্দর, কানাই, না করিলে বিয়ে ॥
 পরের রমণী দেখি, কানাই, মর জলে পুড়ে ॥
 কোথায় পাব টাকাকড়ি কোথায় পাব মাইয়ে ॥
 তোমার মত সুন্দরী পেলে করতেম আমি বিয়ে ॥ —খুলনা

২৩

জল পোরো রাই, বিনোদিনী, জলে দিয়া ঢেউ,
 নয়ন মেলে কও কথা ঘাটে নাইকো কেউ ।
 দেখিয়া যমুনার ঢেউ রে, ও নাগর, প্রাণ কাঁপেয়ে ডরে,
 আজ আমি কব না কথা যা ফিরে তোঁর ঘরে ।
 কেমন তোমার মাতাপিতে কেমন তোমার হিয়ে,
 বার বছর হয়েছে বয়স না দিয়েছে বিয়ে ।
 তোমার চায়ে সুন্দর কুমার সেই করেছে বিয়ে ।
 পরের নারী দেখে কুমার জলে পুড়ে মর ।
 নিজ ধন ভাঙ্গায় কুমার বিয়ে না রে কর ॥
 কোথায় পাব টাকাকড়ি কোথায় পাব মাইয়ে ।
 তোমার মত সুন্দরী নারী, কোথায় পাব যাইয়ে ॥
 আমার মত সুন্দর নারী, কুমার, যদি চাও ।
 উলুর ছোট কলসী নিয়ে যমুনায় ভাসাও ॥
 কোথায় পাব কলসী, নারী, কোথায় পাব দড়ি ।
 তুমি হও যমুনার জল আমি ডুবে মরি ॥

—ষশোর

২৪

তুমি ও সুন্দর, কানাই, তোমার ভাঙ্গা নাও ।
 কোথায় থোব হুধের পসর রে, কানাই, কোথায় থোব পাও ॥
 ভাঙ্গা নয় নৌকাখানি, রাধে পসরি সার ।
 কত হস্তীঘোড়া করলে পার, তোঁর কি এত ভার ॥
 অর্ধেক গাঙে যায় কানাই নৌকায় দিল নাচা,
 উড়িল রাধিকায় প্রাণ কানাই নাওর ভাঙ্গিল পাছা ॥
 বাহ বাহ বাহ, কানাই, বাহে ধর কুল ।
 এ ধন ঘোবন দিব, কানাই, গজায় দিব পুল ॥

—ঐ

২৫

পার কর পার কর, কানাই, বেলার দিকে চায়ে ।
 দধিভুজ হল নষ্ট, দিবা গেল বয়ে ॥

সকল সখি পার করিতে লব আনা আনা ।

রাধিকারে পার করিতে নিব কানের সোণা ॥

—খুলনা

২৬

কোন বনে লুকাইলে আইজ তুমি রে, ও শ্রাম বন্ধু রে—

ওরে তরল্যা বাঁশের বাঁশী হাইল্যা পড়ে আগা,

রাইত দুপুরের কালে বাঁশী বলে রাধা রাধা ।

বাজাইয়া বুজাইয়া তুইল্যা থুইলাম চালে,

কোন চুরা বাজাইয়া বাঁশী রাইত দুপুরের কালে ।

বাঁশীর সুর শুইয়া আমার পরাণ ত না রয় ঘরে ।

ও শ্রাম বন্ধু রে, কোন বনে লুকাইলে আজ তুমি রে ।

—ফরিদপুর

এখানে স্মরণ রাখিতে হইবে যে, পূর্ববঙ্গে এই সকল সঙ্গীতের গায়ক শত করা একশত জনই মুসলমান, কচিং এক আধজন নিম্ন শ্রেণীর হিন্দুও থাকে । সুতরাং গানগুলি মুসলমান কর্তৃক রচিত এবং মুসলমান গায়কের গীত । কিন্তু বিষয়-বস্তু প্রায় সর্বত্র রাধাকৃষ্ণ কিংবা নিমাই সন্ন্যাস ।

২৭

পেরভাতে গা তুলিয়া কোথায় গেলিরে নিমাই চাঁদ ।

মন্দিরার খোপ র'ল খালি, রলো খালি,

সোনার খাট পালং রলো খালি,

পেরভাতে গা তুলিয়া কোথায় গেলিরে নিমাইচাঁদ ।

কোহান ত্যা আইল ঠাছর বইতি দিলাম পিড়া,

জলপান কইরাতি দিলাম শাইল ধানের চিড়া ।

কিবা মনতোর দিয়া গেল নিমাইচান্দের কানে,

ছাথোরে পাড়ার লোক ছাথোরে চাইয়া,

নিমাইচাঁদ সন্ন্যাসী চলে, জননীয়ে ছাইড়া ।

আগে যদি জানতাম, নিমাই, যাবেরে ছাইড়া,

না খাইতাম তনের দুকতু না লইতাম কোলে ।

ওরে বৈরাগী না হইও, নিমাই, সন্ন্যাসী না হইও,

ওরে নগরে নগরে মাজিয়া দিবো ঘরে বইসা খাইও ।

—ঐ

সমসাময়িক ঘটনা অবলম্বন করিয়াও লঘুশ্রুতীর বহু সারিগান রচিত হয়, কিন্তু এই শ্রেণীর এক বছরের গান অল্প বছর শুনিতে পাওয়া যায় না।

২৮

সুজন রসিক নৈইয়া, ওজান বাঁকে বাইয়া যাও রে,
 সাবধানে চালাও তরী কাণ্ডারী হইয়া রে।
 রুহু বুহু বাইচু বাজে নিলুয়া বাতাসে—
 আমাদের ছাড়িয়া, বন্ধু, রহিয়াছ কোন আশে রে।
 ওজান বাঁকে যাও রে।
 একে তোমার ভাটিয়াল হুঁরে মন নিল হরিয়ারে।
 কুলে এসে লাগাও তরী আমারে যাও লইয়া রে।
 ওজান বাঁকে বাইয়া যাও রে ॥

—মুর্শিদাবাদ

২৯

এই লহর দরিয়ার মাঝে বাইয়া যাই, ওরে মাঝি, আমার ভাঙ্গা নাও।
 ঘরখানি মনা ভাই (তবে) দোর ক্যানে বন্ধু ওরে,
 আপনি মরিয়া যাইব্যা তবে ক্যানে পরের লাগি কান্দ।
 বাইয়া যাই, ওরে মাঝি, আমার ভাঙ্গা নাও ॥

—ঐ

৩০

রঙ্গ দেখে অঙ্গ জলে শুনে হাসি পায়।
 তোদের সনে পাল্লা দিতে লাজে মরে যায় ॥
 নাইকো গানের আগা গোড়া, গাধা পিটে হয় কি ঘোড়া
 খেয়েছ কি কচু পোড়া ভাবে জানা যায় ॥
 পুত্র গলায় মাণিক দিলে, সাজে না তা কোন কালে,
 কানাকে আয়না দেখালে শোভা নাহি পায় ॥
 বিজ্ঞা কি পেটে ধরে না কখন পুরাণ আছে জানা।

• মাটিতে কি পা পড়ে না গগনচন্দ্র কয় ॥

—ঐ

৩১

ও কাইয়ায় ধান খাইল রে, খেদানের মাছুষ নাই ;
 খাওয়ায় বেলায় আছে মাছুষ কামের বেলায় নাই—
 কাইয়ায় ধান খাইল রে ॥

১২২১

ওরে হাত পা থাকিতে তোরা অবশ রইলি,
কাইয়া না খেদাইয়া তোরা খাইবার বসিলি ।
কাইয়ায় ধান খাইল রে ॥
ও পাড়াতে পাটা নাই পুতা নাই মরিচ বাটে গালে
ওরে তারা খাইল তাড়াতাড়ি আমরা মরি ঝালে
কাইয়ায় ধান খাইল রে ॥

—ঐ

সুন্দরী ছইফার পালাগান

ত্রিহট জিলায় সুন্দরী ছইফা বা ছইফা সুন্দরীর একটি পালাগান প্রচলিত আছে । ইহা ‘লোক-সাহিত্য’ (ঢাকা) ২য় খণ্ডে প্রকাশিত হইয়াছে । দরিদ্রের স্ত্রী ছইফার উপর তরুণ জমিদার জামালের লুক দৃষ্টি পড়িল । ছইফা স্বামীকে সঙ্গে করিয়া লইয়া পলাইয়া গেল । জমিদার তাহা জানিতে পারিয়া ছইফার উদ্দেশ্যে বাহির হইয়া পড়িল, তবে তাহার কোন সন্ধান পাইল না । কাহিনী এই ভাবে আরম্ভ হইয়াছে,

গরামের মাঝে ছিল ধনিলা একজন ।
ঐ গরামে কেউ না আছিল তাহার মতন ॥
ধনে জনেতে পুরাইরো চন্নিয়ে মিল ।
গরাম থাকি ভালা বাড়ী করে ঝিলমিল ॥
বাড়ীর চাইরো ভায় গড় খাই কাটাইয়া ।
উচা করি দিছে দেওয়ার ঐ মাটি দিয়া ॥

—ত্রিহট

সুফীগান

মধ্যযুগ হইতেই বাংলাদেশে বহু সুফী সাধকের আগমন হয় । একেশ্বরবাদী ইসলাম ধর্মের প্রচার ইহাদের উদ্দেশ্য হইলেও ইহাদের ধর্মবোধে একটু বিশেষত্ব ছিল । সুফী শব্দের অর্থ ‘পবিত্রতা’ ; অন্তরে বাহিরে যিনি পবিত্র তিনিই সুফী । যিনি নিজেকে ভগবানের সঙ্গে সম্পূর্ণ একাত্ম বলিয়া অনুভব করেন, নিজের কোন স্বাতন্ত্র্য অনুভব করেন না, ভগবৎ প্রেমে আত্মহারা যিনি তিনিই সুফী । বাউল সাধনার মূল ধারার সঙ্গে সুফী সাধকদিগের তত্ত্বানুভূতির সাদৃশ্য আছে । বাউলদিগের সম্পর্কেও বলা হয়, ষাঁহারা বায়ুর মত নিবিড় বা ওতপ্রোতভাবে

ভগবানের সঙ্গে নিলীন হইয়া থাকেন, তাঁহারাই বাউল। সূফীরাও তাহাই। ইহারাই ধর্মের বহিমুখী আচারকে স্বীকার করেন না। সূফীদিগের সাধন-ভজনের কথা যে বাংলা সঙ্গীতের মধ্য দিয়া প্রকাশ পাইয়াছে, তাহা মারফতি (পূর্বে দেখ) এবং মুশিত্তা (পূর্বে দেখ) গান নামে পরিচিত। ‘মারফাত’ আরবি শব্দ, ইহার অর্থ বিশ্বসত্তা বা ভগবান সম্পর্কে ষথার্থ জ্ঞান এবং তাহার সঙ্গে পরিচয় ও মিলন। যাহারা এই পথের প্রদর্শক, তাহাদিগকেই মুশিদ বলে। সূফী সাধকেরাই মুশিদ, তাহাদের কথাই বাংলা মারফতি এবং মুশিত্তা গানের বিষয়। মুশিত্তা গানের পূর্বে বিস্তৃত উদ্ধৃতি দেওয়া হইয়াছে।

সোনারবিবির পালা

শ্রীহট্ট জিলা হইতে সংগৃহীত এবং ‘পূর্ববঙ্গ গীতিকা’ (৪র্থ খণ্ড, ২য় সংখ্যা)-য় প্রকাশিত একটি অসমাপ্ত পালাগানের নাম সোনারবিবির পালা। কাহিনীটি যতদূর জানা যায়, তাহা এই :—চান্দ সদাগরের পুত্র মাহমুদ, সে বাণিজ্যে ষাইবার পথে সোনারবিবিকে দেখিয়া মুগ্ধ হয়, তাহাকে বিবাহ করে। বিবাহ করিয়া বাণিজ্যের কথা সম্পূর্ণ ভুলিয়া যায়, সোনারবিবিকে লইয়া গৃহ সংসারে মত্ত হইয়া যায়। বিষয় কর্ম অবহেলা করিবার ফলে তাহার আর্থিক দুর্দশা দেখা দেয়। অবশেষে বাণিজ্য করিতে রওয়ানা হইয়া পথিমধ্যে মামুদ মৃত্যুমুখে পতিত হয়। পালার কিছু অংশ এই প্রকার—

১

সকল ছাড়িয়া মামুদ গিরিতে বসিল।

সোনার লাগিয়া মামুদ পাগল হইল ॥

বাপ আমলের খাট পালঙ্ সাজুয়া বিছানা।

শয়ন করে মামুদ সঙ্গে লইয়া সোনা ॥

কি জানি সোনার যদি ঘুম না আইসে।

আবের পাখা লইয়া মামুদ জুড়ায় বাতাসে ॥

ঝিলমিল মশারি টাঙ্গা তবু মনে ভয়।

কি জানি মশার কামুড়ে কন্টার জীবন সংশয় ॥

—শ্রীহট্ট

সোনারায়ের পালা গান

উত্তর বাংলার বিভিন্ন অঞ্চলে সোনারায়ের পালা নামে একটি কাহিনীমূলক গীত শুনিতে পাওয়া যায়। ইহাকে সোনাপীরের পালাও বলে। কারণ, ইহার নায়ক সোনারায় একজন পীর। সাধারণত গোয়াল জাতি এবং গো-মহিষাদির উপর তাহার আধিপত্য দেখা যায়। সোনারায়কে ছলনা করিবার জন্য কি ভাবে যে গোয়াল জাতি শাস্তি লাভ করিয়াছিল, তাহার বৃত্তান্ত এই পালাগানে বর্ণিত হইয়া থাকে।

১

গোয়াল গোয়াল গোয়াল মাসী, দধি দেও মোরে ।
গোষ্ঠের গাভী বাথান গেছে দুগ্ধ নাই মোর ঘরে ॥
গোয়াল গোয়াল গোয়াল মাসী, দুগ্ধ দেও আমারে ।
চান রায়ের হকুম হৈছে পুকুর ভরিবারে ॥
এক পুকুর ভরিয়া দিছি দধি দুগ্ধ দিয়া ।
সোনার রাক্তির শেষে চান জন্মিছে এক ছাওয়ালিয়া ॥
আজ যাইত কাইল যাইত দেখা আইও তারে ।
বিস্তরে পাইবা ক্ষীর সোনারায়ের পুরে ॥

—ঐ

স্বদেশী গান

১৯০৫ সনে বঙ্গভঙ্গের পর যে দেশাত্মবোধক আন্দোলন দেখা দিয়াছিল, তাহা অবলম্বন করিয়া যে সঙ্গীত রচিত হইয়াছিল, তাহা স্বদেশী গান নামে পরিচিত। ইহা প্রায় লোক-সঙ্গীতের পর্যায়ে পৌছিয়া গিয়াছিল।

১

মা মা ব'লে ডাক দেখি, ভাই,
ডাক দেখি ভাই, সবেরে ।
মা মা ব'লে কাঁদলে ছেলে
মা কি পারে রইতে রে ॥
জাগিবে জননী কুল-কুণ্ডলিনী
জাগিবে শক্তি জাগিবে রে,

খুলে যাবে প্রাণ, দিতে পারবি প্রাণ,
 দেশের কল্যাণ তরে রে ॥
 মায়ের শ্রীচরণ-তরী ভরসা করি
 ভাসাও দেহ-তরী রে,
 তবে মা হবেন কাণ্ডারী, স্থখে দেবে পাড়ি
 ভয় কি অকুল-পাথারে ॥
 দেখ ভারতবাসীর ঐ এলোকেশীর
 মায়ের হাতে অসি কেঁপেছে রে,
 দাস মুকুন্দ কয় আর কারে ভয়
 জয় জয় ডকা বাজা রে ॥

—মুকুন্দ দাস

স্তোত্র গান

যে গানের মধ্য দিয়া দেবদেবীর স্তোত্র শুনিতে পাওয়া যায়, তাহা
 স্তোত্রগান ।

১

প্রণতি পরমেশ্বরে দেব দেবী তদন্তরে, করজোড়ে করি যে মিনতি ।
 দশ চরণ শিরে ধরি বিনয়ে বন্দনা করি পাপাচারী আমি মুখমতি ।
 নমঃ নমঃ নারায়ণ চতুরানন পঞ্চানন ষড়ানন, গজানন মাতা ভগবতী ॥
 নমস্তে মা বাখাদিনী বীণাপাণি শ্বেতবরগী
 শ্বেতপদ্মে বিরাজিনী দেবী সরস্বতী ॥
 পদ্মে পদ বিভূষিতা ব্রহ্মময়ী মা ব্রহ্মহুতা
 অবজ্জব্য গুণ সূতা সতী সীমন্তিনী ।
 আচ্ছাদিতা নীলাধরে বিংশতি শশী নমস্করে,
 বীণাযন্ত্রে শোভা করে মা সঙ্গীতরূপিণী ॥
 মাগো, তব রূপা বলে, মানব শ্রেষ্ঠ ভূমণ্ডলে
 বাক্শক্তি আছে বসে বিদ্যাশক্তি পায় ।
 সকল প্রাণী হতে শ্রেষ্ঠ, মানব অতি উৎকৃষ্ট,
 এস মা মহামায়া হেমবরগী হর-জায়া
 ভক্তে দিয়ো পদছায়া ধরি-ঐ চরণে ।

ভবার্গবের ঐ তরগী পার হতে সে বৈতরগী দিয়ে ঐ চরণে ।

তরগী অধীন ভক্তজনে ।

গৌরী গজানন মাতা দাক্ষায়ণী দক্ষসুতা

শিবের বনিতা হন আপনি—

এসেছি মা ভবকুল হয়েছি কত ব্যাকুল যেন আকুল

চিত্তাকুল, মা, কুল-কুণ্ডলিনী ।

মাগো, তুমি দয়া করিলে, কে আছে মহিমণ্ডলে,

পড়ে আমি ভবকূলে ডাকি, মা, উচ্চৈশ্বরে

কহি আমি করুণা করো যেন করুণা চরণ ছাড়া করো না আমারে ॥

—মুর্শিদাবাদ

হ

হরিশক্তির গান

সাধারণ ভক্তিমূলক গানের মধ্যে যাহাদের ভিতর দিয়া হরিশক্তি বিশেষ ভাবে প্রচারিত হয়, তাহাদিগকে হরিসংকীৰ্তন বা হরিশক্তিমূলক গান বলা যায়।

১

এমন শুভদিন হবে না রে আর ;
ভজ হরিপদ অনিবার অন্ত আশা পরিহরি,
হরিনাম কর রে সার হরি হরি বল নিরন্তর,
কুচি হলে সকল জালা যাবে রে অন্তর ;
সদ্বানন্দে কাল কাটাবি, পান কঙ্জের সুধাসার ॥
পেয়ে বহু কষ্টে এ মানব জনম,
মিছা মায়ায় মুগ্ধ হইয়ে না কর্ণি সাধন।
কার ভরসায় বসে রলি, কিসে হবি ভব পার ॥
সাধুসঙ্গ কর অহুঙ্কণ, অনায়াসে চলে যাবে আনন্দ ভবন।
হা রে চেতনে চৈতন্য পাবি কাল শমনে ভয় কি আর,
বিনয় করে কয় কৃষ্ণহরি,
হরিনামের তরী করে ধর ভবে পাড়ি ;
আছে বিপদভঞ্জন মধুসূদন, ভব পারের কর্ণধার ॥ —ঢাকা (১৩২৪)

২

হরিনামে যার হৃদয় ভরা তার ভরা যায় কিসে মারা ॥
ছিল প্রহ্লাদ হরিশক্ত, হরি নামে সদা মত্ত,
তেম্মি মত হৈলে চিন্ত, হবে যমের ঘরে কপট মারা ॥
যাবি যদি ভবপারে সদা হরি নাম কররে,
আদর করে নিবে তবে, আছে পারঘাটা কাণ্ডারী খাড়া।
যে জন হরি হরি বলে, সে কি কায়ে ভয় করে,
দেখনা শিব সকল ছেড়ে সদা দেয় চিতায় পাহাড়া ॥ —ঐ (১৩২৬)

হাতি খেদার গান

দক্ষিণ পূর্ববঙ্গ চট্টগ্রাম, উত্তর পূর্ববঙ্গ জলপাইগুড়ি এবং গোয়ালপাড়া জিলায় খেদায় হাতি ধরিবার সময় এক জেগীর গান শুনিতে পাওয়া যায়, তাহাদিগকে হাতি খেদার গান বলে।

হালকার গান

হালকার গান সম্পর্কে এই বিবরণীটি উল্লেখযোগ্য—‘মোমেনশাহী (মৈমনসিংহ)-র কোন কোন অঞ্চলে একজাতীয় ফকিরালী গান প্রচলিত আছে, এইগুলিকে সাধারণতঃ হাল্কার গান বলা হয়। চট্টগ্রাম জিলায় আবুদুদৌ গ্রামনিবাসী চিস্তিয়া তরিকার পীর মওলানা আব্দুল কুদ্দুম সাহেবের অগণিত ভক্ত মুরিদ জিকরে জলীর প্রারম্ভে এ সব গান গেয়ে থাকে। গানের তালমান ঠিক রাখার জন্য একটি ঢোলক বাজান হয়। গানের তালে তালে ও জিকিরের জোশে অনেকে দেওয়ানা হয়ে নাচতে শুরু করে। অবশ্য এ নাচ তাদের জিকিরের তালে তালে চলতে থাকে। হালকার মজলিশে অনেক লোক সম্মিলিত ভাবে জিকির করে।’ (রওশন ইজদানী, ‘মোমেনশাহীর লোক-সাহিত্য, ঢাকা, পৃ. ১২)

১

গাউছা মোরে দিল না গো মিষ্ট গাছের বেল।

আইজ দিব কাইল দিব বলে বেল ফুরাইয়া গেল ॥

যখন বেলে ধরুলো কড়া

ডাক্তারবাবু সামনে খাড়া,

পয়সা ছাড়া দেয় না তারা বায়ু রোগের তেল। —মৈমনসিংহ

হাল্দা ফাটা গান

চট্টগ্রাম অঞ্চলে ‘হাল্দা-ফাটা’ গান নামে এক জেগীর গানের প্রচলন আছে। ইহার সম্পর্কে কলিকাতা বিশ্ববিদ্যালয়ের লোক-সঙ্গীত সংগ্রাহক স্বর্গত আশুতোষ চৌধুরী লিখিয়াছেন (‘পূর্ববঙ্গ গীতিকা’ ৪১২, পৃ. ৫৫২)

“সাধারণতঃ সমুদ্রোপকূলবর্তী স্থানগুলিতেই ‘হাল্দা-ফাটা’ গানের প্রচলন দেখা যায়। এই পালাগায়ক সারেঙ্গ, তানপুরা, খঞ্জরি, কি অন্ত প্রকারের

যন্ত্রপাতি ব্যবহার করে না। প্রকৃতির সাধারণ সুরে ও সমুদ্রের সোঁ সোঁ শব্দ সংযোগে তাহারা যেন গানের তালমান রক্ষা করিয়া থাকে। গায়ক পদ পূরণ করিবার সময় অতি সুন্দর ও স্বাভাবিক নিয়মে ‘রে’ শব্দটির দ্বারা সুর যোজনা করিয়া লয়। ইহার কৌশলও অভিনব ও মৌলিক। বঙ্গদেশে সঙ্গীত শাস্ত্রের যদি কোন মৌলিক গবেষণা হয়, তবে হাল্‌দা-কাটা গান হইতে অনেক সুরের উপকরণ সংগৃহীত হইবে। গান করিবার সময় তাল যন্ত্র ছাড়া সুরের সামঞ্জস্য রক্ষা করিতে হয় বলিয়া এই পালারচকেরা শব্দবিভাগ ও ছন্দের প্রতি সর্বদা সতর্ক দৃষ্টি রাখিয়া থাকে। অধিকাংশ হাল্‌দা-কাটা গানে উপাস্ত্য সুরের মিল আছে।”

ধূয়া—

সাইগরে ডুপালি পরীরে,

হায়! হায়! দুখ্‌থে মরি রে।

কি ভাবে গাহিব ওই দুখ্‌থের বিবরণ।

যে হালে হইল সেই পরীর মরণ॥

কেমনে দুঃখের কথা বয়ান করি রে।

সাইগরে ডুপালি পরীরে—

ভোজের বাজি ছুনিয়া যে কেবল বেড়াজাল।

কাড়াকাড়ি মারামারি আর যত জঞ্জাল॥

মিছা রাজ্য মিছা ধন মিছা টাকাকড়ি রে।

সাইগরে ডুপালি পরীরে—

—চট্টগ্রাম

হাপু গান

পশ্চিমবঙ্গে হাপুগান নামক একশ্রেণীর লোক-সঙ্গীত প্রচলিত আছে। সাধারণত দুইজন লোক একসঙ্গে এই গান গাহিয়া থাকে। একজনের হাতে মন্দিরা বা গোপীঘন্ত্র থাকে, আর একজনের হাতে ছোট একখানি লাঠি থাকে। লাঠিধারী লোকটি গান গায় এবং তাহার সঙ্গী লোকটি ধূয়া করে। গাহিবার পদ্ধতিটি একটু অদ্ভুত। এক পদ করিয়া গান গায়, আর মুখে এক প্রকার শব্দ করিয়া নিজের পিঠেই লাঠি দিয়া তাল ভাঁজে। অবিভ্রাম লাঠি চালনার ফলে অনেকের পিঠেই কালশিরা দাগ পড়িয়া যায়। কতকটা নমস্কারের ভঙ্গিতে লাঠিটা দুই হাত দিয়া ধরিয়া থাকে। গানগুলি এই প্রকার,—

একই বিলে চরে পাখী অন্ত বিলে ধায় ।

চল্যা যাবার কালে পাখীর ফাঁদ বাধিল পায় ।

ও হায় হায় ॥

পাখী না পিখিমি চেনে আসমানে তার বাসা ।

কার খোঁজে না বিলের জলে করে যাওয়া আসা ।

ধরতে পারলে ছাঁদন বেড়ী দিতাম গো তার পায় ॥

ও হায় হায় ॥

আল্লা আল্লা বুলো রে, বান্দা, ভাত নাইক ঘরে ।

টুপি দিয়া ইমান ঢাক্যা বাগুন চুরি করে ॥

তারে ধরব কেমন ক'রে ॥

নিমক হারাম প্যাটের ক্ষুধা নাইরে সরম তার ।

ছু'দিন বাদে নিভ'লে বাতি তামাম অন্ধকার ॥

সন্দ কিবা তার ॥

—বীরভূম

এই গানের নাম যে কেন হাপুগান হইল, কিংবা হাপু শব্দের তাৎপর্ষই যে কি, তাহা বুঝিতে পারা যায় না । এই গান বীরভূমে যে খুব ব্যাপক, তাহাও বলিবার উপায় নাই ।

হাফ্, আখড়াই

উনবিংশ শতাব্দীতে নাগরিক জীবনকে কেন্দ্র করিয়া যে সকল গীতরীতি বিকাশ লাভ করিয়াছিল, তাহাদের মধ্যে হাফ্ আখড়াই সর্বাপেক্ষা অর্বাচীন । আখড়াই, দাঁড়া কবি এবং হাফ্ আখড়াইয়ের মধ্যে পার্থক্য বিশেষ কিছুই ছিল না । গোপাল বন্দ্যোপাধ্যায় তাহার 'প্রাচীন কবি সংগ্রহে' দাঁড়া কবি ও আখড়াইর পার্থক্য সম্পর্কে লিখিয়াছেন,—

‘দাঁড়া কবির ক্রম এই রকম—

চিতান—পরচিতান—ফুকা—মেলতা—মহড়া—শওয়ারি—খাদ—ফুকা—
মেলতা—অস্তরা ।

অস্তরা সমাপ্ত হ'লে দ্বিতীয় চিতান । আগের কবি গানের অস্তরা রচনার রীতি পরে থাকে নি । দ্বিতীয় ফুকার পরেই ‘গীত সমাপ্য’ । হাফ্ আখড়াই

অবিকল এই রকম, কেবল ফুকার পর ডবল ফুকা।। অন্তরা থাকে না।’
(১৩০—১০)।

১

- মহড়া— মানের গর্ব করে খর্ব তো করিলে ॥
সওয়ারি— রাগে মান সমাপন করে পণ হারিলে,
রাধে, অতিশয় উচিত নহে, শেষে না রহে,
অতি দানে বলি গেলেন পাতালে ॥
তেহেরণ— মানময়ী, ভাল লোক হাসালে।
চিতেন— কহিলে কথা তুমি রাই, রাই গো, তুলে চন্দ্রানন।
২ চিতেন— তাতে জুড়ালো মানের অনল,
অতঃপর পুরিল মম পণ ॥
ফুকা— করে দক্ষ আগে বিষম পণ পরেতে নারিলেন
রাখিতে পুজিলেন ত্রিলোচন, আজ রাধে গো।
তেমন জ্ঞান গুরু পণ হলো রাই মান নিবারণ।
ডবল ঐ— সেই তো মান তাজিলে, শ্রীমুখে কথা কহিলে
নিজ মান, রাই, এখন পুরাতে নারিলে,
ঘুচিল বিষাদ, রাধে, হৃদয় জুড়ালো,
মানের অনল এখন নিভিলো ॥
মেলতা— মানের পর মান রাখিতে নারিলে।

২

- চিতান— কটাক্ষে নাশিতে পারে শ্রাম হে, জগতেরি ভার,
পরচিতান— প্রাণে বাঁচাতে পারিলে না বিরজায়,
শাপেতে শ্রীরাধার।
ফুকা— চরণ পরশে শুনেছি হে তোমারি
দীননাথ, অনায়সে হল হে পাষাণী, মানবী
আমি সার করে শ্রীপদ, হইল এই বিপদ
অবশেষে প্রাণে মলাম, শ্রীহরি।
ডবল ফুকা— কৃষ্ণ দোষ দিব কারে, সকলি কপালে করে
ভব ভয় নয় ঘুচায়, প্রাণ যায়, ভজে তাঁহারে।

মরিতে হে প্রাণে, হরি, কাতরা নহি ত,
 মেলতা— কৃষ্ণহারি হলাম বিনা দোষেতে ।
 মহড়া— রইল মনের দুঃখ এই মনেতে ।
 যে পদে, বিপদে প্রহ্লাদে, রেখেছে,
 তোমার সে পদে প্রাণ সঁপে মনস্তাপে,
 মলাম রাধার শাপে এখন প্রাণেতে ॥

হাবু গান

লঘু ব্যঙ্গাত্মক এক শ্রেণীর গান হাবু গান নামে পরিচিত । স্বামী চাকুরীতে বাইবে শুনিয়া স্ত্রী যে সব জিনিষ, আনিতে বলিতেছে, তাহা সাধারণতঃ প্রত্যেক বাড়ীতেই শুনিতে পাওয়া যায়, তবে এখানে বায়না একটু মাত্রা ছাড়াইয়া গিয়াছে । ইহাই এখানে হাবু গানের বিষয় ।

১

ইচলা, ইলশে, খল্‌সে, পুঁ‌টা,
 পুঁ‌য়ে, গচি, বাম, চিং‌টা, মাগুর শিকী,
 ভাকুর ভোথরে, কাকে বলে কই, চেতল,
 শল, শেল, রাং‌ রুই, পেতল কাতল,
 ফুলুই, ময়রা, টেপা, চেপা মিরকে—
 এরাই সব আজ জালে বন্দী হয়ে'ছে ।

—ঐ

২

ষেতে সড়ানে ধাক্কা লেগেছে পরাণে,
 মালদহের ইষ্টিশনে ফজলি আম আনি কিনে,
 মুখে দিলাম খোয়ায়ে চপ্‌ চপা চপ্‌,
 ধোবা পিশে তাঁতী মাসী ময়রা ঠাকুর ঝি,
 নন্দ ঘোষের বেটীর সঙ্গে কখন হেঁ‌সেছি ।
 ঐ জালাতে কদমতলার বাসা ছেড়েছি,
 খিসাক্‌ হুম্‌, খিসাক্‌ হুম্‌, খিসাক্‌ হুম্‌ ।

—ঐ

হাসির গান

কেবলমাত্র হাস্তরস বা কৌতুক সৃষ্টির উদ্দেশ্যেই কতকগুলি গান রচিত হইয়া থাকে, তাহাদিগকে হাসির গান বলা যায় ।

১

বিড়াল বলে মাছ খাব না, আঁশ ছৌব না কাশী যাব,
তাই দেখে এক ভোকরা ইঁদুর কপালে দিয়েছে সিঁদুর ।
বলে, কাশী গিয়ে ঘোমটা টেনে মেজ বাবুর বৌ হ'ব ।
বিড়াল বলে, মাছ খাব না, আঁশ ছৌব না কাশী যাব ।
তাই দেখে এক কোলা ব্যাঙ; লম্বা লম্বা বাঁড়ায় ঠ্যাং,
বলে, কাশী গিয়ে পৈতা লয়ে আমি ঠাকুর বাবা হ'ব ।
বিড়াল বলে মাছ খাব না, আঁশ ছৌব না কাশী যাব ।
তাই দেখে এক কেলে কুকুর, কপালে দিয়েছে চন্দন,
বলে, মথুরা গিয়ে বাঁশী লয়ে আমি কৃষ্ণ ঠাকুর হ'ব ।
বিড়াল বলে মাছ খাব না, আঁশ ছৌব না কাশী যাব ।
তাই দেখে এক ল্যাংটা বাদর, গলাতে জড়িয়ে চাদর,
বলে, লক্ষা গিয়ে সীতা হ'রে, আমি রাবণ রাজা হ'ব ।
বিড়াল বলে মাছ খাব না, আঁশ ছৌব না কাশী যাব ॥ —মুর্শিদাবাদ

২

জান গেল মোর খোসের জলনে,
আমি বাঁচিনা আর পরাণে, খোসের জলনে ॥
শুড় শুড় করে খুর খুর করে গো,
চুলকানি উঠে পরাণে,
জান গেল মোর খোসের জলনে ।
দেখ আড়াই খান তালাই আছে
কি একশো লোকের শোওয়া হয় ?
আবার ডাঙ্গার বাবুর বাড়ী গেলাম গো
আমায় বললে নিম সাবান দে গা ক্যানো ।
জান গেল মোর খোসের জলনে ॥

—৬

৩

আমি বাঁচি প্রাণে কেমনে প্রাণ গেল যোর
 থোসের জ্বলনে আমি বাঁচি প্রাণে কেমনে
 প্রাণ গেল যোর থোসের জ্বলনে
 যখন করে কটকট ধক ধক ও বাবারে আমি বাঁচি প্রাণ কেমনে,
 থোস্ হয় কয় রকমের জাত ওরে ডবরা ছোটবড়
 ওরে কতকি যুক্ত করে বাড়াল উৎপাত ।
 একই নাকে শুঁড়ে লাগে, ভাই, আড়াই খানা তালই,
 সোজা হয়ে দাঁড়াতে গেলে দেখায় পুঁই মাচাটি ।
 আমি বাঁচি প্রাণে কেমনে ॥ —বাঁশপাহাড়ী

হিজড়ের গান

গৃহে শিশুর জন্ম হইলে নবজাত শিশুকে হিজরার কোলে দিবার রীতি
 পশ্চিমবঙ্গে প্রচলিত আছে। সেই সময় শিশুকে কোলে লইয়া হিজরারা যে
 গান গাহিয়া থাকে, তাহা হিজরার গান। বিনিময়ে তাহারা কিছু পারিতোষিক
 পায়।

১

খোকা দেখালো, ছোট বৌ, খোকা দেখালো ।
 শাক দিয়ে মাছ ঢাকলে এখন কি হবে বল ॥
 হাটে যাই বাজারে যাই কিনে আনি শশা ।
 তোর খাবার বেলা গুপুর গাপুর শোবার বেলা গোসা ॥

২

দিদি, কোথায় গেল খোকার বাপ ।
 হয়ে আছি তলোয়ারের খাপ ॥
 আমার বাপ দিয়েছে আশা, গড়িয়ে দেব কানের পাশা,
 সেই আশা নৈরাশায় একি মনস্তাপ ॥ —ঐ

হীরালাল-পদ্মমণি কন্যার পালাগান

চট্টগ্রাম অঞ্চলে হীরালাল ও পদ্মমণি কন্যার পালাগান নামে একটি গীতিকার
 প্রচলিত আছে ('লোক-সাহিত্য' ঢাকা, ৩য় খণ্ড)। মতিলালের পুত্র হীরালাল,

হীরালালের বন্ধু জয়মন। দুইজনে বিদেশ যাত্রা করিল। পথে রাজকন্তা পদ্মমণির সঙ্গে হীরালালের সাক্ষাৎ হয়, হীরালাল তাহার প্রতি আসক্ত হয়। অনেক বাধাবিপত্তি অতিক্রম করিয়া অবশেষে হীরালাল পদ্মমণিকে লাভ করে। কাহিনীটির প্রথমাংশে বিভাষ্মন্দের কাহিনীর সঙ্গে সম্পর্ক আছে। পালার একটু অংশ—

নিশি অবসানে দুই জন চিত্তে ক্ষেমা দিয়া,
বাড়ীতুন বাহির হৈল আল্লাহকে ভাবিয়া।
দুইজনে দুই ঘোড়া যন্তনে সাজাইয়া,
নিশির অবসানে দুই জন যারগই চলিয়া।
অল্প ধন বহু মূল্যের সঙ্গতি করিয়া, বিদেশে দুইজন যারগই চলিয়া।
ডেনে (ভাইনে) খঞ্নের জ্যোতিঃ বামে তলোয়ার,
লক্ষ দিয়া ঘোড়ার পিঠত হইল সোয়ার —চট্টগ্রাম

হৃদয়া গান

উত্তর বাংলায় অনাবৃষ্টির সময় বৃষ্টির কামনায় গ্রাম্য কৃষক রমণীরা একত্র হইয়া অঙ্ককার রাত্রে মাঠের মধ্যে গিয়া উলঙ্গ হইয়া আত্মগোষ্ঠানিক ভাবে হৃদয়া দেওর যে পূজা দেয়, তাহাতে নৃত্যগীতের অনুষ্ঠান হয়। তাহার গান হৃদয়া গান বলিয়া পরিচিত।

১

দেওয়া তুই বরষেক রে, গাও ধুইয়া মূই বাড়ি নাগি ঝাঁও।
হাড়িয়া কোনেতে যেমন দেওয়া ছর ছরায়
ওই মোতন চেংরি গিলা ফের কেটায়।
আষাঢ় মাস শান মাস দেওয়াত্ না হয় পানি,
তিন দিনকার সরার গায়ত পইছে ছানি।
দেওয়া, তুই বরষেক রে,
গাও ধুইয়া মূই বাড়ি নাগি ঝাঁও। —জলপাইগুড়ি

২

আষাঢ় শাওন মাসে দেওয়া হইল থরা,
তিন দিনকার আংশাল গোন্দায় সরা সরা। —ঐ

হোলবোল

নদীয়া-যশোহরের কৃষকদিগের মধ্যে প্রচলিত এক জ্ঞেয় লোক-সদীভের
নাম হোলবোল ।

১

আহা ফাস্তন মাসের পাঁচুই তারিখ দৈবী গজব হল
মটর মুস্তুরি ছোলা সরষে সব ফেলায় গেল ।
কতই ফেলল ছোলা সরষে ফল ঘটিবাটি
তার চেয়ে অধিক ফেলল ব্রিটিশ রাজার মাটি,
দুইপক্ষ দুই রাজা হয়ে সংসার জ্বলে গেল,
এবার বুঝিল ভাত বেঘোরে কোলের যাদু ম'ল ।
মা জননী কেঁদে বলে কী করি উপায়,
গহরমেণ্টের লোক এসে বলে খাল বাঁধিতে চল ।
খাল বাঁধিতে না গেলে টাকা দিব নাক ।
মাটির বুড়ি মাথায় নিয়ে ভিন্নি লেগে গেল ।
এবার বুঝিল মনে হল আমাদের জান গেল,
পাকিস্থানে কাজ নেই মোদের হিন্দুস্থানে চল,
হিন্দুস্থানে গিয়ে মোরা সবাই শাস্তি হব ।

—নদীয়া

২

আগে জল পিছনা দিয়ে তামুক সেজে দণ্ডপাত হল,
সব বাড়ির সব খবর নেয় সব—
বাড়ির সব আছে কেমন ?
বাড়ির সব আছে ভাল আছে মন্দ তাতে নাইকো দায় ।
শালা সমুন্দি এসে ওমনি কাছা খুলে নেয় ।
তারপর হেসে ওঠে বড় খুশী—
তেল জলপান পায় ।
তেল জলপান পেয়ে ওমনি ছ্যান করিতে যায় ।
তারপর চিড়ে ভাজা —
চিড়ে ভাজা বড় মজা অল্পে অল্পে অল্পে ধরি,
ডাইনে বায়ে ধরি আর কষে ফাঁকাই মরি ।

কেউ তো দেখেনি ভাই ?

আচুককা বাচুককা বসে আছে ওই হালে,
এট্টা ইত্তিরি নোক বইসে আছে দুয়োরের আবডালে,
একথান শাড়ি পরি ।
আহা একথান শাড়ি পরি ।
শাড়ি পরি বিছানা পেড়ে মিশি দেওয়া দাঁতে,
দাঁতে ছাতা কয় না কথা গায়ে গন্ধ যায়,
আমলা মেথী গুয়াপান, পান সৈরভ পায় ।
আমি তো, ভাই, নিজে বুড়ো বাঁচি ছড়ো গলা হড়হড় করে ।
হঁকো থুয়ে কঙ্কে টেনে সব শালা তুই বুড়ো বাঁদর ।

—ঐ

৩

আহা পাঁচ বাড়ির পাঁচ নারী বৈকালেতে জোটে,
কলসী লয়ে আমোদ করে যাচ্ছে জলের ঘাটে ।
জলের ঘাটে গিয়ে বলে, শোন লো ঠাকুরঝি,
কালকেকারের ভাসান আমি তুটো শিখেছি,
কি ভাসান শিখেছিলি বল না, ছোট বউ,
ভাসানের কথা শুনে মনে ওঠে ঢেউ ।
ঢেউ ওঠে বুক ফাটে আহা মরি মরি,
মরা পতি জ্যাস্ত করল বেহুলা স্নন্দরী ।
কলার মাড়ে চড়ে, ঠাকুরঝি, আমরা যাব চলে,
কলার মাড়ে চড়ে গেলে পতি পাওয়া যাবে ।
অল্লবয়সে যেমন লোকটা ফটিঙ টিঙে,
বাজে ঘুনসী কাঁথের বীণায় তোপা রঙের চিঙে ।

—ঐ

৭

এস, কিষ্ট, বসো কাছে কওগো ফুলের কথা,
অবতার পঞ্চম কিষ্ট জন্ম হইল কোথা ।
জন্ম আমার মধুপুরে দৈবকৌর ঘরে,
বসুমাতা রেখে নেল নন্দ ঘোষের ঘরে ।

নন্দ গেল বাথানেতে যশোদা গেল ঘাটে,
 শূণ্য ঘর পেয়ে কিষ্ট সগল ননী লোটে ।
 হাতে ননী হৃদয়ে ননী ধায় গোপালের পিছে,
 লক্ষ্য মেরে উঠল কিষ্ট কদমের ঐ মূলে ।
 ওখান থেকে নাব রে, কিষ্ট, পেড়ে দেব ফুল ।
 ওখান থেকে পলে পরে মজাইবি কুল ।
 লালায়ে ভূলায়ে ও মা কিষ্টকে নাবাংল ।
 গাভী ছাঁদা দড়ি দিয়ে কিষ্টকে ছাঁদিল ।
 এমন ছাঁদা ছাঁদলে, মাগো, রব না এদেশে,
 এদেশে আর রব না, মা, রব মধুপুরে ।
 পরের মাকে মা বলিয়া ননী চেয়ে থাক ।
 হাতের অঙ্গুরী বেচে ননীর কড়ি দিব ।

হোলী গান

শ্রীকৃষ্ণের দোলযাত্রা উপলক্ষে যে হোলীগান শুনিতে পাওয়া যায়, তাহার মধ্যে অনেক সময় রাগ-সঙ্গীতের স্বর ব্যবহৃত হয় । সেই জন্ত কেহ কেহ ইহাকে লোক-সঙ্গীত বলিয়া স্বাকার করিবার পক্ষপাতী নহেন । তবে এ'কথা সত্য, কোন কোন ক্ষেত্রে ইহা লৌকিক স্তরে নামিয়া আসিয়াছে, অতএব ইহাদিগকে লৌকিক বলিয়া মনে করিবার কোন আপত্তির কারণ থাকিতে পারে না ।

১

খেলাতে হারিয়ে শ্রাম পলাইতে চায় ।
 চৌ-দিকে ব্রজবধু, পথ নাহি পায় ॥
 আবিরে অরুণ আঁখি মেলিতে না পারে ।
 হারিছে হারিছে শ্রাম বলে বায়ে বায়ে ॥
 কর সঞ্চে মুরলী ভূমিতে পড়ে হাসি ।
 করতালি দেই সব সখীগণ আসি ॥
 শিখি পুচ্ছ এলায়ে পড়িল মহীতলে ।
 অরুণিত বসন ভিজিল শ্রমজলে ॥
 শ্রামেরে বিভোর দেখি রসবতী রাই ।
 অরুণ বসন দিয়া ও'মুখ মোছাই ॥

সিংহাসনে বসি রাই কোলে নিল শ্রাম ।
 শ্রম ভরে দুহু' অঙ্গে পরিপূর্ণ ঘাম ॥
 শ্রীরতি মঞ্জরী দোহে চামর ঢুলায় ।
 শ্রীকৃপ মুঞ্জরী দোহে তাধূল যোগাই ॥
 শ্রীগুণ মুঞ্জরী দেহ সুবাসিত জলে ।
 এ রাধামোহন হেরি নয়ন সফল ॥

—মুর্শিদাবাদ

২

বুন্দার রচিত যতেক পরকার ।
 সখীগণ আনল বহু উপহার ॥
 রতন থারি পর রাখল তায় ।
 বারি বারি ভরি দেওল যাই ॥
 রতন আসন পর বৈঠল কান ।
 ভোজন করল আপন মন মান ॥
 আচমন সারি তলপে মুখ বাস ।
 ভোজন কর ধনি সখীগণ পাশ ॥
 যো বিন্দু শেষ ভুঞ্জল সখী সাথ ।
 আচমন করল মুদুল পদ হাত ॥
 শ্রাম রামে ধনি বেঠলি যাই ।
 প্রিয় সহচরী কোই তাধূল যোগাই ॥
 স্তল শেজে আমার রাই ঘনশ্রাম ।
 চামর বীজ্ঞন কর দাস বলরাম ॥

—ঐ

উদ্ধৃত হোলী গানটির লোক-সঙ্গীত হইবার পক্ষে দুইটি অন্তরায় ; প্রথমতঃ ইহার ভাষা ব্রজবুলি, সহজ বাংলা নহে, দ্বিতীয়তঃ ইহাতে বলরাম দাসের ভণিতা ব্যবহৃত হইয়াছে। কিন্তু নিরক্ষর জনসাধারণের মধ্য হইতে ইহা সংগৃহীত হইয়াছে, এই পর্যন্তই ইহার লোক-সঙ্গীতের দাবী ।

হোসেনের পাঁচালী

কারবালার বৃত্তান্তমূলক মহরমের গানকে হোসেনের পাঁচালীও বলা হয় ।

একবার ডাকরে হোসেন মা বলে ।

হোসেনের বাপ তোমার দুঃখ দেখে বকের পাষণ যায় গলে ॥

ওঠ, ওঠ, ওরে ও বাপ, সোনার যাহ্নমণি ।
 এস কোলে করে দেখি তোমার কাটা মুণ্ডখানি ।
 ও তোর দুঃখিনী জননীর হৃদয় যায় জ্বলে ॥
 মদিনায় স্বথেতে পালংকেতে ছিলি,
 কারবালাতে কেন মরতে এসেছিলি ।
 ওরেরে আমার দুঃখিনীর ছেলে,
 কেন কাফেরের ছলে আজ জীবন হারালে ॥
 মদিনা শহরে আছিল গোলঙ্গার ।
 এলি কেন, ও বাপ, কারবালা মাঝার ।
 তোমা বিনে সব হল কেঁদে জারে জার ।
 এ বাজার মদিনা আঁধার করিলে ॥
 এই হস্তে যাদের করলি বিতরণ,
 তারাই ত এ দস্ত করেছে ছেদন ।
 খণ্ড খণ্ড করে কেটেছে বদন,
 এই লিখন কি ছিল তোর কপালে ॥
 দশমাস দশ দিন তোরে গর্ভেতে ধরিয়্যা,
 কত শত যাতনা লয়েছি সহিয়া ।
 ওরে, আমার এত দুঃখের ধন ।
 কি এমন দোষেতে পলকেতে বিনাশ করিলে ॥
 ছোট বেলায় তুমি করতে শয়ন ।
 দোলনা তোমার দোলাতো পবন ॥
 জিব্রাইল এসে বলতো কখন কখন,
 কেন সোনার বরণ ধুলায় লুটালে ॥
 হর পরী ফেরেস্তা আদি যত পয়গম্বর,
 স্বর্গ হতে এসে করল তোমার গোর ।
 কাটামুণ্ড জানাজা কবর দিলে ॥

—মুশ্বাবাদ

পরিশিষ্ট

ক। সংযোজন

অনাদি-মঙ্গল

পশ্চিম বাংলার ধর্মঠাকুর বা ধর্মরাজঠাকুর কোন কোন সময় অনাদিদেব বলিয়া উল্লেখিত হইয়াছেন। সেই সূত্রে মধ্যযুগে তাঁহার মাহাত্ম্যসূচক যে কাব্য রচিত হইয়াছিল, তাহাকেও অনাদি-মঙ্গল বলিত। ইহাতে লাউসেন ও ইছাই ঘোষের কাহিনী বর্ণিত হইয়াছে। ইহার গোথিক রচনা প্রায় লুপ্ত হইয়া গিয়াছে। অনাদি-মঙ্গল বা ধর্মমঙ্গল গানের মধ্যে ইহার লিখিত রূপটি আত্মরক্ষা করিয়াছে।

অষ্টমঙ্গলা

চণ্ডীমঙ্গলগান এক মঙ্গলবারে আরম্ভ হইয়া আর এক মঙ্গলবারে শেষ হইত। সেই জন্ত ইহাকে অষ্টমঙ্গলা গানও বলিত। কোন কোন ক্ষেত্রে মঙ্গলগানের শেষ দিবসের শেষ পালার আত্মপরিচয় মূলক অংশকেও অষ্টমঙ্গলা বলিত। একজন মঙ্গলগানের কবি লিখিয়াছেন,

তোমার রূপায় যদি গ্রন্থ সাক্ষ হয়।

অষ্টমঙ্গলায় দিব আত্মপরিচয় ॥

কেহ কেহ মনে করেন, ‘আট দিন ধরিয়া যে গান হইত, তাহার সংক্ষিপ্তসার ও ফলশ্রুতি’র নাম অষ্টমঙ্গলা।’ (চারুচন্দ্র বন্দ্যোপাধ্যায়, ‘চণ্ডীমঙ্গল বোধিনী’ ২য় খণ্ড, পৃ. ৮৭৮)

ইউসুফ-জোলেখার পালাগান

পারসী সাহিত্য হইতে কাহিনী গ্রহণ করিয়া বাংলা দেশের নানা লৌকিক আখ্যান মিশ্রিত করিয়া যে সকল লৌকিক প্রণয়নাখ্যান মূলক গীতি-কাহিনী মধ্যযুগে রচিত হইয়াছিল, তাহাদের মধ্যে ইউসুফ-জোলেখার কাহিনীই সর্বাপেক্ষা প্রাচীন বলিয়া অনেকে মনে করেন। ইহাতে ইউসুফ এবং জোলেখার প্রণয় বৃত্তান্ত বর্ণিত হইয়াছে। মুহম্মদ সগীর নামক একজন কবিই ইহাকে

সর্বপ্রথম একটি লিখিত গীতিরূপ দেন। তাহার পথ অনুসরণ করিয়া অত্যাশ্চর্য্য কবিও অগ্রসর হইয়া আসেন। ইহার রচনার নিদর্শন এই প্রকার—

১

বিবিধ প্রকারে বালা চাহে নিরন্তর ।
হানিতে আপনা দিষ্টি ইছুপ অন্তর ॥
প্রেমরসে মধুপ্রেম চাহে ভুলাইতে ।
ইছুপ রাখিল কণ্ঠা মানস বহিতে ॥
জোলেখার দিষ্টি নিত্য ইছুপ উপর ।
ইছুপের দিষ্টি ধর্ম পশ্ছে নিরন্তর ॥
রূপ দেখি শাস্ত নহে জোলেখার মন ।
দেখিলে খণ্ডে না ক্ষুধা না কৈলে ভক্ষণ ॥
তৃষ্ণাকুল শাস্ত নহে নিরক্ষিয়ে জল ।
যতপি না কৈলে পান না খণ্ডে অনল ॥

কাহিনীটি সংক্ষেপে এই প্রকার :

রাজা তৈমূসের কণ্ঠা জালিখা। যৌবনে সে পরমা সুন্দরী হইয়া উঠিল। একদিন স্বপ্নে এক সুন্দর পুরুষকে দেখিয়া সে তাহার প্রতি আকৃষ্ট হইল। তাহাকে বিবাহ করিতে চাহিল। সেই সুন্দর পুরুষ মিশরের সম্রাট আজিজ-মিসর। তৈমূস কণ্ঠাকে তাহার সঙ্গে বিবাহ দিলেন, কিন্তু জালিখা দেখিলেন, ইনি তাঁহার স্বপ্নদৃষ্ট পুরুষ নহেন। তিনি তাঁহার মনের দুঃখ জানাইয়া ভগবানের নিকট প্রার্থনা করিতে লাগিলেন। একদিনে দৈববাণী শুনিয়া আশ্বস্ত হইলেন, তিনি তাঁহার প্রণয়াম্পদকে লাভ করিবেন। আজিজ-মিসর তাঁহার নামে মাত্র স্বামী থাকিবেন। কেনান দেশের এয়াকুবের পুত্র ইউহুফ, তিনি অত্যন্ত ধর্মপরায়ণ। ভ্রাতারা ষড়ষষ্ঠ করিয়া তাহাকে হত্যা করিতে চাহিলে তিনি ঈশ্বরের দয়ায় রক্ষা পাইলেন। কিন্তু গৃহ হইতে পলাইয়া গিয়া এক সদাগরের নিকট আশ্রয় লাভ করিলেন। একদিন আজিজ-মিসরের দরবারে তাহাকে উপস্থিত করা হইল। অন্তরাল হইতে জলিখা তাহাকে দেখিতে পাইয়া তাহাকেই স্বপ্নদৃষ্ট পুরুষ বলিয়া চিনিতে পারিলেন। তাহাকে পাইবার জন্ত তাহার অদম্য বাসনা জন্মিল। জলিখা আজিজের সম্মতি লইয়াই তাহাকে দাসরূপে কিনিয়া লইলেন। তাহাকে নানাভাবে ভুলাইতে প্রয়াস পাইলেন।

কিন্তু ইউসুফ ধর্মপথ হইতে বিচলিত হইলেন না। অবশেষে জলিখা তাহার নামে অপবাদ দিলেন। রাজা তাহাকে কারারুদ্ধ করিলেন। ইউসুফ দৈবের সহায়তায় তাহার নিষ্কলঙ্কতা প্রমাণিত করিলেন। জলিখার কলঙ্ক-কথা লোকে জানিতে পারিল। পুনরায় কৌশলে ইউসুফকে কারারুদ্ধ করা হইল। কারাগারে গিয়া জলিখা তাহার নিকট প্রেম নিবেদন করিল। ইউসুফ তাহাকে উপেক্ষা করিলেন। আজিজ-মিসরের ইতিমধ্যে মৃত্যু হইল, নূতন রাজা সিংহাসনে বসিলেন। ইউসুফ একটি ভবিষ্যদ্বাণীর ব্যাখ্যা বলিয়া দিবার জন্য রাজা তাহাকে সম্মানে মুক্ত করিলেন। পুত্রহীন রাজা ক্রমে ইউসুফকেই সিংহাসনে বসাইলেন। তিনি রাজ্যে সুবিচার করিতে লাগিলেন। জলিখা ইতিমধ্যে সর্বস্বাস্ত হইয়া ঈশ্বর-সেবায় মন দিয়াছে। করুণা পরবশ হইয়া ইউসুফ জলিখাকে বিবাহ করিলেন। শেষ পর্যন্ত ইউসুফের সঙ্গে ইউসুফের পিতারও মিলন হইল।

উদাসীর গান

চৈতন্য প্রবর্তিত বৈষ্ণব ধর্ম সম্প্রদায়েরই একটি শাখার নাম উদাসী সম্প্রদায়। পূর্ববঙ্গেই ইহার সন্ধান পাওয়া যায়। তাহাদের সাধন ভজনের গানগুলি সাধারণত বৈরাগ্যমূলক। ইহাদিগকে উদাসীর গান বলা হয়।

কলহাস্তরিতা

বৈষ্ণব পদাবলীর অষ্টপ্রকার নায়িকার অগ্ৰতম নায়িকা কলহাস্তরিতা। ইহার লক্ষণ সম্পর্কে বৈষ্ণব রসশাস্ত্রে উল্লেখিত হইয়াছে,

‘কলহাস্তরিতা মানে ইহারা বিমুখ।
কাস্ত বেগ্নতা করে হইয়া সমুখ ॥
চরণে লাগিয়া কাস্ত পড়ে ভূমিতলে।
কোপ করি নিঠুর কথা অপমান করে ॥
বিমুখ হইয়া কাস্ত নিজ ঘরে যায়।
পশ্চাৎ তাপ করি বিফল হয়ে তায় ॥

কলহাস্তরিতা নায়িকা অষ্ট প্রকারের হইয়া থাকে—

‘সেই কলহাস্তরিতা হয় অষ্ট বিবরণ।
আগ্রহী বিকলা ধীরা অধীরা বচন ॥

কোপনাবতী সখ্যাক্তিকা সমাদরা আর ।

মুখা লআ জানিবেক ইহার বিস্তার ॥’

পশ্চিম বাংলার ঝুমুর গানে ইহার লৌকিক একটি রূপ কোন কোন সময় ধরা দিয়াছে ।

কালিকা-মঙ্গলগান

সুন্দর এবং বিচার প্রণয় বৃত্তান্ত বর্ণনা করিয়া মধ্যযুগের যে মঙ্গলগান রচিত হইয়াছিল, তাহাতে কালিকাদেবী উপলক্ষ ছিলেন বলিয়া ইহাকে কালিকা-মঙ্গলের গান বলিত । এই বিষয় লইয়া মধ্যযুগে বিভিন্ন মঙ্গলকাব্য রচিত হইয়াছে । কিন্তু তাহা হইলেও বিষয়টি মূলত যে সাধারণের মুখে মুখেই প্রচারিত হইয়াছিল, তাহা বুঝিতে পারা যায় ।

এই লৌকিক কাহিনী অবলম্বন করিয়া অষ্টাদশ শতাব্দীর কৃষ্ণনগরের মহারাজ কৃষ্ণচন্দ্রের সভাকবি রায় গুণাকর ভারতচন্দ্র রচিত কতকগুলি পদ সে যুগের বাঙ্গালী গীতি-রসিকের মুখে মুখে গীত হইত । ইহারা প্রায় লোক-সঙ্গীতের স্তরে পৌছিয়া গিয়াছিল ।

ওহে বিনোদ রায়, ধীরে ধীরে যাও হে ।

অধরে মধুর হাসি বাঁশীটি বাজাও হে ॥

কেন্দ্রী

বাংলা দেশের পশ্চিম প্রান্তের অধিবাসী সাঁওতাল প্রমুখ আদিবাসীর ব্যবহৃত তারের বাজ্যস্ত্র । সরু বাঁশ দিয়া বাঁশীর মত সপ্ত ছিহ্ন যুক্ত করিয়া ইহা নির্মিত হয় । ইহার নিম্নভাগে ক্ষুদ্র একটি মাটির খেলের উপর চামড়া দিয়া ছাউনি থাকে । উপরের দিক হইতে নীচে চামড়ার ছাউনি পর্যন্ত দুইটি তার দিয়া যুক্ত থাকে । ঘোড়ার লেজ দিয়া নির্মিত ছড় দিয়া একটি তারের উপর বাজান হয় । ডান হাতে ছড় বুলাইবার সঙ্গে সঙ্গে বাম হাতে বাঁশের উপর ছিহ্নগুলির ভিতর দিয়া যে স্বর নিঃসরিত হয়, তাহা নিয়ন্ত্রিত করা হয় । অনেক সময় সরু বাঁশের পরিবর্তে ছাতার বাঁটও ব্যবহার করা হয় ।

খঞ্জনী, খুজুরী

বাংলা লোক-সঙ্গীতের একটি সুপরিচিত আনন্দ জাতীয় বাজ্যস্ত্রের নাম খঞ্জনী বা খঞ্জরী । কাঠের একটি গোলাকৃতি চাকতির একদিকে চামড়ার

ছাউনি থাকে ; কোন কোন অঞ্চলে কাঠের গোকাকৃতি চাক্তির মধ্যে মধ্যে ছিন্ন করিয়া তাহাদের ভিতর ক্ষুদ্র ক্ষুদ্র পাতলা টিনের গোলাকৃতি চাক্তি পুরিয়া দেওয়া হয়। তাহাতে হাত দিয়া চামড়ার ছাউনির উপর আঘাত করিলে তাহাদের মধ্যে সেই ধ্বনির অনুরণন হয়, কোন কোন ক্ষেত্রে কেবল চামড়ার উপর হাত দিয়া বাজানোরই শব্দ হয়। ‘যন্ত্রকোষ’ নামক গ্রন্থে উল্লেখিত আছে যে, সর্প চর্ম দ্বারা খঞ্জনির আচ্ছাদনী দেওয়া হয়। এই যন্ত্র প্রায় পৃথিবীর সর্বত্রই লোক-সঙ্গীত গাহিবার সময় ব্যবহৃত হয়। ইংরেজিতে ইহাকে Tambourine বলে। তবে ইহার আকৃতি বাংলাদেশের খঞ্জনী হইতে বড় হইয়া থাকে।

খমক

বাংলার লোক-সঙ্গীতের আনন্দ প্রেণীর বাণ্যযন্ত্র। ইহাকে আনন্দলহরীও বলে। ইহা পূর্ববাংলা বিশেষতঃ শ্রীহট্ট, ত্রিপুরা এবং পূর্বমৈমনসিংহ অঞ্চলে অত্যন্ত জনপ্রিয়। ইহার বর্ণনা সম্পর্কে ‘বাংলার সঙ্গীত’ (রাজেশ্বর মিত্র, মধ্যযুগ, পৃ. ৫২) গ্রন্থে উল্লেখিত হইয়াছে, ‘এ’টি একটি গ্রাম্য যন্ত্র। প্রায় আধ হাত পরিমাণ একটি শূণ্যগর্ভ কাঠের খোল, এক গাছি তাঁতের সূত্র এবং চর্মচ্ছাদিত একটি মাটির বা কাঠের চাক্তি—এই তিনটিই এর উপকরণ। খোলটির একদিকের মুখ ঠিক মাঝখানে থানিকটা ফাঁক রেখে বাকিটা চামড়ায় ছাওয়া থাকে। তাঁতের তারটি মাঝখান দিয়ে গিয়ে আর এক প্রান্তে মাটির বা কাঠের চাক্তির সঙ্গে বাঁধা থাকে। এই খোলটি সাধারণত বাঁ হাতে আকর্ষণ করে ডানহাতে একটি তিনকোনা শলাকা দিয়ে বাজান হয়। কাঠের খোলের চারদিকে তবলা বাঁয়ার মতো চামড়ার ছোট্ট থাকে।’

গুলে বকাওলীর পালাগান

পারস্য সাহিত্য হইতে যে সকল লৌকিক প্রেমমূলক কাহিনী মধ্যযুগে বাংলাদেশে প্রচার লাভ করিয়াছিল, তাহাদের মধ্যে গুলে বকাওলীর গীতি অগ্রতম। এই বিষয়টি লইয়া উনবিংশ শতাব্দীতে বাংলা গল্প এবং নাট্যরচনাও আত্মপ্রকাশ করিয়াছিল। কাহিনীটি এই :

শরৎস্তানের অধিপতি ছিলেন জৈনল মূলক। তাঁহার দুই রাণী। ছোটো রাণী স্নয়েসা। গর্ভবতী হইলে এক রাজজ্যোতিষী রাজদরবারে আসিয়া উপস্থিত

হইলেন। রাজা জৈনল জ্যোতিষীকে গর্তজাত কুমারের ভাগ্যগণনা করিতে বলিলেন। জ্যোতিষী গণনা করিয়া বলিলেন যে, কুমার সর্ববিধগুণসম্পন্ন হইয়াও হ্রদদৃষ্টের অধিকারী হইবে। রাজা যে মুহূর্তে পুত্রমুখ নিরীক্ষণ করিবেন, সেই মুহূর্তে অন্ধ হইয়া যাইবেন। সেই জন্ত রাণী স্নেহে সন্তান প্রসব করিবা-মাত্রই রাজা অগ্নিত্র প্রাসাদ নির্মাণ করাইয়া রাণী ও নবজাতককে দূরে সরাইয়া রাখিলেন।

বহুদিন চলিয়া গেল। রাজা একদিন বনপথে পরিষদবর্গের সহিত ভ্রমণ করিতেছিলেন। এক শ্মশারোহী যুবক দ্রুতবেগে সেই পথ দিয়া গমন করিতেই রাজা অন্ধ হইয়া গেলেন। বড়রাণীর পুত্রদ্বয় ঈমান ও থোমান ঐ যুবক যে ছোটরাণীর পুত্র তাজল মলুক তাহা রাজাকে জানাইলেন এবং তাহাকে হত্যা করিবার অহুমতি প্রার্থনা করিলেন। অদৃষ্টের নিষ্ঠুর বিধান রাজার ভাগ্যে ঘটিল, তবু রাজা আত্মসম্বিৎ হারাইলেন না। তিনি তাজলের রূপগুণ পাণ্ডিত্যের কথা শুনিয়াছিলেন, তাই তিনি পুত্রদ্বয়কে হত্যাকার্ষে বাধা দিলেন।

রাণী স্নেহে ও তাজলের মনেও স্থখ নাই। রাজার ভাগ্যে এই দুর্দৈবের নিষ্ঠুর বিধানের কথা শুনিয়া তাঁহারা যারপরনাই দুঃখিত হইলেন। এদিকে রাজবৈজ্ঞ বিধান দিলেন যে, দুস্ত্রাপ্য বকাওলি ফুলের রস রাজার চোখে প্রয়োগ করিলে রাজা দৃষ্টি পুনরায় ফিরিয়া পাইবেন। বকাওলি ফুলের সন্ধানে কুমারগণ যাত্রা করিলেন। তাজলও মাঝিদের কৌশলে বশ করিয়া সেই নৌকায় আরোহী হইলেন।

রাজপুত্রগণ নৌকাযোগে ফেরদৌসী নগরে উপনীত হইলেন। ফেরদৌসীর রাজকন্যা আয়রার ছিল পাশাখেলার এক কঠিন পণ। এই পণে যে পরাজিত হইবে সে হইবে কারারুদ্ধ, আর রাজকন্যাকে পরাজিত করিতে পারিলে রাজকন্যা তাঁহাকে বিবাহ করিবেন। অগ্নাত রাজপুত্রগণ রাজকন্যার নিকট পরাভূত হইয়া কারারুদ্ধ হইলেন। তাজল রাজকন্যাকে জয় করিলেন। তারপর তিনি বকাওলি ফুল সংগ্রহ করিবার জন্ত পরীরাজ্যে গমন করিলেন। পথিমধ্যে উজানের প্রধান প্রহরী হামালার কন্যা মহাশ্মদাকে বিবাহ করিয়া হামালার সাহায্যে পুষ্প সংগ্রহ করিলেন; আবার তাজল ফারদৌশীতে ফিরিয়া আসিলেন এবং আয়রাকে বিবাহ করিলেন। আয়রা অগ্নাত রাজকুমারকে মুক্তি দিলেন। তাজল স্বকৌশলে ঐ রাজকুমারদের হাতে রাজসমীপে পুষ্প প্রেরণ করিলেন।

রাজা ভাবিলেন যে রাজপুত্রগণের অসীম চেষ্টায় বৃষ্টি পুষ্প সংগৃহীত হইয়াছে, তাই রাজা দৃষ্টি শক্তি ফিরিয়া পাইয়া আনন্দ উৎসব করিতে লাগিলেন। এদিকে পরীরাজ্যের রাজকণ্ঠা বকাওলী রাজপুত্র তাজলকে ক্ষণিক দর্শন করিয়া তাঁহার প্রতি প্রণয়াসক্ত হইলেন। তাজলও বকাওলীকে দেখিয়া মুগ্ধ হইলেন। তাই তাজল পরীরাজ্য হইতে বিদায় লইলে পরীরাজকণ্ঠা বকাওলী সখী সেমন্তরের সহিত জৈনল মলুকের উৎসব সভায় আসিয়া উপস্থিত হইলেন। তাজলের প্রতিষ্ঠিত নূতন রাজ্যে সেই উৎসব সভা বসিয়াছিল। সেখানে আমরা রাজার কাছে প্রকৃত সত্য উদ্ঘাটন করিলেন। রাজা তাজলকে বিভিন্ন ঐশ্বৰ্য্যে পুরস্কৃত করিলেন। পরীরাজকণ্ঠা সহচরীর সহিত সমস্ত সন্ধান লইয়া অন্তর্হিত হইলেন। তারপর পরীরাজকণ্ঠা তাজলকে পরীরাজ্যে লইয়া আসিবার জগ্গ হামালাকে আদেশ করিলেন। তাজলও পরীরাজকণ্ঠা বকাওলীর সহিত মিলিত হইবার জগ্গ আকুল। পরিশেষে তাজলের সহিত বকাওলীর পরীরাজ্যে এক কোতুককর পরিবেশের মধ্য দিয়া মিলন হইল। আসামীরূপে তাজল পরীরাজ্যে উপস্থিত হইলে বকাওলী বিচারকের ভূমিকা গ্রহণ করিয়া তাঁহার অন্তরলোকে কিছুকাল বন্দী জীবন যাপন করিবার দণ্ডবিধান করিলেন।

ঘরের গান

কেহ কেহ বাংলার লোকসঙ্গীতকে দুইটি প্রধান ভাগে ভাগ করিয়া থাকেন, ঘরের গান ও বাইরের গান। ইংরেজিতে ইহাদিগকে Outdoor and Indoor Song বলা যায়। যাইতে পারে। যে সকল গান মাঠে ঘাটে নদীর বৃকে গীত হয়, তাহাদিগকে যেমন বাইরের গান এবং তেমনই যে সকল গান ঘরের ভিতরে প্রধানত পারিবারিক অস্থানে গীত হয়, তাহাদিগকে ঘরের গান বলা হয়। দৃষ্টান্ত স্বরূপ উল্লেখ করা যায় যে, মেয়েলী বিবাহের গান যেমন ঘরের গান, তেমনই ভাটিয়ালী গান, ঝুমুর গান ইত্যাদি বাহিরের গান।

চণ্ডীমঙ্গল গান

লৌকিক চণ্ডীদেবীর মাহাত্ম্য কীর্তন করিয়া মৌখিক যে গীতিকাহিনী মধ্যযুগে প্রচলিত ছিল, তাহাকেই চণ্ডীমঙ্গল গান বলে। ক্রমে ইহা লিখিত সাহিত্যের অন্তর্ভুক্ত হইয়া মঙ্গলকাব্যের রূপ লাভ করে। মধ্যযুগের একজন

শ্রেষ্ঠ কবি এই বিষয়টি লইয়া সে যুগের শ্রেষ্ঠ আখ্যানিকা-কাব্য রচনা করেন, তাঁহার নাম মুকুন্দরাম চক্রবর্তী। মুকুন্দরাম সমসাময়িক লোক-সঙ্গীতের অনেক বিষয় তাহার রচনার অন্তর্ভুক্ত করিয়াছিলেন। সেইজন্য তাহার রচনা ব্যাপক জনপ্রিয়তা লাভ করিয়াছিল।

চণ্ডীমঙ্গল গানের দুইটি কাহিনী—একটিতে কালকেতু ব্যাধের কাহিনী, আর একটি কাহিনীতে ধনপতি সদাগরের কাহিনী বিবৃত হইয়াছে। ইহাদের দুইটিতে যে চণ্ডীদেবী আছেন, তাঁহারা পরস্পর স্বতন্ত্র। একজন পশুকুলের রক্ষয়িত্রী আর একজন ‘ষোষিতাং ইষ্টদেবতা’ অর্থাৎ স্ত্রীজাতির ইষ্টদেবতা ; ইহার আর এক নাম মঙ্গলচণ্ডী।

চৌতিশা

প্রত্যেকটি পদের আশু অক্ষরে ক্রমাশয়ে চৌত্রিশটি বর্ণ যোগ করিয়া যে দেবতার স্তবগান রচিত হয়, তাহাকে চৌতিশা বলে। মঙ্গলগানের মধ্যে এই রীতিটি সাধারণত ব্যবহৃত হইত। অক্ষরের সঙ্গে ইহার সম্পর্ক হইতে মনে হয়, ইহা পুরাপুরি নিরক্ষরের সাহিত্য বা লোক-সাহিত্যের স্তরে কোনদিনই ছিল না। বরং তাহার পরিবর্তে লিখিত সাহিত্য ধারাতেই ইহা প্রথম আত্মপ্রকাশ করে। পাঁচালী বা বর্ণনামূলক সাহিত্য মাত্র অবলম্বন করিয়া ইহা রচিত হইত। মুসলমান কবিদিগের বর্ণনায় কোন দেবস্তুতি স্থান না পাইলেও কোন করুণ রসাত্মক বিলাপোক্তিতে ইহার প্রচলন দেখা দিয়াছিল। একজন মুসলমান কবি রচিত যমুনবের চৌতিশায় পাওয়া যায়—

১

কান্দে বিবি জয়নবে যে হাসনের শোকে ।

কালিনী সমুদ্রমাঝে ডুবাইল মোকে ॥

কুকিলা কুহরে যেমন বসন্ত সময় ।

কিলেশ অক্ষির জল ধারারূপে বয় ॥

ক্ষীণ হইল তহু মোর বিচ্ছেদে তোমার ।

ক্ষেমাই রাখিতে চিন্তা না পারিএ আর ॥

খোদাএ করিল মোর এত বিড়ম্বন ।

খাইলা দারুণ বিষ আমার কারণ ॥

ইহার প্রথম চারিটি পদের আশ্রয় অক্ষরে ক এবং পরে খ ব্যবহৃত হইয়াছে। চণ্ডীমঙ্গলে শ্রীমন্তের চৌতিশা এবং কালিকা-মঙ্গলে স্তম্ভের চৌতিশা যথাক্রমে চণ্ডী এবং কালীর বর্ণনামূলক স্তব।

ছয়মাসী

নাট্যিকার বারমাসের পরিবর্তে ছয়মাসের বিরহ-দুঃখ বর্ণনা করিয়া যে গীত রচিত হয়, তাহাকে বারমাসীর পরিবর্তে ছয়মাসী বলে। এইভাবে অষ্টমাসী (পূর্বে দেখ) দশমাসীও বলা হয়। ভোজপুরী ভাষায়ও ‘ছৌমাহা’ বা ছয়মাসীর প্রচলন আছে।

টনসা যাত্রা

রামায়ণের কাহিনী অবলম্বন করিয়া রচিত পশ্চিম বাংলার এক প্রকার লোক-যাত্রার নাম টনসা যাত্রা। অনেক সময় পাঁচ সাতদিন ধরিয়া রামায়ণের কাহিনী ইহার মধ্য দিয়া গীতসহ অভিনীত হয়। ইহা আত্মোপাস্ত মোখিক রচনা, তবে বিভিন্ন চরিত্র রামায়ণের কাহিনীর ধারাই অনুসরণ করে।

ডমরু

বাংলাদেশের ডোম জাতি যে বাণ্যযন্ত্র ব্যবহার করিত, তাহাকেই ডমরু বলিত বলিয়া মনে হয়। পশ্চিম বাংলার বাণ্যকরের ব্যবসায় একমাত্র ডোম জাতীয় লোকের মধ্যেই সীমাবদ্ধ। তাহাদেরই ব্যবহৃত এক বিশেষ শ্রেণীর বাণ্যযন্ত্রকেই ডমরু বলিত। ইহা চর্ম্মাচ্ছাদিত বাণ্যযন্ত্র। ইহার দুই দিকের তুলনায় মধ্যভাগ সরু। এই সরু অংশটিই মুঠি দিয়া ধরিয়া নাড়িতে থাকিলে চর্ম্মাচ্ছাদিত দুইটি দিকে ইহার দুই কোনে স্রুতা দিয়া বাঁধা দুইটি গুটি আঘাত করিতে থাকে। মধ্যযুগেও এই বাণ্য যন্ত্রটির ব্যাপক ব্যবহার ছিল।

পালাটিয়া যাত্রা

উত্তর বাংলায় বিভিন্ন লৌকিক কাহিনী অবলম্বন করিয়া যে একশ্রেণীর পালাগান রচিত হইয়া থাকে, তাহাকে পালাটিয়া গান বলে। লৌকিক প্রণয়নাখ্যান ব্যতীতও সাম্প্রতিক কালে ইহাদের মধ্যে পৌরাণিক আখ্যানিক্যও

গৃহীত হইয়া থাকে। আধুনিক কালে যাত্রার প্রভাব বশত ইহা যাত্রাভিনয়েরও রূপ পরিগ্রহ করিয়াছে।

ভাঙরার দ্বিরাগমন

পুৰুলিয়া জিলা হইতে গৌরীশঙ্কর ভট্টাচার্য মহাশয় একটি লোক-নাট্যের সন্ধান পাইয়াছেন, তাহার নাম ভাঙরার দ্বিরাগমন। ইহা যাত্রার আকারে নাচনী নাচ, ঝুমুর গান ও গণেশ বন্দনাসহ পরিবেশন করা হয়। ভাঙরা এক বোকা জামাইয়ের নাম, তাহার পত্নী উদ্ধারের কাহিনী ইহার কাহিনী।

বৈরাগ্যের গান

যদিও বিভিন্ন বাউল, দেহতত্ত্ব, মূর্খাণ্ডা, ভক্তিমূলক গানের মধ্য দিয়া বৈরাগ্যের ভাব ব্যক্ত করা হইয়াছে, তথাপি এক শ্রেণীর গানকে সাধারণভাবে বৈরাগ্যের গান বলিয়াও উল্লেখ করা যাইতে পারে। সাধারণত ইহার বাধ্যক্যের গান। বিশেষ কোন তত্ত্বকথা ইহাদের মধ্যে থাকে না, বরং তাহার পরিবর্তে সাধারণ ভাবে সংসারের অন্তঃসারশূন্যতা এবং অনাসক্তির কথা ইহাদের মধ্যে প্রকাশ পায়।

১

আর বেলা নাই, ফুটল ঝিক্কা ফুল।

অ তোর খসল দস্ত, পাকল চুল ॥

বেলা গেল সঙ্ক্যা হল, আকাশ ভেঙ্গে আসল ঘুম ;

(অ তুই) মহানিজায় চেতন হারা,

জাগলি না, বাঁধালি গোল ॥

বহু শাস্ত্র জেনে শুনে আসলে হয়েছে ভুল ;

(অ তুই) খেয়ে দুগ্ধ হয়ে মুগ্ধ, অস্থলে মিশালি ঘোল ॥

আপ্নে আপ্নি আলাপন,

এ আলাপন নিশির তুল্য সমতুল ;

ভবে তুমি বা কার, কে বা তোমার,

চিন্লি নায়ে, মন-বাতুল ॥

গৌসাই বলে, মন্ডরে আমার, ছাড়ল নারে মনের গোল ;
জান্‌বি তটে, থেওয়া ঘাটে, পারি না আর কুলাকুল ॥

—ঢাকা (১৩২৬)

২

ওই ভবে তোর, কে আছে ?

ভেবে দেখ তুই মনের কাছে ।

ভাইয়ে ত আপনা নয় রে, এক বিন্দুর কায়,
পরের নারী ঘরে আনি, ছাড়লাম ভাইয়ের মায় (রে) ।

জী ত আপনা নয় রে রসের পয়সা খায়,
কটু কথা বললে পরে রাঁড়ী হইতে চায় (রে) ।

বাড়ীর কাছে বাঁশের ঝাড় (ও) সে ত বন্ধু হয়,
জিতে লাগে ঘরের পালা মবুলে সঙ্গে যায় (রে) । —ঐ (১৩২৬)

৩

হারে, মন তুমি কার, কে বা তোমার মন তুই একা একা ।

আইছ একা যাইবা একা, ভবে কারো সঙ্গে নাই দেখা ।

যে স্থখে রইয়াছ ভবে, চিরদিন কি এমি যাবে,

ভাবের অভাব হবে ;

তখন চোখের জলে বুক ভাসিবে, শেষে পথ যাবে না দেখা ।

আদরের রমণী যিনি, নরকে ডুবাবেন তিনি,

মাইয়া মোহাগিনী ;

তোরে বিনা মায়নায় চাকর পেয়ে কত খাটাইয়াছে, বোকা ।

সহজ মাইনুষের সঙ্গ ধরে, বইসে থাক্‌গে রূপ-নেহারে,

যদি পা'বা তারে ; চণ্ডী বলে কলিকালে—

জীবন আর যাবে না রাখা, মন তুই একা একা ॥ —ঐ (১৩২২)

৪

(আর) কয় দিনের বা বান্ধাগিরি ভেবে বাঁচি না ।

(হা রে) ঘুণায় তোরে কেউ ছোবে না ॥

মেজ, মাইচা, কোচ ইত্যাদি,

এ সকল বা কোথা রবে তাই আমি ভাবি ।

তোরে জন্মের মত করবে ফকির,
 'এস' বলে কেউ ডাকবে না ॥
 আতর গোলাপ যত মাখ গায়,
 এ সোনার অঙ্গ জোঁকে পোকে কত জানি খায় ;
 আরে, এখন কত চাকর নফর,
 (আর) সে বেলায় তোর—কেউ রবে না ॥

—ঐ (১৩২২)

৫

আর কতদিন রবি রে, মন, বৈদেশে ।
 হরি বৈলে মনানন্দে চল রে গউর-দেশে ॥
 যে দেশে নাই গউর-গঙ্ঘ,
 সে দেশে তোর কি সম্বন্ধ, রলি এই দেশে ;
 বিদেশিনীর সঙ্গে প্রেম কইরে,
 মিছামিছি মরুবি ঘুইরে, হারাবি দিশে ।
 সে যাবে তার আপন দেশে,
 তুই রবি এই দেশে ।

—ঐ (১৩২২)

৬

মন রে, হরিনামের তরী ভবের ঘাটে লেগেছে ।
 তরা কে যাবি রে ভবপারে,
 আর কি পারের ভয় আছে ॥
 দেখে এলি ঘোর অন্ধকার,
 ভবনদী করিতে পার, হইয়ে কর্ণধার ।
 সে যে ব্রজ হইতে নন্দের কুমার নইদেপুরে এসেছে ॥
 তরীর মাঝে চৈতন্য চান,
 পেতেছে রে পীরিতের ফান, নিশান গাইড়াছে ;
 ঐ দেখ হরিদাস দুই বাছ তুলে,
 আয়, আয়, বহিলে ডাক্তেছে ॥

হরি বৈলে নামের নৌকায়,
 কে যাবি রে, আয়, তরা আয়, সময় বৈয়ে যায় ;
 কত দুঃখী তাপী বিনামূল্যে ভবপার হইতেছে ।

—ঐ (১৩২২)

নিম্নোক্ত গানটি উল্টা বাউলের লক্ষণাক্রান্ত—

শোন, গুরু, সেবকের বোল, ছাড় রে কামিনীর কোল,
তুমি দিনে দিনে ঘাটে ভরা বোরাইলা রে,
—গুরু, মীননাথ রে ।

ও গুরু হে, কতু নি দেইখাছ, গুরু,
ইহা নি শুইনাছ রে,
তাল গাছে লাল বাঘের ছাও ।

—গুরু, মীননাথ রে ।
খঞ্জন পক্ষী হইয়া সে আধার যোগাইল রে,
আধারে ধইরা খাইল ছাও ।

—গুরু, মীননাথ রে ।
ও গুরু হে, কতু নি দেইখাছ, গুরু,
ইহা নি শুইনাছ রে,
দামড়া ছিঁড়া পাগায় লড় দেয়

—গুরু, মীননাথ রে ।
ও গুরু হে, বাঘে মৈষে জুইড়া হাল,
বান্দার কিষণ, পানির কুমইরে উরা বাছে !

—গুরু, মীননাথ রে ।
পানির কুমইর হইয়া সে উরা বাছিল রে,
ইন্দুরে বুইনা গেল ধান ।

—গুরু, মীননাথ রে ।
ও গুরু হে, উজ্জানি নগরের গুরু,
দে মচ্ছ উজাইল রে,
চরঙ্গীরা পল লইয়া যায় !

—গুরু, মীননাথ রে ।
শৈল শৈল বইলা গুরু, সেই না চার দিল রে,
আরে ডাইন্ কাইলায় পল ভাইয়া যায় ।

—গুরু, মীননাথ রে ।

ও গুরু হে, আটু হইল নড়বড় শরীর হইল কিঙ্কর,
কেশ হইল বাগুরার পাখী !

—গুরু, মীননাথ রে ।

ও গুরু হে, অমাবস্তা মঙ্গলবার দ্বিতীয়া পালিও রে,
ডাইন অঙ্গে না ছোয়াইও নারী !

—গুরু, মীননাথ রে ।

ও গুরু হে, উগ্ধা লাচারীর গীত শোন ওহে পণ্ডিত,
রাজা হইয়া না কবুলা বিচার !

—গুরু, মীননাথ রে ।

—ঢাকা (১৩১৯)

৮

জীবনের নাই রে আশা,
কর শ্রীগুরুর চরণ ভরসা ।
দেহের গুমান কর মিছে,
নিখাসের কি বিশ্বাস আছে ?
কাল শমনে জাল পেতেছে,
ভাঙ্গবে রে তোর স্নেহে বাসা ।
ভাই, বন্ধু, দারা, স্ত্রুত
সকল পথের পরিচিত ।
যখন প্রাণ তোর হবে হত,
কেউনা রে করবে জিজ্ঞাসা ।
আপন আপন বল যারে
কেউত সঙ্গে যাবে না রে ।
গুরু ভজন হইল না রে,
কেবল ভবে যাওয়া আসা ।
কুমারের হাড়ি দড়ি,
আর অষ্ট কড়া কড়ি,
চাইর জনাতে কান্ধে করি
গাঙ্গের কুলে দিবে বাসা ।

—ঐ (১৩১৯)

২

ভেবে দেখলাম ভবনদীর নাইরে পারাপার ।
আমি যেই দিকে চাই সেই দিকে দেখি অকূল পাথার ।
উদ্‌ধুন্দু নইরাকারে, সে কথা মনে গইলে ফাঁপর করে,
চিন্তায় জর জরে—না দেখি উপায় । —ঐ (১৩২০)

১০

কাল্কা মোরা মনদুঃখে হুঃখী হইয়ে
কান্দা ফেলে মেরেছি সবায় ;
কান্দার চোটে মাথা ফেটে
রুধিরে অঙ্গ ভেসে যায় ।
নিত্যধামে নিত্য বস্তু রে, মাধা ভাই,
নবদীপে হইয়াছে উদয় ॥
স্বরধনীর তীরে ধ্বনি ধ্বনি কি মধুর শুনায় ॥
জন্মাবধি পাপের বোঝা
আমরা দু ভাই লয়েছি মাথায় ;
চল দেখি রে, মাধা ভাই রে,
ঢেলে দেই দয়াল নিতাইর পায় ;
তাতে যদি না হয় রত,
মন প্রাণ সঁপিয়া দিব জনমের মত,
তুই না গেলে আমি যাব রে, মাধা ভাই,
গৃহে থাকব কোন্ আশায় ॥ —ঢাকা (১৩২২)

১১

মনের দুক্ক মনে রৈল, মনে মনে ভাবছি তাই !
মনে মনে ভাবছি তাই গো, মনে মনে ভাবছি তাই !
মনের দুক্ক মনে রইল !
বন পোড়া যায় সবাই ছাথে, আমার হৃদের আগুন
কেউ না ছাথে,
জলে গেলে দ্বিগুণ জলে—আমি কার ছায়াতে প্রাণ জুড়াই !
মনের দুক্ক মনে রইল মনে মনে ভাবছি তাই !

যখন বাঁধবে যমদূতে তখন আমি কোথায় যাব !

বান্ধন নিব আপন হস্তে, তখন কার দোহাই দিব !

মনের ছক্ক মনে রইল, মনে মনে ভাবছি তাই ! —ঐ (১৩২৬)

মর্দল, মুরজ, মৃদঙ্গ

মধ্যযুগে রচিত সঙ্গীত শাস্ত্রে মর্দল, মুরজ এবং মৃদঙ্গকে অভিন্ন বলিয়া বর্ণনা করা হইয়াছে। ইহা কাঠ দিয়া তৈরী হইত বলিয়া সর্বত্রই উল্লেখ পাওয়া যায়। অথচ মৃদঙ্গ শব্দের অর্থ ই বাহার অঙ্গ মৃত্তিকা দ্বারা নির্মিত। মধ্য-যুগের বর্ণনা হইতে বুঝিতে পারা যায়, মৃদঙ্গও কাঠের নির্মিত হইত। বর্তমানে মৃত্তিকা দ্বারা বাহা নির্মিত হয়, তাহা খোল নামে পরিচিত। তবে মৃদঙ্গও তাহাকে বলা হয়। মধ্যযুগে মর্দল বা মাদল কাঠ দ্বারা নির্মিত হইত, বর্তমানে তাহাও খোলের মত মৃত্তিকা দ্বারাই নির্মিত হয়। মৃদঙ্গ এবং মর্দল যে মৃত্তিকা দ্বারাও নির্মিত হইত 'ভক্তি-রসায়করে' তাহার উল্লেখ আছে—

আনন্দ মর্দল শ্রেষ্ঠ মৃদঙ্গাখ্যা তার।

কাঠ মৃত্তিকা নির্মিত এ দ্বয় প্রকার ॥

মল্লচেহের মা'সুমা পরীর গান

অষ্টাদশ শতাব্দীর শেষ ভাগ হইতে আরম্ভ করিয়া উনিশ শতাব্দীর প্রথম ভাগ পর্যন্ত যে সকল লৌকিক প্রণয়াথ্যান প্রধানত বাংলার মুসলমান সমাজের মধ্যে প্রচলিত ছিল, মল্লচেহের-মা' সুমা পরীর গান তাহাদের অন্ততম। পারসী ভাষা হইতেই ইহা বাংলায় প্রচলিত হইয়াছিল। বাকর আলি নামক একজন কবি ইহার একটি লিখিত রূপ দিয়াছিলেন। ইহা একটি বৈচিত্র্যহীন প্রেম-কাহিনী। মাল্লুকের সঙ্গে পরীর প্রেম বর্ণনা করাই ইহার উদ্দেশ্য। পরীর নাম মা'সুমা এবং প্রেমিক নায়কের নাম মল্লচেহের। বাংলাদেশের যোগ শাস্ত্রের কথাও ইহার মধ্যে গিয়া প্রবেশ লাভ করিয়াছিল।

আশক মানুষক মধ্যে আছে এক নিত।

আঁখি ঠারে বাক্য কহে রহে সমাহিত ॥

হৃদে চক্ষে মন কথা কহে নিরন্তর।

নিকটের লোক কভু না পায় খবর ॥

আপনা জনার বেলা এ যার বিচ্ছেদ ।
 সহিতে না পারে সেই জানে প্রেমভেদ ॥
 দেখিতে এয়ার মুখ আঁখির কৌতুক ।
 না দেখিলে কতু নাহি আঁখি মনস্থ ॥
 মলকূত নাস্ত ঘরে প্রেমের ঠাকুর ।
 লাহত তরগী নাই যেবা নাহি ওর ॥
 লাহত তরঙ্গ ঢেউ উঠয়ে লহরী ।
 প্রেমের ঠাকুর দৃষ্টি তরঙ্গ কাণ্ডারী ॥
 এ হেন প্রেমের সন্ধি যার হৃদে নাই ।
 মনুষ্য না হয় সেই না মিলে গৌসাই ॥

মধুমালতীর পালাগান

মধুমালতী এবং মনোহরের প্রণয় বৃত্তান্ত অবলম্বন করিয়া যে রোমাণ্টিক গীতিকাহিনী লোকের মুখে মুখে প্রচলিত ছিল, তাহা মধুমালতীর পালা নামে পরিচিত। পরবর্তীকালে কয়েকজন মুসলমান কবি এই গীতি কাহিনীটি একটি লিখিত গীতিকার রূপ দেন। ইহার কাহিনীর সঙ্গে বাংলার সুপরিচিত রূপকথা মদনকুমার ও মধুমালার কাহিনীর যোগ অশুভব করা যায়। মুহম্মদ কবীর নামক একজন কবি বলিয়াছেন,

মনোহর মালতীর অকুল পীরিত ।
 গাহি সকল লোক মন হরষিত ॥
 এহি সে সুন্দর কিছা হিন্দিতে আছিল ।
 দেশি ভাষায় মুঞি পঞ্চালী ভণিল ॥

কিন্তু ইহার হিন্দী রূপের কোন সন্ধান পাওয়া যায় না। কাহিনীটি বাংলা দেশেই পারস্য সাহিত্যের প্রভাবের ফলে জন্মাভ করিয়াছে বলিয়া মনে হয়।

লায়লী মজহুর পালাগান

পারস্য গীতি-সাহিত্য অবলম্বনে লায়লী এবং মজহুর লৌকিক প্রেমমূলক আখ্যায়িকা-গীতির নাম লায়লী মজহুর পালা। কাহারও কাহারও মতে খ্রীষ্টীয়

ষোড়শ শতাব্দীর মধ্যভাগে লায়লী মজহুর কাহিনী বাংলাদেশে পারস্য সাহিত্য হইতে মুখে মুখে প্রচারিত হয়। তারপর ইহা বাংলা গীতিকাহিনী আকারে লিখিত হয়। লায়লা এবং মজহুর মানবিক প্রেম-কাহিনীই ইহার বিষয়বস্তু। যে যুগে একদিকে রাধাকৃষ্ণের দিব্যপ্রেম এবং আর একদিকে মঙ্গলকাব্যের শক্তিদেবীর মহিমা হিন্দু সমাজের মধ্যে প্রচার লাভ করিতেছিল, সেই যুগেই লায়লী এবং মজহুর প্রেমকাহিনী সুনীয়া দেশের সাধারণ লোক তৃপ্তি লাভ করিতেছিল। লায়লীর প্রেমের মধ্যে রাধাপ্রেমের উন্মাদিনীরূপ বিশেষভাবে লক্ষ্য করা যায়।

খ। বাংলা লোক-গীতির সুর-বিচার

১

কোন গানের আলোচনা সম্পূর্ণ হয় না, যতক্ষণ পর্যন্ত না সাহিত্যিক বিচার-বিশ্লেষণের সংগে যুক্ত হয়, তার সাদৃশ্যিক গঠন-বৈশিষ্ট্যও আলোচনা।

কেন না গানের কথায় কাব্যের প্রকাশ যতটুকুই থাকুক
কথা ও সুর
না কেন, সুরসংযোগেই তাহার শিল্প সম্পূর্ণতা লাভ করে।
এই কথা জানতেন ব'লে কোন আধুনিক সমালোচক 'গীতাঞ্জলি'র আলোচনা থেকে বিরত হয়েছিলেন।

কথা ও সুরের এই অবিচ্ছেদ্য সম্পর্ক কেবল সত্যিকারের গানেই সম্ভব, তবে অনেক সময় কোন কোন গানকে যেমন আমরা কবিতার মত আবৃত্তি ক'রে থাকি, তেমনি অনেক কবিতাকেও গানের সুরে গাওয়া হয়। বলা বাহুল্য, এমন অবস্থায় গানের সুর একটা প্রথা বা 'ফর্ম' মাত্র; যেমন, এক সময় প্রথা ছিল, যে-কোন বিষয়কে কাব্যের আকারে বলা।

পল্লীগীতির আলোচনায় আমরা এই দু'টো ব্যাপারই দেখতে পাব; অর্থাৎ সত্যিকারের লিরিক-ধর্মী গান, সুর ছাড়া শুধু কথায় যায় গতি পংক্ত, যেমন ভাটিয়ালী, বাউল ইত্যাদি; এবং এমন সব গান, তাকে কেবল গান নয়, কবিতা বলতেও অনেকের বাঁধবে, যথা—ভাটের গান। এই শেষোক্ত প্রকারের গানে সুরের প্রয়োগ যে কেবল অপপ্রয়োগ, এমন কথা বললে বেশি বলা হবে; কেন না এই ধরনের ঐতিহাসিক বা অর্ধ-ঐতিহাসিক তথ্যগুলি সুরের মধ্য দিয়ে সহজেই গ্রহণযোগ্য হয়ে উঠে, নীরস তথ্যবহুল কথা তা' না হ'লে প্রোত্নার বিরক্তির কারণ হ'তে পারত। প্রসংগত ব'লে রাখা চলে যে, এই সব গানে সুর যেমন সরল, সংক্ষিপ্ত ও সুনির্দিষ্ট ছকে ফেলা, তেমনি নেই এর সুরের মধ্যে স্বাধীন স্বতঃস্ফূর্ত বলিষ্ঠতা। এই সব প্রায় আবৃত্তিমূলক এবং অনেকটা নকল সুরের সাদৃশ্যিক মূল্য যাই হোক, এই ধরনের ছোটখাট সুরের বাঁধা ধরা নজ্রা বা 'প্যাটার্ন'ের মধ্যে আমরা বৃহত্তর ও প্রধান প্রধান পল্লীগীতিগুলির ছায়া ও প্রভাব লক্ষ্য করতে পারব।

খাটি শিল্পশৃষ্টির পেছনে রয়েছে ভাবাবেগের অকৃত্রিমতা, গভীর আত্ম-প্রত্যয়েই যার উদ্ভব। অশিক্ষিত বা অর্ধশিক্ষিত গ্রাম্য লোকদের মনের গঠন সরলই হোক, আর জটিলই হোক, হোক না তাদের জ্ঞানের গল্পীবাসীর শিল্প-মানস পরিধি সীমায়িত, এমন একটি ক্রটিপূর্ণ, শিক্ষিত সহরে ভঙ্গলোকের স্বল্প-বিচারকুশল জ্ঞানাভিমानी মার্জিত বুদ্ধিকে হয়ত তারা ভীতিমিশ্রিত সম্ভ্রমের চোখেই দেখে থাকে; তবুও এঁটুকু বোধ হয় জোর ক'রেই বলা যায় যে, সামান্য ও সংকীর্ণ জ্ঞানকে বিচারবিহীন সরল বিশ্বাসে আত্মসাৎ করা তাদের পক্ষে যত সহজ, শিক্ষিত লোকের পক্ষে তত নয়; বহুমত-কণ্টকিত ক্রমবর্ধমান জ্ঞান-অরণ্যে দিশাহারা হ'য়ে শিক্ষিতদের মধ্যে তাই কেউ হ'য়ে পড়েন সন্দেহবাদী, কেউ বা একরোখা কোন মতবাদের পেছনে বিকারগ্রস্ত হ'য়ে ছুটাছুটি করেন। ফলে স্বদেশ ও স্বজাতির যে বিশিষ্ট ভাবধারা জগৎ ও জীবন সম্বন্ধে যে বিশিষ্ট চিন্তা ও ধারণা রক্তের মধ্যে সঞ্চারিত রয়েছে, তাকে স্বীকার ক'রে, ভালবেসে ও বিশ্বাস ক'রে দেশকালের সীমার মধ্যেই যে প্রবল আত্মশক্তির ক্ষুরণ ঘটে, বাক্যে কর্মে ব্যবহারে শিল্পে সাহিত্যে সংগীতে যার স্ননিদিষ্ট পরিচয় গাঁথা হয়ে থাকে, শিক্ষিতের ভাগ্যে সেই শক্তিলাভ অনেক সময়েই ঘ'টে উঠে না। যারা সাহিত্য আলোচনা করেন, শতকের সাহিত্যিক ধুরন্ধরদের জীবনে ও তাঁদের শিল্পশৃষ্টিতে তাঁরা এই শক্তির অমোঘ রূপ দেখে চমৎকৃত হয়েছেন, আবার আধুনিক যুগের আত্মপ্রস্তুত স্বজাতিচ্যুত দ্বিগ্ভ্রাস্ত বাঙ্গালীর দুর্বল অনিদিষ্ট মনের ক্যাপামির পরিচয়ও আজ চারিদিকেই দেখা যাচ্ছে। এসব কথা বলার উদ্দেশ্য এই যে, অশিক্ষিত লোকেরা নিজেদের সরল বিশ্বাস ও বুদ্ধিতে বিশিষ্ট সামাজিক রীতিনীতি, ধর্ম ও সংস্কারকে অস্থিমজ্জায় গ্রহণ করেছে বলে শিক্ষিতের বিচারে ক্রটিযুক্ত হ'য়েও এক অতি বিশিষ্ট মানস-চেতনার অধিকারী হয়েছে—এই চেতনার মধ্যেই জাতির একটি অতি নিশ্চিত পরিচয় বিশ্বাসের একনিষ্ঠতায় সূদৃঢ় ও শক্তিমান হ'য়ে তাদের সকল প্রকার চিন্তায় ও কর্মে প্রকাশিত হচ্ছে। তাই এই অশিক্ষিত জন-সাধারণের রচিত শিল্পে ও সংগীতে এমন একটি জিনিষ পাওয়া যাচ্ছে, যা' মহৎ না হ'লেও খাটি।

জাতিগত বৈশিষ্ট্যের এই অকৃত্রিম পরিচয়কে বুঝবার জন্তে এই গ্রাম্য শিল্প-

রচিত সংগীত-সাহিত্যের গতি-প্রকৃতি নির্ণয় করা প্রয়োজন। সাহিত্যের দিক দিয়ে এই বিচার আজ পর্যন্ত মন্দ হয় নি, সংগ্রহও অনেক হয়েছে, তবে সংগীতের

পল্লীসংগীতের
সাহিত্যিক পরিচয়ের
তুলনায় সাংগীতিক
পরিচয়

দিক দিয়ে এর বিচার বা সংগ্রহ কোনটাই আশাহীনরূপে হয় নি। রবীন্দ্রনাথ নিজে অনেক লোক-সঙ্গীত সংগ্রহ করেছিলেন, তাঁর রচিত গানেও এই সব বাংলাদেশী লোক-সঙ্গীতের প্রভাব স্পষ্ট। কিন্তু এই সব গানের মধ্যে স্বর-

রচনার কৌশল বা নিয়ম-নীতির কোন পরিচয় আছে কি না, এ সম্বন্ধে শিক্ষিত মহলে প্রায় কোন আলোচনাই হয় নি, গানের কথা-অংশটুকু সংগ্রহ ও বিচার ক'রেই তাঁরা সাহিত্যিক কর্তব্য সম্পাদন করেছেন। অথচ সঙ্গীত সম্বন্ধে যাদের কিছুমাত্র অনুসন্ধিৎসা আছে, তাঁরাই হয়ত লক্ষ্য করেছেন, বাংলার পল্লীগীতির মধ্যে কেমন ক'রে যেন মিশে আছে বাংলার আকাশ বাতাস নদী বনপ্রান্তরের সৌন্দর্য, বাঙ্গালীর মনের মর্মকথা। কবি, ঐতিহাসিক ও সাহিত্য-সমালোচকগণ এই বিশিষ্ট বাঙ্গালী মনোভাবের পরিচয় নানাভাবে দেবার চেষ্টা করেছেন; কেবল সঙ্গীতের মধ্য দিয়েও তা' যে কেমন স্পষ্ট ও নিশ্চিত, সেইদিকেই দৃষ্টি দেওয়ার প্রয়োজন কেউ বোধ করেন নি। শুধু নিরাকার তত্ত্ববিলাস নয়, রসোজ্জ্বল রূপ ছাড়া বাঙ্গালীর মন যে তৃপ্ত হয় না, এর পরিচয় নানাভাবেই

বাঙ্গালীর শিল্পমনের
অন্ততম বৈশিষ্ট্য

অনেকে দেখিয়েছেন। শাক্ত-বৈষ্ণব ধর্মতত্ত্বের বিচারেও এর অনেক প্রমাণ মিলবে। কিন্তু একথা আমরা এখনও ভাল ক'রে বিচার ক'রে দেখিনি, কি ভাবে বাঙ্গালীর শ্রেষ্ঠ

সঙ্গীত-শিল্প কীর্তনের মধ্যে কথা, স্বর ও তালের এক অপরূপ মিশ্রণ ঘটেছে, যেখানে প্রত্যেকের মধ্যে বিস্তারের অপূর্ব সম্ভাবনা থাকা সত্ত্বেও সকলে একসঙ্গে চলাটা কত স্বাভাবিক হয়ে উঠেছে, কেমন ক'রে একদিন বাইরে থেকে আসা রাগসঙ্গীত আপন মাহাত্ম্য বিস্মৃত হয়ে কীর্তনের রসে এমন বেমালুম হারিয়ে গেছে যে, আজ আর তাকে খুঁজে বের করা মুশ্কিল। কঠিন রাগসঙ্গীতকে হজম ক'রে স্বীয় বৈশিষ্ট্যকে জাগিয়ে রাখাতে বাঙ্গালীর শিল্পমনের এই সবল পরিচয়ই পাওয়া যাচ্ছে, এবং যখন দেখি কীর্তনের পেছনেই শক্তিরূপে রয়েছে লোক-সঙ্গীতের ধারা, তখন সাধারণ শিক্ষিত লোক হিসেবে এর বিচার না ক'রে ও উচ্চাঙ্গ সঙ্গীতের কলাবস্তু হিসেবে একে অবহেলার চোখে দেখে। আমরা জাতিগত অপরাধ করেছি।

সেই অপরাধ-ক্ষালনের কিছুটা চেষ্টা মাত্র এখানে করা হচ্ছে। বলা বাহুল্য, এ কাজ একদিনের নয় বা একজনেরও নয়, জনসাধারণের উপেক্ষা ও শৈথিল্য ও তহুপরি রাজনৈতিক নানা ঘটনা ও সমস্যায় কর্তব্য সম্পাদন ক্রমশঃই ছুঁহু হ'য়ে উঠেছে। তবে আমাদের ভরসা এই যে এখনও পল্লী-সঙ্গীতের অপমৃত্যু ঘটেনি। পাশ্চাত্য দেশে লোক-সঙ্গীতের রূপ খুঁজতে গেলে নাকি আজকাল সহরে আসতে হয়। আমাদের তেমন অবস্থা নয়; কেবল ভাগ্যদোষে যা' আমাদের বহু প্রাচীন বঙ্গ, মুসলমান আমলের 'বঙ্গালহু' ও আধুনিক পূর্ব-পাকিস্তান, সেইখানেই মেঘনার বুকে ও হুর্মা উপত্যকায় লোক-সঙ্গীতের একটি অতি বিশিষ্ট রূপ ভাটিয়ালীর জন্মভূমি হওয়ায় সঙ্গানী পাঠকের আগ্রহে কিঞ্চিৎ ভাঁটা পড়বার কারণ উপস্থিত হয়েছে।

৩

ভারতবর্ষে শতকরা প্রায় ২০ জন গ্রামে থাকেন ব'লে দেশের একটা বৃহৎ শক্তি সেখানেই সংহত হ'য়ে আছে; সেই শক্তি একদিকে সমাজ ও অগ্রদিকে

ভারতের বিশেষত

বাংলার জনসাধারণের

জীবনকথায় পল্লী-

সংগীত

জনসাধারণের মনোভূমি আশ্রয় ক'রে নানা ভাবে বিকশিত

হচ্ছে। এর মূল রয়েছে বহুদিনাগত ধর্ম-সংস্কার, রীতি-

নীতি ও নানা অভিজ্ঞতার মধ্যে। এইজন্তেই বিনা

চেষ্টাতেই ভারতবর্ষীয় সভ্যতায় তার ধ্যান-ধারণার চিন্তা-

ভাবনার মূল সূত্রগুলি অতি সহজেই সাধারণ লোকের মুখস্থ হ'য়ে গেছে। আর তাই অগ্রদিকে না হ'লেও এই জাতির ভাব-জগতের মধ্যে একটি সম্পূর্ণতার আভাস রয়েছে। এর সাক্ষাৎ ফল হোলো জীবনের সর্বদিকে সৃষ্টিমূলক প্রয়াস—সাহিত্যে, সঙ্গীতে, অগ্রাণু শিল্পকলায়, জন্মমৃত্যু-বিবাহ ইহকাল ও পরকালের সর্ববিধ চিন্তায়।

পল্লীগীতিকে আশ্রয় ক'রে এক বাংলা দেশেই যে বিচিত্র সঙ্গীত ও বিচিত্রতর প্রকারভেদের সৃষ্টি হয়েছে, তার পেছনের রয়েছে এই ধরনের সবল সক্রিয় সমাজ ও জনমন। তাই বাংলার লোক-সঙ্গীত কেবল চাষীর গান নয়, এই গান সমগ্র জনসাধারণের বিভিন্ন কর্মধারার সঙ্গে যুক্ত হয়ে রয়েছে, তার উৎসব বাসনে অন্নচিন্তায়, ধর্মচিন্তায় সুখে দুঃখের নানা অভিব্যক্তিতে রচিত হয়েছে এই গান। এই বিভিন্ন দিকের সম্মিলিত সমগ্র রূপেই পল্লীজীবনের স্বার্থ পরিচয়। বৈচিত্র্যের মধ্যে এই পরম ঐক্যের সঙ্গান পেয়ে একদা

একজন বিদেশী সঙ্গীতানুরাগী বিস্মিত হয়েছিলেন। বাংলা দেশের কোন এক গ্রামে নৌকা বেঁধে রেভারেণ্ড পপলী সাহেব চারদিক থেকে বিভিন্ন প্রকারের সঙ্গীত শুনতে পেলেন—‘There was nothing discordant and it all blended together into a pleasing harmony.’ বহুকাল ধরে একসঙ্গে বাস করে এসেছে বাংলার ধনিদরিদ্র, চাষী ও জমিদার, হিন্দু-মুসলমান। বাইরের বিভেদ ঘে অন্তরের ঐক্যাহুত্বের অন্তরায় হয়নি, তার প্রমাণ এই বিভিন্নমুখী পল্লীগীতির ভিতরকার ঐক্যসূত্রটি। আজও বাইরের নানা ঘাত-প্রতিঘাতে বাংলার বহিজীবনে ও অন্তর্জীবনে নানা বিক্ষোভের সৃষ্টি হওয়া সত্ত্বেও, এই সূত্রটি ছিন্ন হয়নি বলেই মনে হচ্ছে।

আরও একটু কথা আছে। বাংলা দেশে আধুনিক-পূর্ব যুগ পর্যন্ত সহরে ও গ্রামে তফাৎটা তত স্পষ্ট ছিল না; যতটা ছিল ও এখনও আছে, ভারতবর্ষের অন্যান্য প্রদেশে। দিল্লী, আগ্রা, লঙ্কোর মত বড় বড় সহর বাংলার নাগরিক জীবন ও পল্লীজীবনে এক কোলকাতা ছাড়া বাংলা দেশে ছিল না, আর প্রভেদ কোলকাতাও তো সেদিন বৃটিশ আমলের কিছু আগে থেকে সহর হ’বার পথে অগ্রসর হচ্ছিল। হয়ত অনেকটা এই কারণেই বাংলা দেশে শিক্ষিতে অশিক্ষিতে ও বিভিন্ন কর্মে নিযুক্ত লোকদের মধ্যে সাংস্কৃতিক যোগাযোগ গোড়া থেকেই অব্যাহত ছিল। তাই চাষীদের গান কেবল চাষীদের শোনবার জন্যে নয়, আর শিক্ষিতের সঙ্গীত কেবল নিজের মধ্যে সীমাবদ্ধ ছিল না। নানা উৎসবে পূজাপার্বণে বাংলার সমস্ত শ্রেণীর জনসাধারণই একযোগে আনন্দ উপভোগ করে বিভিন্ন শ্রেণীর বিভিন্ন প্রকারের গীতকে সকলেই সমভাবে তাদের অন্তরের সামগ্রী করে তুলেছে।

এর ফলে শিল্পসঙ্গীতের (art music) একটি ধারা যা সমগ্র ভারতীয় বিশিষ্ট সংগীত-চিন্তার সংগে যুক্ত, তা’ অতি সহজেই বাংলার সবখানেই সঞ্চারিত হ’য়ে পড়েছে। বাংলা দেশের প্রাণকেন্দ্রে তার আপন পরিচয় যদি যথেষ্ট গভীর না হতো, সমগ্র জাতি যদি তার নিজস্ব সাধনমন্ত্রে দীক্ষিত না থাকতো, তবে এর মধ্যে দিয়েই তার সর্বনাশ ঘটতে পারতো। কিন্তু তা বহিরাগত সঙ্গীতের উপাদান ও বাংলার পল্লীগীতি হয়নি। তাই শুদ্ধাচারী প্রবলপরাক্রান্ত রাগসংগীত বাংলার জনসাধারণের সঙ্গে মিশতে গিয়ে নিজের রাজকীয় পোষাকটি ছেড়ে এসেছেন; বাংলাদেশেও তাঁর চেহারায় এমন কিছু বৈশিষ্ট্য

এনে দিয়েছে যাঁতে স্পষ্টই বুঝা যায়, একে আর বাংলাদেশের বাইরে দেখতে পাওয়া যাবে না। এমনি ক'রে বাইরের সংস্কৃতিকে আত্মশক্তির মধ্যে গুঁষে নিয়ে বাংলার শিল্প সমৃদ্ধতর হয়েছে। জীবনের অগ্ন্যাগ্নি ক্ষেত্রে এই আত্মীকরণের ব্যাপার সকলের জানা আছে, সঙ্গীতের ক্ষেত্রেও তার ব্যতিক্রম হয় নি, সেইটাই কেবল আমাদের বলবার কথা।

এই সংযোগের ফলে বাংলার লোক-গীতির মধ্যে স্বীয় বৈশিষ্ট্যভূগত হ'য়েও স্বরে ও ছন্দের যে বৈচিত্র্য দেখা দিয়েছে, তার সামান্য একটু উদাহরণ দেওয়া যাক। পৃথিবীর যাবতীয় পল্লী-গীতিতে সাধারণতঃ পাঁচ পল্লীগীতিতে প্রযোজ্য স্বরের খেলাই দেখতে পাওয়া যায়, বিশেষজ্ঞদের এই মত।

এই pentatonic scale বা পঞ্চস্বরিক গ্রামের পরিচয় যে বাংলার পল্লী-সঙ্গীতে নেই, তা' নয় ; তবে সেগুলো সাধারণতঃ দেখতে পাওয়া যায়, বাংলার সীমান্ত প্রদেশে, যথা, সাঁওতালদের গানে,—যাদের সঙ্গে বাংলা দেশের সাংস্কৃতিক যোগ তত স্পষ্ট নয়, অথবা যারা নিজেদের সাংস্কৃতিক পরিচয়কে সম্বন্ধে বাইরের প্রভাব থেকে মুক্ত রাখবার চেষ্টা ক'রেছে। এ ছাড়া খাস বাংলার মধ্যেও যেখানে এই পাঁচস্বরিক গ্রামের চিহ্ন আছে, বুঝতে হ'বে সেগুলো গান নামে চ'লে গেলেও আসলে আবৃত্তি-ধর্মী, আর সেইজন্তই স্বরকে সেখানে নিতান্তই সরল ও সংক্ষিপ্ত হ'য়ে প্রবেশ করতে হ'য়েছে ; যথা, ভাটের গান। এই ধরণের কয়েকটি উদাহরণ বাদ দিলে দেখা যাবে, বাংলাদেশের সাধারণ সঙ্গীতের মধ্যে পাঁচ স্বর নয়, সাতস্বরেরই প্রয়োগ রয়েছে এবং তাদের মধ্যে শিল্পসঙ্গীতসুলভ জটিলতা না থাকলেও, পল্লী-সঙ্গীতের মধ্যে ষতটুকু অলংকার তার স্বাভাবিক সৌন্দর্যকে আঘাত না ক'রেও টিকে থাকতে পারে, তাও রয়েছে। কোনও যুগে এই পল্লী-সঙ্গীতও পাঁচস্বরমূলকই ছিল না, তা' আজ আর বলবার উপায় নেই ; আজ কেবল এই কথাই বলব, বাংলার লোক-গীতি অগ্ন্যাগ্নি যাবতীয় লোক-সঙ্গীত থেকে আলাদা হ'য়ে দাঁড়িয়েছে,

শ্রর ও ছন্দে বৈচিত্র্য কেবল নিজের বিশিষ্ট রূপভঙ্গীতে নয়, সাত স্বরের বিশেষ

ঐশ্বর্য নিয়েও। আর কেবল স্বরের দিক দিয়েই নয়, ছন্দের দিক দিয়েও এর মধ্যে নানা বৈচিত্র্যের উদ্ভব হ'য়েছে। এর পেছনে প্রচ্ছন্নভাবে রাগসঙ্গীত বা শিল্পসঙ্গীত সম্বন্ধে কিছুটা চেতনা জাগ্রত রয়েছে ব'লেই স্বরে ও তালে এই বৈচিত্র্যের সৃষ্টি সম্ভব হ'য়েছে। অবশ্য মনে রাখতে হবে, এই সমস্ত

ব্যাপারটিই পল্লী-সঙ্গীতের আপন সত্তার নঙ্গে এমনভাবে মিশে গেছে যে, গান শুনতে শুনতে সহসা এ সব কথা কারও মনে হবে না, যদি না সে আগে থেকে তার বিশ্লেষণী বুদ্ধিটি শানিয়ে নিয়ে তৈরী হ'য়ে থাকে।

সকল দেশের পল্লী-সঙ্গীতের মধ্যেই কতকগুলো সাধারণ লক্ষণ রয়েছে দেশকাল-অনুগত বিশেষ ভঙ্গিমাটি ছাড়াও। ভাষার মত সঙ্গীতও একটা বিশেষ

পল্লীগীতির সাধারণ
লক্ষণ

ভাব-কল্পনাকেই প্রকাশ করে, উপযুক্ত পদবিজ্ঞাসেই (musical phrases) তার সম্পূর্ণতা। এই কথার ব্যাখ্যা

ক'রে টার্গার সাহেব বলেছেন—‘একটা কথা স্পষ্ট ক'রে ব'লে দিতে চাই যে, সঙ্গীতের মধ্যে ভাষা নয়, সাঙ্গীতিক ভাবকল্পনা বা তার অন্তর্গত পদের সম্পূর্ণতাই প্রয়োজন।’ তিনি হয়ত এখানে এই কথাই বলতে চেয়েছেন, পল্লীসঙ্গীতের মধ্যে ভাষার সম্পূর্ণতা নয়, সুরের নক্সাগত সম্পূর্ণতারই প্রয়োজন বেশী ; কেন না, এই বিশেষ নক্সাগুলো বা পদগুলো (musical phrases) সমগ্র গানের মধ্যে বারবার আবৃত্ত হ'তে দেখা যায়। এই দিক দিয়ে অর্থাৎ সুরের দিক দিয়ে পল্লী-সঙ্গীতের মধ্যে একটি অত্যন্ত সরল বাঁধুনি র'য়েছে, অল্প কয়েকটি পদমিশ্রণে তার স্বসম্পূর্ণ রূপটি ফুটে উঠে। এই পদান্তর্গত স্বরগুলি সরলভাবে কিংবা জটিলভাবে সজ্জিত থাকতে পারে, যেমন বাংলাদেশের অনেক লোকগীতিতেই তা' দেখিতে পাওয়া যাবে, চন্দ ও সুর উভয় দিক দিয়েই ; কিন্তু সবগুলো পদ নিয়ে যে সমগ্র গঠনভঙ্গীটি তৈরী হোলো, তা' সরস ও সংক্ষিপ্ত। শিল্পসঙ্গীতের মধ্যে যে ব্যাপ্তি ও জটিলতা সুর ও তালকে আশ্রয় ক'রে আছে, এখানে তার অভাব।

পল্লী-সঙ্গীতের আর একটি লক্ষণ হোলো, সে স্বয়ংসম্পূর্ণ,—যে পরিবেশে যেমন ভাবে এই গান গীত হ'য়ে থাকে, সেখানেই তার পূর্ণ রূপটি পুরোপুরি প্রকাশিত হয়,—সেই বিশেষ প্রাকৃতিক আবেষ্টনী, নিজেদের হাতে তৈরী একতারা দোতারা জাতীয় ছ' একটি যন্ত্র, এমন কি, গায়কদের বাগ্‌ভঙ্গীর সেই অসামু উচ্চারণ—এ সব থেকে বিচ্ছিন্ন ক'রে নিয়ে এ'লে পল্লী-সঙ্গীতের অঙ্গহানি হ'তে বাধ্য ; এমন কি, সভ্য জগতের বিচিত্র মধুরধ্বনিবিশিষ্ট যন্ত্র-সংযোগে গীত হ'লেও তার এই অভাবপূরণ আর কিছুতেই হয় না। এই ধরনের একটি ব্যাপারকেই লক্ষ্য ক'রে বোধ হয় পূর্বোক্ত টার্গার সাহেব লিখেছেন—‘এই অজ্ঞাত গ্রাম্য রচয়িতাদের রচনা মূলতঃ ‘মেলডি’ জাতীয় (melody) হ'লেও

এদের মধ্যে স্বর-সঙ্গতির (harmony) জৌলুস আনতে গিয়ে পরবর্তী সঙ্গীতজগৎ বারবার ব্যর্থ হ'য়ে কেবল এই কথাই প্রমাণ করেছেন যে, তাদের নিজেদের সঙ্গীতিক জ্ঞান এই অজ্ঞাত শিল্পীদের কাছে নিতান্তই হীন।' মূলতঃ পাশ্চাত্য সঙ্গীত সম্বন্ধে বলা হ'লেও বাংলার লোক-সঙ্গীতের ক্ষেত্রেও এর কিছুটা সমর্থন পাওয়া যাবে। নানা প্রতিষ্ঠানের তাগাদায় আজকাল ওস্তাদি বা আধুনিক মনোভাব-সম্পন্ন ব্যক্তিরা বাংলার কোনও কোনও পল্লী-গীতির সংস্কার বা উন্নতি-বিধানের যে হাতশকর চেষ্টা করছেন, তার মাধ্যমেই এর প্রমাণ মিলতে পারে।

লোক-সঙ্গীতের আলোচনায় যতই অগ্রসর হব, ততই দেখতে পাব যে, এর সৃষ্টি অশিক্ষিত মান্তিকের খামখেয়ালীতেই নয়, এর মধ্যেও রয়েছে সমস্ত সার্থক শিল্পসম্মত নীতি, নিয়ম ও শৃঙ্খলা, যুক্তি দিয়ে যার বিচার লোক-সঙ্গীতের হৃদিত্ব প্রণালী চলে ; গ্রাম্য গায়ক জেনে হোক, না জেনে হোক, অত্যন্ত কঠোর ভাবেই তা' পালন ক'রে থাকে। এমনি কি, রাগসঙ্গীতের লক্ষণ নির্দেশ করতে গিয়ে প্রাচীন শাস্ত্রকার যে সমস্ত নিয়মের উল্লেখ করেছেন এবং আধুনিক রাগসঙ্গীত চর্চায় যা' প্রায়ই উপেক্ষিত হয়, তারই দু' একটাকে কঠোর নিষ্ঠার সঙ্গে এই লোক-সঙ্গীতে অম্লম্বত হ'তে দেখে এই কথাই মনে হয়, রাগ-সঙ্গীতের জন্ম-ইতিহাসের পেছনে আছে যে এই লোক-সঙ্গীতই, তা' বোধ হয় মিথ্যা নয়। তাই লোক-সঙ্গীতের অন্তর্নিহিত লক্ষণগুলো অস্বতঃ রাগ-সঙ্গীতের প্রথমাবস্থায় বর্তমান ছিল, ধ'রে নিতে পারি। পরে অবশ্য ক্রমবিবর্তনের পথে অগ্রসর হ'তে হ'তে সে পুরাণো নিয়মকে বর্জন ক'রে নূতন নিয়ম গ'ড়ে তুলেছে। তবু রাগ-সঙ্গীতের সেই প্রাচীন পদ্ধতিগুলো এখনও কোথাও কোথাও দেখতে পাওয়া যায়। আমরা 'গ্রহ অংশ জ্ঞান' নামে শাস্ত্রীয় সূত্রোদ্ধারী কোন রাগের যে বিশেষ স্বরে আরম্ভ, বিশেষ স্বরসম্পর্কে স্থিতি, এমনি আর এক বিশেষ স্বরে বিরতির নির্দেশ পাই, তারই কথা এখানে উল্লেখ করতে পারি। কিন্তু এ সম্বন্ধে আলোচনা পরে। এখানে কেবল এইটুকু বলতে চাই যে, সঙ্গীতের বৈয়াকরণেরা বোধ হয় লোক-সঙ্গীতের কোন নিয়মনিষ্ঠা থাকতে পারে, এ'কথা বিশ্বাস করেন না ; তা না হ'লে, সব সময় কানের কাছে শুনেও পেয়েও কি ক'রে তাঁরা এ সম্বন্ধে একেবারে নিবিকার আছেন ?

বাঙ্গালী জীবনের নানাদিকের সঙ্গে যুক্ত হ'য়ে রয়েছে, বাংলার লোক-সঙ্গীত। দৈনন্দিন জীবনের সহস্র খুঁটিনাটি থেকে উচ্চ আধ্যাত্মিক বহননা পর্বস্ত সর্বত্র স্বর জুগিয়েছে এই লোক-গীতি।

নদীমাতৃক বাংলা দেশ। জলের সংগে তার একটা বিশেষ সম্পর্ক রয়েছে। একদিকে যেমন সে অন্ন যোগায়, অন্যদিকে বন্যায় তার অন্ন ঘুচিয়েও দিয়ে যায়।

এই নদীর ধারে ও বুকের উপর বাস ক'রে যে সমস্ত চাষী
 ভাটিয়ালীর প্রাচীনতা ও প্রেত্ব
 ও মাঝি, নানা কাজকর্মের মধ্যে দিয়ে এর সংগে তাদের

প্রাণের যোগ স্থাপন ক'রেছে, ভাটিয়ালী তাদেরই আনন্দ-বেদনায় নিবিড় হ'য়ে উঠেছে। ভাটিয়ালী এই আনন্দ-বেদনারই রসরূপ; এর মধ্যে দিয়েই নিরক্ষর চাষী ও মাঝির স্বখদুঃখের প্রেমভক্তি-ভালবাসার নানা কথা সরল সৌন্দর্যে ফুটে উঠে। এইসব গানের মধ্যে সাধারণ মানুষের মনের কথাই ব্যক্ত। হ'তে পারে বাউলের তত্ত্বগভীর বাক্যের কাব্যসৌন্দর্য এখানে নেই, তবুও একথা সহজেই বলা চলে যে, তত্ত্বকথার চেয়ে মানুষের স্বখদুঃখটা প্রাচীনতর। তত্ত্বকথা বলতে গেলে মনের প্রবীণতার প্রয়োজন হয়; এই কথা মনে রেখে এবং বাংলা দেশের এই বিশেষ ভৌগোলিক বৈশিষ্ট্যের কথা চিন্তা ক'রে আমরা বলতে পারি, ভাটিয়ালীর সৃষ্টি বাউলের অনেক আগেই হ'য়েছে। তাই এখান থেকেই আমাদের আলোচনা শুরু করা যাক।

আমরা পল্লী-সঙ্গীতকে দুই ভাগে ভাগ করিতে পারি—এক, যে সমস্ত গান ঘরের মধ্যে বা প্রাঙ্গণে অনেকের সংগে একযোগে গাওয়া
 “বাইরে”র গান ও
 “ঘরে”র গান

হয়; আর এক প্রকারের গান, যা' গাওয়া হয় ঘরের বাইরে উন্মুক্ত প্রান্তরে বা শূন্য নদীর বুকে। ভাটিয়ালী এই শেষোক্ত শ্রেণীর গান এবং বোধ হয় সকল প্রকার বাংলা লোকগীতের মধ্যে শ্রেষ্ঠ। কেবল তাই নয়, এর অসামান্য প্রভাব নানা গীতের মধ্যে প্রত্যক্ষ বা পরোক্ষ ভাবে কাজ করছে, বাউলও বাদ যায় না। এইদিক থেকে ভাটিয়ালীকে বাংলা পল্লীগীতির ভিত্তি-স্বরূপই বলা চলে। আমরা অবশ্য ভাটিয়ালীর স্বরের দিক দিয়েই এই কথা বলছি।

প্রথমই বলে রাখা ভাল, রেকর্ড ও চলচ্চিত্র মারফৎ যে ভাটিয়ালীর সংগে আমাদের পরিচয়, আসলে ভাটিয়ালীর চেহারা সেরকম নয়। বিভিন্ন যন্ত্র ও

তাল সহযোগে জাঁকজমকের সঙ্গে গীত ভাটিয়ালী শুনেই আমরা অভ্যস্ত ; কিন্তু মেঘনার বৃকে বা সূর্য্য নদীর উপত্যকা ও তৎসংলগ্ন হাওর অঞ্চল যেখানে এই সঙ্গীতের খাস জন্মস্থান, সেখানে এই ভাটিয়ালী শুনেতে পাওয়া যাবে না। কারণ, আসল ভাটিয়ালীর সঙ্গে কোন যত্নই বাজে না, তার গতিও স্বচ্ছন্দ অর্থাৎ তাল বা ছন্দোহীন। অভ্যুত ব্যাপার সন্দেহ নেই, তবু এতে অবাক হ'বারও কিছু নেই।

ভাটিয়ালী গায় একজনে, শোনেও বোধ হয় একজনেই। হাতে কোন কাজ নেই, পাল তুলে দিয়ে হাল ধ'রেছে নৌকার মাঝি, এই অবসরটুকু ভ'রে তুলবার জন্তে সে গান ধরেচে—‘আমি স্বপ্নে দেখি...
ভাটিয়ালীর খাটরূপ

.....’; নদীর জলের সঙ্গে, উন্মুক্ত প্রান্তরের সঙ্গে এ'র সুর বাঁধা। উপরে অনন্ত নীলাকাশ স্তব্ধ হয়ে রম্ভেছে নীচে তার বহুদিনের চেনাশোনা নদী নিতান্তই জানা সুরে একটানা গান গেয়ে চলেছে, চারদিকে দৃষ্টি কোথাও বাধা মানে না,—এই দিগন্ত প্রসারিত শূণ্যতার মাঝখানে একলা মাঝি। সে জানে এই প্রশান্ত গভীর বিবৃতিকে কোন সুরের মঞ্চে ভ'রে দেওয়া যায়, কর্মহীন অবসরে নদীর সঙ্গে মুখোমুখী হওয়ার সঙ্গে সঙ্গে সেই কথা তার মনে প'ড়ে যায়। এই নিঃসঙ্গ নির্জনতার মধ্যে মনের দুয়ার আপনিই খুলে যায়। কিন্তু পরকে শোনার তাগিদ নেই, তাড়াছড়ো করবার কোনও প্রয়োজন নেই—তাই তার কণ্ঠ থেকে যে গান বেরোয়, সে গান ছন্দের বন্ধনে সুরকে চঞ্চল ক'রে তুলে না, সুর তার স্বচ্ছন্দগতিতে মাঝির মনের কথার দু'একটিকে মাত্র একেক বারে সঙ্গে নিয়ে লগ্না একটানা পথে ঢেউয়ের সঙ্গে সঙ্গে দিগন্তে পাড়ি জমায়। এমন পরিবেশে সাধারণ শিক্ষিত লোক হয়ত দার্শনিক হ'য়ে পড়বেন, কিন্তু আমাদের মাঝির চোখ বুজে দর্শন-চিন্তা করার সময় নেই, কোনও একটা পদাংশের মাঝখানে সুরকে ছাড়ান দিয়ে সে হয়ত বড় জোর হ'কোয় দুটো টান লাগিয়ে নিচ্ছে এবং তারপরে বাকী পদটুকু পূরণ ক'রে দেওয়ার মাঝখানের এই বিবৃতিতে কিছুমাত্র অস্বাভাবিকতা ধরা পড়ছে না। বাইরের প্রকৃতির সঙ্গে ভাটিয়ালীর এই নিবিড় অন্তরঙ্গতা এক পরম বিস্ময়ের ব্যাপার। প্রকৃতির ঠিক মাঝখানে থেকে তার মর্মবাণীর সন্ধান যেন এরা পেয়েছে, তাই এদের কণ্ঠের সুরের আকৃতিকে আকাশ নদী বন ও প্রান্তর যেন সর্বাঙ্গ দিয়ে আলিঙ্গন ক'রে ধরে। তার নিরাভরণ

পূর্বোক্ত অঞ্চলে অমুসন্ধিৎসু শ্রোতা হয়তো এমনি কোন এক মাঝির গান শুনেতে পাবেন, নয়তো দেখবেন গরু-মোষগুলোকে চরাতে দিয়ে নিশ্চিন্তে গাছতলায় শুয়ে আছে কোন রাখাল, তারও চারদিকে দিগন্তবিস্তৃত মাঠ—সবুজের ঢেউয়ে ঢেউয়ে আকাশ মাটির শেষ সীমান্ত পর্যন্ত ছড়িয়ে আছে। হঠাৎ শুনেবেন, সেই পূর্বশ্রুত ভাটিয়ালী সুরে আর কোন নতুন গানের কলি। এই রাখাল কোন ছন্দোবদ্ধ কাজে ব্যস্ত নয়, সেই মাঝিও ছিল না; এদের চারদিকে প্রকৃতির মধ্যেও কোনও চঞ্চল ছন্দস্পন্দন অল্পভূত হচ্ছে না—তাই বলেই যে ভাটিয়ালী ছন্দোহীন এমন মনে হ'তে পারে। আরও মনে হয়, এই প্রকৃতির ছালালো যে হুঁতে কাজকর্মের ফাঁকে একটু হাঁফ ছেড়ে প্রকৃতি মায়ের কাছটিতে এসে বসে, সেই মুহূর্তেই সে তাদের অন্তরের মধ্যখানে প্রবেশ ক'রে তাদের কণ্ঠধরের বাঁশীটিকে বাজিয়ে তোলে। এই অপরূপ একাকীত্ব, বাইরের প্রকৃতির এই বিশাল বন্ধনহীন বিস্তার, এই মধুর কর্মহীনতা—এই সবই যেন একযোগে এই পরমাসুন্দর গীতধারাকে সৃজন ক'রেছে।

সুদূর পল্লীঅঞ্চলের ভাটিয়ালীকে তার বিশিষ্ট পরিবেশ থেকে সহরে টেনে এনে সর্বসাধারণের গোচর ক'রে একদিকে যেমন ভাল কাজই করা হচ্ছে, তেমনি একে সহরে রুচির উপযোগী ক'রে তুলতে গিয়ে এর সঙ্গে ভাটিয়ালী আসল রূপটিই ঢেকে ফেলা হচ্ছে। এ সম্বন্ধে এখনও সাবধান হওয়া প্রয়োজন। কেন না, এমনি ক'রেই অসুস্থ অবস্থার মধ্যে পড়ে ইউরোপের অধিকাংশ ভাল লোক-সঙ্গীত বর্তমানে এমন ভদ্র অর্থাৎ বিকৃত রূপ নিয়েছে, যে, তাদের আসল রূপ গবেষণার বিষয় হ'য়ে দাঁড়িয়েছে। 'হারমোনাই-জেশন' বা স্বর-সঙ্গীতের যৌথ কারবারের চাপে প'ড়ে ইউরোপীয় লোক-সংগীতের চেহারা এমন ভাবে পান্টে গেছে যে, তাকে চেনা তো দুষ্করই, পল্লীঅঞ্চলে আর তাকে খুঁজেও পাওয়া যায় না, বরং পাওয়া যায় কোন সহরবাসীর সংগৃহীত কোতূহলোদ্দীপক দুর্লভ সামগ্রী রূপে।

ভাটিয়ালীর এই স্বভাব সম্পূর্ণতা, যন্ত্র ও ছন্দের সাহায্য ব্যতিরেকেই তার রূপের যে এই পূর্ণ প্রকাশ সে সম্বন্ধে আমাদের বুদ্ধি-বিবেচনামত কারণ নির্দেশ

ক'রে এইবার ভাটিয়ালীর অগ্ৰাণ্ণ দু'একটি লক্ষণ সম্বন্ধে কিছু বলার চেষ্টা করা যাক। ভাটিয়ালীর গঠনভঙ্গীর মধ্যে আর একটি প্রধান বিশেষত্ব এই যে,

এতে দু'তিনটি শব্দ নিয়ে এক একটি শব্দগুচ্ছ এক একবারে ভাটিয়ালীর গীতরীতি

উচ্চারিত হয় এবং দ্বিতীয়তঃ থাকে এই উচ্চারণের পরেই লম্বা একটানা বা আন্দোলনযুক্ত একটি সুরের কাজ। সাধারণতঃ দেখা যাবে, শব্দগুচ্ছের শেষ বর্ণ টি যে সুরে গিয়ে দাঁড়ায়, সেই সুরটিই দীর্ঘ হ'য়ে উঠে। এই সুরের দৈর্ঘ্য কতটুকু হ'বে তার কোন বাধাধরা মাপকাঠি নেই, তা' সম্পূর্ণ নির্ভর করে গায়কের নিজস্ব মেজাজ ও রুচিবোধের উপর। সুরপ্রয়োগের দিক দিয়ে আর একটি ব্যাপার লক্ষ্য করা যায়—আরম্ভেই ভাটিয়ালী সাধারণতঃ চড়ার সুরের দিকে চলে যায় এবং তারপরেই ধীরে ধীরে কখনও বা দ্রুতবেগে নেমে আসে খাদের দিকে, সেইখানে ক্রমেই গান যেন বিজ্ঞান লাভ করে। এ যেন প্রাণের কোন গভীর কথাকে দিগ্দিগন্তে শুনিয়ে দিয়ে আবার নিজের প্রাণের গভীর খাদেই ফিরিয়ে নিয়ে আসা। এ ছাড়া ভাটিয়ালীতে সাতসুরের প্রয়োগ তো হয়ই, অনেক সময় এর গানের গতি দুই সপ্তক পর্যন্ত ব্যাপ্ত হ'য়ে থাকে। এই ব্যাপারে রাগ-সঙ্গীতের কোন প্রচ্ছন্ন হাত আছে কি না, কিংবা রাগ-সঙ্গীতের কোন গীতরীতির সঙ্গে এর কোথাও সাদৃশ্য আছে কি না, সে সব বিচার একটু পরে করা হবে। 'বাইরের গান' হিসাবে ভাটিয়ালীর এই বর্ণনার পরেই মনে হবে, আর একটি পল্লীগীতির কথা, 'বাইরের গান হয়েও যা' ভাটিয়ালীর স্বভাবের একান্তই বিপরীত।

আমরা সারি গানের কথা বলছি। ভাটিয়ালী ছন্দোহীন মধুরগতি, সারি গান ঠাসবুনোন ছন্দে দ্রুতগতিতে এগিয়ে চলে। দুই সারি বনাম ভাটিয়ালী প্রকার গানই সেই মাঝিরাই গেয়ে থাকে, কিন্তু তবু দুইয়ে কী ক'রে এই পার্থক্য সম্ভবপর হোলো, তার বিচার করতে গেলে দেখতে পাব যে, এমন ব্যাপার ঘটেছে পরিবেশের তফাতের জগ্গেই। ভাটিয়ালী একজনের গান ব'লেই এবং পরিবেশের এই নির্জন উদার বিস্তৃতির জগ্গেই সুরের মধ্যে এই নিলিপ্ত ধ্যান-গভীরতা রয়েছে, ছন্দের ঠোকাঠুকিতে যাকে উদ্ব্যস্ত ক'রে তোলা হয় না। আর সারিগান বহু জনের সম্মিলিত কণ্ঠসঙ্গীত বলেই এবং বিশেষ ছন্দোবদ্ধ কাজের সঙ্গে সংযুক্ত বলেই এর মধ্যে তাল কেবল অপরিহার্যই নয়, বিচিত্রতায় সমৃদ্ধ। ভাটিয়ালীকে যদি রাগ-সঙ্গীতে ধীর-গভীর আলাপের

চালের সঙ্গে তুলনা করি, তবে সারিগানে রয়েছে যেন দ্রুতগতি গতের চাল।

সারিগানের সময় ও উপলক্ষ্য হচ্ছে বৈঠার সাহায্যে নৌকা চালানো— ছোট পাঁচ সাত হাত লম্বা নৌকা থেকে আরম্ভ ক'রে ষাটজনের উপযোগী ছিপের নৌকা একযোগে তালে তালে যখন দ্রুতগতিতে চালানো হয়, তখনকার গান এই সারিগান, এই action-এর মধ্যে সে গওয়—বিশেষ একই প্রকার কাজের একঘেষেমিকে দূর ক'রে তাকে সুন্দর গতি দেবার জন্তে, ছন্দ তাই আপনিই এসে পড়ে। ভাটিয়ালীতে এই action-এর ও উদ্দেশ্যের একান্ত অভাব ব'লেই তাঁর মধ্যে শিল্পগত সৌন্দর্য আরও গভীরতর হয়ে উঠেছে। সকলের সংগে মিলে গায়ের জোরে তালে তালে বৈঠা চালানোতে শরীর ও মনে যে ছন্দসুতি জাগে, দাঁড় ধ'রে চুপ ক'রে ব'সে থাকায় তার উন্টো ব্যাপার ঘ'টে থাকে। এ ছাড়া সারি কথাটা যদি শ্রেণী অর্থে ধরা যায়, তা' হ'লেও একটা অর্থবোধ হ'তে পারে, কেন না, শ্রেণী থাকলেই শৃঙ্খলা থাকবে, তা নইলে তার গতির মধ্যে সৌন্দর্য জাগে না, আর ছন্দ তো শৃঙ্খলিত তালমাত্রাই।

একসঙ্গে কাজ করার মধ্যে এই ছন্দের আবির্ভাব আমরা নানাভাবেই দেখে থাকি। কোনও একটা ভারী জিনিষ তোলবার বা ঠেলবার সময়, ছাদ পেটাবার সময় এবং এমনি দৈনন্দিন নানা ব্যাপারে সকলই সারিগানের প্রয়োগ ক্ষেত্র হয়ত দেখেছেন যে, একটা ছন্দে কাজ হচ্ছে এবং সেই ছন্দকে রক্ষা করবার জন্ত একটা ছড়ার মতন কি যেন আবৃত্তি করা হচ্ছে। এই ছড়াই বোধ হয় সারি বা তার অনুরূপ গানের প্রাথমিক ভিত্তি। ক্রমোন্নতি হ'তে হ'তে একদিন হয়ত এতে সুর যোজনা করা হয়েছে এবং অর্থ হীন ছড়াগুলিও ধীরে ধীরে লোক-সাহিত্যের পর্যায়ে এসে পৌঁছেছে, কেবল তাই নয়, তার মধ্যে বিশিষ্ট ছন্দের আমদানি ক'রে তাকে সুন্দর তালে পরিণত করা হয়েছে।

শুধু নৌকা চালানোর ব্যাপারেই সারিগান সীমাবদ্ধ নয়। যেখানেই বহু লোক একসঙ্গে একই ধরনের কাজে নিযুক্ত, সেখানেই সারি পর্যায়ের অগ্ৰাণু গান আমরা এই ধরনের গান শুনতে পাই। ছাদ পেটার গান, ধান কাটার গান ইত্যাদি, নানা নাম থাকলেও, আসলে এ'গুলো সারিজাতীয় গানই। কাজের পার্থক্য অনুসারে কথার বিভিন্নতা

থাকলেও, স্বরের রচনা-কৌশল প্রায় সর্বত্রই এক। স্বরের দিক দিয়ে এই সমস্ত গান ভাটিয়ালীর কাছে ঋণী। এমন কি, কথার দিক দিয়েও সারিগান অনেকটা ভাটিয়ালীর মতই। কাজেই তফাৎ বেশির ভাগ নির্ভর করছে গাইবার ভঙ্গীর মধ্যে, ছন্দ থাকায় ও না থাকায়।

বাংলার পল্লী-সংগীতে ভাটিয়ালীর প্রভাব যে কত ব্যাপক ও গভীর, তার স্বরের নক্সাটাকে একটু হেরফের ক'রে যে কত ভাবে বিভিন্ন লোক-গীতিতে যোগ ক'রে দেওয়া হ'য়েছে, সে সম্বন্ধে আরও কিছু বলবার আগে আমাদের একটি ফেলে আসা আলোচনা আরম্ভ ক'রে দেওয়া যাক। ভাটিয়ালীর স্বরের এই নক্সাটির আরও একটু ব্যাখ্যার প্রয়োজন এবং তার সংগে রাগ-সংগীতের কোন যোগাযোগ রয়েছে কিনা, তাও দেখবার চেষ্টা করা দরকার।

পল্লী-সঙ্গীতে যে নিয়মতন্ত্রের অভাব নেই এবং রাগসঙ্গীতের সঙ্গে তার কিছুটা সম্পর্ক থাকে। যে একেবারে বিচিত্র নয়, সে সম্বন্ধে অহুসন্ধান করতে গিয়ে

রাগসংগীতের সঙ্গে
সম্পর্ক

একটা ব্যাপার আমরা লক্ষ্য করেছি। ঝিঁঝিঁট বাংলা

দেশে এত জনপ্রিয় রাগ কেন? এমন কি, অনেকের

কাছে স্বর্গীয় আখ্যা পেয়ে এসেছে কেন? এর কারণ নির্দেশ

করতে গিয়ে আমরা দেখতে পেয়েছি যে, প্রায় সমস্ত পল্লী-সঙ্গীত ও এমন কি, কীর্তনের মধ্যেও এই রাগেরই স্বরগ্রাম বহুলভাবে ব্যবহৃত হয়েছে। এই রাগ খাঙ্গাজ ঠাটের অন্তর্গত। আমরা দেখব, এমন অনেক গান আছে, যাঁতে মূলতঃ ভীমপলাসী রাগ বা কাফী ঠাটের স্বর লাগলেও কোথাও কোথাও এই খাঙ্গাজ ঠাটের স্বরও যুক্ত হয়েছে। এইখানে ব'লে রাখা ভাল যে, পূর্বভারতীয় সঙ্গীতে ঝিঁঝিঁটের দুই রূপ স্বীকৃত,—এক, যা খাদের পঞ্চম পর্যন্ত নেমে আসে, এবং অল্পটি যা খাদের দ্বৈবত পর্যন্ত গিয়েই থেমে যায়। রাগসঙ্গীতে এই শেষোক্ত প্রকার ঝিঁঝিঁটের নাম কঁসোলী ঝিঁঝিঁট। এই নামটি আমাদের জেনে রাখা দরকার—অধিকাংশ পল্লী-সঙ্গীতের পেছনে রয়েছে এই কঁসোলী ঝিঁঝিঁট। সাধারণ ঝিঁঝিঁটের বা তথাকথিত পাহাড়ী ঝিঁঝিঁটের স্বররূপ হচ্ছে :—স র ম I প ম গ ব স ৭ ধ প I প ধ স র গ ম গ, ধ স I আর পল্লীগীতির ঝিঁঝিঁট বা এই কঁসোলী ঝিঁঝিঁটের স্বররূপ এই রকম :—স র ম I প ম গ র স ৭ ধ I ধ স স র গ, র গ স I এখানে একথা বললে নিশ্চয়ই অপ্রাসঙ্গিক হবে না,—আমাদের মনে হয়, এই শেষোক্ত প্রকার ঝিঁঝিঁটের

মূল রয়েছে এই পল্লী-সঙ্গীতের মধ্যেই। উল্লিখিত স্বররূপের মধ্যে কেবল ভাটিয়ালী নয়, অগ্ৰাণ্ণ লোকগীতিরও সাধারণ রূপ প্রত্যক্ষ করছি ব'লেই এই সিদ্ধান্ত করার যৌক্তিকতা অনুভব করছি। অনেক রাগের মূল এই যে পল্লীর স্বরের মধ্যেই, সেই কথার প্রমাণও খেন এই প্রসঙ্গে কিছুটা পাচ্ছি।

এদিকে গানের মধ্যে কথার পরিবেশনের নিয়ম আলোচনা করলে দেখা যাবে, শিল্পসঙ্গীতের টপ্পা নামক গীতরীতির সঙ্গে এ বিষয়ে ভাটিয়ালীর বেশ মিল রয়েছে। এখানে হিন্দুস্থানী টপ্পা নয়, বাংলা টপ্পার কথাই বলা হচ্ছে। টপ্পা গোড়ায় হিন্দুস্থানী রীতিতে গীত হলেও বাংলা দেশে এসে সে নবরূপ ধারণ করেছে, তার মধ্যে বাংলার নিজস্ব রুচি ও মেজাজের প্রভাব অত্যন্ত স্পষ্ট। হিন্দুস্থানী টপ্পায় অত্যন্ত দ্রুত তালের যে তাড়া আছে, বাংলার

বাংলা টপ্পা বনাম
ভাটিয়ালী

টপ্পায় তা নেই—এখানে তালগুলির গতি মন্থর। কেবল তাই নয়, এই সব তালে মোটামুটি ভাবে তালের হিসেব থাকলেও মাত্রা গুণ্টির হিসাব নেই, অর্থাৎ স্বর মাত্রার

সঙ্গে লাফালাফি করে অগ্রসর হয় না—ছন্দ এখানে গা ঢাকা দিয়ে পিছনে সরে আছে। ভাটিয়ালীর মত এর কথাগুলোও এক এক গোছা ক'রে গায়কের মুখে উচ্চারিত হয়, আর তার পরেই কথার হাল থেকে ছাড়ান পেয়ে স্বর 'জমজমা' নামক তালের মধ্যে বিশ্রাম লাভ করে। তফাৎ দাঁড়াল এই, ভাটিয়ালীতে একটানা স্বরের যা কাজ, টপ্পার বেলায় 'জমজমা' তালের কাজও তাই। যদি বলা যায়, বাংলা টপ্পায় ভাটিয়ালীর প্রভাব আছে, তা' হলে খুব মিথ্যা বলা হবে না। বাংলার নিজস্ব সঙ্গীত চেতনা সর্বত্র সঞ্চারিত হয়ে রয়েছে ব'লেই টপ্পার মধ্যে এই বিশেষ পরিবর্তন ঘটে গেছে বলে মনে করতে পারি। এই টপ্পা বাংলার কেবল পল্লী-সঙ্গীত নয়, গত শতকের নানা গীত থেকে আরম্ভ করে এ যুগের রবীন্দ্র-সঙ্গীত পর্যন্ত তায় প্রভাব বিস্তার করেছে।

রাগসঙ্গীত-শ্লভ নিয়মতান্ত্রিক আলোচনায় আমরা আরও কিছু দূর অগ্রসর হচ্ছি। রামায়ণ গান বা পুরাণ গান ইত্যাদি প্রায় আবৃত্তিমূলক গানের কথা বাদ দিলে বাউল, ভাটিয়ালী দেহতত্ত্ব প্রভৃতি প্রায় যাবতীয় লোক-

সঙ্গীতে রাগসঙ্গীতের আস্থায়ী ও অন্তরার মত দুটি ভাগ গানের কলি বা 'তুক'

পাই, অবশ্য রূপদে বা আধুনিক বাংলা গানে যে বাকী দুটো তুক সঞ্চারী ও আভোগের পরিচয়ও পাই, পল্লীগীতিতে প্রায় কোথাও

তা' নাই। এই শেষ তুক দুটির প্রয়োগে শিল্পসঙ্গীত জটিলতর ও সমৃদ্ধতর হ'য়ে উঠেছে।

কবি গানে জুড়িরা যে অত্যন্ত চড়া স্বরে গান ধরে থাকে, তার মধ্যে আস্থায়ী অন্তরার ভাগ থাকার কথা নয়। তবে 'কবি'র নিজের গানের সঙ্গে তুলনায় এই চড়া স্বরের কাজে সমস্ত গানটির মধ্যে সামঞ্জস্য বিধানের চেষ্টা রয়েছে মনে করতে পারি। পুরাণ গান ইত্যাদিতে পাঠক সাধারণতঃ চার লাইন উচ্চারণ করেন এবং তাদের মধ্যে স্বরের তফাৎ বড় একটা থাকে না ; কোথাও কোথাও এই চার পঙক্তিতে চার রকম স্বরই ব্যবহৃত হয়। তাকে আস্থায়ী অন্তরার ভাগে ভাগ করতে পারা যায় না। অন্ততঃ একঘেয়েমি থেকে রক্ষা পাবার জন্তেও এই স্বরের তফাৎ দরকার। এই চার পংক্তি গাইবার পরেই সম্মিলিত কণ্ঠে একটু উঁচু স্বরে গাওয়া হয় দিশা বা ঘোষা। প্রসংগত

বলা চলে, বইয়ের মূল গানের স্বরকে এইখানে উন্নততর দিশা বা ঘোষা

করার চেষ্টা রয়েছে, পল্লীর গায়কেরা এতে পাল্লা দিয়ে নৃতন ও সুন্দর স্বর যোজনা করে। এমনি ভাটের গান বা কবিতাতে প্রথম দুই পংক্তির স্বরই সর্বত্র গাওয়া হয় বলে আস্থায়ী অন্তরার প্রশ্ন উঠে না, আগেই তা বলা হয়েছে।

আমরা এতক্ষণ বাউল সম্বন্ধে কিছুই বলিনি। স্বয়ং রবীন্দ্রনাথ এই বাউলের স্বরে ও কথার গভীর অধ্যাত্ম-ব্যাঞ্জনায় যে কতখানি মুগ্ধ হয়েছিলেন, তার প্রমাণ তাঁর সংগৃহীত লোক-সঙ্গীতে, তাঁর রচিত গানে। বাউল দেহতত্ত্ব মারফতি, শরিয়তি, হকিয়তি, মাইজভাণ্ডারি ইত্যাদি সবগুলিই প্রায় সম-গোত্রীয় বলেই শুধু একটিরই আলোচনা করা হচ্ছে। হিন্দুস্থানীতে 'বাউরা' মানে পাগল। বাউল মানে পাগল হওয়াও বিচিত্র নয়। গুরুতত্ত্ব, দেহতত্ত্ব,

যোগতত্ত্ব, এইসব তত্ত্বের কথা কাব্যের রূপকে বাউলের বাউল

মধ্যে পাই। বাউল সংসার বিরাগী যোগী, তার চিন্তাধারা কর্মধারা সাধারণ মানুষের দৃষ্টিতে খাপছাড়া অস্বাভাবিক—তাই সে পাগল বৈকি। আর বাউলের কোন সম্প্রদায় নেই, 'বাউল সম্প্রদায়' কথাটা বোধ হয় শব্দের অপপ্রয়োগ। তাই দেখি আত্মতত্ত্ব বা দেহতত্ত্বের আলোচনায়—সাম্প্রদায়িকতা নেই—এখানে সূক্ষী ফকিরের সঙ্গে তাদের মিল রয়েছে, স্তররং জাতিভেদের কথাও উঠে না।

এই সেদিন ‘খ্যাপা’ নাম নিয়ে যে বাউল গান রচনা করে গেলেন, সেগুলো গাওয়া হয় সাধারণতঃ ফিকির চাঁদ ফকিরের রচিত স্বরে। শ্রীমা সঙ্গীতে ‘রামপ্রসাদী’ যেমন বিশেষ এক ধরনের স্বর, বাউলের বেলায় ‘ফিকির চাঁদ’ও সেই রকম এক বিশিষ্ট স্বর। পল্লীগীতিতে শিল্পসঙ্গীতের মতন ঋপদ থেয়াল জাতীয় গীতরীতির নাম নেই, কিন্তু গীতরীতি আছে; ‘ফিকির চাঁদ’ এই রকম এক গীতরীতি।

এই ‘ফিকির চাঁদ’র বৈশিষ্ট্য সম্বন্ধে কিছু বলা চলে। আমরা পূর্বে পল্লী-সঙ্গীতে এক ধরনের ঝিঁঝিঁট রাগ ও খাওয়াজ ঠাটের উল্লেখ করেছি। ‘ফিকির চাঁদ’র রূপটি একটু আলাদা। কঁসোলি ঝিঁঝিঁট যা ভাটিয়ালীতে খুব বেশী প্রচলিত তার রূপটি হচ্ছে,—স র ম, প ম গ, ধ স ৭ ধ, ধ স—স র গ, র গ স I এর সঙ্গে ফিকির চাঁদীর তুলনা করা যাক্ :—II স I স র I গ প — I ধ ন — I ধ স স I ন ধ প I প ম গ I — গ র I র গ ম I গ র স I — — II খুব সূক্ষ্ম বিচার না করেও বলা চলে, এতে বিলাবল পর্যায়ের রাগের প্রভাবই বেশী। এই প্রসঙ্গে একটা বলে রাখছি যে, বিলাবল আমাদের যাবতীয় দেবস্তুতি ও তত্ত্বমূলক সঙ্গীতে সর্বাপেক্ষা উপযোগী স্বর। অধিকাংশ সংস্কৃত স্তোত্র বিলাবলের শুদ্ধ স্বর সাহায্যে গাইলে ভাল শোনায়। গান্ধীর্ষ রক্ষার পক্ষে এই ধরনের স্বরই ভাল। তবে এক কারণে বৈঠকী সঙ্গীত হিসেবে এই গান্ধীর্ষ বাউলে রক্ষিত হয় নি। সেটি হচ্ছে বাউলের ছন্দোবাহুল্য, তারও কারণ, বাউল গান গাইবার সময় নাচে। বলা বাহুল্য, এ পাগলের নাচ নয়। সাধারণের দৃষ্টিতে অস্বাভাবিক জীবন যাপন করলেও বাউলের মধ্যে কঠোর শৃঙ্খলা ও নিয়মাহুঁবতিতা রয়েছে—এ নৃত্য তাই বেপরোয়া মাতামাতি নয়, তাই বাউলের নাচে ছন্দের বৈচিত্র্য আছে, আর সঙ্গে সঙ্গে তালেও বৈচিত্র্য অর্থাৎ তালফেরতা আছে। এক হিসেবে বাউল গান শুধু কানে শোনবার নয়, চোখে দেখবারও বস্তু। বাউলের একতারা, নৃত্যের ভঙ্গী, ভাবের উচ্ছ্বাস, সবই সামনে থেকে দেখে শুনে তবে বুঝতে হয়; এ সম্পর্কে নন্দলালের আঁকা বাউলের চিত্রটি মনে করা যেতে পারে। এখানে জ্রাব্যের সঙ্গে দৃশ্যসঙ্গীতের প্রত্যক্ষ সম্বন্ধ ঘটেছে।

এই বাউল গানে একটু আগেই দেখতে পেয়েছি যে বিলাবল অঙ্গীয় রাগের প্রভাব রয়েছে। তা ছাড়া একথা বলাও হয়েছে যে, বাংলার লোক-সঙ্গীতে

ঝাঁঝাঁটের প্রভাবই সবচেয়ে ব্যাপক। বাংলা দেশে বিভাসের এক বিশেষ রূপ চলতি আছে—এটিও বিলাবল অঙ্গের এবং এই সুরেও অনেক পল্লীসঙ্গীত আছে, তবে এই সব পল্লীসঙ্গীতে মাঝে মাঝে একটু কোমল নিখাদ ব্যবহার করায় দিকে ঝোঁক রয়েছে, আর তা করলেই কিছুটা ঝাঁঝাঁটের সঙ্গে সম্পর্ক জন্মে যেতে পারে।

বাংলা লোক-সঙ্গীতের আরও কতকগুলো বৈশিষ্ট্য নিয়ে : ইখানে আলোচনা করা যাক। কবি জাতীয় গান ছাড়া অধিকাংশ পল্লীগীতির গঠনরীতির মূল ভঙ্গিমাটুকু থাকে পূর্বাদ্বে, অতএব বিভিন্ন সুরের মধ্যে পার্থক্যের পরিচয় সেখানেই বিশেষভাবে রয়েছে। এদিক দিয়ে এই সঙ্গীতক্ষেে আমরা

স্বর প্রয়োগগত
বিশ্লেষণ

মোটামুটি চার ভাগে ভাগ করতে পারি :—(১) যে সব

স্বর ‘স র ম প’ এমনি করে আরোহণ করে, (২) যেগুলো

‘স গ ম প’ করে (৩) যেগুলো ‘স র গ প’ করে ও

(৪) যে সব সুর ‘স র গ ম প’ এমনি করে পঞ্চম পর্যন্ত সোজাসুজি সরলভাবে আরোহণ করে যায়। এই চারটি প্রকারের প্রথমটি দেখা গেছে ‘গ’ বাদ, ২য়টিতে ‘র’ বাদ, তৃতীয়—‘ম’ বাদ ও শেষটিতে পূর্বাদ্দের কোন স্বরই আরোহণে বাদ যাচ্ছে না। এই ব্যাপারটি বিশেষ করে লক্ষ্য করতে বলছি এইজন্যে যে, লোকসঙ্গীতে উপরি উক্ত নিয়মগুলো এমন কঠোর নিষ্ঠার সঙ্গে পালিত হয়ে থাকে যা কেবল রাগসঙ্গীতেই দেখা যায়। এই ব্যাপারটির মধ্যে আরও একটু গুরুত্ব রয়েছে এইজন্য যে, রাগ-সঙ্গীতের প্রায় সমস্ত রাগই এই পদ্ধতিতে ভাগ করে দেওয়া যায়, রাগ-সঙ্গীতে যে নিয়মনিষ্ঠা দেগতে পাচ্ছি, তার মূল যে কোনখানে এই সম্বন্ধে একটা সন্দেহ মনে জাগা স্বাভাবিক।

আমরা ইতিপূর্বে ‘গ্রহ অংশ ত্রাস’ বলে রাগসঙ্গীতের একটি অতি প্রাচীন সূত্রের উল্লেখ করেছিলাম। এই সূত্র অনুসারে কোন রাগের প্রথম সূচনা কোনও একটি বিশেষ স্বরে এবং কতকগুলো বিশেষ স্বর সন্দর্ভে তার রূপ প্রকাশিত হ’তে হ’তে একটি নির্দিষ্ট স্বরে এসে দাঁড়ালে তার পূর্ণ রূপটি প্রকাশিত হয়। আজকাল রাগ বিচারে প্রায় কেউই এই নিয়মটির কথা ভাবেন না ; কিন্তু ভাবলে মাঝে মাঝে যে সফল পাওয়া যায়, সে কথা নিশ্চিত। আমার মনে হচ্ছে, এই সূত্রটি পল্লীসঙ্গীতের ক্ষেত্রে অতি সুন্দরভাবে প্রযোজ্য। এবং তাই ব’লেই আমাদের আগেকার সন্দেহটা কেবলই দৃঢ়কৃত হচ্ছে। উদাহরণ স্বরূপ ধরা যাক :—

স র ম, প ম গ র স গ ধ ; ধ স, স র গ, র গ স, পল্লী-সঙ্গীতের এই সুরটিতে ষড়্জ থেকে গান আরম্ভ না করলেই শিল্পের দিক দিয়ে বিকৃতি ঘটবে। রাগ-সঙ্গীতের শিল্পমুগ্ধ ভক্ত ও বৈয়াকরণেরা এর থেকে এইটুকু শিক্ষা লাভ করতে পারেন যে, তাঁদের নিজেদেরই রাগ সঙ্কীর্ণ নিয়মকানুনগুলি কেমন নিষ্ঠার সঙ্গে এই অশিক্ষিত গ্রাম্য সঙ্গীত-রচয়িতারা অনুসরণ করে আসছে, অথচ তাঁরা নিজেরা এ বিষয়ে কতটা পরিমাণে উদাসীন হয়ে পড়েছেন !

মালদহ অঞ্চলের গভীরা মূলতঃ শিবকেই উপলক্ষ্য করে গীত হ'লেও এই নামটিকে আশ্রয় করে নানা বিষয়ের গানই গাওয়া হ'য়ে থাকে। শিবও সব সময় তাঁর দেবত্বের মহিমা নিয়ে দূরে থাকতে পারেন না, গভীরায় সমসাময়িক সঙ্গীতের প্রভাব ভক্তেরা তাঁকে টেনে নামিয়ে নিয়ে আসে সাধারণ মানুষের সুখদুঃখের গভীর মধ্যে দেশের আর্থিক, সামাজিক দুর্গতির জগ্রে তাঁকে দায়ী করে। কথার দিক থেকে গভীরা অনেক বেশী পরিমাণে জীবন্ত। অত্যাগ লোক-সঙ্গীতের মত গভীরার স্বররূপ অত সরল নয়, এর কারণ বোধ হয় শিল্প-সঙ্গীতের প্রভাব। নিত্য নতুন ঘটনা বা অবস্থার উপর নির্ভর করে প্রতি বছরই বহু গভীরা গান রচিত হচ্ছে ; নতুন গান রচনার সময়ে স্বভাবতঃই গীত-রচয়িতা বা স্বর-রচয়িতারা সমসাময়িক সঙ্গীতের আবহাওয়া থেকে মুক্ত হ'তে পারছেন না। ফলে এর সুরের কাঠামোর পেছনে পাচ্ছি একদিকে শিল্পসঙ্গীত বা অত্যাগ এমন সঙ্গীত যা লোক-সঙ্গীতের পর্যায়ে পড়ে না এবং অন্যদিকে লোকসঙ্গীত—এই উভয়ের একটা যোগসূত্র গভীরায় রয়েছে। এই দিক দিয়ে পল্লীর প্রতিভা আরও অগ্রসর হ'লে ভবিষ্যতে আমরা এক অভিনব সঙ্গীতের রূপ পেতে পারি। অবশ্য মনে রাখতে হবে, এ কাজ সম্ভব হ'তে পারে একমাত্র প্রতিভাবান লোক-সঙ্গীত রচয়িতাদের দ্বারা, শিল্প-সঙ্গীত-স্রষ্টাদের দ্বারা নয়।

এইমাত্র দেখা গেল, গভীরা মূলতঃ শিব-বিষয়ক হ'লেও অত্যাগ নানা বিষয়ও এতে গাওয়া হয়, হাসির গানও বাদ পড়ে না। কি বিষয়-বস্তুতে, কি সুরে পল্লী-সঙ্গীতে বিভিন্ন প্রকারের গানের মধ্যে নানা বিভিন্ন ক্ষেত্রে মিশ্রণ চ'লে এসেছে। কোন একটা গীতরীতি জনপ্রিয় হ'য়ে গেলে অনেক স্থলে ক্ষেত্র ও বিষয়ের বিভিন্নতা সত্ত্বেও তার প্রয়োগ করা হয়। তাই বিভিন্ন প্রকার গানে অনেক সময় আমরা একই

রকমের স্বরের প্রয়োগ লক্ষ্য করতে পারব। রূপকথার মধ্যে ফাঁকে ফাঁকে অনেক সময় ছোট ছোট গান থাকে, তাদের স্বর পুরোপুরি ভাটিয়ালীর স্বর। ‘বাইরে’র গান হ’য়েও ভাটিয়ালী ‘ঘরের গানে’ও তার প্রভাব বিস্তার করেছে। গতো রচিত ছোট ছেলেদের উপযোগী ক’রে টেনে টেনে বলা এই রূপকথায় ছন্দোহীন এই ভাটিয়ালী স্বরের প্রয়োগ একদিকে খুবই মানানসই হয়েছে বলতে হবে। ‘ডুব ডুব ডুব রূপমাগরে আমার মন’—বাউলের একটি বিখ্যাত গান; এই গানের স্বর হয়ত শোনা যাবে মৈমনসিংহের ব্রহ্মপুত্রে ঘটিত কোন এক দুর্ঘটনাকে কেন্দ্র করে রচিত গীতে—

‘বাড়ী তার চম্পাড়ার চরে।

গোপী শীলের গণা গোষ্ঠী

ব্রহ্মপুত্রে ডুইবে মরে।’

লোক-সঙ্গীত কি স্বরের দিক দিয়ে, কি তালের দিক দিয়ে সাধারণতঃ সরলই হ’য়ে থাকে। কতকগুলো বিশেষ ধরনের লোক-সঙ্গীতে অবশ্য এর ব্যতিক্রমও দেখা যায়। কোনও কোনও গীত-রচয়িতার জটিল তাল হয়তো একটু জটিল তাল ব্যবহারের দিকে ঝোঁকই থাকে, কীর্তন গায়কদের প্রভাবেও এমন ব্যাপার সম্ভব হ’তে পারে। ফলে দাদরা, কাশ্মীরী, খেমটা, খয়রা ইত্যাদি মোজা তালের সঙ্গে সঙ্গে সর্বত্রই শোনা যায় লোফা, রূপক ও তেওট ইত্যাদি কঠিন তালের গান।

বাংলার পল্লী-সঙ্গীতে স্বরপ্রয়োগে একটা জিনিষের অভাব হয়ত অত্যন্ত স্পষ্ট। তার স্বর-রচনায় কমনীয় সৌন্দর্যের অভাব নেই, স্বরের ও তালের

নানা কারিগরিরও অভাব নেই, কিন্তু নেই কেবল পুরুষ ভাবের অভাব

পৌরুষের পরিচয়। এই দিক দিয়ে ঝুমুর জাতীয় সংগীতের রূপ অথ রকম—স্বরের বৈচিত্র্য না থাকলেও এসব গানের গীত-ভংগিমান্ন বলিষ্ঠতা রয়েছে। এর সঙ্গে পরিচয়ের ফলে বাংলা লোক-সঙ্গীতের এই অভাব কোন দিন দূর হ’তেও পারে। বাংলায় পল্লীগীতিতে স্বরের নানা কৌশল থাকলেও, কোনও আয়াসসাধ্য অলঙ্কার বা স্বরভঙ্গি নেই, এটিও লক্ষ্য করবার মত। এই শেষোক্ত লক্ষণটি বাংলা দেশের প্রায় সব রকম আধুনিক ও রবীন্দ্র-সঙ্গীতে দেখতে পাওয়া যায়। জলবায়ুর জন্তেই হোক, আর বাঙ্গালীর মানসিক গঠনভঙ্গীর জন্তেই হোক, এখানকার গানে মাধুর্য ও প্রসাদগুণ একটু

বেশি পরিমাণেই পাওয়া যায়। ঝুমুরের নক্সায় বহু দ্রুতস্থিত ছুটি সুরের মধ্যে মীড়ের সাহায্যে যোগস্থাপনের চেষ্টার বদলে যে হঠাৎ লক্ষ প্রদানের ভাব দেখা যায়, সেটা সাঁওতালি গানেরই যে নকল, সে বিষয়ে সন্দেহের অংকাশ নেই। বাংলার একান্ত নিজস্ব পল্লীগীতির মধ্যে একমাত্র মুসলমানদের জারীগান ইত্যাদি সামান্য কয়েকটি গীতরীতিতে আমরা সুরের খানিকটা উদ্ধাম গতি লক্ষ্য করি। এর কারণ মনস্তত্ত্ববিদগণ অহুসঙ্কান করবেন।

আধুনিক যুগে বাংলা পল্লীসংগীতে যে সব যন্ত্র ব্যবহার করা হয়, এখানে তাদের কতকগুলি উল্লেখ করছি—

- ১ : তারের যন্ত্র—একতারা, দোতারা, সংগ্রহ, গোপীযন্ত্র, সারিন্দা।
- ২। শুঘির যন্ত্র—মুরলী, আড়-বাঁশী, টিপ্পা বাঁশী, শিঙা।
- ৩। আনন্দ যন্ত্র—ঢাক, ঢোল, কাড়া, ঢোলক, খোল, মাদল, খঞ্জনী বা খুঞ্জুরী, আনন্দলহরী বা থমক।
- ৪। ঘন যন্ত্র—বহু প্রকারের করতাল, খটতাল, মন্দিরা, কাঁসি, কাঁসর, ঘণ্টা।*

* স্বরেশচন্দ্র চক্রবর্তী কর্তৃক গ্রন্থকারের 'বাংলার লোক-সাহিত্য' ১ম খণ্ডের জন্ম লিখিত এবং সেখান হইতে উদ্ধৃত।

গ। স্বরলিপি

১। ভাঙ্গা কাষ্ঠর তরী লইয়া (১১৮ পৃঃ)

II || সা রা রা গা গা পা পা ধা া া া া পা গা পা ধা
 ভা ঙ্গা কা ষ্ঠ র্ ত রী লই য়া ০ ০ ০ ০ মা জি আই য়া
 া া া া পা ধা পা মা গা মা রা গা া া া া
 ০ ০ ০ ০ আ ই লা ম্ স ন্ সা রে ০ ০ ০ ০
 পা পা পা ধা সা না ধা পা মগা রা া া সা সা
 ও রে নৌ কার্ মই গে উই টো জ ০ ল্ ০ ০ দা ডী
 রা গা া া মগা রা া া রা গা মগা রা রা সা া া
 নাই রে ০ ০ ০ ০ ০ ০ ০ ০ মা বি ০ ০ নাই রে ০ ০
 গা পা ধা সা সা া া া া া া া নধা পমা গরা রা || II
 হা বা ব ন্দা ব ০ ০ ০ ০ ০ ০ ০ ০ ০ ০ ল্ || II
 II || পা ধা ধা সা সা রা রা রা গা গা া া া া া া া
 মা রা গে ল সা ধর ত রী রে ০ ০ ০ ০ ০ ০ ০ ০
 সা সা রা রা মা মা া া া া া া গা রা সা পা
 গু ক ডু বা ই লি ০ ০ ০ ০ ০ ০ ও রে আ য়া
 ধা া া া পা া া ধা সা সা রা সা া া া || III
 রে ০ ০ ০ ০ ০ ০ ০ ও রে আ য়া রে ০ ০ ০ || III

২। ছেড়ে যাবে কি, মা, উমা (১৬২ পৃঃ)

II || ০ ১ + ৩
 া া া মা দা মদা নসা না সা সা গা গা দগা দা মা া
 ০ ০ ০ ছে ডে যা ০ বে কি মা ০ উ মা ০ ০ ০
 ০ ১ + ৩
 া া া জা মা জা া সা না সা জা মা দা মা মা মা
 ০ ০ ০ গি রি পু ০ রী আ ০ ধা ০ র্ ক রে আমি
 ০ ১ + ৩
 া া া জা সা না দা না সা জা সজা মজা া সা সা া
 ০ ০ ০ কে মন্ ক ০ রে শ্ ০ ত্র ০ ০ ঘ রে ০

০ ১ + ৩
 ঠ ঠ ঠ সা | জা মা দা দা | মা দা গা গা | ঠ দা গা গা |
 ০ ০ ০ র ই ব ০ গো | তো রে না ০ ০ হে রে ০ |

II || ⁰† † † মা | ^১দা না না না | ⁺সাঁ না দনা সাঁ | ^৩† না সাঁ সাঁ ||
 ০ ০ ০ এ ঘর হ ই তে | ও ০ ঘ র | ০ যা ই তে ||

০ ১ + ৩

না না না না | দা না না না | না না দা না | দা দা মা না |

নে নে নে নে | চেনে নে নে | নে নে নে নে | নে নে নে নে |

$\begin{array}{c} 0 \\ \text{। । । জা।} \end{array} \quad \begin{array}{c} 1 \\ \text{মা জা । সা।} \end{array} \quad \begin{array}{c} + \\ \text{জা মা জমা দা।} \end{array} \quad \begin{array}{c} 0 \\ \text{। মা দা ।।} \end{array}$
 $\begin{array}{c} 0 \ 0 \ 0 \text{ অঞ্।} \end{array} \quad \begin{array}{c} \text{চল ধ ০ রে।} \end{array} \quad \begin{array}{c} \text{বে ০ ডা ০।} \end{array} \quad \begin{array}{c} \text{০ ই তে ০।} \end{array}$

০ ১ + ৩
 † † † মা | দা গা সা গা | দগা সা সা † | † † † † |
 ০ ০ ০ থা | ক তে কা ছে | কা ০ ছে ০ | ০ ০ ০ ০

^০
 ি ি ি মা | ^১মা মা ি মা | ⁺জা মা জা মা জা | ^৩ি শা শা ি
 নি | শি তে ০ ঘ | মে ০ তে ০ | ০ থা কি ০

০	১	+	৩
। । । গা	সা গসা গজ্জা সা	গা গা দগা দগা	দা দা মা ।
০০০ স্ব	প নে ০ মা	তো ০ রে ০	০ দে থি ০

০ ১ + ৩
 ঠা ঠা ঠা সা | জ্ঞা মা দা দা | মা দা মদা নর্সা | ঠা না সা ঠা |
 ০ ০ ০ সে ধন কি ০ সে ভ ০ লে ০ ০ থা কি ০

০ ১ + ৩
 ঠ ঠ ঠ না | দা না সা সা | দা ঠ মা ঠ | জুমা দনা সনা দমা |
 ০ ০ ০ ব | লে যা ০ পা | যা ০ গী ০ | মা ০ ০ ০

০ ১
জমা দমা জসা মা | দা মদা নর্সা না | ইত্যাদি II
রে ০ ০ ছে ডে যা ০ বে

॥ ^০ ১ ১ ১ মা | ^১ দা না না না | ⁺ সা না দনা সা | ^৩ ১ না সা সা |

^০ ১ ১ ১ না | ^১ দা না সা সা | ⁺ না না দনা সনা | ^৩ দা দা মা ১ |

^০ ১ ১ ১ জ্ঞা | ^১ মা জ্ঞা ১ সা | ⁺ জ্ঞা মা জ্ঞমা দা | ^৩ ১ মা দা ১ |

^০ ১ ১ ১ মা | ^১ দা গা সা গা | ⁺ দগা সা সা ১ | ^৩ ১ ১ ১ ১ |

^০ ১ ১ ১ সা | ^১ মা মা ১ মা | ⁺ জ্ঞা মা জ্ঞমা জ্ঞা | ^৩ ১ সা সা ১ |

^০ ১ ১ ১ গা | ^১ সা গসা গজ্ঞা সা | ⁺ গা গা দগা দগা | ^৩ দা দা মা ১ |

^০ সা সা ১ সা | ^১ জ্ঞা মা দা দা | ⁺ মা দা মদা নসা | ^৩ ১ না সা ১ |

^০ সা সা ১ না | ^১ দা না সা সা | ⁺ দা ০ মা ০ | ^৩ জ্ঞমা দনা সনা দমা |

^০ জ্ঞমা দমা জ্ঞমা ম | ^১ দা মদা নসা না | ^৩ ১ ইত্যাদি

৩। 'হায়রে সাধের থাঁচা' (১৬৭ পৃঃ)

II ॥ ⁺ ১ ১ জ্ঞা মা | ^০ মা মা মা মা | ⁺ পগা দা পা ১ | ^০ ১ ১ দগা মা |

+ ১ ১ পা গা | ০ গা গধা পমা | + ১ ১ পা ধা | ০ ধা গধা মপা মা |
০ ০ প ড়ে | ০ র বে ০ | ০ ০ সা ধে | বু খাঁ ০ চা |

+ মা ১ ১ ১ | ০ ১ ১ মা মা | + ১ ১ পা গা | ০ গা গা গা সা |
রে. ০ ০ ০ | আ মি | ০ ০ ম য় | না ব লে ০ |

+ সা সা সা সা | ০ সা ১ জঁর' সা | + ১ ১ গা গা | ০ ধা পা মা মা |
পু ষ্ লা ম্ | যা ০ রে ০ | ০ ০ সে হ | ল ভু তু ম্ |

+ পা দ' পা ১ | ০ ১ ১ গা ধা | + পা মা জা মা | ০ মা মা মা মা | II
পে ০ চা ০ | ০ ০ রে ০ | ০ ০ হা য় | রে সা ধে বু |

গা গা || + ১ ১ গা গা | ০ সা জঁর' সা | + সর' পা সা সা |
শু ন্ব || ০ ০ ম য় | না পা থী বু | কু ষ্ গ ০ |

০ ১ সা সা ১ | + ১ ১ সা সা | ০ র' জঁর' মা ১ | + জঁর' জঁর' জঁর' ১ |
০ ক থা ০ | ০ ০ এ ই | জঁর' ব নে ০ | হ ই ল ০ |

০ র' সা জঁর' সা | + গা ১ ১ ১ | ০ ১ ১ গা গা | + ১ ১ গা সা |
না ০ তা ০ | ০ ০ ০ ০ | এ মন | ০ ০ ভু তু |

০ সা জঁর' সা | + সা সা সা সা | ০ ১ সা জঁর' সা | + গা গা গা ধা |
০ম্ পে চা য় | থু ০ রা য় | ০ মা থা ০ | ০ ০ এ ই |

০ ধা পা মা ১ | + পদা পা পা ১ | ০ ১ ১ গা ধা | + পা মা জা মা | ০ মা মা মা মা | II
ছি ল ক ০ | পা ০ লে ০ | ০ ০ রে ০ | ০ ০ হা য় | রে সা ধে বু |

গা গা || + ১ ১ গা গা | ০ সা জঁর' সা | + সর' গা সা সা | ০ ১ সা সা ১ |
আ মার II || ০ ০ গো লা | য় চার টা ০ | ধা ০ ০ ন্ | ০ ছি ল ০ |

$\begin{array}{c} + \\ \text{সঁ সঁ সঁ সঁ} \end{array} \begin{array}{c} \circ \\ \text{মঁ মঁ মঁ মঁ} \end{array} \begin{array}{c} + \\ \text{জঁ সঁ জঁ সঁ} \end{array} \begin{array}{c} \circ \\ \text{রঁ সঁ জঁ রঁ সঁ} \end{array} \\
\circ \circ \text{ই ন্} \mid \text{হু রে তা} \circ \mid \text{খে} \circ \text{য়ে} \circ \mid \text{গে} \circ \text{ল} \circ \mid$

$\begin{array}{c} + \\ \text{ণা সঁ সঁ সঁ} \end{array} \begin{array}{c} \circ \\ \text{সঁ সঁ গা গা} \end{array} \begin{array}{c} + \\ \text{সঁ সঁ গা গা} \end{array} \begin{array}{c} \circ \\ \text{সঁ জঁ রঁ সঁ} \end{array} \\
\circ \text{ঠ} \circ \circ \mid \circ \circ \text{এ থন্} \mid \circ \circ \text{পা-ত্} \mid \text{লে কি হ সঁ} \mid$

$\begin{array}{c} + \\ \text{সঁ সঁ সঁ সঁ} \end{array} \begin{array}{c} \circ \\ \text{সঁ সঁ জঁ রঁ সঁ} \end{array} \begin{array}{c} + \\ \text{গা গা গা গা} \end{array} \begin{array}{c} \circ \\ \text{গা ধা পা মা} \end{array} \\
\text{গা} \circ \text{বে র্} \mid \text{টে} \circ \text{কি} \circ \mid \circ \circ \text{ভা ন্} \mid \text{বিকি ধা ন্} \mid$

$\begin{array}{c} + \\ \text{জঁ মা মা সঁ} \end{array} \begin{array}{c} \circ \\ \text{পা সঁ গা ধা} \end{array} \begin{array}{c} + \\ \text{পা সঁ সঁ সঁ} \end{array} \begin{array}{c} \circ \\ \text{সঁ গা ধা পা} \end{array} \parallel \parallel \parallel \text{III} \\
\text{খা} \circ \text{লি} \circ \mid \text{মা} \circ \text{চা} \circ \mid \text{রে} \circ \circ \circ \mid \circ \circ \circ \circ \parallel \parallel \parallel \text{III}$

৪। এই না কালরূপ আমার লাগিল নয়নে গো

I সা গা গা | গা -া | গা মা I মা -া -পা | পা -া | পা -পা I
 এ ই না কা ও ল ও ক্র ও প্ আ ও মা ব্

I পা ধা -া | গা -া | গা ধা I পধা মপা ম | গা -া | -া পা I
 লা গি ও ল ও ন ও য ও নে গো ও ও ও

I পা মা গা | রা রা | সা সা I রা রসা সা | সা -া | -া -া I
 ক ল ং ক ও র ই ল ও জ লে ও ও ও

I সা সা রা | সা রসা | ন্ ন্ I সজ্জা জা -রা | রা সা | রসা ন্ I
 ভ রা ও না ও হু ই ফ রে ব্ কা ও লে ও

I সা -গা গা | গা -া | মা -পা I গমা রগা -া | -া -া | -া গা I
 ল ল্ ভ রি ও বা ব্ যা ও ও ও ও ও স্

I মা মা -পা | পা -া | ধপা মা I মা -পা মা | পা ধা | গা -া I
 জ লে র ছা ও যা য কৃ ষ্ ণ ক্র প্ গো ও

I -া -া -া | ধসঁ গধা | পা পা I পা ধা -া | সঁ গা -া | ধা গা I
 ও ও ও ও ও যে মুন্ দেখি ও বা ও রে ও

I পা -া ধপা | মা পা | গা -পা I 'কলঙ্ক রইল জলে' গাহিতে হইবে ।
পা ০ ই গো ০ ০ ০

II মা পা -পা | না -া | না সাঁ I সাঁ -া সাঁ | সাঁ -া | রসাঁ -না I
স ০ ব্ স ০ খী ০ লা ০ ল্ | গো ০ নী ল্

I সাঁ -া জাঁ | রজাঁ রাঁ | রসাঁ -সাঁ I না সাঁ -া | -া -া | -া -া I
গ ০ উব্ ব ০ র ০ শা ড়ী ০ ০ ০ ০ ০

I মা মা পা | পা -া | ধপা মা I মা পা গা | ধপা ধা | পধা পা I
ত্রি রা ০ ধা ব্ পৈ ০ র নে ০ | শো ০ | ভে ০

I মা -মা পা | পগা ধনা | পধা -পা I মা মা -া | গা মা | গা পা II
কৃ ষ্ ০ নী ০ লা ম্ ব রী ০ গো ০ ০ ০

'কলঙ্ক রইল জলে' গাহিতে হইবে ।

সা না II সা গা গা | গা -া | গা মা I মা পা -া | পধা পমা | গা গা I
দা দা জি ০ জা সি ০ য়ে ০ দেখ ০ | চা ০ ০ ই

I গা -গা পা | মা -া | মা পা I পপা মগা রা | রা সা | সগ রগ I
কা ব্ র ম ০ গী ০ কা ০ ল জ ০ লে ০

I সরা সা -া | -া -া | -া সা | মা I মা পা | পা -া | ধপা মা I
ষা ০ ০ ০ ০ ০ য ধী রে ০ ধী ০ রে ০

I মা পা মা | পা ধা | গা -া I -া -া -া | ধসাঁ গধা | পা -া I
যা য গো রা ০ ধে ০ ০ ০ ০ ০ ০ ০ ০

I পা ধা -ধা | পা -পা | পগা ধগ I পা ধা -পা | পা -া | -া -া I
হী রা ব্ ক ল্ সৌ ০ কা ০ ঙ্ থে ০ ০ ০

I মা -মা পা | পগা ধা | পা -মা I মা মা গা | গা রা | রগা রগা I
মা ন্ জা চি ০ ক ন্ হেই লে ০ ছ ই লে ০

I সা রা সা | -া -া | -া সা II
ষা ০ ০ ০ ০ ০ ০ য

II মা পা -া | না -া | না -া I না -সাঁ সাঁ | সাঁ -া রসাঁ না I
আ গে ০ পা ০ ছে ০ প ন্ চ দা ০ সী ০

I সী -া গী | রী -া | সী রী I না না না | সী -া | সর্গী রর্গী I
 ম ০ ধ্যে রা ০ ধা ০ রা ই রু প ০ সী ০
 I সর্গী সী -া | -া -া | -া -া I মা -মা পা | পণা ধা | পা -মা I
 ০ ০ চ -ন্ জ ব ০ দ ন্
 I গা গা -রা | রমা গা | রা সা I রা সা -া | -া -া | -া সা IIII
 কে ম ন্ দে ০ থা ০ যা ০ ০ ০ ০ ০ য

৫। ও গউর্ চাঁদ তোরা দেখ্

সা রা II রা গা -া | -া-গা গ্ণা মপা I গমা গা-া | -া গা পা পা I
 ও ০ গ উ ০ ০ ০ ব্ চা ০ ০ ০ ০ ০ ০ দ্ তো রা
 I পা ধা -া -া | ধা সী গধা -পা I -া পা পা গা | ধা পা ধপা মা I
 দে ০ ০ ০ ০ ০ ০ ০ থ্ ০ আ ই সে গো ০ চা ০
 I গা -পা পা মা | গা গা রা সা I রা গা গা মগা | রা গরা সা রা II
 ০ দ্ ন দে ০ উ দ য় হ ই য়া ০ ছে ০ 'ও' গউর্...
 II -া -া মা পা | -পা না না -ধা I না -পা -সী সী | সী -া সী রী I
 ০ ০ চা দে ব্ মা লা ০ চা ০ দ্ গী থ ০ নি ০
 I সনা -া না -া | -া সী গী -া I রী গী সর্গী সী | -া -া না না I
 ০ ০ কে ০ ০ গীই থা ০ দি ল ০ ০ ০ ০ স জ
 I না সী সী -া | -া -া -া -া | -া -া মা পা | -পা না না ধা I
 নী ০ লো ০ ০ ০ ০ ০ ০ ০ এ ম ন্ রুপ্ আ ব্
 I না -া সী -সী | সী -া রা সী I না -া না না | -া সর্গী রর্গী I
 জ ০ ন য় ত ০ রে ০ ০ ০ দে থি ০ না ০ ই
 I সর্গী সী -া -া | -া -া না -না I না সী সী -া | সী -া -সী সী I
 গো ০ ০ ০ ০ ০ তা র হা ০ তে ০ চা- দ্ ক
 I না সী না পা | -া না না -না I -া -া না সী | না ধা পা -া I
 পা ০ লে ০ ০ ০ চা দ্ ০ ০ চা দে ০ চা দে ০

I পা ধা ধা গধা | পা -া মা পা I গমা গা -া -া | রা গর সা রা II
 আ ০ ল য় কই ০ রা ০ ছে ০ ০ ০ ০ ০ 'ও ০' গউরু...
 II -া -া মা পা | -পা না না -ধা | না -সাঁ সাঁ -সাঁ | সাঁ -া গাঁ রাঁ I
 ০ ০ লে গে -া ছে এ ক্ টা ০ দে ব্ বা ০ জা ০
 I সঁনা -া না না | -া সাঁ গাঁ -া I রাঁ গাঁ সঁরাঁ সাঁ | -া -া না না I
 ০ ব্ তা কি ০ জা ন ০ না ০ ০ কি ০ p ও তারু
 I -া -া মা পা | পা না -া নধা I না সাঁ সাঁ -া | সাঁ -া সঁগাঁ রঁসা I
 ০ ০ পা ০ দ প ০ দ্বে কো ০ টি ০ | টা ০ ০ ০
 I না -না না না | সাঁ সাঁ গাঁ -া | রঁগাঁ সঁরাঁ সাঁ -া | -া -া না না I
 ০ দ্ ক রে ০ সা ধ ০ না ০ ০ ০ ০ ০ ও গো
 I না সাঁ সাঁ -া | সাঁ -া সঁরাঁ -সাঁ I না পা পা না | -া না না -না I
 ৩ ০ জা ০ র ০ বা ন্ ছি ০ ত ০ ০ যে টা দ্
 I -া -া না সাঁ | না ধা পা -া I পা ধা ধা গধা | পা -া পা মা I
 ০ ০ টা দে ০ টা দে ০ মি ০ শা ০ গি ০ য়া ০
 I গমা গা -া -া | -া -া সা রা IIII
 ছে ০ ০ ০ ০ ০ ০ 'ও' ০

গউরু.....

৬। একদিন দেইখাছি যারে

II পা -পা মা পা | গমা -গা রা সা I সা -া সা ঠা | সা ঠা রসা গা I
 এ ক্ দি ০ ০ ন্ দে ই খা ০ ছি ০ যা ০ রে ০
 I -া -া সা গা | ঠা- মা পা -পা I ধা পা ধা পা | মা মপা গা পা I
 ০ ০ তা রে ০ ভো ল ন্ না ০ যা য় গো ০ ০ ০
 I -া -া সা সা | রা সা গা -া I সা জা -া -জা | রা জরা সা রসা I
 ০ ০ স বা ই ব্ লে ০ মে ০ ০ ঘ্ মে ০ ০ ০
 I ন্ -ন্ সা -গা | -গা মা পা পা I মপা মা গা -া | -া -া -া -া I
 ০ ঘ্ মে ০ ঘ্ ন য় গো আ ০ ভা ০ ০ ০ ০ ০

- I -া -া মা -পা | পা পা পা মা I পা গা -া | ধা গধা পা ধপা I
 ০ ০ তো ম্ রা নি দে ই খা ০ ছ ০ স ০ ০ ০
- I মা -মা মা পা | -পা গা ধা পা I পা ধপা মা পমা | গা মা গা পা I
 ০ ই মে ঘে ব্ আ ডে ০ জ ০ বা ০ গো ০ ০ ০
- I পা -পা মা পা | গমা -গা রা সা I সা -া সা -া | -া সা সা -া II
 এ ক্ দি ০ ০ ন্ দে ই খা ০ ছি ০ ০ যা রে ০
- II -া -া পা সা | -া সা সা গা I সা জঁ জঁ -া | রঁ জঁ রঁ সা রঁ সা I
 ০ ০ চ র ০ নে ন্ ০ পু ০ র ০ বা ০ ০ ০
- I গা গা গা সা | গা সঁজঁ রঁ -জঁ I সঁরঁ সা সা -া | -া -া সা সা I
 জে ০ হা তে ০ মো হ ন্ বা ০ শি ০ ০ ০ অ তার
- I -া -া গা সা | -া সা জঁ রঁ I সা -া গা সঁগা | ধা গধা পা ধপা I
 ০ ০ গ লে ০ শো ভে ০ ব ০ ন ০ মা ০ লা ০
- I মা -া মা পা | -া গা ধা গা I গধা পা পা -া | -া -া পা মা I
 ০ ০ মু খে ০ ম্ ছ ০ হা ০ সি ০ ০ ০ গো ০
- I -া -া রা মা | -া মা মা পা I পা -া পা -পা | পা -া ধপা মা I
 ০ ০ চু ডা ০ য়ে ম ০ য় ০ রে ব্ পা ০ খা ০
- I পা গা গা -া | ধা গধা পা ধপা I মপা মা মা -া | -া মা পা গা I
 ক ০ রে ০ ঝি ০ কি ০ মি ০ কি ০ ০ তা রে ০
- I -া -া -া গা | পা মা -া পা I গপা মগা রা সা | রা সা গ্ -া I
 ০ ০ ০ ম নে ব ০ লে প্রা ০ গ ০ ০ স ই ০
- I গ্ -সা সা মা | -জা রা সা সা I রা রসা সা -া | গা মা পা -া I
 এ ক্ বা ০ ব্ দে ০ থে আ ০ সি ০ গো ০ ০ ০
- I পা -পা মা পা | গমা -গা রা সা I সা -া সা -া | -া সা সা -া II
 এ ক্ দি ০ ০ ন্ দে ই খা ০ ছি ০ ০ যা রে ০
- II -া -া সা সা | রা সা সগ্ -া I সা জঁ জঁ -া | রা জঁরা সা রসা I
 ০ ০ পী রি ০ তি পী ০ রি ০ তি ০ য ০ ০ ০

I -না -না সা গা | গা মা পা -পা I মপা গমা গা -গা | গা -া গা পা I
 ত ন্ পী রি তি গ লা ব্ হা ০ ০ ব্ গো ০ এ মন্
 I -া -া মা -পা | পা -া ধপা মা I পা গা গা -গা | ধা গধা পা মা I
 ০ ০ পী ০ রি ০ তি ০ যে ০ জ ন্ ক ০ রে ০
 -া -া মা পা | পা গা ধা -পা I পা ধপা মা পমা | গা মা গা পা I
 ০ ০ স ফ ল্ জ ন ম্ তা ০ ০ ব্ গো ০ ০ ০
 পা -পা মা পা | গমা -গা রা সা I সা -া সা -া | -া সা সা -া II
 এ ক দি ০ ০ ন্ দে ই থা ০ ছি ০ ০ যা রে ০
 পা পা II মা -মা পা সা | -সা সা সা গা I সা জর্জা জর্জা -া | রা জরা সা রসা I
 আ মা ০ ব্ ন য় ন্ নি ল ০ কা ০ ল ০ রু ০ পে ০
 I গা -া গা সা | -গা সর্জর্জা রা জর্জা I সর্জর্জা সা সা -া | গা ধা পা মা I
 ০ ০ ম ন ০ নি ল ০ বাঁ ০ শি ০ গো ০ যা রে
 I মা -া পা -া | গা -া ধা -া I পা ধপা মা পমা | গা মগা রা গরা I
 শু ০ ই ০ লে ০ স্ব ০ প ০ নে ০ দে ০ থি ০
 I সা গ্গা গ্গা সা | ম জা রা জা I সরা সা সা -া | গা মা পা -া
 ০ ০ জা গি ০ য়া না ০ দে ০ থি ০ গো ০ ০ ০
 I পা -পা মা পা | গমা -গা রা সা I সা -া সা -া | -া সা সজা রজা I
 এ ক্ দি ০ ০ ন্ দে ই থা ০ ছি ০ ০ যা রে ০
 I সরা সা -া -া | -া -া -া -া IIII
 ০ ০ ০ ০ ০ ০ ০ ০

৭। এ পার বইসা বাজাও বাঁশী

II গা গা পা পা পা া ধা সা সা সা রাঁ গাঁ গাঁ গাঁ I
 এ পা ব্ বই সা ০ বা জা ও ০ বাঁ শি ০ ০
 রর্গাঁ রাঁ গাঁ রা রাঁ গাঁ রর্গাঁ সর্জর্জা সা সা সা না না I
 ০ ০ ০ ০ এ পার বই সা শু ০ নি ০ হায় রে
 না না সাঁ রাঁ সাঁ গা ধা পা পা পা ধা ধা ধা গা I
 আ মি ত অ ব লা না রাঁ সাঁ তাব্ না হি ০ ০

পা ধা ধা পা মগা রা রা গা বগা সরী সা সা সা সা III
জা নি ০ ০ রে ০ এ পার্ বই সা শু ০ নি ০

II সা সা ধা সা রা মগা রা রা পা পা ধা গধা পা পা I
বাঁ শি বা জান্ জা ন না ০ অ স ম য়ে ০ ০
পা মা গা রা া সা সা সা রা গা বগা মগা বগা মগা I
বাঁ জাও বাঁ শি ০ কা লা ০ মন্ তো ০ ০ ০ ০
রা সা সা সা II
মা নে না ০

II গা পা পা পা ধা গা ধা পা গা পা ধা সা সা I
য খন্ আ মি বই সারে থা কি শু রু জ নার মা ঝে
সেই না ঝা ড়ের বাঁ শিরে তো মার্ লা গুরু য দি পা ই
সা সা সা রাঁ মা গা রাঁ সা গা ধা পধা গধা পা মা পা ধা I
ও রে, নাম ধ রি যা বা জে রে বাঁ শি ০ ০ শুই না ম
ও রে, ঝা ড়ে মূ লে উ পা ড়ি যা ০ ০ ০ সা য় রে
গা পা ধা ধা সগা ধপ মা পা গা ধা পা পা পা পা I
রি লা জে ০ ০ ০ শুই না ম রি লা ০ জে ০
ভা সা ই রে ০ ০ সা যা রে ০ ভা সা ই ০

II পা পা গা পা পা ধা গা ধা পা গা পা ধা সা সা I
ও রে রন্ ধন্ শা লা তে বই সা য খন্ আ মি ০
না সা সা সা সা রাঁ রাঁ রাঁ সা সা গা ধা ধনা সগা I
রান্ ধি ০ ওরে ভি জা কা ঠ চু লায় রে দি যা ০
ধা পা মা পা ধা গা পা ধা সা গা ধা পা পা পা I
০ ০ ধুঁ য়ার্ ছ লে কাঁ দি রে ০ ০ ০ ০
মা পা পগা ধনা পধা পা পা পা II
ধুঁ য়ার্ ছ লে কাঁ দি ০ ০

‘বাঁশি বাজান জান না.....মন তো মানে না’ ইহা গাহিতে হইবে।*



ঘ। বঙ্গীয় লোক-নৃত্যকোষ

আচার নৃত্য

যে সকল গোষ্ঠী এবং একক নৃত্য সামাজিক আচারানুষ্ঠানের অন্তর্ভুক্ত, তাহাদিগকে ইংরেজিতে ritual dance এবং বাংলায় আচার-নৃত্য বলা হয়। গাজন অনুষ্ঠানের মধ্যে ভক্ত্যা বা গাজুনে সন্ধ্যাসিগণ অনুষ্ঠানের বিভিন্ন অংশ পালন করিবার সময় যে আনুষ্ঠানিকভাবে নৃত্য করিয়া থাকে, তাহা ইহার উল্লেখযোগ্য নিদর্শন। ধর্মঠাকুরের গাজনে ধর্মঠাকুরকে মন্দির হইতে আনুষ্ঠানিকভাবে বাহির করিয়া আনিবার সময়, তাঁহাকে আনুষ্ঠানিকভাবে জ্ঞান করাইবার সময়, তাহাকে গ্রাম প্রদক্ষিণ করাইবার সময় ভক্ত্যাগণ সঙ্গে সঙ্গে নৃত্য করিয়া থাকে, তাহাই আচার নৃত্যের অন্তর্ভুক্ত। মেয়েলী ব্রত নৃত্যও আচার নৃত্য। পূর্ববাংলার সূর্যব্রত এবং যশোরের শীতলাব্রতে মেয়েরা কুলা মাধায় লইয়া চক্রাকারে নৃত্য করিয়া থাকে, তাহা আচার-নৃত্য। আচার-নৃত্য আচারের সঙ্গে সম্পর্ক-যুক্ত, বিশেষ আচার লুপ্ত হইয়া গেলে তাহার সঙ্গে সম্পর্ক-যুক্ত নৃত্যও লুপ্ত হইয়া যায়।

আদিবাসীর নৃত্য

বাংলার পশ্চিম এবং দক্ষিণ-পশ্চিম সীমান্ত অঞ্চল ব্যাপিয়া বিভিন্ন উপজাতি এখনও কোন কোন ক্ষেত্রে সংহত সমাজ-জীবন যাপন করে, এখনও তাহাদের মধ্যে তাহাদের নিজস্ব নৃত্য-পদ্ধতি প্রচলিত আছে। তাহাই বাংলার আদিবাসীর নৃত্য। উত্তর বাংলায় দুই একটি উপজাতি এখনও ক্ষুদ্র ক্ষুদ্র গোষ্ঠীবদ্ধ জীবনে বাস করে, তাহাদের নানা সামাজিক অনুষ্ঠানেও নৃত্যগীত অপরিহার্য। তাহাও আদিবাসী নৃত্যের অন্তর্ভুক্ত। আদিবাসী নৃত্যের বৈশিষ্ট্য এই যে, ইহার প্রধানত গোষ্ঠীনৃত্য, কোন কোন ক্ষেত্রে স্ত্রী ও পুরুষের মিলিত নৃত্য, কোন কোন ক্ষেত্রে স্ত্রীপুরুষের স্বতন্ত্র নৃত্যও হইয়া থাকে। আদিবাসীর মধ্যে নৃত্য এখনও জাতীয় জীবনের অন্তর্নিবিষ্ট (integrated), লোক-সমাজের তাহা নহে। বিবিধ সামাজিক এবং পারিবারিক উৎসব অনুষ্ঠান উপলক্ষেই আদিবাসীর নৃত্য অনুষ্ঠিত হইয়া থাকে। উৎসবের

পরিচয়েই নৃত্যেরও পরিচয় হয়, যেমন করম নাচ, পাতা নাচ, দাঁড়শালি নাচ, কাঠি নাচ ইত্যাদি। ইহাদের প্রত্যেকটির বিবরণ যথাস্থানে দেওয়া হইয়াছে।

বাংলা দেশে সাঁওতাল, ওরাওঁ ব্যতীত আর কোন আদিবাসীর সংহত সমাজ জীবন আর প্রায় নাই। মেদিনীপুর জেলার লোধা এবং শবর জাতিও হিন্দু প্রভাব দ্বারা প্রভাবিত হইবার ফলে তাহাদের সংহত সমাজ-জীবন ব্যাহত হইয়াছে। আদিবাসী নৃত্যের একটি প্রধান বৈশিষ্ট্য এই যে, তাহাদের গোষ্ঠী যত ক্ষুদ্রই হউক, নৃত্যের অস্থান তাহাদের নিজেদের গোষ্ঠীর মধ্যেই সীমাবদ্ধ, অতঃপর কোন গোষ্ঠী কিংবা সম্প্রদায়ের সঙ্গে মিলিত ভাবে তাহারা নৃত্য করে না। তাহার ফলে, তাহাদের নৃত্য অতঃপর কোন জাতির মধ্যে সহজে প্রসার লাভ করিতে পারে না। গোষ্ঠীর জনসংখ্যা হ্রাস পাইলে নৃত্যও লুপ্ত হইয়া যায়।

ইন্দপরবের নাচ

ভাদ্র মাসের শুক্লা দ্বাদশী তিথিতে পশ্চিম বাংলার সীমান্ত অঞ্চলে যে ইন্দপরবের অস্থান হয়, তাহাতে প্রচলিত নৃত্যই ইন্দপরবের নাচ। ইন্দ পূজা আদিম সমাজের বৃক্ষ পূজারই একটি রূপ, হিন্দু প্রভাবের ফলে ইহাকে এখন ইন্দ্রধ্বজ পূজা বলিয়া মনে করা হয়।

একটি বিরাট শালগাছের খুঁটি পুতিয়া তাহাকে ঘিরিয়াই সববেত নৃত্যগীত চলে। ইহা কোন বিশেষ সম্প্রদায়ের মধ্যে সীমাবদ্ধ নহে, স্থানীয় ভূস্বামিগণ এই অস্থান পালন করেন এবং বিভিন্ন জাতির লোকই ইহাতে যোগদান করিয়া নৃত্য এবং গীতে অংশ গ্রহণ করিয়া থাকে। ইহার সঙ্গে ছাতা পরবের নাচের (পরে দেখ) সম্পর্ক আছে। উভয়ই মূলতঃ অভিন্ন বলিয়া মনে হয়।

ওঝার নাচ

ইংরেজিতে যাহাকে Magic Dance বলে, বাংলায় তাহাকে ওঝার নাচ বলিয়া উল্লেখ করা যায়। কোন ঐন্দ্রজালিক ক্রিয়া সাধন করিবার উদ্দেশ্যে গ্রামের অলৌকিক শক্তির অধিকারী কিংবা অধিকারিণী বলিয়া যাহার উপর বিশ্বাস আছে, তাহার একক নৃত্যকে ওঝার নাচ বলা যায়। এই নৃত্য

উপলক্ষে ওঝার উপর কোন দেবতা কিংবা উপদেবতার 'ভর' (trance) হয়। নৃত্যকারীর বাহুজ্ঞান লুপ্ত হইয়া যায় বলিয়া বিশ্বাস। 'অজ্ঞান' অবস্থায় ওঝা যে নৃত্য প্রকাশ করে, তাহা কোন তান-লয় যুক্ত স্বাভাবিক নৃত্যঃস্থান নহে। ইহার উদ্দেশ্য অলৌকিক বলিয়া সাধারণ লোক বিশ্বাস্যবিষ্ট হইয়া সেই নৃত্য দর্শন করে, কোন মৌন্দর্ষবোধের প্রেরণায় তাহা করে না। বাংলা দেশে হিরালীর নাচ এবং হিজরার নাচকে এই শ্রেণীর নাচ বলিয়া গণ্য করা যায়। ছোটনাগপুর এবং উড়িষ্যার উপজাতি অঞ্চলে এই নাচের বহুল প্রচলন আছে। বাংলা দেশে ইহার প্রভাব ক্রমে লুপ্ত হইয়া আসিতেছে। হিরালী বা শিলারি এক প্রকার গ্রাম্য ওঝা। পূর্ব বাংলার পল্লী অঞ্চলে ইহাদের ব্যবসায় প্রচলিত আছে। তাহারা ঐন্দ্রজালিক নৃত্য এবং মন্ত্রোচ্চারণ দ্বারা মেঘের গতিবিধি নিয়ন্ত্রণ করিতে পারে বলিয়া বিশ্বাস। মন্ত্রোচ্চারণের সঙ্গে সঙ্গে তাহারা নৃত্য করিয়া থাকে। হাতে সর্বদাই একটি শিঙ্গা ও একটি ত্রিশূল লইয়া বেড়ায়। তাহাদের শিলাবৃষ্টি নিরোধ করিবার বিশেষ ক্ষমতা আছে বলিয়া মনে করা হয়।

হিজরার নৃত্য বাংলা দেশের প্রায় সর্বত্রই প্রচলিত আছে, তবে বিভিন্ন অঞ্চলে ইহার বিভিন্ন রূপ দেখা যায়। পূর্ব বাংলায় ইহার ঐন্দ্রজালিক প্রকৃতি এখনও অক্ষুণ্ণ আছে, পশ্চিম বাংলায় হিজরার নৃত্য আছে বটে, তবে ঐন্দ্রজালিক চরিত্রটি তাহা হইতে অনেকখানি লুপ্ত হইয়া গিয়াছে। পশ্চিম বাংলায় নবজাত শিশুর আয়ু এবং স্বাস্থ্যলাভের উদ্দেশ্যে শিশুকে হিজরার কোলে দেওয়া হয়, হিজরা শিশুকে কোলে লইয়া নৃত্য করে। ইহার মধ্যে ঐন্দ্রজালিক উদ্দেশ্য আছে, তবে নৃত্যের প্রণালীর মধ্যে ঐন্দ্রজালিক রূপ নাই।

একক নৃত্য

উচ্চতর সমাজের কিংবা প্রাচীন পদ্ধতির (classical) নৃত্যের মধ্যে একক নৃত্যের যে পরিমাণ সন্ধান পাওয়া যায়, লোক-নৃত্যের মধ্যে তাহা সেই পরিমাণে পাওয়া যায় না। যে সমাজে নারী পণ্যের সামগ্রী, সেই সমাজেই নারীর একক নৃত্যের প্রাধান্য। কিন্তু লোক-সমাজে নারী পুরুষের কেবলমাত্র বিলাস কিংবা পণ্যের সামগ্রী নহে, সেখানে তাহার একটি বিশেষ সামাজিক অধিকার আছে, সেখানে পুরুষের সঙ্গে সে সমান অধিকার ভোগ

করিয়া থাকে, তাহার ব্যক্তিজীবন সামগ্রিক সমাজ-জীবনের অন্তর্নিবিষ্ট। এক কথায় বলিতে গেলে, লোক-সংস্কৃতির সকল উপকরণই যেমন সমাজের সামগ্রিক স্রষ্টি, লোক-নৃত্যও সামগ্রিক অঙ্গুষ্ঠান। তবে ওয়া কিংবা প্রাচীন পদ্ধতির পুরোহিত শ্রেণীর লোকের ঐচ্ছজালিক নৃত্যানুষ্ঠান (magical dance)-কে যদি স্বতন্ত্র ঐচ্ছজালিক নৃত্য বলিয়া গণ্য না করিয়া লোক-নৃত্যের অন্তর্ভুক্ত বলিয়া ধরা যায়, তবে তাহাই একমাত্র একক লোক-নৃত্যের নিদর্শন বলিয়া গ্রহণ করা যাইতে পারে।

তবে বাংলা দেশের কোন কোন অঞ্চলে বালিকাবেশী বালকের যে একক নৃত্যানুষ্ঠান এখনও দেখিতে পাওয়া যায়, তাহা নারীর একক নৃত্যানুষ্ঠানের একটি আধুনিক রূপ বলিয়াই মনে হয়। এই সম্পর্কে পূর্ব বাংলার ঘাটু নৃত্যের কথাই সর্বাগ্রে মনে হয়। বর্তমানে হিন্দু ও মুসলমান ধর্মের প্রভাব বশত নারীর পরিবর্তে নারীবেশী পুরুষ এই নৃত্যানুষ্ঠান করিলেও এই নৃত্যের বহিমুখী রূপ ও প্রয়োগ পদ্ধতি বিশ্লেষণ করিলেই বুঝিতে পারা যায় যে, ইহা পূর্বে নারীরই নৃত্য ছিল, এখন সামাজিক কারণে নারী প্রকাশ্য নৃত্যে অংশ গ্রহণ করিতে পারে না বলিয়া নারীবেশে পুরুষই এই নৃত্য সম্পন্ন করিতেছে। ইহা মূলত যে একক নৃত্যই ছিল, তাহাও বুঝিতে পারা যায়। ইহা একক নৃত্য হওয়া সত্ত্বেও লোক-নৃত্য। এই প্রকার একক নৃত্যের নিদর্শন বাংলা দেশে আরও কিছু কিছু পাওয়া যায়। (‘বাংলার লোক-সাহিত্য’, ৩য় খণ্ড, পৃ ৭৩০-৭৩৪ দ্রষ্টব্য)।

করম নাচ

পশ্চিম সীমান্ত বাংলার আদিবাসী এবং অর্ধআদিবাসীর মধ্যে প্রচলিত একটি শস্তোৎসবের নাম করম পরব। ভাদ্রমাসের শুক্লা একাদশী তিথিতে এই পরবের অনুষ্ঠান হয়। নৃত্য এবং সঙ্গীত এই উৎসবের প্রধান অঙ্গ। ইহা জমীপুরুষের মিলিত নৃত্য, প্রধানত ইহা কুমারী নৃত্য, তবে সধবারাও এই নৃত্যে অংশ গ্রহণ করিতে পারে। করম একটি বৃক্ষের নাম। কদম গাছের মত ইহা দেখিতে এবং কদম ফুলের মতই ইহাতে বর্ষাকালে ফুল ফোটে, তবে ফুলের আকৃতি সাধারণ কদম ফুল হইতে ইহা আকারে কিছু ছোট। করম গাছেরই একটি শাখা আঙ্গিনায় প্রোথিত করিয়া ইহাকে ঘিরিয়াই নৃত্যগীত চলিতে

থাকে। করম গাছকে পাহাড়ী কদমগাছ বলা যায়, ইহা কদম গাছ পুজারই একটি আঞ্চলিক রূপ। এই নৃত্যের মধ্যে বিশেষত্ব আছে।

কাঠি নৃত্য

পশ্চিম সীমান্ত বাংলার একটি জনপ্রিয় লোক-নৃত্যের নাম কাঠি নৃত্য। সাধারণত দুর্গোৎসবের সময় সামন্তরাজদিগের পৃষ্ঠপোষকতায় এই নৃত্যের ব্যাপক অনুশীলন হইত। বর্তমানেও দুর্গোৎসবের সময়ই এই নৃত্যের আধিক্য দেখা যায়। ইহা যুদ্ধনৃত্যের একটি অবশেষ বলিয়া মনে হয়। পূর্বে লাঠি লইয়া নৃত্য হইত, এখন তাহার পরিবর্তে কাঠি লাঠির স্থান অধিকার করিয়াছে। ইহা গোষ্ঠীনৃত্যের একটি সুন্দর নিদর্শন। দুই হাতে দুইটি কাঠি লইয়া একটি বৃত্ত রচনা করা হয়, নৃত্যকালে পার্শ্ববর্তী ব্যক্তির কাঠিতে আঘাত করিয়া করিয়া বৃত্তাকারে নৃত্য চলিতে থাকে। ইহাতে কাঠি দিয়া সতর্কভাবে আত্ম-রক্ষার প্রয়োজন হয়। আত্মরক্ষা করিতে না পারিলে কাঠির আঘাত গায়ে লাগে। ইহা গুজরাটের রাসনৃত্যের অনুরূপ। তবে গুজরাটের রাস নৃত্য স্ত্রী পুরুষের মিলিত নৃত্য, বাংলার কাঠি নাচ বর্তমানে পুরুষেরই নৃত্য। তবে কোন কোন অঞ্চলে পুরুষ নারীবেশে সাজিয়া এই নৃত্যের অনুষ্ঠানে যোগদান করিতে দেখা যায়। নারীর বেশ গোপিকার বেশ। নৃত্যের পটভূমিকায় সঙ্গীত শুনিতে পাওয়া যায়। সঙ্গীতে এখন রাধাকৃষ্ণ-প্রসঙ্গের উল্লেখ থাকে।

কাচ নৃত্য

পাত্র পাত্রীর বেশ ধারণ করিয়া নৃত্য করিবার নাম কাচনৃত্য। চন্দ্রশেখর আচার্যের গৃহে শ্রীচৈতন্য এই নৃত্যের অনুষ্ঠান করিয়াছিলেন বলিয়া ‘চৈতন্য ভাগবতে’ উল্লেখিত আছে।

‘সদাশিব বুদ্ধিমন্ত খানেরে ডাকিয়া।

বলিলেন প্রভু, কাচ সজ্জ কর গিয়া ॥

শঙ্খ কাঁচুলী পাটশাড়ী অলঙ্কার।

যোগ্য যোগ্য করি সজ্জ কর সবাকার ॥

গদাধর কাচিবেন রুস্তমীর কাচ।

ব্রজানন্দ তার বুড়ী সখী সুপ্রভাত ॥

নিত্যানন্দ হইবেন বড়াই আমার ।
 কোতোয়াল হরিদাস জাগাইতে ভার ॥
 শ্রীবাস নারদ কাচ, স্নাতক শ্রীরাম ।
 দিয়ড়িয়া হাড়ি মুই বোলয়ে শ্রীমান্ ॥
 অধৈত বোলয়ে কে করিবে পাত্র কাচ ?
 প্রভু বলে, পাত্র সিংহাসনে গোপীনাথ ॥
 সত্বরে চলহ বুদ্ধিমন্তধান তুমি ।
 কাচ সজ্জ কর গিয়া নাচিবাঙ আমি ॥—মধ্যলীলা

অন্তর সাজ সজ্জা গ্রহণ করিয়া নৃত্য করিবার নাম কাচ নৃত্য। যে নৃত্যে কোন সাজ সজ্জা গ্রহণ করিবার প্রয়োজন হয় না, তাহা সাধারণভাবে নাচ মাত্র।

কার্তিক পূজার নাচ

উত্তর বাংলা বিশেষত কুচবিহার জিলায় কার্তিক পূজা উপলক্ষে এক শ্রেণীর নৃত্যগীত ব্যবসায়ী সারারাত্রি জাগিয়া নৃত্যগীতের অনুষ্ঠান করিয়া থাকে, ইহাদিগকে গিদালী বলে। ঢাকের বাগের তালে তালে এই নৃত্যের অনুষ্ঠান হয়। ইহারা ব্যবসায়ী নর্তক, বিভিন্ন অনুষ্ঠানেই ইহারা নৃত্য দেখাইয়া থাকে। কার্তিক পূজা উপলক্ষে যে নৃত্য হয়, তাহার সঙ্গে সঙ্গে সময়োচিত গানও শুনিতে পাওয়া যায়। গানের জন্ত ‘বাংলার লোক-সাহিত্য’ ৩য় খণ্ড, পৃ. ৪৫২-৬০ দ্রষ্টব্য।

কালী কাচ

কালীর রূপ ধারণ করিয়া তাঁহার অস্তরের সঙ্গে সংগ্রাম করিতে করিতে যে নৃত্য প্রদর্শিত হয়, তাহা পূর্ববঙ্গে বিশেষত ঢাকায় কালী কাচ নামে পরিচিত। ঢাকার কালীকাচ বিশেষ প্রসিদ্ধ। তাহাতে নৃত্যপর কালী মৃত্তিকার উপর শায়িত শিবের বৃকের উপরে তলোয়ার দ্বারা একটি কলাকে দ্বিখণ্ডিত করিয়া ফেলিতে দেখা যাইত। চৈত্র সংক্রান্তির সময় এই নৃত্যের অনুষ্ঠান হইয়া থাকে। কালীর সঙ্গে অস্তরের যুদ্ধ নৃত্যের ভিতর দিয়া প্রধানত প্রকাশ করা হইয়া থাকে।

কালী নাচ

ঢাকার কালী কাচ ব্যতীতও বাংলার প্রায় সর্বত্রই কালী নাচ প্রচলিত আছে। ইহাদের মধ্যে মালদহের গম্ভীরা উৎসব উপলক্ষে কালী নাচ উল্লেখযোগ্য। ইহাতে কালীর মুখোশ পরা হয়, কালীকাচে মুখোশ পরা হয় না, মুখে কালো রঙ মাখিয়া কালীর সাজ হয়। মালদহের গম্ভীরায় কালীর কাঠ নির্মিত মুখোশ পরিয়া হাতে তরবারী লইয়া ধীর লয়ে কালী নৃত্য করে। নৃত্যকারী বালকের উপর কালীর 'ভর' হয় বলিয়া বিশ্বাস।

খেমটা নাচ

অষ্টাদশ এবং উনবিংশ শতাব্দীতে যে সকল নৃত্য উত্তর ভারত অঞ্চল হইতে বাংলা দেশে প্রসার লাভ করিয়াছে, তাহাদের মধ্যে খেমটা বা বাইজী নাচ অন্ততম। বিহারের ব্যবসায়িনী নর্তকীদিগের মধ্যে ইহার একটি লৌকিক রূপ আত্মপ্রকাশ করিয়াছিল, তাহাই বিহারের সীমান্তবর্তী অঞ্চল হইতে পশ্চিম বাংলার পুুলিয়া বাঁকুড়া মেদিনীপুর জিলার ঝাড়গ্রাম প্রভৃতি অঞ্চলে বিস্তার লাভ করিয়াছে। ইহা ব্যবসায়িনী নর্তকী সম্প্রদায়ের নাচ এবং কেবল মাত্র তাহাদের মধ্যেই সীমাবদ্ধ। খেমটা নাচের সঙ্গীতে রাধাকৃষ্ণের বিষয় পরিবেশন করা হয়, খেমটিরা অধিকাংশ ক্ষেত্রেই শ্রীরাধার বেশ ধারণ করিয়া নৃত্য করিয়া সঙ্গীতের ভাবটি প্রকাশ করে। পশ্চিম বাংলায় খেমটা নর্তকীরা যে গান গাহিয়া থাকে, তাহাকে বুঝু গান বলে।

গরু নাচ

কাতিকী অমাবস্তা তিথিতে পশ্চিম বাংলার কৃষক এবং গৃহস্থদিগের মধ্যে যে গো-পূজার অস্থগ্ঠান হয়, তাহার একটি অঙ্গের নাম গরু নাচ। গরুগুলিকে সেদিন স্নান করাওয়া তেল সিঁদূর মাখান হয়, বস্ত্র করিয়া তাহাদিগকে আহাৰ করাওয়া এক একটিকে এক একটি খুটিতে বাঁধা হয়। তারপর ইহাদিগকে লাঠি দিয়া খোঁচাইয়া খোঁচাইয়া বিব্রত করিয়া তুলা হয়। চারিদিক ঘিরিয়া পানোয়ন্ত পুরুষের দল মাদলের তালে তালে নৃত্য করে। গরুকেও সঙ্গে সঙ্গে 'নাচানো' তাহাদের উদ্দেশ্য; কিন্তু গরু ভয় পাইয়া ছুটিয়া পলাইয়া

যাইবার জন্ত প্রাণপণ চেষ্টা করে। ইহাই ইহার 'নাচ' বলিয়া মনে করা হয়।
(বাংলার লোক-সাহিত্য, ৩য় খণ্ড পৃ. ২৪১ দ্রষ্টব্য)

গম্ভীরা নাচ

গম্ভীরা মালদহের জাতীয় উৎসব ; গীতি এবং নৃত্য এই উৎসবের প্রধান অঙ্গ। ইহা মালদহের কৃষকেরই উৎসব, কৃষিকর্মের বাৎসরিক সাফল্য ও ব্যর্থতার পর্যালোচনাই এখনও ইহার মূল বিষয়। লৌকিক উৎসব মাত্রেরই নৃত্য একটি প্রধান অঙ্গ, সেই সূত্রে ইহাতেও নৃত্যের একটি বিশেষ স্থান রহিয়াছে। গম্ভীরা নৃত্যে দেবদেবীর মুখোঁস ব্যবহার করা হইয়া থাকে। এই সম্পর্কে বিস্তৃত আলোচনার জন্ত 'বাংলার লোক-সাহিত্য' ৩য় খণ্ড পৃ. ৭৫২-৭৬২ দ্রষ্টব্য।

গাজন নৃত্য

চৈত্রসংক্রান্তির সময় বাংলার এক প্রাস্ত হইতে অপর প্রাস্ত পর্যন্ত ঢাকের বাজে মুখরিত হইয়া উঠে ; এই সময় বাঙ্গালীর জাতীয় নৃত্যোৎসবের অমুষ্ঠান হইয়া থাকে বলিয়া অমুভব করা যায়। এই সময়ই পুরুলিয়ার ছো-নাচ, বীরভূম, বাঁকুড়ার ভক্ত্যানাচ, জগলি-চক্ষিণ পরগণার গাজন নাচ, মালদহের গম্ভীরা নাচ, দক্ষিণ বাংলার নীলের নাচ, মুর্শিদাবাদ অঞ্চলের বোলান ও আলকাপ, ঢাকার কালী কাচ, পূর্ব বাংলার অগ্নাগ্ন স্থানের ঢাকপাট ইত্যাদি বহুবিধ লোক-নৃত্যেরই অমুষ্ঠান হয়। ইহার একটি প্রধান বিশেষত্ব এই যে, উপরে যে সকল নৃত্যের উল্লেখ করিলাম, তাহাদের প্রত্যেকটিই পুরুষের নৃত্য, চৈত্র সংক্রান্তি উপলক্ষে যে নৃত্যের অমুষ্ঠান হইয়া থাকে, তাহাতে নারীর কোন স্থান নাই। ইহাতে পুরুষই নারীর বেশ ধারণ করিয়া থাকে ; ইহার আরও একটি বিশেষত্ব এই যে, ইহা সর্বত্রই একক নৃত্য নহে, ইহাতে সমবেত নৃত্য বা সারী নৃত্যও আছে, শিবগৌরীর যুগ্মনৃত্যও দেখা যায়। এই নৃত্যে যে নারীর অংশ আছে, তাহা সত্য ; কিন্তু ব্রতনৃত্য কিংবা কোন কোন কৃষি নৃত্যের মত ইহাতে নারী স্বয়ং অংশ গ্রহণ করে না। এই বিষয়ে বিস্তৃত আলোচনার জন্ত 'বাংলার লোক-সাহিত্য' ৩য় খণ্ড, পৃ. ৭৫৪-৭৫৯ দ্রষ্টব্য।

গিদালী নৃত্য

উত্তর বাংলা বিশেষত কুচবিহার জিলায় এক শ্রেণীর নৃত্যগীত ব্যবসায়ীকে গিদালী বলে। সম্ভবত গীতওয়ালী কথাটিই উচ্চারণে এই প্রকার ব্যবহৃত হয়। নানা পূজা পার্বণে নৃত্যগীতের অহুষ্ঠান করাই তাহাদের ব্যবসায়। কুচবিহারের কাতিক পূজা বা ‘কার্ত্তিপূজা’ উপলক্ষে তাহারা সারা রাত্র ধরিয়া নৃত্যগীত করিয়া থাকে, সেই উপলক্ষে সময়োপযোগী সঙ্গীত তাহাদের মধ্যে শুনিতে পাওয়া যায়।

গোপিনী নৃত্য, গোপিনী খেলা

পূর্ব মৈমনসিংহ অঞ্চলে নিম্নশ্রেণীর হিন্দু নারীদিগের মধ্যে এক শ্রেণীর নৃত্য প্রচলিত আছে, তাহা গোপিনী খেলা বা গোপিনী নৃত্য বলিয়া পরিচিত। কয়েকটি মধ্য বয়স্ক নারী সারিবদ্ধভাবে দাঁড়াইয়া হাতে মন্দিরা বাজাইয়া গান করিতে করিতে নৃত্যভঙ্গিতে একবার পিছনের দিকে পিছাইয়া যায়, একবার সম্মুখের দিকে আগাইয়া আসে। হয়ত পূর্বে এই নৃত্য পদক্ষেপের কোন বিশেষত্ব ছিল, এখন আর তাহার কিছু নাই। ইহা এখন বৈচিত্র্যহীন। নৃত্যের সঙ্গে সঙ্গে সঙ্গীত চলিতে থাকে। সঙ্গীতের বিষয় রাধাকৃষ্ণের প্রেম। পুরুষের এই নৃত্য কোন অংশ নাই।

ঘাটু নৃত্য

পূর্ব মৈমনসিংহ, উত্তর ত্রিপুরা এবং পশ্চিম গ্রীহট্ট অঞ্চলে প্রচলিত বালিকা বেশী বালকের একক নৃত্যের নাম ঘাটু নৃত্য। প্রধানত নৌকার উপর নদীর ঘাটে ঘাটে এই নৃত্যের অহুষ্ঠান হয় বলিয়া ইহাকে ঘাটু গান বলে। মনে হয়, পূর্বে বালকের স্থান বালিকাই গ্রহণ করিত, বর্তমানে এই অঞ্চলে মুসলমান ধর্ম প্রবর্তনের জন্ত বালিকার প্রকাশ্য নৃত্য লুপ্ত হইয়াছে, তাহার ফলে বালিকার স্থান বালকই অধিকার করিয়াছে। ঘাটুর দল যখন সমবেতভাবে সঙ্গীতের মধ্য দিয়া শ্রীরাধার অন্তর্বেদনা ব্যক্ত করিতে থাকে, তখন ঘাটু বালক তাহার নীরব নৃত্যের ভিতর দিয়া তাহার ভাব ব্যক্ত করে। কোন মূর্ত্তা ব্যবহার না করিলেও হস্ত দ্বারা ভাব প্রকাশের ভঙ্গিমাটি সুন্দর। ইহার বিস্তৃত আলোচনার জন্ত ‘বাংলার লোক-সাহিত্য’ ত্রয় খণ্ড পৃঃ ৩৫১-৫২ দ্রষ্টব্য।

ঘোড়া নাচ

পশুপক্ষীর কোতুককর নৃত্যের মধ্যে এক জেগীর নৃত্যের নাম ঘোড়া নাচ । এক ব্যক্তি কৃত্রিম ঘোড়ার উপর ‘আরোহণ’ করিয়া মঞ্চে আবির্ভূত হয় । কৃত্রিম ঘোড়াটি কখনও একজন ঘোড়ার মুখোস পরা পুরুষের সহায়তায়, কিংবা কাঠের তৈরী ঘোড়ার কেবল মাত্র ঘাড় ও মুখটি ছারাই নির্মিত হয় । অথবা ‘আরুঢ়’ ব্যক্তিটি এমন ভাবে তাহার কোমর হইতে পা পর্যন্ত আচ্ছাদিত করিয়া রাখে যে, সে যে আর একজন পুরুষের কাঁধে চড়িয়া ঘোড়ায় চড়িবার অভিনয় করিতেছে, তাহা দর্শকের দৃষ্টিগোচর হয় না । যদি মাহুগুবাহক এই ক্ষেত্রে না থাকে, তবে একটি কাঠের ঘোড়ার ঘাড় ও মুখ এমন ভাবে নৃত্যকারীর কোমরে আঁটিয়া দিয়া তাহার নিম্নভাগ কাপড় দিয়া ঢাকিয়া রাখা হয় যে, সেই ব্যক্তিটি হাঁটিয়া গেলেও বুঝিতে পারা যাইবে যে, সে ঘোড়ায় চড়িয়া যাইতেছে । সেই অবস্থায় নিজের পায়েই সে নাচিতে থাকিলে মনে হইবে যে, ঘোড়াটিই নাচিতেছে । সে ঘোড়ার পিঠের উপর বসিয়াছে, ঘোড়া নাচের তালে তালে নাচিতেছে । ইহাই ঘোড়ার নাচ ।

ছো নাচ, ছৌ নাচ

সমগ্র পুরুলিয়া জিলা, বাঁকুড়া জিলার পশ্চিম সীমান্ত এবং মেদিনীপুর জিলার ঝাড়গ্রাম মহকুমার পশ্চিম সীমান্তে প্রচলিত এক জেগীর মুখোস নৃত্যের নাম ছো নাচ বা ছৌ নাচ । (ইহার সম্পর্কিত বিস্তৃত আলোচনা ‘বাংলার লোক-সাহিত্য’, ৩য় খণ্ড পৃঃ ১৯০-২০৫ এবং পৃঃ ৭৬৬-৭৭৬ তে দ্রষ্টব্য) । অনেকে এমন মনে করিয়া থাকেন যে, ছো নাচ পুরুলিয়ার সংলগ্ন অঞ্চল বর্তমানে বিহারের অন্তর্গত সরাইকেলাতে ‘উদ্ভূত’ হইয়াছিল, কিন্তু ইহা সত্য নহে । ছো নাচ বাঙ্গালীর নিজস্ব সাংস্কৃতিক সম্পদ—বিহার এবং উড়িষ্যার সংলগ্ন অঞ্চলে ইহা বিস্তার লাভ করিয়াছে মাত্র । (মুখোস নৃত্য দেখ)

জাওয়া নাচ

পুরুলিয়া জিলার মাহাতো সমাজের গৃহস্থ নারীরা ভাদ্র মাসে যে এক শস্ত্রোৎসব করিয়া থাকেন, তাহার নৃত্যাহুষ্ঠানের নাম জাওয়া নাচ । শস্ত্রের জাত কর্মের ইহাতে অহুষ্ঠান হয় বলিয়া জাত শব্দ হইতে জাওয়া শব্দের উৎপত্তি

হইয়া থাকিবে। সাধারণত ভাদ্র মাসে মাহাতে মেয়েরা একটি ডালির মধ্যে কিছু বালি সংগ্রহ করিয়া তাহাতে পঞ্চশস্ত্রের বীজ বপন করে। বীজগুলি যাহাতে সহজে উদ্যত হইতে পারে, সেজন্য তাহাদের উপর প্রত্যহ জল সিক্কন করে। তারপর নবোদ্যত শস্ত্রের চারাগুলি ডালা শুদ্ধ মাথায় করিয়া নির্দিষ্ট তিথিতে অগ্ন্যগ্ন প্রতিবেশিনীদের সঙ্গে মিলিত হইয়া প্রত্যেক গৃহস্থ বাড়ীর আঙ্গিনায় গিয়া উপস্থিত হয়। সেখানে উঠানের মধ্যে মাথা হইতে ডালাগুলি নামাইয়া রাখিয়া তাহা ঘিরিয়া মেয়েরা বৃত্তাকারে নৃত্য করে। ইহাই জাওয়া নাচ। নাচের ভঙ্গিতে দেহ একবার নোয়াইয়া একবার সোজা করা হয়, এমন ভাবে বার বার নামাওঠা করার সঙ্গে সঙ্গে ঘুরিয়া ঘুরিয়া নৃত্য চলিতে থাকে। সঙ্গে সঙ্গে যে গান শুনিতে পাওয়া যায়, তাহাতে ভ্রাতার মাহাত্ম্য কীর্তন করা হয়। ইহাই জাওয়া নাচের গান বা জাওয়া গান।

জারি নাচ

পূর্ব বাংলার প্রধানত মৈমনসিংহ জিলার জারি গানের সঙ্গে যে নৃত্য প্রচলিত আছে, তাহাকেই জারি নাচ বলে। জারি গানের গায়কগণ তাহাদের সংখ্যা অনুযায়ী ক্ষুদ্র কিংবা বৃহৎ একটি বৃত্ত রচনা করেন। একজন মূল গায়ন বৃত্তের বাহিরে থাকিয়া গীতিশুরে কাহিনী গাহিয়া গাহিয়া যায়, নৃত্যকারিগণ মধ্যে মধ্যে ধুয়া ধরে। নৃত্যের সময় বিশেষত বৃত্তের মধ্যেই একবার এক পা আগাইয়া যাইবার পর আর এক পা পিছাইয়া যায়, এইভাবে ধীর লয়ে বহুক্ষণ ধরিয়া নৃত্য চলিতে থাকে। কোন কোন সময় নৃত্যকারিগণ পায়ে নুপুর পরে, কাঁধের গামছাটা হাতে রুমালের মত করিয়া কখনও এক হাতে কখনও দুই হাতে ধরিয়া ঢুলাইতে থাকে। যখন বীর-রসের বৃত্তান্ত বর্ণনা করা হয়, তখন পাদক্ষেপ সবল এবং দ্রুত হয়, যখন করুণ রসের বর্ণনা চলে, তখন পদক্ষেপ মৃদু এবং ধীর হয়। এই নৃত্যের মধ্য দিয়া কোন কোন সময় যথার্থ পৌরুষের স্পর্শ অনুভব করা যায়।

ঝুমুর

পশ্চিম বাংলার মুণ্ডা এবং জাঁবিড় ভাষা ভাষী উপজাতীয় দিগের গোষ্ঠীনৃত্যের নাম ঝুমুর। এই উপলক্ষে যে গান গাওয়া হয়, তাহাকেও ঝুমুর গানই বলে।

ঝুমুর নৃত্য নানা প্রকারের হইতে পারে। তবে নারীসমাজে অধিবৃত্তাকারে পরস্পরের কটিবেষ্টন করিয়া একবার তিন পা আগাইবার পর আর একবার তিন পা পিছাইয়া যাইবার যে রীতি প্রচলিত আছে, তাহাই ব্যাপক ভাবে ঝুমুর বলিয়া পরিচিত। এই নৃত্যে যে সকল পুরুষ মাদল কিংবা বাঁশী বাজায়, তাহাদিগকে ‘রসিক’ বলে, ইহা ব্যতীত এই নৃত্যে পুরুষের আর কোন কর্তব্য নাই। রসিক এই নৃত্যে অংশ গ্রহণ করে না, কেবল বাজেই অংশ গ্রহণ করে।

টুঙ্গ নাচ

পুকলিয়া জিলায় পৌষ মাস ব্যাপিয়া টুঙ্গ পরব নামে যে শস্তোৎসব অনুষ্ঠিত হয়, তাহাতে কোন কোন অঞ্চলে গানের সঙ্গে নৃত্যও দেখিতে পাওয়া যায়। নৃত্য পূর্বে অত্যন্ত ব্যাপক ছিল, বর্তমানে ইহার প্রচলন নীতান্ত সীমাবদ্ধ হইয়া আসিতেছে। মেদিনীপুর জিলার ঝাড়গ্রাম মহকুমার অন্তর্গত যে বেলপাখাড়ী নামক গ্রাম আছে, তাহার টুঙ্গ উৎসব বিশেষ উল্লেখযোগ্য। সেখানে পুরুষও টুঙ্গ নৃত্যে অংশ গ্রহণ করিয়া থাকে। নৃত্যের সঙ্গে সঙ্গে গাহঁস্য জীবন ভিত্তিক নানা সঙ্গীত শুনিতে পাওয়া যায়।

ঢাকী নৃত্য

বাংলাদেশের প্রায় সর্বত্রই যাহারা ঢাক বাজায়, তাহারা কখনও সমবেত ভাবে কখনও বা একক ভাবে ঢাক বাজাইয়া ঢাকের তালের সঙ্গে সঙ্গে নৃত্য দেখাইয়া থাকে, তাহাকে ঢাকীনৃত্য বলে। ঢুলীরাও অল্পরূপ ভাবে ঢোল বাজাইয়া নৃত্য দেখাইয়া থাকে, তাহাকে ঢুলী নৃত্য বলা যায়। ইহাদের নৃত্য বাজের সঙ্গে সঙ্গে জড়িত, নিজেরাই বাজায় এবং বাজনার তালে তালে নিজেরাই নাচে। ইহা সম্পূর্ণ একক অনুষ্ঠান। তবে কেহ সঙ্গে সঙ্গে কাঁশী বা শানাই বাজাইতে পারে। ঢাকী নৃত্যের প্রারম্ভিক বাজের নাম ঢাকীর ধুমূল।

ঢালী নাচ

পশ্চিম বাংলার যুদ্ধনৃত্যের একটি অবশেষ ঢালী নাচ। ঢাল লইয়া পাইকগণ এই নৃত্য করিয়া থাকে বলিয়া ইহা ঢালী নাচ নামে পরিচিত। যশোহরে রাজা প্রতাপাদিত্যের যে সৈন্য দল ছিল, তাহাদের মধ্যেও ঢালী নৃত্য

প্রচলিত ছিল। একহাতে ঢাল আর এক হাতে লাঠি লইয়া প্রধানত ডোম পাইকগণ যুদ্ধের মহড়া দিবার সময় যে সমবেত ভাবে লাঠি চালানার কৌশল প্রদর্শন করিত, তাহাই ঢালী নৃত্য বলিয়া পরিচিত। ঢাকের তালে তালে এই নৃত্য হয় বলিয়া ইহার মধ্যে যুদ্ধ নৃত্যের বীরত্বের ভাবটি সুস্পষ্ট হইয়া উঠে। ইহার মধ্যে স্বভাবতই কোন সঙ্গীত নাই, তবে মধ্যে মধ্যে উচ্চ ফুৎকার (yell) শুনিতে পাওয়া যায়, ইহা বীরত্ব ব্যঞ্জক, কোমল মধুর গীতিস্বর-ব্যঞ্জক নহে।

দশাবতার নাচ

চৈত্রসংক্রান্তির গাজন উপলক্ষে কোন কোন স্থানে ভক্ত্যা বা সন্ন্যাসীরা দশাবতারের ভঙ্গিতে নৃত্য করিয়া থাকে, তাহাই দশাবতার নাচ। মংস্ত্রাবতারের নৃত্যের সময় জলের মধ্যে মংস্ত্রের চলিবার ভঙ্গি করা হয়, কূর্ম-বরাহ সম্পর্কেও তাহাই করা হয়। তারপর হিরণ্যকশিপু প্রভৃতি চরিত্রের ভাব প্রকাশ করিয়া পরপর নৃত্য হয়।

দাঁড়শালী নাচ

পশ্চিম সীমান্ত বাংলার অদিবাসী এবং অর্ধ আদিবাসীদিগের মধ্যে প্রচলিত এক শ্রেণীর কেবলমাত্র পুরুষের নাচ দাঁড়শালী নাচ বা দাঁড়শালী কুমুর নাচ বলিয়া পরিচিত। ইহার সঙ্গে সাধারণত কোন উৎসবের সম্পর্ক নাই। যে কোন দিন কর্ম হইতে একটু অবসর পাইলেই গ্রামের আখড়া বা নৃত্যঙ্গনে এই নৃত্যের অনুষ্ঠান হইয়া থাকে। পুরুষেরা হাত ধরাধরি করিয়া বৃত্ত রচনা করে এবং সেই ভাবে নৃত্যে যোগদান করে। কুমুর গান, মাদল ও বাঁশীর বাজসহযোগে নৃত্য চলিতে থাকে।

ধামালী

প্রধানত শ্রীহট্ট জিলায় প্রচলিত এক শ্রেণীর মেয়েলী নৃত্যের নাম ধামালী। ইহার সঙ্গে যে সঙ্গীত ব্যবহৃত হয়, তাহাও ধামালী বা ধামাইল বলিয়া পরিচিত। ভদ্রগৃহের গৃহস্থ কত্থা ও বধূরা এই নৃত্যে যোগদান করিয়া থাকে। সাধারণত নবান্নের সময়, গৃহে নতন বধূকে বরণ করিয়া লইবার সময় কিংবা বৌ নাচের সময় (পরে দেখ) এই নৃত্যের অনুষ্ঠান হয়। দুই হাতে

তালি দিয়া কখনও কখনও ডান পা সামনের দিকে তুলিয়া মাঝে মাঝে দুই হাতে কোমরে ধরিয়া এই নৃত্য হইয়া থাকে। সাধারণ বেশ ভূষাই এই নৃত্যে ব্যবহৃত হইয়া থাকে, বিশেষ কোন বেশভূষার প্রয়োজন হয় না। পারিবারিক অথচ কোন কোন অস্থান উপলক্ষেও পরিবারের মহিলাদের মধ্যে ইহার আয়োজন হইয়া থাকে। ধামালী শব্দটি পশ্চিমবাংলায় প্রাপ্ত চতুর্দশ শতাব্দীর পুঁথি ‘শ্রীকৃষ্ণকীর্তনে’ সাধারণ ভাবে রঙ্গরস অর্থে ব্যবহৃত হইয়াছে।

নাটুয়া নাচ

পুর্নুলিয়া জিলায় প্রচলিত এক জ্যেগীর বীর-রসাত্মক পুর্নুলের নৃত্যের নাম নাটুয়া নাচ। পুর্নুলিয়ার ছো নাচের মত ইহা মুখোস নৃত্য নহে, অথচ ছো নাচের মত ইহাতে বলিষ্ঠ অঙ্গ সঞ্চালন দেখা যায়। ইহা কৌতুক রসাত্মক নৃত্য না হইলেও ইহাতে নানা রঙের কাপড়ের টুকরা গায়ে বাঁধিয়া, মুখে রঙ মাখিয়া নৃত্য করা হয়। অথচ বলিষ্ঠ অঙ্গ সঞ্চালন এবং সদর্প পদক্ষেপ দ্বারা ইহার মধ্য হইতে সকল কৌতুককর ভাব দূর হইয়া যায়। ইহা যেমন একক নৃত্যও হইতে পারে, তেমনই গোষ্ঠী বা সারী নৃত্যও হইতে পারে। এই নৃত্যের সঙ্গে বাংলার বিশিষ্ট আনন্দ বাগ্মন্ত্র ধামসা (ঢাক নহে) বাজিয়া থাকে। ইহা বাংলার যুদ্ধনৃত্যের অবশেষ বলিয়াই মনে হয়। বর্তমানে ইহা বিস্তালা ব্যক্তিদিগের বিবাহের বরানুগমনে ব্যবহৃত হয়।

পাইক নৃত্য

পশ্চিম বাংলার পশ্চিম সীমান্ত অঞ্চলে প্রচলিত বাংলার যুদ্ধনৃত্যের একটি অবশেষ এই পাইক নৃত্য এখনও কোন কোন স্থানে দেখিতে পাওয়া যায়। সাধারণত সামন্ততন্ত্রের যুগের শারদোৎসবে ইহার আড়ম্বরপূর্ণ অনুষ্ঠান হইত। পাইকগণ স্থানীয় ভূস্বামীদিগের পদাতিক সৈন্য স্বরূপ ছিল। অবসর সময়ে তাহারা যুদ্ধের যে মহড়া দিত, তাহাই কালক্রমে নৃত্যে পর্যবসিত হইয়াছে। ইহা লাঠি হস্তে গোষ্ঠীনৃত্য, বলিষ্ঠ অঙ্গ সঞ্চালন ইহার বিশেষত্ব।

পাতা নাচ

পশ্চিম সীমান্ত বাংলার আদিবাসী সমাজে প্রচলিত স্ত্রী পুর্নুলের এক মিলিত নৃত্যের নাম পাতা নাচ। ইহার একটি বিশিষ্ট সামাজিক গুরুত্ব আছে। কোন

কোন অঞ্চলে এই নৃত্যৰ মধ্য দিয়া অবিবাহিত যুবক-যুবতীগণ তাহাদেৱ ভবিষ্যৎ বিবাহিত জীৱনেৰ সঙ্গী এবং সঙ্গিনী নিৰ্বাচন কৰিয়া থাকে। পাতা শব্দেৰ অৰ্থ বন্ধুত্ব পাতানো, বন্ধুত্ব পাতানোৰ নাচকে পাতা নাচ বলে। অৰ্থ আদিবাসীৰ মध्ये ইহা প্ৰচলিত নাই, কেবলমাত্ৰ যে সকল আদিবাসীৰ সামাজিক জীৱনেৰ সংহতি সুদৃঢ়, তাহাদেৰ মধ্যেই ইহা প্ৰচলিত।

পুতুল নাচ

পুতুল নাচ প্ৰকৃত লোক-নৃত্য কি না, এই বিষয়ে অনেকে সন্দেহ প্ৰকাশ কৰিতে পাৰেন, বিশেষত বাংলাদেশেৰ প্ৰধানত পশ্চিম বঙ্গৰ ভাগীৰথীৰ দুই তীৰে যে পুতুল নাচ সাধাৰণত দেখিতে পাওয়া যায়, তাহাতে পুতুল থাকিলেও তাহাৰ নৃত্য প্ৰাধাণ্য লাভ কৰে না, বৰং পুতুলেৰ অভিনয় প্ৰাধাণ্য লাভ কৰে। কিন্তু ছোটনাগপুৰেৰ আদিবাসী অঞ্চলে শীতকালীন মেলাগুলিতে যে এক শ্ৰেণীৰ পুতুল নাচ দেখা যায়, তাহাতে যেমন পুতুল আছে, তেমনই তাহাদেৰ নৃত্যও আছে; সেইজন্ত পুতুল নাচ বলিতে প্ৰকৃত তাহাই বুঝায়। বাংলাদেশেৰ পুতুল নাচেৰ মধ্যে নাচ প্ৰাধাণ্য লাভ কৰে না, বৰং কতকগুলি পুতুলেৰ সহায়তায় একটা যাত্ৰাৰ অভিনয় হইয়া থাকে মাত্ৰ। যাত্ৰাৰ মধ্যে নৃত্যেৰ যতটুকু স্থান, ইহাদেৰ মধ্যেও নৃত্যেৰ ততটুকু স্থান, নৃত্যেৰ তাহাৰ বেশি স্থান নাই। এই সম্পৰ্কে বিস্তৃত আলোচনাৰ জন্ত ‘বাংলাৰ লোক-সাহিত্য’ ৩য় খণ্ড, পৃ ৭৭৭-৭৮৬ দ্ৰষ্টব্য।

প্ৰাচীন পদ্ধতিৰ নৃত্য

মধ্য যুগে তুৰ্কী আক্ৰমণেৰ বিপৰ্য্যয়েৰ সন্মুখে ৰাষ্ট্ৰেৰ সহায়ত্ৰুতি বঞ্চিত হইয়া বাংলাৰ যে সকল চাৰুকলা বিলুপ্ত হইয়া গিয়াছে, বাংলাৰ নৃত্যশিল্প যে তাহাদেৰ অন্ততম, বাংলাৰ প্ৰাচীন সাহিত্য হইতে এগনও তাহাৰ প্ৰমাণ পাওয়া যায়। প্ৰাচীন নৃত্য কিংবা নৃত্যশিল্প বলিতে আমি ইহাকে লোক-নৃত্য (folk dance) হইতে এখানে পৃথক্ বলিয়া মনে কৰিতেছি। কাৰণ, দেখা যায়, তুৰ্কী আক্ৰমণ বা মুসলমান বিজয়েৰ পৰও বাংলাৰ কোনও কোনও প্ৰত্যন্ত অঞ্চলে লোক-নৃত্যেৰ ধাৰা দীৰ্ঘকাল পৰ্যন্ত কতকটা অব্যাহত

থাকিলেও শিল্প-সম্মত নৃত্য বা প্রাচীন বা ক্লাসিক্যাল নৃত্যের ধারা যে লুপ্ত হইয়া গিয়াছিল, তাহা প্রত্যক্ষই দেখিতে পাওয়া যায়।

আজ বাংলা দেশে যে প্রাচীন নৃত্যশিল্পের অভ্যাস দেখা যায়, তাহার সঙ্গে বাঙ্গালীর নৃত্যশিল্প-সাধনার নিজস্ব ধারার কোন যোগ নাই, ইহাকে পুনরুত্থান বা revival বলা যায় না ; কারণ, ইহা বাঙ্গালী জাতির বিলুপ্ত একটি শিল্পের পুনঃপ্রতিষ্ঠা নহে, বরং একদিক হইতে ইহা দক্ষিণ ভারতীয় নৃত্যের অনুকরণ, অন্য দিকে আধুনিক শিল্পবোধ দ্বারা ইহার নব রূপায়ণ। বাংলাদেশে এই বিষয়ে যে একটি নিজস্ব ধারা ছিল, সে সম্পর্কে অনুসন্ধান করিয়া কেহ তাহার পুনঃপ্রতিষ্ঠার প্রয়াসী হন নাই। দীর্ঘকাল যাবৎ বাংলাদেশে ইহার অনুশীলনের অভাবে এই সম্পর্কে অনুসন্ধান করাও সহজসাধ্য ব্যাপার নহে। বিশেষত যে সকল ক্ষেত্র হইতে এই সকল বিষয়ের সাধারণত অনুসন্ধান করা হইয়া থাকে, এ দেশে সে সকল ক্ষেত্রের অভাব আছে। সমগ্র ভারতের মন্দিরগুলিকে আশ্রয় করিয়া নৃত্যশিল্পের যেমন আধুনিক কাল পর্যন্তও বিকাশ হইয়া আসিয়াছে এবং সেখানে কেবল মাত্র মন্দিরগুলির মধ্যে অনুসন্ধান করিলেই যেমন সে দেশের নৃত্যশিল্পের একটি সামগ্রিক পরিচয় পাওয়া যায়, বাংলা দেশে তাহা পাওয়া যায় না ; কারণ, বাংলা দেশে অমুরূপ মন্দিরেরই অভাব আছে।

বাংলার মুসলমান শাসনের আমলে মন্দিরগুলিই রাষ্ট্রশক্তির আক্রমণের প্রধান লক্ষ্য ছিল এবং নানা ভাবে কেবলমাত্র যে মন্দিরের ইট-পাথরগুলিই বিধ্বস্ত করা হইয়াছে, তাহা নহে, এদেশে মন্দির সম্পর্কিত কোন সংস্কার কিংবা জনশ্রুতিও গড়িয়া উঠিবার অবকাশ পায় নাই। দক্ষিণ ভারতের অবস্থা ইহার সম্পূর্ণ বিপরীত। সে দেশে দেবমন্দিরগুলিকে কেন্দ্র করিয়া দেশের সংস্কৃতি নানা ভাবে গড়িয়া উঠিবার নিরূপদ্রব অবকাশ লাভ করিয়াছে। এই সকল মন্দিরের মধ্যে কেবল যে নৃত্য-শিল্পের প্রত্যক্ষ অনুশীলন মাত্রই হইয়াছে, তাহা নহে—যুগে যুগে সে দেশের নৃত্য রাষ্ট্রের সহায়ভূতি লাভ করিয়া যে ভাবে বিকাশ লাভ করিয়াছে, তাহারও সুবিস্তৃত পরিচয় মন্দির গাওঁ উৎকীর্ণ হইয়া আছে। উড়িষ্যা হইতে আরম্ভ করিয়া সমগ্র দক্ষিণ ভারত পর্যন্ত বিস্তীর্ণ অঞ্চলের মধ্যে যে অগণিত হিন্দুমন্দির অক্ষত ভাবে সহস্রাধিক বৎসর যাবৎ বিরাজ করিতেছে, তাহাতে উৎকীর্ণ মূর্তিগুলির নৃত্যভঙ্গি অনুসরণ করিয়া

গেলেট দক্ষিণ ভারতের নৃত্যশিল্পের ক্রমবিকাশের ধারা সার্থক ভাবে অনুসরণ করা যায়। তারপর দক্ষিণ ভারতীয়ের জীবনে নৃত্যের সংস্কার আধুনিকতম কাল পর্যন্ত যে ভাবে সক্রিয় রহিয়াছে, তাহার মধ্যেও ইহার বহু দূরাগত একটি ঐতিহ্যের ধারা বর্তমান আছে। কিন্তু বাংলা দেশে ইহাদের কিছুই নাই। এখানে সুপ্রাচীন মন্দিরও যেমন নাই। প্রাচীন শিল্প-সম্মত নৃত্যের ধারাও বর্তমান নাই। ভারতের প্রাচীন সংস্কৃতি বিষয়ক উপকরণের অনুসন্ধান-কারিগণ এই দুইটি ক্ষেত্র হইতেই ইহার উপকরণ সংগ্রহ করিয়া থাকেন। তাঁহাদের শিক্ষা এবং অভ্যাস এই বিষয়ে এমনি অনমনীয় (rigid) হইয়া রহিয়াছে যে, যেখানে এই উপকরণের অভাব দেখিতে পান, সেখানেই এই বস্তুরই অভাব বলিয়া মনে করিয়া সেদিকে আর দৃষ্টিপাত করিবার অবকাশ পান না। প্রত্যেক দেশেরই ঐতিহাসিক উপাদান যে এক হইতে পারে না, এই কথাটি তাহারা বুঝিতে পারেন না। সেই জন্ত বিভিন্ন দেশে নতন নতন ক্ষেত্র হইতে মানব ইতিহাসের যে সকল বিচিত্র উপকরণ সংগৃহীত হইতে পারে, সেই বিষয়ে আমাদের দেশের পুরাতত্ত্ববিদগণ সম্পূর্ণ নিবিকার।

বাংলার ইতিহাস দক্ষিণ ভারত হইতে স্বতন্ত্র। সুদীর্ঘকাল নিরুপদ্রব সমাজ-জীবন ভোগ করা এই দেশের ভাগ্যে ছিল না। সেই জন্ত এই দেশে কোন স্থায়ী কীর্তি গড়িয়া উঠিতে পারে নাই। এই সূত্রেই কোনও ঐতিহ্য এ দেশে দীর্ঘকাল ধরিয়া বিকাশ লাভ করিবার পরিবর্তে তাহা বিভিন্ন পরিচ্ছেদে বিভক্ত হইয়া গিয়াছে। ভাস্কর্য কিংবা স্থপতির নথর কীর্তিতে এ' দেশের ঐতিহ্য ধরা দেয় নাই। কিন্তু সেইজন্ত এই দেশে যখন আপাত দৃষ্টিতে সভ্যতার কোন উপাদানের অভাব দেখা যায়, তখন এই দেশের তাহা একটি বিশেষ ক্রটি বলিয়া গণ্য করিবার পূর্বে আমাদের অভ্যাস্ত ক্ষেত্র ব্যতীতও তাহার সম্বন্ধে অগ্রত্ব হইতেও অনুসন্ধান করা আবশ্যক হয়। ঐতিহাসিকের উপেক্ষিত সেই প্রকার একটি ক্ষেত্র হইতে প্রাচীন বাংলার নৃত্যশিল্পের যে পরিচয় পাওয়া যায়, তাহা বাংলার সাংস্কৃতিক জীবনের একটি নতন পরিচয় প্রকাশ করিতে পারে।

বাংলার প্রাচীন স্থপতি এবং ভাস্কর্য কীর্তিতে প্রাচীন বাংলার নৃত্যশিল্পের উল্লেখযোগ্য কোন নিদর্শন না পাওয়া গেলেও, প্রাচীন সাহিত্যে ইহার যে পরিচয় পাওয়া যায়, তাহা কোন দিক দিয়াই উপেক্ষা করা যাইতে পারে না।

মঙ্গলকাব্য বাংলার প্রাচীন সাহিত্য ধারার অন্তর্ভুক্ত বাংলার জাতীয় সাহিত্য। ইহার মধ্যে সে কালের বাংলার যে সমাজ চিত্র পাওয়া যায়, তাহা কেবল কবির কল্পিত ভাব-স্বপ্ন মাত্র নহে, ইহার মূলে বাস্তব জীবনের প্রেরণা সক্রিয় ছিল। ইহাদের মধ্যে সঙ্গানী দৃষ্টি নিক্ষেপ করিলে এখনও এখান হইতেই বাংলার অতীত সমাজ-জীবনের যে পরিচয় পাওয়া যায়, তাহা বাংলার ইতিহাসে কতকগুলি নূতন অধ্যায় যোজন্য করিতে পারে। মনসা-মঙ্গল ইহাদের মধ্যে নানা দিক দিয়া প্রাচীনতম বলিয়া মনে হয়। বাংলার এক অতি প্রাচীন-জীবনের সংস্কারের উপর ইহার ভিত্তি। ইহার মধ্যে প্রাচীন বাংলার নৃত্যশিল্পের যে পরিচয় পাওয়া যায়, তাহা হইতে বুঝিতে পারা যায়, ইহা একদিন বাঙ্গালীর জীবনে সাধনার বিষয় ছিল। সে কথাই এখানে উল্লেখ করিতেছে।

এ' কথা সকলেই জানেন, মনসা-মঙ্গলের নায়িকা বেহুলা দেবতাদিগকে নৃত্য প্রদর্শন করাইয়া তাঁহার জীবনের অভীষ্ট পূরণ করিয়াছিলেন। এই কথাটি গভীর তাৎপর্য মূলক। যে সমাজ-জীবন হইতে এই কাহিনী জন্ম লাভ করিয়াছিল এবং যে সমাজ এই কাহিনীকে দীর্ঘকাল যাবৎ পৃষ্ঠপোষকতা করিয়া আসিয়াছে, সেই সমাজেরই জাতীয় কাব্যের নায়িকা-চরিত্রের সর্ব প্রধান গুণ নৃত্যকুশলতা। ইহা হইতেই নৃত্যশিল্পের প্রতি সমাজের এক মনোভাব ছিল, তাহা বুঝিতে পারা যাইতেছে। মনসা-মঙ্গল কাব্যের মধ্যে এই বিষয়টি যে পূর্বাপর সম্পর্কহীন একটি বিচ্ছিন্ন ও স্বাধীন বিষয়, তাহা নহে। এই কাব্য ঋাহারা গভীর ভাবে পাঠ করিয়াছেন, তাঁহারা দেখিয়াছেন, প্রাচীন নৃত্যশিল্পকে ইহার মধ্যে পূর্বাপরই একটি বিশেষ স্থান দেওয়া হইয়াছে। মনসা-মঙ্গল কাব্যের প্রথম অংশেই পর পর কয়েকটি শিব-নৃত্যের বর্ণনা আছে। মনসার সঙ্গে প্রথম পরিচয়ের দিন আনন্দের অভিব্যক্তি স্বরূপ শিব একবার নৃত্য করিতেছেন; কবি এই সম্পর্কে লিখিয়াছেন,

পদ্মারে লইয়া কাঁথে নাচে শিব ঘন পাকে,

চক্রাকারে নৃত্য করিবার মধ্য দিয়া প্রাচীন শিবনৃত্যের একটি বিশেষ রীতিরই এখানে বর্ণনা করা হইয়াছে। মনসা-মঙ্গলে শিব-নৃত্যের দ্বিতীয় বর্ণনাটি অত্যন্ত গুরুত্বপূর্ণ; সেই জন্ত তাহা আত্মপূর্বক উদ্ধৃত করিতেছি। মনসা চণ্ডীকে দংশন করিবার ফলে চণ্ডীর মৃত্যু হইয়াছিল, শিবের অমুরোধে মনসা চণ্ডীর দেহে প্রাণ সঞ্চার করিলেন। চণ্ডী যখন চক্ষু মেলিয়া তাকাইলেন, তখন তিনি

পার্বতীকে পাশে লইয়া আনন্দে নৃত্য করিতে লাগিলেন। ইহার বর্ণনায় চৈতন্য-পূর্ববর্তী কবি বিজয় গুপ্ত লিখিয়াছেন,

জগত মোহন শিবের নাচ ।
 সঙ্গ নাচে শিবের ভূত পিশাচ ॥
 রঙ্গে নেহালী গৌরীর মুখ ।
 নাচে গঙ্গাধর মনের কোতুক ॥
 হাসিতে খেলিতে চলিতে রঙ্গ ।
 নন্দী মহাকাল বাজায় মৃদঙ্গ ॥
 শিবাই নাচে রে মুখেতে গীত গাহে ।
 হাতে তালি দিয়া কিঙ্করে গীত গাহে ॥
 বিকট দশনে অকুটি ভাল সাঙ্গে ।
 ডুম ডুম বলিয়া ভমক বাজে ॥
 মরিয়াছিল চণ্ডিকা জীল আর বার ।
 ডাকিনী যোগিনী দিল জয়-জ্যোকার ॥
 কাতিক গগপতি দাঁড়াইয়া কাছে ।
 গৌরীমুখ নেহালিয়া ত্রিলোচন নাচে ॥
 দেখিয়া কোতুক দেব-সমাজে ।
 পুষ্প বরিষণ করে ধুমধুমি বাজে ॥
 ভাহিনীতে গৌরী বামে পদ্মাবতী ।
 হাসিয়া চলিল দেব পশুপতি ॥

প্রাচীন রীতি (Classical) অনুযায়ী হর-পার্বতী নৃত্যের ইহা একটি সার্থক বর্ণনা—ইহা কেবল মাত্র লোক-নৃত্যের বর্ণনা নহে। বাংলার প্রাচীন কোন মন্দির গাত্রে দক্ষিণ ভারতের অনুযায়ী হরপার্বতীর অম্লরূপ নৃত্যভঙ্গির পরিচয় পাওয়া যায় না সত্য, তবে হরপার্বতীর মিথুন মূর্তির সন্ধান পাওয়া যায়। কিন্তু মিথুন মূর্তিগুলির পরিচয় স্বতন্ত্র, ইহাদের মধ্য দিয়া প্রাচীন নৃত্যের কোন পরিচয় উদ্ধার করা যায় না। উদ্ধৃত বর্ণনাটি হইতে বৃষ্টিতে পারা যায়, বাংলা দেশ হইতে নৃত্যপর শিবের কোনও প্রাচীন মূর্তি আবিষ্কৃত না হইলেও এ দেশেও দাক্ষিণাত্যেরই অম্লরূপ শিবকে নৃত্যগুণ-সম্পন্ন দেবতা রূপেই কল্পনা করা হইত। অর্থাৎ নটরাজ শিবের পরিকল্পনাটি বাংলা দেশেও বর্তমান

ছিল বলিয়া মনে হয় এবং দক্ষিণ ভারতের সঙ্গে এই বিষয়ে বাংলা দেশের কোন বিষয়েই পার্থক্য ছিল না। উত্তর ভারতের পরিবর্তে দক্ষিণ ভারতের সঙ্গে বাংলা দেশের অনেক বিষয়েই যে সাংস্কৃতিক ঐক্য দেখিতে পাওয়া যায়, নৃত্যশিল্পও তাহাদের অগ্রতম। কিন্তু দক্ষিণ ভারতের নৃত্য-সংস্কার অব্যাহতভাবে অগ্রসর হইয়া আসিবার ফলে আধুনিক কাল পর্যন্ত ইহার পরিচয় লোকচক্ষুর সম্মুখ হইতে তিরোহিত হয় নাই; কিন্তু বাংলা দেশে তুর্কী আক্রমণের পর যে সামাজিক বিপর্যয় দেখা দিয়াছিল, তাহার ফলেই ইহা ক্রমবিকাশের পথে অগ্রসর হইতে না পারিয়া লুপ্ত হইয়া গিয়াছে।

মনসা-মঙ্গলে চাঁদ সদাগরের পুত্রবধু ও লখীন্দরের পত্নী বেহুলায় শৈশবকালীন শিক্ষা-দীক্ষা সম্পর্কে বলা হইয়াছে,

মা বাপের বাড়িতে বেহুলা নাচে গায়।

নৃত্য এবং সঙ্গীত এ দেশের নারীদের সাধনার বস্তু ছিল; সেইজন্য এই পথেই বেহুলা তাহার জীবনের অভীষ্ট সিদ্ধ করিতে সক্ষম হইয়াছিল।

নৃত্যকালীন তালভঙ্গ সে যুগের সমাজে এক কঠিন পাপ বলিয়া গণ্য হইত। এই পাপে অভিষাপগ্রস্ত হইয়া নৃত্যশিল্পীদিগকে স্বর্গভ্রষ্ট হইতে হইত; তার পর মর্ত্যলোকে দুঃসহ দুঃখভোগ করিয়া সেই পাপের প্রায়শ্চিত্ত করিতে হইত। কিন্তু নট-নটীদিগের নিজেদের দোষে তাল ভঙ্গ হইত না, কোন চক্রান্তকারী দেবদেবী ষড়যন্ত্র করিয়া তালভঙ্গ করিয়া দিতেন। তাহার ফলেই নট-নটীদিগকে অভিষাপগ্রস্ত হইতে হইত। সুতরাং অটুট নিষ্ঠার সঙ্গে যে ইহার সাধনা করা হইত, তাহা সহজেই বুঝিতে পারা যাইতেছে। মনসা-মঙ্গল হইতে উষা-অনিরুদ্ধের তালভঙ্গের বর্ণনাটি উদ্ধৃত করিতেছি—

জয় জয় পরে উষা কাঁচের বসন।

গঙ্গা যমুনা বন্দে মাথে মোহন বাঁশী নিল হাতে

দাঁড়াইল ইন্দ্রের সভায় ॥

কোঙর মুদঙ্গ নিলা উষা মোহন বাঁশী ॥

নৃত্য করিতে নামিলা রামা পরম রূপসী ॥

তাথিনী তাথিনী তাল নাচে কণ্ঠা সন্নিধান

ধন্য ধন্য বলে ইন্দ্র রায়।

মনসাকে বলে ধোবিনী শোন গো, ব্রাহ্মণি,
 কেন নৃত্য দেখ বিষহরী ।
 মা, বিষ-নঞানে চাও তালখানি ভেঙ্গে দাও
 পাউক দেখিবারে ইন্দ্র রায় ॥
 মা, বিষ নঞানে চায় তালখানি ভেঙ্গে যায়
 দেখিবারে পাইল ইন্দ্র রায় ॥
 উষা, হও লো নাটুয়ার জাতি গরবে না চিন মতি
 কি দেখিঞা তোর ভঙ্গ তালে ।
 নাটুয়া, আমার স্থান ছাড়রে, জগল লগুগা চণ্ডালের ঘরে
 এ' বার বছর তরে ॥

মনসার চক্রান্তে উষা-অনিরুদ্ধের তাল ভঙ্গ হইবার দোষে তাহাদের দ্বাদশ বৎসরের জগল স্বর্গ হইতে নির্বাসনের অভিশাপ হইল। সুতরাং নৃত্যকালীন তালভঙ্গ দোষটি সে যুগে যে কত গুরুতর বলিয়া বিবেচিত হইত, ইহা হইতে তাহাই প্রমাণিত হইতেছে। যে সমাজ নৃত্যশিল্প নিষ্ঠার সঙ্গে সাধনা করিত, সেই সমাজের নিকটই ইহার কোন প্রকার ত্রুটিবিচ্যুতি এই প্রকার কঠিন অপরাধ বলিয়া গণ্য হইবার কথা। সেই সংস্কার যে আমাদের মধ্য হইতে আজ একেবারেই লুপ্ত হইয়া গিয়াছে, তাহা লক্ষ্য করিবার বিষয়।

বাউল নাচ

বাউল বাংলার নিজস্ব একটি ধর্মসম্প্রদায়, নৃত্য এবং গীত ইহার সাধন-ভজনের অঙ্গ। সেইজগত এই সম্প্রদায়ের মধ্যে নৃত্যের একটি বিশিষ্ট স্থান আছে। বাউল একক নৃত্য। হাতে এক তার। এবং কোমরে বাঁয়া এবং তবলা বাঁধিয়া পশ্চিম বাংলার বাউলেরা নৃত্য করিয়া থাকে। পশ্চিম বাংলার বাউলদিগের মধ্যেই নৃত্যের ব্যাপক প্রচলন আছে। পূর্ব বাংলার বাউলেরা হাতে একতারা লইয়া সাধারণ ভাবে গানের সঙ্গে সঙ্গে নৃত্য করিলেও তাহাদের নৃত্য বিশেষত্বহীন। কিন্তু পশ্চিম বাংলার বাউলদিগের নৃত্যই বিশেষ প্রাণবন্ত। পূর্ব বাংলার বাউলেরা অনেক সময় নৃত্য ব্যতীতও কেবল একতারা বাজাইয়া ভাটিয়ালী সুরে বাউল গান গাহিয়া থাকে।

নৃত্যের ভিতর দিয়া বাউল তাহার ভগবানের সঙ্গে সাযুজ্যের স্তম্ভভীর

আনন্দ ব্যক্ত করিয়া থাকে। সুতরাং তাহার নৃত্য কেবলমাত্র বহির্মুখী বিষয় নহে, বরং অন্তরের সুগভীর অধ্যাত্ম প্রেরণা হইতে জাত। নিজস্ব অধ্যাত্ম উপলব্ধি ব্যতীত এই নৃত্যে বাউল সার্থকতা লাভ করিতে পারে না।

জয়দেব কেন্দুলীতে প্রতি বৎসর মাঘ মাসের প্রথম দিন এখনও বিয়াট বাউল সমাবেশ হয়। সেই উপলক্ষে বাউলের নৃত্যগীত বহু লোককে আকৃষ্ট করে।

বাঘ নাচ

কৌতুককর পশুপক্ষীর আকার ধারণ করিয়া নৃত্যের মধ্যে বাঘের রূপ ধারণ নৃত্যের অগ্রতম বিষয়। ইহাকে বাঘ নাচ বলে। বাংলার পল্লী অঞ্চলে এই শ্রেণীর নৃত্য পল্লীবাসীর আনন্দ দান করিত। ‘বাংলার লোক-সাহিত্য’ ৩য় খণ্ডে ‘বাঘ নাচ’-এর একটি বিস্তৃত বিবরণ প্রকাশিত হইয়াছে (পৃ: ৭২৩—৭২২)। ইহা একটি লোক-নাট্যের মত। দুই ব্যক্তি ব্যাঘ্র মাজিয়া তাহাতে একটি লৌকিক কাহিনীর অভিনয় করিয়াছে। ইহার চরিত্রের মধ্যে বেদে বা যে বাঘ শিকার করে ও বাঘ ধরিয়া নাচায়, মোড়ল, ওঝা, চোঁকিদার, বেদের স্ত্রী এবং ‘ব্যাঘ্র’ দ্বয়। ইহাদের কৌতুককর অভিনয়ই বাঘ নাচ বলিয়া পরিচিত।

বৌ নাচ

বাংলার পূর্ব এবং পশ্চিম সীমান্ত অঞ্চলে যথাক্রমে শ্রীহট্ট এবং বীরভূম জিলায় এক শ্রেণীর মেয়েলী নৃত্য প্রচলিত আছে, তাহাকে বউনাচ বলা হয়। শ্রীহট্ট জিলার পূর্ব সীমান্ত লগ্ন কাছাড় জিলাতেও বাঙ্গালী সমাজে বউ নাচের প্রচলন আছে। বর্তমানে স্ত্রীশিক্ষা প্ৰসারের জগ্ন ইহা দ্রুত লুপ্ত হইতে চলিয়াছে। শ্রীহট্ট এবং কাছাড় জিলায় গ্রামের কোন পরিবারের মধ্যে বিবাহ নিষ্পন্ন হইয়া যাইবার কিছুদিন পর একদিন গ্রামের মহিলারা নববধূর নৃত্য দেখিবার জগ্ন তাহার গৃহে নিমন্ত্রিত হইতেন। বধূ মুখে ঘোমটা টানিয়া দুইখানি হাতে বিচিত্র মুদ্রা ভঙ্গি করিয়া এবং ধীর লয়ে পদক্ষেপ দ্বারা সমবেত নিমন্ত্রিত নারীদিগের সম্মুখে তাহার নৃত্য কৌশল দেখাইয়া থাকে। ইহাই এই অঞ্চলের বউ নাচ।

বাংলাদেশের পশ্চিম প্রান্তবর্তী অঞ্চলের হিন্দু সমাজের একটি বিশেষ সম্প্রদায়ের মধ্যে বউ নাচ আর একটি স্বতন্ত্র রীতিতে প্রচলিত আছে। ইহাদের

উভয়ের মধ্যে যে কোন সম্পর্ক আছে, আপাত দৃষ্টিতে তাহা এখন আর মনে হইতে পারে না। বীরভূম জিলার সুবর্ণ বণিক সমাজে বিবাহের পর একদিন নববধূকে কোলে করিয়া তাহার মাতৃস্থানীয়া কোন নারী নিমন্ত্রিত জন সাধারণের সম্মুখে নৃত্য করিয়া থাকেন। মনে হয়, বাল্য-বিবাহ প্রবর্তিত হইবার পূর্বে যুবতী বধূ নিজেই এই নৃত্যে অংশ গ্রহণ করিত, তারপর রীতিটিকে রক্ষা করিবার জন্ত বালিকা-বধূকে ফোড়ে করিয়া নৃত্য করিবার অথবা প্রবর্তিত হইয়াছে। (বউ নাচের বিস্তৃততর বিবরণের জন্ত ‘বাংলার লোক-সাহিত্য’ ৩য় খণ্ড, পৃঃ ৭৮৭—৭৯০ দ্রষ্টব্য)

ব্রতনৃত্য

মেয়েলী ব্রত (ritual worship) ঐন্দ্রজালিক ক্রিয়ারই (magic) লৌকিক রূপান্তর মাত্র। ঐন্দ্রজালিক ক্রিয়া আদিম সমাজে প্রধানত একজন ব্যক্তিই অনুষ্ঠান করিত, সে-ই সমাজের পুরোহিত বা ওঝা (exorcist) নামে পরিচিত ছিল। কিন্তু মেয়েলী ব্রতনৃত্যের মধ্যে গোপনীয়তা (mysticism) কিছুই থাকে না। ইহা প্রকাশে যেমন অনুষ্ঠিত হইয়া থাকে, তেমনই পরিবারের যে কোন এক বা একাধিক মহিলাই তাহাতে অংশ গ্রহণ করিতে পারে। ঐন্দ্রজালিক নৃত্য অনেক সময় গোপনে অনুষ্ঠেয় এবং ইহার মধ্য দিয়া একটু রহস্যময়তার ভাব (mysticism) প্রকাশ পায়। ব্রত একটি সামাজিক আচারানুষ্ঠান, সেই স্বত্রে ব্রতের সম্পর্কযুক্ত নৃত্যও একটি সামাজিক আচারানুষ্ঠান। যথেষ্টভাবে ইহার অনুষ্ঠান হয় না, ইহার জন্ত যে সময় নির্দিষ্ট থাকে, তাহা ব্যতীত ইহার অনুষ্ঠান হইতে পারে না।

বাংলাদেশে প্রচলিত মেয়েলী ব্রতের মধ্যে তিনটি ভাগ প্রধান—প্রথমত কুমারী মেয়েদের ব্রত, তাহাতে বিবাহিতা নারীরা অংশ গ্রহণ করিতে পারে না; তারপর বিবাহিতা নারীগণের ব্রত, তাহাতে কুমারী কিংবা বিধবাগণ অংশ গ্রহণ করিতে পারে না; তৃতীয়ত এমন ব্রত যাহাতে সকল শ্রেণীর নারীই অংশ গ্রহণ করিতে পারে। এই বিভিন্ন প্রকৃতির ব্রতগুলি গভীর ভাবে বিশ্লেষণ করিলে দেখা যায়, ইহাদের প্রায় প্রত্যেকটির সঙ্গেই কোন না কোন ভাবে নৃত্যের সম্পর্ক একদিন বর্তমান ছিল। মধ্যযুগের সমাজে অধিকাংশ নৃত্যই ধর্ম এবং আচার জীবনের সঙ্গে সংশ্লিষ্ট ছিল, বিশেষত স্ত্রীসমাজের কোন নৃত্যই

সামাজিক আচার বহির্ভূত ছিল না। মেয়েলী ব্রতের পুরোহিত মেয়েরা নিজেরাই, পুরুষ পুরোহিতের তাহাতে প্রয়োজন হয় না। নিজেদের মধ্যে মেয়েরা কথা, গীতি এবং নৃত্য দ্বারাই ব্রত উদ্‌ঘাপন করিত। তাহার কিছু কিছু নিদর্শনের বাংলার প্রান্তিক অঞ্চলে এখনও সন্ধান পাওয়া যায়। কাছাড়ের বাংলাভাষাভাষী অঞ্চলের ধামাইল ব্রতনাচ, যশোরের শীতলা ব্রতের নাচ এবং বর্ধমান, বীরভূম পুন্ডলিয়া অঞ্চলের ভাঁজো ও জাওয়া ব্রতের নাচ ইহারই নিদর্শন। এতদ্ব্যতীত কোন কোন ব্রতকথার মধ্যেও দেবতার নৃত্যের কথা আছে। নৃত্য দেবতাদিগের নিকটও একান্ত প্রিয় বলিয়া দেবতাদিগের তুষ্টির নিমিত্তই ব্রতিনীরা নৃত্য প্রদর্শন করিতেন। এই বিষয়ে বাংলাদেশের সর্বত্র প্রচলিত মনসা ব্রতের কাহিনীটি উল্লেখ করিতে পারা যায়। তাহাতে দেখা যায়, মনসা স্বয়ং প্রতিদিন নৃত্য অভ্যাস করিয়া থাকেন এবং তাঁহার নিষেধ সত্ত্বেও সদাগরের ছোট বৌ গোপনে তাঁহার নৃত্য দেখিয়া ফেলিয়াছিলেন বলিয়া তিনি তাহাকে অভিশাপ দিয়াছিলেন। সুতরাং যে ব্রতিনীরা মনসার প্রসাদ যাজ্ঞ করিত, তাহারা স্বভাবতই তাঁহার প্রসন্নতার জন্ত নৃত্যের অহুষ্ঠান করিত। মনসার সেবিকা বেহলাও নৃত্যবিদ্যা পারদর্শিনী ছিলেন। বর্ধমান জেলার ভাঁজো ব্রতের ছড়ায় মেয়েরা নৃত্যের সঙ্গে সঙ্গে গায়—

ভাঁজো লো কলকলানি, মাটির লো সরা,

ভাঁজোর গলায় দেব আমরা পঞ্চফুলের মালা।

এক কলসী গঙ্গাজল, এক কলসি ঘি,

বছরান্তে একবার, ভাঁজো, নাচবো না তো কি ?

এমন কি, ব্রতিনীরা তাহাদের এই পারমাথিক বাসনা দেবতাদের নিকট নিবেদন করে—

ষোল ষোল বতীর হাতে ষোল সরা দিয়া।

মোরা যাই ইন্দ্রপুরীর নাটুয়া হইয়া।

তাহারা স্বর্গে গিয়া দেবী হইয়া থাকিতে চাহে না, বরং নর্তকী হইয়া ইন্দ্রসভার চিত্তবিমোদন করিতে চাহে। ঐহিক জীবনে নৃত্যের সংস্কার যদি প্রবল না থাকে, তবে পারলৌকিক কামনার মধ্যে তাহা এই ভাবে প্রবেশ লাভ করিতে পারে না।

রাজনৈতিক কারণে বাংলার সমাজ-জীবনের বিপর্যয়ের ফলে প্রকাশ্যভাবে নারীর নৃত্য এই স্ৰমাজের মধ্য হইতে অনেক ক্ষেত্রেই লুপ্ত হইয়া গেলেও ব্রত বা আচার (ritual) নৃত্য অবলম্বন করিয়াই ইহা শেষ অস্তিত্ব রক্ষা করিয়াছে। কারণ, পল্লীজীবন নিতান্ত রক্ষণশীল এবং নারীর আচার-জীবন তদপেক্ষা রক্ষণশীল। সুতরাং যাহা আচার-জীবনের অন্তর্ভুক্ত হইয়া গিয়াছে, পুরুষ তাহা বহিমুখী বিপর্যয়ের মধ্যে অনেক সময় পরিত্যাগ করিতে উত্তম হইলেও নারী তাহা সহজে বিসর্জন দিতে পারে নাই। সেইজন্য বাংলার প্রাচীন নৃত্য-পদ্ধতির কিছু পরিচয় এখনও নারীর আচার-জীবনের মধ্য হইতে সন্ধান পাওয়া যায়। আচার নৃত্য সহজে পরিবর্তিত হইতে পারে না ; কারণ, যে উদ্দেশ্যে আচার পালন করা হয়, আচারগুলি সম্পূর্ণ পালন না করিলে সেই উদ্দেশ্য সিদ্ধ হইতে পারে না বলিয়াই সমাজে আচারের খুঁটিনাটিগুলি পরিত্যক্ত হইতে বিলম্ব হয়। সেইজন্য যে সকল ব্রতনৃত্য এখনও সমাজে অবশিষ্ট আছে, তাহাদের মধ্যে বাংলার লোক-নৃত্যের প্রাচীন উপকরণগুলিই রক্ষা পাইয়াছে। ইহারা বৈচিত্র্যহীন হইতে পারে, কিন্তু ইহাদের মধ্যে সমাজের সাংস্কৃতিক জীবনের কিছু কিছু আদিম উপাদান রক্ষা পাইয়াছে বলিয়া সমাজতত্ত্ববিদগণ ইহাদিগকে অত্যন্ত মূল্যবান বলিয়াই গ্রহণ করিয়া থাকেন।

সূর্যব্রত ভারতের সকল শ্রেণীর নারীসমাজের একটি প্রধান ব্রত। সূর্য উর্বরতাশক্তি (fertility)-র আধার ; কারণ, সূর্যতেজ দ্বারা কৃষিকার্য নিয়ন্ত্রিত হয়। আদিম সমাজ বিশ্বাস করিয়াছে যে, ভূমির উর্বরতা শক্তি যাহা দ্বারা বৃদ্ধি পায়, নারীর উর্বরতাশক্তি বৃদ্ধির তাহাই সহায়ক ; সূর্যের আশীর্বাদে নারীও সম্ভান লাভ করিয়া থাকে এবং সূর্যের অভিশাপেই নারী বন্ধ্যাত্ব প্রাপ্ত হয়। সুতরাং সূর্যকে প্রসন্ন করিতে না পারিলে নারী কদাচ সম্ভানের জননী হইতে পারে না। সেইজন্য স্ত্রীসমাজ সূর্যকে নানা ভাবে প্রসন্ন করিবার প্রয়াস পাইয়াছে। মেয়েলী ব্রতগুলি ভারতের বিভিন্ন অঞ্চলে বিভিন্ন রূপ লাভ করিলেও ইহাদের মূল লক্ষ্য প্রায় অভিন্ন। সেইজন্য গুজরাটের বহু-প্রচারিত গরবা নৃত্যও যাহা, কাছাড়ের ধামালী-নৃত্যও তাহার কিছুমাত্র ব্যতিক্রম নহে ; কারণ, উভয় ক্ষেত্রেই সূর্যকে প্রসন্ন করা উদ্দেশ্য। এই উদ্দেশ্য পালন করিবার জন্য বিভিন্ন প্রণালী অবলম্বন করা হইয়া থাকে মাত্র। কিন্তু এই সকল প্রণালীর মধ্যেও কতকগুলি বিষয়ে ঐক্য দেখিতে পাওয়া যায়। সূর্য বৃত্তাকৃতি এবং

আকাশচারী। সেইজন্য বৃত্তাকারে দাঁড়াইয়া কখনও সূর্যের প্রতীক প্রদীপ কিংবা অগ্নি কোন বস্তু মস্তকে কিংবা হস্তে ধারণ করিয়া তাঁহার প্রসন্নতা সাধন করিবার প্রয়োজন হয়। স্তবরাং ভারতের বিভিন্ন অঞ্চলের সূর্যব্রত-নৃত্যের মধ্যে এই সকল বিষয়ে মৌলিক ঐক্য দেখিতে পাওয়া যায়। গুজরাটের যে গবরা নৃত্য কেবলমাত্র প্রচারের জন্য সর্ব ভারতীয় পরিচয় লাভ করিয়াছে, তাহার সঙ্গে ভারতের অন্যান্য অঞ্চলের সূর্যব্রত-নৃত্যের মৌলিক সম্পর্ক রহিয়াছে, বাংলার সূর্যব্রতের নৃত্যের সঙ্গেও তাহার পার্থক্য কেবলমাত্র বহিমুখী—অন্তর্মুখী নহে। অর্থাৎ বাংলার মেয়েরা সূর্যব্রতে নৃত্যকালীন গুজরাটী নারীদিগের মত রঙ বেরঙের পোশাক-পরিচ্ছদ ধারণ করে না, পারিবারিক জীবনে প্রত্যহ যে বস্ত্রখানি মাত্র পরিধান করে, তাহা দিয়াই তাহাদের নৃত্যাচার পালন করে; অগ্নিদিকে গুজরাটী নারীর প্রাত্যহিক জীবনের পোশাকও অত্যন্ত বিচিত্র; তাহার গাঢ় রঙ, ঘাগ্রা, জামা ও ওড়নার রঙ-এর বৈচিত্র্য অতি সহজেই দর্শকের দৃষ্টি আকর্ষণ করে। কিন্তু বাঙালী পল্লীনারীর প্রাত্যহিক জীবনে পরিধেয় পোশাক এত বিচিত্র নহে, মাত্র একখানি সাদা শাড়ী তাহার অবলম্বন; স্তবরাং তাহা দ্বারা কোন প্রকার দৃশ্যগত আকর্ষণ সৃষ্টি হইতে পারে না। সেইজন্য গবরা-নৃত্যের এত ভারতব্যাপী খ্যাতি এবং বাংলার সূর্যব্রত-নৃত্যের কেহ সন্ধান জানেন না।

বাংলা কৃষিপ্রধান দেশ; কৃষির সমৃদ্ধি কামনা করিয়াই বাংলার ব্রতের উদ্ভব ও বিকাশ হইয়াছে। কৃষিকারের সঙ্গে প্রথম এবং প্রধান সম্পর্কই সূর্যের; স্তবরাং সূর্যকে কেন্দ্র করিয়া যেমন এদেশের ব্রতগুলি পরিকল্পিত হইয়াছে, তেমনই ব্রতনৃত্যগুলিও প্রধানত সূর্যকে কেন্দ্র করিয়াই গঠিত হইয়াছে। এমন কি, অংপাতদৃষ্টিতে সূর্যের সঙ্গে কোন সম্পর্ক নাই মনে হইলেও, তাহা যে সূর্যব্রতেরই প্রভাবজাত, তাহা অনুমান করা যায়। কারণ, সূর্যব্রতের অনুকরণেই পরবর্তী কালে অন্যান্য দেবতা বিষয়ক ব্রত এবং নৃত্যগুলি পরিকল্পিত হইয়াছে। এই বিষয়ে যশোর জিলার শীতলা-নৃত্যের কথা উল্লেখ করিতে পারা যায়। শীতলা-নৃত্য বর্তমানে শীতলা পূজা উপলক্ষেই প্রধানত অনুষ্ঠিত হইয়া থাকে, তথাপি মূলত ইহা সূর্যব্রত উপলক্ষে অনুষ্ঠিত ব্যাপক একটি নৃত্যাচার ছিল বলিয়া মনে হয়; কারণ, উপরে গবরা নামক যে গুজরাটী সূর্যব্রতের কথা উল্লেখ করিলাম, ইহার সঙ্গে তাহার মৌলিক কোন পার্থক্য নাই। গুজরাটের গবরা-নৃত্যে মেয়েরা

হাঁড়ির মধ্যে একটি জলস্ত প্রদীপ রাখিয়া তাহা মাথায় লইয়া বাড়ী বাড়ী ঘুরিয়া বেড়ায়, বাড়ীর ভিতরের আঙ্গিনায় গিয়া মাথা হইতে তাহা নামাইয়া রাখিয়া তাহা ঘিরিয়া নৃত্য করিয়া থাকে। যশোরের শীতলা-নৃত্যে তাহার সামান্য ব্যতিক্রম মাত্র দেখা যায় এবং তাহাও যে বহিমুখী মাত্র, মৌলিক কোন বিষয়ে নহে, তাহাও বুঝিতে বেগ পাইতে হয় না। কারণ, গুজরাটে মেয়েরা জলস্ত প্রদীপকে একটি হাঁড়ির ভিতরে স্থাপন করিয়া মাথায় ধারণ করে, শীতলা-নৃত্যে তাহার পরিবর্তে একটি কুলার উপর জলস্ত প্রদীপটিকে স্থাপন করিয়া লওয়া হয়। উভয় ক্ষেত্রেই প্রদীপটি ঘিরিয়া বৃত্তাকারে নৃত্যের অঙ্কন হইয়া থাকে। তবে বাঙ্গালী গ্রাম্য মেয়ের তুলনায় গুজরাটী নারীর পোশাক-পরিচ্ছদের বৈচিত্র্যের জ্ঞান গবরা-নৃত্যটি অধিকতর দর্শনীয় হইয়া উঠে মাত্র।

গুজরাটের সূর্যব্রত-নৃত্য গরবার সঙ্গে বাংলার শীতলা-নৃত্যের সম্পর্ক নির্দেশ করিবার আরও একটি কারণ আছে; বাংলা শীতলাব্রতের নৃত্য যে সূর্যব্রতেরই নৃত্য, তাহা ইহাতে আরও স্পষ্ট হইবে। শীতলা বসন্ত রোগের অধিষ্ঠাত্রী দেবী হইলেও বসন্তরোগ চর্মরোগ; বাংলার চর্মরোগের দেবতা ধর্মঠাকুর, তিনি কুষ্ঠরোগেরও প্রতিষেধক। ধর্মঠাকুর সূর্য-দেবতা। সেইজন্ম মনে হয়, শীতলাদেবীর প্রসন্নার্থে যে নৃত্যের অঙ্কন হইয়া থাকে, তাহা সূর্যব্রত-নৃত্য ব্যতীত আর কিছুই নহে।

পূর্ব বাংলার মাঘমণ্ডল ব্রতে সূর্যব্রতের রূপটি আরও প্রত্যক্ষ হইয়া থাকে। মাঘমণ্ডল ব্রতটি আল্পপূর্বিক একটি লোকনাট্যাঙ্কন। অবনীন্দ্রনাথ ঠাকুর রচিত ‘বাংলার ব্রত’ নামক গ্রন্থে মাঘমণ্ডল ব্রতান্ধটিকে একটি লোক-নাট্যের ভিতর দিয়া উপস্থাপিত করা হইয়াছে। ইহার গীতি কিংবা ছড়ার সংলাপ যে নৃত্যেরও সম্পূর্ণ অঙ্কন, তাহাও ইহাতে নির্দেশ করা হইয়াছে। এমন কি, ইহাতে নটনটীর চরিত্র এবং তাহাদের নৃত্যগীতও সংযুক্ত রহিয়াছে। অবনীন্দ্রনাথ সংগৃহীত মাঘমণ্ডল ব্রতের ছড়ায় নটনটীর এই নৃত্যগীতের উল্লেখ করা হইয়াছে—

নট ॥ সোনার বাটী ঝুমুর ঝুমুর মিষ্টি বাটীর তৈল।

তাই লইয়া সূর্যঠাকুর নাইতে গেলেন কৈ লো।

নাইয়া ধুইয়া বাটি থুইলেন কৈ লো ॥

নটী । বাটি বাটি কুমার আটি সঙ্কল পুড়িয়া গেল ।

লক্ষ টাকার বাটি আমার হারাইয়া গেল ॥

নট । গেছে গেছে ইহ বাটি আপদ বালাই নিয়া ।

আরেক বাটি গড়াম যে চাক্কা সোনা দিয়া ॥

উভয়ে ॥ সোনার বাটির ঝুমুর ঝুমুর মিষ্টি বাটির তৈল ॥

নৃত্যের সঙ্গে সঙ্গে সুর করিয়া ছড়া বলিয়া ইহা পরিবেষণ করা হয় ।
ত্রতিনীরাই একজন নট এবং একজন নটীর অংশে অভিনয় করে এবং সঙ্গে সঙ্গে
নৃত্য করিয়া থাকে ।

পূর্বেই উল্লেখ করিয়াছি, মাঘমণ্ডল ব্রতের অমুষ্ঠানটি আত্মপূর্বিক একটি
নৃত্যনাট্যের অমুষ্ঠান । যে বয়সের কুমারী মেয়েরা মাঘমণ্ডল সূর্যব্রত করিয়া
থাকে, সেই বয়সে নৃত্য সম্পর্ক তাহাদের মধ্যে কোন সঙ্কোচের জন্ম হয় না ;
সুতরাং সম্পূর্ণ নিঃসঙ্কোচে তাহারা এই লোক-নৃত্যামুষ্ঠানে অংশ গ্রহণ করিতে
পারে । অনেকে একত্র হইয়া এই ব্রত উদ্‌যাপন করিয়া থাকে বলিয়া ইহা
একক নৃত্য না হইয়া সারি নৃত্যের রূপ লাভ করে । ব্রতনৃত্য মাত্রই সারি নৃত্য,
ইহাতে একক নৃত্যের স্থান নাই । কারণ, ব্রত পারিবারিক অমুষ্ঠান, একক
অমুষ্ঠান নহে । যৌথ পরিবারভুক্ত সকল কুমারী মেয়েই ইহাতে যোগদান
করিয়া থাকে ; যাহাদের ব্রত পূর্বেই উদ্‌যাপিত হইয়া গিয়াছে, তাহারাও
ব্রতকারিণীদিগকে সাহায্য করিবার সূত্রে নৃত্যে যোগদান করে । কিন্তু ক্রমাগত
পাশ্চাত্য শিক্ষার প্রভাবের ফলে কেবল নৃত্যই নহে, তাহার সঙ্গে ব্রতও লুপ্ত
হইয়া যাইতেছে ।

পশ্চিম বাংলা বিশেষত বাঁকুড়া, পুর্কলিয়া, পশ্চিম বর্ধমান, বীরভূম প্রভৃতি
অঞ্চলের ভাছব্রতের সঙ্গেও নৃত্য যুক্ত আছে । ইহা প্রধানত গীতি-উৎসব,
এই গীতির সঙ্গে নৃত্যও পূর্বে সর্বদাই যুক্ত ছিল ; কিন্তু কালক্রমে গ্রামাঞ্চলে
জ্ঞীশিক্ষার প্রভাববশত উচ্চতর শ্রেণীর মধ্যে নৃত্যাংশ বর্জিত হইয়া কেবলমাত্র
সঙ্গীতাংশের অমুষ্ঠান হইয়া থাকে । কিন্তু ভাছব্রত প্রকৃতপক্ষে সূর্যব্রত নহে ।
ভাদ্র মাসের ভরা বর্ষা প্রকৃতির নামই ভাছ । বাংলার লৌকিক ব্রত-পার্বণের
প্রধানত দুইটি লক্ষ্য ; প্রথমত যেমন সূর্য, দ্বিতীয়ত তেমনই ধরিত্রী ।
অধিকাংশ আদিম উৎসবের মধ্যেই সূর্যের সঙ্গে ধরিত্রীর বিবাহের অমুষ্ঠান
হইয়া থাকে, বাংলার গাজন উৎসবও তাহাই । ভাছ বর্ষার ভরা প্রকৃতির রূপ,

এই স্ত্রেই তিনি ধরিজীর প্রতীক। ধরিজীর ব্রতে কুমারী এবং বিবাহিতা নারীরা উভয়েই সমান অংশ গ্রহণ করিতে পারে, স্বামী লাভের জন্য কুমারী মেয়েরা এবং সন্তান লাভের জন্য বিবাহিতা মেয়েরা ভাহুরূপিনী ধরিজীর পূজা করিয়া থাকে। তাহারই প্রসন্নতা সম্পাদনের জন্য নৃত্যেরও আবশ্যক হয়।

বাংলার পশ্চিম সীমান্তবর্তী ভাহুরতের নৃত্যাহুষ্ঠানের মধ্যে ছোট-নাগপুর মালভূমির আদিম জাতির নৃত্য সংস্কারের যে প্রভাব অল্পভব করা যায়, তাহা অস্বীকার করিবার উপায় নাই। ভাহুরতের সমসাময়িক কালে ছোট-নাগপুরের আদিম জাতির মধ্যে নৃত্যগীত মুখর যে বর্ষা-উৎসব উদ্‌যাপিত হইয়া থাকে, তাহা ‘করম পরব’ বলিয়া পরিচিত। ছোটনাগপুর হইতে আরম্ভ করিয়া গুজরাটের ভীলজাতি অধ্যুষিত আদিম সমাজ পর্যন্ত এই বর্ষা-উৎসবে উন্নত হইয়া উঠে। নৃত্য এই উৎসবের একটি প্রধান অঙ্গ। পশ্চিম বাংলার সীমান্ত অঞ্চলের অধিবাসিগণ স্বভাবতই এই উৎসবে সাড়া না দিয়া পারে না। কিন্তু হিন্দুধর্মের প্রভাব বশত তাহারা ইহার যে একটি হিন্দুরূপ দিয়াছে, তাহাই ভাহুরত বলিয়া পরিচিত। তাহা সত্ত্বেও কোন পুরাণ কিংবা স্মৃতিশাস্ত্রে ইহার কোন বিধি লিপিবদ্ধ হয় নাই। যদি তাহা হইত, তবে তাহার ভিতর হইতে বাঙ্গালী কুমারী হৃদয়ের স্বতঃস্ফূর্ত আনন্দের ভাবটুকু লুপ্ত হইয়া যাইত।

কিন্তু উক্ত অঞ্চলের ভাহুরতের অহুষ্ঠানে হিন্দুপ্রভাব স্পষ্টতর হইলেও আদিবাসী অধ্যুষিত ছোটনাগপুরের যতই নিকটবর্তী হওয়া যায়, ততই সেই অঞ্চলের ব্রতাহুষ্ঠানে আদিম সমাজের প্রভাব প্রবলতর ভাবে অল্পভূত হয়। তাহাতেই ব্রতের সঙ্গে নৃত্যের সম্পর্কটিও স্পষ্টতর হইয়া উঠিবার সুযোগ পায়। এই সম্পর্কে পুন্ডলিয়া জিলার জাওয়া ব্রত এবং তাহার সঙ্গে সংশ্লিষ্ট নৃত্যগীতের কথা উল্লেখ করিতে হয়। ইহাও ভাহুরতের মতই ধরিজীর ব্রত, তবে ধরিজীর রূপটি ইহাতে আরও প্রত্যক্ষ হইয়া উঠিবার সুযোগ পায়। ভদ্রগৃহের কুমারী মেয়েরাই এই ব্রতের অহুষ্ঠান করিয়া থাকে এবং ব্রতের সঙ্গে যে নৃত্য-সম্বলিত গীতের অহুষ্ঠান হয়, তাহাতেও তাহারা নিঃসঙ্কোচে অংশ গ্রহণ করে। জীবন্ত বা জীয়াইয়া রাখা অর্থেই জাওয়া শব্দটি ব্যবহৃত হয় বলিয়া মনে হয়। ইহাও বর্ষাকালীন ভাহুরতের মত ভাজমাসেরই একটি অহুষ্ঠান। জিতাষ্টমী উপলক্ষে ইহা উদ্‌যাপন করা হইয়া থাকে। ইহার নিম্নলিখিত আচার হইতেই বুঝিতে পারা যাইবে যে, ইহা শস্ত্রাংসব, ধরিজীর শস্ত্রসম্পদ বৃদ্ধির কামনা

করিয়াই এই উৎসব পালন করা হয়। একটি ডালা বালি দিয়া পূর্ণ করিয়া ইহাতে বিভিন্ন শস্ত্রবীজ বপন করা হয়। তারপর সেই বালিতে প্রতিদিন জল দিয়া শস্ত্রবীজকে অঙ্কুরিত করিতে হয়। সেই ডালি কুমারী মেয়েরা মাথায় লইয়া বাড়ী বাড়ী ঘুরিয়া বেড়ায়। অন্তঃপুরে পৌছিয়া মাথা হইতে শস্ত্রপূর্ণ ডালিটি নামাইয়া রাখিয়া তাহা ঘিরিয়া সকলে নৃত্য করে ও গীত গায়। এই গীতের মধ্যে কোন মন্ত্রতন্ত্র কিংবা ঐন্দ্রজালিক বিচার কথা থাকে না; সাধারণ ঘর-সংসারের সুখদুঃখের কথাই শুনিতে পাওয়া যায়। যেমন সম্প্রতি পুরুলিয়া হইতে সংগৃহীত এই জাওয়া গীতের মধ্যে শুনিতে পাওয়া যায়—

১

একদিনকার হলুদ বাটা তিন দিনকার বাসি লো।

মা বাপকে বলে দিবি বড় স্নেহে আছি লো ॥

২

বনে ফুটে বনকিয়ারী বনে বনে আলা রে।

বিটিছেলার মিছাই জনম পরের ঘর আলা রে ॥

শস্ত্রপূর্ণ ডালাটি ঘিরিয়া ঘিরিয়া নৃত্যের তালে তালে সঙ্গীত চলিতে থাকে; সঙ্গে সঙ্গে ঢাক বাজিতে থাকে। এই ভাবে প্রত্যেক বাড়ীর আঙ্গিনায় ডালাটি নামাইয়া নৃত্য ও সঙ্গীতের অনুষ্ঠান হয়।

বর্ধমান জিলার ভাঁজোব্রতের নৃত্যের কথা পূর্বে একবার উল্লেখ করিয়াছি; তাহাও জাওয়া ব্রতের আর একটি রূপ মাত্র। জাওয়া নৃত্যে ডালা ভরা যে বালির কথা উল্লেখ করিলাম, সেই বালি ভাঁজো-নৃত্যেও প্রয়োজন হয়; আনুষ্ঠানিক ভাবে গ্রামের মেয়েরা যখন একটি পূর্বনির্দিষ্ট স্থান হইতে বালি আনিতে যায়, তখন একদল যুবক তাহাদিগকে সেই বালি লইতে ‘বাধা’ দেয়। ত্রতিনীরা প্রতিরোধ করে এবং পরস্পর সম্মুখীন সারিবদ্ধ যুবক ও যুবতীদিগের একটি কপট সংগ্রাম (mock fight) চলে। সারি-নৃত্যের মধ্য দিয়া এই যুদ্ধের ভাবটি প্রকাশ পায়। সঙ্গে সঙ্গে সঙ্গীতও যুক্ত থাকে। সঙ্গীতের বিষয় যুদ্ধ নিঃসম্পর্কিত, নিতান্ত ব্যক্তিগত এবং গার্হস্থ্য জীবন বিষয়ক—পূর্বোক্ত জাওয়া নৃত্যের সঙ্গীতের সঙ্গে ইহাদের বিশেষ কোন পার্থক্য নাই। যেমন—

১

ভাঁজোর শোলেব বল্ব কি, ভাই, জোয়ায় নাক কথা।

কাল গিয়েছে জরের পালা আজ ধরেছে মাথা ॥

শুধুনীর শাক তুলতে গেলাম শাকে ধরেছে পোকা।

থেকশেয়ালীর থেক শুনে, ভাই, ফেলে এলাম টোকা ॥

ঢাকের বাগের সঙ্গে সঙ্গে ব্রতিনীদিগের নৃত্য চলিতে থাকে ; এক একবার ঢাকের বাগ থামিলে সঙ্গীতের এক একটি কলি শুনিতে পাওয়া যায়।

যে সকল ব্রতের সঙ্গে ছড়া ও গীতির সম্পর্ক আছে, কেবলমাত্র তাহাদের মধ্যেই নৃত্যের সম্পর্ক আছে, তাহা ছাড়া যেখানে ছড়া কিংবা গীত নাই, কেবলমাত্র ব্রতকথা আছে, সেখানে নৃত্যের কোন অবকাশ নাই। সমাজ-তত্ত্ববিদগণ মনে করেন, যে সকল ব্রতের সঙ্গে শাস্ত্রোৎপাদনের সম্পর্ক আছে, কেবলমাত্র তাহাদের সঙ্গেই নৃত্যের সম্পর্ক আছে ; কারণ, নৃত্য উৎপাদিকা শক্তিরই (power of procreation) উদ্বোধক বলিয়া বিবেচিত হয়। বাংলার ব্রতনৃত্যগুলি বিশ্লেষণ করিলেও এ কথাই প্রমাণিত হয়।

ভাছ নাচ

পশ্চিম বাংলায় বিশেষত পুরুলিয়া এবং বাঁকুড়া জিলায় ভাছ নামের কুমারী কন্যাদিগের মধ্যে ভাছ নামে যে গীতি-উৎসব প্রচলিত আছে, তাহাতে কোন কোন অঞ্চলে কুমারীদিগের মধ্যে নৃত্যও প্রচলিত আছে, তাহাই ভাছ নাচ। উচ্চতর সমাজে কেবলমাত্র কুমারীদিগের মধ্যেই এই নৃত্য প্রচলিত থাকিলেও সাধারণ নিম্ন সমাজে বিশেষত বাউরীদিগের মধ্যে ইহাতে দ্বীপুষ্কবের মিলিত নৃত্যও দেখা যায়। এই মিলিত নৃত্য অনেকটা খেমটা নৃত্যের অনুরূপেই অঙ্কিত হয়, অঙ্গভঙ্গির মধ্যে অনেক সময় শ্লীলতার মাত্রা অতিক্রম করিয়া যায়। অনেক সময় ব্যবসায়ী নর্তকী বা খেমটার তাহাদের ‘রসিক’ দিগের সঙ্গে এই নৃত্যে অংশ গ্রহণ করিয়া থাকে।

ভাঁজো নৃত্য

বীরভূম জিলার এক শ্রেণীর কৃষিনৃত্যের নাম ভাঁজো নৃত্য। ইহা ভাছ নামেই প্রধানত অঙ্কিত হয়। ইহাতে একদল যুবক ও একদল যুবতী সারিবদ্ধ ভাবে পরস্পর পরস্পরের সম্মুখীন হইয়া দাঁড়ায়, তারপর এক একটি দল এক একবার করিয়া সম্মুখের দিকে নৃত্য করিতে করিতে অগ্রসর হইয়া

অগ্র দলকে ‘আক্রমণ’ করে। ‘আক্রান্ত’ দল নৃত্য করিতে করিতে পশ্চাদপসরণ করে এবং পুনরায় সন্মুখের দিকে অগ্রসর হইয়া ‘আক্রমণকারী’ দলকে ‘আক্রমণ’ করে। ভাঁজোর বালি আনয়ন উপলক্ষে বালির স্তূপ ‘অধিকার’ লইয়া এই কপট যুদ্ধ (mock fight) অহুষ্ঠিত হইয়া থাকে। কপট যুদ্ধই অনেক সময় নৃত্যের রূপ লাভ করে। এখানেও তাহাই হইয়াছে বলিয়া মনে হয়।

ভুয়াঙ নাচ

পুৰুলিয়া জিলার মাহাতো এবং অগ্রাণ্ড উপজাতি ও অর্ধ উপজাতির মধ্যে এক শ্রেণীর নৃত্য প্রচলিত আছে, তাহা ভুয়াঙ নাচ নামে প্রচলিত। ইহা পুরুষেরই নাচ। ইহা প্রধানত দো-ভাষী (বাংলা ও মুণ্ডাভাষী) সাঁওতাল জাতির মধ্যে প্রচলিত। ইহাকে পুৰুলিয়া জিলার আদিবাসীদিগের শিকার নৃত্যও বলা যায়। ইহা সমবেত শিকার-নৃত্য, একক নৃত্য নহে। ইহার ভুয়াঙ নাম হইবার একমাত্র কারণ, হাতে ধনু লইয়া ধনুর ছিলায় গায়ের জোরে এক একবার টান দিয়া ‘ভুয়াঙ ভুয়াঙ’ শব্দ করিয়া এই নৃত্য করিতে হয়, সেই জন্ত ইহার নাম ভুয়াঙ-নৃত্য। ইহা মাঝি নাচ, কিংবা সাঁওতাল নাচের মত সম্প্রদায়গত নাম নহে, স্তবরাং ইহা কোন সম্প্রদায় বিশেষের মধ্যে সীমাবদ্ধ বলিয়া মনে হয় না।

মাছধরা নাচ

মালদহের গভীরী উৎসবে যে মুখোস নৃত্যের অহুষ্ঠান হয়, তাহাদের মধ্যে একটি বিষয় মাছ ধরার নাচ। পলো বা মাছ ধরিবার সরঞ্জাম লইয়া জলের মধ্য হইতে সতর্কতার সঙ্গে মৎস্য শিকারের মধ্যে লোকনৃত্যশিল্পী একটি তাল খুঁজিয়া পাইয়াছে, মৎস্য ধরা নাচে সেই তালটির রূপ দেওয়া হয়। তবে ইহাতে মুখোসের ব্যবহার হয় না। সেই জন্তই অগ্রাণ্ড মুখোস নৃত্যের তুলনায় ইহা অধিকতর জীবন্ত।

মাদার নৃত্য

পশ্চিমবঙ্গের মুসলমান সমাজে প্রচলিত এক শ্রেণীর নৃত্যের নাম মাদার নৃত্য। ইহার সম্পর্কে যে বিবরণ পাওয়া যায়, তাহা এখানে উদ্ধৃতিযোগ্য।

‘বাঙ্গালী মুসলমান সম্প্রদায়ের মধ্যে দুইটি সরল বাঁশ লইয়া যে নাচ দেখানো হয়, তাহাই পল্লী বাংলায় মাদার নাচ নামে খ্যাত। ঢোল ও কঁাসি সহযোগে

মুসলমান সম্প্রদায়ের দুইজন দুইটি সরল সম্পূর্ণ বাঁশ লইয়া পল্লীতে নৃত্য করিয়া বেড়ায়। কখনও চিবুকের উপর, কখনও কপালের উপর, হাতের তালুর উপর, বুকের উপর, কখনও কখনও এক একটি আঙ্গুলের প্রান্ত সীমার উপর লইয়া, কখনও শুইয়া, কখনও দাঁড়াইয়া ‘ব্যালেন্স’ রাখিয়া একজন নৃত্য করে। বাঁশ দুইটির শেষ প্রান্তে রঙ্গিন বস্ত্রখণ্ড পতাকার মত জড়াইয়া দেওয়া হয়। শুধু মুসলমান পল্লীতে নহে, হিন্দু পল্লীতেও এই মাদার নাচ দেখান হইয়া থাকে।’

মুখোস নৃত্য

সুগ্র এবং তালের সহযোগে সমগ্র দেহের ভিতর দিয়া বিশেষ একটি ভাবের অভিব্যক্তিই নৃত্য। উচ্চাঙ্গের শিল্পী সমগ্র দেহটির ভিতর দিয়া তাহার উদ্দিষ্ট ভাবটি ফুটাইয়া তুলিয়া থাকেন, এই কাৰ্ণে তাহার পদযুগল যেমন সাহায্য করে, দুইখানি হাতও তেমনই সাহায্য করে; তারপর দুইখানি চক্ষু এবং সমগ্র মুখাবয়ব পদ ও হস্ত সঞ্চালনের সঙ্গে সমভাবে সহায়ক হইয়া থাকে। মানবদেহের সকল অঙ্গ-প্রত্যঙ্গ মিলিয়া একটি সামগ্রিক আবেদন সৃষ্টি হয়। কিন্তু প্রত্যেক সমাজেই লোক-নৃত্যের ক্ষেত্রেই মুখোস পরিয়া নৃত্য করিবারও একটি ধারা প্রচলিত আছে। ইহাতে নৃত্যকারীর মুখাবয়ব তাহার পরিহিত বিশেষ একটি মুখোস (mask) দ্বারা আবৃত থাকে এবং এই ভাবেই নৃত্যকার্য চলিয়া থাকে। ইহার একটি প্রধান ত্রুটি এই যে, একটি মাত্র ভঙ্গি বা ভাব মুখোসের আকৃতিতে স্থির (rigid) লইয়া থাকে—নৃত্যকালীন ইহার কোন পরিবর্তন সম্ভব হয় না। কেবলমাত্র হস্ত ও পদ সঞ্চালনের দ্বারা বৃত্তিতে পারা যায় যে, ইহা জীবিত মানুষেরই নৃত্য; নতুবা ইহাকে পুতুলের নৃত্য বলিয়া ভ্রম হইতে পারিত। সুতরাং মুখোস নৃত্য উচ্চাঙ্গের শিল্পসম্মত নৃত্যের মধ্যে স্থান পাইতে পারে নাই, এখনও লোক নৃত্যের স্তরেই রহিয়া গিয়াছে।

এ কথা সকলেই স্বীকার করিতে বাধ্য হইবেন যে, লোক-নৃত্যেই হউক, কিংবা উচ্চাঙ্গ নৃত্যেই হউক, মুখোস স্থান পাইবার যোগ্য নহে; কারণ, ইহার দ্বারা নৃত্য অধিকাংশ ক্ষেত্রে জীবন্ত না হইয়া উঠিয়া নিশ্চৈয় হইয়া উঠে। সেইজন্য মুখোস-নৃত্যের ক্ষেত্রও আজ সঙ্কীর্ণ হইয়া আসিতেছে। ভারতবর্ষেরও বিভিন্ন অঞ্চলের লোক-নৃত্যের মধ্যে বিশেষত দক্ষিণ ভারতের কথাকলি নৃত্যে একদিন মুখোস ব্যবহারেরই রীতি ছিল, আজ তাহার পরিবর্তে মুখটি বিচিত্র বর্ণে

চিত্রিত করিয়া এবং স্ববৃহৎ শিরোভূষণ প্রভৃতি ধারণ করিয়া মুখোসের স্থান পূর্ণ করা হইতেছে। কিন্তু ইহাতেও মুখ যে ভাবে চিত্রিত করা হইয়া থাকে, তাহার ফলে তাহার উপর ভাবের সূক্ষ্ম অভিব্যক্তিগুলি প্রকাশ পাইতে পারে না। সুতরাং মুখোস পরার সঙ্গে ইহার কোন পার্থক্য সৃষ্টি হইতে পারে নাই। ভারতবর্ষের কেবল আদিবাসী এবং আদিবাসী প্রভাবিত অঞ্চল ব্যতীত অল্প অঞ্চলে মুখোস পরিয়া নৃত্য করিবার রীতি এখন প্রায় লুপ্ত হইতে চলিয়াছে। নিম্নশ্রেণীর সমাজে শিক্ষা বিস্তারের ফলে কুসংস্কার দূর হইবার সঙ্গে সঙ্গেই তাহাদের মধ্যেও মুখোস নৃত্য আজ আর বড় দেখিতে পাওয়া যায় না। মুখোস নৃত্য একমাত্র আদিবাসী অঞ্চল ব্যতীত অল্প অঞ্চলে খুব প্রাচীনকাল হইতেই যে প্রচলিত ছিল, তাহা নহে; কারণ, বুঝিতে পারা যায় যে, মুখোস পরিয়া নৃত্যই হউক, কিংবা পুতুল নাচই হউক, ইহাদের কোনটিই নৃত্যশিল্পের উৎকর্ষের পরিচায়ক নহে, বরং সমাজে লোকনৃত্যের যখন অধঃপতন (decadence) দেখা যায়, তখনই ইহার মধ্যে প্রকৃত নরনারীর নৃত্যের পরিবর্তে মুখোস পরিয়া নরনারীরূপ পুরুষের নৃত্য এবং নিম্প্রাণ পুতুল নৃত্যের প্রচলন হইয়া থাকে। যেখানে নারীর অভাবে পুরুষকে নৃত্য করিতে হয় এবং নারীর নৃত্য পুরুষ অনুকরণ করিবার সূচনা করে, সেখানেই লোক-নৃত্যে মুখোস ব্যবহৃত হইতে থাকে। যে সমাজে মুখোস নৃত্যের প্রচলন আছে, সেই সমাজে সাধারণত পুরুষের সঙ্গে নারী নৃত্যে যোগদান করে না। সামাজিক কারণে নারীর যখন চিরাচরিত নৃত্য পরিত্যাগ করিতে হয়, অথচ জাতির একটি সুদৃঢ় ঐতিহ্যকে পরিত্যাগ করাও কঠিন বলিয়া বোধ হয়, তখনই পুরুষকে নারীর মুখোস পরিয়া লোক-নৃত্যের ধারাটি সমাজের ভিতর দিয়া অব্যাহত রাখিয়া অগ্রসর হইতে হয়। নতুবা যে লোক-সমাজে স্ত্রীপুরুষের সমান মর্যাদা রক্ষা পায়, সেই সমাজে পুরুষের পার্শ্বে প্রকৃত নারীকে পরিত্যাগ করিয়া তাহার মুখোস পরিয়া পুরুষকে নৃত্য করিবার প্রয়োজন হয় না।

মুখোস নৃত্য দুই প্রকার—এক প্রকার নৃত্যকে ইংরেজিতে magic dance বলা হয়। ঐচ্ছিকালিক ক্রিয়া নিম্পন্ন করিবার জন্ত ওয়ারা অনেক সময় মুখোস ধারণ করিয়া নৃত্য করে; ইহার উদ্দেশ্য আনন্দ দান নহে; কোন ঐচ্ছিকালিক পদ্ধতিতে সমাজের মঙ্গল বিধান করা। বাংলা দেশের কোন কোন অঞ্চলে গাজনের সময় সন্ন্যাসী এবং ভক্তেরা এই নৃত্য করিয়া থাকে। দার্জিলিঙের

পার্বত্য অধিবাসীদিগের মধ্যেও ইহার প্রচলন আছে। লোক-নৃত্য বলিতে বাহা বুঝায়, ইহা তাহা নহে। বাংলার লোক-নৃত্যের মধ্যে ব্যাপকভাবে বাহাতে এখন মুখোস ব্যবহৃত হইয়া থাকে, তাহার নাম ছো-নৃত্য। সংকথাটি হইতে ছো কথাটি আসিয়াছে বলিয়া মনে হয়। কিন্তু ইহা বাংলা দেশের একটি মাত্র অঞ্চলের মধ্যেই সীমাবদ্ধ। বর্তমান সময়ে পুন্ডলিয়া ও তাহার পশ্চিম সীমান্ত সংলগ্ন সেরাইকেলা এবং পূর্ব সীমান্ত লগ্ন ঝাড়গ্রাম মহকুমা অঞ্চলে ইহার প্রচলন দেখিতে পাওয়া যায়। পূর্ববর্তী কালে বিস্তৃততর অঞ্চল ব্যাপিয়া ইহার প্রচলন ছিল বলিয়া মনে হয়। যদিও বর্তমান কালে স্থানীয় সামন্তরাজের পৃষ্ঠপোষকতায় সেরাইকেলাই এই নৃত্যচর্চার কেন্দ্রভূমি; তথাপি পশ্চিম বাংলার পশ্চিম সীমান্তবর্তী অঞ্চলেও ইহার প্রভাব অনুভূত হয়।

বাংলার পল্লীজীবনে যে সকল লৌকিক (popular) উৎসব অহুষ্ঠিত হয়, তাহাদের মধ্যে চৈত্র সংক্রান্তির গাজনোৎসব সর্বাঙ্গাঙ্গী উল্লেখযোগ্য। প্রকৃত পক্ষে ইহাকে বাংলার এক জাতীয় উৎসব বলিয়া উল্লেখ করিতে পারা যায়। সর্বক্ষেত্রেই বাংলার সামন্ত রাজগণ দুর্গোৎসবের পৃষ্ঠপোষক ছিলেন, তাহাদের প্রভাব-প্রতিপত্তি প্রতিষ্ঠার জন্তই নিজেরাই দুর্গোৎসবের আয়োজন করিতেন। কিন্তু গাজনোৎসব বাংলার পল্লীসমাজের লোক-মানস হইতে উদ্ভূত এবং এখনও তাহাই হইয়া থাকে। ছো-নাচ পশ্চিম সীমান্ত বঙ্গের গাজনোৎসবেরই একটি অঙ্গ। পূর্বে অপরিহার্য অঙ্গ ছিল, এখন গাজনের অনুষ্ঠান হইতে বিচ্ছিন্ন হইয়া পড়িয়া প্রায় একটি স্বাধীন আনন্দানুষ্ঠানে (secular function) পরিণত হইয়াছে। কিন্তু স্বাধীন আনন্দানুষ্ঠানে পরিণত হইলেও ইহা একদিক দিয়া ধর্মকেন্দ্রিক। নৃত্যের ভিতর দিয়া ইহাতে যে বিষয়গুলি অভিনীত হয়, তাহা সর্বদাই হিন্দু পৌরাণিক; নিজের স্বাধীন এবং স্বৈচ্ছাচারী কল্পনার ফল নহে; তবে একথাও অস্বীকার করিবার উপায় নাই যে, বিষয়গুলি একান্ত পুরাণাহুসারী নহে, পুরাণ হইতে কতকগুলি সুপরিচিত চরিত্র গ্রহণ করিয়া পুরাণেরই কতকগুলি স্থল ঘটনা নৃত্যের ভিতর দিয়া অভিনয় করিবার সূত্রে গৃহীত হয়, নতুন নতুন বিবরণও ইহার মধ্যে গৃহীত হয়; কিন্তু পুরাণ বহির্ভূত কোন চরিত্র কিংবা তাহার আচরণ প্রধানত ইহার মধ্যে স্থান পায় না। যে সমাজে এই নৃত্য প্রচলিত আছে, অর্থাৎ বাহারী নৃত্যকারী কিংবা ইহার

দর্শক, তাহারা প্রায় প্রত্যেকেই নিরক্ষর ; সুতরাং পুরাণ সম্পর্কে তাহাদের জ্ঞান পুঁথিগত নহে, বরং লোকশ্রুতিগত ; সেইজন্ম সর্বত্রই যে ইহাতে সংস্কৃত পুরাণের নিভুল অঙ্কনই সম্ভব হয়, তাহা নহে ; কিন্তু তথাপি পৌরাণিক কাহিনীর কোথাও অমর্যাদা প্রকাশ পায় না। পুরাণের প্রধান বিষয় ভক্তি ; কাহিনী যে ভাবেই পরিবেশন করা হোক না কেন, ইহার ভিতর দিয়া ভক্তির ভাবটি বিসর্জিত হয় না। এই গুণেই ছো-নাচ আজও সমাজে আত্মরক্ষা করিয়া বাঁচিয়া আছে, নতুবা ইহা যদি কেবল আনন্দ ও কৌতুকের বিষয় হইত, তাহা হইলে ইহা বহুদিন পূর্বেই লুপ্ত হইয়া যাইত।

ছো-নাচ উপলক্ষে যে মুখোসগুলি পরিয়া নৃত্য করা হয়, তাহা যাহাতে নৃত্যকারী দীর্ঘকাল মুখে রক্ষা করিয়া নৃত্যকালীন অত্যন্ত ক্ষিপ্ত অঙ্গ সঞ্চালন করিতে পারে, তাহার জন্ম ইহাদিগকে নিত্য হাঙ্কা করিয়া নির্মিত হয়। বর্তমান কালে কাগজের মণ্ডা ছাঁচে ঢালাই করিয়া ইহারা নির্মিত হয়, তাহার উপর তুলি দিয়া রং করা হয়। ইহারা ওজনে অত্যন্ত হাঙ্কা এবং দীর্ঘকাল মুখে ধারণ করিয়াও নৃত্যকারী কোন অসুবিধা অনুভব করে না। পূর্বে লাউয়ের শুকনা খোলের (gourd) উপর নরনারীর মুখ চিত্রিত করিয়া দিবার রীতি ছিল, কিন্তু কাগজের মণ্ডা ইহা অপেক্ষা হালকা এবং এই কার্যে বিশেষ সহায়ক ; সুতরাং বর্তমানে এই প্রণালীই ছো নাচের মুখোস নির্মাণে সর্বত্র গৃহীত হইয়া থাকে।

এই ভাবে শিব, দুর্গা, কাতিক, গণেশ, লক্ষ্মী, সরস্বতী, রাম, লক্ষ্মণ, গুহক চণ্ডাল, পরশুরাম, শ্রীকৃষ্ণ, বলরাম, রাধা, সখীগণ ইত্যাদির বিভিন্ন মুখোস নির্মাণ করা হয়। পুরুলিয়া জিলার পশ্চিম ও দক্ষিণাংশে প্রায় প্রত্যেক গ্রামেই ছো-নাচের দল আছে। ইহারা সমগ্র চৈত্র, বৈশাখ এবং জ্যৈষ্ঠ মাস গ্রামে গ্রামান্তরে নৃত্য দেখাইয়া বেড়ায়। মালদহের গভীরা নৃত্যে কাঠের মুখোস ব্যবহৃত হয়। ইহারা ওজনে অত্যন্ত ভারী। জলপাইগুড়ি জেলার বিভিন্ন পল্লী অঞ্চলেও কাঠের মুখোস পরিয়া অভিনয় করিবার রীতি প্রচলিত আছে। তাহাতে নানা লৌকিক বিষয়েরও অভিনয় হয় ; তাহা ‘মুখা খেইল’ নামে পরিচিত। দার্জিলিং জিলার খড়িবাড়ী, নক্সালবাড়ী অঞ্চলে রাভান নৃত্য ও রাজধারী নৃত্য নামে মুখোস নৃত্যের প্রচলন আছে। তাহাতে কোন কোন চরিত্র মুখোস পরিধান করে, অধিকাংশ চরিত্রই করে না। রামায়ণের রাম বনবাসের বৃত্তান্ত

হইতে আরম্ভ করিয়া রাবণবধ কাহিনী দুই রাত্রে এই মুখোস নৃত্যের মধ্য দিয়া অভিনীত হয়।

পূর্বেই উল্লেখ করিয়াছি, লোক-নৃত্যের অধঃপতিত কিংবা বিলীয়মান (decaying) যুগেই মুখোস নৃত্যের উদ্ভব হয়। কারণ, যখন সমাজ-ব্যবস্থার পরিবর্তনের ফলে নৃত্যে নারীর অধিকার লুপ্ত হইল, অথচ নৃত্যের প্রেরণা সমাজ হইতে লুপ্ত হইল না এবং নারীর স্থান পুরুষ পূর্ণ করিতে আসিল, তখনই তাহাকে নারীর মুখোস পরিতে হইল। দেহে নারীর আবরণ ও আভরণ ধারণ করা পুরুষ নৃত্যাভিনেতার পক্ষে অসম্ভব এবং অশোভন কিছুই নহে, কিন্তু পুরুষের 'মুখ' লইয়া নারীর অভিনয় করা চলে না, গৌফ দাড়ি তাহার প্রধান বাধা। সহরে লোক যত সহজে স্ত্রী-ভূমিকায় অভিনয় করিবার জ্ঞান গৌফ দাড়ি বিসর্জন দিতে পারে, গ্রাম্য লোক তাহা তত সহজে পারে না। বিশেষত পুরুষের গৌফ-দাড়ি গ্রাম্য জীবনের ধর্মীয় আচার পালনের সহায়ক হইয়া থাকে; সেই জ্ঞান নারীর মুখোস পরিয়া পুরুষ তহোর গৌফ-দাড়ি আচ্ছন্ন করিয়া লইয়া নৃত্যে নারীর অভিনয় করিয়া থাকে। যাত্রাগানে আমরা গৌফ দাড়ি চাঁচাছোলা অবস্থায় পুরুষকে যেমন স্ত্রীর অভিনয়ে অবতীর্ণ হইতে দেখি, ছো-নাচের স্ত্রী-চরিত্রের পুরুষ অভিনেতা গৌফ দাড়ি না চাঁচিয়া সেখানে মুখোস পরিধান করে মাত্র। সেইজন্ম নারীর লাস্ত্র-নৃত্য ছো-নাচে দেখা যায় না, নারী চরিত্রের নৃত্য হওয়া সত্ত্বেও তাণ্ডবই তাহার মধ্য দিয়া প্রধানত প্রকাশ পায়। সুতরাং পুরুষের নৃত্য দ্বারা ছো-নাচ যতখানি প্রভাবিত হইয়াছে, নারীর নৃত্য দ্বারা ততখানি প্রভাবিত হইতে পারে নাই। অধিকাংশ মুখোস নৃত্যই এই প্রকার।

মেচেনী নাচ

উত্তর বাংলার মেচ সম্প্রদায়ের মেয়েরা বৈশাখ মাসে তিস্তা নদীর অধিষ্ঠাত্রী দেবী বলিয়া কল্পিত তিস্তা বড়ীর পূজা করিয়া থাকে। এই উপলক্ষে তাহারা দল বান্ধিয়া তিস্তাবড়ীর প্রতীককে একটি ক্ষুদ্র কাষ্ঠাসনে স্থাপন করিয়া মাথায় করিয়া বাড়ী বাড়ী লইয়া যায়। বাড়ীর আঙ্গিনায় আসনটিকে নামাইয়া রাখিয়া ইহা ঘিরিয়া তাহারা নৃত্যগীত করে। নৃত্যের সময় জল দিয়া মাটি ভিজাইয়া পিছল করিয়া লয়। ইহা সাক্ষতিক; মাটি জলে ভিজাইয়া মনে

করা হয়, ইহাতে তিস্তা নদীর অধিষ্ঠান হইয়াছে, তাহার উপর সতর্কভাবে তাহারা ঘুরিয়া ঘুরিয়া নৃত্য করে। নৃত্যের সঙ্গে সঙ্গে তিস্তানদীর মাহাত্ম্য-সূচক সঙ্গীত শুনিতে পাওয়া যায়। নৃত্যকালে তিস্তানদীর প্রতীক কাষ্ঠাসনটিকে একটি ছাতা দিয়া আবৃত করিয়া রাখে। রৌদ্র নদীজলকে শুষ্ক করিয়া তাহাকে পীড়িত করে, এই বিশ্বাস হইতেই তাহাকে ছায়া করিয়া রাখা হয়। ইহা উত্তরবঙ্গে মেচেনী নৃত্য বলিয়া পরিচিত।

মেয়েলী নৃত্য

একথা মনে হওয়া খুবই স্বাভাবিক যে, নৃত্যে পুরুষ অপেক্ষা নারীর স্থানই অধিক ; কিন্তু সকল সময় সকল জাতির পক্ষেই একথা সত্য নহে। হিন্দুর উচ্চতর সংস্কারেও নৃত্যের অধিষ্ঠাতা যিনি দেবতা, তিনি নারী নহেন, তিনি পুরুষ। তিনি নটরাজ শিব, তিনিই দক্ষিণ ভারতের সংস্কারে রঙ্গনাথম্। পুরুষের তাণ্ডব নৃত্যের স্থান নারীর লাস্য নৃত্যের নিম্নে নহে। কোন কোন আদিবাসী সমাজের মধ্যে পুরুষই নৃত্যে প্রাধান্য লাভ করিয়া থাকে, তবে কোন কোন ক্ষেত্রে ইহার ব্যতিক্রমও দেখা যায়। প্রত্যেক জাতিরই সামাজিক জীবনের বৈশিষ্ট্যের মধ্যেই এই বিষয়ক বৈশিষ্ট্য প্রকাশ পায়। তবে প্রধানত দেখা যায়, যুগযাজীবী যুদ্ধ-বিগ্রহশীল যাযাবর জাতির মধ্যে পুরুষই নৃত্যে প্রাধান্য লাভ করে ; কিন্তু কৃষিভিত্তিক সমাজের মধ্যে নৃত্যে নারীরই প্রাধান্য প্রকাশ পায়। আসামের এবং হিমালয় অঞ্চলের ইন্দো-মোঙ্গলয়েড্ বা কিরাত জাতি সমূহের মধ্যে পুরুষই নৃত্যে প্রাধান্য লাভ করে। নাগা, মিশমি, আবর ইত্যাদি জাতির যুদ্ধনৃত্য ইহাদের প্রত্যেকের জাতীয় সংস্কৃতির মধ্যে প্রধান স্থান গ্রহণ করিয়াছে। কিন্তু নাগা জাতিরই অগ্রতম যে শাখা মণিপুরী নাম গ্রহণ করিয়া দেশের সমতল অঞ্চলে বসবাস করিয়া কৃষিকার্য দ্বারা জীবিকা নির্বাহ করিয়া থাকে, তাহাদের মধ্যে পুরুষ অপেক্ষ নারীই নৃত্যে প্রাধান্য লাভ করে। পূর্বোক্ত জাতিদিগের মধ্যে সামাজিক উৎসব অমুষ্ঠানে নারী নৃত্যে অংশ গ্রহণ করিলেও তাহাকে সক্রিয় অংশ বলা যায় না ; কিন্তু মণিপুরী জাতির মধ্যে নারীর স্থান এই ক্ষেত্রে কেবলমাত্র যে প্রধান, তাহাই নহে, প্রকৃত পক্ষে নারীই এই বিষয়ে সক্রিয় অংশ গ্রহণ করিয়া থাকে। মধ্যভারত এবং উড়িষ্যার নৃত্যগীতকুশল গদ্বা, মুরিয়া ও মারিয়া নামক আদিবাসীর মধ্যেও নারীই নৃত্যে প্রাধান্য লাভ

করিয়া থাকে। ইহারও কারণ, ইহারা সমতল ভূমির অধিবাসী এবং কৃষিজীবী। কিন্তু মধ্য ভারতেরই পার্বত্য অঞ্চলে যে আদিবাসী বাস করিয়া থাকে, তাহারা ভৌগোলিক দিক দিয়া একই অঞ্চলের অধিবাসী হইলেও কেবলমাত্র জীবনাচরণের পার্থক্য হেতু তাহাদের সাংস্কৃতিক জীবনেও পার্থক্য সৃষ্টি করিতে বাধ্য হইয়াছে। একটি উল্লেখযোগ্য দৃষ্টান্ত দেওয়া ঘাইতে পারে। উড়িষ্যা প্রদেশের দক্ষিণ সীমান্তবর্তী কোরাপুট জিলার মুচুকুন্দ উপত্যকার সীমান্তবর্তী পার্বত্য অঞ্চলের অধিবাসী অর্ধনগ্ন বোণ্ডা জাতির মধ্যে নারী নৃত্যে প্রায় কোন অংশই গ্রহণ করে না, একমাত্র পুরুষের অংশই সেখানে সক্রিয়। কিন্তু সেই পর্বতেরই পাদমূলে অবস্থিত গ্রামগুলিতে গদবা নামক যে এক জাতি বাস করে, তাহাদের নারী নৃত্যকুশলতার জ্ঞান ভারত-বিখ্যাত। কেবলমাত্র জীবনাচরণের পার্থক্যই ইহাদের সংস্কৃতি বিষয়ে এই পার্থক্যের কারণ। বোণ্ডা জাতি প্রায় চারি হাজার ফুট উচ্চ পর্বত শিখরে বাস করিয়া প্রাত্যহিক জীবনে সুকঠিন সংগ্রামে লিপ্ত; কিন্তু সমতল ভূমির অধিবাসী গদবা জাতি কৃষিকার্যে লিপ্ত থাকিবার ফলে জীবন-সংগ্রাম অনেক পরিমাণে সহজ করিয়া লইয়াছে। সেই জন্তই সেখানে নারীর জীবনে স্থিতিশীলতা এবং নিরাপত্তা যেমন আছে, অবকাশ এবং অবসরও সেই পরিমাণেই রহিয়াছে। বোণ্ডা জাতির নারী-সমাজের তাহা নাই। সামাজিক কিংবা পারিবারিক জীবনের প্রাত্যহিক কর্মে যেখানে পুরুষ প্রধান অংশ গ্রহণ করিয়া থাকে, সেখানে নৃত্যও পুরুষেরই অধিকার এবং যেখানে নারী সেই প্রাধান্য গ্রহণ করিয়া থাকে, সেখানে সেই কার্যেও নারীরই অধিকার। সুতরাং নারীর আকৃতি এবং প্রকৃতি যে নৃত্যের পক্ষে কোথাও অপরিহার্য মনে করা হইয়া থাকে, তাহা নহে। নৃত্য জাতির একটি সংস্কার, জীবনাচরণের সঙ্গে এই সংস্কারের সম্পর্ক। এমন কি, এই সংস্কার যে সর্বদাই রস-সংস্কার, তাহাও নহে; অনেক সময় ইহা ধর্মীয় সংস্কার, ইহার সঙ্গে আদিম ঐন্দ্রজালিক ক্রিয়ারও সম্পর্ক আছে; সুতরাং ইহা সমাজের কেবলমাত্র একটি অংশের মধ্যে সীমাবদ্ধ থাকিবার কথা নহে।

বাংলা দেশের সমাজ কৃষি-ভিত্তিক; সেই সূত্রেই ইহার মধ্যে নৃত্যে নারীই প্রধান অংশ গ্রহণ করিবে, ইহাই স্বাভাবিক; প্রকৃত পক্ষে ইহার কিছু মাত্র ব্যতিক্রমও দেখিতে পাওয়া যায় না। তথাপি বাংলার প্রাচীন সাহিত্যে নৃত্যের যে উল্লেখ দেখিতে পাওয়া যায়, তাহাতে ইহার মধ্যে পুরুষেরও যে

একটি প্রধান অংশ আছে, তাহা বুদ্ধিতে পারা যায়। কিন্তু তাহা লোক-নৃত্যের ক্ষেত্রে নহে, প্রাচীন পদ্ধতির (classical) নৃত্যের ক্ষেত্রেই প্রচলিত ছিল বলিয়া মনে হয়। কারণ, মনসা-মঙ্গলে বেহুলার নৃত্যগুণের কথা ব্যাপক-ভাবে উল্লেখিত থাকিলেও শিবনৃত্যের বর্ণনাও রহিয়াছে। ‘বৌদ্ধগান ও দোহা’র মধ্যে যেমন ডোমনীর নৃত্য করিবার উল্লেখ আছে, যথা—

একসো পদমা চৌষষ্ঠি পাখুড়ী।

তহিঁ চড়ি নাচঅ ডোম্বী বাপুড়ী ॥

অর্থাৎ এক সেই পদম, তাহার চৌষষ্ঠি পাখড়ি, তাহাতে আরোহণ করিয়া ডোম্বী বা ডোমনী নৃত্য করে, আবার তেমনি বাজিল বা বজ্রাচার্যপাদের নৃত্য করিবারও উল্লেখ দেখা যায়, যেমন—

নাচন্তি বাজিল গান্তি দেবী।

বুদ্ধ নাটক বি সমা হোই ॥

অর্থাৎ বাজিল বা বজ্রাচার্যপাদ নৃত্য করেন, দেবী গীত গাহেন, বুদ্ধ নাটক সমাপ্ত হইল।

নাথ-সাহিত্যের মধ্যেও দেখা যায়, গোরক্ষনাথ মীননাথকে উদ্ধার করিতে আসিয়া নৃত্য করিয়াছিলেন; কিন্তু সেখানে তিনি নর্তকীর বেশ ধারণ করিয়া নৃত্য করিয়াছিলেন বলিয়া মনে হয়, পুরুষ বেশে নৃত্য করেন নাই।

নাচন্তি যে গোর্থনাথ ঘাগরের রোলে।

কায়া সাধ কায়া সাধ মাদলে হেন বোলে ॥

মঙ্গলকাব্যে যে স্বর্গভ্রষ্ট নায়ক-নায়িকা চরিত্রের উল্লেখ পাওয়া যায়, তাহাদের মধ্যে একজন স্বর্গের নর্তক, একজন নর্তকী; স্তত্রাং পুরুষ ও নারী এখানে সমান অংশ গ্রহণ করিয়াছে। একটু গভীর ভাবে বিচার করিয়া দেখিলে দেখা যায়, মনসা-মঙ্গল কাব্যের মধ্যে যে সকল প্রাচীন পদ্ধতির শিবনৃত্যের বর্ণনা আছে, তাহাও শিবের একক নৃত্যের বর্ণনা নহে, বরং সর্বত্রই যুগ্ম নৃত্যের বর্ণনা, অর্থাৎ শিব-পার্বতী, শিব-মনসা ইহাদের যুগ্ম নৃত্য; তথাপি ইহাদের মধ্যে শিবের অংশই যে প্রধান, তাহা অস্বীকার করিবার উপায় নাই।

কিন্তু বাংলা দেশের প্রাচীন পদ্ধতির নৃত্য-প্রসঙ্গ বাদ দিলে লোক-সমাজে যে নৃত্যের পরিচয় পাওয়া যায়, তাহার মধ্যে নারীরই যে প্রাধান্ত ছিল, তাহা

বুঝিতে পারা যায়। বাংলায় ব্যাপকভাবে প্রচলিত ব্রতনৃত্যের (ritual dance) মধ্যে নারীরই প্রধান স্থান। ব্রতনৃত্যের মধ্যে কেবলমাত্র গাজনের নৃত্যে পুরুষ অংশ গ্রহণ করিয়া থাকে। ঐন্দ্রজালিক (magic) নৃত্যের মধ্যে প্রধানত পুরুষের স্থান; কিন্তু ইহাদের প্রয়োগ বর্তমানে এত হ্রাস পইয়া গিয়াছে যে, তাহা আর উল্লেখযোগ্য বলিয়া মনে হইতে পারে না। এতদ্ব্যতীত যে সকল নৃত্য যুদ্ধের সঙ্গে সম্পর্কযুক্ত, যেমন বীরভূম জেলার ঢালী, রায়বেশে কিংবা পশ্চিম বাংলার সীমান্তবর্তী অগ্নাগ্র অঞ্চলের পাইক নৃত্য, কাঠিনৃত্য ইহাদের প্রত্যেকটিই পুরুষের নৃত্য। একথা নিতান্তই স্বাভাবিক, যুদ্ধনৃত্য মাত্রই পুরুষেরই নৃত্য; কোন ভাবেই ইহাদের মধ্যে নারী অংশ গ্রহণ করিতে পারে না। আসামের ইন্দো-মোঙ্গলয়েড্ জাতির মধ্যে সামাজিক জীবনের অগ্নাগ্র আচরণে নারী প্রাধান্য লাভ করিলেও যুদ্ধনৃত্যে তাহার প্রবেশাধিকার নাই। এমন কি, নরমুণ্ড-শিকারী (head-hunter) নাগা জাতির মধ্যে নারী জাতিও নরমুণ্ডশিকারে অংশ গ্রহণ করা সত্ত্বেও যুদ্ধনৃত্যে কোনদিক দিয়াই তাহারা অংশ গ্রহণ করে না। পশ্চিম বাংলার অন্তর্ভুক্ত রাঢ় অঞ্চলের জাতীয় সাহিত্য ধর্মমঙ্গল কাব্যেও দেখিতে পাওয়া যায় যে, সেই অঞ্চলের সকল শ্রেণীর নারীই যুদ্ধে অংশ গ্রহণ করিত; কিন্তু যুদ্ধ সম্পর্কিত নৃত্য বিষয়ে তাহাদের কিছুমাত্র অধিকার ছিল বলিয়া মনে হয় না। তবে পশ্চিম বাংলার একটি নৃত্যের মধ্যে নারী কোনদিন যুদ্ধনৃত্যে অংশ গ্রহণ করিত বলিয়া ক্ষীণতম একটু আভাস পাওয়া যায়। কারণ, একথা সত্য, যুদ্ধে অংশ গ্রহণ করিতে পারিলে যুদ্ধনৃত্যে অংশ গ্রহণ করিবার পক্ষে কোন বাধা থাকিতে পারে না। সেইজন্ত মনে হইতে পারে যে সম্ভবত রাঢ় অঞ্চলের নারীর একদিন যুদ্ধনৃত্যেও অংশ গ্রহণ করা অসম্ভব ছিল না।

বীরভূম অঞ্চলে প্রচলিত ভাঁজো নৃত্য তাহার একটি নিদর্শন বলিয়া গণ্য হইতে পারে। অনেক নৃত্য এবং ক্রীড়া (game) যে প্রাচীনতর সমাজ-জীবন হইতে আগত যুদ্ধকার্যের অবশেষ (remnant), তাহা অনেকেই মনে করিয়া থাকেন। ভাঁজো নৃত্যের মধ্যেও তাহার কিছু পরিচয় পাওয়া যায়। ইহাতে একদল যুবক ও একদল যুবতী সারিবদ্ধ হইয়া পরস্পর পরস্পরের সম্মুখীন হইয়া দাঁড়ায়, তারপর এক একটি দল এক একবার করিয়া সম্মুখের দিকে নৃত্য করিতে করিতে অগ্রসর হইয়া অগ্র দলকে ‘আক্রমণ’ করে। আক্রান্ত দল নৃত্য করিতে করিতে পশ্চাদপসরণ করে এবং পুনরায় সম্মুখের দিকে অগ্রসর হইয়া

‘আক্রমণকারী’ দলকে ‘আক্রমণ’ করে। ভাঁজোর বালি আনয়ন উপলক্ষে বালির স্তূপ অধিকার লইয়া এই কপট যুদ্ধ (mock fight) অনুষ্ঠিত হইয়া থাকে। কপট যুদ্ধই অনেক সময় নৃত্যের রূপ লাভ করে, এখানেও তাহাই হয়। এই নৃত্য যদি কোন গোষ্ঠী-সংগ্রাম (community fight)-এরই অবশেষ হইয়া থাকে, তবে একথাও মনে করিতে হইবে যে, প্রাচীনকালে অন্তত রাঢ় অঞ্চলে নারীও যুদ্ধকার্যে যোগদান করিত। পূর্ব বাংলার কৃষিসঙ্গীতে শুনিতে পাওয়া যায় যে, একদিন নারী স্বহস্তে ধনুর্বাণ লইয়া সেই অঞ্চলে শস্ত্রনাশকারী হস্তী ও ব্যাঘ্র শিকারে যোগদান করিত। সুতরাং কৃষিজীবী সমাজে নারী যুদ্ধকার্যে যোগদান করিবে, তাহাতে আশ্চর্যের বিষয় কিছু নাই। কারণ, কৃষিজীবী সমাজে গৃহের কত্রী নারী; বিশেষত সেই সমাজ মাতৃতান্ত্রিক (matriarchal) হইয়া থাকে; সুতরাং পরিবার ও গৃহ-সম্পত্তি রক্ষা করিবার সকল দায়িত্বই নারীর উপর লুপ্ত থাকে। সেই গৃহ-সম্পত্তির উপর বাহির হইতে যখন কোন আক্রমণ হয়, তখন সেই আক্রমণ প্রতিরোধ করিবার জন্য নারীকেই প্রথম অগ্রসর হইয়া যাইবার প্রয়োজন হয়; সুতরাং বাষাবর সমাজে নারী যেমন পুরুষ কর্তৃক রক্ষিত হয়, কৃষিজীবী সমাজে নারীরই নারীকে রক্ষা করিবার প্রয়োজন হয়। সেইজন্য যুদ্ধকার্যও তাহার জীবন-সংস্কারের অন্তর্ভুক্ত হইয়া পড়ে। সুতরাং যদিও আজ প্রত্যক্ষভাবে এমন কোন প্রমাণ পাওয়া যায় না, যাহাতে মনে হইতে পারে যে, বাংলার সমাজেও নারী একদিন যুদ্ধনৃত্যে যোগদান করিত, তথাপি পরোক্ষ প্রমাণ দ্বারা স্বীকৃত হইতে পারে যে, ইহা একেবারে অসম্ভব ছিল না।

বর্তমানে যতদূর দেখিতে পাওয়া যায়, পশ্চিম বাংলার ঢালী, কাঠি, রায়বৈশে, পাইক প্রভৃতি যুদ্ধনৃত্য ব্যতীত পূর্ব মৈয়মনসিংহ অঞ্চলের জারি নৃত্যে কেবল পুরুষই অংশ গ্রহণ করিয়া থাকে, ইহাদের মধ্যে নারীর কোন স্থান নাই। কিন্তু পূর্ব ময়মনসিংহের জারিনৃত্যের প্রকৃতি বিশ্লেষণ করিলে দেখিতে পাওয়া যাইবে যে, ইহা মূলত নারীরই নৃত্য ছিল, কালক্রমে সেই অঞ্চলে মুসলমান ধর্ম বিস্তার লাভ করিবার পর মুসলমান সমাজে নারীর প্রকাশ্য নৃত্যের অধিকার খর্ব হইবার সঙ্গে সঙ্গে তাহা পুরুষ কর্তৃকই গ্রহীত হইয়াছে। কারণ, জারি-নৃত্যকালীন পুরুষ অনেকটা নারীর মত অভিনয় করিয়া থাকে। যেমন পায়ে নুপুর পরিয়া, কাঁধের গামছাটি হাতে লইয়া আঁচলের মত করিয়া ঢুলাইতে থাকে।

ইহার কাহিনী কারবালার যুদ্ধের কাহিনী ; কিন্তু যুদ্ধের কাহিনী হইলেও ইহা করুণরস-প্রধান এবং এই করুণরস জ্বীচরিত্রমূলভ । স্তত্রাং সকল দিক হইতেই মনে হইতে পারে যে, এখানে পুরুষ সামাজিক জীবনের আদর্শের পরিবর্তনের সঙ্গে সঙ্গে নারীর একটি আচরণ গ্রহণ করিয়াছে। বাংলার লোক-নৃত্যের ইতিহাসে এই প্রকার দৃষ্টান্ত বিরল নহে। তুর্কী আক্রমণের পর হইতেই বাংলার বৃহত্তর সামাজিক জীবনে যে বহিমুখী ও অন্তর্মুখী পরিবর্তনের সূচনা দেখা দিয়াছিল, তাহা অনুসরণ করিয়াই বাংলার লোক-নৃত্যের ক্ষেত্রেও আমূল পরিবর্তন হইয়াছিল। নারীর অধিকার ইহার মধ্যে একদিক দিয়া সঙ্কুচিত হইল, কোন কোন ক্ষেত্রে পুরুষ নারীর অত্যাচার করিতে লাগিল, আবার অন্তর্দিক দিয়া কোন কোন অঞ্চলে ইহা সম্পূর্ণ পরিবর্তিত হইয়া গেল। নৃত্য ও সঙ্গীত মুসলমান ধর্মবিরোধী আচরণ, বিশেষত তুর্কী আক্রমণের ফলে বিপর্যস্ত বাঙ্গালী সমাজের অসহায় অবস্থার মধ্যে নানা কারণেই নারীর নৃত্য আর অধিককাল স্থায়ী হইতে পারিল না। কোন কোন প্রাচীন ও মধ্যযুগের বাংলা গ্রন্থে দেখা যায়, নৃত্য এক শ্রেণীর নারীর ব্যবসায়ের পরিণত হইয়াছিল এবং ব্যবসায়ী নর্তকী বলিয়া একটি সম্প্রদায়ও গড়িয়া উঠিয়াছিল। নূতন সমাজব্যবস্থার সন্মুখীন হইয়া তাহাদেরও অস্তিত্ব বিলুপ্ত হইবার উপক্রম করিল ; সমগ্র সমাজের সহায়ভূতিহীন দৃষ্টির মধ্যেও তাহা যতটুকু বাঁচিয়া রহিল, তাহার মধ্য দিয়া তাহা কোন প্রকার শিল্পসম্মত উচ্চতর রূপ লাভ করিতে পারিল না, ক্রমে ক্রমে তাহা বিনাশের পথই প্রশস্ত করিয়া লইল।

যে সকল অঞ্চলে হিন্দু কিংবা মুসলমান ধর্মের প্রভাব কিংবা দীর্ঘকালব্যাপী পাশ্চাত্য শিক্ষাদীক্ষার প্রভাব তেমন সক্রিয় হইতে পারে নাই, কেবলমাত্র সেই সকল অঞ্চলে বাংলার লোক-নৃত্যের প্রাচীনতম পরিচয় কিছু কিছু রক্ষা পাইয়াছে। অথচ হিন্দু এবং মুসলমান সম্প্রদায় দ্বারা প্রভাবিত হয় নাই, এমন অঞ্চল বাংলা দেশে খুব অল্পই আছে। উত্তরবঙ্গের ইন্দো-মোঙ্গলয়েড জাতির শাখাভুক্ত কোচ এবং রাজবংশী জাতির কথা এই বিষয়ে উল্লেখ করা যায়। তাহাদের মধ্যেও স্বভাবতই দেখা যায়, নৃত্যে নারী প্রাধান্য লাভ করিয়াছে, পুরুষের স্থান সেখানে নিতান্ত সঙ্কুচিত।

যুদ্ধ-নৃত্য

এ'কথা আপাতদৃষ্টিতে মনে হইতে পারে যে, বাকালী এক অসামরিক জাতি, সেইজন্য ইহার সাংস্কৃতিক জীবনে নৃত্যগীতের যত উপকরণ আছে, যুদ্ধ-বিগ্রহের উপকরণ সেই পরিমাণে বিশেষ কিছু নাই। কিন্তু কোন জাতির আপাত কোন পরিচয় হইতে তাহার মৌলিক পরিচয়ের সন্ধান সকল সময়ই পাওয়া যায় না। ওড়িয়া জাতি যে ভারতবর্ষের মধ্যে এক কালে জ্যেষ্ঠ সামরিক শক্তির অধিকারী ছিল, তাহা বর্তমান উড়িষ্যার অধিবাসীদিগকে দেখিলে কেহই বুঝিতে পারিবে না। কিন্তু এ'কথা ঐতিহাসিক সত্য। মধ্যযুগে সমগ্র ভারতবর্ষের মধ্যে একমাত্র উড়িষ্যা প্রদেশই শেষ পর্যন্ত নিজের স্বাধীনতা রক্ষা করিতে সমর্থ হইয়াছিল। ওড়িয়ার সামরিক শক্তির নিকট পাঠান মুঘলের সামরিক শক্তি বারবারই একদিন পরাজয় স্বীকার করিয়াছিল। তারপর ঐতিহাসিকদিগের মতে চৈতন্যদেব তখন উড়িষ্যা গিয়া বৈষ্ণব ধর্ম প্রচার করিলেন এবং তাহার ফলে উড়িষ্যার শেষ স্বাধীন হিন্দু রাজা প্রতাপ রুদ্র বৈষ্ণব ধর্মে দীক্ষা গ্রহণ করিয়া সিংহাসন ত্যাগ করিলেন, সেইদিন হইতেই উড়িষ্যার সামরিক শক্তির পতন হইতে লাগিল এবং তাহার ফলে অতি অল্পদিনের মধ্যেই উড়িষ্যার স্বাধীনতা বিলুপ্ত করিয়া পাঠানগণ সে দেশ অধিকার লইল। বৈষ্ণব ধর্ম ও জীবনাদর্শের প্রতি ওড়িয়াদিগের ক্রমাগত আসক্তি বৃদ্ধি পাইবার ফলে ইহার সামরিক শক্তির কোনদিন আর পুনরুত্থান সম্ভব হইল না।

আমাদের স্মরণ রাখিতে হইবে যে, যে বৈষ্ণব ধর্ম বিস্তারের ফলে উড়িষ্যার সামরিক শক্তি বিলুপ্ত হইয়াছিল, বাংলাদেশ সেই বৈষ্ণব ধর্মের জন্মভূমি। সুতরাং বৈষ্ণব ধর্ম ও আদর্শের প্রভাবের ফলে ইহারও সামরিক শক্তির যে অধঃপতন হইয়াছিল, তাহা সহজেই অস্বীকার করা যাইতে পারে। বাকালীও একদিন এক প্রবল সামরিক শক্তিসম্পন্ন জাতিই ছিল, কিন্তু মধ্যযুগে রাজনৈতিক জীবনে ইহার নানা ভাগ্যবিপর্যয়ের মধ্য দিয়া যে ভাবে অগ্রসর হইতে হইয়াছিল, তাহার ফলে ইহার জাতীয় সংহতি বিনষ্ট হইয়া গিয়াছিল; সেইজন্য সামরিক জীবনেরও একটি সুদৃঢ় পরিচয় ইহার পক্ষে রক্ষা করা সম্ভব হয় নাই। ইহার বিলুপ্ত সামরিক শক্তির কিছু ইঙ্গিত এই জাতির লোক-সংস্কৃতি হইতে এখনও সন্ধান পাওয়া যায়—বাংলার লোক-নৃত্য এই বিষয়ে প্রথমেই উল্লেখযোগ্য।

যুদ্ধ-নৃত্য আদিম জাতি মাত্রেই একটি বিশিষ্ট সামাজিক আচরণ। আদিম সমাজ পূর্বে যখন গোষ্ঠীবদ্ধ জীবন যাপন করিত, তখন গোষ্ঠী-সংগ্রাম (Community war) ইহার একটি প্রধান আচরণ ছিল। ইহা কেন্দ্র করিয়াই ইহার মৌলিক সাংস্কৃতিক ও সামাজিক জীবন গড়িয়া উঠিত। দৃষ্টান্ত স্বরূপ আসামের আদিম নাগাজাতির কথা উল্লেখ করিতে পারা যায়। ইহারা নরমুণ্ড শিকারী (head hunter) বলিয়া পরিচিত। ইহাদের মধ্যে প্রচলিত এই আত্মহত্যা নরহত্যার প্রথা দূর করিবার জন্ত ইংরেজ সরকার ইহার সকল সামরিক শক্তি প্রয়োগ করিয়াও ব্যর্থকাম হইয়াছিল। সেইজন্ত বরং ইংরেজের সঙ্গে ইহার শত্রুতা স্থগিত হইয়াছিল এবং সেই শত্রুতারই সূত্রে ধরিয়া আজ ইহারা স্বাধীন ভারতের সরকারের সঙ্গেও প্রথম হইতেই বিবাদের সূত্রপাত করিয়াছে। যাহা লইয়া সভ্য জাতির সঙ্গে ইহাদের শত্রুতা, সেই নরমুণ্ড শিকার (head hunting) ব্যাপারটি কি, তাহা একটু বুঝাইয়া বলি। পার্বত্য নাগাদের এক একটি ক্ষুদ্র ক্ষুদ্র গোষ্ঠী এক একটি পাহাড়ের উচ্চ চূড়া অধিকার করিয়া তাহারই চারিপাশের ঢালু জমিতে নিজেদের বাসস্থান নির্মাণ করিয়া বাস করে এবং ঢালু পাহাড়ের গায়েই পাথর গাঁথিয়া চাষের জমি প্রস্তুত করে। কিন্তু পার্বত্য অঞ্চলে প্রকৃতি অত্যন্ত রূপণা, শত চেষ্টা করিয়াও প্রয়োজন মত শস্তোৎপাদন করিতে পারে না। তাহাদের মধ্যে একটি বিশ্বাস যে-ভাবেই হোক, দৃঢ়মূল হইয়াছে যে, তাহাদের প্রতিবেশী গোষ্ঠী (Community)-কে অতর্কিতে কোন সময় আক্রমণ করিয়া যদি তাহাদের মধ্য হইতে কয়েকটি নরমুণ্ড স্ফটিক্য করিয়া লইয়া আসিয়া তাহা ক্ষেতে পুতিয়া দিতে পারে, তবে তাহাদের প্রচুর শস্ত উৎপন্ন হইবে। কারণ, তাহাদের বিশ্বাস, মস্তিষ্কের মধ্যেই জীবনীশক্তি থাকে; সত্ত্বহীন মূণ্ডের মধ্য দিয়া ধরিত্রীর মধ্যে তাহা সঞ্চারিত করিয়া দিতে পারিলে ধরিত্রী শক্তিশালিনী হইয়া প্রচুর শস্তসম্পদ দান করিতে পারিবে; আহারের অভাব হইবে না। এই বিশ্বাসের বশবর্তী হইয়া ইহারা প্রত্যেকে প্রত্যেকের প্রতিবেশীকে অতর্কিতে আক্রমণ করিবার সুযোগ সন্ধান করিতে থাকে। কখন যে কাহার উপর আক্রমণ হইবে, তাহা পূর্ব হইতে কেহই বলিতে পারে না; সেজন্ত সর্বদাই প্রত্যেককে যেমন একদিক দিয়া আক্রমণ করিবার সুযোগ সন্ধান করিতে হয়, তেমনই আক্রমণ প্রতিরোধ করিবার জন্তও প্রস্তুত থাকিতে হয়। গ্রামের উচ্চতম অংশে মঞ্চ নির্মাণ করিয়া গ্রামবাসী প্রতিবেশীদিগের

গতিবিধি সর্বদা নিরীক্ষণ করে, আক্রমণের কোন লক্ষণ দেখিতে পাইলেই পূর্ব হইতে সকলকে সতর্ক করিয়া দেয়। তারপর দুই দলের সম্মুখ সংগ্রামে উভয়ই উভয় পক্ষের ছিন্নমুণ্ড অধিকার করিবার প্রয়াস পায়। নারীও এই সংগ্রামে পুরুষের সঙ্গে সমানভাবে যোগদান করে। স্ত্রীরাও নাগা সমাজকে প্রতি মুহূর্তেই যুদ্ধের জ্ঞান প্রস্তুত থাকিতে হয়। যখন যুদ্ধ হয় না, তখন যুদ্ধের মহড়া চলে। যুদ্ধের মহড়াই এই জাতির সামাজিক জীবনের একমাত্র সাংস্কৃতিক অঙ্গষ্ঠান বলিয়া জাতির নৃত্যগীতে যুদ্ধের সংস্কার অতি সহজেই প্রবেশ লাভ করিয়াছে। এই প্রকার গোষ্ঠী-জীবনের আত্মরক্ষার প্রয়োজনেই প্রত্যেক আদিম সমাজেই যুদ্ধ-নৃত্যের প্রথম উদ্ভব হইয়াছিল।

কিন্তু একথাও সত্য যে, সকল আদিম সমাজেই যুদ্ধের প্রয়োজন সমান ছিল না। সর্বদাই পারিপাশ্বিক অবস্থার উপর তাহা নির্ভর করিত। অর্থাৎ আদিম নাগা জাতির জীবনে গোষ্ঠী-সংগ্রাম যে পর্যায়ে গিয়া পৌঁছিয়াছিল, সমতল ভূমির অধিবাসী অধিকতর স্বচ্ছন্দ ও সহজ জীবনের অধিকারী আদিবাসীর জীবনে গোষ্ঠী-সংগ্রাম সে পর্যায়ে উঠিতে পারে নাই। ইহা কোন জাতি অপেক্ষা বিশেষ কোন জাতি যে বিশেষ প্রাকৃতিক পরিবেশের মধ্যে বাস করে, তাহার বিশেষত্বের উপরই নির্ভর করে। সেইজন্ম পার্বত্য অঞ্চলের অধিবাসী নাগা এবং আসামের সমতল ভূমির অধিবাসী মণিপুরী ইহারা উভয়ে মূলত একই জাতির বংশধর হওয়া সত্ত্বেও গোষ্ঠী-সংগ্রাম ইহাদের মধ্যে সমান পর্যায়ে পৌঁছিতে পারে নাই; সেই স্ত্রে যুদ্ধ-নৃত্যের সংস্কারও ইহাদের উভয়ের মধ্যে সমান নহে। বাংলাদেশের বিভিন্ন অঞ্চলও যে বিভিন্ন প্রকৃতির আদিবাসীর জীবনের উপকরণ দ্বারা গঠিত হইয়াছে, তাহাতেই ইহার বিভিন্ন অঞ্চলেই যুদ্ধ-নৃত্যেরও যে পরিচয় এখনও সন্ধান পাওয়া যায়, তাহা অভিন্ন প্রকৃতির হইয়া উঠিতে পারে নাই।

আদিম সমাজের গোষ্ঠী-সংগ্রামের প্রয়োজনীয়তায় যে যুদ্ধ-নৃত্য একদিন সমাজে রূপলাভ করিয়াছিল, তাহা পরবর্তী জীবনে সামন্ততন্ত্রের যুগে এক সম্পূর্ণ নূতন পরিচয় লাভ করিল। তখন গোষ্ঠীর আত্মরক্ষার প্রয়োজনে সংগ্রাম হইত না, বরং তাহার পরিবর্তে সামন্তরাজের বেতনভূক সৈন্যদের মধ্যে জীবিকার উপায় রূপে যুদ্ধের বৃত্তি গৃহীত হইত। একদিন যে বৃত্তি সামগ্রিক ভাবে সমাজ-জীবনের আত্মরক্ষার জন্ম সৃষ্টি হইয়াছিল, তাহাই পরবর্তী কালে

ব্যক্তি-জীবনের জীবিকা উপার্জনের উপায়রূপে পরিগণিত হইয়াছিল। স্মৃতরাং একদিন ইহার মধ্যে যে শক্তির পরিচয় প্রকাশ পাইয়াছিল, পরবর্তী কালে তাহা ইহার মধ্য হইতে দূর হইয়া গেল। আত্মরক্ষার উপায় যখন বিলাসের উপকরণরূপে গণ্য হয়, তখন তাহার মধ্যে যে সেই শক্তি থাকিতে পারে না, ইহা নিতান্ত স্বাভাবিক। সেইজন্য আদিম সমাজে যুদ্ধ এবং তাহার সম্পর্কিত যুদ্ধ-নৃত্যের যে স্থান, লোক-সমাজে তাহার সেই স্থান নহে। আদিম সমাজে যুদ্ধ-নৃত্য একটি সামাজিক আচার (ritual), ইহা সমগ্র সমাজেরই অবশ্য পালনীয় ধর্ম; কিন্তু লোক-সমাজে ইহা তাহা নহে, ইহাতে তাহা ব্যক্তির জীবিকা মাত্র। স্মৃতরাং যদিও যুদ্ধ-নৃত্যের মধ্যে একটি আদিম সংস্কার প্রচ্ছন্ন হইয়া আছে, তথাপি লোক-সমাজের অন্তর্ভুক্ত হইয়া ইহা সেই রূপ এবং শক্তি হইতে ভ্রষ্ট হইয়া নবতর পরিচয় লাভ করিয়াছে।

মধ্যযুগের বাংলার সামন্ত রাজগণ কেবলমাত্র যে বাঙ্গালী দ্বারাই তাহাদের সৈন্যবাহিনী গঠন করিতেন, তাহা নহে—সৈনিক বৃত্তি অবলম্বন করিয়া জীবিকা নির্বাহের উদ্দেশ্যে বাংলাদেশের বাহির হইতেও অনেক যোদ্ধাজাতি ভাগ্যান্বেষণে বাংলাদেশে আসিয়া সৈন্যদলভুক্ত হইত। তাহাদের পরিবার সামন্তরাজ প্রদত্ত ভূসম্পত্তি লাভ করিয়া অবশেষে বাংলাদেশেই স্থায়িভাবে বসবাস করিত। এইভাবে বহু অবাঙ্গালীয় ভারতীয় বাংলার মাটিতে মিশিয়া একাকার হইয়া গিয়াছে। এইভাবে কত রাজপুত, পাঠান, হিন্দুস্থানী যে বাঙ্গালীর রক্তে মিশিয়া গিয়াছে, তাহা আজ হিসাব করিয়াও বলিতে পারা যাইবে না। বাঙ্গালীর সঙ্গে এইভাবে একাকার হইবার ফলে ইহাদের যোদ্ধাচরিত্র পরবর্তীকালে সম্পূর্ণ বিলুপ্ত হইয়া গিয়াছে। তাহাদের মধ্যে যুদ্ধের কোন সংস্কারের আর কোনও পরিচয় অবশিষ্ট নাই। তবে কোন কোন সময় বাংলার সামন্ত রাজগণ বাংলাদেশেরই কোন কোন সম্প্রদায়ের লোককে সাধারণভাবে তাহাদের সৈন্যদলে স্থায়িভাবে নিযুক্ত করিতেন; এক সম্প্রদায়ের অন্তর্ভুক্ত লোক বলিয়া তাহারা একই স্থানে বাস করিত এবং এই সূত্রেই তাহারা একটি সংহত সমাজ-জীবনও গড়িয়া তুলিবার অবকাশ পাইত। ইহারা বাংলার বিভিন্ন অঞ্চলে বিভিন্ন সামন্তরাজের পদাতিক সৈন্যের কাজ করিত বলিয়া সাধারণভাবে পাইক বা পদাতিক বলিয়া পরিচিত হইত। পাইক :পদবী দ্বারা ইহাদের বৃত্তিগত পরিচয় প্রকাশ পাইলেও ইহাদের সম্প্রদায়গত পরিচয়ও ছিল।

ইহারাই যুদ্ধকাৰ্যের অবকাশে যে নৃত্যের অংশীলন করিত, তাহাতেই বাংলার যুদ্ধ-নৃত্যের কিছু নিদর্শন আজও পাওয়া যায়। এই সকল নৃত্য সম্প্রদায়গত-ভাবে গড়িয়া উঠে নাই, বরং বৃত্তিগতভাবেই গড়িয়া উঠিয়াছে; অর্থাৎ ভোম জাতীয় পাইক সৈন্তের নৃত্য ভোম-নৃত্য বলিয়া পরিচিত না হইয়া সাধারণভাবে পাইক-নৃত্য বা পদাতিক সৈন্তের নৃত্য বলিয়া পরিচিত হইয়াছে। এই পাইক-সৈন্তের একটি প্রধান ভাগ পশ্চিম বাংলায় এদেশের ভোম জাতির দ্বারা গঠিত হইলেও মেদিনীপুর, বাঁকুড়া, পুৰুলিয়া প্রভৃতি অঞ্চলে কোন কোন সময় আদিবাসী দ্বারাও গঠিত হইয়াছে। পুৰুলিয়া জিলা ক্ষুদ্র ক্ষুদ্র সামন্তরাজ্যের রাজ্য দ্বারা বিভক্ত ছিল এবং পার্বত্য ও অরণ্য অঞ্চলের সুযোগ লাভ করিয়া ইহারা পরস্পর সর্বদাই যুদ্ধবিগ্রহে লিপ্ত হইয়া থাকিত। সেইজন্য এই অঞ্চলে স্থায়ীভাবে সৈন্তদল রক্ষা করিবার দায়িত্ব সর্বাধিক ছিল। তাহার ফলে এই অঞ্চলের পাইক-নৃত্য বাংলার লোক-নৃত্যের মধ্যে একটি বিশিষ্ট পরিচয় লাভ করিয়াছে। বাঁকুড়া জিলার বিষ্ণুপুর এবং বীরভূম জিলার রাজনগরের সামন্ত রাজগণ ভোম, বাগ্দি এবং মাল সৈন্তদল রক্ষা করিতেন। ইহারা প্রত্যেকেই বাঙ্গালী হইলেও ইহাদের মধ্যে আদিম জীবনের সংস্কার অত্যন্ত প্রবল ছিল। বিশেষত পশ্চিম বাংলার সীমান্ত অঞ্চল রক্ষার দায়িত্ব সর্বদাই অত্যন্ত কঠিন ছিল; কারণ, এই পথেই বিভিন্ন আক্রমণকারী যেমন পাঠান, মোগল, বর্গী, আদিবাসী প্রভৃতি আসিয়া বারবার বাংলা দেশ আক্রমণ করিয়াছে। সেইজন্য এই অঞ্চলের সামন্তরাজগণ এক অতি শক্তিশালী স্থায়ী সৈন্তদল সর্বদাই রক্ষা করিতেন। সুতরাং এই অঞ্চল হইতেই বাংলার যুদ্ধ-নৃত্যের বিলীলমান কতকগুলি নিদর্শনের সন্ধান পাওয়া গিয়াছে। তাহাদের মধ্যে পাইক-নৃত্য ব্যতীতও রায়বেঁশে, ঢালী ও কাঠি-নৃত্য বিশেষভাবে উল্লেখযোগ্য।

পশ্চিম বাংলার ভোমজাতি দৈহিক শক্তি ও বীর্যের জন্য চিরদিনই খ্যাতিলাভ করিয়া আসিয়াছে। বাংলার সুপরিচিত এই ছেলেখেলার ছড়াটির মধ্যে একটি ভোম চতুরঙ্গের বর্ণনা শুনিতে পাওয়া যায়।

আগডুম বাগডুম ঘোড়াডুম সাজে।

বাঁঝ কাঁসর মৃদং বাজে ॥ ইত্যাদি

ইহার অর্থ: আগডুম অর্থাৎ অগ্রবর্তী ভোমসৈন্তদল, বাগডুম অর্থাৎ বাগ বা পার্শ্বরক্ষী ভোমসৈন্তদল এবং ঘোড়াডুম অর্থাৎ অশ্বরোহী ভোমসৈন্তদল সজ্জিত

হইল। পশ্চিম বাংলার সীমান্ত রক্ষার কার্যে ডোমসৈন্যগণই সর্বাপেক্ষা সাহসিকতার পরিচয় দেখাইয়া বাঙ্গালীর ধন, মান ও প্রাণ একদিন রক্ষা করিয়াছে। সেইজন্য বাঙ্গালী তাহার কাব্যে ও ছড়ায় ইহাদের বীরত্বের কাহিনী নানাভাবে কীর্তন করিয়াছে। মধ্যযুগের ধর্মমঙ্গল কাব্যে দেখিতে পাওয়া যায়, কেবলমাত্র ডোম পুরুষই নহে, ডোম রমণীগণও যুদ্ধক্ষেত্রে অসীম শৌর্গ-বীর্ষ ও সাহসিকতার পরিচয় দিয়া শত্রুর কবল হইতে দেশ রক্ষা করিয়াছে। ডোম জাতির একটি সংহত সমাজ-জীবন ছিল এবং বাংলার তথাকথিত নিম্নজাতির মধ্যে ডোমজাতির একটি সুস্পষ্ট সাংস্কৃতিক বৈশিষ্ট্য ছিল। একটি প্রাচীন ঐতিহ্যের ধারা অনুসরণ করিয়াই যে ইহার সমাজ-জীবনের বিকাশ হইয়াছিল, তাহা ‘বৌদ্ধ গান ও দোহা’ পাঠ করিলেও জানিতে পারা যায়। বিশেষত এই বীরজাতির প্রধান বৃত্তিই ছিল যুদ্ধ; স্মৃতরাং সেই স্মৃত্রেই যুদ্ধ-নৃত্যও ইহার সাংস্কৃতিক জীবনের স্বাভাবিক অঙ্গস্বরূপ ছিল বলিয়াই মনে হওয়া স্বাভাবিক। প্রকৃতপক্ষে ছিলও তাহাই। কিন্তু আজ যে তাহার ভিতর হইতে সেই সংস্কারের বিশেষ কিছু অস্তিত্ব অনুভব করা যায় না, তাহারও কতকগুলি কারণ আছে।

দেশে ইংরেজ অধিকার স্থাপিত হইবার পর দেশের আভ্যন্তরিক শান্তি রক্ষার ভার যখন ইংরেজ সরকার নিজের হাতে গ্রহণ করিলেন, তখন সামন্তরাজ-দিগের পাইক-সৈন্যদল স্বভাবতই ভাঙ্গিয়া গেল। কিন্তু যে এক বিপুল জনসংখ্যা দীর্ঘকাল যাবৎ অসি ধারণ করিয়া কেবলমাত্র বীর্যবত্তা ও সাহসিকতারই অনুশীলন করিয়াছে, তাহা সহসা একদিনে ভাঙ্গিয়া যাইবার পর ইহাদের নূতন অঙ্গরূপ আর কোন বৃত্তির ব্যবস্থা হইল না; ইংরেজ সরকার ইহাদিগকে নিজেদের সৈন্যদলে গ্রহণ করিলেন না। তাহার ফলে ইহার কর্মহীন হইয়া জীবিকার উপায় হইতে বঞ্চিত হইল। তাহারা যে-হাতে অসি ধারণ করিয়াছিল, সেই হাতে আর লাঙ্গল ধারণ করিয়া কৃষক সাজিতে পারিল না। নূতন করিয়া জীবনে কেহ কৃষক সাজিতে পারে না। সেইজন্য জীবিকার প্রয়োজনে তাহাদিগকে অসঙ্গত উপায় অবলম্বন করিতে হইল। দেশে ডাকাতির সংখ্যা বৃদ্ধি পাইল। ইংরেজ সরকার মনে করিলেন, ইহারাই এই সকল কার্যের সঙ্গে লিপ্ত; অচিরেই ইহাদিগকে আইন দ্বারা Criminal Tribe (অপরাধপ্রবণ জাতি) বলিয়া ঘোষণা করিয়া দিলেন, নানাভাবে

তদানীন্তন সরকার ইহাদের গতিবিধি নিয়ন্ত্রণ করিলেন ; ক্রমে ইহাদের উপর অত্যাচারের মাত্রা বাড়িতে লাগিল। অগত্যা ইহারা দেশত্যাগ করিয়া পার্শ্ববর্তী প্রদেশসমূহ, যেমন ছোটনাগপুর, উড়িষ্যা, উড়িষ্যার নানা ক্ষুদ্র ক্ষুদ্র সামন্ত রাজ্য ইহাদের মধ্যে ছড়াইয়া পড়িতে লাগিল ; তাহাদের সামাজিক সংহতি বিনষ্ট হইল, ক্রমে তাহাদের বিশিষ্ট সাংস্কৃতিক জীবনের সকল পরিচয়ই লুপ্ত হইতে লাগিল। বাংলার প্রায় সকল অঞ্চলেই ক্ষুদ্র ক্ষুদ্র যোদ্ধা-সম্প্রদায় সম্পর্কেই প্রায় অম্লরূপ অবস্থার সৃষ্টি হইয়াছিল ; সেইজন্য বাংলার অগ্রাগ্র লোক-নৃত্যের যে পরিচয় আজ প্রকাশ পাক না কেন, যুদ্ধ-নৃত্য সম্পর্কে তাহাতে সুস্পষ্ট পরিচয়ের সন্ধান পাওয়া অনেক সময় কঠিন হইয়া পড়িয়াছে।

পশ্চিম বাংলার সকল উৎসব-পার্বণে এখনও ডোমজাতি যে ঢাক বাজাইয়া থাকে, সেই ঢাক যুদ্ধবাণেরই একটি অঙ্গ ছিল। ডোমজাতি ব্যতীত অগ্র কোন জাতি এই অঞ্চলে ঢাক বাজাইতে পারে না, সেই শিক্ষা অগ্র কাহারও নাই। সুতরাং ডোমজাতির সঙ্গে যুদ্ধকর্ম এবং তাহার সম্পর্কিত সকল আচরণই জড়িত ছিল। এই অঞ্চলে ডোম-নৃত্য বলিয়া কোন বিষয় না থাকিলেও, যে পাইক ও ঢালী-নৃত্য দেখিতে পাওয়া যায়, তাহাতে ডোমজাতিই প্রধানত অংশ গ্রহণ করিয়া থাকে। ঢালী কোন সম্প্রদায়সূচক শব্দ নহে—যুদ্ধকালীন যে ঢাল (shield) ব্যবহৃত হইয়া থাকে, তাহা ধারণ করিয়া অর্থাৎ পূর্ণাঙ্গ যুদ্ধসজ্জা গ্রহণ করিয়া যে নৃত্যের অনুষ্ঠান হইয়া থাকে, তাহাকে ঢালী নৃত্য বলে। ঢালী-নৃত্য যুদ্ধসজ্জায় সজ্জিত পদাতিক সৈন্যের নৃত্য, ইহার ঢাক (war drum)-বাণ্ডকর ডোম, ইহাতে অংশ গ্রহণকারীও প্রধানত ডোম তারপর বাগদি ও মাল, তারপর অগ্রাগ্র জাতি। রায়বেঁশে ও কাঠি-নৃত্যও এই যুদ্ধ-নৃত্যেরই পর্যায়ভুক্ত। রায়বেঁশে-নৃত্য প্রকৃত পক্ষে লাঠি-নৃত্য। বঙ্কিমচন্দ্র তাঁহার ‘দেবী চৌধুরাণী’তে, যে লাঠির জয়গান করিয়াছেন, ইহা সেই লাঠি। রায়বাঁশ নামক বিশেষ এক শ্রেণীর শক্ত বাঁশ দ্বারা এই লাঠি নির্মিত হইত বলিয়া ইহা হাতে লইয়া যে নৃত্যের অনুষ্ঠান হইয়া থাকে, তাহাকেই রায়বেঁশে-নৃত্য বলে। কাঠি-নৃত্যও ইহারই অন্তর্ভুক্ত ; কারণ, কাঠি (stick) বা বাহা হাতে লইয়া কাঠি-নৃত্যের অনুষ্ঠান হইয়া থাকে, তাহাও লাঠিরই একটি অধঃপতিত (degenerated) রূপ।

যুদ্ধ-নৃত্য প্রধানত সমবেত-নৃত্য—একক নৃত্য নহে ; কারণ, ইহা সৈন্যদলের নৃত্য, ব্যক্তিবিশেষের একক অহুষ্ঠান নহে। পাইক, ঢালী, রায়বেঁশে কিংবা কাঠি-নৃত্য প্রত্যেকটিই সমবেত-নৃত্য, ইহাদের একক কোন পরিচয় নাই। পাইকের একক নৃত্য দেখিতে পাওয়া যায় না, দেখিতে পাওয়া যাইবার কথাও নহে। তবে পূর্ব বাংলায় লাঠিখেলা নামক যে অহুষ্ঠান দেখা যায়, তাহা লাঠি-নৃত্য। লাঠি-নৃত্য যেমন একক-নৃত্য হইতে পারে, তেমনই যুগ্ম-নৃত্যও হইতে পারে। যুদ্ধ-নৃত্যের ক্ষেত্রে ইহার সাধারণ নিয়মের ব্যতিক্রম বলিয়াই মনে হয়।

যুদ্ধ-নৃত্য বর্তমান বাংলার লোক-সমাজের মধ্যে নানাভাবে আত্মগোপন করিয়া আছে। মুখোস-নাচ সম্পর্কিত আলোচনায় বলিয়াছি যে, পুরুলিয়ার ছো-নাচ যুদ্ধ-নৃত্যেরই একটি অবশেষ মাত্র—যুদ্ধই প্রধানত ইহার বিষয় এবং পৌরাণিক ও লৌকিক কাহিনীর মধ্যে মধ্যে যে সকল অংশে যুদ্ধের অহুষ্ঠান আছে, তাহাই কেবল ছো-নাচের মধ্য দিয়া রূপায়িত হইয়া থাকে, সাধারণত গীতিশূলভ কোন বিষয়ই ছো-নাচের মধ্য দিয়া রূপায়িত হয় না। সমাজে প্রকৃত যুদ্ধের কার্য লুপ্ত হইয়া যাইবার সঙ্গে সঙ্গেই যুদ্ধের সংস্কার লুপ্ত হইয়া যাইতে পারে না, সাংস্কৃতিক জীবনের নানারূপের মধ্য দিয়া তাহা বিচিত্ররূপে আত্মপ্রকাশ করিয়া থাকে। ছো-নাচের মধ্য দিয়া তাহারই একটি রূপ প্রকাশ পাইয়াছে।

অনেক সময় ব্রত-নৃত্যের ভিতর দিয়া যুদ্ধ-নৃত্যের কোন কোন রূপ আত্মরক্ষা করিয়া থাকে। এই সম্পর্কে বীরভূম জিলার ভাঁজো-নৃত্য এবং পুরুলিয়া জিলার জাওয়া-নৃত্যের কথা উল্লেখ করিতে হয়। ভাঁজো-নৃত্য নৃত্যের ভিতর দিয়া একটি কৃত্রিম যুদ্ধের (mock fight) অহুষ্ঠান হইয়া থাকে। একদল যুবক সারি বাঁধিয়া একদল যুবতীর সম্মুখে দাঁড়ায়। তারপর একটি বালিস্ত্রপের দিকে একদল নৃত্য করিতে করিতে অগ্রসর হইয়া যায়, পুনরায় পশ্চাতে ফিরিয়া আসে—এইভাবে একদল নৃত্য করিতে করিতে যখন সম্মুখে অগ্রসর হয়, তখন আর একদল নৃত্য করিতে করিতে পশ্চাৎ অপসরণ করিতে থাকে। ভাঁজোর বালি অধিকার লইয়া এই ‘কপট সংগ্রামের’ অভিনয় হয়। পুরুলিয়া জিলায় ইহার রূপটি সামান্য একটু স্বতন্ত্র। সেখানে নৃত্য বা ‘সংগ্রামশীল’ উভয় দলই যুবতী দ্বারা গঠিত, যুবকেরা দূরে দাঁড়াইয়া তাহা দর্শন করে মাত্র।

রাবণ-কাটা নৃত্য

বিষ্ণুপুরের মল্লরাজদিগের প্রবর্তিত একটি উৎসবের নাম রাবণ-কাটা নৃত্যোৎসব। রাবণের মূর্তি নির্মাণ করিয়া তাহাতে কাষ্ঠনির্মিত দশমুণ্ডের মুখোস পরাইয়া দেওয়া হয়। দুর্গাপূজার পর দ্বাদশী তিথিতে অমুষ্ঠিত এই উৎসবে রামায়ণের বিভিন্ন চরিত্র প্রধানত হনুমান এবং জাম্ববান সাজিয়া নৃত্য করা হইত। হনুমান মুক্তিকানির্মিত বিরাট রাবণের মূর্তিকে দ্বিখণ্ডিত করিত। নৃত্যের ভিতর দিয়া সমগ্র অমুষ্ঠানটি উদ্‌ঘাপন করা হইত। এখনও ইহার কিছু অবশেষ রহিয়াছে।

রায় বেঁশে

বাংলাদেশের বিলুপ্ত প্রায় এক শ্রেণীর যুদ্ধ নৃত্যের নাম রায় বেঁশে। এই নৃত্যে বিশেষ এক শ্রেণী বাঁশ লাঠিরূপে ব্যবহৃত হয়, বাঁশের নাম রায় বাঁশ, সেই জন্ত নৃত্যের নাম রায় বেঁশে বা রায় বাঁশিয়া। ইহা প্রধানত সামন্তরাজদিগের পাইকদিগের নৃত্য। এক হাতে লম্বা লাঠি আর এক হাতে ঢাল লইয়া নগ্ন গায়ে পাইকদিগের সমবেত নৃত্যের অমুষ্ঠান হইয়া থাকে। ঢাকের বাজের তালে তালে এই নৃত্য হয়, ইহাতে কোন সঙ্গীত নাই। মধ্যে মধ্যে নৃত্যকারীদিগের মুখ হইতে উচ্চ চীৎকার (yell) শুনিতে পাওয়া যায় মাত্র। বাংলার পশ্চিম সীমান্ত অঞ্চলে এই নৃত্যের কিছুদিন পূর্বেও প্রচলন ছিল।

শব্দখেলা নৃত্য

মুর্শিদাবাদ জেলার কান্দী মহকুমায় চৈত্র সংক্রান্তির গাজনের সময় সন্ন্যাসীরা এক বীভৎস আচার পালন করিত; শ্মশান-হইতে মৃতদেহ সংগ্রহ করিয়া, কিংবা শববাহকদিগের নিকট হইতে শবদেহ কাড়িয়া লইয়া তাহা লইয়া নৃত্য করিত। বাঁশের মধ্যে মৃতদেহ বুলাইয়া তাহার দুই দিক কাঁধে লইয়া ঢাক বাজের তালে তালে এই বীভৎস আচার-নৃত্যের অমুষ্ঠান হইত। সরকারের হস্তক্ষেপের ফলে তাহা লুপ্ত হইয়াছে।

সঙের নৃত্য

নানা শোভাযাত্রায় সঙ সাজিয়া একক, যুগ্ম এবং সমবেত নৃত্যের প্রথা প্রায় সর্বত্রই প্রচলিত আছে। গাজনে শিব গৌরী ভূত প্রেতের সঙ সাজিয়া নৃত্য

করা হয়। ঢাকার ইতিহাস-প্রসিদ্ধ জন্মাষ্টমী শোভাযাত্রায় ভাগবতের নানা বিষয় অবলম্বন করিয়া সঙ সাজিবার রীতি ছিল। তাহাদের নৃত্য বিশেষত্বপূর্ণ ছিল। কলিকাতার জেলে পাড়া সঙয়ের নৃত্য কৌতুককর ছিল। অধিকাংশ ক্ষেত্রেই সঙয়ের নৃত্যের উদ্দেশ্য কৌতুক সৃষ্টি, কিন্তু একমাত্র ঢাকার জন্মাষ্টমী শোভাযাত্রার সঙই গুরুত্বপূর্ণ পৌরাণিক বিষয়-বস্তুরই রূপদান করিত। যেমন শ্রীকৃষ্ণের জন্মোপলক্ষে নন্দালয়ে গোপগণের আনন্দ প্রকাশ বিষয়ক সঙের নৃত্য গোপের বেশ ধরিয়া অন্তত ২৫০ জন পুরুষ সারিবদ্ধভাবে নাচিতে নাচিতে শোভাযাত্রার সঙ্গে সঙ্গে অগ্রসর হইয়া যাইত। নৃত্যের সঙ্গে সঙ্গে উচ্চ বাগ্মসহ সঙ্গীত হইত। পুরুষের নৃত্য এবং উল্লাসের অভিব্যক্তি ইহার অভিপ্রায় থাকিত বলিয়া তাহা অনেক সময় উদ্দাম হইয়া উঠিত। ক্ষুদ্র ক্ষুদ্র এই প্রকার বহু নৃত্যের দল সৃষ্টি হইত এবং তাহা বিরাট শোভাযাত্রার অন্তর্নিবিষ্ট হইত। ক্রমে সঙের নৃত্য গুরুত্বপূর্ণ বিষয় পরিত্যাগ করিয়া লঘু ব্যঙ্গাত্মক বিষয় অবলম্বন করিল। কলিকাতার জেলেপাড়ার সঙ ও তাহার নৃত্য তাহার নিদর্শন। তখনই ইহার বিনাশ অনিবার্য হইয়া উঠিল। কিন্তু ঢাকার জন্মাষ্টমী শোভাযাত্রার সঙ শেষ পর্যন্তও কোন লঘু ব্যঙ্গাত্মক বিষয়কে নৃত্যের মধ্যে স্থান দেয় নাই।

লেটো নৃত্য

বীরভূম অঞ্চলের লোক-সঙ্গীত রূপে যে লেটো গানের উল্লেখ করা হইয়াছে, (পূর্বে দেখ), তাহা নৃত্য সহযোগে অমুষ্ঠিত হয়, তাহাকেই লেটো নৃত্য বলে। ইহাতে নারীর বেশ ধারণ করিয়া পুরুষ নৃত্য করে। বৎসরের যে কোন সময় লেটো নৃত্য ও লেটো গান হইতে পারে। পূর্বেই উল্লেখ করিয়াছি, নৃত্য শব্দটি হইতে লেটো শব্দের উদ্ভব হইয়া থাকিবে, সেইজন্ম ইহাতে নৃত্য অপরিহার্য রূপে দেখা যায়।

সারি নৃত্য

লোক-নৃত্যকে সাধারণত দুইটি প্রধান ভাগে ভাগ করা যায়, যেমন সারি নৃত্য ও একক নৃত্য। ইংরেজি 'গ্রুপ ডান্স' (group dance) কথাটিকেই সারি নৃত্য বলিয়া বাংলায় উল্লেখ করা যাইতে পারে। কিন্তু তাহা সবেও ইহার মধ্যে কতকটা অস্পষ্টতা থাকিয়া যায়। সারি নৃত্য বলিলেই হয়ত কেহ সারিবদ্ধ ভাবে দাঁড়াইয়া বহু সংখ্যক নরনারীর নৃত্য মনে করিতে পারেন ;

কিন্তু ইংরেজি ‘গ্রুপ ডান্স’ কথার অর্থ তাহা নহে ; ইহাতে সারিবদ্ধ ভাবে না দাঁড়াইয়াও অর্থাৎ এলোমেলো দাঁড়াইয়া ক্ষুদ্র জনতার যে নৃত্য, তাহা বুঝাইতে পারে। বাংলায় এই ভাবটি গোষ্ঠীনৃত্য শব্দ দ্বারাও প্রকাশ করা যাইতে পারে। কিন্তু গোষ্ঠীনৃত্য কথাটি বাংলায় অপরিচিত, বরং সমবেত কণ্ঠে যে লোক-সঙ্গীত গীত হয়, তাহা সারি গান বলিয়া পরিচিত, সুতরাং সেই সূত্রে এই অর্থে নৃত্য কথাটি ব্যবহার করা যায়। ইংরেজী ‘সোলো ডান্স’ (solo dance) শব্দটিকেই একক নৃত্য বলিয়া বাংলায় অভিহিত করা যায়; ইহার অর্থ পরিগ্রহ করিতে কোন বেগ পাইতে হয় না।

গভীরভাবে অন্বেষণ করিলে বুঝিতে পারা যাইবে যে, গোষ্ঠী বা সারি নৃত্যই সমাজে প্রথম উদ্ভূত হইয়াছিল, ক্রমে সমাজের অগ্রগতির সঙ্গে সঙ্গে ব্যক্তির প্রতিভাও যখন সমাজে স্বীকৃতি লাভ করিতে আরম্ভ করিল, তখনই প্রকৃতপক্ষে একক নৃত্যের প্রচলন আরম্ভ হইল। একথা অনেকেই মনে করিয়া থাকেন যে, সাংস্কৃতিক সকল উপকরণ প্রথমত গোষ্ঠীজীবন হইতে সামগ্রিক ভাবেই বিকাশ লাভ করিয়াছে। এইভাবে লোক-সাহিত্যও যেমন গোষ্ঠীরই সৃষ্টি, লোক-নৃত্যও তেমনই গোষ্ঠীগত ভাবেই উদ্ভূত হইয়াছে। কিন্তু আবার কেহ কেহ মনে করেন যে, নৃত্যের সম্পর্কে একথা সকল সময় বলা যায় না। দৃষ্টান্ত স্বরূপ বলা যায় যে, ঐন্দ্রজালিক ক্রিয়া নিষ্পন্ন করিবার উদ্দেশ্যে আদিম সমাজের পুরোহিত বা ওবাগণ অনেক সময় যে নৃত্যের অন্বেষণ করিত, তাহা অনেক সময়ই একক নৃত্যই ছিল, তাহা সারি নৃত্য ছিল না। অথচ ঐন্দ্রজালিক ক্রিয়া সম্পন্ন করিবার জন্তই আদিম সমাজে নৃত্যের প্রথম প্রচলন হইয়াছিল বলিয়া মনে হওয়া স্বাভাবিক। এই উভয় মতবাদের পক্ষে এবং বিপক্ষে সমান যুক্তি আছে ; সুতরাং এ বিষয়ে কোন মতবাদই চূড়ান্ত বলিয়া গ্রহণ করা যাইতে পারে না। তবে একথা সত্য, ঐন্দ্রজালিক (magical) ক্রিয়া নিষ্পন্ন করিবার জন্ত যে সকল নৃত্যের আজ পর্যন্তও সন্ধান পাওয়া যায়, তাহাদের প্রত্যেকটিই যে একক নৃত্য, তাহা নহে। এমন কি, -উত্তর বঙ্গ অঞ্চলের কোচ কৃষক রমণীদিগের মধ্যেও অনাবৃষ্টি দূর করিবার উদ্দেশ্যে ‘হুতুম দেও’ নামক দেবতাকে প্রসন্ন করিবার জন্ত যে নৃত্য প্রচলিত ছিল, তাহা সমবেত অর্থাৎ সারি নৃত্য, ব্যক্তিবিশেষের একক নৃত্য নহে। যশোহরের পল্লী অঞ্চলে প্রচলিত শীতলা কিংবা গুজরাটের গরবা নৃত্যেরও যে ঐন্দ্রজালিক

উদ্দেশ্য আছে, তাহা সত্য। ইহাদের প্রত্যেকটিই সমবেত নৃত্য। তবে যে সমাজে ওঝার প্রভাব যত বেশী, সেই সমাজেই একক নৃত্যের প্রভাব তত বেশী। আদিম সমাজেও ওঝার প্রভাব-বহির্ভূত ক্ষেত্রে একক নৃত্য অপেক্ষা সারি নৃত্যের প্রভাবই অধিক অমুভূত হয়।

একক নৃত্য কেবলমাত্র যেমন ওঝা শ্রেণীর পুরুষের হইতে পারে, তেমনই কেবলমাত্র নারীরও হইতে পারে। ইহার কারণ, নারীও ওঝার স্থান গ্রহণ করিতে পারে। উড়িষ্যার কোরাপুট জেলার গুণপুর তালুকের অধিবাসী আদিম জাতির মধ্যে নারীই ওঝার কাজ গ্রহণ করিয়া একক ঐন্দ্রজালিক (magical) নৃত্যের অমুষ্ঠান করিয়া থাকে। বাংলাদেশের উত্তর-পূর্ব সীমান্ত অঞ্চলের অধিবাসী গারো ও খাসি জাতির মধ্যেও এই প্রথাটির অস্তিত্ব আছে। আদিম কৃষিজীবী সমাজে নারীরই কর্তৃত্ব প্রকাশ পাইয়া থাকে; সেই সূত্রে মনে হয়, বাংলাদেশেরও সাংস্কৃতিক জীবনের ভিত্তিমূলে নারীর একটি বিশেষ অধিকার স্বীকৃত হইত, তাহার ফলে নারী ওঝার কিংবা পুরোহিতের স্থান গ্রহণ করিয়াছিল। অতএব নারীর একক ঐন্দ্রজালিক নৃত্যও এদেশে অপ্ৰচলিত ছিল না। এখনও বাংলার সমাজ-জীবনের মধ্যে ইহার পরিচয় নানাভাবে প্রকাশ পাইয়া থাকে। ওঝা কিংবা আদিম সমাজের পুরোহিতের ঐন্দ্রজালিক নৃত্য ক্রমে ইহার অলৌকিক লক্ষ্য ভ্রষ্ট হইয়া প্রত্যেক সমাজেই অলৌকিক উদ্দেশ্য নিরপেক্ষ কেবলমাত্র আনন্দদায়ক (secular) নৃত্যামুষ্ঠানে পরিণত হইয়াছে। বাংলাদেশেও তাহার ব্যতিক্রম হয় নাই।

সারি নৃত্যের মধ্যে কেবলমাত্র পুরুষের যেমন সারি নৃত্য হইতে পারে, নারীরও সারি নৃত্য হইতে পারে।

সারি নৃত্যের মধ্যে মিশ্র সারি নৃত্যই সর্বপ্রথম উদ্ভূত হইয়াছে বলিয়া মনে হইতে পারে; কিন্তু প্রকৃত পক্ষে তাহার সম্পূর্ণ বিপরীত হওয়াও কিছুই অসম্ভব নহে। ঐন্দ্রজালিক চেতনা হইতেই যদি নৃত্যের উদ্ভব হইয়া থাকে, তবে সারি নৃত্যও তাহা হইতেই উদ্ভূত বলিয়া মনে হইতে পারে। যদি তাহাই হয়, তবে নৃত্যের ক্ষেত্রে নারী ও পুরুষের পারস্পরিক স্বাভাবিক প্রথম হইতেই রক্ষা হওয়া স্বাভাবিক। সুতরাং পুরুষের সারি নৃত্য এবং নারীর সারি নৃত্য, তাহাও যে পরস্পর স্বাধীনভাবে উদ্ভূত হইয়াছে এবং ক্রমে সমাজ-জীবনের ক্রমবিকাশের ধারায় যখন নারী ও পুরুষের সর্বক্ষেত্রে সমান অধিকার স্বীকৃত

হইয়াছে, তখনই মিশ্র নৃত্যের প্রচলন হইয়াছে, তাহা মনে হইতে পারে। সর্ববিধ সামাজিক অস্থিানে নারীর সহজভাবে পুরুষের সঙ্গে যোগদানের নিদর্শন কেবলমাত্র কতকটা অগ্রসর সমাজেই সম্ভব হইয়াছে, আদিম সমাজে তাহা সম্ভব হয় নাই। সেইজন্ত এখন পর্যন্ত ভারতবর্ষেও যে সকল আদিবাসী সমাজ প্রাচীনতর সমাজ-জীবনের ধারা অনুসরণ করিয়া চলিতেছে, তাহাদের মধ্যে মিশ্র সারি নৃত্যের প্রচলন দেখা যায় না। দৃষ্টান্ত স্বরূপ উল্লেখ করা যায় যে, আসামের আদিম নাগা সমাজে মিশ্র সারি নৃত্য নাই, অথচ মণিপুরী সমাজে তাহা আছে। আদিম নাগাজাতি তাহাদের উপজাতীয় ঐতিহ্যের ধারা অনুসরণ করিয়া চলিয়াছে বলিয়াই সেখানে মিশ্র সারি নৃত্যের প্রচলন সম্ভব হয় নাই; কিন্তু মণিপুরী সমাজ আদিম নাগা জাতিরই একটি শাখা হওয়া সত্ত্বেও ব্রহ্মদেশীয় সাংস্কৃতিক জীবনের প্রভাববশতই হউক, কিংবা অথবা যে কোন কারণেই হউক, দীর্ঘকাল ধরিয়াই মিশ্র সারি নৃত্যের অস্থান করিতেছে। কিন্তু বর্তমানে ইহার উপর নানাদিক হইতে পাশ্চাত্য ও বৃহত্তর ভারতীয় সংস্কৃতির প্রভাব স্থাপিত হইতে আরম্ভ করিয়াছে। তাহার ফলে দেখা যাইতেছে, তাহাতে পুনরায় মিশ্র সারি নৃত্যের প্রভাব লুপ্ত হইতেছে। এমন কি, সুপ্রসিদ্ধ মণিপুরী রাস নৃত্যের মধ্যেও ত্রীকৃষ্ণের ভূমিকায় বর্তমানে যে নৃত্য করিয়া থাকে, সেও পুরুষবেশী নারীই হইয়া থাকে। ইহা নাগাজাতির আদিম সংস্কারের প্রভাবজাত নহে, বরং স্বতন্ত্র এক সংস্কৃতির প্রভাবের ফল বলিয়াই স্বীকার করিতে হয়। ছোটনাগপুর এবং মধ্যভারতের অধিবাসী প্রায় কোন উপজাতির মধ্যেই মিশ্র সারি নৃত্য আজও দেখিতে পাওয়া যায় না। ইহা পাশ্চাত্য কিংবা ভারতীয় সংস্কৃতির প্রভাব জাত নহে, বরং মৌলিক আদিম সংস্কৃতিরই প্রভাবজাত। কারণ, এখনও এই অঞ্চলে নৃত্যের একটা সামাজিক আচারগত (ritual) মূল্য সম্পূর্ণ অস্বীকার করা হয় না। প্রত্যেক নৃত্যের সঙ্গেই এক একটি আচারগত উদ্দেশ্য জড়িত হইয়া থাকে, কোনদিক দিয়া নৃতন কোন উপকরণ কিংবা আঙ্গিক ইহার মধ্যে প্রবেশ করিলে ইহার আচারগত উদ্দেশ্য সার্থক হয় না, এই বিশ্বাস হইতেই আদিবাসীর জীবনে দীর্ঘকাল ধরিয়া নৃত্যের রূপ কিংবা প্রয়োগ-পদ্ধতির শৈথিল্য দেখা দিতে পারে নাই। কেবলমাত্র বর্তমান ব্যবহারিক উদ্দেশ্যে এই সকল অরণ্যচারী আদিবাসী এখন রাজধানীতে নিমন্ত্রিত হইয়া নৃত্যস্থান দেখাইতে বাধ্য হয়, তখন

তাহাদের রূপ এবং আঙ্গিকে পরিবর্তন দেখা যায় ; সুতরাং তাহা আদিবাসীর নৃত্য বলিয়া গণ্য করা যাইতে পারে না । আদিবাসী কিংবা লোক-নৃত্য মাত্রই সমাজ-জীবনে অন্তর্নিবিষ্ট (integrated) হইয়া থাকে ; সেই সমাজ কিংবা তাহার আচারনিরপেক্ষ কোন মূল্য নাই ; সামগ্রিক ভাবে সমাজ-দেহেই তাহাদের যথার্থ রূপ পরিস্ফুট হয় ; সুতরাং তাহা মধোই ইহাদের মূল্য বিচার করিবার প্রয়োজন হয় ।

বাংলার লোক-নৃত্যের মধ্যেও স্ত্রীপুরুষের মিশ্র সারিনৃত্য নাই । ইহা যে সর্বত্রই হিন্দু-মুসলমান কিংবা ইংরেজি শিক্ষার প্রভাবের ফল, তাহা নহে । অনেক সময়ই ইহা আদিম সমাজ-জীবনের সাংস্কৃতিক প্রভাবেরই ফল । এই উপলক্ষে বাংলার ভাঁজো নৃত্যের উল্লেখ করা যায় । বর্ধমান ও বীরভূম জেলায় এই নৃত্য প্রচলিত আছে, তাহার বিশেষত্ব এই যে স্ত্রী পুরুষ মিলিয়া এই নৃত্যের অনুষ্ঠান করিলেও, তাহা মিশ্র সারি নৃত্য বা mixed dance বলিতে যাহা বুঝায়, ইহা তাহা নহে । কারণ, পুরুষ এবং নারী ইহাতে দুইটি স্বতন্ত্র সারিতে বিভক্ত হইয়া পরস্পর মুখোমুখী হইয়া দাঁড়ায়, একদল নৃত্য করিয়া কিছুদূর আগাইয়া যায়, তারপর নৃত্য করিতে করিতে পিছু হটিয়া আসে, তখন আর একদল অনুরূপ ভাবে নৃত্য করিতে করিতে প্রথমত আগাইয়া যায়, তারপর পিছাইয়া আসে, ইহাতে পুরুষ এবং নারী পরস্পরকে স্পর্শ করে না । ছোট-নাগপুর এবং মধ্য প্রদেশের সমগ্র আদিবাসী অঞ্চলের নৃত্যই প্রায় এই রূপ ।

হুতুম দেও নৃত্য

উত্তর বাংলার একটি মেয়েলী ঐন্দ্রজালিক নৃত্যের নাম হুতুম দেও নৃত্য । অনাবৃষ্টির সময় এই নৃত্যের অনুষ্ঠান হইয়া থাকে । গভীর রাত্রে গৃহস্থ বধূগণ অন্তর দৃষ্টির অন্তরালে এই নৃত্যের অনুষ্ঠান করিয়া থাকেন । শুনিতে পাওয়া যায়, ঐন্দ্রজালিক উদ্দেশ্যে বিবস্ত্র হইয়া নারীগণ এই নৃত্য করেন ।

